

უკვლავებს



დადავ! ისმინე ქართველის ვედრება: ქართული
ლიბრთეკა
 ისე აღზარდე შენ შვილის სული,
 რომ წინ გაუძღვეს ჭაშმარტება,
 უკან ჰრჩეს კვალი განათებული.

ილია

შენ იმ ხს

ქობულა გონიერა,
 სუფთა სურვილით

მ. მ. მ. მ.

5.05.98წ.

K-



سازمان اسناد و کتابخانه ملی
جمهوری اسلامی ایران



შთავარი რედაქტორი
აკაკი სინარულიძე

სარედაქციო კოლეგია
ჯუმბერ თითქერია
მამუკა ინასარიძე
ნარგიზა ლომთაძე

Y 289.909

სრულიად საქართველოს
კათოლიკოს - პატრიარქი



CATHOLICOS-PATRIARCH
OF ALL GEORGIA

ამ ბოლო დროს საქართველოს ტერიტორიული მთლიანობის დაცვა ძრავალი მამულიშვილი შეეწირა.

ეს ვაჟკაცები ჩვენს ისტორიაში შევლენ საქართველოსათვის თავგანწირულ გმირებად, ხოლო სულნი მათნი მიემატა საქართველოს სულიერ მხედრიონთა რიცხვს, რომელნიც ღვთის წინაშე ლოცვით კვლავ იცავენ ჩვენს სამშობლოს.

უფალმა დალოცოს და დაამკვიდროს ისინი თვის ზეციურ სახანეთა შინა, სადაც ჩვენი დიდნი წინაპარნი განისვენებენ.

ღმერთმა დალოცოს საქართველოს ამ რჩეულ შვილთა მშობლები და ოჯახები.

სრულიად საქართველოს კათოლიკოს-პატრიარქი,
უწმინდესი და უნეტარესი

ილია II

1993 წელი

წიგანთქმა

შავი ღრუბელი ჩამოწვა ჩვენს წილ ქვეყნიერებაზე, დაიბინდა ჩვენი ბოჯა-
წყალი, ძმამ ძმას ზურგი შეუბრუნა, სასიკვდილოდ გაიმეტა — ვადამთიელებსაც
უხმო და მოიშველია. ლამის სისხლისგან დაიცალოს საქართველო... მისი ვა-
დარჩენისთვის მებრძოლი ვაჟკაცების დაღვრილი სისხლი მოურჩენელ ტკივი-
ლად ამჩნევია თითოეულ ჩვენგანს.

„...მუშლი მუხასაო გარსა ეხვეოდაო, მუხა ხმებოდაო და არ კვდებოდაო“...
ოღითგანვე ეკვეთებოდნენ მტერს ერთი ასზე მისული ქართველები. მათი შეუ-
პოურობა, შეუღრეკლობა და სიმტკიცე უკან ახევიანებდა მომხდურს და მოძა-
ლადეს.

უკვდავება დაანათლა ჩვენს ერს წმიდა ნინოს ჯვარმა ვაზისამ. ისიც
გვეხმარება გადარჩენაში.

მართლაც უკვდავია ერი, ასეთი განსაცდელის ჟამსაც რომ შეუძლია შეწ-
ყალება და თანადგომა. ერი, რომელმაც სიყვარული და სითბო უწილადა სხვა
ერთა შეილებს, მწედ და მეოხედ ექცა მათ.

უკვდავია ერი, რომლის მიწა-წყალს თავგამეტებით იცავდნენ ცხრა ძმა
ხერხეულიძე, სამასი არაგველი, კრწანისის, დიდგორის და სხვა დიდი ბრძოლე-
ბის გმირები.

უკვდავია ერი, რომლის ისტორიას აცისკროვნებს დავითისა და თამარის,
დიმიტრი თავდადებულის, გიორგი ბრწყინვალეს, ერეკლესა და სხვა სახელოვან
მამულიშვილთა ცხოვრების გზა.

უკვდავია ერი, რომელსაც აუგია ჯვარი, სვეტიცხოველი, ველათი, ნიკორ-
წმინდა, ალავერდი, ილორი... ზოგისთვის მარჯვენა მოუკვეთიათ, ზოგს თავი
ზვარაკად დაუღვია ძნელბედობის ჟამს, მაგრამ მაინც აუგია სამშობლოს სადი-
დებელი ხელთუქმნელი ძეგლი.

უკვდავია ერი, რომელსაც ყოველთვის ასულდგმულებდა იმედი, სამკვდრო-
სასიცოცხლო ბრძოლების ჟამსაც წონასწორობას არ კარგავდა, მომხდურს ვაჟ-
კაცურად ერკინებოდა და ამარცხებდა კიდეც.

ბედნიერია ერი, რომელსაც დღესაც ჰყავს დიდებული საგმირო ტრადიცი-
ებით ნასაზრდოვეები შეილები. სამშობლო გინმობთ, ბიჭებო! — ეს შეძახილი
გადაწვდა სრულიად საქართველოს და სახალხო ლაშქარში ჩაღდა მთელი ქვე-
ყანა.

„...ნუ დაიდარდებ, დედაო, მალე დაგიბრუნდები... წინ დიდი ბრძოლები
გველის: შეემუსრავთ მტერს, მერე რომ ჩამოვალ, შენს კალთაში ჩავრგავ
ცაგს და დიდხანს, დიდხანს ვიძინებ, შენ კი, როგორც ბავშუბისას... მიმღერებ
იავნანას“...

მეორე დღეს მტრის ტყვიამ განგმირა, ვეღარ აუხდა ნატვრა და სურვილი ალბათ, მის საფლავზე დამხობილმა დათაღხულმა დედამ სამარეს ჩასძახა მწარე იავენანა, აუხდინა საწადელი ერთადერთ პირმშოს. ეს გულდათუთქელი ნანა მთელმა საქართველომ გაიგო, მთელმა საქართველომ დაიტორა ბრძოლის დასრულებამ და ცემულნი — თითოეული და ყველა ერთად.

მუდამ ემახსოვრება ხალხს თავისი ღიმილის ბიჭები. მათმა მარჯვენამ, გონმა და ზნეობამ კიდევ ერთხელ საქვეყნოდ გამოაჩინა ჩვენი ხალხის სულაის სიმამლე, ვაჟკაცური შემართება, შეუპოვრობა და დაუმორჩილებლობა.

ეს წიგნი საქართველოს ტერიტორიული მთლიანობისათვის აფხაზეთსა და შიდა ქართლში გმირულად დაღუპული ბიჭების ცხოვრებას ეძღვნება. ბევრჯერ გაგიმხილეთ ჩვენი განზრახვა, ბევრჯერ გამოეცხადეთ პრესაში, რადიოთი, ტელევიზიით, მიეწერეთ წერილები შესაბამის უწყებებს შეეტყობინებინათ ჩვენთვის ომში დაღუპულთა მოკლე ბიოგრაფია და ფოტოები.

შეგვიხდოს იმან, ვისი სახელიც არ არის მოხსენიებული ამ წიგნში.

იმედს ვიტოვებთ, დაგვეხმარებით მომავალი შევსებული წიგნის გამოცემაში.

საქართველოს ჟურნალისტთა ფედერაცია

ბატონმა ედუარდ შვედარდნაძემ ღრმა გაცდით გაიზიარა საქართველოს ტერიტორიული მთლიანობისათვის აფხაზეთსა და შიდა ქართლში დაღუპულ მებრძოლთა ოჯახების უმძიმესი მწუხარება. ვაქვეყნებთ სამძიმრის ერთ-ერთ წერილს.



კობა აზიანიძის ოჯახს

ჩემო ძვირფასებო!

უძიძემ და ტრაგიკულ დღეებს განიცდის ჩვენი ქვეყანა. ცრემლითა და სისხლითაა მორწყული სამშობლოს მცნა, შავი ძაძები აცვიათ დამწუხრებულ დღეებს, დაქვრივებულ მეუღლეებს, უნუგეშოდ დარჩენილ ობლებს... მეც მათთან ერთად და თქვენთან ერთად ვწუხვარ და ვკლოვობ...

არ არსებობს სიტყვა, რომ შეეძლოს ამ ტკივილებისა და ჭრილობების მოშუშება.

დღეს ომია საქართველოში.

ეს, ალბათ, ბედია, ბედისწერაა. ბევრ ოჯახში იაენანას ნაცვლად დღეს რეკვიემი და სულთათანა ისმის.

გთხოვთ მერწმუნოთ, ცუდია ის მთავარსარდალი, რომელსაც თავისი ადარისკაცები საკუთარი შვილებივით არ უყვარს.

ამ ომში საქართველოს ჯარისკაცებისათვის ნასროლი ყოველი ტყვია ისე მტკივა, თითქოს ჩემს სხეულს ხვდება, ყოველი ჭეშმარიტი ჯარისკაცი ღვიძლი შვილივით მიყვარს. საქართველოს ყოველი ჯარისკაცი ჩემი სისხლი სისხლთაგანი და ხორცი ხორცთაგანია და, რომ შეემძლოს, მზად ვარ მათთვის ნასროლ ტყვიას საკუთარი მკერდი შევუშვირო.

აუნაზღაურებელია დანაკლისი, რაც თქვენმა ოჯახმა განიცადა. არ ვიცი, რა სანუგეშო სიტყვა გითხრათ, რით უმკურნალო თქვენს ტკივილებს და ჭრილობებს, რომლებიც ჩემი ტკივილებიცაა და ჩემი ჭრილობებიც.

სულითა და გულით ვიზიარებ თქვენს მწუხარებას და ქედს ვიხრნი თქვენი ოჯახისათვის უძვირფასესი ადამიანის ხსოვნის წინაშე.

თუ სანუგეშო სიტყვა არსებობს, ეს, ალბათ, ის არის, რომ დღეიდან თქვენი ოჯახი საქართველოს იმ წმინდა და გმირულ ოჯახთა რიცხვს ეკუთვნის, რომლებიც საკუთარი შვილების სიცოცხლის ფასად იცავენ ერს და მამულს, თავისუფლებას და დამოუკიდებლობას.

მადლიერი ვიქნები თქვენ ამ ამავს და თავგანწირვას არასოდეს არ დაივიწყებს.

სისხლით და ცრემლით იწერება ახალი, დამოუკიდებელი, თავისუფალი საქართველოს ისტორია. მკვდარი არ ეთქმის იმას, ვინც სამშობლოსათვის მოკვდა. ერი, სამშობლო და ღმერთი თქვენთანაა.

ა. ვა. ლომი





როგორ დაკანცხლდნენ!

ღმერთო მაღალო, მიეც კამლების ძალა ომში წასული ბიჭების დედებს — ასე ძალუმად რომ უძგერებდნენ გულებს სამშობლოს სიყვარულით, მაღალი ეროვნული შეგრძნებით, ყოველივე იმის ძლიერი განცდით, რაც წაადგებოდა ხალხსა და ქვეყანას.

აგერ, ახლახან არ იყო, ამ პირტიტველა ბიჭებს დედები ჯერაც ზრდად-უსრულებლად რომ თვლიდნენ? მაღულად თუ ხილულად ფანჯრებიდან უთვალ-თვალვებდნენ ეზოში, სადარბაზოებთან მდგარ, სახლის კაპეებზე ჩამომსხდარ შვილებს: საათს დახედავდნენ — გვიანააო, იტყოდნენ თავისთვის და შინ შემოსასვლელად უხმობდნენ.

მაგრამ იმდენად ძლიერი ყოფილა მათ გულებს ჩაჭიდებული მამულის გრძნობა, იმისი განცდა — რა ფასად დაუჯდა შთამომავლობას ეს «ცა—ფირუზ, ხმელეთ—ზურმუხტი» ქვეყნისა და ერის გადარჩენა, რომ სამშობლოს პირველი დამახებისთანავე უყოყმანოდ ჩადგნენ მის დამცველთა რიგებში. იარაღის ტარებას მიუჩვევდნენ, გაჭირვებაში გამოუცდელნი წაივინდნენ იქ, სადაც მამულს უჭირდა: შიდა ქართლსა და აფხაზეთში! ეს იყო მამა-პაპათაგან გადმოსული სახალხო საქმისადმი თავდადებული ერთგულებაც და იმისი შეგნებაც, რომ — შეს ვალს სამშობლოს წინაშე! მენს მაგივრად სხვა ვერაინ ადასრულებს.

წაივინდნენ წინაპართა ძლიერებით ძალმოხილუბი. ისტორიის შორეთიდან ქარს მოაქვს მოძალადე თურქ-ოსმალთა, მონღოლთა და სპარსთა უთვალავ ლაშქარს შეჭიდებული ქართველების ცხენთა თქარუნის ექო: ჰაი დედასა, რა ვაჟკაცები აუღვებდნენ ხმლებს და რა მძვინვარე ათასწლეულებმა ჩაიარეს საქართველოს გზებზე.

ვინ იცის, ეს მერამდენედ ისტუმრებს ომში მიმავალ შვილს მთის კორტოზზე ამყად გადმომდგარი ქართველის დედა.

„ერთ შეილ ხო მანც გაუზარდე ვეფხებთან მეომარია“ — აგულიანებს ბიჭებს გზის პირად აღმართული „ვეფხისა და მოყმის“ ქანდაკება.

მაგრამ, ვაი რომ, ახლა ისინი მოძმეთაგან საკუთარი მიწის დასაცავად მიდიან.

ესეც მცხეთა... სამშობლოს სიმტიციის სიმბოლო... აქვეა ქართველთა ეროვნული სიამაყე — ჯერის მონასტერი და სვეტიცხოველი.

შორიდან გამონდა გორის ციხე — მრავალ ქარაშოტს გამოვლილი, იცინა ბიჭებმა, რა სამკვდრო-სასიცოცხლო ბრძოლების ამბები გარინდულა ამ მიწის-ქვეშ, რა გმირობა ჩაუდენიათ მამულიშვილებს. ალბათ, ამიტომაც აღუმართავო აქ ლომზე ამხედრებული მზგაბუკი ხმლით ხელში — ქართველ ვაჟკაცთა გმირობის სიმბოლოდ.

მიდიან ომში ქართველები, სხვა ეროვნების ვაჟაკები, რომელთაც საქართველო თავის სამშობლოდ ვუხვდათ.

იქნებ სხვა დროს ფეხიც კი არ დაუდგამს ზოგიერთ კახელს მტრის წინაშე, მაგრამ მამულს ხომ გულით გრძნობენ და ხედავენ მისი შვილები, ამიტომაც მიდიან დინჯი და შეუვალი კახელები სამშობლოს დასაცავად.

მიდიან იმერლები ქუთაისიდან, ზესტაფონიდან, სამტრედიიდან, მიდიან ოზურგეთლები, ფეხზე დამდგარა მთელი გურია, მესხეთ-ჯავახეთი, რაჭა-ლეჩხუმი, თუშეთი, ფშავეზესურეთი და აჭარა. მიდიან ბიჭები და ხმაშეწყობილად ძღერეიან ლაშქრულს. ერთად რომ არიან, იმიტომაც არის ასე ომახიანი სამშობლოს სადიდებელი, თორემ ვის გაუვია ერთი მღეროდეს ლაშქრულს.

სახალხო ლაშქარს უერთდებიან სვანები. სვანეთი ხომ შეუვალი სიმაგრე იყო მეორე მსოფლიო ომის დროს — მტერს რომ არ გადმოეღობა საქართველოს საზღვრები. ახლაც ასეა, სრულიად საქართველოა სვანების ცისკარი და საფიციარი.

სამეგრელოც გამოჩნდა: თითქოს კოლხური მითებიდან და ლეგენდებიდან გადმოსულან ძველი ეგრისელები, რომლებიც ბერძნულ კოლონიებში არ აღრეულან, ასე მრავლად რომ არსებობდნენ შავი ზღვის სანაპიროზე, არც უცხო გემებს გაჰყლიან გადაღმა ქვეყნებში. გაქურდული აიეტის, კოლხეთის სიმდიდრეს წაპოტინებული არგონავტების შურისმაძიებელთა სული გადმოსულა ამ ბიჭებში და გეგერა, არავის დაუთმობენ ჩვენს ლამაზ მთა-ველსა და წყალ-ჭალებს. საბრძოლველად მიმავალ სრულიად საქართველოს ლაშქარს სამეგრელოს მოსახლეობა ცრემლნარევი სიხარულითა და იმედით ეგებება და ლოცვით აცილებს:

— მშვიდობით დაგვიბრუნდით, მახარია, მშვიდობით!

ჩაიარეს სამეგრელოს გზები და მიადგნენ სამურზაყანოს — შეუდრეკელ ვაჟაკთა საცხოვრისს. ეგებებიან ომში მიმავალთ გალში დაბანაკებული საჯარისო ნაწილები და მოსახლეობა.

სამურზაყანოდან იწყება საქართველოს ის მიწა-წყალი, რომელსაც აფხაზეთი ჰქვია.

გავრასა და ლესელიძეში, ოჩამჩირეთან და სოხუმთან სიკვდილის პირისპირ იდგნენ უფროს თაობასთან ერთად ჩვენი ბიჭები სრულიად საქართველოდან.

მაშინ გავრისა და ლესელიძისთვის ბრძოლების დაწყების წინ რამდენმა ჩაბლუჯა აფხაზეთის მიწა, გულის ჯიბეში ჩაიღო და ასე ეკვეთა მტერს.

— და წაიქცა ერთი, მეორე...

ბევრი, ძალიან ბევრია სათქმელი თავგანწირული ბიჭების შესახებ. მაგრამ ერთია, გამოვაცხადოთ მათი სახელები, საგმირო საქმეები ტელევიზიით, რადიოთი, გაზეთებით (თუმცა, ჯერ კიდევ რამდენი რამ არ ვიცით ზოგიერთი დაღუპულის შესახებ), მერე კი აქედანვე, ამ შეჭირვების ჟამიდანვე ვიფიქროთ ხალხის გულში ერთ, მთლიან ძეგლდადგმულთაგან თითოეულის სახელის უკ-

ვდავყოფაზე: მათ მშობლიურ ქალაქებში, რაიონებში, სოფლებში უნდა დაიდგას მემორიალური დაფები, ვუსწოდოთ მათი სახელები სოფლებს, სკოლებს, ქუჩებს, ტურულ დაწესებულებებს, საზოგადოებრივ საკრებულო ადგილებს უნდა დაეწესოს და მათი სურათები, სათითაოდ ჩამოეთვალათ გვარები, რომ ბრძოლაში მონაწილე ყრილი სისხლისფერი ყვავილები მარად ამშვენებდნენ მათ სახელებს.

არც ისინი უნდა დავივიწყოთ, ვინც უგზო-უკვალოდ დაიკარგა, წმინდად უნდა შემოვუნახოთ შთამომავლობას ის ადგილები, სადაც გადამთიელები მხეცურად გაუსწორდნენ უდანაშაულო მოსახლეობას: ბავშვებს, ქალებს, კაცებს. ხომ ასე იყო მუდამ: ომსაც ჰქონდა თავისი კანონები; მტერსაც კაცურად ექცეოდნენ და ღირსებით იგებდნენ ბრძოლებს. აქ კი ისტორია უსათუოდ გააკვეთს ამ უთანასწორო ბრძოლების სასაკლადო გადაქცევის ამბებს.

ასე შეეწირნენ ქართულ მიწას ჩვენი ბიჭები — გიორგი და ბესიკი, დავითი და ცოტნე, დიმიტრი და სერგეკლე.

ნუ დავაყოვნებთ და შევექმნათ მხატვრული ნაწარმოებები მათ შესახებ, ვაჩვენოთ ისინი ბრძოლის ცეცხლოვანი საზიდან, მათი განუმეორებელი სულიერი სიმამლე, გმირობა, ვაჟკაცობა.

საქართველოს ჟურნალისტთა ფედერაცია უკვე შეუდგა მუშაობას ხსოვნის წიგნზე („უკვდავება“), სადაც მოთხრობილი აქნება თითოეული დაღუპული მეომრის ბიოგრაფია, საგმირო საქმეები. ვთხოვთ საზოგადოებრიობას, მშობლებს, ახლობლებს, საჯარისო შენაერთებს დახმარებას — არ უნდა გამოგვრჩეს ჩვენგან წასული არცერთი მეომარი, შეგვეხშიანეთ!

მაშინ კი, როცა დამთავრდება ეს საშინელება, გადარჩენილ ყველა მეომარს, სახალხო ლაშქრის მონაწილეს მოვუყაროთ თავი და დაღუპულთა სურათებთან ერთად გავატაროთ რუსთაველის გამზირზე თბილისის განიერი ქუჩებით; ხალხმა უნდა დაინახოს ბრძოლებში როგორ დაკაცებულან ჩვენი ბიჭები!!!

„საქართველოს რესპუბლიკა“

14.12.92

ჩვენ ერთი ციხე მკვამ, ერთ მიწაზე გვიშენებია ჩვენი კულტურა, ერთად დაგვიცავს ჩვენი ეროვნული რაობა და ჩვენი მიწა-წყალი. ცოტაა ვთქვათ, რომ მოკმე ერაზი ვართ. ჩვენ ერთი უსიძიკის, ერთი ადამის, ერთი ფანის, ერთი უსიძოლო-ბიის ხალხი ვართ. არა მგონია ქართველებს ყვავდეთ უფრო ახლოვანი კმა, ვიდრე აზხაზებია, აზხაზებსაც ასე მიაჩნიათ ქართველები და ჩვენ ამ კმობაშ შეგვიანასა. ვინც ამ კმობაშ შლის, რუსთაველის სიტყვებით რომ ვთქვათ, „იგი თავისა მტერია“.

დიმიტრი გულია



არა უწყობს თუ...

„ეთნოგრაფიული ლექსიკონი“ გვაუწყებს, რომ აფხაზები შეადგენენ აფხაზეთის ასსრ-ის მკვიდრი მოსახლეობის ძირითად ნაწილს.

ისმის კითხვა, თუ რას ნიშნავს მათი თვალსაზრისით „მკვიდრი მოსახლეობის ძირითადი ნაწილი“, იმას, რომ აქ „მკვიდრი“ მხოლოდ აფხაზები არიან თუ სხვაც არის „მკვიდრი“, მაგრამ ამ „მკვიდრთა“ ძირითად ნაწილს აფხაზები შეადგენენ? ორივე შემთხვევაში აზრი არასწორია. თანამედროვე აფხაზეთის ასსრ-ის მკვიდრ მოსახლეობას შეადგენენ ქართველები და აფხაზები, ამასთანავე, ამ ორ მკვიდრ ერს შორის აფხაზები არ არიან „ძირითადი“ ამ სიტყვის უმრავლესობის გაგების თვალსაზრისით, რადგან 1979 წლის აღწერის (სამწუხაროდ, უკანასკნელი 1939 წლის აღწერის შედეგები ვერ ოფიციალურად გამოცხადებული არ არის) მასალებით აფხაზეთის ასსრ-ის მოსახლეობა შეადგენდა 486 082 სულს. აქედან აფხაზია 88 097, ე. ი. მთელი მოსახლეობის 12,1 პროცენტი, ქართველი — 213 322 ე. ი. მთელი მოსახლეობის 43,9 პროცენტი, ხოლო დანარჩენნი არიან სომხები, რუსები, ბერძნები და სხვები. გათვალისწინებულია ისიც, რომ თანამედროვე აფხაზეთის ასსრ-ის მოსახლეობის უმრავლესობას შეადგენენ ქართველები როგორც ისტორიულად, ასევე ყველა გამოქვეყნებული ოფიციალური აღწერით; აფხაზები რომ აფხაზეთის ასსრ-ის მოსახლეობის უმცირესობას შეადგენენ, ეს „ლექსიკონის“ ავტორებმა (თუ ავტორმა) კარგად იციან, რადგან ცოტა ქვემოთ ვკითხულობ: „საკუთრივ აფხაზები თავისი რესპუბლიკის ტერიტორიაზე მოსახლეობას მხოლოდ მცირე ნაკლებს შეადგენენ“. მაგრამ ვინ მიანნია ავტორს, აფხაზებთან ერთად, მკვიდრ მოსახლეობად, რომლის ძირითად ნაწილსაც აფხაზები შეადგენენ, — ეს „ლექსიკონიდან“ არ ჩანს, რადგან ცოტა ქვემოთ წერია, რომ აფხაზები აფხაზეთის ასსრ-ში ემუშობლებიან ქართველებს, რუსებს, სომხებს, ბერძნებს და სხვა ხალხთა წარმომადგენლებს. როგორც ვხედავთ, ქართველები, რომლებიც თანამედროვე აფხაზეთის ასსრ-ის უძველესი მკვიდრნი არიან, მოსახლეობის უმრავლესობას შეადგენდნენ ყოველთვის და ახლაც უმრავლესობას შეადგენენ, აფხაზეთის მუშობლად ერთ მწკრივში არიან დაყენებულნი რუსებთან, სომხებთან ერთად, რომლებიც საერთოდ დასავლეთ საქართველოში და საკუთრივ თანამედროვე აფხაზეთის ასსრ-ში, ამიერკავკასიაში რუსული მფლობელობის დამყარების შემდეგ ჩნდებიან.

წარმოდგენილი „ლექსიკონი“ ცდილობს შექმნას თვალსაზრისი, რომ თანამედროვე აფხაზებს და აფხაზეთს ისტორიულად, როგორც წესი, არაფერი ჰქონია საერთო საქართველოსთან და არც ახლა აქვს, რომ: მათი წინაპრები ძვ. წ. XI საუკუნიდან ასურულ წარწერებში დამოწმებული არიან „აქემლას“ სახელით, ხოლო ანტიკურ წყაროებში „აბსალებად“ მოიხსენიებიან; რომ ახ. წ.

IV ს. აფხაზეთი წარმოადგენდა „სამეფოს“ ადგილობრივი მმართველი დინასტიით, რომელიც შედიოდა ბიზანტიის იმპერიის შემადგენლობაში. მეფე ლაზიკის სამეფოში. შემდეგ, ლეონ II-ის დროს, აფხაზეთი გაერთიანდა სამეფო საქართველოსთან ერთიან აფხაზეთად სამეფოდ; რომ ამ სამეფოს აფხაზეთის სანაპიროსა და შიდა ქვეყნების მიხედვით, რომლის შემდეგ ძალაუფლება ქართველ მეფეთა ხელში გადადის, XIV-XV საუკუნეებიდან კი აფხაზეთი აღმოჩნდა დამოუკიდებელი სახელმწიფოს შემადგენლობაში, რომლის დაშლის შემდეგ ის ისევ დამოუკიდებელ სახელმწიფოდ იქცა შერვაშიძე - ჩაჩბა მთაწერის ხელისუფლების ქვეშ, ხოლო 1922 წ. ის აფხაზეთის რესპუბლიკად გამოცხადდა.

აქ წარმოდგენილი სურათი შორსაა სინამდვილიდან.

მართალია, სამეცნიერო ლიტერატურაში გამოქვეყნებულია ვარაუდი, რომ ძვ. წ. XI ს. ასურულ ლურსმულ წარწერებში მოხსენიებული „აბეშლა“ ამჟღავნებს მსგავსებას თანამედროვე აფხაზეთის ასსრ-ის მიწა-წყალზე ანტიკურ წყაროებში დამოწმებულ „აბსალესის“ სახელწოდებასთან, საიდანაც ვარაუდობენ აფხაზეთი თვით სახელწოდება „აფსუას“ მომდინარეობას, მაგრამ „აბეშლას“ ტომები მოსახლეობდნენ არა იქ, სადაც შემდეგ ანტიკური წყაროები „აფსილესს“ ასახელებენ, არამედ „აბეშლა“ ასურულ წყაროებში იხმარება ჩრდილო-აღმოსავლეთ მცირე აზიის მთიელთა ზოგადი სახელწოდების, ხეთური „ქაშქას“ (ჩერქეზებად რომ მიაჩნიათ) ვარიანტად. „ლექსიკონის“ მიხედვით კი მკითხველმა შეიძლება იფიქროს, რომ ასურული წყაროების „აბეშლა“ ძვ. წ. XI საუკუნეში აქ მოსახლეობდა.

გაუგებარია, რისი თქმა სურთ ავტორებს შავი ზღვის სანაპიროზე არსებული ბერძნული პოლისების ახ. წ. IV ს-ში დასუსტებასთან დაკავშირებით. მათი თვალსაზრისით, ეს პოლისები ეცემიან ახ. წ. IV საუკუნეში და ამის შემდეგ აფხაზეთი წარმოადგენს „სამეფოს“ ადგილობრივ წარჩინებულთაგან გამოწვეული მეფეებით და შედის ლაზთა სამეფოში, რომელიც თავის მხრივ ბიზანტიის იმპერიის ნაწილია. თავი რომ დაჯანჯობთ დასავლეთ საქართველოს ისტორიაში ბერძნული დასახელებების ადგილისა და მნიშვნელობის არასწორ შეფასებას, აქ ბევრი უზუსტობაცაა. IV საუკუნეში დასავლეთ საქართველო წარმოადგენს ერთიან ეგრისის სამეფოს, რომელშიც შესულია აბაზგია და აფსილია, ეგრისის სამეფო კი ბიზანტიის იმპერიის ნაწილი კი არ არის, არამედ წარმოადგენს იმპერიის ვასალურ სახელმწიფოს და ეს ვასალობა, როგორც იმდროინდელი ბიზანტიელი ისტორიკოსები აღნიშნავდნენ, ატარებდა მხოლოდ ფორმალურ ხასიათს. „ლექსიკონის“ თანახმად, ლეონ II-ის დროს აფხაზეთი გაერთიანდა დასავლეთ საქართველოსთან ერთიან აფხაზეთად სამეფოდ. იქმნება შთაბეჭდილება, რომ აფხაზეთი სხვაა, დასავლეთ საქართველო სხვაა. ალბათ, ზედმეტია იმაზე ლაპარაკი, რომ აფხაზეთი გეოგრაფიულად და ისტორიულად იყო და არის საქართველოს ნაწილი.

ვისაც ჩვენ, ქართველები, დღეს აფხაზებს ვუწოდებთ, ისინი თავის თავს უწოდებენ აფსუას, მოსახლეობენ ძირითადად თანამედროვე აფხაზეთის ავტო-

ნომიურ რესპუბლიკაში, რომლის ტერიტორია ისტორიული და თანამედროვე საქართველოს განუყოფელი ნაწილია.

დასავლეთ საქართველოს და, კერძოდ, მისი შავი ზღვის სანაპიროს უძველესი ეთნიკური რუკის შესახებ სხვადასხვა მოსაზრებებია გამოთქმული, მაგრამ ეს მოსაზრებები იმდენად შორეულ ეპოქას ეხება (დაახ. ძვ. წ. VI—V ათასწლეულები), რომლის შესახებ კონკრეტულ ვინაობაზე მსჯელობის შესაძლებლობა გამოირიცხულია. ხოლო ძვ. წ. III ან II ათასწლეულიდან, როდესაც სურათი შედარებით უფრო ნათელია, დასავლეთ ამიერკავკასიაში უმთავრესად ქართველური მოსახლეობა ივარაუდება. ამ დროიდან მოყოლებული, ვიდრე ანტიკურ ხანამდე, ამ ტერიტორიაზე მოპოვებული არქეოლოგიური მასალა იმ დასკვნის გამოტანის შესაძლებლობას იძლევა, რომ აქ არსებობს საერთო კოლხური კულტურა. რასაკვირველია, ამ დიდი კულტურის შიგნით გამოიყოფა ცალკეული რეგიონული ვარიანტები, მაგრამ ის მთლიანად კოლხური კულტურაა.

ამ დასკვნას მთლიანად უჭერს მხარს ძველი ბერძნული მითოლოგიის მონაცემები არგონავტთა კოლხეთში მოგზაურობაზე და ლინგვისტურ კვლევაზე დამყარებული მოსაზრება არგონავტთა აქ მოსვლის დროს (ძვ. წ. III ათასწლეული), ე. ი. ბერძენ-კოლხთა უძველესი კონტაქტების ხანაში აქ ქართველური ენის არსებობას ადასტურებს.

აღნიშნულ დებულებებს მთლიანად უჭერენ მხარს ანტიკური წერილობითი წყაროების ცნობები, რომელთა მიხედვით (ჰეკატე მილეტელი, ძვ. წ. V ს., სკილაქს კარიანდელი, ძვ. წ. IV ს., სტრაბონი, ძვ. და ახალი წელთაღრიცხვების მიჯნა და სხვ.). კოლხეთის დაბლობზე ლოკალიზდება იმდროინდელი კოლხეთის სამეფო დიოსკურია (სოხუმაძე), რომლის მოსახლეობას შეადგენენ საკუთრივ კოლხები. დიოსკურიის ჩრდილოეთით იწყებოდა ნაწილობრივ განსხვავებული (შედარებით ჭრელი) ტომობრივი სამყარო, სადაც, კოლხეთთან ერთად, სხვადასხვა ტომები მოსახლეობდნენ, მათ შორის კერკეტები და კორაქსები, რომელთაც ზოგი მკვლევარი ჩრდილოკავკასიური წარმოშობის ტომებად თვლის (გასათვალისწინებელია ისიც, რომ ჰეკატე მილეტელი კორაქსებს კოლხურ ტომად მიიჩნევს).

ამასთანავე, ახ. წ. XI საუკუნის ავტორები ფლავიუს არიანე და კლავდიუს პლოტემაიოსი ნიკოფსიასთან (თანამედროვე ტუაფსე) ასახელებენ გეოგრაფიულ პუნქტს ლაზიკას. ანგარიშგასაწვეია ისიც, რომ არიანე ამ პუნქტს „მკვლ ლაზიკას“ უწოდებს, რაც იქ უძველესი დროიდან კოლხურ-ლაზური მოსახლეობის არსებობის უტყუარი მოწმობაა.

ახ. წ. I—II საუკუნეებიდან დასავლეთ საქართველოს შავი ზღვის სანაპიროზე იხსენიებიან აფსილები და აბაზგები (პლინიუს სეკუნდი, ფლავიუს არიანე). I—II საუკუნეების ანტიკურ წერილობით წყაროებში მოხსენიებულა აფხაზები და აბაზგები თუ როდიდან მოსახლეობენ დასავლეთ საქართველოს შავი ზღვის სანაპიროზე, ამ საკითხზე სპეციალურ ლიტერატურაში აზრთა ერთიანობა არაა; ზოგი მკვლევარის აზრით, ისინი უძველესი დროიდან მოსახლეობდნენ აქ, მაგრამ რადგან კოლხურ ისტორიულ-ეთნიკურ-კულტურულ სამ-

ყაროში შედიოდნენ, I-II საუკუნეებზე ადრინდელ წყაროებში მათ ვერ პოვათ ასახვა. მკვლევართა ნაწილის აზრით, ისინი აქ სწორედ იმ დროიდან ჩნდებიან, როდესაც ჩრდილო კავკასიიდან აფხაზურ-ადიღური ტომების ჩამოსვლა დაიწყო. აზრთა სხვადასხვაობაა ამ აფსილ-აბაზგთა ეთნიკურ კუთვნილებაზე. მკვლევართა ნაწილი მიიჩნევს, რომ ისინი ჩრდილო-კავკასიური-ადიღური ტომების ტომები არიან, ამასთანავე, გამოთქმულია ვარაუდი, რომ აფსილები და აბაზგები ისეთივე ქართველური ტომები არიან, როგორც მათ ირგვლივ მოსახლე ეგრები (ლაზები), სვანები და სხვა ტომები, ხოლო თანამედროვე აფხაზები გვიან, მე-17 და მომდევნო საუკუნეებში ჩრდილო კავკასიიდან გადმოსახლებული აფსილები არიან.

ზოგი მკვლევარი მიგრაციულ-ავტოქთონობის, ნაწილობრივ ადგილობრიობისა და ნაწილობრივ მოსულობის თვალსაზრისზე დგას. გამოთქმულია ვარაუდი, რომ ძვ. წ. XI საუკუნის ასურულ წარწერებში ჩრდილო-აღმოსავლეთ მცირე აზიის მთიელთა ზოგად სახელად მოხსენიებული „აბეშლა“ შეიძლება (სახელის მსგავსების გამო) იყვნენ ანტიკურ წყაროებში შავი ზღვის სანაპიროზე მოხსენიებული აბსალების წინაპრები, რომლებიც შემდეგ სამხრეთიდან ჩრდილოეთისაკენ ინაცვლებენ.

გამოთქმულია, აგრეთვე, ვარაუდი, რომ აფხაზეთის ასსრ მიწა-წყალზე გვიანანტიკურ ხანაში ცხოვრობდნენ ადიღურ-ჩერქეზული ტომები და თანამედროვე აფხაზები მათი კონსოლიდაციის შედეგად წარმოქმნილ ეთნოსს წარმოადგენენ; აგრეთვე, გამოთქმულია თვალსაზრისი, რომ თანამედროვე აფხაზები ამ ძველ და XVI-XVII საუკუნეებში ჩრდილო კავკასიიდან ჩამოსახლებული მათი მონათესავე მთიელების შერევის შედეგად წარმოიქმნენ. მკვლევართა ნაწილი თავს იკავებს აფსილ-აფშილთა და აბაზგ-აფხაზთა ეთნიკური კუთვნილების განსაზღვრისაგან, რადგან მეცნიერთათვის დღეს ცნობილი წყაროები არ იძლევიან უტყუარი დასკვნის გამოტანის შესაძლებლობას. მაგრამ თვლიან, რომ, განურჩევლად მათი ეთნიკური კუთვნილებისა, ისინი ანტიკურ ხანასა და შუა საუკუნეებში ქართულ სახელმწიფოებრივ-კულტურულ სამყაროში იმყოფებოდნენ და ისტორიულ-კულტურულად ქართველები იყვნენ.

ანტიკური წყაროების „აფხაზების“ შესატყვისია ქართულ შუასაუკუნოვან წერილობით წყაროებში მოხსენიებული „აფშილები“, ამავე ანტიკური წყაროების „აბაზგიას“ ქართული წერილობითი წყაროების „აფხაზეთი“ შეესატყვისება და ის პირველად დამოწმებულია იოანე საბანის ძის (VIII ს.) თხზულებაში „აბო თბილელის მარტივლობა“. ეს „აფხაზეთი“ ამ დროს მოიცავს მთელ დასავლეთ საქართველოს ნიკოფსიიდან მდ. ჭოროხის ხეობამდე და შავი ზღვიდან ლიხის (სურამის) ქედამდე. ამ დროს ცნება აფხაზეთის (აბაზგია) მნიშვნელობა გაფართოებულია. ეს აფხაზეთი ამ დროს მოიცავს საკუთრივ აბაზგების, აფსილების ქვეყანას და ეგრისს (ლაზიკას). ცნება „აფხაზეთის“ ასეთი გაფართოება თანდათან ხდება. სახელდობრ, კოლხეთის სამეფოს დაშლის შემდეგ დასავლეთ საქართველოში პოლიტიკურად რომის იმპერიაზე დამოკიდებული რამდენიმე სამეფო „სამთავრო“ შეიქმნა (ლაზების, სანიგების, აფშილების, აბაზგების). მე-

ცხოვრობდა



ორე საუკუნის მეორე ნახევარში ეს სამთავროები ეგრისის (ლაზიკის) სამეფოსა გაერთიანდნენ. საკუთრივ აფშილეთი მდ. ეგრისწყლიდან (ლალიძე) კლდე-რამდე უშუალოდ შედიოდა ეგრისის სამეფოს შემადგენლობაში, ხოლო კლდე-რამდე ჩრდილოეთით აფშილეთი გაერთიანებული იყო აფხაზეთთან, რომელიც ეგრისის სამეფოს ვასალი იყო.

ბერძნული წერილობითი წყაროები (V ს. ბიზანტიელი ანონიმი, VI ს. პროკოფი კესარიელი, იოანე ლაღე, ავათია სქოლასტიკოსი), როდესაც ლაზეთის სამეფოსა და ლაზეთზე მოგვიტხრობენ, როგორც წესი, აღნიშნავენ, რომ ლაზები ძველი კოლხების მემკვიდრენი არიან, რომ მათ ძველად „კოლხებს“ უწოდებდნენ, რომ კოლხები მათი წინაპრები არიან. ისინი ამ ორ ცნებას სინონიმური მნიშვნელობით ხმარობენ.

VI ს. ეგრისის სამეფო თანდათან დასუსტდა. საუკუნის დასასრულისათვის მას გამოეყო აბაზგია, რომელიც უშუალოდ ბიზანტიის იმპერიას დაუქვემდებარდა. აბაზგიის მთავრები იმპერატორის ვასალები იყვნენ, ქართული წყარო მათ „კეისრის ერისთავს“ უწოდებს. აბაზგიამ თანდათან გაძლიერება დაიწყო და VIII საუკუნის პირველ ნახევარში ის უკვე საკუთრივ აბაზგიასთან (აფხაზეთთან) ერთად აფსილიასაც (აფშილეთს) მოიცავს. ამ დროიდან იწყება ცნება „აფხაზეთის“ მნიშვნელობის გაფართოება, აფხაზეთი უკვე გაერთიანებული აფშილეთ-აფხაზეთია, ხოლო აფხაზი აფხაზთა ამ გაერთიანებული სამთავროს (საერისთავოს) მცხოვრებია. ნიშანდობლივია ის გარემოება, რომ VII ს. 30-იანი წლების მოვლენებთან დაკავშირებით, ქართველი ისტორიკოსი ცხუმის შესახებ წერს, რომ ის არისო ქალაქი „აფშილეთისა და აფხაზეთისა“. ჯუანშერის თხზულების დაწერის დროს კიდევ იცოდნენ, რომ ცხუმი საკუთრივ აფშილეთის ქალაქი იყო, მაგრამ შემდეგ ეს ცოდნა დაიკარგა.

VIII საუკუნის 80-იან წლებში, როდესაც გაერთიანდა აფხაზეთი და ეგრისი და შეიქმნა სახელმწიფო, რომელსაც „აფხაზთა სამეფო“ ეწოდა, ცნება „აფხაზეთის“ მნიშვნელობა კიდევ უფრო გაფართოვდა და ის აღნიშნავდა მთლიანად დასავლეთ საქართველოს, ხოლო აფხაზად იწოდებოდა როგორც საკუთრივ აფხაზი, ისე ყველა დასავლელი ქართველი.

აფხაზთა სამეფოს მოსახლეობის უმრავლესობას შეადგენდნენ ქართველები: ქართველები, ეგრები, სვანები, ნაწილს — საკუთრივ აფხაზები და სხვა ჩრდილო-კავკასიელი ტომები. აფხაზთა სამეფო შედგებოდა რვა ადმინისტრაციული ერთეულის — საერისთავოსაგან. საკუთრივ აფხაზური და ძირითადად აფხაზებით დასახლებული ორი საერისთავო იყო — აფხაზეთის და ცხომის, ხოლო ქვესი-ეგრისის (ცენტრი ბეღია), გურიის, რაჭა-ლეჩხუმის, სვანეთის; არგვეთის (ცენტრი შორაპანი), ვაკე იმერეთის (ცენტრი ქუთაისი) — ქართველებით იყო დასახლებული.

„ლექსიკონის“ მიხედვით ისეთი შთაბეჭდილება იქმნება, რომ IX-X საუკუნეებში დასავლურ-ქართული სახელმწიფოს (აფხაზთა სამეფოს) მეფეები ქართველები არ იყვნენ და მხოლოდ ამის შემდეგ გადადის ხელისუფლება ქართველი მეფეების ხელში. მართალია, აღნიშნული პერიოდის აფხაზთა მეფეების

ქონიკური კუთვნილების შესახებ არ არსებობს არავითარი ცნობა, ხოლო მეკლესიოლოგთა შორის ამ საკითხზე აზრთა სხვადასხვაობაა (ნაწილი მათ ბერძნულად მიიჩნევს, ნაწილი ქართველულად, ნაწილი აფხაზულად), მაგრამ ეს არ არის არსებითი. არსებითია ის, რომ აფხაზთა სამეფო ერთ, დამწერლობით, მწიფობით, სარწმუნოებით, პოლიტიკით ქართული სახელმწიფო იყო, ხოლო მისი მეფეები, ამავე ნიშნების მიხედვით, ქართველები იყვნენ. ალბათ, ისიც სათქმელია, რომ იმდროინდელი სომეხი ისტორიკოსები ამ დასავლურ ქართულ სახელმწიფოს ეგრისის სამეფოს, ხოლო მეფეებს — ეგრისის მეფეებს უწოდებენ.

სწორედ IX—X სს. ამ აფხაზთა მეფეების აქტიური მოღვაწეობის შედეგად აფხაზთა სამეფო საბოლოოდ გამოეყო ეკლესიურად კონსტანტინეპოლის სამწყსოს და მცხეთის ტახტს დაუქვემდებარდა. აფხაზთა მეფეებმა გააუქმეს აქ არსებული ბერძნული საეპისკოპოსო ცენტრები და დააარსეს ქართული საეპისკოპოსოები, რომლებიც ქართული მწერლობისა და კულტურის მძლავრ კერებად ჩამოყალიბდნენ. ამ სახელმწიფოში შეიქმნა ქართული აგიოგრაფიული, ჰიმნოგრაფიული თხზულებები, აიგო ქართული ხუროთმოძღვრული ძეგლები, აფხაზთა მეფეების კარზე ქართულად დაიწერა აფხაზეთის მეფეთა ისტორია. აფხაზთა სამეფო აქტიურად მონაწილეობდა იმ დიდ ეროვნულ ბრძოლაში, რომლის საბოლოო შედეგი ქართული ქვეყნების ერთ სახელმწიფოდ გაერთიანება იყო.

აფხაზთა სამეფო ქართული სახელმწიფო რომ არ ყოფილიყო, მისი დედაქალაქი იქნებოდა არა ქართული მოსახლეობის შუაგულში მყოფი, ძველი ქართული სახელმწიფოებრიობისა და კულტურის ცენტრი ქუთაისი, არამედ ანაკოფია (აფხაზეთის საერისთავოს ცენტრი), ეკლესია ან არ გამოეყოფოდა კონსტანტინეპოლის სამწყსოს, და თუ გამოეყოფოდა, ჩამოყალიბდებოდა საკუთრივ აფხაზეთის ეკლესიად, არ დაამკვიდრებდა წირვა-ლოცვას ქართულ ენაზე და არ შეერთდებოდა მცხეთის საკათალიკოსოს. ამდენად, IX—X საუკუნეების შემდეგ კი არ გადადის ხელისუფლება ქართველი მეფეების ხელში, არამედ ერთიანი ფეოდალური საქართველოს პირველი მეფე ბაგრატ ბაგრატიონი აფხაზთა მეფეების კანონიერი მემკვიდრე იყო ჩამომავლობითაც (დედის ხაზით) და მათი სახელმწიფოებრივი პოლიტიკის გამგრძელებელიც.

X ს-ის 80-იანი წლებიდან ცნება „აფხაზეთის“ და „აფხაზის“ მნიშვნელობა კიდევ უფრო ფართოვდება. ერთიანი საქართველოს პირველი მეფეების ტიტულატურაში პირველ ადგილზე იდგა „მეფე აფხაზთა“, რადგან როგორც ბაგრატიონთა სახლის „ქართველთა მეფის“, ასევე დასავლეთ საქართველოს სამეფო სახლის „აფხაზთა მეფის“, ერთადერთი კანონიერი მემკვიდრე ბაგრატი ჯერ „აფხაზთა მეფედ“ (ე. ი. დასავლეთ საქართველოს) მეფედ აკურთხეს, ხოლო მისი წინაპარი „ქართველთა მეფის“ გარდაცვალების შემდეგ მიიღო მან „ქართველთა მეფის“ ტიტული, კახეთ-ჰერეთის შემოერთების შემდეგ — ჰერთა და კახთა მეფის ტიტულებიც და ერთიანი ქართული ფეოდალური სახელმწიფოს მეფეთა ტიტულატურა ამ ეტაპზე ასე გაიმართა: მეფე აფხაზთა, ქართველთა, ჰერთა, კახთა.



ამის შედეგია უცხოურ წყაროებში „აფხაზეთი“ მთელი საქართველოს და „აფხაზი“ საერთოდ ქართველის მნიშვნელობით რომ იხმარება. აღნიშნულ საკითხზე ვრცელი ლიტერატურა არსებობს და დადასტურებულია რომ ქვეყნის რუსული წერილობითი წყაროების „ობეზა“, ბერძნული წყაროების „აბაზგი“, სომხურ-არაბულ-სპარსული წყაროების „აფხაზა“ და სხვა, ზოგადად, როგორც წესი, ქართველს ნიშნავს.

იმდროინდელ ქართულ წყაროებში „აფხაზი“ ნიშნავს ზოგადად ქართველს, დასავლელ ქართველს და, საკუთრივ, აფხაზს.

XV საუკუნეში იწყება ერთიანი საქართველოს ქართლის, კახეთის, იმერეთის სამეფოებად და სამცხე-საათაბაგოდ დაშლის პროცესი. ეს პროცესი კიდევ უფრო ღრმავდება და საკუთრივ იმერეთის სამეფოში ყალიბდება სამეგრელოს და გურიის სამთავროები, აფხაზეთი სამეგრელოს (ოდიშის) სამთავროში შედიოდა, მაგრამ XVII საუკუნეში ცალკე სამთავროდ ჩამოყალიბდა. ამიერიდან აფხაზეთი ეწოდება კოდორს ჩრდილოეთით მდებარე ამ სამთავროს, რომლის მთავრები შერვაშიძეები იყვნენ, შესაბამისად, ქართველები ამიერიდან აფხაზებს ამ სამთავროს მცხოვრობლებს უწოდებენ.

აფხაზთა მთავრები შემდეგ სამეგრელოს სამთავროს წაართმევენ ტერიტორიას ენგურამდე და ეს მხარეც აფხაზეთის სამთავროს შემადგენლობაში შედის სამურზაყანოს სახელწოდებით.

XVI-XVII საუკუნეებიდან აქ რთული პროცესი მიმდინარეობს. დასტურდება ჩრდილო კავკასიიდან მომთაბარე ტომების ჩამოსახლება. ჩრდილო კავკასიიდან მომთაბარეთა ჩამოსახლების პროცესი, რაც საქართველოში შექმნილი უმძიმესი ვითარების პირობებში მიმდინარეობდა, შედეგად იძლევა კახეთში დაღესტნელი ტომების შიდა ქართლში ოსთა და დასავლეთ საქართველოში ჩერქეზულ-ადიღური მოღვმის ხალხთა დასახლებას.

ქრისტიანულ აფხაზეთში წარმართობა მომძლავრდა, ამასთანავე, დამპყრობელი ოსმალების გავლენით ისლამი იკიდებს ფეხს. XV-XVII სს. ქართული დოკუმენტური მასალა, ნარატიული წყაროები პირდაპირ უთითებენ აფხაზეთში ქრისტიანობის შერყენაზე. უცხოელი ავტორები, რომელნიც XV-XVI საუკუნეებში დასავლეთ საქართველოს საერთო ქართულ სოციალურ-კულტურულ სამყაროდ აღიქვამდნენ, განსაკუთრებით XVII საუკუნიდან მკვეთრად გამოყოფენ და განასხვავებენ ერთმანეთისაგან კოდორს სამხრეთით და მის ჩრდილოეთით მცხოვრებთა ყოფას. სწორედ XVII საუკუნიდან ჩნდება პირველი ცნობები კოდორის ჩრდილოეთით ქართულისაგან (მეგრულისაგან) განსხვავებული სალაპარაკო ენის არსებობის შესახებ (აბულ-ფიდა, პიეტრო ვერალდა, ჯოვანო ჯულიანი და ლუკა, არქანჯელო ლამბერტი, ევლია ჩელები და სხვები).

ანგარიშგასაწევია ის გარემოება, რომ შუასაუკუნოვანი ქართული საისტორიო თხზულებები აფხაზებს საერთო ქართველური სამყაროსაგან განსხვავებულად არ თვლიან. XI ს. ქართველი ისტორიკოსი ლეონტი მროველი, როდესაც კავკასიის ხალხთა წარმომავლობაზე მოგვითხრობს, დასავლეთ საქართველოს მთლიანად ეგრისის წილ ქვეყნად თვლის. მან შესანიშნავად იცის აფხაზების

და აფხაზეთის არსებობა, მაგრამ მისთვის აფხაზეთი ეგერისია. ვახუშტი ბაგრატიონი, როდესაც დასავლეთ საქართველოზე ლაპარაკობს, აღნიშნავს, რომ ეს არის ქვეყანა, რომელსაც ჯერ ეწოდებოდა ეგერისი, შემდეგ აფხაზეთი, შემდეგ იმერეთი. მისთვის დასავლეთ საქართველო ერთნაირად ეგერის-აფხაზეთი იყო. თუმცა მან კარგად იცის აფხაზეთის არსებობა და ისიც იცის, რომ მათ საკუთარი სალაპარაკო ენა აქვთ. ეს გარემოება იმით აიხსნება, რომ ისტორიულ-კულტურულად მაშინ აფხაზეთი ქართველები იყვნენ.

იმ დროს, როდესაც ქართული საისტორიო წყაროები საკუთრივ აფხაზეთის სამთავრობო მცხოვრებთ აფხაზეთს უწოდებდნენ, მათ, ალბათ, ჰქონდათ თავისი სალაპარაკო ენა (ყოველ შემთხვევაში, XVII საუკუნიდან მაინც), მაგრამ რადგან არ ჰქონდათ საკუთარი დამწერლობა და მწერლობა, ეს არ არის ფიქსირებული. ლოგიკურია ვიფიქროთ, რომ თავიანთ თავს მაშინაც (როგორც ახლა) აფხუებს უწოდებდნენ. ვინ არიან ეს დღევანდელი აფხუები? აქ შეიძლება სამი მოდელი შეიქმნას.

1. აფხაზეთი უძველესი დროიდან მოსახლეობდნენ ისტორიული საქართველოს მიწა-წყალზე და წარმოადგენდნენ ქართველთაგან განსხვავებულ, ჩრდილოკავკასიელთა მონათესავე ეთნოსს (შ. ინალ-იფა), რომელიც ადრე შუასაუკუნეებში (VII-VI სს.) ჩამოყალიბდა აფხაზ ხალხად (ზ. ანჩაბაძე).

2. ძველი აფხაზეთი ეთნიკურად ქართველები იყვნენ, ხოლო თანამედროვე აფხაზეთი ნაკვიანვე შუა საუკუნეებში (XVII ს-დან) ჩრდილო კავკასიიდან ჩამოსახლებული ეთნოსია (პ. ინგოროყვა).

3. ძველი აფხაზეთი, მიუხედავად მათი ეთნიკური კუთვნილებისა (რაც ჩვენთვის უცნობია), ისტორიულ-კულტურულად იყვნენ ქართველები, რომელნიც აქტიურად მონაწილეობდნენ ქართული ფეოდალური კულტურისა და ქართული სახელმწიფოს მშენებლობის საქმეში, ხოლო ნაკვიანებ შუა საუკუნეებში მიმდინარე პროცესების შედეგად აქ ჩრდილოკავკასიური ტომები ჩამოსახლდნენ (ნ. ბერძენიშვილი) და მათი შერწყმის შედეგად შეიქმნა თანამედროვე აფხაზი (აფსუა) ხალხი. ვიფიქრობ, რეალური ეს მოდელია, როდესაც იმარჯვებს შინაგანი დეცენტრალიზმი, დამპყრობელი, — ჯერ თურქი, შემდეგ რუსი, — ცდილობს არაქართული მიდრეკილებების გაძლიერებას და თანდათან ყალიბდება არაქართული შეგნება. აფსუა (მხოლოდ აფსუა) არ არის შუასაუკუნოვანი ქართული წყაროების აფხაზი, არც ანტიკური და ბიზანტიური წყაროების აბაზგი და არც არაბულ-სპარსულ-ევროპული წერილობითი წყაროების აფხაზი. ხოლო დღეს ვისაც ჩვენ აფხაზეთს ვუწოდებთ, ის არის აფსუა. მათი სახელწოდება აფხაზი თანამედროვე რუსულ და სხვა ენებში ქართულიდანაა შესული.

დღეს ის, ვინც თავის თავს აფსუად თვლის და ვისაც ჩვენ აფხაზს ვუწოდებთ, ქმნის აფხაზ ერს, რომელსაც საქართველოს გარდა სხვა სამშობლო არა აქვს. მათ აქვთ თავისი საკუთარი ენა, მწერლობა, მდიდარი კულტურა, მაღალი ეროვნული თვითშეგნება. ქართველები და აფსუები დღევანდელი აფხაზეთის ასრ მკვიდრნი არიან. ესაა დღევანდლობა. რაც ითქვა, ის ისტორიულა და არის მეტნიერ-სპეციალისტთა კვლევის საგანი. ქართველი აქ უძველესი დროიდან

ცხოვრობს, აფსუა ან უძველესი დროიდან, ან პირველი—მეორე საუკუნეებიდან, ან XVII საუკუნიდან, ან უძველესი დროიდან და XVII საუკუნიდანაც, ამ მიწაზე დამპყრობელი არც ქართველია და არც აფხაზი.

როგორც ვხედავთ, საკითხი რთულია, ამ საკითხებზე მსჯელობისას დიდი სიფრთხილე და ტაქტიკა საჭირო.

სრულიად გაუგებარია ის გარემოება, რომ „ლექსიკონში“ საქართველო, როგორც სახელმწიფო, რომელშიც შედიოდა და დღესაც შედის აფხაზეთის ასსრ არ არსებობს. ყოველმა უცხოელმა, მტერმა და მოყვარემ, მათ შორის რუსეთის იმპერიის ხელისუფლებამაც, კარგად იცოდა, რომ აფხაზეთი საქართველოს განუყრელი ნაწილი იყო და როდესაც იმპერიის ხელისუფლებამ გააუქმა საქართველოს სახელმწიფოებრიობა და აქ ორი — თბილისის და ქუთაისის გუბერნია შექმნა, აფხაზეთი, სოხუმის ოლქი ქუთაისის გუბერნიის შემადგენელ ნაწილად იქნა მიჩნეული. დამპყრობელი რუსეთი ყოველნაირად ცდილობდა საქართველოს გათიშვას, მაგრამ მანაც კი ვერ ჩათვალა შესაძლებლად საქართველოდან აფხაზეთის გამოყოფა, თუმცა ყოველნაირად ცდილობდა ქართველებსა და აფხაზებს შორის შუღლისა და მტრობის ჩამოგდებას.

მიუხედავად დამპყრობლის გამთიშავი პოლიტიკისა, 1918—1921 წლებში აფხაზეთი საქართველოს დემოკრატიული რესპუბლიკის შემადგენლობაში იმყოფებოდა, როგორც მისი განუყოფელი ნაწილი.

„ლექსიკონის“ ავტორებს არ მიაჩნიათ საჭიროდ მკითხველებს ის მაინც უთხრან, რომ დღეს აფხაზეთის ასსრ საქართველოს სსრ-ში შედის. თხრობას ისინი იმით ამთავრებენ, რომ 1922 წლის თებერვალში გამოცხადდა აფხაზეთის რესპუბლიკა.

4.11.90.

ვაზ. „ლიტერატურული საქართველო“.

16.02.90.

არ დაიდარდო, დედაო...

ღიმილის ბიჭი ვიყავი,
 ბეჭზე არწივი მებატა,
 ცხრამეტი წლისა შევსრული,
 ოცი არ გადამეხადა,
 სამშობლოს დროშა მეჭირა,
 მტერს ვეცემოდი მებადა!
 ვისაც უნდოდა, ქართველი
 რომ გამხდარიყო ხიზანი,
 დაკკარი, ვიყავ მართალი,
 ვით ჩემი ტყვიის მიზანი...
 ნუ დაიდარდებ, დედაო,
 მწარე სიკვდილის სევდასა.
 დღეო, გადიდდი, გადიდდი,
 შვილი ეყრება დედასა!
 არ დაიდარდო, დედაო,
 რაც მე სიკვდილით გაწყენე:
 მე შენი ძუძუს ნათელი
 საქვეყნოდ გამოვაბრწყინე,
 მე გაგიხუნე ლეჩაქი,
 მაგრამ დაგხურე შუქური,
 სამშობლოსათვის დავთხიე
 სისხლ-ცვარი სიჭაბუკური.
 მე არ დამკარგავს სამშობლო,
 სულ ვეხსომები ლევანი,
 სანამდი საქართველოში
 იწურებოდეს მტევანი...
 ცხრა ძმით მეთედ მიმიღეს,
 პირზე მაყარეს ვარდები,
 დაჭრილს, დამძრალს და გზადაღილს
 დამხურეს მუზარადები.
 თუ გაუჭირდა სამშობლოს,
 კვლავ ცეცხლით დავიდაგებით,
 ჩვენ გამოვამტვრევთ საფლავებს,
 ხმლით ქართლის მთებზე დავდგებით.
 არ დაიდარდო, დედაო,
 ნუ მიეცემი სევდასა,
 დღეო, გადიდდი, გადიდდი,
 შვილი ეყრება დედასა!



ძველი დროიდან ქართველ და ოს ხალხებს შორის იყო მჭიდრო მჭიდრო კური და პოლიტიკური ურთიერთობა. ამას ხელს უწყობდა დინასტიური ქორწინებანი, რომელთაც ჰქონდა ადგილი ადრეულ საუკუნეებში. ისინი განსაკუთრებით გახშირდა XI-XII სს-ში. სამეფო და ფეოდალურ გვარებს გარდა ხშირად იყო ქორწინებანი რიგით მოსახლეობაში. ბოლო ხანებამდე აღმოსავლეთ საქართველოში ქართველთა შერეულ ქორწინებათა მეტი წილი ოსებზე მოდიოდა.

ოსებს საქართველო იზიდავდა თავისი მაღალი ეკონომიკური და კულტურული დონით. ბიზანტიიდან და საქართველოდან ვრცელდებოდა ოსეთში ქრისტიანობა VI-X სს-ში.

რამდენადაც ოსებს აღმოსავლეთ საქართველოს მხარეთაგან ურთიერთობა ჰქონდათ ძირითადად შიდა ქართლთან და გვიან შუახაუკუნეებში ოსთა ვადმოსახლეობას არ ჰქონდა ადგილი, შეეჩერდეთ ამ პროვინციაზე.

ქართული საისტორიო წყაროების მიხედვით, შიდა ქართლი აღმოსავლეთით ვრცელდებოდა მდ. არაგვისა და არმაზის ციხემდე, სამხრეთით — ფარაენის ტბამდე, დასავლეთით — სურამის ქედამდე, ხოლო ჩრდილოეთით — კავკასიონის მთავარ ქედამდე.

I საუკუნის ბერძენი გეოგრაფი სტრაბონი იბერიის და, მაშასადამე, შიდა ქართლის (სტრაბონისეული „შუა იბერია“) ჩრდილოეთ საზღვრად მიიჩნევს კავკასიონის ქედს (სტრაბონი, XI, 2, 15).

XVIII საუკუნის პირველი ნახევრის დიდი ქართველი ისტორიკოსის და გეოგრაფის ვახუშტი ბაგრატიონის რუკებზე შიდა ქართლში შედიან აგრეთვე ხევი და დვალეთი (მდ. არღონისა და მდ. ფიაგდონის სათავეები — დღევანდელი ჩრდილო ოსეთის რესპუბლიკა), რომლებიც განლაგებულნი არიან კავკასიონის ქედის ჩრდილოეთით. დვალეთი რომ უძველესი დროიდანვე შედიოდა ქართლის სამეფოში, ეს კარგად ჩანს „მოქცევაი ქართლისაი“-ს ცნობიდან, რომლის მიხედვით „კარნი ოვსეთისანი“ და „ორნი კარნი დვალეთისა“ ქართლის სამეფოს ტერიტორიაა, რომელიც VI ს-ში სპარსებმა დაიპყრეს.

გერმანელი აკადემიკოსი ი. გიულდენშტედტი, რომელმაც 1772 წელს იმოგზაურა საქართველოში, პროვინცია შიდა ქართლის ჩრდილოეთ საზღვრად კავკასიონის ქედს აღნიშნავს (გიულდენშტედტის მოგზაურობა საქართველოში, I, თბ., 1962, გვ. 185, 267).

შიდა ქართლის უძველესი სახელწოდება იყო ზენა სოფელი. იგი დაფიქსირებულია ადრეული ხანის ქართულ აგიოგრაფიულ ძეგლებსა და VII ს-ის სომხურ გეოგრაფიაში, რომელიც ასახავს IV ს-ის სიტუაციას. სომეხი გეოგრაფის მიხედვით, ზენა სოფელი (ანუ შიდა ქართლი) შედგება შემდეგი ტერიტორიული თემებისაგან: აჩაბეთისხევი, საცხუმეთი, გვერდისძირი, ცხრაძმა, ქსნისხევი, ბაზალეთი, ტანისხევი, დვანის ველი (სომხური გეოგრაფია, ვენცია, 1881, გვ. 78).

საინტერესოა, რომ ყველა ამ ტერიტორიულ ერთეულთა სახელწოდებები იხსნება ქართული ენის ნიადაგზე და ყველა ეს ტოპონიმი გაფორმებულია ამ ენის კანონებით.

აღსანიშნავია, რომ მთელი შუა საუკუნეების განმავლობაში შიდა ქართული ტერიტორიაზე მიმდინარეობდა ქართული აღმშენებლობა, კერძოდ, ციხე-სიმაგრეთა და ეკლესიათა მშენებლობა, რომელთაგან ბევრი შუასაუკუნეთა ქართული არქიტექტურის პირველხარისხოვანი ძეგლია. მრავალ მათგანზე ქართული წარწერებია შემორჩენილი, რომლებიც ხშირად ფრიად საინტერესო შინაარსისა და ადგილობრივი ქართველი ფეოდალების სახელებს გვაცნობენ. ასეთი ძეგლებითაა ადფარული ყოფილი სამხრეთ ოსეთის ავტონომიური ოლქის მთელი ტერიტორია (არმაზის, ერედვის, დოდოთის, ტბეთის, ქასაგინას, სახთას, ლისის, ცხავატის, წირქოლის, იკორთის, ყანჩაეთის, თიღვის და სხვა ეკლესიები).

ანტიკურსა და ადრეფეოდალურ ხანაში მთელი შიდა ქართლი ერთ ადმინისტრაციულ ერთეულში — საერისთავოსა ანუ სასპასჰეტოში იყო გაერთიანებული. XI—XII სს-ში ქართლის საერისთავოთერისთავო ასევე მთელს შიდა ქართლს მოიცავდა. XIII ს-ის შემდეგ, შიდა ქართლის საერისთავოს დაშლის შედეგად წარმოიშვა სათავადოები: ქსნის საერისთავო (XIII ს.), არაგვის საერისთავო (XIV ს.), საციციანო (XIV ს. მიწურული), საამილახვრო (XV ს.), სამაჩაბლო (XV ს.), საამირეჯიბო (XV ს.), საჯავახიანო (XV ს.), სამუხრანბატონო (XVI ს.), და სხვანი.

საქართველოსა და ოსეთს შორის ურთიერთობა მეტწილად ნორმალური და კეთილმეზობლური იყო, მაგრამ საკმარისი იყო გარეშე ანუ მესამე ძალის ჩარევა, რომ მათ შორის ურთიერთობა დამაბულ ხასიათს ღებულობდა.

ასე მაგალითად, V საუკუნეში ირანის მიერ წაქეზებული ოსი მოლაშქრენი დარუბანდის (ანუ დერბენდის) გზით შემოდიან ქართლში და ქ. კასპში ატყვევებენ ვახტანგ გორგასლის დას მირანდუხტს, რომელიც არაგვი-დარიალის გზით მიჰყავთ ოსეთში, ვახტანგი ლაშქრობს ოსეთში და ძლიერ დათრგუნავს მოძალადეებს.

XIII საუკუნის მეორე ნახევარში ორი მონღოლური სახელმწიფოს — „ოქროს ურდოსა“ და ილხანთა შორის ბრძოლის პერიოდში, შიდა ქართლის მიდამოებში იყვნენ დარუბანდის გზით აქ შემოსული ოსებისაგან შემდგარი სამხედრო რაზმები, რომლებიც ილხანთა ბრძანებით მოქმედებდნენ.

ქართლის შინაპოლიტიკური რღვევის ვითარებაში ოს ფეოდალთა რაზმებს მიეცათ შესაძლებლობა გაეშალათ თავიანთი მოქმედება. 1292 წელს, ქართლში უმეფობის პერიოდში, როდესაც ქვეყანას მხოლოდ ერისთავი და აზნაურები ჰყავდა პატრონად, XIV ს-ის ანონიმი ქართველი ისტორიკოსის („ჟამთააღმწერლის“) სიტყვით, პირველად „იწყეს ოვსთა ოზრებად, ხოცად და რბევად და ტყვეენად ქართლისა და ქალაქი გორი წარტყუენეს და თვისად დაიჭირეს ოვსთა“ (ქართლის ცხოვრება, II, 1959, გვ. 269).

მეფე გიორგი V ბრწყინვალემ XIV ს-ის 20-იან წლებში, — ჟამთააღმწერლის სიტყვით, „განასხნა და აღფხურნა“ ოვსნი (ე. ი. აჰყარა და აღმოფხვრა), და წა-



ართვა მათ დაპყრობილი ციხეები. ჩრდილოეთიდან მშვიდლობიანობის გარანტიის მიზნით ვიორგი ბრწყინვალემ ამიერკავკასიიდან გასასვლელი გზები დაიჭირა. მის მიერ გატარებული ენერგიული ზომების წყალობით თარეშე ოსური რაზმები განადგურებული ან საქართველოდან განდევნილ იქნა.

ოსური ახალშენების შექმნა ქართლში გვიან შუასაუკუნეებში მიმდინარეობდა. ჯერ კიდევ XII—XIV სს-ში მონღოლმა და თურქმანული მოდგმის დამპყრობლებმა დაარბიეს და გაანადგურეს ჩრდილო კავკასიის ველებზე მცხოვრები ოსები: ვადარჩენილთა დიდი ნაწილი ცენტრალური კავკასიონის მაღალმთიან რაიონში შეიხიზნა. მწირი მთა და სამეურნეო ტექნიკის დაბალი დონე მათი მოთხოვნების მინიმუმსაც ვერ აკმაყოფილებდა. ამიტომ ილტვოდნენ ოსები საქართველოსკენ, რომლის სოციალურ-ეკონომიკური ცხოვრება უფრო მაღალ დონეზე აღდა. ეს პროცესი განსაკუთრებით გააქტიურა გვიან შუასაუკუნეებში მონღოლთაგან დასუსტებულ ოსებზე ყაბარდოს პოლიტიკურმა ექსპანსიამ.

სარჩო-საბადებლის მძებნელი ოსები ქართველ მთიელთა სოფლებში იკვლევდნენ გზას, ხშირად კი აქაურ ფეოდალთა კუთვნილ მიწებზე ხიზნებად სახლდებოდნენ. ცნობა გვიანშუასაუკუნეებში საქართველოს ტერიტორიაზე ოსთა კომპაქტური მოსახლეობის შესახებ ეხება XVII საუკუნის დამდეგს. მაშინ იქ ნამყოფი რუსი ელჩის მ. ი. ტატიშჩევის მონაცემებით, ოსები უკვე სახლობდნენ მდ. დიდი ლიახვის სათავეებში.

XVII ს-ის პირველი ნახევრის ერთი ნასყიდობის სიგელიდან ჩანს, რომ ოსები სოფელ ზემო ჯავაში ამ დროს ჯერ კიდევ არ მოსახლეობენ. მასში ვკითხულობთ: „ამოწყდა ზემო ჯავა და დაუკაცურდა ოსთაგან“ (დოკუმენტები საქართველოს სოც. ისტორიიდან, I, 1940, გვ. 364).

XVII საუკუნის შუა წლებით დათარიღებული მეორე საბუთიდან კი ჩანს, რომ იმ დროს, ჯავის ჩრდილოეთით — მდ. დიდი ლიახვის სათავეებში, ქართლის მეფის როსტომის თანხმობით, ესახლებიან ოსეთიდან გადმოსული ოსები (საქ. ცენტ. საიხ. არქივი, ფ. 1448, საბ. № 10326).

ი. გიულდენშტედტის მონაცემებით, ლიახვის ზემო წელზე XVII ს-ის 30-იან წლების ვითარებას, ოსები სახლობენ დიდი და პატარა ლიახვის ზემო წელზე, მეჯუდის, ლეხურას, ქსნისა და თერგის სათავეებში.

ი. გიულდენშტედტის მონაცემებით, ლიახვის ზემო წელზე XVIII ს-ის 70-იან წლებში ოსებთან ერთად ცხოვრობენ ქართველები (გიულდენშტედტის მოგზაურობა საქართველოში, I, 1961, გვ. 277-279; II, 1964, გვ. 67).

გიულდენშტედტის მოგზაურობის შემდგომ ხანაში ქართლში მატულობს ოსური მოსახლეობა, მათი განსახლების არე სამხრეთით მოიწევს.

1802 წლისათვის შიდა ქართლის იმ ნაწილში, სადაც 1922 წელს შეიქმნა სამხრეთ ოსეთის ავტონომიური ოლქი, მხოლოდ ათი სოფელი იყო ოსებით კომპაქტურად დასახლებული. იმავე 1802 წელს ახალგაორში ცხოვრობდნენ მხოლოდ ქართველები და სომხები: ჯავაში (ხევის ჯავანი) მხოლოდ ქართველები, ცხინვალში კი — ქართველები სომხები და ებრაელები. ასევე 1900 წლის „კავკაზსკი

კალენდარის“ მიხედვით ცხინვალში ცხოვრობდნენ მხოლოდ ქართველები, სომხები და ქართველი ებრაელები.

XIX ს-ის დასაწყისში ოსები მხოლოდ შიდა ქართლის მთაში მხოლოდ იყვნენ. XIX ს-ის პირველ ნახევარში ისინი შიდა ქართლის მთისწინა მხარეში იყვნენ და XIX ს-ის მეორე ნახევრიდან ინტენსიურად დაიწყეს ბარის სოფლებში ჩამოსახლება.

1842—1843 წლებში კავკასიონის სამხრეთ კალთებზე მცხოვრებ მთიელთაგან, რომლებიც ადრე გორის, თბილისის და თელავის მაზრებში შედიოდნენ, შეიქმნა თუშ-ფშავ-ხევსურეთისა და ოსეთის ოკრუგები. ეს უკანასკნელი დანაწილდა ჯავის, პატარა ლიახვისა და ნარის უბნებად. 1859 წელს მეფისნაცვალმა ბარიატიანსკიმ ნარის უბანი (ისტორიული დეაღეთი) ჩამოაშორა თბილისის გუბერნიას და „კავკასიის ზაზის მარცხენა ფრთის“ ოსეთის სამხედრო ოკრუგს გადასცა, რომელიც შემდეგში თერგის ოლქის (1924 წლიდან კი ჩრდილო ოსეთის ასსრ) შემადგენლობაში შევიდა. ასე ჩამოშორდა საქართველოს ათასწლეულთა განმავლობაში მისი განუყოფელი ტერიტორია — დეაღეთი. რაც შეეხება ჯავისა და პატარა ლიახვის უბნებს, ისინი ოსეთის საპოლიციო უბნის სახით გორის მაზრის შემადგენლობაში შეიყვანეს (საქ. ცენტრ. საისტ. არქივი, ფ. 10, ნაწ. 1, საქმე 543, ფურც. 3, 6).

1922 წლის 20 აპრილს შექმნილ სამხრეთ ოსეთის ავტონომიურ ოლქში შევიდა ქართლის მთიანეთის ჩრდილო მხარე და რაჭის ნაწილი. მასში გაერთიანდა საქართველოს ისტორიული პროვინციები — სამჩაბლო, ქსნის საერისთავო, საფალავანდიშვილო, საამილახვროს ნაწილი.

ეს იყო ისტორიულად და იურიდიულად სრულიად გაუმართლებელი აქტი, მიმართული ქართველი ხალხის წინააღმდეგ, რამდენადაც საქართველოს ისტორიისა და სახელმწიფოებრიობის მრავალსაუკუნოვანი არსებობის მანძილზე ოსებს საქართველოში არ ჰქონდათ რაიმე სახელმწიფოებრივი წარმონაქმნი. მეტიც, საქართველოში მცხოვრებ ოსთა ორი მესამედი ცხოვრობს (ყოველ შემთხვევაში 1989 წლამდე ცხოვრობდა) ე. წ. „სამხრეთ ოსეთის“ ფარგლებს გარეთ (კახეთში, თბილისში, ბორჯომის ხეობაში), სადაც მათი ჩასახლება XIX ს-ის მეორე ნახევარსა და XX ს-ში ხდებოდა.

ოსებს საქართველოში ყველა პირობა აქვთ შექმნილი ეროვნული კულტურისა და ეკონომიკის განვითარებისათვის. საქართველოში 1990—1991 სასწავლო წელს, როგორც ოლქში, ისე მის ფარგლებს გარეთ, 97 საშუალო სკოლა იყო, სადაც სწავლა ოსურ ენაზე მიმდინარეობდა, ან ოსური ენა და ლიტერატურა ცალკე საგნად ისწავლებოდა.

ცხინვალში მუშაობდა პედაგოგიური ინსტიტუტი, სასოფლო-სამეურნეო ტექნიკუმი, სამედიცინო, სამუსიკო, სამხატვრო პროფტექნიკური სასწავლებლები. 1927 წელს დაარსდა მხარეთმცოდნეობის ინსტიტუტი, რომელიც შემდეგში გადაკეთდა საქართველოს მეცნიერებათა აკადემიის ენის, ლიტერატურისა და ისტორიის კვლევით ინსტიტუტად აქ მომზადდა „ოსეთის ისტორიის“ მრავალტომეული, სამხრეთ ოსეთის ისტორიის ორტომეული, ოსური ენის განმარტებითა

ლექსიკონის ობიექტოპეული, „ოსურ ლატერატურის ისტორია“, ოსური ნიმუშების კრებული. ცხინვალში მუშაობს სახელმწიფო ეროვნული თეატრი, სიმლორისა და ცეკვის სახ. ანსამბლი, მხარეთმცოდნეობის მუზეუმი, სამხატვრო გალერეა, საჯარო ბიბლიოთეკა; ოსურ ენაზე წარმოებს რადიოგადაცემები, გამოდის ჟურნალ-გაზეთები და ა. შ.

ყოველივე ამას მოკლებული იყო ჩრდილოეთ ოსეთის მოსახლეობა, სადაც მოხდა მათი რუსიფიკაცია. სწორედ აქ, სამხრეთ ოსეთის ავტ. ოლქში, შემორჩა და განვითარდა ოსური თვითშეგნება, თუ შეიძლება ითქვას, ოსური სული.

მაგრამ დახეთ უმადურობას!

1989—1992 წლებში ოსურმა სეპარატიზმმა, რომელსაც აქვს დიდი ისტორია, ახალი ძალით იფეთქა. სამხრეთ ოსეთის საოლქო საბჭოს სესიამ 1990 წლის 20 სექტემბერს მიიღო დეკლარაცია სამხრეთ ოსეთის ავტ. ოლქის „სამხრეთ ოსეთის საბჭოთა დემოკრატიულ რესპუბლიკად“ გარდაქმნის შესახებ.

1990 წლის 9 დეკემბერს ჩატარდა ე. წ. სამხრეთ ოსეთის საბჭოთა დემოკრატიული რესპუბლიკის „უმადლეხი საბჭოს“ არჩევნები, ხოლო 11 დეკემბერს — „უმადლეხი საბჭოს“ სესია. ამის პასუხად საქართველოს რესპუბლიკის უზენაესმა საბჭომ 1990 წლის 11 დეკემბერს მიღებული კანონით გააუქმა სამხრეთ ოსეთის ავტ. ოლქი. 1990 წლის 12 დეკემბერს ქ. ცხინვალის ცენტრში მოკლეს 3 და დაჭრეს 2 ქართული ეროვნების პირი. ამ დროიდან დაიწყო კონფლიქტის ესკალაციის ახალი ეტაპი. უკანასკნელი ოთხი წლის განმავლობაში ოსი სეპარატისტების ხელით ასობით უდანაშაულო ქართველის სიცოცხლე შეწყდა, ასეულობით ოჯახი, მრავალი სოფელი გაიძარცვა და გადაიბუგა (გ. ჟორჟოლიანი, დასახ. ნაშრ., გვ. 14).

ათი ათასზე მეტი ქართველი იძულებული გახდა მიეტოვებინა საცხოვრისა და საკუთარ სამშობლოში ლტოლვილად იქცა. თბილისი ჯაყოს ხიზნებით აივსო...

სამართლიანობა მოითხოვს აღინიშნოს, რომ რამდენიმე ათასმა ოსმა დატოვა ყოფილი ავტ. ოლქის ტერიტორია და საქართველოს გარეთ ლტოლვილად იქცა. ეთნოკონფლიქტების და ომების დროს დანაკარგები ორივე მხარესაა. მაგრამ ოსი ექსტრემისტები განსაკუთრებული სისასტიკით გამოიჩინევიან.

ქართული მხარის ყველა ცდა კონფლიქტის მშვიდობიანად მოგვარებისა უკანასკნელ დრომდე უშედეგო გამოდგა. არც 1992 წლს 24 ივნისს ბატონ ე. შევარდნაძის და ბატონ ბ. ელცინის ქ. სოჭში შეხვედრისას მიღებულმა კომუნიკემ და რუსეთ-საქართველოს შეთანხმებამ ქართველთა და ოსთა კონფლიქტის მოწესრიგების პრინციპების თაობაზე გამოიღო დიდი შედეგები. მართალია, შემცირდა ან თითქმის შეწყდა საომარი მოქმედება შიდა ქართლში, მაგრამ ცხინვალის რეგიონი ფაქტიურად იზოლირებულია დანარჩენი საქართველოსაგან, ისე რომ, იგი ქართველი ტელეჟურნალისტებისთვისაც კი შეუღწეველია.

უკანასკნელი თვეების მოვლენებმა ყოველგვარ ზღვარს გადაჭარბა. ე. წ. სამხრეთ ოსეთის რესპუბლიკამ სრული სუვერენიტეტი გამოაცხადა.

სახეზეა აშკარა აგრესია საქართველოს მიმართ. ოსური სეპარატიზმი პი-
დაპირ ემუქრება საქართველოს ტერიტორიულ მთლიანობას, საზღვრების ხელ-
შეუხებლობას, რაც შეუთავსებელია საქართველოს რესპუბლიკის, როგორც მთლიან
როს წვერი სახელმწიფოს სტატუსთან. შიხლინოთქვა

როგორ არ გაგახსენდეს ცნობილი ოსი მეცნიერის პროფ. ვასილ აბაევის
თვალსაზრისი, რომელიც მან გამოთქვა 1992 წლის 22 იანვრის „ნეზავისიმია
გაზეტა“-ს ნომრის ფურცლებზე: „ვისაც სურს მშვიდობა სამხრეთელ ოსებსა და
ქართველებს შორის, მან სამუდამოდ უნდა უკუავდოს სამხრეთ ოსეთის ჩრდი-
ლოეთ ოსეთთან შეერთების იდეა, ვისაც სურს საქართველოსა და რუსეთს შო-
რის მშვიდობა, ის აგრეთვე უნდა შეეშვას ამ იდეას. ასეთია რეალობა“.

შიდა ქართლი, რა თქმა უნდა, მისი ჩრდილო ნაწილითურთ – ცხინვალის
რეგიონით ანუ ე. წ. „სამხრეთ ოსეთით“ ყოველთვის იყო და იქნება საქართვე-
ლოს განუყოფელი ნაწილი.

ჯონდო გვასალია,
ისტორიის მეცნიერებათა დოქტორი, პროფესორი;

30.VI.93.

გრიგოლ აბაშიძე

დიდება გმირებს

დიდება გმირებს ჭაბუკ მეომრებს,
თავის გაწირვის მათს ნიჭს და უნარს,
კინც წინაპრების გზას იმეორებს,
კვდება და სიკვდილს სიკვდილით თრგუნავს!

ცეცხლით ათენებს ვინც დილა სისხამს,
ლამეს ისე სტეხს, თვალს ვერ მილულავს
და უკვდავების ძლიერ ფრთებს ისხამს,
როცა ბრძოლაში კვდება გამირულად!

თავს ვეღარ ვუყრი სამძიმრად სათქმელს.
ყელში ცრემლები მაწვება ბურთად...
მათ საკუთარი სიცოცხლე დათმეს,
რადგან სამშობლოს სიცოცხლე სურდათ!

და მკერდზე მინდა მე ძათი მირქმა,
გმირული ვისიც გვესმის ძახილი,
ვისაც მამულზე დღეღალამ ფიქრმა
ააღებინა ხელში ძახვილი.



დიდება გმირებს — ქართველ მეომრებს,
თავის გაწირვის მათს ნიჭს და უნარს,
ვინც წინაპრების გზას იმეორებს,
კვდება და სიკვდილს სიკვდილით თრგუნავს!

„საქართველოს რესპუბლიკა“.

2.XII.92.

...განაკლიერე ღვთივ-დაცული ერი ჩვენი და მეუფება მისე
ბრძოლასა შინა, რომელი გვიღვწიან ჩვენ, და გვწყალოვნ,
მივადლე მათ შენდობა შეცოდებათა, რომელნიცა ღოცვასა
შემოვქედრებულ არიან ჩვენ უღირსთასა, შეიწყალენ ღიღითა
შენითა წყალობითა, მოიხსენე, უფალო, კირველ გარდაცვალებულნი
მამანი და კმანი ჩვენნი, და განუსუენე მათ, სადა იპი
მიხედავს ნათელი კირისა შენისა. მოიხსენე, უფალო, კმანი
ჩვენნი, რომელი ტყვეობასა შინა არიან, და იხსენ იპინი
ყოვლისაგან განსაცდელისა...

„ღოცვაჲი“, გვ. 16.



**ზურაბ
აბაშიძე**


ამ მშვეტაბუკის ფოტოსურათს რომ დახედავთ, ძნელია დაიჯეროთ, რომ იგი აღარ არის ამ ქვეყნად. გმირულად დაიღუპა აფხაზეთში სამშობლოს მთლიანობისათვის ბრძოლაში.

ზურაბ აბაშიძე ჭიათურელია, იქ ცხოვრობენ მისი დამწუხრებული დედამა, და-ძმა. ზამთრის დიდთოვლობისას ვერაფრით მოვახერხე იქ ჩასვლა, მაგრამ ხმა მაინც მივაწვდინე, ზურაბზე წერილის დაწერას ვაპირებ მეთქი და იმათაც მიპასუხეს. ზურაბის დედის ქალბატონ ლია ბაქრაძისა და თანამებრძოლების — ბატალიონის მეთაურის ს. ქუთათელაძისა და გვარდიის ოფიცრის ი. კაპანაძის ბარათები მივიღე.

ჭიათურის მეცხრე საშუალო სკოლის დამთავრების შემდეგ სავალდებულო სამხედრო სამსახური მოიხადა და საქართველოს პოლიტექნიკური ინსტიტუტის ჭიათურის ფილიალში ჩაირიცხა, თან ნორჩ ტექნიკოსთა სადგურში ავია-სამოღებლო წრეს ხელმძღვანელობდა.

— ჩემი ზურიკო უადრესად გულთბილი, კეთილი, ყველას მოყვარული იყო, — გვწერს ქალბატონი ლია, — მას ყველასთან შეეძლო მეგობრობა, როგორც თავისზე უმცროს, ასევე ასაკით გაცილებით უფროსებთანაც. უქმად გაჩერებულს ვერ ნახავდით, სულ სადღაც მიეჩქარებოდა, საქმიანობდა. ძალიან ბევრს კითხულობდა, განსაკუთრებით ტექნიკური ლიტერატურით იყო გატაცებული, უფვარდა ფიქრი, სიახლის ძიება.

იგი ჯერ კიდევ ბატარა იყო, თორმეტი წლისა, ბაბუამ გაუქმებული „დამბაჩა“ რომ აჩუქა, ბიჭი დაინტერესდა, არაერთხელ დაშალა, ააწყო. უკვე მოზრდილმა კი, როცა სამხედრო განათლება მიიღო, ცეცხლსასროლი იარაღის შექმნით დაინტერესდა. დამოუკიდებელი საქართველო მხოლოდ შექმნილი იარაღის ხარჯზე ვერ იარსებებს, საჭიროა შეიქმნას თანამედროვე ქართული იარაღის



ამ საში საათის განმავლობაში ქვეითთა საბრძოლო მანქანა (ბმპ) განუწყვეტელი ცეცხლის ქვეშ იმყოფებოდა. მოწინააღმდეგემ გარკვეული დროით შეძლო მემკრების განცალკევება, ამ დროს სრულად ამუშავდა ბმპ-ის ეკიპაჟი. ის მანქანის ცეცხლით უჭერდა მხარს ქვეითებს და, ამასთანავე, დაცალკევებულ ნაწილებს შორის ერთგვარად მეკავშირის მოვალეობას ასრულებდა. რის გამოც ბრძოლის მთელმა სიმძაფრემ მათ ზურგზე გადაიარა.

ზურაბ აბაშიძემ და მისმა ეკიპაჟმა თავიანთი თავგანწირული მოქმედებით დასახული ამოცანა ბრწყინვალედ შეასრულეს. კინდლასთან შეუერთდნენ ავღანელებს, მაგრამ უკვე ბრძოლის დასასრულს ზიდთან ჯავშანტრანსპორტიორ ნაღმზე წამოვეო და აფეთქდა. დაიღუპა ზურაბ აბაშიძე, დაიჭრნენ ვეფხია მოღებაძე და გია წერეთელი. †

ზურაბ ვლადიმერის ძე აბაშიძის ცხედარი თანამებრძოლებმა ჭიათურაში ჩამოასვენეს და დიდის პატივით საჩხერის რაიონის სოფელ ჭალაში დაკრძალეს. ოცდაექვსი წლის უღამაზესი და უკეთილშობილესი ჭაბუკი წავიდა ამ ქვეყნიდან გაუხარელი, უცოლშვილოდ. მაგრამ დატოვა გმირის სახელი. მის ნათელ ხსოვნას დაეწეება არ უწერია.

ზურაბ აბაშიძე სიკვდილით შემდეგ დაჯალღოვდა ვახტანგ გორგასლის III ხარისხის ორდენით.

ლარისა ხუბულური.

* * *

... კაკასიის მალალ ქედზე
 მიჯაჭვული ამირანი
 არის მთელი საქართველო
 და მტრები კი ყვავ-ყორანი.
 მოვა დრო და თავს აიშვებს,
 იმ ჯაჭვს გასწვევტს გმირთა-გმირი!..
 სიხარულად შეეცვლება
 ამდენი ხნის გასაჭირი!

აბაპი



**ლევან
აბაშიძე**

ლევან გიორგის ძე აბაშიძე დაიბადა 1963 წლის 22 მაისს, თბილისში, მეცნიერ მუშაკთა ოჯახში. იგი იზრდებოდა ისეთ გარემოში, სადაც ზოგადად მიანურ კულტურულ ფასეულობებს არასოდეს დაჰკარგვიათ თავიანთი მნიშვნელობა და მათი გულისათვის თავგანწირვაც კი ჩვეულებრივ ზნეობრივ ნორმად ითვლებოდა.

ლევანმა 1980 წელს, თბილისის პირველი საშუალო სკოლის დამთავრებისთანავე, სწავლა განაგრძო შოთა რუსთაველის სახელობის თეატრალურ ინსტიტუტში. სამსახიობო ფაკულტეტზე, გამოჩენილი ქართველი რეჟისორის მიხეილ თუმანიშვილის ჯგუფში. იგი ჯერ კიდევ მეორე კურსის სტუდენტი იყო, როდესაც მიანდეს თბილისის კინოსახიობთა თეატრის სპექტაკლებში მონაწილეობა. მათ შორის განსაკუთრებით აღსანიშნავია ლევანის მიერ განსახიერებული მთავარი გმირის როლი ტ. უაილდერის პიესაში „ჩვენი პატარა ქალაქი“.

ლევან აბაშიძის კინოღებუტი შედგა ლ. დოლობერიძის ფილმში „რამდენიმე ინტერვიუ პირად საკითხებზე“, სადაც 14 წლის ლევანმა მთავარი გმირის ვაჟიშვილის როლი ითამაშა. ხოლო პირველი მთავარი როლი ეკრანზე ლევან აბაშიძემ განახორციელა 1984 წელს ვ. შენგელაიას ფილმში „ახალგაზრდა კომპოზიტორის მოგზაურობა“, რომელმაც ბერლინის საერთაშორისო კინოფესტივალზე ერთ-ერთი მთავარი პრიზი „ვერცხლის დათვი“ დაიმსახურა.

მას შემდეგ ლევან აბაშიძემ ოცამდე კინოფილმში მიიღო მონაწილეობა და არაერთი უაღრესად საინტერესო და შთამბეჭდავი მხატვრული სახე შექმნა მათ შორის აღსანიშნავია მის მიერ განსახიერებული როლები ა. რეხვიაშვილის ფილმში „საფეხური“ (1975 წ.), ტ. კოტეტიშვილის ფილმებში „ანემია“ (1988 წ. კიევის საერთაშორისო კინო-ფესტივალზე ლევან აბაშიძე საუკეთესო აქტიორული ნამუშევრისათვის დაჯილდოვდა მთავარი პრიზით) და „ქალაქის ცხოვ-

რება“ (1990 წ., ლ. დოლობერიძის ფილმში „ორომტრიალი“ (1986 წ.) გ. შავ-
ლაძის ფილმში „ფესვები“ (1987 წ.), ტ. კალატოზიშვილის ფილმში „საკაენის
ოინები“ (1985 წ.), კაიდანოვსკის ფილმში „სტუმარი“ (ლენფილმი, 1987 წ.),
გ. ჩირაძის ფილმში „ზვარაკი“ (1991 წ.), გ. ლევაშოვ-თუმანიშვილის ფილმში
„ბედიანი“ (1992 წ.), და სხვ...

სიცოცხლის ბოლო დღეებამდე ლევან აბაშიძე უაღრესად ინტენსიური შე-
მოქმედებითი ცხოვრებით ცხოვრობდა. 1992 წლის დამდეგიდან მას ერთდროუ-
ლად სამ მხატვრულ ფილმში იღებდნენ მთავარ როლებში. დღითიდღე კიდევ
უფრო მეტად იხვეწებოდა მისი ჭეშმარიტი ხელოვნება. უდროოდ შეწყვეტილი
კადრები, დაუმთავრებელი კინომასალა ამის ნათელ დადასტურებას წარმოად-
გენს.

ლევან აბაშიძე თავის ნიჭით, ტემპერამენტით, სიყვარულის უნართა და
კაცური სინდისით ნათელი ცხოვრების განსახიერებას წარმოადგენდა. როდესაც
აფხაზეთის აუბელითი ტრაგედია დატრიალდა, იგი მისთვის დამახასიათებელი
დაუოკებლობით მოხალისედ გაიჭრა ბრძოლის ველზე საქართველოს ერთიანო-
ბისა და თავისუფლების დასაცავად.

ლევან აბაშიძე თავის მეგობარ თანამებრძოლებთან ერთად ვპირულად შე-
ეწირა სამშობლოს 1992 წლის 7 სექტემბერს სოფელ ეშერის მისადგომებთან.

ქართველმა საზოგადოებრიობამ დიდი ვულისტკივილით გამოიკვლივა თა-
ვისი საყვარელი მსახიობი, რომელსაც, ახალგაზრდობის მიუხედავად, უკვე ჰქონ-
და მოხვეწილი საყოველთაო პოპულარობა თავისი მაღალი პროფესიონალიზმის,
დახვეწილი ოსტატობის და, ამასთანავე, უაღრესად ვაჟკაცური ბუნებისა და ვა-
რუგნობის წყალობით.

ლევან აბაშიძე დაკრძალულია ქართველ მწერალთა და საზოგადო მოღვა-
წეთა დიდუბის პანთეონში.

* * *

ურდოც შეიძრა... ხმაურობს... დაჰკრეს ნალარა ცისკრისა...

განემზადება საომრად რაზმი და რაზმი ჯარისა!


აი თოფიცა გავარდა... აი რბის

ცხენი მხედრისა!

ამ მშენიერსა დილასა კაცს რად

ჰსურს სისხლი კაცისა?

პრიგოლ ორბელიანი



**კობტა
 აბესალაშვილი**

კობტა ვარლამის ძე აბესალაშვილი დაიბადა 1961 წლის 28 აპრილს, გაგ-
 რის რ-ნის სოფელ ბზიფში. სკოლის დამთავრების შემდეგ სწავლა განაგრძო
 ფოთის გემთმშენებლობის ტექნიკუმში. კობტას გატაცება მთა იყო, ამიტომაც
 მიუწევდა გული იქითკენ. საკმაოდ კარგ მთამსვლელს არაერთხელ დაულაშქრავს
 მწვერვალები. სწავლა დაამთავრა 1980 წელს და მუშაობა დაიწყო გაგრის რკი-
 ნიგზის სადგურში. ოჯახს ადრე მოეკიდა. ჰყავდა საყვარელი მეუღლე და ქალი-
 შვილი. ბედნიერად ცხოვრობდა, სანამ...

საქართველოს რესპუბლიკის შეიარაღებული ძალების 10143-ე ბრიგადის
 № 06660 ბატალიონ „აჯაზაში“ გაიგზავნა კობტა აგვისტოს დასაწყისში, საკუ-
 თარი ქალაქის, საკუთარი კერიის დასაცავად. ომი იყო აფხაზეთში, უჭირდა საყ-
 ვარულ ქალაქს, ხალხს და, აბა, რა გააჩერებდა. ბედისწერამ თავისი გაგრის დაც-
 ვა არგუნა წილად. ორჯერ დაიჭრა კიდევ. მეორე ჭრილობა საკმაოდ სერიოზუ-
 ლი აღმოჩნდა და ჰოსპიტალში მოუხდა მკურნალობა. რამდენი სიცოცხლე გა-
 დაარჩინა, რამდენს შეუნარჩუნა მამა, ძმა, შვილი... გაგრის ალების შემდეგ ეხმა-
 რებოდა ყველას, ვისაც კი მისი დახმარება სჭირდებოდა, გამოჰყავდა დაჭრი-
 ლები, დაღუპულები, ცოცხლებს გაგრიდან გაპარვაში შევლოდა... გადაარჩინა
 საკუთარი ცოლ-შვილიც... სამწუხაროდ, მათ ვერ შეუნარჩუნა მისი თავი...

საქართველოს შეიარაღებული ძალებას მე-11 მექანიზებული ბრიგადის
 114-ე ბატალიონის ზემდეგი კობტა ვარლამის ძე აბესალაშვილი გმირულად
 დაიღუპა 1992 წ. 2 ოქტომბერს ქ. გაგრაში საბრძოლო ოპერაციების დროს და
 დაკრძალულია ოკუპირებულ ტერიტორიაზე.

გაანათლოს ღმერთმა! !



საქართველოს
ბიზნესი

სოსო აბზიანიძე

სოსო (კობა) ოლივერის ძე აბზიანიძე დაიბადა 1965 წლის 6 აგვისტოს. 1979 წელს დაამთავრა თბილისის 156-ე საშუალო სკოლის 8 კლასი, 1979 – 1983 წლებში კი წითელ დიპლომზე დაამთავრა თბილისის უშანგი ჩხეიძის სახელობის სამშენებლო ტექნიკუმი. 1984–1986 წლებში ავღანეთში მოიხადა სამხედრო სავალდებულო სამსახური. შემდეგ დაუსწრებლად დაამთავრა როსტოვის სამშენებლო ინსტიტუტი. ამავე დროს მუშაობდა შ. ს. ს. სპეცდანიშნულების რაზმში, მიღებული აქვს მრავალი მადლობა და ჯილდო. მიიღო მონაწილეობა სომხეთში (სპიტაკში) მიწისძვრით დაზარალებულთა გამოსაფხანად.

1989 წლის 9 აპრილს კი ქართველი ხალხის ინტერესების დასაცავად რუსთაველის პროსპექტზე იდგა, ვაჟკაცურად აღუდგა წინ მშვიდობიან მომიტინგეთა დარბევას, რის გამოც ტრავმირებული იწვა შინაგან საქმეთა სამინისტროს პოსპიტალში.

სოსო (კობა) აბზიანიძე 1991 წლიდან პოლიციის ლეიტენანტის წოდებით სიცოცხლის უკანასკნელ დღემდე მუშაობდა საქ. რესპუბლიკის ეკოლოგიის პოლიციის სამმართველოში ოპერატიული ინსპექციის უფროსად. მთელი მისი მოღვაწეობის მანძილზე 1986–1992 წლამდე იღებდა მონაწილეობას საქართველოს ერთიანობისათვის ბრძოლაში და ერის სამსახურში იდგა (შიდა ქართლის კონფლიქტში, ბოლნისში, აფხაზეთში). 1992 წლის 28 აგვისტოს იგი ავღანეთის სპეციალურ ასეულთან ერთად გაემგზავრა აფხაზეთში სამშობლოს დასაცავად. 3 ნოემბერს გმირულად დაიღუპა სოფელ შრომასთან, უთანასწორო ბრძოლაში, სასიკვდილოდ დაჭრილი მეგობრის ვაჟა ბანეთიშვილის გამოყვანის დროს.

დაკრძალულია საბურთალოს პანთეონის ძმათა სასაფლაოზე. მთავრობის დადგენილებით თბილისის ერთ-ერთ ქუჩას მინიჭებული აქვს მისი სახელი.



დაიბადა 1966 წლის 8 მაისს, საჩხერის რაიონის სოფ. სარეკისში. მშენებელი ნუგზარ აბრამიშვილი — პენსიონერი, ღენა აბრამიშვილი — მასწავლებელი.

1983 წელს დაამთავრა სარეკის საშუალო სკოლა, შემდეგ სწავლა გააგრძელა თბილისის ვაჭრობის ტექნიკუმში საქონელმცოდნეობის ფაკულტეტზე.

1984 წელს გაიწვიეს სამხედრო სავალდებულო სამსახურში. სამხედროდან დაბრუნების შემდეგ მუშაობდა დარკვეთის გამამდიდრებელ ქარხანაში.

1992 წლის აპრილში შევიდა საჩხერის გვარდიაში, იბრძოდა ცხინვალში ოსი ექსტრემისტების წინააღმდეგ, მიანიჭეს გვარდიას ოფიცრის წოდება, იყო ასპეთაურის მოადგილე.

1992 წლის 10 აგვისტოს წავიდა აფხაზეთში.

1992 წლის 8 სექტემბერს ტაშიშის ხიდთან პრძოლაში დაიღუპა.

მალხაზ აბრამიშვილი სიკვდილის შემდეგ დაჯილდოვდა მედლით „მხედრული შამაცობისათვის“.



გი
ა
ზ
ა
შ
ვ
ი
ლი

საბჭოთა არმიის რიგებში მსახურობდა, მაშინ იგი სასიკვდილოდ დაჭრეს, მაგრამ გადარჩა, უფროსი სერჟანტი იყო. ამბობდა, რომ იგი არასოდეს მოკვდებოდა, რადგან საიქიოდან დააბრუნეს.

მის საფლავს თოვლი ადევს, ირგვლივ სამარისებური სიჩუმეა, მრავალ ახალგაზრდას საშუალოდ მოუყვრია თავი, ძინავთ ბიჭებს მშვიდად.

აქ, ამ ადგილას. ოდესღაც მწვანეში ჩაფლული ბალი იყო გაშენებული
გამამ აქ ისწავლა ენა, აქ აიღვა ფეხი, აქ, სადაც საფლავეა გათხრილი, ტიტველა
2 წლისა ჯინჭრებში ჩაუარდა. მახსოვს, როგორ გულამოსკენილი ტიროდა დედის
უბეში ჩახუტებული. არ ვიცით ასე რად გავეწირა ღმერთმა, როცა მესწავლა
ნასახლარი იყო და უკანვე დაგვებრუნა.

და ახლა ომის მძიმე პერიოდში, ვიას საფლავს აკითხავს მხოლოდ ახალ-
გაზრდა კაცი, ნადრევედ დაბერებული წვეროსახი, ობლად დადის, ღამეებსაც
აქ ათევს. ეს ვიას მამაა.

ვია აბულაძე დაიბადა 1968 წლის 21 იანვარს, სოხუმში, 1992 წლის 21
ოქტომბერს ლტოლვილად წოდებულ ქერივ ილონას მისგან აჭარის მიწა-წყალ-
ზე, ქობულეთში შეეძინა ქალიშვილი – ცისფერთვალება ია.

მტრის ვერაგმა ტყვიამ, „ვია დედაოს“ თქმა რომ ვეღარ მოასწრო, ისე
განგმირა ღიმილის ბიჭი, მუდამ მზიარული, სიცოცხლით სავსე, რომელსაც
ეს-ესაა ოჯახი შეექმნა და ფიქრობდა ოცნებების განახლებაზე. მაგრამ, ვია,
რომ, იმ საბედისწერო 17 აგვისტოს ვია სახლში ვეღარ დაბრუნდა.

ომის დაწყების პირველივე დღიდან 14 აგვისტოს ვია უიარაღო ბიჭებს
ემსახურებოდა; „აბა, პური“, „აბა სივარეტი“, „აბა, ბიჭებს შიათ, დედი“. შვი-
ლის ასეთი აქტიურობა მამას არ მოეწონა, თითქოს გრძნობდა მოახლოებულ
უბედურებას და უყვირა კიდევაც. პასუხი კი ასეთი იყო: „ეხ, პაპუნი, შენ არ იცი,
როგორი ბიჭები კვდებიან, მე ქალის კაბას ვერ ამოვეფარები, მე მათთან უნდა
ვიყო“.

და, მართლაცდა, 17 აგვისტოს ღამის 10 საათზე ვია სამუდამოდ მათთან
დარჩა. იგი ვაჟაკურად შეეგება სიკვდილს. დაიღუპა 1992 წლის 17 აგვისტოს,
სოხუმში პიკეტირების დროს. ჩვენს მწუხარებას საზღვარი არა აქვს. ვიასავით
ბიჭები არ უნდა კვდებოდნენ, ისინი ჩვენს გვერდით უნდა იყვნენ, რათა მომა-
ვლი მშვენიერი იყოს, ნათელი და ჯთილი.

ახლა ვიას დედას თვალებში სინათლე დაბნელებია. მძიმე ოპერაციის
შემდეგ იგი თავის რძალს და პატარა იას დაუბრუნდა ქობულეთში, მაგრამ ჯერ
კიდევ ცუდად არის. ია კი უკვე სამი თვისაა, იზრდება გოგონა უწყლობა-
უსინათლობაში, არც გათბობა და არავითარი სამედიცინო ყურადღება. რას ვი-
ზამთ, გვესმის რომ უჭირს საქართველოს, ომია, გვწამს, რომ ეს ყველაფერი
მალე დამთავრდება და პატარა ია დაუბრუნდება მამისეულ ქალაქს – სოხუმს,
მამისეულ ეზო-კარს, თამარის ქუჩაზე. გაიზრდება ჩვენი გოგონა, დაკრეფს პა-
ტარა იებს და მამამისის სასაფლაოზე აიტანს.

ს. აბულაძე



გიორგი ადაშვილი

გიორგი მიხეილის ძე ადამაშვილი დაიბადა 1960 წლის 22 ნოემბერს თეთრი წყაროს რაიონის სოფელ ტბისში. განათლება საშუალო, უცხო.

1970 წელს ტბისის დაწეებითი სკოლიდან გადავიდა სოფელ საღრაშენის რვაწლიან სკოლაში, რომლის დამთავრების შემდეგ სწავლა გააგრძელა ქ. თბილისის № 118-ე პროფსასწავლებელში, ამის დამთავრების შემდეგ სამუშაოდ გაანაწილეს ქ. რუსთავის ცემენტის ქარხანაში ამწვობ ზეინკლად. 1980 წელს გაწვეული იქნა სავალდებულო სამხედრო სამსახურში ქ. ლენინგრადში, რომლის მოხდის შემდეგ იქვე დარჩა სამუშაოდ კიროვის სახელობის ქარხანაში ამწვობ ზეინკლად. 1989 წელს დაბრუნდა საქართველოში და მუშაობა დაიწყო წყალმშენის № 5 სამმართველოში. 1990 წელს გადავიდა სამუშაოდ სამშენებლო სარემონტო კანტორაში. 1992 წლის ოქტომბერში გაწვეული იქნა სამხედრო სამსახურში, ჩაირიცხა 114-ე ბატალიონ „ავაზაში“, 1992 წლის 16 დეკემბერს აფხაზეთში მტერთან ერთ-ერთი შეტაკების დროს ვაჟკაცურად დაეცა მძიმე ველზე.

დასაფლავებულია თეთრიწყაროს რაიონის სოფელ ტბისის სასაფლაოზე.



საულ (ზური) ადიშვილი

დაიბადა 1955 წლის 12 აპრილს სოხუმის რაიონის სოფ. ახალშენში.

რვაწლიანი სკოლის დამთავრების შემდეგ სწავლა განაგრძო სოხუმის ინდუსტრიალური ტექნიკუმის საავტომობილო ფაკულტეტზე, რომელიც დაამთავრა 1974 წელს. იმავე წელს გაწვეულ იქნა საბჭოთა არმიის რიგებში. მსახურობდა ქ. ვლადივოსტოკში.

1976 წლიდან მუშაობდა სოხუმის მარმარილოს წარმოების ქარხანაში მძღოლად.

1992 წლის 3 ნოემბერს სოფელ ახალშენის მისადგომებთან გმირულად დაეცა მტერთან ბრძოლის დროს.

ჰყავს მეუღლე და ქალ-ვაჟი.

ირიცხებოდა შეიარაღებული ძალების სწრაფი რეაგირების სპეციალური დანიშნულების ჯგუფში ქალაქ რუსთავეში.

გორა ავაზაშვილი

იმ ცოდვიანი დღიდან, 6 ივლისიდან, როდესაც შენი ლამაზი სიცოცხლე შეწყდა, სულ ორი თვე გავიდა, მაგრამ შენს ლიკას ორ საუკუნედ ექცა უშენოდ გავლილი 2 თვე.

ვტირივართ ყველანი, ვინც კი გიცნობდა და ერთხელ მაინც შეუვლია თვალი მაგ შენი ბუმბერაზულად გაშლილი მხრებისათვის. ტკივილით ატირებულნი ვიხსენებთ ჩვენს ლამაზ გოჩას, სევდანარევი ფაქრიანი მზერიითა და შავი,

კუმტადშეკრული წარბეჭქვეშ დამალული თვალებით, ღიმილიანი სახით, მოს-
ჯადობელი უშუალობით...

ვინ იცის, უფალმა, იქნებ ნუგეშად გარგუნა შენი სახიერების ^{სახიერების} შევილი, შენს სიცოცხლეშივე „პატარა დევისად“ რომ უხმობდნენ. ყოველდღე გეითხულობს პატარა გიორგი, ენატრება თავისი „მამიკონა“. მან არ იცის რატომ დააობლეს, რისთვის არგუნეს უმამო ბავშვობა.

ცრემლშეუშვრალი იხსენებს ძაძუბაღქცეული შენი ლაა ერთად გატარებული ოთხ წელიწადს, ასე მცირედი რომ გარგუნათ ღმერთმა, წახვედი და უნუგეშოდ დატოვე სათაყვანებელი მეუღლე და შენი გიორგი. გიორგი იხსენებს: „ჩემმა გონა მამიკომ დამარქვა გიორგიო“, „ასე იცოდა ჩემმა გონა მამიკომო“. „ცულმა კაცებმა მოშიკლესო მამიკონა“. გიორგი ჯერ სამი წლისაა, მაგრამ უკვე კარგად იცის რა არის სიკვდილი, რატომ ანთებენ ხანთელს მისი საყვარელი „მამიკონას“ სურათთან. იცის ვინ არიან ის ცუდი კაცები, რომლებმაც არგუნეს ასეთი მწარე ბავშვობა. სადმე რომ მიდიოდი, ლიკას უბარებდი, გიორგის მიმიხედუე, ბავშვს არაფერი მოაკლოთო. არ აკლებენ შენს გიორგის არაფერს, შენი მეგობრები თავს ევლებიან „პატარა დევისს“:

ერთხელ, ახალი ტანსაცმელი მოუტანეს გიორგის და მთელი დღე გაიძახოდა: „ჩამაცვით, მამიკოს უნდა დავალოცვინოვო“, დადგა შენს სურათთან ხანთლით ხელში და დავალოცვინა თავა.

მოდის შენს სურათთან და ხან ვაშლს დადებს, ხან ყურძენს და ამბობს: „ჩემს გონა მამიკოს უნდა ვაჩუქოვო“.

შენი დავიწყება როგორ იქნება, გონა! გჯეროდეს, რომ შენი სახელი არასოდეს წაიშლება ჩვენს გულებში. ყოველდღე ცრემლით ვიხსენებ, ვწერ შენა გახსენების წერილს და ცრემლით კვასველებ ფურცელს.

მჯერა, გონა იმიტომ წავიდა ამ ბოროტი წუთისოფლიდან ჩვენზე ადრე, რომ ჩვენზე უკეთესი იყო... ვიცი, რომ იგი კვლავაც არსებობს, მაგრამ სულ სხვა ფორმით.

ღმერთმა ნათელში ამყოფოს ჩიხი სული, მარადიული სასუფეველი დაიმკვიდროს ზეცაურ სასუფეველში!



ამირან ავალიანი

ამირან სალიბეს ძე ავალიანი დაიბადა 1964 წლის 29 მაისს ქ. სოხუმში. საშუალო განათლებით, უცოლშვილო, ჰყავს პენსიონერი დედა, ოთხი ძმა და სამი და. მამა არა ჰყავს.

1981 წელს დაამთავრა საშუალო სკოლა. სკოლის დამთავრების შემდეგ გაიწვიეს სამხედრო სავალდებულო სამსახურში, მსახურობდა უნგრეთის რესპუბლიკაში, 1985 წლიდან მუშაობდა გეოლოგიაში, სოხუმში, არის ეროვნული ზოდრაობის აქტიური მონაწილე. 1990 წელს ჩამოყალიბდა გაგრის მხედრიონი, სადაც მიიღო ფიცია. შემდეგ გადმოვიდა სოხუმის მხედრიონში. იყო უშიშარი და მტკიცე ნებისყოფის ახალგაზრდა, ყოველთვის პირველი მიდიოდა იქ, სადაც ერს სჭირდებოდა. პირველმა ჩაიტანა ქართული დროშა თავისი მანქანით სოხუმიდან ლესელიძეში, რომლის ფირიც ინახება ტელევიზიაში. იყო ოცეულის მეთაური. 1992 წლის 10 ოქტომბერს გუმისთის მისადგომებთან სამხედრო დავალების (დაზვერვის) დროს ტრაგიკულად დაიღუპა.

* * *

ჩემო კარგო ქვეყანა, რაზედ მოგიწყენია?...
აწყმო თუ არა გწყალობს, მომავალი ჩვენია,
თუმცა ძველნი დაგშორდნენ, ახალნი ხომ შენია...
მათ ახლად აღვიდგინონ შენ დიდების დღენია,
ჩემო, თვალის სინათლე, რაზედ მოგიწყენია?

წვრილ-შვილი წამოგვესწრნენ ნაზარდნი, გულმტკიცებდა,
მათის ზრუნვის საგანი შენ ხარ და შენ იქნები,
არ ვიმტყუნებენ შენა, თუ-კი მათ მიენდები.

მათის ღვაწლით შეგეკმნეს სახე ბედის მთენია,
ჩემო თვალის სინათლევ, რაზედ მოგიწყენია?



ქართული
ლიბრარი

მათი გული შენისა ტრფობის ფართო ბუდეა,

მათი გულთა ფიცარი შენი მტკიცე ზღუდეა...

ვერ წაბილწავს მათს გრძნობას სიმუხთლევ, სიმრუდეა!

მათ თვის მკერდით შეჰმუსრონ მტერთა სიმაგრენია,

ჩემო კარვო ქვეყანავ, მამ რად მოგიწყენია?

ი ლ ი ა

15 სექტემბერი, 1872 წ.



გორა
აპთანდილაშვილი

დაიბადა 1965 წლის 17 მარტს ქარელში, 1982 წელს დაამთავრა ქარელის
№ 3 საშუალო სკოლის სრული კურსი. 1983 წელს ჩაირიცხა თბილისის სასოფ-
ლო-სამეურნეო ინსტიტუტში, ჰიდრომელიორაციის ფაკულტეტზე. I კურსის
დამთავრების შემდეგ, 1984 წლის ივნისში გაწვეული იქნა საბჭოთა არმიის რი-
გებში. მსახურობდა ვლადივოსტოკის ოლქში. 1986 წელს დემობილიზებული
იქნა და სწავლა განაგრძო ზემოხსენებულ ინსტიტუტში, რომელიც დაამთავრა
1990 წელს, რამდენიმე ხნის შემდეგ დაიწყო მუშაობა ქარელის წყალთა მეურ-
ნეობის სამმართველოში.

1992 წლის 29 აგვისტოს, როგორც რეზერვისტი, გაიწვიეს ეროვნული გვარდიის რიგებში. ქვეითი ჯარის საბრძოლო მანქანის მეთაურს საბრძოლო ოპერაციების ჩატარება უხდებოდა გავრის რეგიონში. სოფელ კოლხიდასთან, როგორც თანამებრძოლები ადასტურებენ, გამოირჩეოდა განსაკუთრებული გმირული პედალით, სავალდებულო სამსახურის ვადის გავლის შემდეგ მისი ქვედანაწილად დაითხოვა ხელმძღვანელობამ, მაგრამ მან ყოველივე ეს საკმარისად არ ჩათვალა და კვლავ ჩადგა მებრძოლთა რიგებში. 1992 წლის 22 სექტემბერს გმირულად დაეცა სოფელ კოლხიდასთან.

დარჩა მშობლები: მამა — გარსევან ავთანდილაშვილი, დედა — ანა ავთანდილაშვილი, ტყუპისცალი ძმა — პაატა, უფროსი ძმა — ვიორგი.

ბარსეკვან ავთანდილაშვილი

* * *

...წმინდაა იგი, ვისაც ეღირსა
 მამულისათვის თავის დაღება!..
 ნეტა იმ ვაჟკაცს, ნეტა იმ გმირსა,
 ის თავის ხალხში აღარ მოჰკვდება.

ი ლ ი ა



**ელგუჯა
 ავსაჯანიშვილი**

დაიბადა 1949 წლის 20 თებერვალს თბილისში. დაამთავრა თბილისის 85-ე საშუალო სკოლა. 1968–70 წლებში მოიხადა სავალდებულო სამხედრო სამსახური. 1970 წელს მოეწყო თბილისის მანქანათმშენებლობის ტექნიკუმში, რომელიც დაამთავრა 1973 წელს.

1988 წლიდან ჩაება ეროვნულ მოძრაობაში. იყო თავდაცვის სამინისტროს
შეიარაღებული ძალების განსაკუთრებული დანიშნულების ბატალიონის წევრი
(ლეიტენანტი).
ეროვნული
ნიმუში

დაიღუპა 1992 წლის 2 ოქტომბერს ქალაქ გავრში.

დარჩა მეუღლე — მაყვალა ავსაჯანიშვილი.

და ორი შვილი — ვიორჯი და ალექო.

ელგუჯა ავსაჯანიშვილი სიკვდილის შემდეგ დაჯილდოვდა ვახტანგ გორ-
გასლის III ხარისხის ორდენით.



**ელგუჯა
ავსაჯანიშვილი**

დაიბადა გორის რაიონის სოფელ ქვახვრელში 1969 წლის 26 ივნისს. და-
ამთავრა ქვახვრელის საშუალო სკოლა, რომლის დამთავრების შემდეგ გაიწვიეს
საბჭოთა არმიის რიგებში, სადაც პირნათლად იმსახურა. არმიიდან დაბრუნების
შემდეგ მუშაობა დაიწყო კასპის წყალთა მელიორაციაში. ოჯახური მდგომარე-
ობის გამო შეთავსებით მუშაობდა გორის ელქსელებში. 1992 წლის 15 აგვის-
ტოს გაიწვიეს ქართულ გვარდიაში. იმისდა მიუხედავად, რომ ობლად — უმა-
მოდ გაიზარდა და სახლში ჰყავს ლოგინად მწოლიარე დედა, რომლის მდგომარე-
ობა უფრო გაუარესდა მისი წასვლის შემდეგ, თავი არ შეუკავებია და დადგა
აფხაზეთისა და საქართველოს მთლიანობის დამცველთა რიგებში. სულ მალე,
დაახლოებით ათ დღეში, 25 აგვისტოს დაიღუპა. სახლში დატოვა ავადმყოფი
დედა და თვალტრემლიანი ერთადერთი ძმა ელდარი.



**ალექსანდრე
ალიხანაშვილი**

დაიბადა 1961 წლის 15 თებერვალს, თბილისში, მოსამსახურის ოჯახში. სწავლობდა თბილისის № 2 რესპუბლიკურ ექსპერიმენტულ სკოლაში. რომლის დამთავრების შემდეგ სწავლა განაგრძო თბილისის II მუსიკალურ ტექნიკუმში თეორიულ განყოფილებაზე, რომლის სრული კურსის დამთავრების შემდეგ 1981-83 წწ. მსახურობდა ყოფილი საბჭოთა არმიის რიგებში. დაამთავრა თელავის პედაგოგიური ინსტიტუტის ფიზიკური აღზრდის ფაკულტეტი. მუშაობდა თბილისის 62-ე საშუალო სკოლაში პედაგოგად.

იყო საქართველოს რესპუბლიკის შეიარაღებული ძალების განსაკუთრებული დანიშნულების ბატალიონის წევრი (უფროსი ლეიტენანტი).

დაიღუპა ქ. გაგრაში 1992 წლის 2 ოქტომბერს, დარჩა პენსიონერი მშობლები:

- მამა — ზურაბ ალიხანაშვილი.
- დედა — მზია ალიხანაშვილი.

მეუღლე — ლეილა თედორაძე და ორი მცირეწლოვანი შვილი — მარიამი და ნოდარი.

ალექსანდრე ალიხანაშვილი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.




ქართველ
წიგლიწმინდა



**არჩილ
ამალოჯელი**

დაიბადა 1962 წლის 2 იანვარს. 1978 წელს სკოლის დამთავრებისთანავე ჩაირიცხა თბილისის ივ. ჯავახიშვილის სახელობის სახელმწიფო უნივერსიტეტის ფიზიკის ფაკულტეტზე, რომელიც წარჩინებით დაამთავრა 1983 წელს და დაიწყო მუშაობა საქართველოს მეცნიერებათა აკადემიის ა. რაზმაძის სახელობის მათემატიკის ინსტიტუტში. 1992 წლის ივნისში დაიცვა დისერტაცია ფიზიკა-მათემატიკის მეცნიერებათა კანდიდატის ხარისხის მოსაპოვებლად.



**მალხაზ
დოლიძე**

– დაიბადა 1962 წლის 10 მარტს. 1978 წელს დაამთავრა ფიზიკა-მათემატიკის სკოლა და იმავე წელს ჩაირიცხა თბილისის ივ. ჯავახიშვილის სახე-

ლობის სახელმწიფო უნივერსიტეტის ფიზიკის ფაკულტეტზე, რომელიც წარ-
ჩინებით დაამთავრა 1983 წელს. მუშაობა დაიწყო თსუ მაღალი ენერჯების ფი-
ზიკის ინსტიტუტში უძირის მეცნიერ მუშაკად. 1990 წელს დაიცვა დისერტაცია
ცია ფიზიკა-მათემატიკის მეცნიერებათა კანდიდატის ხარისხის მოსპობის მიზნით.
კითხულობდა ლექციებს თბილისის სახელმწიფო უნივერსიტეტში ფიზიკის ფა-
კულტეტზე.

აჩიკო და მალხაზი ერთად იზრდებოდნენ. მამების მეგობრობა შეიღებაც
„გადაედო“. მყარ ფესვზე აღმოცენებულმა ძმურმა სიყვარულმა შესანიშნავი
წყალობა გამოიღო. თბილისის სახელმწიფო უნივერსიტეტში სწავლობდნენ.
ჯგუფები იყვნენ და ერთადვე წარჩინებით დაამთავრეს ფიზიკის ფაკულ-
ტეტი თეორიული ფიზიკის სპეციალობით. კარგი სპორტსმენებიც იყვნენ, აჩი-
კოს კალათბურთი იტაცებდა, მალხაზს – სამთო-სათხილამურო სპორტი, თუმ-
ცა, ორივე ფეხბურთის „ვიჟი“ იყო. განსხვავებული ხასიათი ჰქონდათ და თით-
ქოს ერთმანეთს ავსებდნენ. მალხაზი უცბად აინთებოდა და ფიცხი კამათი სჩვე-
ოდა, აჩიკო, პირიქით, დინჯი, მომდიმარი სახით ესაუბრებოდა ოპონენტს ცხარე
კამათის დროსაც.

აღამიანი ამქვეყნად იმისთვის მოდის, რომ იცოცხლოს. იცხოვროს თუნდაც
ერთი დღე. სისხლსავე ცხოვრება უფრო რთულია, ვიდრე ასი წელი ამქვეყ-
ნად არსებობა. ისე უნდა იცოცხლო, რომ ბოლომდე დაიხარჯო, მაშინ დაერქმევა
არსებობას ცხოვრება... და სამშობლოს თავს დატყევილი განსაცდელის ჟამს
უყოფანოდ მიაშურეს აფხაზეთს, იქ, სადაც, მათი რწენით, უფრო საჭირო იყ-
ვნენ.

ბიჭებს ცხოვრება უყვარდათ, მაგრამ თავიანთ სიცოცხლეს არ დაჰკანკა-
ლებდნენ. როგორც წინაპრების უკვდავი გენი უკარანახებდათ, ისე მოიქცნენ. ში-
შით არ დათრგუნვილან, სიკვდილს შეეჭიდნენ, როგორც მეომრები, რადგან კარ-
გად უწყობდნენ მათი ბრძოლის ველზე დაცემით დიდი სიცოცხლე რომ უნდა
გაგრძელებულიყო საქართველოში.

...მაგრამ ცოტათი ადრე... სამი დღე დადიოდნენ თბილისის გამწვევ პუნქტ-
ში და ბოლოს მიაღწიეს საწადელს. თავიანთ ახალციხეში იყვნენ და სამხედრო
ტექნიკის გორისკენ ტრანსპორტირებაში მიიღეს მონაწილეობა. შემდეგ ფოთის
გავლით ჩავიდნენ სოხუმში და მეორე დღესვე 101-ე ბატალიონის მე-2 ასეულის
შემადგენლობაში, მდინარე გუმისთის ხეობაში, სოფელ ახალშენთან დაიკავეს
პოზიციები. აჩიკო ათმეთაური იყო, მალხაზი – რადისტა მეკავშირე.

ომი საოცარი მოვლენაა. არც აფხაზეთის ომია გამონაკლისი. აქ ამაღლე-
ბული და ნაღდია სიყვარული, მეგობრობა, თავდადება, პატიოსნება. საშინელებაა,
როცა შენს თვალწინ კვდება, აფეთქებენ, კლავენ, ბეზღიათბენ, ცრობენ, ლაჩ-
რობენ, იბარავენ, დალატობენ... მოულოდნელი არ ყოფილა მტრის შემოტევა,
მაგრამ გაუჭირდათ სულმოკლე თანამომხმის ძაერ გაცემულ მეომრებს. დაახლო-
ებით ერთი საათის განმავლობაში უსასტიკეს ბრძოლაში, ორმოცდაათში ჩვენი

მებრძოლი მედგრად უმკლავდებოდა მათზე ათჯერ მრავალრიცხოვან მტერს, ტანკითა და ხუთი ქვეითთა საბრძოლო მანქანით... 1992 წლის 3 ნოემბრის დილას, იმ საბედისწერო შეტაკებაში მათმა მონდომებამ, თავგანწირვამ დაუძვრე ძალის მოხვლამდე შეაჩერა მტრის გააფთრებული შეტევა სოფელ შრომაზე, მომხდურებს გეგმა ჩაუშალა და რამოდენიმე თანამებრძოლს სიცოცხლე შეუნარჩუნა... იმ დღეს სოხუმი გადაურჩა აღებას, საქართველო კი გაცილებით დიდ ტრაგედიას, ვიდრე ვაგრაში მოხდა!

ომს თავისი კანონი აქვს, დაუწერელი, ხშირად სასტიკი, ხანდახან გაუმართლებელი, ზოგჯერ უსამართლო, მაგრამ კანონი...

და შეიწირა სამშობლოს სიყვარულმა მალხაზისა და არჩილის სიცოცხლე. სიცოცხლეში განუყრელი მეგობრები სიკვდილმაც ვერ დააშორა, მაგრამ დაინდო უფალმა — ისე წავიდნენ ამ ქვეყნიდან, რომ ერთმანეთის დალუპვა არ შეუტყვიათ.

ცხოვრება გამოცდაა და ბედნიერაა ის, ვინც მას ღირსეულად ჩააბარებს.

მალხაზი და არჩილი კაცები იყვნენ, კაცურად იცხოვრეს და ვაჟკაცურად ბრძოლაში დაიღუპნენ.

არჩილ ამალღობელი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.

* * *

...წასულს არ უნდა გრცხვენოდეს,
დატოვებულის კვალისა
უქმად ნატარი სიცოცხლე
ფასი არ არის ჩალისა,
ერთი რამ არის საწყენი
საწუთროს სამართალისა,
რატომ არ იცის გარჩევა
მამაციისა და მხდალისა.

* * *

მას დედის ტუქუ ტკბილი
შხამადაც შერგებია,
მამულისთვის სიკვდილი
ვისაც დაზარებია!



ირაკლი ამირეჯიბი

მტრის ტყვიამ განგმარა მკერდი ირაკლი ჭაბუას ძე ამირეჯიბისა, განგმირა და განაგმირა, ესე იგი, გმირად აქცია იგი...

ჭაბუა ამირეჯიბს პარლამენტის წევრები დაბადების დღეს ულოცავდნენ, ხოლო სწორედ იმ დროს, „მხედრიონის“ ბიჭები სიცოცხლეს სწირავდნენ, რათა ირაკლი ამირეჯიბის ცხედარი მაინც გამოეხსნათ გააფთრებული გადამთიელის კლანჭებიდან...

ძმო ჭაბუა, ჭაბუა ამირეჯიბო, ცა ჩამოინგრა...

ამ უდიდესი მწუხარების ჟამს, შენი დაბადების დღეს, გილოცავ ირაკლო ამირეჯიბის გმირად დაბადებას.

ჩემს შვილს არა ხვდა წილად ბედი შენი შვილისა, — დაცემულიყო მამულისათვის, მაგრამ ღმერთმა იცოდეს, ჩვენ მზად ვართ, მეც და ჩემი შვილებიც, მეც და ჩემი შვილიშვილებიც, ვიართო გზით, რომელსაც ირაკლი ამირეჯიბისა და მისი საძმოს გზა ჰქვია, გზა ყველა ღირსეული ქრისტიანისა.


დაერწმუნდი, არის მშვენიერება სიკვდილშიც!

აქართველო გადარჩება!

დიდება შენ, ირაკლი ამირეჯიბო! „მოუხვალ მამა-პაპათა“.

ირაკლი ამირეჯიბი სიკვდილის შემდეგ დაჯილდოვდა ვახტანგ გორგასლის I ხარისხის ორდენით.

ჯანსუღ ჩარკვიანი
1992 წელი, 20 ნოემბერი



**ვლადისლავ
ანანიევი**

ვლადისლავ ბორისის ძე ანანიევი დაიბადა 1947 წელს თბილისში, სამხედრო მოსამსახურის ოჯახში. 1963 წლის 6 აგვისტოდან 1969 წლის 25 მაისამდე მუშაობდა ფოთში საქართველოს საოკეანო თევზსაჭერ სამმართველოში დამხმარე მექანიკოსად. 1964 წლამდე მსახურობდა მაროკოში, გიბრალტარში, ატლანტიკის ოკეანეში, საქართველოს საოკეანო თევზსაჭერ სამმართველოში მატროსის თანამდებობაზე.

1969 წლის 5 მაისიდან 1971 წლის 5 მაისამდე მსახურობდა საბჭოთა არმიაში.

1972 წლიდან მუშაობდა თბილისის ელექტროშემდუღებელ მოწყობილობათა ქარხნის საიარაღო საამქროში მე-6 თანრიგის შიგამწარხავედ. გამოირჩეოდა ჰალალი საშემსრულებლო და შრომითი დისციპლინით. იყო დამსახურებული აღმწერი.

ვლადისლავ ანანიევი, როგორც ყოფილი სამხედრო მოსამსახურე, მოხალისედ გამოცხადდა სამხედრო განყოფილებაში. 1992 წლის 27 აგვისტოდან 1 ოქტომბრამდე მონაწილეობას ღებულობდა ბრძოლაში აფხაზეთში, როგორც 102-ე პატალიონის შტაბის უფროსი.

1993 წლის 28 ივლისს ვლადისლავ ანანიევი დაიღუპა ტამიშის ხიდან საბრძოლო ოპერაციის შესრულების დროს.

ვლადისლავ ანანიევი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



ვაჟა არველაძე

თუ გინახავთ ჭირისაგან ბეჭებში მოხრილი გოლიათი, ან ერთადერთი ძმის ქერივ-ობლად დარჩენილი ოჯახის პატრონი და გამძღოლი? თუ ვინმე არის ასეთი, მეორე დათო არველაძეა, 1992 წლის 13 ოქტომბერს მდინარე გუმისთასთან მორიგი შეტევის დროს დაღუპული თიანეთის ბატალიონის წევრის ვაჟა არველაძის ძმა.

შევეყრებდი დათოს და ჩემს თვალწინ იძერწებოდა მისი გარდაცვლილი ძმის, ვაჟას, პორტრეტი: შავვერემანი, სუფთად გაპარსული წვერით, ცოცხალი, ხშირ წარბებში ჩამჯდარი შავი თვალებით, ძალადი, მოხდენილი დამახასიათებელი მიხრა-მოხრით, მსუბუქი სიარულით, გულკეთილი, მოსიყვარულე.

რა ბიჭები იღუპებოდნენ...

სოხუმის კომენდატურიდან ვაჟა თიანეთის ბატალიონთან ერთად ორი კვირა იბრძოდა შრომა-ცუგუროვკის მთის გასაწმენდად. 13 ოქტომბერს სპეციალური დავალებით 50 კაციანი ჯგუფი სოფელ თავისუფლებასთან ორად გაიყო „სიმაღლის ასაღებად“.

— 2 დღე დასჭირდა ცუგუროვკის აღებას, — გვითხრეს ავთო და შმაგი ზაზარაშვილებმა, საქართველოს რესპუბლიკის თავდაცვის სამინისტროს სწრაფი რეაგირების კორპუსის წევრებმა. მთის წვერზე უნდა შეზვედროდა ორი ჯგუფი ერთმანეთს და დამატებითი ამოცანით მდინარე გუმისთის მეორე ნაპირზე ზევიდან გადაგვერეკა მოწინააღმდეგე. სანგრებსა და მიწისქვეშა გვირაბებში გამაგრებულ მტერთან ბრძოლა ძნელია. რა იცი, სნაიპერის ნასროლი ტყვია საიდან მოგვხვდება. ჩვენ კი ასეთ პირობებში მოულოდნელად წავაწყდით მთის წვერზე კარგად გამაგრებულ და ძალაშემატებულ მტერს. დაგვძლიეს. უკანდახეულებმა სიმინდებში შევასწარიით. ვაჟამ ადრე დაჭრილი მიორჩენელი დასიებული ფე-

სით მოინდომა მოწინააღმდეგისათვის სალვის ოპერაციის ჩატარება, მაგრამ როგორც კი გვერდიდან მოუარა, მტრის ტყვიამ შუბლში უწია.

სოხუმის რესპუბლიკურ საავადმყოფოში გარდაიცვალა თბილისელი ბიჭი, 150-ე საშუალო სკოლადამთავრებული, 1963 წლის 16 აგვისტოს დასაბრუნებელი, სამი შეილის მამა ვაჟა ლევანის ძე არველაძე. მან სავალდებულო სამსახური სამსახური მოიხადა ბულგარეთში, რუმინეთსა და ავღანისტანში, მაგრამ გმირულად დაეცა მისი სამშობლოს, პატარა საქართველოს გადასარჩენად.

ი ა კ ა ლ ა ნ დ ა რ ი შ ვ ი ლ ი



**ჯემალ
არძენაძე**

ჯემალ ქაზიმის ძე არძენაძე დაიბადა 1972 წლის 25 ნოემბერს, გლეხის ოჯახში. ბავშვობისას იყო ფიზიკურად სუსტი ბიჭი. 6 წლის იყო, როცა სწავლა დაიწყო ჩაქვის № 3 საშუალო სკოლაში. 1983 წელს გადავიდა კრასნოდარის მხარის ლაბანსკის რაიონის დაბა კოხნესენსკო და სწავლა გააგრძელა № 11 საშუალო სკოლაში. ჯემალი კრასნოდარში ცხოვრობდა თავის ბიძასთან. 1987 წელს დაამთავრა მე-9 კლასი და კვლავ დაუბრუნდა ჩაქვის № 2 საშუალო სკოლას. 1989 წლიდან საშუალო სკოლის დამთავრებისთანავე დაიწყო ვარჯიში ჩაქვის სპორტსკოლაში, ვარჯიშობდა კარატეში, რომელსაც კარგად ითვისებდა და ფლობდა. ორი წელი ივარჯიშა.

1991 წელს მიიღო სამხედრო ბარათი. მშობლებს არ უნდოდათ სამხედრო სამსახურში წასულიყო, ვინაიდან ერთი ბიჭი ჰყავდათ. ჯემალს მშობლებთან ხშირად მოსდიოდა კამათი: მე, რა, სხვებზე ნაკლები რითი ვარ, რატომ არ უნდა წავიდეთ? მართლაც, ერთ მშვენიერ დღეს, როცა ჯემალის მამიდაშვილმა მიიღო

სამხედრო კომისარიატიდან უწყება, ჯემალიც გაჰყვა კომისარიატში და ჩაეწერა სამხედრო სამსახურში. სამხედრო ფიცი მიიღეს ქობულეთის რაიონში, ხოლო სამსახური განაგრძეს ქ. ბათუმში. ძალიან პატიოსნად მსახურობდა გულთან ახლოს მიჰქონდა ყველაფერი, რაც ჯარისკაცს ეხებოდა. იმის შესახებ და გონიერი. გამოუცხადეს, რომ უნდა წასულიყვნენ სასერჟანტო სკოლაში ქ. თბილისში. ჯემალი და ასლანი ძმებივით იყვნენ, პირველად თბილისში გაიგზავნა ასლანი, ერთი კვირის შემდეგ კი — ჯემალი.

ამათ ვგუფს სახელად შეარქვეს „ღამურა“, ალბათ, იმიტომ, რომ ღამ-ღამობით გადმოჰყავდათ დაჭრილები ხან სოხუმიდან და ხან ოჩამჩირიდან. 1992 წლის 25 ნოემბერს 20 წლისთავი, დაბადების დღე გადაუხადეს ოჩამჩირეში, სანგრებში, მეორე დღეს დღისით, როცა ამხანაგები მინდვრად ისვენებდნენ და ოხუნჯობდნენ, თან სიგარეტს აბოლებდნენ, ჯემალმაც გამოართვა ამხანაგს ერთი ცალი სიგარეტი და თან ასე თქვა: ერთხელ მეც გავსინჯავ რა ვემოსიაო. იმ დროს იღებდა საქართველოს ტელევიზია და ჯემალმა ისიც თქვა, მშობლებმა არ დამინახონო, იმდენად მორიდებული იყო. მას ხომ 20 წლის განმავლობაში ერთხელაც არ ჰქონდა სიგარეტი მოწეული. სწავლების კურსი უმთავრდებოდა 5 დეკემბერს, მაგრამ სამშობლო რომ აღმოჩნდა გასაჭირში, მხარში მოუდგნენ იმათ, ვინც ბრძოლას ველზე იყვნენ. ძლიერი შეტაკების დროს დაიჭრნენ ჩვენი ჯარისკაცები. სამშვიდობოს გამოიყვანა პირველი თბილისელი და დაუბრუნდა პოზიციას, შემდეგ დაიჭრა ქობულეთელი მამინაიშვილი, რომელიც უფროსმა ოფიცერმა გამოაყოლა ჯემალს და უბრძანა აქ აღარ დაბრუნდე, ჩვენც გამოვდივართო, ჯემალმა კი თქვა: მე უნდა დავბრუნდე, აქ ჩემი ძმება და მეგობრები არიანო. ერთი სიტყვით, ის ბრძანება არ შეასრულა და დაჭრილი მამინაიშვილის გაყვანის შემდეგ მაინც დაუბრუნდა პოზიციას, რის შედეგადაც აღმოჩნდა სავალალო მდგომარეობაში. მტრის ორმა ტყვიამ, რომელიც თავის არეში მოხვდა, მოუსწრაფა სიცოცხლე. ის დაკრძალეს 1992 წლის 12 დეკემბერს ქობულეთის რაიონის სოფელ ჩაისუბანში.

ღმერთმა აცხონოს გმირულად დაღუპული მამულიშვილი ჯემალ არძენაძე.

ჯემალ არძენაძე სიკვდილის შემდეგ დაჯილდოვდა მედლით „მხედრული მამაციობისათვის“.




**მამსიყე (მამუკია)
ასაგავშილი**

დაიბადა 1967 წელს მარტვილის რაიონის სოფელ ბანძაში. დაამთავრა ბანძის საშუალო სკოლა. 1981 წლიდან სწავლა განაგრძო სოხუმის საშუალო სკოლაში. 1984 წელს ირიცხება თბილისის პოლიტექნიკურ ინსტიტუტში მანქანათმშენებლობის ფაკულტეტზე. 1986-88 წლებში მსახურობს საბჭოთა არმიის რიგებში.

1991 წელს, ინსტიტუტის დამთავრების შემდეგ, დაუბრუნდა მშობლიურ სოფელს, სადაც აქტიურ მონაწილეობას იღებდა ეკლესიის მშენებლობის საქმეში, იყო საზოგადოება „ბანძელის“ წევრი, ხოლო როცა დაიწყო ქართველ-აფხაზთა კონფლიქტი, იგი მოხალისედ წავიდა სამშობლოს დასაცავად.

მსახურობდა ბატალიონ „ორბში“, რომლის მებრძოლებმაც ვაჟკაცურად დაიცვეს მტრის 2 დეკემბრის შემოტევა ტამიშთან, ხოლო 3 დეკემბერს, როცა დაჭრილი მეომრები გამოჰყავდათ, მამუკამ თავის თავზე აიღო ცეცხლი და საბრძოლო ველიდან მეგობრის გამოყვანის დროს გზაში მოუსწრო მტრის მიერ ნასროლმა ტყვიამ. ეს ტამიშის მისადგომებთან მოხდა.



**ლევან
ასლანიკაშვილი**

1992 წლის 5 ოქტომბერს დაიღუპა დაბა ლესელიძის დაცვის დროს. იგი სისხლის უკანასკნელ წვეთამდე იცავდა საქართველოს მიწა-წყალს აფხაზი ექსტრემისტებისა და გადამთიელთა ბანდების ხელყოფისაგან.

ლევან ასლანიკაშვილმა ხანმოკლე, მაგრამ მრავალფეროვანი ცხოვრების გზა განვლო.

დაიბადა 1961 წელს. დაამთავრა პოლიტექნიკური ინსტიტუტი ინჟინერ-ელექტრომექანიკოსის სპეციალობით. 1988 წლიდან მთელი ძალ-ღონით ჩაება ეროვნულ-განმათავისუფლებელ მოძრაობაში. იყო საქართველოს სახალხო ფრონტის წევრი მისი ჩამოყალიბების დღიდან და ლებულობდა, მონაწილეობას ყველა იმ მამულიშვილურ წამოწყებაში, რომელიც დაკავშირებულია სახალხო ფრონტის სახელთან.


ლევან ასლანიკაშვილი მებრძოლი სულისა და დაუდევარი ბუნების კაცია. მას არასოდეს ჰქონია დამშვიდებული და გალადებული ცხოვრება. სულ მოლად პირტიტველა ბიჭი საბჭოთა იმპერიის საჭეტმპყრობელთა მიერ ავღანეთში პროვოცირებული „ინტერნაციონალური ომის“ ქარცეცხლში იწვოდა ორი წელი; რაოდენ პარადოქსულია ის ფაქტი, რომ სწორედ ამავე იმპერიის პირმშოს – რუსეთის მიერ წახალისებულ და დავეშილ სეპარატისტებთან ბრძოლას შეეწირა ლევანი აფხაზეთში.

ცოტა უფრო ადრე, წვრილშვილის პატრონი ვაჟკაცი თოვლსა და ყინვაში იცავდა სამაჩაბლოს „იმედის“ წევრებთან ერთად, რომლის ერთ-ერთი აქტიური წევრიც იყო.

1992 წლის დასაწყისში ლევან ასლანიკაშვილმა საბოლოოდ აირჩია მამულის დამცველის წმინდათაწმინდა გზა. იგი იყო მარნეულის ბატალიონის ასმეთაური და ეროვნული გვარდიის კაპიტანი, აფხაზეთში იბრძოდა სეპარატისტე-

ბის მიერ განადგობული ომის პირველი დღეებიდანვე, ლევან ასლანიკაშვილი ერთ-ერთ პირველი იყო, ვინც გადამთიელთაგან განთავისუფლებულ ლესელიძეში შევიდა ავვისტოს ბოლოს. მასვე ხვდა წილად ერთ-ერთი მძიმე დასაცემული იყო რიცხობრივად მრავალჯის აღმატებულ მტერთა ბრძოლაში ოქტომბერს.

ლევან ასლანიკაშვილი სამუდამოდ დარჩა ბრძოლის ველზე... მისმა ოჯახმა სამშობლოსათვის გმირულად დაღუპული ვაჟკაცის ცხედარიც ვერ დაიტირა. ცოლ-შვილი უკანასკნელად ვერ ეამბორო ოჯახის მოსიყვარულე მამას; ჩვენ, მისმა მეგობრებმა და თანამოსანგრეებმა ჯეროვანა პატივიც ვერ მივაგეთ დიდსულოვანი მეგობრის და ჭეშმარიტი პატრიოტის წმინდა ხსოვნას. ამქვეყნად დარჩენილ მის ჭირისუფლებს ერთი რამ გვაიმედებს: ლევან ასლანიკაშვილის სული ზეციურ სასუფეველში იმყოფება საქართველოსთვის თავდადებულ მამულიშვილთა გვერდით, ხოლო მიწა, სადაც მისი ნეშტი დარჩა, საქართველოს მიწაა უკუნითი უკუნისამდე და მას ვერავინ წაგვართმევს, თუნდაც მთელი სამყაროს ბოროტი ძალები ერთად შეიყარონ.




**თენგიზ
აფრასიძე**

თენგიზ დავითის ძე აფრასიძე დაიბადა 1956 წლის 6 დეკემბერს მესტიის რაიონის სოფელ ფარში. ბავშვობიდანვე ობლად იზრდებოდა. მამა ადრე გარდაეცვალა, მერე ერთადერთი ძმაც დაკარგა. ეს უბედურება დედამ ვერ გადაიტანა და დაიღუპა. გაუბედურებულ ოჯახში თენგიზი მარტოდმარტო დარჩა, დიდი სულიერი მზნეობა გამოიჩინა, არ გატყდა. როცა პატარა დავითის მამა გახდა, თითქოს გაიზარა და მომავლის იმედით გაიმსჭვალა, მაგრამ, საუბედუროდ, მისი დავითი 1 წლისა და 6 თვის ასაკში დაობლდა მამით. თენგიზი სახალხო მოხ-

მარტის საქონლის შესყიდვა-გაყიდვის კოოპერატივის თავმჯდომარედ მუშაობდა, ტოლ-მეგობრების მოყვარული კაცი სამომავლო გეგმებს აწყოფდა, მანქანაში ვაი რომ, მას 1992 წლის 18 იანვარს მტრის დაუნდობელმა ტყვიამ გინგული მოსხლე სიცოცხლე.

ნათელი დაადგეს თენგიზ აფრასიძის ხსოვნას!




**მალხაზ
აფციაური**

ობლობაში გაზრდილი ბიჭი იყო, ნაადრევად დასერიოზულებული, გარდაბნის რაიონის სოფელ ახალ სამგორში მას ყველა იცნობდა და, როგორც პატიოსან და წესიერ ყმაწვილს, პატივსაც სცემდა. სკოლის დამთავრების შემდეგ, უმაღლესი განათლების მიღებაზე ოცნებობდა, მაგრამ ოჯახური პირობების გამო, სწავლის გაგრძელება ვერ შეძლო. დედამისი — ქალბატონი თამარი ზომ ქმრის ნაადრევად გარდაცვალების შემდეგ, მარტოდმარტო სამ ბიჭსა ზრდიდა და ძალიან უჭირდა მალხაზმა გადაწყვიტა დედას მიხმარებოდა და მეურნეობაში ზეინკლად ემყოფო მუშაობა.

ყოველდღიურად შემზარავი ამბები მობლივდა აფხაზეთიდან. პრესითა და ტელევიზიით გადმოსცემდნენ აფხაზი სეპარატისტებისა და გადამთიელთა მხეცობის ამბებს. ილუპებოდნენ სამშობლოს მთლიანობის დაცვისათვის მებრძოლი ქართველი ახალგაზრდები, და მალხაზსაც იქით გაუწია გულმა, გადაწყვიტა, მოეხადა თავისი ვალი და გვერდში ამოსდგომოდა საქართველოსათვის მებრძოლ ბიჭებს.

1992 წლის ოქტომბერში ოცდაერთი წლის ჭაბუკი გვარდიაში ჩაეწერა, რუსთავის ბატალიონში ჩაირიცხა. მცირე ხნის სამხედრო მომზადების შემდეგ მალხაზის ნაწილი 27 ნოემბერს აფხაზეთში წაიყვანეს.



...ჩემს წინ იჯდა მალხაზის შუათანა ძმა თენგიზი! მალიან მინდოდა მას თავისი სათაყვანებელი ძმა დაეხასიათებინა, მაგრამ მწუხარებისაგან მწუხარების მოყოლას ახერხებდა, ყოველ მის ხსენებაზე თვალები ცრემლებით უკეცებდა. განა ცოტა რამ აქვს მოსაგონარი ვაჭირვებაში გაზრდილ ბიჭებს. როგორ უფრო თხილდებოდა ხოლმე, მასზე საპი წლით უფროსი მალხაზი თენგიზსაც და პატარა გაორვისაც, რამდენი სითბო და სიყვარული ახსოვს მისგან.

— მალხაზი გულიანი ბიჭი იყო, მეგობრების, ამხანაგების მოყვარული, — მიაძობს მისი თანასოფელი და თანამებრძოლი სოსო კობაიძე, რომელიც თენგიზთან ერთად შესტუმრა რედაქციაში. — უყვარდა ადამიანის გატანა, დახმარება და ყოველივე ამას უხმაუროდ აკეთებდა. ბავშვით ყველაფერი ახარებდა. ფოთიდან ვემით რომ მივდიოდით სოხუმიდან, დელფინები დაგვემგზავნენ. ხან ერთი ამოხტებოდა ხოლმე ზღვიდან და ხან მეორე. მათი შემყურე მალხაზი ბავშვით იცინოდა და ხარობდა. სულ იმას მეუბნებოდა, სოხუმში რომ წავალთ, დეიდაჩემთან წაგიყვანო, მაგრამ არ დასცალდა.

ჩვენ სხვადასხვა ოცეულში მოვხვდით, მაგრამ დღე ისე არ გავიდიოდა, ერთმანეთს რომ არ შევხვედროდით და არ გაგვემხნევებინა ერთურთი.

პირველი დეკემბერი იყო. ჩვენი ნაწილი სოფელ ეშერასთან, მდინარე გუმისთასთან იდგა. დრო და დრო დაზვერვაზე გავდიოდით.

სალამოს პირი იყო, მე დაზვერვიდან დაებრუნდი და შეციებული ცეცხლისაკენ გავემართე გასათბობად, მალხაზი კი სამორიგეოდ გავიდა, ცოტა ზანიც და უცებ, ისეთი საშინელი აფეთქების ხმა გააჟამა, გიჟივით გარეთ გამოვვარდი და იმ მხარეს გავიქეცი, სადაც მალხაზი მეგულებოდა. სანამ იქ მივადწევი, უკვე მალხაზი საკაცით მოჰყავდათ.

ბიჭები ყვებოდნენ: ნაწილის უფროსმა ლუღუშაურმა დროულად გასცა ბრძანება, დაწეითო! მაგრამ მალხაზს ვერ მოუსწრია თავი დაეცვა, ვერ ხომ ბრძოლის გამოცდილება ნაკლები ჰქონდა. ნადმის ნამსხვრევს თავის ქალა და ზურგი დაეზიანებინა. იგი უგონო მდგომარეობაში ამოიყვანეს ფრონტის ხაზიდან. ოპერაციაც დროულად გაუკეთეს, მაგრამ არაფერი ეშველა.

— ჩემს მეობრებთან ერთად საშინელი მისია დამეკისრა. მალხაზი სოფელში ჩამოვასვენეთ. მთელი რაიონი ფეხზე დადგა. აფციაურების მწუხარებას ყველა იზიარებდა, იგი გმირული სიკვდილით დაეცა და მალხაზის სახელს არასოდეს დაივიწყებენ მისი მეგობრები და თანასოფელები.

ლარისა ხუბულური

ქართველო, ხელი ხმალს იკარ,
გათენდა ღლე დიდებისა,
თოფ-იარაღი აისხი,
ღრო მოღის გამარჯვებისა.

მამულის დახსნის ღლე არის,
ქვეყანა გნუკავს შველასა,
თავისუფლების შოვნაი
სჯობს საშოვნელსა ყველასა.

ილია



ზაზა ავტორი

1992 წლის 14 აგვისტოს სოხუმთან პირველი შეტაკებისას საქართველოს გამთლიანების იდეას შეეწირა და მტრის მუხანათურმა ტყვიამ სიცოცხლე მოუსწრაფა... დარჩა ძაბით შემოსილი ახალგაზრდა ღლედა, თვალზე ცრემლი რომ არ უშრება და უფროსი ძმა გაა — ზაზას ასეთი წასვლით ფრთამოტეხილი და აქერ ისევ გაოგნებული.

ზაზას სამშობლო უფრო უყვარდა, ვიდრე საკუთარი სიცოცხლე. ალბათ, სწორედ ამიტომ მიიტანა ეს სიცოცხლე დაუფიქრებლად საქართველოს კეთილღლეობის სამსხვერპლოზე. ალაღსა და თავდაბაღს. უშუაღლოსა და ერთღულს მტერი არა ჰყოღლია. ამ პატარა ბიჭს ძაღზე დიდი გული ჰქონდა, რომელიც ყვეღას სიყვარულს იტღევდა და ყვეღას მოფერება შეეძღლო...

ზაზა აფციღური დაიბადა 1973 წლის 3 მარტს, ქ. მცხეთაში. სწავღობდა საგურამღოს სკოღა-ინტერნატში, რომელიც დაამთავრა 1986 წელს, შემღვკ სწავღლა განაგრძო მცხეთის № 89-ე საშუაღლო პროფესიულ სასწავღლებღში.



რომელიც 1990 წელს დაამთავრა და შემდეგ ეროვნულ გვარდიაში მსახურობდა... „მსხურობდა, სწავლობდა, იყო“... ძნელია მასზე წარსულს დასწრით წყვილი ვერ გაგვითავისებია მისი სიკვდილი. თავს ვხრით უბედური დეტალია ზაზასთვის სათქმელს მის სურათს ვეუბნებით: „გმადლობთ, დიდგულა ღიმილის ბიჭო, გმადლობთ, რომ იყავი“...

ზაზა აფხიაურის მემორიალი



**ზაზა
ახალია**

ზაზა აკაკის ძე ახალიას 20 წელი 1992 წლის 16 ოქტომბერს შეუსრულდა.

1989 წელს საშუალო სკოლის დამთავრებისთანავე ჩაირიცხა ივ. ჯავახიშვილის სახელობის თბილისის სახელმწიფო უნივერსიტეტის სოხუმის ფილიალის ფიზიკულტურის ფაკულტეტზე. იყო მეოთხე კურსზე. მთელი მისი სიჭაბუკე სპორტში იყო ჩართული.

ფიზიკურად და ზნეობრივად ღირსეულ ვაჟაკად ჩამოყალიბდა. დაიღუპა სწორედ მაშინ, როცა თავისი ხანმოკლე, მაგრამ შინაარსიანი ცხოვრების ნაყოფი უნდა მოემკო, — 1992 წლის 3 დეკემბერს ის აფხაზურ სოფელ ათარასთან 19 ტყვიამ დაცხრილა — იმ დროს ის ამხანაგის მისაშველებლად გაიჭრა სასიკვდილო მონაკვეთზე.

მშობლები, ახლობლები, მეგობრები, მაღლიერი თანამემამულეები არ დავიწყებენ ზაზა ახალიას ნათელ სახელს.

ზაზა ახალია საკვდილის შემდეგ დაჯილდოვდა მედლით „მხედრული მამაცობისათვის“.



ვახტანგ ახველიანი

დაიბადა 1966 წლის 21 აგვისტოს ყვარლის რაიონის სოფელ შთისძირში. 1973–83 წლებში სწავლობდა ამ სოფლის საშუალო სკოლაში. 1983–84 წლებში სოფელ ენისელის პროფტექსისწავლებელში. 1984 წლიდან 1991 წლამდე მუშაობდა სოფელ შთისძირის კოლმეურნეობაში. 1989 წლიდან იყო მერაბ კოსტავას საზოგადოების წევრი. 1992 წლის აპრილიდან იყო საქართველოს რესპუბლიკის შეიარაღებული ძალების განსაკუთრებული დანიშნულების ბატალიონის რიგებში. დაოჯახებული არ იყო.

მამა — აკაკი ახველიანი.

დედა — თამარ ახველიანი.

ჰყავს ორი ძმა და ერთი და.

იყო საქართველოს რესპუბლიკის შეიარაღებული ძალების განსაკუთრებული დანიშნულების ბატალიონის წევრი.

დაიღუპა 1992 წლის 2 ოქტომბერს ქ. გაგრაში.

ვახტანგ ახველიანი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



შენს სიკვდილშია ჩემი ვაიც და ნეტარებაც, მისთვის, რომ მე ვარ დედა შენიც და ქართულის დედაც: ვით დედა შენი, იმ სიკვდილით შენით ვივაებ, ვით ქართულის დედა ვინეტარებ და ვისახელებ.



**გრიგოლ (გინა)
ბაინდურაშვილი**

დაიბადა 1963 წელს თბილისში, მედიკოსების ოჯახში. 1979 წელს დაამთავრა თბილისის 161-ე საშუალო სკოლა. მიღებული ჰქონდა შვიდწლიანი მუსიკალური განათლება ფორტეპიანოს სპეციალობით.

1979 წელს შევიდა საქართველოს ფიზიკური კულტურის ინსტიტუტში, რომელიც დაამთავრა 1983 წელს. სტუდენტობის პერიოდში 1978–81 წლებში წარჩინებით დაამთავრა მარქსიზმ-ლენინიზმის უნივერსიტეტი. ინსტიტუტის დამთავრების შემდეგ მუშაობდა სხვადასხვა დაწესებულებებში ფიზალზრდის მასწავლებლად და მწვრთნელად. 1985 წელს გაიწვიეს სამხედრო სავალდებულო სამსახურში სასახლვრო ჯარის ნაწილებში, 1987 წლიდან კი მუშაობდა საქართველოს სპორტსახკომის ცენტრალურ აპარატში საორგანიზაციო მუშაობის, კადრებისა და მოსახლეობის ფიზალზრდის სამმართველოს უფროს მეთოდისტად. 1990 წლის თებერვლიდან ტრავმული დაზიანების გამო (ქვემო კიდურების ბარძაყისა და წვივის ძვლების მრავლობითი მოტახილობა). იყო მეორე ჯგუფის ინვალიდი. მიუხედავად ამისა, აფხაზეთში შექმნილი კონფლიქტის გამო, იმის გათვალისწინებით, რომ მისთვის ნაცნობი იყო სოხუმისა და გაგრის მიდამოები, აღნიშნულ ადგილებში სამხედრო სავალდებულო სამსახურის გავლისას, 27 აგვისტოს იგი მხედრიონთან ერთად გადაფრინდა სოხუმში, აქედან კი გაგრაში. 30 აგვისტოს მონაწილეობდა გაგრა-კოლხეთის ბრძოლებში. როგორც ორი თანამებრძოლის გადმოცემით ვიცით, იგი თავგანწირვით იბრძოდა და მოუწოდებდა მებრძოლებს ალყის გარღვევისაკენ, დაიღუპა სამ მებრძოლთან და მეთაურ ამირანთან ერთად (მისი ვინაობა ჩვენთვის უცნობია). ბრძოლის წინ მას ინტერვიუ მიუცია უცხოელი კორესპონდენტებისათვის, რომელთა ჩანაწერი უნდა ნებისა თ ვიღნიქსის ტელევიზიით სექტემბერში.

ჰყავს პენსიონერი მშობლები, დედისერთა იყო. 1983 წელს დაოჯახდა. ჰყავს 8 წლის ნონა და 2, 5 წლის ტატო, მეუღლე დიანა (ფეხმძიმე). დაკრძალეს 5 სექტემბერს, მუხათაგვერდის სასაფლაოზე.



მამუკა ბერეთაშვილი

დაიბადა ქ. თბილისში, 1965 წლის 30 იანვარს.

საქართველოს გამოღვიძების ზარმა რომ დარეკა, იმ ვაჟკაცთა რიგებში ჩადგა, ვინც მუდამ იქ იყვნენ, სადაც სამშობლოს უჭირდა. იბრძოდა სამაჩაბლოსა და აფხაზეთში, სადაც ამა წლის 30 აგვისტოს შეტევის დროს მან და მისმა თანამებრძოლებმა მომხვდურთა წინააღმდეგ განახორციელეს ღრმა რეიდი, რომლის დროსაც უმუხთლა ბედმა — ბრმად მოხვედრილმა ტყვიამ დასცა იგი ძირს საგვარეულ ქართულ მიწაზე.

მამუკას ჯიბეში, გულთან ახლოს ნახეს ყოფილი საბჭოთა კავშირის რუქიდან ამოჭრილი საქართველოს ტერიტორიის რუკა.

მარად იყოს შენი სახელის დიდება, მამუკა, გწამდეს, რომ ახდება შენი ოცნება და გაბრწყინდება თავისუფალი საქართველო.

მეგობრები

სიკვდილის ზნე

ნეტავ რა ზნე სჭირს სიკვდილსა,
 ვერ მიხვდა ჩემი ვონება!
 შიგ ამოარჩევს ვაჟკაცსა,
 რომელიც მოეწონება.

ხალხური



**გიორგი
ბაგდასარიანი**

დაიბადა 1965 წლის 12 ივნისს თბილისში, მოსამსახურის ოჯახში.

დაამთავრა თბილისის 99-ე საშუალო სკოლა. გამოირჩეოდა თავაზიანობით, ამხანაგებთან გულითადი დამოკიდებულებით და ძალიან დიდი პასუხისმგებლობის გრძნობით.

სამხედრო ვალდებულება მოიხადა ციმბირში და იქიდან ჩამოვიდა დაქორწინებული. მუშაობდა კავშირგაბმულობის სამინისტროში მძღოლად.

1987 წელს მამა გარდაეცვალა ჩერნობილში. მას დააწვა მთელი ოჯახის — დედის, ცოლ-შვილისა და ორი უმცროსი ძმის მოვლის სიმძიმე, მუშაობდა საქაგრომრეწვის სამინისტროში ტრაალერზე მძღოლად. ეროვნულ მოძრაობაში ჩაება 1989 წლიდან. იბრძოდა სამაჩაბლოში. იყო საზოგადოება „რანდის“ წევრი. 1992 წელს 11 აგვისტოდან წავიდა აფხაზეთში, როგორც ჩოლოყაშვილის პოლკის ოფიცერი. იბრძოდა ეშერასთან, ტაშიშთან. დაიღუპა 20 ნოემბერს კელასურთან. მეგობრები იგონებენ:

გივი მოსიქე: ჩვენ ორნი, 15–16 წლის მოხალისეები სოხუმში მოვხვდით გაას ჯგუფში. რომ დაგვინახა, არ ესაამოვნა. თქვენ დაწირაკებო, აქ რამ მოგიყვანათ, თქვენ ომი ავტომატის დაჭერა ხომ არ გკონიათ მარტო? ბრძოლა რომ დაიწყო, გვითხრა: უკან ამოშეფარეთ, რომ ტყვია არ მოგხვდეთო, ორ დღეში კი გვაიძულა უკან წამოვსულიყავით თბილისში.

ზურიკო კორთაშვილი:

ხანდახან რომ ჩამოვიდოდა ერთი დღით, ვეკითხებოდით მეზობლები, მეგობრები: როგორ იბრძვიდით? იტყოდა: ვიბრძვიდით, როგორც საჭიროაო და უკვირდა ხოლმე: რატომ თბილისში არ იგრძნობა, რომ საქართველოში ომი, ამბობდა. მატინანეს იღებენ ჩვენი ჟურნალისტები ამ ომის შესახებ და იქ გამოჩნდება მე როგორ ვიბრძვიო.

ძალიან თავმდაბალი, ალალი და სამშობლოზე უსახვეროდ შეყვარებული
კაბუკი იყო, ასე ახასიათებენ მისი თანაკლასელები.

დატოვა გაუბედურებული დედა, ორი ძმა - 23 წლისა და 17 წლისა და 17 წლის
წლის მეუღლე და ორი ქალიშვილი 7 წლის თამარი და 3 წლის სიმონი.

დედის მოგონება: რომ ჩამოვიდოდა ხოლმე ცოტა ხნით, დავიწუნუნებდი.
ვაიმე, შვილო, არაფერი მოგივიდეს მეთქი. მეტყოდა: დედა, მე რომ მოკვდებოდა,
შენ ორი შვილი კიდევ დაგრჩება, მაგრამ იმათ რაღა ქნან, ერთი შვილი რომ
ჰყავთ და ისიც იქ უკვდებათო. თან დაატანდა: ჩემი თავი სამშობლოს შესწირე,
დედი, აბა, რისთვის გიხაროდა სამი ვაჟიო? სულ მოლოდინი ჰქონდა სიკვდილისა.
თითქოს მამზადებდა წინდაწინ. განსაკუთრებით განიცდიდა დათო მუსერაძისა
და ნუგზარ მიხანაშვილის სიკვდილს, დათოს დაკრძალვაზეც ჩამოვიდა.

ერთხელ თვითონ დარეკა: დედა, ჩემი მეგობარი მოვა, ნოდარი ჰქვია და ის გეტყვი
ყვით მე როგორი ვარო. ის ბიჭი მართლაც მოვიდა და მოჰყვა: გავიხედეთ, ერთ
დღეს შტაბში ვია მოვკვადვა, 6 ავტომატი ჰქონდა გადაკიდებულიო. გაუგებდით
კინალამ: სად იშოვე ეს ავტომატებიო? სიცილი დაიწყო, ბეტვერით მოვდიოდით
ორნი. შეგვეჩეხა ვილისი მტრის მებრძოლებითურთ, იმათ ვგონათ, რომ ჩვენ ბევრნი
ვიყავით. რომ ვუყვირეთ, დაყარეთ იარაღიო, იმ წუთში დაგარეს ავტომატები.
თვითონ იქ გავგზავნეთ, სადაც საჭირო იყო, ესენი კი აქ მოვიტანეთ, ჩვენს
ბიჭებს გამოადგებათო.



**თამარ
ბაინდუროვი**

თემურ მურმანის ძე ბაინდუროვი დაიბადა 1965 წელს ქ. ტყიბულში.
1982 წელს დაამთავრა ტყიბულის მე-3 საშუალო სკოლა. სკოლის დამთავრების შემდეგ მუშაობდა მადაროელად, იყო ტყიბულის საფეხბურთო გუნდ "კოლმეურნის" წევრი.



1984 წელს გაიწვიეს სამხედრო სავალდებულო სამსახურში. მსახურობდა გერმანიაში. სამხედრო სავალდებულო სამსახურიდან დაბრუნების შემდეგ სწავლის გასაგრძელებლად წავიდა ლენინგრადში, მაგრამ იმ პერიოდში ჩართულ ვალა მამა, იგი იძულებული გახდა დაბრუნებულიყო მშობლიურ ქალაქში. შემდეგ მუშაობა დაიწყო კოოპერატივ დიზაინში.

ეროვნული გვარდიის შექმნის დღიდან დადგა საქართველოს დაცვის სადარაჯოზე. იყო ტყვიანის მე-17 ბატალიონის ოფიცერი.

დაიღუპა ტაშიშთან, აფხაზ სეპარატისტებთან ბრძოლაში. მან დიდი გმირობა ჩაიდინა.

თემურ ბაინდუროვა გაატარა პროდუქტით დატვირთული მანქანები. თვითონ გადმოსტა მანქანიდან და ცეცხლი გაუხსნა აფხაზებს. სამიწელი ნაწამები დასაფლავებულია ტყვიანში.

დედა-მამა არა ჰყავს.

ჰყავს მოხუცი ბებია, ბიძა, ბიძაშვილები.

თემურ ბაინდუროვი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



**მერაბ
გალალაშვილი**

დაიბადა 1965 წლის 20 ნოემბერს თბილისში. სწავლობდა თბილისის № 2 სპორტსკოლაში. 1983 წელს დაამთავრა № 85 პროფტექნიკური სასწავლებელი. 1984 წელს გაიწვიეს სავალდებულო სამხედრო სამსახურში. გაიარა საიდუმლო კავშირგაბმულობის კურსები. იყო სერჟანტი და აპარატის უფროსი. დემობილიზაციის შემდეგ 1986 წელს შევიდა შინაგან საქმეთა სამმართველოს საპატრულო საგუშაგო სამსახურის ლევიონში — იყო მილიციის სერჟანტი. 1989

წლიდან მუშაობდა საქართველოს ბანკების დაცვის ასეულში უფროს სერჟანტად. 1991 წლიდან გადავიდა სასტუმრო „მეტეხის“ დაცვის უშიშროების ლიხი რაიონის სწავლობდა თბილისის იურიდიულ კოლეჯში – I კურსზე. იყო საქართველოს რესპუბლიკის შეიარაღებული ძალების განსაკუთრებული დანიშნულების ბატალიონის წევრი (ლეიტენანტი). დაიღუპა ქალაქ გაგრაში 1992 წლის 2 ოქტომბერს. დარჩა დედა – მაყვალა აბუაშვილი, მეუღლე – ლიანა ბაღუაშვილი, შვილი – თორნიკე.

* * *

დედაო ღვთისაჲ! შენი ხვედრია
 ეს საქართველო დიდჭირნახული,
 შეუნდევ ცოდვა!.. ნუ აალებ ხელს,
 ლმობიერებით იბრუნე გული!..
 მოეც კურთხევა ზეცით, მაღალო,
 და გარდმოსახე ძლიერად ჯვარი,
 რომ აღადგინო ქართველთა ერი,
 დღეს დაცემული და ცოცხალ-მკვდარი!
 მისსა მხნეობას, მისსა ზნეობას
 განუმტკიცებდე აღმაფრენასა
 და შენს საქებრად, სადიდებლად
 ნუ დაავიწყებ იმ ტკბილ ენასა,
 რომლითაც თამარ ბრძანებას სცემდა,
 ქეთევან მარად შენ გადიდებდა
 და ნინო ძისა შენისა მცნებას
 შენგან რჩეულ ერს უქადაგებდა...

ა კ ა კ ი



**თომა
ბარნაბიშვილი**

თომა (ვასიკო) შოთას ძე ბარნაბიშვილი დაიბადა 1970 წლის 15 ივლისს მუშის მრავალშვილიან ოჯახში.

1976 წელს 6 წლის თომა სწავლას იწყებს 129-ე საშუალო სკოლაში, სადაც ამთავრებს 8 კლასს.

1984-85 სასწავლო წელს სწავლას აგრძელებს 31-ე პროფესიულ ტექნიკურ სასწავლებელში მატარებლის მეძანქანის თანაშემწის სპეციალობაზე.

1988 წელს გაიწვიეს საბჭოთა არმიის რიგებში, იმსახურა სვერდლოვსკში. დემობილიზების შემდეგ მუშაობას იწყებს ელექტროდებოში მეძანქანის თანაშემწედ.

1991 წელს მუშაობას იწყებს თბილისის მეტროპოლიტენში მეძანქანის თანაშემწედ.

თომა ყველგან, სადაც სწავლობდა და მუშაობდა, სანიმუშო ყოფიქცევით, დაუღალავი შრომით გამოირჩეოდა, მეგობრებსა და ამხანაგებში ავტორიტეტით სარგებლობდა. იმის მიუხედავად, რომ მან სამშობლოს წინაშე თავისი ვალი პირნათლად მოიხადა, უკან არ იხევს, 1992 წლის 12 ოქტომბერს მოხალისედ ეწერება და მიდის აფხაზეთში სამშობლოს დასაცავად საბრძოლველად, იქ მსახურობდა – 101-ე ბატალიონში. ერთ-ერთი ოპერაციის დროს თომა (ვასიკო) მტრის ტყვიამ შეიწირა..

გარდაიცვალა 3 ნოემბერს სოფ. შრომასთან.

თომა განისვენებს ქ. თბილისში სამძო სასაფლაოზე.



მალხაზ ბარხუდანაშვილი

საქართველოს უკიდევანო სიყვარულს იტევდა ლალისყურელი მალხაზ ბარხუდანაშვილის გული. ამ სიყვარულით ანთებულმა მსხვერპლად შესწირა სიცოცხლე სანუკვარი სამშობლოს ერთიანობისა და თავისუფლების იდეას, ამ სიყვარულით სძლია სიკვდილს და სამარადისოდ შეუერთდა თავის სალოცავ ზეციურ საქართველოს.

მალხაზ ბარხუდანაშვილი 1964 წლის 20 დეკემბერს დაიბადა თელავის რაიონის სოფელ ლალისყურში და 1982 წელს დაამთავრა ფშავლის საშუალო სკოლა. სოფელ ლაბრასთან დაიდუპა 1972 წლის 9 მარტს.

... იმ დროს მოსახლეობისაგან სოფელი დაცლილი იყო და მთელი ეს ბრძოლები მის ტერიტორიაზე მიმდინარეობდა. სამი კილომეტრი სივრცის იქნებოდა საბრძოლო ხაზი, რომელიც სოლიდით იყო შეჭრილი ფრონტის ხაზზე. ეს ადგილი სამი მხრიდან მოწინააღმდეგეს ეკავა. მებრძოლები ალყაში მოექცნენ.

9 მარტს, დილით, როცა პოზიციებიდან იცვლებოდნენ, მტერმა მაშინ შემოუტია. ბიჭებისათვის ეს მოულოდნელი იყო. მტერი კი წინასწარ იყო მომზადებული. შეტევა ოთხ საათს გაგრძელდა. ტექნიკის შესაყვანად მოწინააღმდეგე დანაღმულ ტერიტორიას სწმენდა. მალხაზმა, რომელიც მეტყვიაფრტყვევსთან დამხმარედ იყო მიმაგრებული, ყუმბარმტყორცნით მტრის ორი ჯავშანტრანსპორტიორი მწყობრიდან გამოიყვანა.


მოწინააღმდეგის სატრანსპორტო ტექნიკის კოლონის მეწინავეზე რუსეთის საბრძოლო დროშა იყო აღმართული. კრასნოდარის 22-ე სადესანტო ტიპის კოლონის შემადგენლობაში იყო აგრეთვე ტ-72-ის ტიპის 8 ტანკი, რომლის ყუმბარმტყორცნით აფეთქება ტექნიკურად შეუძლებელია. ეს ტანკი შემოიჭრა ქართულ პოზიციებზე და მის განლაგებას გახლენით დაემუქრა, რაც ჩანაფიქრის

განხორციელების შემთხვევაში გამოიწვევდა ჩვენში ძალების დაქაქსვანა და საბოლოო განადგურებას, — ჰყვებიან ძალხაზ ბარხუდანაშვილის მეზობელი სოფლის — ფშაველში გაზრდილი თანამებრძოლები: დიტო დავითიანი და მანუჩა რამაზაშვილი.

გიორგი მთელი

აი, სწორედ ამ დროს გამოიჩინა ძალხაზმა სამაგალითო გმირობა — წინ გადაუხტა ტანკს, რომ მისთვის სელა შეეფერებინა. ამით თავის თანამებრძოლებს უკან დახვევის საშუალება მისცა, ათიოდე მეტრის მანძილიდან სტყორცნა ყუმბარა და მტრის ტანკთან ერთად თვითონაც აფეთქდა. მან 60 კაცის სიცოცხლე იხსნა, თავი გასწირა და უკვდავებას შეუერთდა. თურმე სოფელ ლალისყურსაც ჰყოლია გმირები. უკვე რამდენი შვილი დაიტირა ჩვენსმა ბედგრულმა ქვეყანამ და დარჩა მწარე მოგონება.

იზა ჯაჭვამიძე



**მამუკა
ბასიშვილი**

ომმა არ იცის დიდი და პატარა, იგი ერთნაირი სისასტიკით ეპყრობა ყველას. მრავალი ახალგაზრდის სიცოცხლე შეიწირა მტრის ტყვიამ. მრავალმა დედამ ჩაიცვა შავი სამოსელი. მრავალი დაქერიდა და მრავალი დაობლდა.


მამუკა ბასიშვილის სიცოცხლეს მტრის ტყვიამ იმსხვერპლა. იგი ქურთაში დაიბადა, აქ დაამთავრა საშუალო სკოლა, მოინადა სამხედრო სავალდებულო სამსახური, დაოჯახდა კიდევ, ჰყავდა მეუღლე და 10 თვის ვაჟი. მაგრამ მეუღლეს და პატარა თორნიკეს მხოლოდ ხანმოკლე უსახლერო ბედნიერებად დარჩა მისთვის. 25 ოქტომბერს მძიმედ დაჭრილს 22 წელი საავადმყოფოში შეუსრულდა. უკან დარჩა ტკბილად გასახსენებელი ქორწილის დღე და სანეტარო წუთი, როცა პირველად ემწარა ვაჟის შეძენის გამო აწეული ყური.

1991 წლის მიწისძვრა საბედისწერო აღმოჩნდა სამაჩაბლოსთვის, დაანგრია და დააზიანა საცხოვრებელი სახლები, სახლების აღსადგენად სამშენებ-

ლო მასალა გორიდან შემოჰქონდათ. მამუკა მანქანაზე მუშაობდა, სწორედ მის
 მოუხდა იმ საბედისწერო დღეს მასალის შემოტანა. იმ დღით დიდი ღია სივრცის
 ხეობის სიმშვიდე ავტომატების ვაბმულმა ჯერმა დაარღვია. ნილაბაჩი ჩემდამი
 ოსმა ექსტრემისტებმა თავის არეში მძიმედ დაჭრეს გზაზე მანქანის მოწყობის
 უღანაშაულო ვაჟკაცი. ბევრს ეცადნენ ექამები მამუკას გადასარჩენად, მაგრამ
 ამოღ; გაუკეთდა ორი უმძიმესი ოპერაცია თავის არეში, შესამე ოპერაცია სა-
 სიკვდილო აღმოჩნდა.

წავიდა კიდევ ერთი ლამაზი სიცოცხლე, დაობლდა პატარა თორნიკე, რო-
 მელსაც მამის სახე არ დაამახსოვრდება, ვინაიდან წუთიერად არგუნა ბედმა
 მისი სიახლოვე.

პასა ცმრცვაძე



**ოთარ
 ბედიანაშვილი**

დაიბადა 1973 წლის 5 მაისს ქ. რუსთავში. ცხოვრების ამ პატარა მონაკ-
 ვეთში ბევრი რამ მოასწრო: რვა კლასის შემდეგ დაამთავრა ქიმიურ-მეტალურ-
 გიული ტექნიკუმის დღის დასწრებული კურსი ფოლადის წარმოების სპეცია-
 ლობით. იმუშავა ექვსი თვე მარტენის საამქროში. ჯერ მესამე, შემდეგ მეორე,
 ხოლო შემდეგ პირველ ხელშემწყობად ღუმელებზე, პარალელურად დაამთავრა
 ქორეოგრაფიის სტუდია, თამაშობდა ფეხბურთს „გორდას“ ახალგაზრდულ შე-
 მადგენლობაში. წერდა ლექსებს.

ოთარ ბედიანაშვილი ფიზიკურად ძლიერი ჭაბუკი იყო. გამოირჩეოდა
 დარბაისლობით. იგი სიტყვადინჯი იყო. მაგრამ მის ძლიერ ორგანიზმში ძლიე-
 რი სული იყო, ალბათ, ეს ყველაფერი ჩამოუყალიბა იმ გარე პირობებმა, სადაც
 პას უხდებოდა აღზრდა და სწავლა. მისი საგაზრდილოა სოფელი ფხეენისი – სა-
 მანაბლო, ღიახვისპირეთი, ხოლო დედამისის საგაზრდილოა სოფელი ხაშში,



მდ. იორი და მის გარშემო აწვდილი კლდეები და ტყეები, ციხე-კოშკები თუ მონასტრები.

და, აი, როგორც აკაკი წერეთელი ამბობს, მართა წერთა რასტყმისაჲს ბუნებაჲმაც არ უშველო, ოთარის ცხოვრებაში ორავე ერთად შერწყმული იყო ყოველთვის.

აფხაზეთში უგუნურთა და აკვაცთა თავზე ხელაღებამ ქართველების წინააღმდეგ ოთარს მოსვენება დააკარგვინა. წასვლა გადაწყვიტა. ბევრი უშალეს, მაგრამ ამაოდ. პირიქით, პასუხად გვეუბნებოდა: ხო! ხო! კარგად ჩაკეტილი ყველამ ჩვენ-ჩვენი სახლის კარი, შემდეგ აქაც ჩამობრძანდებიან და დაგვიძახებენ: ქართველებო, გამოდით გარეთ, თქვე... და დაგვზურტენ, ასეთ სიცოცხლეს ეუ სიკვდილი მიჩნეენიაო. პოდა, წავიდა აფხაზეთში, როგორც ეტყობოდა, ქვემო კიდურებზე ძველი ნაჭრილობები ჰქონდა. მაინც არ დატოვა იქაურობა და, აა, ერთი მუხანათური თავდასხმა მოწინააღმდეგისა 1992 წლის 3 ნოემბერს საბედისწერო გამოდგა.

დაუბნელდა მზე. მზე უფრო დაუბნელდა მის დედ-მამას, მის ხუთ და-ძმას. ესლა შეგვიძლია განეუცხადოთ ჭირისუფალს: ოთარ ბედიანაშვილის სახელს მისი მშობელი ხალხი არ დაივიწყებს.

ვლადიმერ ბალოიძე

ვლადიმერ პეტრეს ძე ბელოიძე დაიბადა 1935 წელს ქარელის რაიონის სოფელ დვანში. 1950 წელს დაამთავრა დვანის არასრული საშუალო სკოლა.

მსახურობდა საბჭოთა არმიის რიგებში, შემდეგ მუშაობდა დვანის კოლმეურნეობაში რიგით წევრად.

ჰყავს მეუღლე და ერთი შვილი. 1991 წლის 24 მარტს დაიღუპა სამაჩაბლოში, ყოფილი ზნაურის რაიონის სოფელ ველებში.

* * *

თამარის დროშა გაშალეს, შეკრბა დიდუბეს ლაშქარი, კახი ფარ-შუბით, თუში ხმლით, ფშავ-ხევსურს შვენის აბჯარი, მკლავით ძლიერი ქართლელი, ვით ციხე-ბურჯი მაგარი, ოსი ფეხ-მარდი, მთიული ბრძოლაში შეუპოვარი! მესხი სწავლითა ქებული, გმირი იმერი ზრდილობით, და მშვილდისნობით აფხაზი, გურული, მეგრი მკვირცხლობით... თამარი ლოცავს ჯვართა, ჯვარს ამხნევს გულის უხვევით, გული მეფისა ზღვა არის, უსაზღვროება წყალობით..



მამუკა ბაინაშვილი

მამუკა ვაჟას ძე ბეინაშვილი დაიბადა 1973 წლის 7 სექტემბერს თბილისში. ჰყავს მამა—ვაჟა ბეინაშვილი, დედა — მანანა ელბაქიძე, და ეკა.

დაამთავრა თბილისის 114-ე საშუალო სკოლა. სკოლის პერიოდში აქტიურად მონაწილეობდა სპორტულ შეჯიბრებებში, კერძოდ, წიდაობაში, სადაც მიღებული აქვს თასები და ქების სიგელები. სამხედრო სამსახურში გაწვევამდე მუშაობდა ელმავალშენებელ ქარხანაში. ცოლ-შვილი არ ჰყავდა. იყო 19 წლისა. სამხედრო სამსახურში გაიწვიეს 1992 წლის 23 მაისს. „ჩოლოყა-შვილის სახელობის ბატალიონში“ ჩარიცხვისთანავე ჩაერთო სამაჩაბლოში ქართული სოფლების დაცვისათვის ბრძოლაში. იქიდან დაბრუნების შემდეგ ბატალიონი აფხაზეთში გადაიყვანეს ომის დაწყებასთან დაკავშირებით. მისი თანამებრძოლების გადმოცემით, პირველ სექტემბერს გამთენიისას მოხდა შეტაკება ეშერასთან. ამ ბრძოლაში გამოუყვანია წინა ხაზიდან დაჭრილი ამხანაგი და უკან გაბრუნებულა მეორე დაჭრილის გამოსაყვანად. ამ დროს იმ ადგილს მოხვედრია მტრის მიერ ნასროლი ჭურვი. ამ აფეთქების შედეგად მამუკასთან ერთად დაიღუპნენ თიანეთელი ვახტანგ ბიჩელაშვილი და მარტყოფელი თენგიზ გუგუნაშვილი, მამუკა დაღუპვიდან ერთი კვირის შემდეგ, 7 სექტემბერს 19 წლისა გახდა.

მამუკა ბეინაშვილი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.

მამუკა, შენს მამულს, შენს ხალხს არ დაავიწყდები!



**ზაზა
 ბენდელიანი**

ამ უკვდავ, ძველქართულ ხალხურ სიმღერას შეგახსენებთ, მშვენიერა ასული მერცხალს რომ ეხვეწება: გაფრინდი და ომში წახული ძმის ამბავა ჩამომიტანეო.

თბილისის ერთ საჩინო უბანში, იმგვარ ოჯახში, როგორშიც საქართველოს ღირსეული შვილები იზრდებიან ხოლმე, მოსიყვარულე და-ძმა ცხოვრობდა.

ძამა — მშენებელი ინჟანერია, საქმის ერთგული კაცი, ოჯახსა და შვილებს გადაყოლილი. დედა — პედაგოგი, ასეთია, კახეთში რომ იტყვიან ხოლმე — ოჯახის დედაბოძაო.

ორ შვილსა ზრდიან. ბიჭს ზაზა ჰქვია, მის მომღვენოს — ვერიკო. დედა და მისი სიყრმის შვილი იერთ, გამოხედვით ჰგვანან ერთმანეთს. ახლა ამ ოჯახში მხოლოდ მათი ფოტოები დარჩა. დედა-შვილი ლამაზი, სევდიანი თვალებით იცქირებიან. ეს სევდა დატოვებს ოჯახში და ახლა ეს ლამაზი სევდა აღუღაბებს, აერთიანებს ვერიკოს და მამამისს. თავის მხრივ, იერთ ისინიც ჰგვანან ერთმანეთს. ბარემ რომ დაგვიჯეროთ ჭკვიანი ფშაველის ნათქვამი: ყრმა დედულეთით გამოვა, ქალი ლამაზი გვარითაო.

თუმცა, ბუნებით ხათრიან, მორიდებულ ბიჭს ეამაყება თავისი გვარიშვილობა და ხაზგასმით იტყვის ხოლმე: მე ზაზა ბენდელიანი ვარო. შინაურებს უთქვამთ, რა არის, მარტო ამით რომ ამაყობ, ერთი ჩვეულებრივი სვანური გვარიაო.

არა, ზაზა ნამდვილად გრძნობდა, შინაგანად სწამდა, რომ საქართველოს შვილი იყო და ისიც სჯეროდა, რომ, თუ სამშობლოს დასჭირდებოდა, ბენდელიანები მის დამცველთა შორის ჩადგებოდნენ.

აი ახლაც, როცა საქართველოს რჩეული შვილები აფხაზეთში სამშობლოს ერთიანობისათვის აბრძვიან, მათ შორის 25 ბენდელიანია.

საქართველოს სახელმწიფო მეთაურის იმ ბრძანებულებით, რომლებზეც [ქრენდლ] მაღაც, ზაზა ჯუმბერიის ძე ბენდელიანი დაჯილდოებულია ვახტანგ [ქრენდლ] პირველი ხარისხის ორდენით, კიდევ სამი ბენდელიანი სხვა ორდენებით დაჯილდოებული, ხომ გახსოვთ ჩვენი ბავშვობის დროინდელი ერთი ლექსი, სიმღერად რომ აიტაცა ხალხმა: „ვარსკვლავებს მოსწყდა ვარსკვლავი, ჭიჭიკო ბენდელიანი“. ახლა კიდევ ზაზა მოსწყდა ბენდელიანების ჯიშს, მოსწყდა მის სათაყვანებელ სამშობლოს. ზაზასნაირი ბიჭები მარტო ოჯახს, დედ-მამას კა არ ეკარგებიან, საქართველოს უკვლებიან და ამგვარი მძიმე დანაკარგები მერე მთელ სამშობლოს სტკივა.

ხომ ხედავთ, ერთი კარგი თბილისელი ბიჭი ყოფილა. ადგილის დედის სიყვარული ხომ ჰქონდა, კიდევ გაგრა უყვარდა. ეს გრძნობა ბავშვობისდროინდელია, როცა მამამისი იმ კოპწია ზღვისპირა ქალაქში გაგზავნეს სამუშაოდ და მთელი ოჯახით 4 წელიწადს ცხოვრობდა გაგრაში.

მერე ამ ქალაქის ტრაგედია ბენდელიანების ოჯახის ტრაგედიად გადაიქცა. ხოლო მანამდე...

ზაზას ბავშვობის საუკეთესო წლები: მზრუნველი დედ-მამა, საყვარელი უმცროსი დაიკო. გაგრელი თანატოლები, ყველას უყვარს ზღვა და ფეხბურთი. შიმღერავენ გიორგი სიჭინავა და თამაზ კუჭუხიძე. გავიდა წლები. ზაზა, როგორც ფეხბურთელი, სხვადასხვა ქალაქების სტადიონებზე იზრდება, თანატოლებთან ერთად მრავალ შეჯიბრებაში, ტურნირში იმარჯვებს, იზრდებიან ბიჭები, მრავლდება მათი საძმო, და როცა ბენდელიანების ოჯახი თბილისში ბრუნდება, ზაზას ძალიან უჭირს გაგრასთან განშორება.

თბილისში, „ავაზას“ სპორტულ სკოლაში განაგრძო ფეხბურთის თამაში. კვლავ მრავალ პრესტიჟულ ტურნირში იმარჯვებს, — ტაშკენტში, ლენინგრადში, მოსკოვში...

1983 წელი. ზაზა საქართველოს ნაკრებშია.

1984 წელი. „ავაზას“ მწვრთნელების თანხმობით, ზაზა ბენდელიანი „დინამოს“ ფეხბურთელთა სპორტულ სკოლაში გადაიყვანეს, სადაც ორჯერ, ლენინგრადსა და კიევიში საბჭოთა კავშირის ჩემპიონი გახდა. შემდეგ ჭაბუკთა საკავშირო ნაკრებში მიიწვიეს. ითამაშა პოლონეთისა და იუგოსლავიის, ჩეხოსლოვაკიისა და ბულგარეთის, გერმანიისა და უნგრეთის ქვეყნების ნაკრებ გუნდებთან. 15 წლის ასაკში სპორტის ოსტატობის კანდიდატი გახდა. მიღებული აქვს ოთხი ოქროს მედალი და მათე კლასში ყოფნისას ქუთაისის „ტორპედოს“ მთავარმა მწვრთნელმა გივი ნოდიამ („ტორპედო“ მამინ უმადლეს ლიგაში თამაშობდა) გუნდში მიიწვია.

და როცა ბიჭი გახარებული იყო, როცა ია-ვარდად ესახებოდა გზა-სავალი, დედას უკურნებელი სენი აღმოაჩნდა. ორი წლით ონკოლოგიური საავადმყოფოს სარეცელს მიეჯაჭვა. ავადმყოფი ქალი, დადარდიანებულ მეუღლეს უუბნებოდა: ზაზას დარდი მაქვს, ძალიან მორიდებულია და ხათრიანია, ეგეთი

აღმაიანი ამ ცხოვრებაში დაიწარებაო. ვაჟიშვილის ამხანაგების იმედი კი ძალიან ჰქონდა. ეთქვა, ერთნაირად თბილი და ყურადღებებიანი არიან. ბიჭებს ერთდებოთ ქუჩაში ყვავილებით სიარული, როცა პალატაში შემოდიან, ქვეყნის მუხრან აკლიან ხოლმე ქალაქს თაიგულსო. ზაზას ამხანაგები მთელს მსოფლიოს წადი სისტემატურად დადიოდნენ საავადმყოფოში.

ზაზასთვის ის ორი წელიწადი გაუთავებელი მღელვარება იყო. საყვარელი ფეხბურთი სადღა ახსოვდა. კინაღამ ონკოლოგიურ საავადმყოფოში დაიღო ბინა. დედამ ვაჟიშვილის თბილი გულისა დახაც რომ იცოდა, მაგრამ იგი ზაზას ხულის ტკივილმა შესძრა. ოჯახის ბურჯი სიცოცხლეს ეთხოვებოდა და არავინ უწყოდა, რომ ეს უბედური ქალი, ამ ცხოვრებიდან უღროდ წასული, თურმე, ბედნიერი იყო. მან სიყრმის შვილს გაასწრო...

ფეხბურთი ვიღას ახსოვდა. ზაზა ვერ შეეჩვია უღედობას. თავისი სამინებელი ოთახი მიატოვა, დედისეულ საწოლზე წვებოდა ხოლმე. თითქოს დედა ჩემთან არის და მეფერებაო.

როცა საქართველოს ერთიანობას საფრთხე დაემუქრა, ზაზას გულმა აფხაზეთისაკენ გაუწია. მამა და მისი დაიკო ძალიან ცდილობდნენ, მისთვის გზა გადაეჭრათ, მაგრამ ამოად. მამის თხოვნას ასე უპასუხა, თუ ყველამ ასე იფიქრა, ომში არავინ წავაო.

როცა ზაზას გაგრელი თანაკლასელი ესტუმრა, მან საუბარში უთხრა: რას აგინებებია ომში წასვლა, იქ განა იბრძვიან, მაროდიორობენ, ხალხს ძარცვავენ. შენ არც მანქანა გჭირდება, არც ქონების შექმნა, შენი საკმარისი ოჯახს ყველაფერი აქვს, თავს საფრთხეში რატომ იგდებო. ზაზამ უპასუხა: მოსკოვიდან რომ ოცი კოსტიუმი ჩამოიტანე გასაყიდად, არ ჯობდა, მაგ ფულით ერთი ავტომატი გეყიდა, შენი ქალაქი დაგეცვაო? მერე სინანულით უთქვამს, სტუმარი ხარ, მაგრამ ძალიან მატიკინე გული. გუშინ ძმაკაცი დავასაფლავე, შენ კი მას მაროდიორობა დასწამეო. სტუმარმა თავი გაიმართლა, მე გვარდასთან მიტმასნალებზე გითხარო.

რას ვიზამთ, ქვეყანა მართლაც ჭრელი ყოფილა. ვაი რომ, ვინმე, ალბათ, ამ უბედურებისას გამდიდრებასაც ფიქრობს, მაგრამ, ქვეყნის საბედნიეროდ, ბევრს სამშობლოსათვის უძგერს გული. შარშან, 2 დეკემბერს სოფელ ტამიშთან, ზაზა ბენდელიანმა ამხანაგები გადაარჩინა და თვითონ გმირთა სიკვდილით დაეცა.

მამას გული უგრძნობდა, რომ ომში წასული მისი ვაჟი თავის გადარჩენის გზის ძებნას არ დაიწყებდა.

ზაზა ბენდელიანს სხვაგვარი სიკვდილი არც ეკადრებოდა. იგი სამშობლოში გმირად უნდა დარჩენილიყო, განგებამ ასე ინება.

დას მუდამ უხდება ძმის გლოვა. მითუმეტეს ისეთისა, სამშობლოს რომ შეეწირა. ეს მარადიული სევდა ძალიან უხდება პირმშვენიერ ვერიკოს.

ჯემალ ქურსული

გაზეთი „საქართველოს რესპუბლიკა“

ურდოც შეიძრა... ხმაურობს... დაჰკრეს ნალარა ცისკრისა...

განეშალება საომრად რაზმი და რაზმი ჯარისა!

აი თოფიცა გავარდა... აი რბის ცხენი მხედრისა!

ამ მშვენიერსა დილასა კაცს რად ჰსურს სისხლი კაცისა...



ქართული
წიგნების
კავშირი

გრიგოლ ორაბლიანი



**გელა
ბელჩანია**

მეტად მოკლე ბიოგრაფიული ცნობები მოგვეპოვება ამ სიცოცხლით სავსე ღამაში ჭაბუკისა, რომელიც სრულიად ახალგაზრდა, ოცდაორი წლისა დაიღუპა სამშობლოს ერთიანობისა და მთლიანობისათვის გამართულ ბრძოლაში.

გელა ანზორის ძე ბელჩანია დაიბადა 1970 წლის 3 მარტს. გალის რაიონის სოფელ ნაბაკევის საშუალო სკოლაში სწავლობდა. ბავშვობიდანვე გაპო-ირჩეოდა სანიმუშო ყოფაქცევითა და კარგი სწავლით, უდიდესი პატივისცემით სარგებლობდა როგორც აღმზრდელ მასწავლებლებში, ისე თანატოლებსა და სოფლის საზოგადოებაში.

სკოლის დამთავრების შემდეგ მუშაობა დაიწყო სიდის ჩაის მეურნეობაში ჩაის მკრეფავად, მანქანა „საქართველოს“ მესაჭე გახლდათ. თან დღისა-აფის სკოლაში სწავლობდა.

1988 წელს გელა სავალდებულო სამხედრო სამსახურში გაიწვიეს, რომელსაც იხდიდა ჩერნიგოვის ოლქის ქალაქ პრილუკში. ძნელი იყო მისთვის შეგუებოდა რუსი სამხედროების მიერ ქართველების მიმართ მკაცრ მოპყრობას, დამცირებას, აბუხად ავდებას, მაგრამ გელა ძლიერი იყო და თავს ღრავის დააჩაგვრინებდა. იქაც თავი გამოიჩინა, სამხედრო საქმეს კარგად დაუფლდა,

ნიღბული ჰქონდა მეოაურის თანამდებობა, სიველები, სამკერდე ნიშნები, რყო კომკავშირული ყრილობის დელეგატი, მოგეხსენებათ, ასეთი პატავი იოლი მოსაპოვებელი არ იყო.

სამხედრო სავალდებულო სამსახურის მოხდის შემდეგ, გელაშვილმა დაიწყო გალის შინაგან საქმეთა განყოფილებაში. აქაც თავი გამოიჩინა, საქმის პირნათლად შესრულებითა და დისციპლინით, რისთვისაც მიღებული ჰქონდა მადლობები. მალევე ნიჭიერ, ბეჯით ახალგაზრდას მისცეს საგზური სწავლა ვაერძელებინა თბილისის პოლიციის უმაღლეს აკადემიაში.

1992 წელს გელა ბელქანია ამ აკადემიის კურსანტია. როგორც კი სამშობლოს დასჭირდა მისი სამსახური, გელა სხვა კურსანტებთან ერთად მოხალაყდ წავიდა აფხაზეთში, სადაც მას მოუხდა ბრძოლა აფხაზ სეპარატისტთა წინააღმდეგ.

1992 წლის 28 აგვისტოს გაგრის რაიონის სოფელ კოლხიდასთან მტრის ტყვიამ განგმირა ოცდაორი წლის ჭაბუკის სიცოცხლე. წავიდა ამ ქვეყნიდან სამშობლოს წინაშე ვალმოხდილი ახალგაზრდა და უდიდესი ტკივილი დაუტოვა თავის ახლობლებსა და თანამებრძოლებს, რომელთა გულებში იგი სამარადჟამოდ იცოცხლებს.



**ავთანდილ
ბერაძე**

34 ლამაზი წელი იცხოვრა „კლუბიკამ“, როგორც მას „ავაზელებმა“ შეარქვეს, თავისი ტკივილი, და კაცურ-კაცობის დასტურად. ავთანდილ სარდიონის ძე ბერაძე უღალატო, თავდადებული, ჭეშმარიტი ვაჟკაცი, კარგი შვილი, კარგი მეუღლე და კარგი მამა იყო. სამწუხაროდ, ყველანი აცრემლებული დატოვა, თვითონ კი ვაჟკაცურად შეეეება სიკვდილსაც.

საველდებულო სამხედრო სამსახურის მოხდის შემდეგ ტელევიზიაში სა-
 ბავშვო გადაცემათა რედაქციაში დაიწყო რეჟისორად მუშაობა. თვალცრემლიანი
 მუშაობა ქალბატონი ლელა ივონებს, ავთომ მითხრა: აღარ შემიძლია „მტრადი-
 ული ხსოვნის“ ყურება, მეც უნდა წავიდე. შენ ნუ გეშინია, მე არაფერი გეშინია.
 სხეთივე ჯანმრთელი დაუბრუნდებიო და სახლიდან გასვლის წინ საქორწინო
 ბეჭედი მოიძრო, დამიტოვა და მითხრა: შეინახე, მაინც რა ვიცი რა მოხდებაო...
 ავთო მოხალისედ შევიდა პირველ ბრიგადაში. თავისი სამსახურებრივი სპე-
 ციფიკიდან გამომდინარე კლუბის გამგედ დანიშნეს, ოფიცრის წოდება მიიღო,
 სულითა და გულით უნდოდა ბიჭების სულიერი გამხსნევება, მხოლოდ ერთი კონ-
 სერტის ჩატარება მოასწრო ბიჭებისთვის, იმ ავადსახსენებელი დესანტის გად-
 მოსხმის დღეს სოფელ ცავერასთან ტანკმა გადაუარა ფეხებზე. ორი დღე ეგლო
 უპატრონოდ, შემდეგ მოახერხეს მისი გამოყვანა, ქუთაისში წამოიყვანეს საავად-
 მყოფოში, მაგრამ ექიმები უძლურნი აღმოჩნდნენ, რადგან ავთოს სამშობლო-
 სათვის ანთებული გული გაჩერდა, ესლა მოასწრო ეთქვა: ბიჭებო, ჩემს სანდრო-
 კას მიმიხედეთ, უმამობას ნუ ავრძნობინებთო.



**დავით
 ბეროშვილი**

შემდეგი დავით შოველის ძე ბეროშვილი დაიბადა 1970 წლის 6 აპრილს,
 ხილნალის რაიონში;
 1993 წლის 1 იანვრიდან მსახურობდა საქართველოს რესპუბლიკის შინაგან
 საქმეთა სამინისტროს შინაგანი ჯარების სწრაფი რეაგირების სპეციალიზე-
 ბული ბატალიონის მსროლელად.
 1993 წლის 25 მარტს აფხაზეთში სოფელ აჩადარაში მოწინააღმდეგეთა
 ერთ-ერთი შეტაკების დროს გმირულად დაიღუპა.



**მამუკა
 ბერუაშვილი**

მამუკა სპირიდონის ძე ბერუაშვილი დაიბადა 1973 წლის 18 აგვისტოს ცხინვალის რაიონის სოფელ მამისაანთუბანში. დაამთავრა ცხინვალის საშუალო სკოლა და სწავლობდა სასოფლო-სამეურნეო ტექნიკუმში. იბრძოდა ცხინვალში. იყო გვარდიის რიგებში. დაიღუპა თავის მშობლიურ მამისაანთუბანში 1992 წლის 18 ნოემბერს. მათი მანქანა აფეთქდა ოსების მიერ ჩადებულ ნადმზე. ღმერთმა აცხოვოს ღირსეული მამულიშვილი – მამუკა ბერუაშვილი!

თამაზ ბიაშვილი

დაიბადა 1950 წელს ავჭალაში. სამშობლოს პირველივე დაძახილზე ცოლ-შვილი მიატოვა და სამაჩაბლოს დარაჯად დაუდგა. იყო სწრაფი რეაგირები: ბატალიონის წევრი. ორი წლის განმავლობაში ვაჟაკურად იგერიებდა ოს ბო-ევიკთა შემოტევებს. შემდეგ აფხაზეთი. აქაც თავი არ შეურცხვენია, მტერს რისხვად ეკვეთებოდა და, აი, ერთ-ერთ უთანასწორო ბრძოლაში დაეცა თამაზი...

სამარადისოდ იყოს ხსენება მისი.

* * *

გმირნო, მამულის მადიდნო, თქვენა ხართ ჩვენი დიდება!
 თქვენთა სახელთა ამაყად წარმოთქვამს შთამომავლობა!
 თქვენთა საქმეთა მოთხრობით მოხუცს ცრემლ-მოედინება,
 მხნეობით აღტაცებული ჭაბუკი ხმალსა მიჰწვდება!

ვრიგოლ ორბელიანი



**გეგლარ
ბირთველიშვილი**

დაიბადა 1967 წლის 6 დეკემბერს ქარელის რაიონის სოფელ ატოცში.
დაიღუპა სამანაბლოში.
მას არ დაივიწყებს საქართველო.



**ზურაბ
ბირთველიშვილი**

დაიბადა 1971 წლის 4 ოქტომბერს ქარელის რაიონის სოფელ ატოცში.
დაიღუპა სამანაბლოში.



**გრიგოლ
გვინაშვილი**

— „სამასი არაგველის შთამომავალი ვართ, შუაფხოდან, არაგვისპირელები“, — ამით ძალიან ამყობდა ჩემი გრიშა და არცა სტყუოდა. განა პაპამისიცი, რომლის სახელი ერქვა, ასევე გმირულად არ დაეცა ამ ორმოცდაათი წლის წინათ ქერჩთან, — თქვა ბატონმა ოთარმა და თავი ჩაქინდრა. ძნელი იყო მისთვის, ოცდაათოთხმეტი წლის ვაჟკაცის დამკარგავი ძამისათვის, შვილზე საუბარი, მაგრამ მასპინძელი იყო და თავს იმაგრებდა.

დედა კი, ქალბატონი მედეა, ცრემლებს ვერ ძალავდა და თავისი სათაყვანებელი ვაჟის ფოტოსურათებს სასიკეთოდ მიჩვენებდა. — ჩემი გრიშა თბილისელია, აქ დაიბადა, აქ სწავლობდა 112-ე საშუალო სკოლაში. წარმატებით დამთავრა პოლიტექნიკური ინსტიტუტი, მამასავით მშენებელი ინჟინერი გახდა. მუშაობაც დაიწყო. ახლა როგორი განათლებული იყო! გატაცებით სწავლობდა საქართველოს, საბერძნეთის, რომის ისტორიას. უყვარდა ხელოვნება, მუსიკასულ ახალგაზრდამ თითქოს ყველაფერი მოასწრო.

სტუდენტი იყო, ცოლი რომ შეირთო. ქალი მოიტაცა, ისე უყვარდა. იცით, რა ლამაზია ჩემი რძალი, ნაადრევად რომ დამიქვრივა? დინარა ახლა სამსახურშია, ექიმი გახლავთ. ოქროსავით ქალ-ვაჟი დაგვიტოვა, რვა წლის ნია და ხუთი წლის თენგიზი.

— ნია, გამოდი, ბებო, — გასძახა მეორე ოთახში მოფუსფუსე პატარას. ისიც შემოვიდა, მშვენიერი გოგონა, გრძნობდა რომ მამამისზე ვსაუბრობდით და სევდიანი თვალებით შეხედა ბებიას. ჩემს შეკითხვაზე, მოკრძალებით მიპასუხა: მესამე კლასში ვარო და ოთახიდან მალევე გავიდა.

ძალიან მიჭირდა ამ ოჯახში მოსვლა. მათი დიდი მწუხარების გაზიარება, მაგრამ აქ ისეთი მშვიდი ატმოსფერო შევიგრძენი, ისეთი პატრიოტული სული-

კვეთება, რომ თამამად შემიძლია ვთქვა: დიახ, ასეთ ოჯახებში იზრდებიან ნამდვილი გმირები, სამშობლოსათვის თავდადებულნი!

ოთახში დაღუპული ახალგაზრდის კუთხეა მოწყობილი, გრივად დასვენებული პორტრეტებითა და ფოტოსურათებით დაშვენებული. რომელი სურათი უნდა მიიპყრობს თქვენს ყურადღებას, ქორწინების დღეს გადაღებული, თუ თავის ღამაზე ცოლ-შვილთან, ან დედ-მამასთან და თავის ძმასთან, თამაზთან, რომელიც ახლა გვერდიდან არ შორდება დაობლებულ ძმისშვილებს. ბრძოლის ველზე გასვლის წინ, სოხუმში მეგობრებთან გადაღებული ფოტოც მიჩვენეს და მისი დაკრძალვის სურათიც. აფერუმ თქვენს გამძლეობას!

გრივად ბინანაშვილი სტუდენტობის წლებში ჩაება ეროვნულ მოძრაობაში. როგორც ეროვნულ-დე მოკრავთიული პარტიის წევრი, მუდამ გვერდში ედგა ვიორგი ჭანტურიას. მონაწილეობდა ყველა მნიშვნელოვან შეკრებასა თუ აქციაში.

1992 წლის 14 აგვისტოს აფხაზეთში ჩვენს გვარდიელებს აფსუა ექსტრემისტებმა ბრძოლა რომ გაუმართეს, გრიშა თავის ცოლ-შვილთან ერთად აგარაკზე იმყოფებოდა თიანეთის რაიონის სოფელ სიმონიანთხევეში. მეორე დღესვე თბილისში ჩამოვიდა და მეგობრებთან ერთად სოხუმში გადაფრინდა. მივიდა ვია ყარყარაშვილთან და ჩვენს გვარდიელებთან ერთად, უკვე 18 აგვისტოდან ბრძოლაში ჩაება. იგი ხომ ლეიტენანტი იყო, სნაიპერი.

1 სექტემბერს ერთ-ერთ ბრძოლისას ეშერასთან ქართველი გვარდიელები, რომელთა რიგებში გრივად ბინანაშვილიც იბრძოდა, შეტევაზე გადავიდნენ. დილის ოთხი საათი იყო. ქართველებმა უდანაკარგოდ წაიწიეს წინ და სკოლის შენობაში გამაგრდნენ. მაგრამ სულ მალე მოწინააღმდეგე მათ ყოველი მხრიდან სროლა აუტეხა. სიბნელის გამო, მნელი იყო მტერ-მოყვარის გარჩევა. ქართველი გვარდიელები უმისამართოდ ისროდნენ, მოწინააღმდეგის სნაიპერები კი ახერხებდნენ მიზანში მოხვედრას. მათ მოკლეს გრიშას თანამებრძოლი ლაშა ქურასხედიანი. გრიშა ბარძაყში დაიჭრა, მაგრამ სროლა არ შეუწყვეტია, მეორე ტყვია ფეხში მოხვდა, გამწარებული ისევ ისროდა, ამით მტერს სკოლის შენობაში შესვლის საშუალებას არ აძლევდა. მძიმედ დაჭრილს, მტრის სნაიპერმა ახლა მესამე ტყვია მხარში მოარტყა და... იგი იძულებული იყო სროლა შეწყვეტა. თანამებრძოლმა გონა მაჭავარიანმა დაჭრილი ტყვიის წვიმაში ბრძოლის ველიდან გამოიყვანა და სკოლის შენობაში შეაფარა, მაგრამ მას დიდხანს აღარ უცოცხლია.

ასე გმირულად შესწირა თავისი სიცოცხლე გრივად ბინანაშვილმა სამშობლო ქვეყნის თავისუფლებასა და ერთიანობას. მისი ცხედარი მეგობრებმა თბილისში ჩამოასვენეს და თავისი პარტიის წევრებთან — ლაშა ქურასხედიანთან და დავით რაზმაძესთან ერთად ძმათა სასაფლაოზე დაკრძალეს.

ღმერთმა ნათელში გამყოფოთ!

ლარისა ხუბულური



ვაჟხია ბიჩინაშვილი

მომავალი წლის მაისში შევბულება უნდა აგველო და წავხულიყავით სენეთში დასასვენებლად. აღარ დაგვაცალეს. 13 აგვისტოს ოსმა ბანდიტებმა წამებით სიცოცხლეს გამოასალმეს ვეფხია ბიჩინაშვილი. მან მხოლოდ 33 გაზაფხულის ნახვა მოასწრო. მისი ღამაში სიცოცხლე შეეწირა სამშობლოს თავისუფლებისათვის ბრძოლას. იგი მოკლეს სამაჩაბლოში თავისი ოცეულის 5 ჯარისკაცთან ერთად. მისი სიკვდილით ბევრი დაგვარგეთ ყველამ: მშობლებმა — შესანიშნავი და სასახელო შვილი, სამშობლომ — ერთგული და თავდადებული დამცველი. შვილებმა — საყვარელი მამა, მეუღლემ — შესანიშნავი ქმარი, ამხანაგ-შეგობრებმა — უშიშარი თანამებრძოლი, ქართულმა ჯარმა — საუკეთესო ოფიცერი. მე კი, საყვარელი ძმადნაფიცი. მიმდინარე წლის 13 ივლისს ჩავიყვანეს სამაჩაბლოში. მე ვმსახურობ თავდაცვის სამინისტროს განსაკუთრებული დანიშნულების ბატალიონში. ვეფხია მსახურობდა შინაგანი ჯარების საპატრულო პოლკში. სოფელ ნიქოზში ყველანი ერთად ვიდექით სამი დღე. შემდეგ დაგვანაწილეს სხვადასხვა სოფლებში. 14 აგვისტოს ხმა დაირხა, წუხელ შუალაძეზე შინაგანი ჯარების ექვსი ჯარისკაცი დახოცეს ოსებმა. იმ წუთში ჩემს ამხანაგს შევჩივლე, „ბიჭო, ვეფხია არ იყოს-მეთქი“, გული მიგრძნობდა, რომ ერთ-ერთი დაღუპული ვეფხია იქნებოდა. იმავე დამეს ტელევიზიით ითქვა დაზუსტებით. პირველი ვეფხვია გამოაცხადეს. სხვები უკვე ვეღარ გავიგონე. გული შემლონებია და ტელევიზორის წინ დავცემულვარ. ეს იყო უდიდესი ტრაგედია, ჩემი ყველაზე დიდი უბედურება — დაკარგე ყველაზე უკეთესი ძმა ვეფხია, იყო რაღაც საოცრად გამორჩეული. ყველაზე უფრო ადრე ჩვენ გავუგეთ ერთმანეთს და ძმობა შევფიცეთ. მრავალი გეგმა გვქონდა დასახული. არაფერი დაგვცალდა, მისი საფიქრალი მხოლოდ ერთი იყო — სამშობლოს თავისუფლება, ნეტავ მოსწრებუდიყო მაინც და საფლავეში არ ჩაჰყოლოდა ჯავრი.

წავიდა და დაგვტოვა ამქვეყნად გულდამძიმებული. ივს. ჩემთვის უფროსი ძმა იყო, ჩემთვის გამზრდელის როლს ასრულებდა. ყოველთვის მარიგებდა და მან-წავლიდა ბრძოლის წესებს, მიფრთხილდებოდა, როცა მტერს შევუტყუებოდი, მისი კანონებისზე წინ არასოდეს მიშვებდა. სულ ამაზე მოგვდიოდა ერთმანეთთან კამათი, მე რადგან უცოლშვილო ვიყავი, მეტიმეტ ყურადღებას მაქცევდა. შენ ქართული გვარი უნდა გააგრძელო, გამეზუმრებოდა ხოლმე. უშიშარი მებრძოლი იცი, გაგანია ომში, ტყვეების წვიმაშიც გაიხუმრებდა, რაღაც ისეთს იტყოდა, გაგვიცინებოდა კაცს. ლამაზი იყო მისი სიცოცხლე. ვერაგულად მოკლეს; ომში ძალიან ბევრი მიღის, მაგრამ ბევრიდან ცოტაა გულადი მეომარი. ვეფხიას-ნაირი მე ჯერ არაფერს მინახავს. იგი თავს ართმევდა ყველანაირ, მძიმე განსაცდელს, რაღაც არაჩვეულებრივი ნიჭის პატრონი იყო სამხედრო საქმეში. საოცრად დიდი ნებისყოფა ჰქონდა. კვირაობით შეეძლო მდგარიყო პოზიციაზე არც შიმშილი შეაწუხებდა და არც უძილობა. ერთხელ ოსმა ბანდიტებმა სოფელ ერედეთან ალყაში მოგვაკციეს. ჩვენ ოთხნი ვიყავით, ისინი 20-25 კაცი. გაგვიხსნეს მოულოდნელი ცეცხლი სამივე მხრიდან. იქნებოდა დაახლოებით ღამის 3 საათი. ჩვენც ცეცხლითვე ვუპასუხეთ. მე და ვეფხიას ტყვიამფრქვევები გვქონდა, დანარჩენ ორ მეგობარს — ავტომატები. მოხდა მაგარი შეტაკება. პოზიციები უცებ გავამაგრეთ. მტერმა ვერ გაუძლო ჩვენს პასუხს და უკუიქცა. ჩვენგან ერთი მებრძოლი დაიჭრა მხოლოდ, მოწინააღმდეგის მხრიდან კი 6 გამოესალმა წუთისოფელს. მეორეჯერ სოფელ ნიქოზთან მოგვიწია შეტაკება. ვეფხია იქ მძიმედ დაიჭრა, ორი თანამებრძოლი კი დაედუპა. ვეფხია ორი-სამი თვის შემდეგ გამოჯანმრთელდა და ისევ ჩადგა სამშობლოს დამცველთა რიგებში. 13 აგვისტო იყო მისთვის უკანასკნელი გაბრძოლება. 13 აგვისტოს დავკარგე ძმა. ღმერთსა ვთხოვ, რომ ვეფხიას სული ნათელში ამყოფოს და მის ოჯახს შვება მოუტანოს.

მამიწამრ ბალოვანი,

განსაკუთრებული დანიშნულების ბატალიონის
მებრძოლი



**სერგო
გოკუჩავა**

დაიბადა 1974 წლის 22 აპრილს.

1991 წელს დაამთავრა თბილისის № 1 საშუალო სკოლა.

იმავ წელს ჩაირიცხა ი. ჭავჭავაძის სახ. უცხო ენათა ინსტიტუტში ინგლისური ენისა და ლიტერატურის სპეციალობაზე.

გატაცებული იყო სპორტით. ირიცხებოდა ჩოგბურთელთა კლუბის „მუხის ფოთლის“ წევრად. ქართული და აღმოსავლური ორთაბრძოლების ასოციაციის მიერ ჩატარებულ თბილისის მეორე ჩემპიონატზე III ადგილი დაიკავა.

1992 წლის 6 ოქტომბერს აფხაზეთში გაემგზავრა. მუდამ წინა ხაზზე იბრძოდა, დიდი რისკის ფასად გამოჰყავდა დაჭრილები თუ დაღუპულები ყველაზე სახიფათო ადგილებიდან. 30 ნოემბერს, გამთენიისას, სოფ. ამაღუსთან თავდასხმის დროს მტრის ტყვიამ გამოასალმა სიცოცხლეს, მაინც მოასწრო კიდევ ერთი დაჭრილის გადარჩენა. იცოცხლა 18 წელი ალაღმართალი, კაცური კაცის სახელით.

უცოლშვილომ დატოვა ქვეყანა. უსაშველო სევდა დაუტოვა მშობლებს, ძმას, მეგობრებს.

ღმერთმა ნათელში ამყოფოს მისი სული.



გონა ბოდაველი

გონა ნოდარის ძე ბოდაველი დაიბადა თიანეთის რაიონის დაბა თიანეთში 1962 წლის 19 ივლისს.

მისი მშობლები: მამა – ნოდარ ბოდაველი, განათლებით ელექტროტექნიკოსი.

დედა – ელისო გიორგის ასული ლეკიშვილი-ბოდაველისა, განათლებით ბულალტერი, 1972 წლიდან პირველი ჯგუფის ინვალიდი.

გონა ბოდაველი 1969 წელს შევიდა თიანეთის ზოია რუხაძის სახელობის რეაწლიან სკოლაში, რომლის დამთავრების შემდეგ 1977 წელს სწავლა განაგრძო თიანეთის № 73 პროფტექნიკურ სასწავლებელში, რომელიც დაამთავრა 1980 წელს – სოფლის მშენებელი ოსტატის სპეციალობით.

1981 წლის მაისში გაიწვიეს სამხედრო სავალდებულო სამსახურში, საიდანაც განთავისუფლდა 1993 წლის ივნისში.... იმავე წლის პირველი სექტემბრიდან გონა სწავლას იწყებს თბილისის საავიაციო ქარხანასთან არსებულ № 38-ე ტექნიკურ სასწავლებელში ზეინკლის სპეციალობის დასაუფლებლად. მისი დამთავრებისთანავე მუშაობს იმავე ქარხანაში, ხოლო 1984 წლის სექტემბრიდან დედის აუადმყოფობის გამო ბრუნდება თიანეთში და მუშაობს დამზადების გაერთიანების საწყოების გამკედ. 1988 წლიდან კი გაერთიანება „სოლანის“ თიანეთის საწარმოო უბნის ზეინკალია.

ჯერ კიდევ თბილისის საავიაციო ქარხანაში მუშაობის დროს დაქორწინდა ქ. ჭიათურაში მცხოვრებ ნარგიზა ალექსანდრეს ასულ ცერცვაძეზე, რომელთანაც 1985 წელს ეყოლა ვოგონა. – ელისო, ხოლო მოგვიანებით 1991 წელს ვაჟი – სოსო (იოსები).

საქართველოში ეროვნულ-განმათავისუფლებელი მოძრაობის დაწყებისთანავე გონა მთელი გატაცებით ებმება ამა მოძრაობაში, მონაწილეობს მიტინგების

მოწყობაში. პირველი მრავალპარტიული არჩევნების პერიოდში მონაწილეობს საარჩევნო კომისიებში, მიწვეული იყო ეროვნულ-განმათავისუფლებელი მოძრაობის საგანგებო კონფერენციაზე, რომელიც 1990 წელს გაიმართა. 1991 წლის მარტიდან შედის ეროვნული გვარდიის რეგულარულად მონაწილეობს გვარდიის თიანეთის ასეულის ფორმირებაში, სადაც ლეიტენანტის წოდებით სათავეში უდგება ოცეულს. გონა მტკიცედ და უფოყმანოდ დგება დემოკრატიული ძალების, თავისი სარდლის მხარეზე. გონა, როგორც ჩოლოყაშვილის სახელობის პოლკის ოფიცერი, 1992 წლის 13 აგვისტოს თავის ნაწილთან ერთად აფხაზეთშია და აქტიურ მონაწილეობას იღებს საბრძოლო ოპერაციებში.

ახალგაზრდა მებრძოლ-მეთაურს ვერაგი მტრის ტყვიამ სიცოცხლე სულ მალე, 1992 წლის 2 სექტემბერს მოუსპო, ამავე წლის 8 სექტემბერს დაკრძალეს თიანეთის სასაფლაოზე.

გონა ბოდაველს, მშობლებისა და ცოლ-შვილის გარდა, დარჩა დაოჯახებული და — ჩინო და ძმა — ზვიადი.



**გენო
ბოგომოლოვი**

გენო რეზოს ძე ბოჭორიშვილი დაიბადა 1960 წლის 19 იანვარს ადიგენის რაიონის სოფელ ყარათუბანში.

1977 წელს დაამთავრა ადიგენის რაიონის სოფელ ლელოვნის საშუალო სკოლა.

1979 წელს წარჩინებით დაამთავრა ქ. რუსთავეში ავტოსკოლა.

1979 წელს გაიწვიეს სამხედრო სავალდებულო სამსახურში. მსახურობდა გერმანიაში — სპეციალური დანიშნულების ბატალიონში.

1981—85 წლებში მუშაობდა ადიგენის რაიონის ავტოსატრანსპორტო საწარმოში მექანიკოსად.

1985 წელს გენო ბოჭორიშვილმა გამოიცვალა საცხოვრებელი ადგილი და იგი საცხოვრებლად გადავიდა ოჯახითურთ თავის მშობლიურ ქალაქში — ტყიბულში.

1985 წლიდან იგი მუშაობდა ტყიბულის ავტოსატრანსპორტო საწარმოში.

1992 წლიდან დაღუპვის დღემდე მსახურობდა ტყიბულის გ. გიორგაძის სახელობის ბატალიონში ოფიცრის წოდებით.

1992 წლის 25 სექტემბერს გენო ბოჭორიშვილი დაიღუპა ოჩამჩირის რაიონის სოფელ ტამიშში.

მას დარჩა მეუღლე და ორი შვილი.

მეუღლე — იზო ამბროლაძე მუშაობს 31-ე საშუალო სკოლაში.

ქალიშვილი — დიანა ბოჭორიშვილი 8 წლისაა.

ვაჟი — დათო ბოჭორიშვილი 5 წლისაა.

გენო ბოჭორიშვილი სიკვდილის შემდეგ დაჯილდოვდა მედლით „საბრძოლო დამსახურებისათვის“.



**კახაბერ
ბრატვაშვილი**

კახაბერ ავთანდილის ძე ბრეგვაძე დაიბადა 1972 წელს თერჯოლის რაიონის სოფელ გოგნში. 1991 წელს გაიწვიეს სამხედრო სავალდებულო სამსახურში. წარიცხული იყო თერჯოლის სწრაფი რეაგირების ბატალიონში. იბრძოდა ჯერ სამანაბლოში, შემდეგ – აფხაზეთში.

1993 წლას 8 ივლისს გმირულად დაიღუპა ტამიშთან ბრძოლაში. დაღუპვიდან მხოლოდ ერთი თვის შემდეგ გახდა შესაძლებელი მისი ნეშტის აფხაზეთიდან გადმოსვენება.

მხოლოდ 21 წელი იცოცხლა, აუხდენელი დარჩა ოცნება – მშრომელ და პატიოსან ოჯახში გაზრდილს, ასეთივე კერა შეექმნა და შვილთა სიმრავლით ვებნდირა.

ნაადრევად წავიდა ამ ქვეყნიდან, მაგრამ ვაჟკაცის, ჭეშმარიტი მამულიშვილას, გმირის სახელი დატოვა.



**რევაზ
ზოჭორიშვილი**

დაიბადა 1973 წლის 24 ივლისს, ქ. ტყიბულში. სწავლობდა ტყიბულის პირველ საშუალო სკოლაში, იქ ისწავლა ორი წელი, შემდეგ ოჯახი გადმოვიდა თბილისში. აქ გააგრძელა სწავლა. რვა კლასის დამთავრების შემდეგ გადაწყვიტა შესულიყო ბათუმის საზღვაო სასწავლებელში, უნდოდა მეზღვაური ყოფილიყო, გატაცებული იყო ნინბოსნობით, იმ წელს ვერ ჩააბარა, სწავლა განაგრძო საღამოს სკოლაში, 18 წლისა გაიწვიეს სამხედრო სამსახურში. 1992 წლის 23 მაისს შერჩევით მიიღეს ქაქუცა ჩოლოყაშვილის სახელობის პოლკში, ოფიცერთა სადაზვერვო ჯგუფში, საწვრთნელად წაიყვანეს სამაჩაბლოში, იქ გადიოდა მომზადებას, რომლის პროცესშიც თითქმის ცეცხლის ხაზზე იდგა, ერთ ღამეს ოფიცრებთან ერთად გავიდნენ დასაზვერვად და მოუხდათ მტერთან შებრძოლება. რევაზი დაიჭრა და უკან დააბრუნეს. რევაზი და მისი თანამებრძოლები რამდენიმე დღის შემდეგ ბესიკ ქუთათელაძესთან ერთად შეიყვანეს ვორის სატანკო ნაწილში. როგორც მოწმეთა გადმოცემით ვიცით, აქ მოულოდნელად ატყდა სროლა და მებრძოლები იძულებული იყვნენ იმ მიდამოზე გაშლილიყვნენ, რევაზი და მისი ერთი იარაღიანი მეგობარი ადვილზე დარჩნენ, ბოლომდე იბრძოლეს, მაგრამ რუს ჯარისკაცებს ვერ დააღწიეს თავი და დაიხოცნენ. რევაზს მხოლოდ ერთი ტყვეა აქვს მოხვედრილი გულში, რომელმაც ის იმსხვერპლა. ეს მოხდა 1992 წლის 13 ივნისს, 24 ივლისს კი მას 19 წელი უსრულდებოდა.

საქართველო თანაგრძნობას უცხადებს რევაზის დედას – ქალბატონ ზეინაბ ზოჭორიშვილს, მის დას – მაკას და ძმას – კახას.



იმედა ბუბაშვილი

იმედა ღემურის ძე ბუბაშვილი დაიბადა 1971 წლის 19 სექტემბერს, ქ. ტყიბულში.

დედა – შზია ბუბაშვილი მუშაობს ბავშვთა ბაგაში.

მამა – ღემურ ბუბაშვილი ხელოსანია.

ღები – რაისა და ლალი – ორივე დაოჯახებულია. მეუღლე დახვრიტეს 23 ოქტომბერს აფხაზეთში.

სკოლის დამთავრების შემდეგ შევიდა ტყიბულის № 19-ე პროფსასწავლებელში, იბრძოდა ქაქუცა ჩილდოაშვილის სახელობის პოლკში, აფხაზეთში, ტამიშთან დაიღუპა. დანაღმულ ადგილზე ტანკით აფეთქდნენ ის და მისი მეგობარი. დასაფლავებულია ტყიბულში.

სამარადისო იყოს უდროოდ დაღუპული სასახელო მამულიშვილის იმედა ბუბაშვილის ხსოვნა.



ზურა ბურნაძე

„ლამაზად შვილის გამზრდელი
დედა მიცენია ღმერთადა“

3 აქა

დღეს კიდევ ერთ ქართველ ქალს გაგაცნობთ... ასმათ ბურნაძე... იგი შვილ-
მკვლარი დედა გახლავთ, ზურაბ ბურნაძის დედა... ჩემი შინ მისვლის მიზეზი რომ
გაეგო, მთხოვა: „ჩემზე ნურაფერს დაწერთ, შვილო, თქვენ იმ ბაკუბზე დაწერთ,
იქ, აფხაზეთში თავი რომ გაწირეს ქართული მიწისათვის, მათ საქციელზე, მათ
გმირობაზე, ჩვენ, მშობლები, ამ შემთხვევაში, ზედმეტები ვართ“.

ქალბატონო ასმათ, მე არა მაქვს უფლება დღეს თქვენ არ შეგისრულოთ
რაიმე თხოვნა, მაგრამ მაპატიეთ, თუ ეს არ გამომივა იმ ბუნებრივი მიზეზის
გამო, რომ თქვენს შვილზე დაწერილი თითოეული კარგი სიტყვა თქვენც გეკუთ-
ვნით, მისი კარგი კაცობა თქვენი კარგი ქალობის მაჩვენებელია. ზურას გმირო-
ბაში ლომის წილი თქვენც მიგიძღვით, როგორც მის გამზრდელ დედას. ერთი
ხალხური ლექსი მახსენდება: „ერთ შვილ ხომ მაინც გაგზარდე ვეფხვებთან მე-
ომარია“, — თავს ინუგეშებს შვილმკვლარი დედა. თქვენ ორი ასეთი ვაჟკაცი
გაზარდეთ, ერთი დაეცა, მეორე დღესაც იქ ღვას, სადაც მისი ყოფნა საჭირო
და გამართლებულია.

ცრემლმშრალი უხმოდ ეფერებოთ შვილის სისხლშემხმარ მაისურსა და და-
ცხრილულ სამხედრო ტანსაცმელს, თხუთმეტი დღის გამოუცვლელს, დღესაც
რომ გენანებათ გასარეცხად, მისი სუნი ასდისო. ვაჟას უთქვამს — „ლამაზად
შვილის გამზრდელი დედა მიცენია ღმერთადა“. აბა, მე უკეთესი რა უნდა ვით-
ხრათ, მხოლოდ ერთს შემოგებდავთ: ჩვენ ძალიან გეჭირდებით თქვენ დღეს.
ახლა სჯობს ისევ თქვენ მოგისმინოთ:

— „ზურა 15 აგვისტოს უკვე სოხუმში იყო. 17-ში ჩემი მეორე ბიჭი მის გზას დაადგა. უფროსს ხანდახან ტელევიზიით მაინც ვხედავდი. პატარას დარდი მკლავდა, ის ფოთში იყო. ვეღარ გავძელი სახლში და 27 აგვისტოს წავიქცე. სამტრედიამდე ძლივს მივედი... იქედან ვერაფერს ვაქცევდი... მსგავსად ბოლა... ფეხით დავადექი გზას... მივლივარ და ბელად ჩემი ჩიძე, დის ქმარი დამეწია, ჩამსვა მანქანაში. ვიფიქრე, ეს კაციც ხიფათში არ ჩავაგლო-თქო. ამ დროს მილიციის კურსანტთა ავტობუსი წამოგვეწია და მათ ვთხოვე ფოთამდე მიყვანა. შევეცოდე და ჩამსვეს ავტობუსში... ჩავედი ფოთში... შავნაბადას ბატალიონი აფხაზეთში გაეგზავნათ... გამასწრეს... მაინც ვნახე ერთი ბიჭი, რომელიც თენგოს იცნობდა და მთხოვა: „ასმათ ღეიდა, დაბრუნდით თბილისში, თენგოს შერცხვება, თქვენ რომ ჩააკითხავითო“, დაუბრუნდი...

შავნაბადას ბატალიონი ლესელიძე-განთიადში იბრძოდა. ხმა გავრცელდა — უჭირთო ბიჭებს. პასპორტი ავიღე და ისევ უკან გავწიე... ჩავედი ისევ ფოთამდე... გავყევი გემს, რომელსაც ლტოლვილები გამოყავდა სოჭიდან და ისევ უკან ბრუნდებოდა...

ჩავედი სოჭში... იქედან ლესელიძე-განთიადამდე რალაც ავტობუსს გავყევი... მერე ფეხით ვიარე ხუთი კილომეტრი ტყე-ტყე, მინდორ-მინდორ... საზღვარზე უკვე რუსის ჯარი იდგა, ვეღარ იგრძნობდით თავს საქართველოში... როგორც იქნა, მივალწიე... ვხედავ იმ ბიჭს, ორი დღის წინ ფოთიდან რომ უკან, თბილისში დამაბრუნა. აქ არიანო თენგოც და ზურაც. თურმე სოხუმში რომ ვაუვიათ, შავნაბადელებს უჭირთო, სასწრაფოდ წამოსულან იხინიც აქ.

ასე შეხვდა ჩემი ორი შვილი შემთხვევით ერთმანეთს და ასე მივაგენი მე მათ. პატარას წამოყვანა მინდოდა, ის ჯერ მხოლოდ 18 წლის იყო. რა თქმა უნდა, ჩემს ნათქვამზე არ წამოვიდოდა. მაშინ მიხვდა ზურა ჩემს გასაჭირს და უთხრა ძმას: დედას უნდა გაყვეო... ხმა არ ამოუღია, ცრემლები ახრჩობდა, მაგრამ არ შეწინააღმდეგებია ძმას. მათ ხომ ხმაძალი საყვედურიც არ უთქვამთ ერთმანეთისთვის არასოდეს. ასე გამომატანა ეს პატარა, თითქოს თვითონ დიდი იყო, 23 წლის. ჩამოვედით თბილისში... ჩვენზე ადრე ზურას დალუპვის ამბავი ჩამოსულიყო ქალაქში.

ასე დამთავრდა ჩემთვის ყველაფერი. ყოველდღე დავდივარ სასაფლაოზე, ერთი დღეც რომ არ ავიდე, გავიკრები. ავივარ ნებისმიერ დროს, არ მეშინია, ასე მგონია, შვილის საფლავიც მიცავს. ორი დღის წინ გვიან ავედი, ბიჭები დამხვდნენ, იღვნენ და ტიროდნენ. მერე მათ ერთი გამოეყო, მოვიდა და მითხრა: „ასმათ ღეიდა, მე ის ბიჭი ვარ, თქვენ რომ ფოთიდან დაგაბრუნეთ, აქ ბევრჯერ ვნახეთ, მაგრამ მოსვლა ვერ გავუბედი“. ხის ფეხი ქქონდა ამ ბიჭს. ახლა მე ბევრს ვლოცულობ, ყოველდღე დავდივარ საყდარში, თუ ნებისყოფა მეყო, ალბათ, მონაზვნადაც აღვიკვიებო“.

როგორ დაიღუპა ზურა ბურნაძე? ფორმირებათა საბჭომ (გაგრის შტაბი) გაღაწვევითა შეტევა განხორციელებინა ბზიფის მიმართულებით... გზატკეცილზე მძიმე ტექნიკით შეტევაზე გაემართებოდნენ „შავნაბადას“ ბატალიონი, მარცხენა ფლანგზე „მხედრიონის“ ნაწილები, მარჯვნივ — ზღვის სანაპიროთი ლე-

გიონი, კურსანტები და ადგილობრივი მოხალისეები. შეთანხმებისამებრ, ფლანგები ცოტა ადრე უნდა დაძრულიყვნენ, უზრუნველყოთ ცენტრალური დაჯგუფების მიახლოება პოზიციებთან. მაგრამ ეს ასე არ მოხდა. ფლანგებმა რუსულეს დაკისრებული მოვალეობა. მათ თვითონ მოუხდათ შეტაკება, ვერ მოესპარნენ ცენტრალურ ნაწილს. არაეის ჰქონდა რაცია, რომ დაკავშირებოდნენ ერთმანეთს და გაეგოთ რა ხდებოდა. „შაენაბადელები“ მაინც არ კარგავდნენ იმედს. ბიჭები ალყაში მოხვდნენ. მაშინ იყვირა ასმეთაურმა ზურაბ ბურნაძემ: „ჩვენები მარჯვნივ რას აკეთებენო?“. უკვე გვიან იყო. დაეცა ერთი, მას მიჰყვა მეორე. კოტე, ერთხელ მოცელილი მეორეჯერ წამოიმართა, ზურა დაჭრილის გამოსაყვანად გავარდა; სნაიპერმა მარჯვნიდან მოცელა ძმაკაცები რატი და მიშიკო, ოცი წლის საყვარელი ბიჭი. დედისერთა ჩელესთან ჭურვი აფეთქდა. ბატალიონი ალყაში იყო.

ზურაბ ბურნაძე, რატი კიკაჩიშვილი, მიშიკო ქორიძე, სანდრო ვაჩიშვილი, კოკა კლდიაშვილი, ლაშა ღუნდუა, ზურა ჯაშიაშვილი, მათ მიყვნენ: ლევან აბაშიძე, სულხან სულხანიშვილი, კოტე ჯანჯღავა, გია ნადირაშვილი, აი, არასრული სია მათი, ვინც პირველი დაეცა აფხაზეთის ომში, ლესელიძე — განთიადის აღებისას. ეს იყო ჩვენი პირველი მარცხი. ეს ბიჭები არიან საქართველოს პირველი ტკივილი, თბილისის პირველი ცრემლი, ქალაქში ჩამოსვენებული პირველი ცხედრები, გამიზნულად ცეცხლის მორევში გადაშვებულნი, მამულის სიცოცხლის გადასარჩენად — გმირობაც სხვა არაფერია.

„გადარჩენილი ბიჭები ივონებენო, — მოთხრა ქალბატონმა ასმათმა, — ერთხელ ტყეში ორი ჩეჩენი მოუკლავთ, ერთ-ერთს შარვლის ტოტი ფულით ჰქონია გამოტენილი. ზურას ამოუღია ეს ფული და გამწარებულს სახეზე დაუყრია ჩეჩენისთვის, „ამისათვის მოხვედი საქართველოშიო?“ — უთქვამს. სახე აღარ უჩანდა იმ კაცს, იმდენი იყო ის ფულიო“.

„შვილი მაინც დამრჩენოდაო მისი, — წუხს ქალბატონი ასმათი, მაგრამ ის ბავშვიც ცოდო იქნებოდა, ალბათ, უმამოდ“.

თენგიზ აუსრულა სურვილი ყველას, დაოჯახდა... ბურნაძეების ოჯახში მალე შვილიშვილს ელოდებან...

ზურა ბურნაძე სიკვდილის შემდეგ ვახტანგ გორგასლის III ხარისხის ორდენით დაჯილდოვდა.



**გია
ბუხრიკიძე**

გია ანზორის ძე ბუხრიკიძე დაიბადა 1962 წლის 22 მაისს ქალაქ გორში, დავით აღმაშენებლის ქუჩა № 123-ში. პირველი საშუალო სკოლის დამთავრების შემდეგ 1979 წელს სწავლა განაგრძო გორის ბარათაშვილის სახელობის სახელმწიფო ინსტიტუტში ფიზიკური აღზრდის სპეციალობით. ინსტიტუტის დამთავრების შემდეგ მუშაობდა პირველ და მეოთხე საშუალო სკოლებში ფიზიკულტურის მასწავლებლად, საცურაო აუზში მწვრთნელად იყო თვითნასწავლა მხატვარი და მოქანდაკე, ხეზე ჭრის ოსტატი.

ეროვნული მოძრაობის პირველი დღიდანვე იბრძოდა საქართველოს დამოუკიდებლობისა და თავისუფლებისათვის. იგი იყო საქართველოს ეროვნულ-დემოკრატიული პარტიის აქტიური წევრი, არარეგალურ გაზეთ „დანახვისის“ რედაქტორი.

გია იბრძოდა სამანაბლოსა და ნიქოზაში ოსი ექსტრემისტების წინააღმდეგ.

გორი. 13 ივნისი, გია სროლის ხმამ გამოიყვანა გარეთ. ქალაქში უკვე დაშლივინებდნენ ტანკები, არც გვარდიელებს ინდობდნენ და არც მოსახლეობას. ვიამ თვალი შეასწრო დაჭრილ გვარდიელს, სახლში შეიყვანა, ჭრილობებიც თავადვე შეუხვია, უკვე საავადმყოფოში მიჰყავდა მანქანით, ტანკი რომ წამოეწიათ. დაცხრილული მანქანიდან დაჭრილის გადმოყვანა კი მოასწრო, მაგრამ მეტი ვეღარ შესძლო. მტრის ტყვიებმა მოცველს, დაჭრილს კი სიცოცხლე შეუნარჩუნა.

მთელი ქალაქი ტიროდა მამაც, უეშმაკო, კეთილ ბაჭს, რომელსაც ეგონა, რომ საშველად მისულს არ ესროდნენ.

როგორ დააკლდებათ მისი მზრუნველი ხელი მოსწავლეებს, მშობლებს, მეგობრებს, უწინარესად კი მის პატარა ორი წლის ნინოს!

1992 წლის 2 დეკემბერს გორში გაიხსნა ვია ბუხრიკიძის სახელობის ტაძარში ზე შეჯიბრი კალათბურთში და დაწესდა, რომ წელიწადში ორჯერ შეიმართებოდა ვიას დაბადების დღეს და შემოდგომაზე ჩატარდეს ხოლმე ეს შეჯიბრი.



**ზაზა
ბუხალიაძე**

დაიბადა 1972 წლის 11 იანვარს, ქარელის რაიონის სოფელ ქვენატკოცაში. მამა გარდაეცვალა 1979 წელს. ჰყავს დედა, სამი და ერთი ძმა, სწავლა დაიწყო სოფ. ქვენატკოცის საშუალო სკოლაში. რვა კლასის დამთავრებისთანავე სწავლა განაგრძო ქარელის № 40 პროფტექნიკურ სასწავლებელში, 1991 წელს მაისში გაიწვიეს გვარდიაში, თეთრი არწივის ახალციხის ბატალიონში, სადაც იმსახურა ხუთი თვე და დროებით გამოუშვეს სახლში. შემდეგ 1992 წ. ივნისში ხელმეორედ გაიწვიეს გვარდიაში. მსახურობდა თბილისში შინაგან ჯარებში. იქ ერთ თვეს იმსახურა, შემდეგ კი მშვიდობიანი მისიით გამოგზავნეს სამაჩაბლოში. სამსახურის მოვალეობის შესრულების დროს 1992 წლის 13 აგვისტოს ის და მისი ამხანაგები მხეცურად აწამეს და მოკლეს ოსმა ექსტრემისტებმა.



**მიხეილ (ბაჩუკი)
ბურძგლა**

შარშან 29 აგვისტოს გაგრის მისადგომებთან, სოფელ კოლხიდასთან ჩენენი სნაიპერის ტყვიამ მოკლა საქართველოს „მხედრონის“ წევრი, 21 წლის მიშეკო (ბაჩუკი) ბურძგლა.

დედამისი — გელა მგელაძე-ბურძგლა თბილისის ქორეოგრაფიული სასწავლებლის ფრანგული ენის მასწავლებელი იყო. ერთი ბედი მაინც ჰქონია ამ ქალბატონს — ის 1990 წელს გარდაიცვალა და, ამდენად, თავისი ერთადერთი შვიკი არ მოსწრებია.

მიშეკოს (ბაჩუკის) მამა — მიხეილ ბურძგლა მეცნიერებათა აკადემიის მანქანათა ინსტიტუტის მეცნიერ-თანამშრომელია. იმის წარმოდგენა, თუ რა დღეშიც იქნება ეს ადამიანი, არ უნდა გაგვიჭირდეს, ის პირები, რომლებმაც კვივით დაბეჭდილი ლექსები მოგვარწოდეს, დარწმუნდებიან, რომ ბატონ მიხეილს აქამდე ლექსები არ უწერია. რასაკვირველია, აქ ის კონკრეტულად თავის საფიცარ შვილს დასტირის, ეს საკუთარი თავის დატირებაა, მაგრამ ეს ლექსები ხომ სამზეოდან წასული ყველა უდროოდ დაღუპული, მტრის ტყვიით განგმირული ყველა მამულიშვილის დატირებაა. ეს ლექსები ხომ ყველა შვილმკვდარი დედისა და მამის გულის კენესა.

თუმცა, მოდით, ამაზე სიტყვას ნუ გავაგრძელებთ, მოუესმინოთ შვილმკვდარი მამის გულისტქმას.

მიხეილ ბურძგლა სიკვდილის შემდეგ ვახტანგ გორგასლის III ხარისხის ორდენით დაჯილდოვდა.

ჯუმაგარ თითმერიძე

მიიხრეს, რომ სიცოცხლის საყრდენი წამექცა,
ვღგავარ შეკრული კრიჭით,
ცრემლად ქცეული ცა თავზე დამექცა.
დაკარგე ჩემი ბიჭი.

დავძრწი და დავეძებ უღეთოდ დაწვევლილი,
ადგილის პოვნა მიჭირს.

უკულმართ ბედისგან ვარ გადათელილი...
სად არის ჩემი ბიჭი?

მიიხარი, შენზე ფიქრს სად დავემალები,
ჩემო ძალავ და ნიჭო,
ყველგან მიყურებენ ცისფერი თვალები,
ჩემო ლამაზო ბიჭო!

გამექცა ოცნება, გაქრა სურვილები,
არარაობა მძალავს,

სხეულში ჩაბუდდა მძლავრი ტკივილები,
ბაღდაძე გულსა ჰლარავს.

მჯერა და არც მჯერა, ვარ და ვეწამები,
ვიცი და მაინც ვიჭვობ;

სივრცეს ჩაეყინა უძრავად წამები,
ჩემო პატარა ბიჭო!

მიწის ბორცვს დასცქერის ვით წმინდა სანთელი
აგრემლებული ფიჭვი;

ჩუმად წევს. არ იძერის ლამაზი სახელის
მოუსვენარი ბიჭი.

ამ ტკივილს არც მსურს და არც დავემალები,
ჩემი სურვილების ნიჭო;

გულზე ამოვიჭერ მე შენი თვალები,
ჩემო გულადო-ბიჭო!

* * *

მე დავესწარი დღეს საკუთარ დასაფლავებას,
ცივ სამარეში ჩაასვენეს ჩემი ცხედარი,
გაოგნებული ვერ ვახერხებ იმის გაგებას,
რად დამემართა ეს ამბავი გაუგონარი.

ვიდექი თითქოს უსულო და შეუგრძნობელი,
ჩემს გულს სძიძგნიდა მაჯლაჯუნა ცრემლად და დარდად,
და დარჩა ჩემთვის მაინც ისევ შეუცნობელი,
ჩემი ცხედარი, იქ რომ იწვა, რატომ არ მგავდა.

ნეტავი სიზმრად ჩამოიხსას რაც რომ ვიხილე,
ეს ყოველივე იყოს მხოლოდ სიცრუე მტკნარი.
მაგრამ გონების ჯურღმულებმა ცივად იკივლეს.
„შე საცოდავო, დაწყვედილო, შეილი გყავს სკვდარი!“



ქართული
ენების
სამეცნიერო
ცენტრი

გაზეთი „ლიტერატურული საქართველო“,

2 აპრილი, 1993



**თემურ
გაბუნია**

...ადამიანი გპირად არ იბადება. იგი მერე ყალიბდება მეომრად, ინტელი-
გენტად. შემოქმედად. თემურში ეს ყველაფერი ერთად იყო შერწყმული. კიდევ
ერთი უპირატესობით — საქართველო უყვარდა სიცოცხლეზე მეტად, საჭირო-
ებისთანავე დადგა მის სადარაჯოზე და აკი თავიც შესწირა.

თემურ გაბუნიას შემოქმედებით სფეროს აღბეჭდავს სულხან-საბა ორბე-
ლიანის მემორიალი საქართველოს სამხედრო გზაზე, სახელოსნოების საგამო-
ფენო დარბაზი ბოტანიკური ბაღის მიმდებარე ტერიტორიაზე, სპორტული
დარბაზი „მიზურში“, მოდების სალონი „ირიდა“, უპოვარ ბავშვთა სოფელი
ქ. თბილისში, ესკიზები კინოფილმისათვის „მიზერე“, რომელსაც ზაზა ხალ-
ვაში იღებს, და კიდევ — ვინ იცის, რამდენი განუხორციელებელი ჩანაფიქრი.

თემურ ჯუმბერის ძე გაბუნია (დაიბადა 1956 წელს ქ. თბილისში). საქარ-
თველოს ერთიანობისათვის ბრძოლაში ჩაება დასავლეთ საქართველოში შექმნილ
არეულობასთან დაკავშირებით. აფხაზეთის კონფლიქტის დაწყების დღიდანვე
თიო (ასე ეძახდნენ მას მეგობრები) ჯერ გავრასთან იბრძოდა, შემდეგ კი ოჩამ-

ჩირის რაიონში გაგრის დატოვებამდე „მხედრიონის“ ასმეთაურის ფაქტის ტესტიაშვილის მოადგილე იყო. შიშიმედ დაჭრილი ასმეთაური მან თბილისში ჩამოიყვანა და თვითონ კვლავ საომრად წავიდა. იგი ოჩამჩირეში სწრაფად მოქმედების დანაყოფის ასმეთაური გახლდათ. ოჩამჩირეში გამგზავრების წინ შეკვნიდა და ვესაუბრე.

ომს მისთვის დალი დაეხვა, ზედმეტად სერიოზული მეჩვენა, მის ნათელ დიმილს ბავშვური სიხალისე დაკლებოდა. შევეკითხე, თუ რომელი შენაერთის წევრი იყო.

— „მე გვარდიის წევრიცა ვარ და საერთოდ იქ ვიბრძოლებ, სადაც საჭირო ვიქნები“.

არასოდეს დამავეიწყდება დედის თხოვნაზე — საომრად მეტს ნულარ წახვალ, შვილო, მისი პასუხი: „ყველა დედა რომ შენსავით ფიქრობდეს, მაშინ გადავცეთ, ჩვენი ხელით ჩავაბართო საქართველო“.

ოჩამჩირეში ჩასვლისთანავე თავისი ასეულით შეუტია მომხდურთ. ბრძოლა მისი შენაერთის სასარგებლოდ წარიმართა. წინა დღით მოწინააღმდეგის ოთხი სნაიპერი აიყვანეს ტყვედ. მამაც და გონიერ მეომარზე — თემურზე — განსაკუთრებული „ნადირობა“ იყო გამართული. ეს მან კარგად იცოდა. მიუხედავად ამისა, მეტად საჭირო საქმისათვის მეომართა მცირე ჯგუფით სოფელ ქეთევანასკენ წავიდნენ, უკან დაბრუნებისას ჩასაფრებული დახვდა მეტრი, მტრის ნაღმსატყორცმა მანქანა მწყობრიდან გამოიყვანა, მძლოლი კი მოკლეს. თემური სწრაფად გადმოხტა მანქანიდან სიტყვებით — გაყიდული ვართ, ბიჭებო, და ჩასაფრებულთ დაუზოგავად დაუწყო სროლა. მალე ავტომატის ჯვრით ფეხები მთლად დაუჩქქვეს. მაინც ისროდა, ხელშიც დაჭრეს. მისი ცოცხლად აყვანა უნდოდათ. წინააღმდეგობის გაწევა აღარ შეეძლო, იცოდა მტრის ჩანაფიქრი — ოთხ სნაიპერში უნდოდათ მისი გაცეკლა. ამაღ არ ვლირვარ, მესროლე, ბიჭო, ჩემს თავს მაგათ ნუ გაატანო, — გასძახა თანამებრძოლს. მან კი ვერ გაიმეტა. ვაჟკაცმა თოფი დაბლა დახარა, მიხვდა თემო კობა გაფრინდაშვილის გასაჭირს, ხელეუშმბარას გადაეფარა, რომ ორ მეტრში მდგომი თანამებრძოლები არ დაეზიანებინა და თავი აიფეთქა. მისი აფეთქებისთანავე მოწინააღმდეგე გაიქცა. თემურმა იცოდა, რომ ამ მოქმედებით სხვებსაც გადაარჩენდა. მან თავდადების დიდებული მაგალითი მისცა თანამებრძოლებს. ამიტომაც იყო, რომ მათ გულწრფელი და ალალი ცრემლებით დაიტირეს სამშობლოს კეთილდღეობისათვის თავდადებული ორი ვაჟკაცის მამა და არა მარტო მათ, მისმა უამრავმა ახლობელმა, დიდმა და პატარამ, მეგობრების უზარმაზარმა წრემ.

გმირი ვაჟკაცის დედაც, ნუ სტირი. შენმა აღზრდილმა საყვარელ მიწას მტლად დაღო თავისი ლამაზი სხეული, მისი სული კი მარად ენთება ქვეყნის მომავლის ჩირადღნად.

აფხაზეთის მოვლენებს თავისი გმირები ჰყავს, რომელთა შესახებ შთამომავლობამ უნდა იცოდეს. მათი წვლილი დაფასებული უნდა იქნას მთავრობის მიერ და მათი სახელი შემონახული მომავალი თაობებისათვის. თუნდაც იმით,

რომ იმ პატარა ქუჩას, სადაც დაიბადა და გაიზარდა თემურ გაბუნია და რ. მელსაც თბილისში ქობულეთის ქუჩა ჰქვია, მისი სახელი ეწოდოს.

თეიმურაზი
ტიქვიძე-ბრეჯავაძე

გაზ. „საქართველოს რესპუბლიკა“,

5 თებერვალი, 1993 წ.



**ზაზა
გაბუნია**

ის ჯერ 19 წლისაც არ იყო. 7 ოქტომბერს შეუსრულდებოდა 19, 14 აგვისტოს კი მისთვის ყველაფერი დამთავრდა. ჯავახიშვილის სახელობის თბილისის სახელმწიფო უნივერსიტეტის სოხუმის ფილიალის II კურსის სტუდენტი, წარჩინებული და სანიმუშო, არშინიანი ბეჭებითა და მკერდით... ორი აფხაზი გვარდიელი დაატყვევა ქალაქ სოხუმში. თეთრ ზიდთან, იარაღი აყარა, და გაანდურებული ორივე გაუშვა, გაოცებულმა მეგობრებმა რომ ჰკითხეს, რას აკეთებ, ზედმეტი სიკეთე იგივე ბოროტებააო, ღიმილით უპასუხა: რას ჰქვია ნაკლები და ზედმეტი სიკეთე, სიკეთე, ისევე როგორც ცრემლი, წუხილი, განა შეიძლება გაიზომოს ან აიწონოს?!

ვერაფერი უპასუხეს.

მას კი სიკეთე მოგვარის, თავისივე მოგვარის ტყვიამ დაუბრუნა, დიახ, მის მხურვალე გულში გაცივდა მოგვარის მიერ ნასროლი ცხელი ტყვია.

დიახ, ერთი სისხლისანი, ერთი ზორცისანი, ერთი სულისანი და ერთი გვარისანი ესწრიან და ჰკლავენ ერთმანეთს. საიდან მაინც ასეთი და ამოდენა საძულვილი და ისიც გუშინდელი ქართველებიდან?

გაოგნებული დაცქერი ზაზა გაბუნიას ვადიმებულ სახეს, მოელვადე თვალებს, სურათიდან რომ მომჩერებია და ვერ წარმოიადგენია, რომ მას უკვე სიკვდილი დაეპატრონა, რომ იგი თავისივე მოგვარემ და სისხლთაგანმა გაიქცა. ახლა ორივენი საფლავეში წვანან — მოკლულიც და მკვლელებიც.

ვინ აგოს ყოველივე ამისათვის პასუხი?!
— არძინბა აქ მონათესავე ხალხებს ახოცინებს ერთმანეთს და გადაძიებს კი ეპატიჟება, პასპორტებს ურიგებს, უკვე ქართველთა ბინებშიც ჩაწერა ისინი, სირიელი, თურქი, ადიგელი, აბაზი, ჩეჩენი და ვინ იცის ვინ, ძალი და მაჰადლი, ჩვენ კი ენგურგალმა გვიპირებს გასახლებას, არადა, ამოწვევით გვემუქრება.

— რატომ? — ისმის კითხვა.
— იმიტომ, რომ თვითონ არის უცხო ჯიშის და ჩამოთესილი. აბა, კარგად დააკვირდი ელამ ცბიერ თვალებში, თავზე ჩაღმით წარმოადგინეთ, ნამდვილად თურქი მოლას არ მოგაგონებთ?! — ამბობს ზაზას ბებია, ქალბატონი ჟუჟუნა და დაპალუპით ჩამოსდის ცრემლები.

ჭადარა, ბრვე ვაჟკაცი შემოდის ახალგაზრდა ყმაწვილთან ერთად. ყმაწვილი 17 წლის არც იქნება. ეს ზაზას მკვიდრი ბიძა და ბიძაშვილი მიხეილ და თემურ გაბუნებიან, გვარდიელის ფორმაში. ბიძამ მოკლული ძმისშვილის ფორმა ჩაიცვა, ხოლო იარაღი ბიძამ და შვილმა, ორივემ გაანაწილეს.

კიდევ ბევრს დავაკლავთ ზაზას ზედ, — დაგუდული ხმით ამბობს ბატონა მიხეილი, ქალბატონი ჟუჟუნა აწვევტინებს, — როგორ შეიძლება ადამიანს ადამიანი დააკლა ზედ? ქრისტიანები ვართ.

ძაღლ იყოს მისი მკვდრისადა! — გამიელვა თავში.
როცა სამიოდე თვის წინათ აფხაზეთში ქართული ბატალიონი შეიქმნა. პირველი ჩაეწერა ზაზა, სტუდენტი ყმაწვილი, ოსეთშიც იყო. იქ სიკვდილს გადაურჩა. პირველად სწორედ მისი ტანკი შემოვიდა სოხუმში, ოსეთიდან დაბრუნებული და სოხუმში პირველი დაღუპული გვარდიელიც ის არის.

ისინი სულ რვანი იყვნენ. დავალემა მიიღეს, რაც არ უნდა დაჯდომოდათ, ქალაქ სოხუმის მთაზე სატელევიზიო კოშკურა აეფეთქებინათ. აფეთქება დაჰნანათ და ისე გაათავისუფლეს, შემდეგ კი გადაწვეიტეს, დაეცვათ იგი.

ვიდაცამ დარეკა, ქართულად საუბრობდა, დამხმარე ძალა ხომ არ გინდათ?!
— ძალიან კარგს იზამთ, — იყო პასუხი, სწორედ რომ დახმარება გეჭირდება!

სულ მალე ერთი მსუბუქი ავტომანქანა და ერთი ავტობუსი ამოვიდა მთაზე, კოშკურთან შეაჩერეს, რამდენიმე გვარდიელი გადმოვიდა მანქანიდან. ქართულად ლაპარაკობდნენ, ხანაც მეგრულად. ეჭვი არავის შეპარვია. რომ მამკვლელები ჩვენები არ იყვნენ. ჩვენი გვარდიელები იური პახომოვი და ვლადიმერ შახმინი ვემოელაპარაკნენ რუსულად და მაშინვე მიხედნენ, რომ აფხაზ გვარდიელებთან ჰქონდათ საქმე. რამდენიმე მათგანი იქვე აიყვანეს ტყვედ, დანარჩენებმა ცეცხლი გახსნეს და ჩვენებმაც ცეცხლით უპასუხეს. იმ აფხაზთა შორის ერთი

სწორედ გაბუნია აღმოჩნდა. მოგვიანებით იპოვნეს ზაზა, მოგვარის ტყვიით განგმირული, გულში გაეარა ტყვიას.

— ტყვიამ არც ძმა იცის და არც მოგვარე. ტყვია ბრძაა, მატყვე ტყველად მინანებიც უნდა დაბრძავდნენ ტყვიასავეთ? — ცრემლებს ვლავს ზაზამ ცხელი, კალბატონი ლალი.

ღიახ, ამ ცრუაფხაზმა მეცნაერებმა, ცრუაფხაზმა ისტორიკოსებმა, ცრუაფხაზმა პოლიტიკანებმა დააბრძავეს. აფხაზი გაბუნია, გუშინდელი ქართველი, და ხელში ავტომატი ააღებინეს მისივე ძმის მოსაკლავად. თაუად კი ეს ცრუპოლიტიკოსები ახლა ბინებში შეეუუულან და გასუსულნი ადევნებენ თვალს ამ ძმათაჟღელტას.

ღმერთმა პირველად მათ უნდა მოჰკითხოხოს ცოდო-ბრალი, მოეკითხებათ კიდევ!..

ბატონ მიხეილს მკერდზე ოთხი სურათი აბნევია. ერთი ზაზასია, მეორე — მოგელი კვიტატიანის, მტერს რომ შურისძიებად შეაკვდა, მესამე — ლევან შურღაიასი, მეოთხე — ილია ლაბარტყავაა — დღეს ოთხივენი საფლავში წვანან, რამდენმა მათმა მსგავსმა ვაჟკაცმა ამოავსო ნაადრევად სამარე, ან რამდენი მათი მსგავსი ვაჟკაცი დააბიჯებს, იციან; სჯიან, და ისევ რაღაცას აკეთებენ ისეთს, რომელიც ახალ სიცოცხლეს ინაცვლებს.

არა, ის, რაც მათი მიზეზით დატრიალდა აფხაზეთში, ისევ მათ უნდა მოეკითხოთ და, რაც უფრო ჩქარა იქნება ეს, მით უკეთესია!..

— მე დისშვილები აფხაზები მყენან, რა ვქნა, ვესროლო მათ? — ეკითხება თავის თავს ბატონი მიხეილი, — არა, ვერ ვესერი, — დაფიქრებით აგრძელებს კამათს თავის თაუთან და ასკენის, ვისაც ხელში იარაღს დაუუნახავ, ყველას ვესერი, რადგან ჩვენ გვესერან.

ღიახ, ზედმეტი სიკეთე და დანდობა სილაჩრის ნიშანია, გაიხსენეთ ლეო ქიაჩელის ჰაკი-აბბა, მონა, მორჩილი, შესაზარი, ქართველმა კაცმა მონის გულკეთილობა უნდა მოიშოროს და სისხლის წილ სისხლი უნდა მოითხოვოს, სხვა-ნაირად თავსაც დაკარგავთ და სამშობლოსაც.

თედო ჩანჩიბაძე

დასავლეთის ფრონტზე ცვლილებაა

1. ჩვენია საეშობლო, კაკიტანი!

ცვლილება დასავლეთის ფრონტზე, ახლა უკვე შეიძლება „ღია ტექსტით“ ამის თქმა: ჩვენმა ნაწილებმა ბრწყინვალედ ჩატარებული ოპერაციის წყალობით დაძლიეს მტრის სერიოზული წინააღმდეგობა, გაათავისუფლეს რამდენიმე გამგრებული პუნქტი და ახალ პოზიციებზე გავიდნენ.

ლაბრა მდიდარი სოფელია ოჩამჩირის რაიონში, მანდარინის ბაღების ნარინჯისფერით (ამ შუა ზამთარში) და მყარად ნაგები ორსართულიანი სახლებით.

როგორც ყველა სოფელს, ლაბრასაც ერთი მთავარი ქუჩა აქვს, რომელიც აქ მარშალ ბაგრამიანის სახელს ატარებს. სომხებით დასახლებული სოფელია ლაბრა.

26 დეკემბრის ასე, ნაშუადღევსათვის, აქ ყველაფერი დამშვიდდება და გაყუჩდება, როგორც ზამთარში იცის სოფელმა ახალი წლის მოლოდინში და გზაჯვარედინებზე და ბაღების კიდეებზე გაჭრილი სანგრები მიტოვებულ მიწის სამუშაოებს დაემსგავსება.

ცოტა ხანში...

ახლა კი აყეფდება გაავებული ძაღლივით ხან ამ, ხან იმ სანგრიდან ტყვიამფრქვევის ჯერი.

წუთი წუთზე ჩვენები შეტევაზე უნდა გადავიდნენ.

ასაღებია ლაბრა, მთავარი დარტყმა მთავარი ქუჩის გასწვრივ იქნება, ქუჩისა, რომელიც მარშალ ბაგრამიანის სახელს ატარებს.

არის ნიშანი!

წამოიჭრებიან ავაზელები და პირველი ტყვიაც მათ დაუწყებს ძებნას.

ყუმბარმტყორცნებით შეეგებება მტერი ჩვენებს: „ავაზას“ ბატალიონის უფროსის მოადგილეს მოცელავს ყუმბარა, გმირის სიკვდილით დაეცემა.

ადგილზე გაიყინება მოიერიშეთა პირველი მწკრივი სიკვდილის დაუნდობლობის ასე აშკარად დემონსტრირების წინაშე, მაგრამ ვინ არ შედრკებოდა სხვა, საბრძოლო ნათლობის დროს, მით უფრო?

შენაერთის მეთაური (ახლა უკვე პოლკოვნიკი) გურამ ჯანიაშვილი, რომლის გამოჩენაც იმედია თავისთავად, შეუძახებს და გაამხნევეს.

გამხნევლებიან და შეიმართებიან შეტევად მეომრები. „მეორე სუნთქვა გაეხსნებათ თითქოს, და მერე, ბრძოლის ბოლომდე აღარ გაჩერდებიან, ვერ გაანერებს ძალა ვერავითარი. „ავაზას“ შტაბის უფროსი ალექსი ხუციშვილი წარუძღვება ავაზელებს.

ჯანიაშვილი ძირითად დამრტყმელ ძალას მეთაურობს. „ავანელები“ პროფესიულად უტყვენ, მოკლე გადარბენი, ავტომატების მოკლე ჯერი, ისევ გა-

დარბენი. სადაც საჭიროა, დაადუღებენ ქვას და რკინას. იციან ბრძოლა და იბრძვიან ვაჟკაცურად.



ქართველნი
ზიხსენიან

რა იყო, დღეს წამმა თითომა
იფეთქა და ხანძარს ვინ მოსთვლის...
დღეს იგრძნო პაწია ლითონმაც
ვენია სამშობლოს სიცოცხლის.

(ალექსანდრე საჯავია)

და წვიმს, წვიმს თუ თოვს, დამძიმდა „ბუშლატები“, წყლით გაიჟლინთა ჩექმები.

წიუ, წიუ-წიუ! — ასხლეტილ ტყეებს თავს უკვე აღარავინ უხრის, მაგრამ არც უაზროდ აკვდება არავინ: გასაცლელს გაეცლებიან.

კოტე სუხიტაშვილს ორ მეტრში ყუმბარა აუფეთქდება (ვერ დავინახე, საიდან მესროლესო). მკლავში დაიჭრება, მაგრამ ომიდან არ გამოდის (მაინც ააძულებენ თბილისში სამკურნალოდ წამოსვლას და გზაში გამიმხელს: — მე იქ ვერ გავძლებ, ბიჭებს შევეჩვიე და ძალიან მომენატრებიანო. სახლში კი შეილა ელოდებოდა, ერთი წლის ნიკა).

საბრძოლო ამოცანის სანიმუშოდ შესრულებისთვის სარდლობა შეაქებს ავღანელთა შენაერთს.

— ბევრი არაფერი დაგვჭირვებია, 45 წუთში 7 კილომეტრი ბრძოლით გავიარეთ და სწორედ იმ სიმაღლეზე ვართ, რომელიც უნდა დაგვეკავებინა, — ასეთ მშვიდ და მორიდებულ კომენტარს აკეთებს ჯანიაშვილი.

— ვიდრეც ლაბრას ბოლოს თუ კონარას დასაწყისში, იქით ცხენისწყალი ჩადიოდა, ამღვრეული როგორც პოლიტიკური თამაში, და ცას და მიწასაც ერთნაირად ატალახებდა ცივი თოვლჭყაპი.

— კონარა, იცით, ცოტა ხნის წინათ ჩვენი იყო. მერე უბრძოლველად ჩააბარეს, გამოვიდნენ ჩვენები კონარიდან. ახლა აფხაზები აკონტროლებენ. იმათ კი 10—15 ჩეჩენი ხელმძღვანელობს.

მართლა ელვისებური შეტევა გამოგვივიდა. ეს აღმართი, ეს 7 კილომეტრი ბრძოლებით ამოიარეს. თითქოს შეუძლებელია, მაგრამ შეუძლებელი შეძლეს. ისეთი შემართებით იბრძოდნენ ბიჭები, ისე იყვნენ ანთებულები, რომ ძლივს ვაკავებდი, და გვერდით რომ გვეყოლოდა ის ძალები, რომლებიც უნდა დაგვეწოდნენ, შეიძლება დანარჩენი პუნქტების საქმეც დღესვე გადაწყვეტილიყო.

— ჩეჩენები ახსენეთ. ნიშნავს ეს, რომ ყველაფრის თავი და ბოლო ისინი არიან?

— არიან აფხაზებიც, რუსებიც, სომხებიც...

— სომხებიც?

— სომხები არიან. გუშინ, შეტაკებაში მათი მხრიდან 5 კაცი დაიხოცა (? ჩვენ დაგვეჭრა); ერთი ჩეჩენი იყო, ერთი რუსი, ერთი სომეხი, ორი აფხაზი. შეიძლება სომხებს აიძულებენ იომონ, ზდება ასეთი რამ, მთავარი ძალა მაინც

ის ჩამოსულები არიან, ვისაც არძინბა აფხაზეთში დასახლებას პირდება. კონკრეტული მინალები არიან ძირითადად, ნარკომანები. მკვდრებზე არ ლაპარაკობენ, მაგრამ რაც არის, ხომ უნდა ითქვას? გარწმუნებთ, რომ დახოცილები ნარკომანები იყვნენ გაბრუებულები, ჯიბეები ამპულებით ჰქონდათ სავსე.

— კონტაქტი მოწინააღმდეგესთან, მშვიდობიანი მოლაპარაკება თუ გქონიათ?

— კი, როგორ არა, ძირითადად ტყვეების გაცვლაზე. კონჩარაში, მაგალითად, სადაც ქართველი მოსახლეობა ცხოვრობს, დატყვევებული ჰყავთ ბავშვები, ქალები, მამაკაცებიც, რომელთა შვილები ჩვენს მხარეს იბრძვიან. ამათ გაცვლაზე საუბარი, თუ ამას მშვიდობიანი მოლაპარაკება ჰქვია, გქონდა.

— 25-ში პარლამენტარები გაუუგზავნეთ, იარაღის დაფრა და დანებება შეეთავაზეთ, — ეს ალექსი ხუციშვილია, „ავაზას“ შენაერთის შტაბის უფროსი, — გვითხრეს, რომ ჯერ ჩვენი მკვდრები გადმოგვეცითო, ვუპასუხეთ, რომ მზად ვიყავით განგვეხილა მათი წინადადება, ოღონდ მათ მეთაურთან ერთად, გადმოსულიყო და შუამავლის გარეშე გველაპარაკა. შევპირდით, რომ უიარაღოდ დაუხვდებოდით, თვითონაც უიარაღოდ უნდა მოსულიყვნენ. ვერ გაბედეს.

— ბევრი დაეღუპათ?

— მე, მაგალითად, თვითონ დავინახე წინა ხაზიდან თორმეტი მკვდარი რომ გაათრიეს, 5 ჩვენს პოზიციაზე დარჩა.

ქართველების წინადადება აფხაზეთში არ მიიღეს. ვიბრძობდითო. იბრძობდეს, დამარცხდნენ და 17 კაცი დაკარგეს.

— ჩვენი ბიჭებიდან შეიძლება ვინმეს განსაკუთრებით გამოყოფა? — ვეკითხები გურამ ჯანიაშვილს.

პაუზა. დაფიქრდა, ალბათ, ყველასიო, თქვა და მერე დააზუსტა, რომ მაინც იმ ბიჭებზე უნდა ითქვას უპირველესად, რომლებიც უკვე 4 თვეა აქ იმყოფებიან: ოცეულის მეთაური მურთაზ ხურცილავა, ბესო ბერიანიძე, გონა შიუკავეი, გონა თაბუკაშვილი და ბევრი სხვა, ყველა.

— წამყვანი ბირთვი დღევანდელ ბრძოლაში სწორედ ის ოცეული იყო, რომელიც მეოთხე თვეა აქ იბრძვის, დანარჩენისათვის დღევანდელი დღე საბრძოლო ნათლობა იყო, მადლობა მინდა ვუთხრა ყველას.

ჯილდოების დაწესების შესახებაც ვკითხე, ალბათ, ჩამოაღწია თქვენამდე ამ ცნობამ-მეთქი.

მახლოებით გაუგია. ჩვენი გაზეთი ვაჩვენე. თვალი გადაავლო, ადრე უნდა გაკეთებულიყო. ტყვეები რომ აგვეავდა (რუსები და არარუსები) ამ რამდენიმე თვის წინათ, მოლდავეთში ბრძოლისათვის სიკალებით იყვნენ დაჯილდოებულნიო.

— წახალისება ჩვენთანაც საჭიროა, იმიტომ კი არა, რომ მკერდზე დაიკილო მაინცდამაინც, უფრო იმისთვის, დრო რომ გავა, შვილი რომ წამოგვზრდება და გკითხავს, საქართველოს გაჭირვების უამს, მამა, სად იყავიო, აჩვენებ იმის დასტურად, რომ დამალული არ იყავი და იბრძოდი სამშობლოს თავისუფლებისათვის.

69 წლიდან ხვადასხვა ქვეყანაში მომიწია ბრძოლამ, ომი ^{საშინელია} ჩვენთვისაც, აფხაზებისთვისაც. ის სახლი რომ იწვის, ის ბავშვი რომ ^{კვდება}, ის ქალი რომ ქერივდება, ის დედა რომ შვილს დასტირის, საშინელია ^{საშინელია} ლაფერი ეს, არ უნდა ხდებოდეს, მაგრამ სიტუაციამ მოიტანა ^{საშინელია}

1993 ისეთი ახალი წელი მოსულეოს, რომ მშვიდობიანად გადაეწყვიტოთ ყველა საკითხი. ღმერთმა ქნას, მშვიდობიანად ეცხოვროს ჩვენს ხალხს იმ ხალხთან ერთად, ვისთანაც საუკუნეების მანძილზე გვერდი-გვერდ, ძმურად გვიცხოვრია.

ისე კი, ქართული მიწის არცერთ კოჯს არავის დაუთმობთ, ქანამ ორი ქართველი მაინც დადის ამ მიწაზე, ასე იქნება!

და ძალიან თანამედროვედ აუღერდა ორმოცდაათი წლის წინათ დაწერილი სტრიქონები:

ჩვენ განა გაქცევა გქვევია,
გავარღვევთ, გაეშლით და გაეიტანით!
კაპიტან, სამშობლო ჩვენია,
ჩვენია სიცოცხლე, კაპიტან!

ლაბრა — თბილისი

გაზ. „საქართველოს რესპუბლიკა“.
1993 წლის 6 იანვარი

2. ომის დამთავრების წელიწადი

27 დეკემბერს, სადილობამდე (რაც აქ ფრიალ პირობითი მცნებაა) „ავლანელები“ არავის შეუწუხებია.

წუხელ კი იყო სროლა, მაგრამ ბოლომდე მაინც ვერ გაარკვიეს — ვინ ისროდა და რატომ. იყო რამდენიმე ვერსია, ყველა — თავისი წილი ჭეშმარიტებით.

რასაკვირველია, ისევ წვიმდა და როცა თოვლი ჩაენაცვლა, ფართოდ გაიღო კარი და სანამ ოთახში მყოფნი შესძახებდნენ — კარი, კარიო! — მოსულმა, მალაღმა და ჩაფსკენილმა, შავსვიტრიანმა ახალგაზრდამ (რომელმაც ოჩამჩირეში შედეგებული რძის ქილა — პრესცენტრის საკუთრება! — გამოასუფთავა) გოგოლის „რევიზორის“ დასაწყისი რეპლიკის პერიფრაზით გვამცნო:

— Господа! Я пригласил вас с тем, чтобы сообщить пренеприятное известие: к нам пришел снег!

ვიღაცამ ფანჯრის რაფას მიჭედებულ ლინოლიუმს კუთხე აუწია და გაიხედა, ვიღაცამ — არ გადამრიოო, უფრო მეტმა — კარი მაინც დახურეო! — და ყველა რატომღაც კარგ გუნებაზე დადგა, ალბათ, იმიტომ, რომ ყველა, ერთის გამოკლებით (პაპას ეძახდნენ), ახალგაზრდა იყო და იმ ასაკიდან არცთუ დიდი ხნის წინ გამოსული, როცა თოვლი ძალიან, ძალიან უხარიათ.

თქვენ არ გიხარიათ?

ერთმა ერთი ანეკდოტი გაიხსენა... მეორემ სხვა, და იყო სიცილ-ხორბოცა

მკვლავერზე და არაფერზე.

თითქოს გარეთ ჩასაფრებული არ ყოფილიყო სიკვდილი.

ვიწყებთ სამსუნის ჯიშის თამბაქოს ფოთლებზე („მაღბოროს“ თუთუნში ურვეწნო არომატისათვის, — ხალხური ინფორმაცია), იღვა სველი ტანსაცმლის სუნი, მეომრები ავტომატებს წმენდნენ და გაა მიქელაშვილი ისე ახვევდა ებოში მღვარ თავის ჯავშნიან საბრძოლო მანქანას ცელოფანში (აფხაზებს წაართვეს „აფსნი № 1“), როგორც მზრუნველი დედა თოთო ბავშვს.

მდინარესთან, სველ ბუჩქებში ჩასაფრებული ბიჭები ზვერავენენ მოწინააღმდეგის პოზიციას და რაციასთან ჩამჯდარი შეკავშირე რეზუსებს გადასცემდა დაზიანებულ კამეჩსა და ნორმალურად მოძრავ მერცხალზე: იმეორებდა ეგზოტიკური ქალაქების სახელებს და მუსიკალური ინსტრუმენტების სახელწოდებებს: არ იყო ეს საუბარი სასმენელთა ჩემთათვის... შიფრია, მართალია, მარტივი, როგორც მოწაფის დღიური — ყველა მიხვდებოდა, რაზეც ლაპარაკობდნენ, თვითონაც ეღიმებოდათ, მაგრამ დავიცვათ კონფიდენციალობა.

ერთი სიტყვით, კარგ გუნებაზე იყო ყველა და გურამ ჯანიაშვილმა (ნახევარი ოთახი რომ ეკავა ამ მთასავით კაცს) გუშინდელი ბრძოლის ეპიზოდი გაიხსენა.

— ყველაფერი რომ დამთავრდა და მოწინააღმდეგე გაჩუმდა, სახლში, მდინარის ნაპირთან რომ შენდება, რაღაც მოძრაობა შევნიშნე, გავიყოლე ბიჭები და წავედი. ჩაუუზაფრდით. ვხედავ, რომ იმ სახლში მართლაც ვიღაც არის. წვიმს და ძალიან ცუდად ჩანს. ჩუმად უუახლოვდებით, იარაღი გამზადებული გვაქვს და რას ვხედავთ: საკმაოდ შეწუხებული და შემფოთებული საკმაოდ მოზრდილი ოთხი მაიმუნი სხვენზე გადებულ ფიცარზე გადი-გამოდის... დაგვი-ნახეს და გავარდნენ. მერე სხვენსაც უნახავთ სოფელში.

რეპლიკა: — ეგ ტამიშის მაიმუნსაშენიდან გამოქცეულები არიან. ცდებს ატარებდნენ, შიდასით არიან ინფიცირებული.

რას იხუმრებდნენ ამასთან დაკავშირებით მსმენელები, გასაკებია...

საუბარი კი გრძელდება.

— მიდის, ალბათ, თბილისში შამპანურით წუწაობა... — უფრო თავისთვის ამ ბოზს ერთი, ეტყობა, მაქსიმალისტი.

— და ტრაბახი: — ბიჭო, მე კავებე ავილე. არის ასეთი ხალხიც.

— ჩემი დედას ბიჭები.

— თბილისმა იგრძნო უბედურება, — არ დაეთანხმა მეორე. — ძალიან ბევრია ომისგან გაუბედურებული ოჯახი.

— უბნებში სერიოზულად ლაპარაკობენ — წამოდი, მოხალისეებად ჩავეწეროთ.

— ამ ჩაწერაში ომიც გავა, — თავისაზე დგას პირველი.

— აბა, ჯარი სხვაგვარად ვერ შეიქმნება.

— ჯარი სადა გვაქვს? არმია არ არის საქართველოში.



— რაც არის, ამას რუსულად „სბროლი“ ჰქვია.

— პოლა, „სბროლით“ ომს ვერ მოიგებ, ბრძოლას კი, ბატონო!

— ჩვენი ბრალია, 89 წელს რომ ავტყვით და არმიამი აღარაფერ-ფერაფერა რა მოვიგეთ? სხვებმა გაუშვეს და ახლა გაწვრთნილი არმია ჰყავთ.

— თორემ ადრე ვაკლავდით თავს. სულ ის გვეგონა, სხვა დაგვიცავდა.

— „ტექნიკურად“ გავეცილებინა რუსის ჯარი და უფრო მეტ სარგებელს არ ვნახავდით?

ფრონტის წინა ზახზე ცენზურა არ არის (მადლობა ღმერთს!) და ამას და ისე ამბობენ ბიჭები, როგორც ფიქრობენ და როგორადაც საჭიროდ მიაჩნიათ, პარლამენტსაც გადასწდნენ.

— მაღიზიანებელი იმითი პრობლემები, თუმცა იმ ნაკავს კი სჯობია, რაც წინათ იყო, მაგრამ...

მაგრამ, მაგრამ...

კაცმა რომ თქვას, ამ თემას პოლემიკური ექსტაზი არ გამოუწვევია, ღირს არ ჰყვეს.

მერე მთავრობის და ქვეყნის პრობლემები გაარჩიეს.

— ერთი წარღვნა საჭირო და მერე — ამ ქვეყნის თავიდან აშენებო, — ეს ის მაქსიმალისტია.

მაინც იმედიან ნოტაზე დაამთავრეს.

— რა იქნა ყარყარაშვილი, რატომ არ ჩანს? — წუხდა შტაბის უფროსი. ფლანგები ჩამორჩნენ „აელანელებს“ და წრიული თავდაცვა ეკავათ ჩვენებს. მზვერავებმა პოზიციასზე გამოყოლიეს ჯანიშის ნებართვით.



ისევ თოვლ-ჭყაბი და ისეთივე მოსახებზრებელი, როგორც ამ ფაქტის ხშირი გამეორება ამ წერილში.

პორიზონტი წაშლილია. იქიდან ზარბაზნების ხშირი და ყრუ სროლა ისმის.

— ყარყარაშვილი იბრძვის.

წვიმისა და ნისლის ფარდის იქით აღამიანების მოძრაობა ილანდება.

— ყურადღება! ვხედავ ჩვენსკენ მომავალ ჯგუფს! — გადასცემენ რაციით. ვაკვირდებით — გვიანლოვებიან, უიარაღოები არიან.

ბერს არ გაგიგრძელებთ: ტყვიდან გამოვიდნენ ქართველები, რომლებიც იძულებულნი შეიქმნენ საკუთარი სახლები მიეტოვებინათ. ტყეში დამალული ქართველები მოვიდნენ ჩვენთან.



გულუებს განსაკუთრებით მტრობენ აფხაზები, ულაპარაკოდ ხვრეტენ.

— 2 ღვეკმბერი იყო, — ყვება რუსლან გულუა, — იმ ჯგუფიდან ერთ-ერთი, — ეზოში რაღაც ხმაურზე მამა გავიდა და შემოსვლა რომ დაავიანდა, გახედა.

შეიარაღებული კაცები მდგარან ეზოში.

— არავაი! — აქ მოდიო, — აფხაზურად უთქვამს ერთს. გვარი რომ გაუკვია —

— Давай, туда становись!

უბრძანებია მასვე.

მამისთვის და ორი ბიძისთვის ამოუყენებიათ რუსლანი.

— რატომ არ დაიმაღლო? — უკითხავს მამას. რა ეპასუხა?

ტყისკენ წაიყვანეს გულუპები.

— შედითო ტყეში. მამაჩემი მუხლებზე დაეცა და ეუბნება, — არ მომკლათ,

არაფერი დამიშავებიაო. სამოცდარიო წლის კაცი იყო მამაჩემი. საშუელი არ
ყო მეტი და მამას ვუთხარი, — ნუ გეშინია, აქ საღმე მანქანა იქნება, ჩაგვსვა-
შენ და ტყვარჩელში წაგვიყვანენ.

ამ დროს გვესროლეს აფხაზებმა, ასე, სამი მეტრიდან, ავტომატებით.

უცებ მოებრუნდი, თავი დავლუნე, ხელები აეწიე ასე, და ყვირილით გავი-
ქეცი — ააა! მხარში მომხვდა ტყეა და ყბაში გამოვიდა.

პირქვე დავეცი.

ცოტახანი გავიდა. მესმის, რომ კვდება მამაჩემი. ავდექი და მივედი. აფხა-
ზები წასულიყვნენ.

მამა ხელში ჩააკვდა რუსლანს. ერთი ბიძა აღარ სუნთქავდა უკვე, მეორე
გადარჩენილიყო ბედად, დაჭრილი.

— ისევ აქაურებმა გვიშველეს. ლაბრას თავმჯდომარე არდამ ავეტიხიანი
მოგვეხმარა ძალიან. ჯგერდაში ექიმმა გურგულიამ გაგვიკეთა ოპერაცია. მერე
ტყვარჩელში ჩაგვიყვანეს. გუშა ექიმმა გვიმკურნალა, აფხაზმა...

მამიდაჩემი აფხაზ კაცს ყავს ცოლად, იმან გამოგვიყვანა მერე ტყვარჩე-
ლიდან.

აწი რა გვიჭირს, იქვენ რომ შემოხვედით...

* * *

პარალელისათვის: ჩვენებმა რომ შეუტყეს, აფხაზებმა მძევალი ქალი მოკ-
ლეს სკოლაში, მეორე დაჭრეს. ვერ მოასწრეს, თორემ იმასაც მოკლავდნენ.

— ადგილობრივები?

— ჩემი მეზობლები იყვნენ. მოკლული გოგო იმეზა ჯალაღონიაა და დაჭ-
რილი ნაზი ჩხაპელია.

კიდევ ერთი პარალელი.

ტყიდან გამოხულების მონაყოლიდან:


— მოდიოდნენ აფხაზები, კვლევს მიგვაყულებდნენ და გვხერტავდნენ.
კაცები, ქალები, სუყველანი წავედით ტყეში. მოვიდნენ მერე სხვა აფხა-
ზები კვიტოულიდან, სიმართლე უნდა ვთქვათ, და ჩვენი ბავშვები და ქალები
წაიყვანეს თავიანთ სახლებში. ვისაც იარაღი ეკავა, ისინი არ მოგვეხმარნენ,
რასაკვირველია. მარტო გვესროდნენ.

კონარელები ვართ ჩვენ, იმ სოფლიდან.

ყველაფერი მიაქვთ, აი, რაც გვაცვია, ამის ზეტი არაფერი დაგვრჩა.

— ამას თქვენი მეზობლები აკეთებენ, ვინც ბავშვები გადავირჩინათ?

— არიან კარგებიც, აფხაზებს კველას ვერ გავლანძლავ.



**დავით
გავაშვილი**

დავით გავაშვილი დაიბადა 1967 წლის 3 ივნისს თბილისში. დაამთავრა თბილისის 87-ე საშუალო სკოლა და 1987 წელს სწავლა განაგრძო მოსკოვის საკავშირო კვების მრეწველობის ინსტიტუტში. იყო აფხაზეთის რეგიონალური ორგანიზაცია „რუსთაველის“ წევრი. ომის დაწყების პირველივე დღეებიდან იბრძოდა აფხაზეთში – სოხუმში, გუმისტაში, წითელ ჯვარში, გაგრაში, ტამიშში, ლაბრასა და ეშერაში. გმირულად დაიღუპა 1993 წლის 15 ივლისს სოფელ ბედიასთან სიმაღლე „მიშველის“ დაცვის დროს. ალყაში მოქცეულმა ააფეთქა 2 ჭურვი, რითაც მტერს დიდი ზარალი მიაყენა და ტყვედ ჩაბარების წინადადებაზე „შავლეგოს“ სიმღერით უპასუხა, რაც სიცოცხლის ფასად დაუჯდა.

* * *

ღმერთო, ნუ მაჰკლავ ვაჟკაცსა,
ნუ დაუბნელებ მზესაო!
ნუ გაუოხრებ სახლ-კარსა,
ნუ გაულალებ მტერსაო.



ანგული (გია) გათიკოევი

ანგული (გია) გათიკოევი, დაბადებული 1957 წლის 4 მაისს, ზნაურის რაიონის სოფელ ხუნდისუბანში, ეროვნებით ოსი, განათლება საშუალო – პროფესიული, ცოლშვილიანი.

გია მშობლებმა საცხოვრებლად გადაიყვანეს ქ. რუსთავში.

1964 წელს შევიდა რუსთავის № 17 საშუალო სკოლაში, 1972 წელს სწავლა გააგრძელა მე-16 პროფსასწავლებელში, რომლის დამთავრების შემდეგ მუშაობა დაიწყო ქარხანა „550-ში“, შემდეგ გაიწვიეს სავალდებულო სამხედრო სამსახურში, რომლის მოხდის შემდეგ ისევ ქარხანას დაუბრუნდა.

1992 წლის 10 ოქტომბერს გია მოხალისედ შევიდა ეროვნული გვარდიის „აფაზას“ ბატალიონში. ის თავის თანამებრძოლებთან ერთად აფხაზეთში წავიდა სამშობლოს დასაცავად. 16 დეკემბერს გია დაზვერვაზე იყო ოჩამჩირის რაიონის სოფელ ლაბრასთან, სადაც იგი მტრის ალყაში მოექცა. თვითმხილველი მეომრები ამბობენ: გიამ ტყვედ ჩაეარდნას სიკვდილი არჩია, ხელყუმბართი თავი აიფეთქა და იქვე ახლოს მყოფი მოალყენიც თან გაიყოლაო.

გმირულად წავიდა გია ამ ქვეყნიდან, ვაჟაკურად მოიხადა ვალი ქვეყნის წინაშე, სახლში კი ატირებული მეუღლე, მშობლები, ძმა და 13 წლის ქნგა დატოვა.

დასაფლავებულია ქ. რუსთავში.

ანგულ იოსების ძე გათიკოევი სიკვდილის შემდეგ დაჯილდოვდა მედლით „მხედრული მამაცობისათვის“.



ქართველ კაცს აღარაფერი არ აკვირებს — არც გმირობა, არც უცხოელები, არც სულის სიდიადე და არც სიმდაბლე. ყველაფერი ნახა. უცხოელებს უფრო ვიდრე ეს უნდა რეგობრად დედამიწის ამ პატარა ქვეყნის შვილებს.

ყოველი მშვენიერი თვისი ღირსების მსხვერპლი უნდა გახდესო და აკერ, ჩვენი მაგალითიც. ალბათ, იშვიათია ასეთი პარადოქსების ქვეყანა.

გამოაგნებელი სისასტიკის გვერდით „ვეფხისტა და მოყმის“ ბაღადა!..

ორასწლიანი „მშვიდობიანი“ საუკუნეებით მოღუნებული მებრძოლი სულის დაკარგულ ცხოვრების წიაღში, თათქოს მოულოდნელად გამოანათესო ვარსკვლავებმა, ისე გამობრწყინდნენ სამახაბლოსა და აფხაზეთის ბრძოლის გმირები. მათ შორის არის ქართული თეატრისა და კინოს, საერთოდ, ქართულა კულტურის ღვაწლიც.

ასე იყო ოდიოგანვე. ქართული თეატრის იბრძოდა კრწანისთან ალა-შაჰ. მად-ხანის წინააღმდეგ.

გიორგი ერისთავიც იყო 1832 წლის შეთქმულების მონაწილე. თეატრის სხვა მოღვაწეებიც იბრძოდნენ საქართველოს თავისუფლებისა და დამოუკიდებლობისათვის.

ეს ჩვენი ტრადიციია.

მას არც ახალმა თაობებმა უღალატეს. ქვეყანას დასჭირდა და ისინი პირველები წავიდნენ ბრძოლაში.

ამბობენ, პატარა ინსტიტუტითა თეატრალური ინსტიტუტი, მაგრამ ძალზე დიდია მისი ღვაწლი, ამაგი კულტურისა თუ საზოგადო, საქვეყნო საქმის ყველა სფეროში.

ექვსი ინსტიტუტული ახალგაზრდა შეეწირა ამ ომს. ზოგმა მოასწრო ეთქვა თავისი სათქმელი ხელოვნებაში, ზოგმაც ვერა, მაგრამ რა შეედრება იმას, რაც მათ საქართველოს უძღვნეს? საკუთარი სიცოცხლე შესწირეს და ეს ღვთაებრივი მსხვერპლი შუქსა პფენს არა მხოლოდ მათ სახელებს, არამედ ყველას, ვინც მათ იცნობდა, მათ ახლობლებს, ინსტიტუტსა და მთელს ჩვენს ქვეყანასაც.

ვინ იფიქრებდა, რომ ასეთი მებრძოლი სული ჰქონდა ლევან აბაშიძეს — სილამაზითა და არტისტული კარიერით გაღაღებული. ღმერთს ყველაფერი მიეცა მისთვის დამტკბარიყო ამქვეყნიური სიკეთით. ღმერთმა მას საქართველოსთვის თავგანწირვის ნიჭიც მიჰმადლა. ჰარმონიულად მთლიანი პიროვნება გახლდათ ლევან აბაშიძე. იგი ყოველთვის ყურადღების ცენტრში იყო. არტისტულ ამაღლებულობას ერწყმოდა სისადავე, მისი ცხოვრებისა და ხელოვნების სტილის ერთიანობა, მოულოდნელი სვლების შინაგანი ლოგიკურობა და მიზნის სიძნელე. წავიდა ბრძოლის ველზე, რათა პირდაპირ თვალებში ჩაეხედა სიკვდილისათვის, იმქვეყნიურ სამყაროსთან მდგარიყო პირისპირ. ანტიკური გმირით ბედისწერის კაცი იყო. რა ბედნიერებაა, რომ მომავალ თაობებს შეეძ-



ლუბათ ეკრანიდან ნახონ ლევან აბაშიძე ცოცხალი. ნახონ ის კაცი, ვინც თა-
 ვისი ნებით იდგა იქ, სადაც მისი თაობა იბრძოდა.

უცნაური, პირდაპირ ნამდვილი ტრაგიკული ბიოგრაფიისა იყო შვეტიცხელის
 ნაიშვილი. მახსოვს, ინსტიტუტში მისი მოსვლა პირველი დღიდანვე მასთან
 შემოვიდა მისი გაზრდილი დეიდა. მან საოცარი რამ მიაძმო აბიტურიენტზე.
 შვიკის დედა თავის მცირეწლოვან შვილთან ერთად თურმე ერთ პატარა ოთახ-
 ში ცხოვრობდა. შეუჩნდნენ, ბინა სხვისია და უნდა გაგასახლოთო. ქალმა ვეღარ
 აიტანა ქვეყნა, გადაისხა ნავთი და თავი დაიწვა. შმაგი ხუთი წლისა იყო, ამ
 სცენას როცა შეეხსრო. ობოლს ახლობლები ზრდიდნენ. ამ ამბავმა შემძრა.
 მივიღეთ სამსახიობო ფაკულტეტზე. ზოგჯერ გორიდან დადიოდა ლექციებზე.
 ეკონომიურად ძალიან უჭირდა. ინსტიტუტში მუშად მივიღეთ. დაამთავრა ინ-
 სტიტუტი და გორის თეატრში წავიდა. ჩაება ეროვნულ მოძრაობაში, მალე ქო-
 ახოვა ავტორიტეტი. სამაჩაბლოს ბრძოლებში მონაწილეობდა, ლიდერის თვი-
 სეებში გამოავლინა. თეატრში ცოტა რამ მოასწრო. მთელი დრო, ენერგია
 ეროვნულ მოძრაობას შესწირა.

დამწვარი ბედისა იყო, — ამბობდნენ მოტირალნი შმაგიზე.
 მისი ბიოგრაფიის კაცს მართლაც ტრაგიკული ეთქმის, მაგრამ ვალმოუხ-
 დელი არ წასულა. მან დაგვიტოვა სამშობლოსადმი ერთგულების მაგალითი.

რალაც განსხვავებული, ყველასაგან გამორჩეული კოლორიტი შეჰქონდა
 ინსტიტუტის ცხოვრებაში ვია რევიშვილს, ანუ როგორც ჩვეულებრივ ვუწო-
 დებდით რემკას. მუდამ მოცუბდა მისი ნაღვლიანი თვალები. იყო მორიდებული
 და თავაზიანი, თითქოს ლამობდა შეუთავსებლის შეთავსებას, შეუმჩნევლად, მაგ
 რამ თანდათან, მიზანსწრაფულად მიიკვლევდა გზას ხელოვნებაში. როგორც კი
 ეროვნულმა მოძრაობამ იფეთქა, იგი მის ტალღებს აჰყვა.

ერთადერთი ფილმის გადაღება მოასწრო. წარმატება ხვდა, გაჩნდა იმედი.
 ქართულ კინოში მოდიოდა კიდევ ერთი ნიჭიერი, თავისი განსხვავებული ფიქ-
 რებით სავსე ახალგაზრდა.

ლევან აბაშიძის დაკრძალვის დღეს, სასაფლაოზე შევხვდი მიხო ჭინჭა-
 რაულს, ჩვენს „ძელოს“, საოცარ ახალგაზრდას, თბილისმა რომ პირდაპირ
 შესძრა, ააფორიაქა, აამდელვარა, მოსვენება დაუკარგა. ჯერ იყო და ვერაფრი-
 ვერ შეეგუა ვერც ტყუილს, ვერც პირფერობას, ვერც მოჩვენებითობას. ერთი
 სიტყვით იმას, რაც არ იყო ალალმართალი. სულ კამათობდა, ინსტიტუტში
 კრება არ ჩატარდებოდა, სიტყვა რომ არ ეთქვა. ლაპარაკობდა ქართულ საქ-
 მებზე, ეროვნულ პრობლემებზე, ლაპარაკობდა სიწმინდებზე, პატიოსნებაზე, სი-
 კეთზე. არ გამოუტოვებია მიტინგები, დემონსტრაციები. მერე ერთხანს გული
 აუცრუვდა, საქმის კეთება აღარავის უნდაო. სულ გადარია ე. წ. „საინფორმაციო
 მიტინგებმა“. მერე ომი დაიწყო აფხაზეთში და მებრძოლთა რიგებში ჩადა მო-
 ხალისედ. ლევან აბაშიძის გასვენებაზე ჩამოვიდა, ლევანის ცხედარს ჩამოჰყვა.
 ყველა ინსტიტუტელი გადაკოცნა, ყველასთან მეგობრობდა. კულტურულ-საგან-
 მანათლებლო ფაკულტეტზე სწავლობდა, მაგრამ ყველა მისი ახლობელი იყო.

მის გვერდით იყვნენ მსახიობები თუ სარეჟისორო, თეატრმცოდნეობისა თუ სხვა ფაკულტეტის სტუდენტები.

ძელო (მიხეილ) ჭინჭარაული ინსტიტუტით ცოცხლობდა. დაქორწინებული მანც ინსტიტუტში მოდიოდა. ჯარისკაცის ფორმით მოდიოდა. ლეკურაქმნის გასვენების შემდეგ ერთხანს ვისაუბრეთ. გული სტკიოდა, რომ მაჟანი და მაჟანი იქ, ბრძოლის ველზე არცხვენდა ქართველის სახელს, მაგრამ როგორ ამყოფდა საუკეთესო ბიჭებით!

იასონ ჭილაიამ სამსახიობო ფაკულტეტი დაამთავრა. მერე კინოხელოვნებაში გაიტაცა. სარეჟისორო ფაკულტეტის მეორე კურსზე იყო. ამ საოცრად მოკრძალებულ კაცს, რომელიც ისე დადიოდა ინსტიტუტში, თითქოს არავის შემჩნევა და შეწუხება არ უნდაო, ფარული მებრძოლი სული ჰქონდა. თავის გამოხატვის, პიროვნულის დამკვიდრებისა და საქვეყნო საქმისადმი ერთგულების გარდა, უცნაურად დრამატული ბედიც ხვდა. ახალგაზრდას დაეღუპა მეუღლე, დარჩა მცირეწლოვანი შვილი, თავისი პირადი ტრაგედიით სულამდე შეძრული წავიდა „მხედრიონელთა“ რიგებში.

ხელოვნებაში სათქმელის თქმა ვერ მოასწრო, ცხოვრებაში კი თავისი სიტყვა თქვა, ერთი კაცქართველის მამულიაშვილობას რომ ეკადრება, — ისეთი სიტყვა, — სიცოცხლე შესწირა!

ვაჟთა ამ ხუთეულის ბედი გაიზიარა გულნაზ გოდალაძემაც, ინსტიტუტის კინომცოდნეობის ფაკულტეტის მეოთხე კურსის სტუდენტმა. დოკუმენტური ფილმების სტუდია „მემატიაწიწი“ მუშაობდა. ფრონტის ხაზზე წავიდა. მებრძოლ რაზმს გაჰყვა აუფეთქებელი ნაღმის გასაუვნებელი კადრები რომ გადაეღო. ნაღმი აფეთქდა. ისევ ტრაგიკული ბედი.

სამაჩაბლოსა და აფხაზეთის ბრძოლებში თეატრის ბევრმა მოღვაწემ გამოაგლინა მებრძოლი სული და მაღალი ეროვნული შეგნება. ისინი ნამდვილი მემკვიდრენი არიან მაჩაბლის თეატრისა.

მოვა დრო ქვეყანა დამშვიდდება, დიწყება აღმშენებლობითი ცხოვრება, მოვლენ ხელოვნებაში ახალი თაობები და ისინი იამაყებენ თავიანთი წინაპრებით, — იმათით, ვინც თავი გასწირა, ვინც იბრძვის საქართველოს ტერიტორიული მთლიანობისათვის.

პაპილ კიკნაძე

ღედის ნატირალი შვილზე

ღამეო, შენამც გენაცვლები,
შენამც ჩემ ნაღველ გაგიგავის,
ძალიან ბევრი გიტირებავ,
ვარსკვლავნი ცრემლად დაგიღვრავის.

გათენებო, შენც გენაცვლე,
შენც ჩემი დარდი გავიგავის,
მთის ყვაუილებზე, ბალახებზე
ცვარ-ნამის ცრემლი დაგიღვრავის.
ჩემ შეილს რად უნდა სამოსელი?
ჩოხა გაზადეთ, გადაუგდეთ,
მიწის სამოსელ შუაგერეთ,
სარწულად შიქმა დაუდევით,
ცრემლები ღილად დაუკერეთ,
სამარეს პირი გაუკერეთ
ჩემი ცრემლების ძაფებითა,
ხავერდოვანი ბალახითა.
სამარევ, პირი დაიბანე
მწუხარე დედის ცრემლებითა,
მიწაო, შეილი შამინახე,
შენ შემოგჩივი ცრემლებითა.


ნეტავ სიკვდილმსაც

ნეტავ სიკვდილმსაც მისცა
შეილიო,
იმას სხვა სიკვდილ
შამახყარაო,
დედასა, დასამც ახლევნიაო,
იქნება მოისვენებდ გულიო,
იქნებ წეს გამაიცვლებოდაო.

* * *

მამაკანის ტირილი

ვაი, დედას, შეილო, გატყუებენ,
ვაი, გველისა ბოლოს გაწოვებენ.
ვაი, ვაი რომ ბოლო მაიბრუნებს
და დედის ძუძუ გეგონება.
ვაი, დედას, შეილო, მოგწყურდება,
საითლა დედა მოგიწოდება,
საითლა, შეილო, სამზეოთდა.
შეილო, შენ მაგივრად ნეტავ მენ
წავსულიყავ შევეთშია.
შენ დაიმრჩალიყავ სამზეოზე,
მე მექნებოდა ქვეყანაზე
და მამგონენი ჩემისაზე.



გიორგი გამიაშვილი

გიორგი იოსების ძე გამიაშვილი დაიბადა 1955 წლის 28 იანვარს, ქ. ახმეტაში, მუშის ოჯახში. 1962 წელს შევიდა ახმეტის საშუალო სკოლაში და 1972 წელს დაამთავრა 10 კლასი.

გიორგი გამიაშვილი 1974 წელს გაიწვიეს სამხედრო არმიის რიგებში. ხოლო 1976 წელს მოიხადა სამხედრო ვალდებულება.

საქართველოში გამოწვეული სიტუაციის გამო მან გადაწყვიტა ქ. ახმეტის მხედრიონში ჩარიცხულიყო. 1992 წლის 28 აგვისტოს წავიდა ქ. სოხუმში, შემდეგ კი იბრძოდა გაგრაში, 101-ე ბატალიონის შემადგენლობაში. ერთ-ერთი თავდასხმის დროს 2 ოქტომბერს ალყაში მოქცეულმა თავის თავზე აიღო თავდაცვა, რათა გადაერჩინა მეგობრები, თვითონ კი დაიჭრა და მოათავსეს თბილისის რესპუბლიკურ საავადმყოფოში.

გიორგი გამიაშვილი ღია ჭრალობით ისევ მალე დაბრუნდა სოხუმში საბრძოლველად. ეშერასთან ის და მისი თანამებრძოლები მოხვდნენ ალყაში. გ. გამიაშვილმა, როგორც ყოველთვის, თავის თავზე აიღო თავდაცვაზე დადგომა, ამ ბრძოლის დროს მან საქართველოს 18 ახალგაზრდის სიცოცხლე შეუნარჩუნა, თვითონ კი გმირულად დაეცა ბრძოლის ველზე. მან ვერ მოასწრო ოჯახის შექმნა, აცრემლებული დატოვა მოხუცი მშობლები, ხუთი დედამამის-შვილი, ყველა მისი მეგობარი, ყველას გული გვატკინა. გ. გამიაშვილი იყო ჭკვიანი, დინჯი და კეთილი პიროვნება, იგი თავის მეგობრებს გაჭირვების დროს ყოველთვის მხარში უდგა.

ნელი მერაბიშვილი



**ფრიდონ
გვგენავა**

ფრიდონ ალექსანდრეს ძე გვგენავა დაიბადა 1970 წელს. საქართველოს რესპუბლიკის თავდაცვის სამინისტროს 23-ე მექანიზირებული ბრიგადის მეორე ბატალიონის რიგებში მოხალისედ მოვიდა 1992 წლის 20 სექტემბრიდან, ჩაირიცხა I ასეულში ყუმბარმტყორცნელად. 1993 წლის 3 ოქტომბერს დაიჭრა მდინარე გუმისთის მისადგომებთან. მკურნალობის დამთავრების შემდეგ დაბრუნდა ისევ ბატალიონში, დაინიშნა პირველი ასეულის მესამე ოცეულის მეთაურად.

1993 წლის 17 მარტს მტრის დივერსიული ჯგუფის ლიკვიდაციას ატარებდნენ მეორე ბატალიონის სარეზერვო ძალები. ფრიდონ გვგენავა ამ ჯგუფის შემადგენლობაში შედიოდა. მან გამოიჩინა თავი მხედრული მამაცობით, მოსპირამდენიმე აფხაზი „ბოვეიკი“, თვითონ კი გმირულად დაეცა ბრძოლის ველზე. სიკვდილის შემდეგ დაჯილდოვდა მედლით „მხედრული მამაცობისათვის“.

მ. კორძაია

მეორე ბატალიონის შტაბის უფროსის თანაშემწე, სამწყობრო ნაწილის უფროსი.



ტარიელ ბაგვაშიძე

ტარიელ ანზორის ძე გეგეშიძე დაიბადა 1962 წლის 15 იანვარს ბაღდადის რაიონის სოფელ ქვედა დიძში. მშობლები ეთერ და ანზორ გეგეშიძეები პრომისმოყვარე, სტუმართმოყვარე და კეთილი ადამიანები არიან.

ტარიელმა რვა კლასის დამთავრების შემდეგ სწავლა განაგრძო ბაღდადის 69-ე საშუალო პროფესიულ-ტექნიკურ სასწავლებელში, რომელიც დაამთავრა 1980 წელს.

ტარიელი 17 წლის იყო, როდესაც დაქორწინდა 16 წლის მარინა თედორაძეზე. მათ შეეძინათ სამი ვაჟი: მირზა 13 წლისაა, მერვე კლასის მოსწავლეა, რამაზი 12 წლისაა, მეშვიდე კლასის მოსწავლეა, გიორგი 2 წლისაა მან მამის სახე არ იცის.

ტარიელი სასწავლებლის დამთავრების შემდეგ მუშაობდა მშენებლობაზე, ბაღდადის რაიონში, ქუთაისში, თბილისში, სამეგრელოში და სხვადასხვა კუთხეში. იყო შესანიშნავი მძღოლი.

ტარიელს სამხედრო სავალდებულო სამსახური არ გაუვლია, რადგან სრულიად ახალგაზრდას უკვე ორი შვილი ჰყავდა. მაგრამ აფხაზეთის ამბების დაწყებისთანავე ის შევიდა ბატალიონ „ავაზაში“ მოხალისედ, 1992 წლის 12 ივლისს. ბატალიონი „ავაზა“ იცავდა ვაგრას, 1992 წლის 25 აგვისტო ტარიელისათვის საბედისწერო აღმოჩნდა. მტრის მუხანათურმა ტყვიამ იმსხვერპლა ლამაზი სიცოცხლე შესანიშნავი ვაჟკაცისა, რომელსაც დარჩა სამი ობოლი ვაჟი, ახალგაზრდა მეუღლე და გამწარებული დედ-მამა.

ტარიელი დასაფლავებულია მშობლიურ სოფელში, ქვედა დიძში, „ეკალიბტების“ სასაფლაოზე.



ბესიკ გაბია

ბესიკ (ბესო) გივის ძე ვეთია დაიბადა 1970 წლის 29 ნოემბერს, სოხუმში. დაამთავრა სოხუმის მე-11 საშუალო სკოლა. მუშაობდა ასოციატა „სე-ვასტოპოლტურიზმის“ დირექტორის მოადგილედ.

სოხუმის უსაზღვრო სიყვარულმა უყოყმანოდ ჩააყენა სამშობლოს დამცველთა რიგებში. იბრძოდა პარველ ბატალიონში.

...ჩვენო ძვირფასო ძმაო ბესო, ძნელია წარმოდგენა იმისა, თუ როგორ გვიმძიმს შენს და-ძმას, მშობლებს, შენს ძმაკაცებს შენთან გამოთხოვება. ძნელია ჩვენთვის უშენობა. შენ ჩვენთვის ხელ ცოცხალი იქნები. ჩვენ მხოლოდ შენი ლოდინით შეგვიძლია სიცოცხლე.

სულ ამბობდი, მე თუ არ წავედი, სოხუმელები თუ არ წავიდნენ საბრძოლველად, ქალაქს ჩამოსულები ისე ვერ დაიტყვენ, როგორც ჩვენი, ჩვენ ჩვენი ქალაქის ყოველი კუთხე ვიცითო. სულ გვეუბნებოდი: იმათ, ვინც იბრძვის, განა მშობლები არა ჰყავთო? განა ისინი თქვენსე ნაკლებად ნერვიულობენო? სოხუმი ჩვენ უნდა დავიცვათო.

16 მარტს გუმისთის მისადგომებთან გამართული სამკვდრო-სასიცოცხლო ბრძოლის დროს გმირულად დაეცა. მტერმა მუხანათურად მიგიტყუა, ქართულად დაიძახა: მიშველეთო. შენ თავდაუზოგავად გაიქეცი საშველად, ქართველს უჭირსო. შენ ველარ ლაბრუნდი.

ბესო, შენში ყველაფერი განსაკუთრებული და გამორჩეული იყო. ბუნებამ ხილამაზით შეგამკო, რაინდულად შემართული ვაჟკაცი ნათესავ-მეგობართა შორის სამაგალითო და საუკეთესო იყავი პატიოსნებით, ალაღ-მართლობით, მიმტყვევლობით, მოყვასის სიყვარულით გამოირჩეოდი.

ველას ტკივილი ხარ, ბესო, ვველა ნაცნობი გულთან მიიტანს შენს სიკვდილს, რამეთუ ქართულ მიწას ანაცვალე თავი შენი!
 წახვედი და ბევრი რამ დაგრჩა კიდევ გასაკეთებელი, შენ ხომ ვერ წახვედი არ იყავი, ვერც ოჯახის შექმნა მოასწარი, უშვილძიროდ დატოვედი მშენს ქვეყნიდან. ნათელში იყოს შენი სული, ჩვენი ლამაზო და საყვარელო ბესო!



შენი მეგობრები



გურამ გელაძე

გურამ გურამის ძე გელაძე დაიბადა 1968 წლის 2 სექტემბერს ქ. თბილისში. დედამისი პედაგოგია, მუშაობს სართიჭალის I საშუალო სკოლაში. გურამმა ამავე სკოლაში დაიწყო სწავლა და დაამთავრა 1985 წელს.

1986 წლის შემოდგომაზე გაიწვიეს სამხედრო საეკლდებულო სამსახურში, ქ. მურმანსკო, სადაც სამი წლის განმავლობაში პირნათლად იხდიდა მხედრულ ვალს.

სამხედრო სამსახურიდან დაბრუნების შემდეგ 1980 წელს დაიწყო მუშაობა კინოსტუდია „ქართულ ფილმში“ გამნათებლად. პატიოსანი და მუყათია შრომით დაიმსახურა ამხანაგებისა და თანამშრომლების პატივისცემა და სიყვარული.

24 წლის ვაჟკაცი პირველი დღიდანვე ჩადგა სამშობლოს დამცველთა რაკეტში. მოხალისედ ჩაეწერა სახალხო ფრონტში და 1992 წლის 15 სექტემბერს გმირულად დაიღუპა გაგრის მისადგომებთან.

ღმერთმა აცხონოს ღირსეული მამულიშვილის გურამ გელაძეს სული.



გია გელაშვილი

ბიოგრაფიული ცნობები ჩემი სათავევანებელი ძამიკოს გიას შესახებ.

ბიოგრაფია მისი ძალზე ჩვეულებრივია:

დაიბადა 1961 წლის 23 ივნისს ქალაქ ბორჯომში. 1968 წელს შევიდა ბორჯომის რკინიგზის № 6 საშ. სკოლაში, რომელიც 1978 წელს დაამთავრა კარგ მოსწავლედ ითვლებოდა, თუმცა ბიჭების უმეტესობისათვის დამახასიათებელი სიანცე არ აკლდა.

1981 წელს გაიწვიეს სამხედრო სამსახურში. 1983 წელს დაბრუნდა ჯარიდან და 1984 წელს ჩააბარა მისაღები გამოცდები და ჩაირიცხა სასოფლო-სამეურნეო ინსტიტუტში მექანიზაციის ფაკულტეტზე, დაუსრუბელ განყოფილებაზე. მუშაობდა პროფილით ბორჯომის მტკ საწარმოს ადმინისტრაციულ აპარატში.

1986 წელს დაოჯახდა, შეეძინა 2 ვაჟი — ზურაბი, რომელიც ამჟამად მე-6 წელშია და ონიხე, რომელსაც თებერვალში 3 წელი შეუსრულდება. (ზურიკოს მამა კარგად ახსოვს. ის და მამიკო მეგობრები იყვნენ, მაგრამ არ ტირის: მე ფილმი ვნახე, ქრისტემ კაცი რომ გააცოცხლა და ჩემს მამიკოსაც აღადგენს, ამიტომ არ უნდა ვიტყვი, ონიხე კი, თუ დაგვინახავს აცრემლებულს, გვეუბნება: არ იტიროთ, ჩემი მამიკო აფხაზეთშია, იმის ტანკს ვერაფერი მოერევა, ნუ ტირიხართ, გია მოვა, მოვაო.

1992 წლის 23 ივნისს შეუსრულდა 31 წელი, 1992 წლის 1 სექტემბერს დაიღუპა ეშერასთან.



მერაბ გელაშვილი

დაიბადა 1965 წელს 21 აპრილს ხაშურის რაიონის სოფელ ბროლოსანში. 1972 წელს შევიდა ბროლოსნის დაწყებით სკოლაში, მეოთხე კლასიდან სწავლა გააგრძელა სოფელ ალის საშუალო სკოლაში. 1980 წელს დაამთავრა არასრული საშუალო სკოლა და გადავიდა სურამის პროფტექნიკურ სასწავლებელში, 1983 წელს დაამთავრა პროფტექნიკური სასწავლებელი, 1983 წელსვე გაიწვიეს სამხედრო სავალდებულო სამსახურში. პირნათლად მოიხადა თავისი ვალი შორეულ ციმბირში, ქალაქ კრასნოიარსკში, საიდანაც დაბრუნდა 1985 წელს დაბრუნდა და საცხოვრებლად ჩამოვიდა ქ. რუსთავეში. მუშაობა დაიწყო რუსთავეის ქიმიურ ქარხანა „აზოტში“ მუშად. 1992 წლის 4 ოქტომბერს გაიწვიეს აფხაზეთში საქართველოს ტერიტორიული მთლიანობის დასაცავად, იბრძოდა წინა ხაზზე, ეშერასთან, საიდანაც 1992 წ. 23 ოქტომბერს მოვიდა დაღუპვის ამბავი.

მერაბ გელაშვილი იყო ძალიან კეთილი, გულადი, ძლიერი, კეთილხინდისიერი ახალგაზრდა, თავს არ დაზოგავდა არც მეგობრისათვის, არც ერისათვის, უზომოდ უყვარდა თავისი სამშობლო.

როდესაც სოფელ ეშერასთან მოხდა ერთ-ერთი შეტაკება, დაეჭრა თანამებრძოლი, თავისი მოსახელე მერაბ ციციშვილი. იშწაშს გაიქცა მისამუკლებლად. მებრძოლები აფრთხილებდნენ: არ წახვიდე, სნაიპერი ისვრისო, მაგრამ ამხანაგს როგორ უღალატებდა! მიიჭრა დაჭრილთან, ფეხზე წამოაყენა, მაგრამ მტრის ტყვიამ არ აცალა.

სნაიპერის ტყვია თავის არეში მოხვდა და დაჭრილ მეგობართან ერთად დაიღუპა, დაიღუპა მეგობრისა და საქართველოსთვის. ვაი რომ, 27 წლის ვაჟკაცი უცოლშვილო წავიდა ამ ქვეყნიდან!...

მერაბ გელაშვილი სიკვდილის შემდეგ დაჯილდოვდა ვახტანგ გორგასლის II ხარისხის ორდენით.



**ბადრი
გერაძე**

დაიბადა 1967 წლის 3 მაისს წყალტუბოს რაიონის სოფელ გვიშტიბში. ამავე სოფლის საშუალო სკოლის დამთავრების შემდეგ გაიწვიეს სავალდებულო სამხედრო სამსახურში, მსახურობდა ბალტიისპირეთის რესპუბლიკებში. სამხედრო სამსახურის მოხდის შემდეგ აისრულა თავისი ბავშვობის ოცნება — ჩამდგარიყო ორგანოს მუშაკთა რიგებში. ჩააბარა თბილისის მილიციის უმაღლეს სასწავლებელში. ჩაბარებისთანავე დაიწყო საბრძოლო ოპერაციებში მონაწილეობა, იბრძოდა სამაჩაბლოში და რესპუბლიკის სხვა ცხელ წერტილებში. ყველგან გამოირჩეოდა განსაკუთრებული საბრძოლო უნით, თავდაუზოგავობით, ერთგულებით და პატიოსნებით. ორჯერ დაიჭრა საბრძოლო ოპერაციების დროს.

აფხაზეთის კონფლიქტის დაწყების პირველი დღეებიდანვე ჩაება ბრძოლებში. მიუხედავად ახლობლების მუდარისა, რომ დედისერთა თბილისში დარჩენილიყო, ის მაინც გაემართა აფხაზეთში, რადგან სხვაგვარი მოქმედება ბადრისთვის უჩვეულო და მიუღებელი იყო.

29 აგვისტო, გამთენიის ხანი საბედისწერო გამოდგა მისთვის და მისი თანამებრძოლებისათვის. სოფელ კოლხიდასთან მტრის ტყვიებით დაცხრილულმა დაასრულა ხანმოკლე სიცოცხლე. იქაც გმირის სახელი დატოვა, იბრძოდა უკანასკნელ ტყვიამდე, მის სიახლოვეს არავინ გააჩერა, მტრის შეჩერება თვითონ აიღო საკუთარ თავზე.

ასე დაიღუპა თბილისის პოლიციის უმაღლესი სკოლის IV კურსის სტუდენტი ბადრი გერაძე. დარჩა მეუღლე და ოთხი წლის ირაკლი.



დათოზე წერილის დაწერა რომ გადაწყვიტე, ჯერ მის უმცროსეს დისწინადად უკუკავშირდი. დედამისთან ქალბატონ თამართან მისვლა მიმძიძდა, მისთვის შვილის დაკარგვით გამოწვეული მწუხარება რომ არ გამეახლებინა. ვფიქრობდი, რომ ნანა უფრო შეძლებდა თავისი სათაყვანებელი ძმის დახასიათებას, მაგრამ არც მასთან შეხვედრა აღმოჩნდა იოლი.

ეს მშვენიერი ოცდაორი წლის ქალიშვილი მწუხარებისაგან ისე იყო ტრავმირებული, რომ როგორც კი თავისი ძმის ამხანაგებთან ერთად გაზეთში გამოქვეყნებულ ფოტოსურათს მოჰკარა თვალი, გული შეუწუხდა. რამდენს არ ვეცადე, უემოციებოდ გვესაუბრა, არაფერი გამოვიდა. ისევ დათოს მეზობლებასა და ახლობლების ნაამბობს დავეყრდენი.

მიჩვენეს დათოს გვარდიელის მოწმობა № 446, რომელიც ახლა ოჯახის ძვირფას რელიქვიად ქცეულა. მასში ვკითხულობთ: „დავით ფრიდონის ძე გელოვანი – საქართველოს რესპუბლიკის ეროვნული გვარდიის ოფიცერი, აქს. იარაღის ტარების უფლება“.

ოჯახის ახლობლები გვიამბობდნენ, ქმრის გარდაცვალების შემდეგ თამარმა როგორ სიმწრით გამოაზარდა ოთხი შვილი – სამი ქალი და ერთი ვაჟი, – როგორ ტკბილი და კარგი ოჯახი ჰქონდათ.

სკოლის დამთავრების შემდეგ, დათო, თერაპეტი წლის ჭაბუკი, 1986 წელს სავალდებულო სამხედრო სამსახურში გაიწვიეს. ქ. მაგაღანში მსახურობდა. 1989 წელს სამშობლოში დაბრუნდა და თავის მეგობრებთან ერთად ეროვნულ მოძრაობაში ჩაება. ხოლო ქართული ეროვნული გვარდიის ჩამოყალიბებისთანავე მის რიგებში ჩაირიცხა.

დათოს მეგობრები ახასიათებენ როგორც დისციპლინირებულ, მამაც, უშიშარ ახალგაზრდას, ამხანაგების მოყვარულ და ერთგულ პიროვნებას.

როცა ოსმა სეპარატისტებმა ჩვენი ქვეყნის ტერიტორიის მიტაცება სცადეს, დათო თავის ამხანაგებთან ერთად სამაჩაბლოში გაემშურა, აქ მას ქართული მიწა-წყლის დაცვა მოუხდა.

1992 წლის აგვისტოში დავით გელოვანი იმ გვარდიელებთან ერთად იყო, რომლებიც აფხაზეთში შევიდნენ სპეციალური დავალებით: დაეცვათ რკინიგზა, ხიდები ყაჩაღებისა და ბანდიტებისაგან, რომლებიც თავიანთი მოქმედებით, ძარცვა-გლეჯით სახელმწიფოს დიდ ზიანს აყენებდნენ. მაგრამ ქართველ გვარდიელებს აფხაზმა ბოვეიკებმა სროლა აუტეხეს, დაიწყო ქართველებზე თავდასხმა, რამაც თანდათანობით ბრძოლის ჯასიათი მიიღო.

დავით გელოვანი იმ გვარდიელების რიცხვში იყო, რომლებმაც მთავრობას სახლის თავზე აფხაზი ექსტრემისტების მიერ აღმართული, აფხაზეთის ეგრეთწოდებული რესპუბლიკის დროშა ჩამოხსნეს და მის მაგივრად საქართველოს რესპუბლიკის ეროვნული დროშა გააფრიალეს.

დავით გელოვანი სულ ორიოდე კვირა იბრძოდა აფხაზეთში თავისი სამშობლოს მთლიანობის დასაცავად, და ამ ხნის განმავლობაში გამოჩენილ მამაცობისა და თავგანწირული ბრძოლისათვის ამხანაგებში და გვარდიან ხელმძღვანელობაში დიდი ავტორიტეტით სარგებლობდა. აფხაზეთში მას შაირის წოდება მიანიჭეს.

უშიშარსა და გამბედავს სიკვდილმა ეშერაში მოუსწრო. 1992 წლის 1 სექტემბერს აქ დიდი ბრძოლები იყო გაჩაღებული. მიუხედავად იმისა, რომ დათო ბრძოლიდან ახლად დაბრუნებული იყო და შეთაურმა დასვენება ურჩია, მას მაინც გულმა არ მოუთმინა და, როცა მისი ამხანაგი დაზვერვაზე გაუშვეს, ისიც გაჰყვა. ეს მისი ბოლო გასვლა აღმოჩნდა. სნაიპერის ტყვიამ იმსხვერპლა გულადი შეომარი.

მხოლოდ მეორე დღეს შეძლეს ამხანაგებმა მტრისაგან დაცხრილული მისი ცხედრის ტყვიდან გამოტანა და თბილისში ჩამოსვენება.

ასე გამირულად დაიღუპა სამშობლოს უსაზღვროდ მოყვარული ოცდაოთხი წლის ჭაბუკი, რომელმაც, მართალია, ოჯახის შექმნა ვერ მოასწრო, ვერ დაგვიტოვა ძე და ასული, მაგრამ დატოვა ნამდვილი ვაჟკაცის სახელი. დავით გელოვანის ხსოვნა მუდამ იქნება მისი ახლობლებისა და მეგობრების გულებში.

კარგი იქნება, რომ ვაზისუბანში, სადაც იგი გაიზარდა, ერთ პატარა ქუჩას მაინც მიაკუთვნონ მისი სახელი.

გმირები არ კვდებიან, მათ სახელს სიყვარულითა და მოწიწებით წარმოსთქვამს შთამომავლობა.

ლარისა ხუბულური



„ისტორიული კარად ტრიბუნა“

შავი ზღვის ტურისტები გაეცალნენ ომს. შაბათს მოსახლეობამ, დამსვენებლებმა მიატოვეს შავი ზღვის კურორტი სოხუმი. აქ მიმდინარეობს გააფთრებული ბრძოლები საქართველოს გვარდიასა და აფხაზ სეპარატისტთა შორის. მღელვარებამ იფეთქა პარასკევს, როცა საქართველომ გაგზავნა გვარდია მძევლების გასათავისუფლებლად. რუსეთის საპარამუტო-სადესანტო ქვედანაყოფი, საქართველოს ხელისუფლების თანხმობით, ავიდა აფხაზეთში რუსეთის მოქალაქეების საევაკუაციოდ. ქართველებსა და აფხაზ სეპარატისტთა შორის წარმოებულმა ბრძოლებმა სოხუმი გადააქცია ბრძოლის ველად. საქართველოს ხელმძღვანელი ედუარდ ა. შევარდნაძე აღმოჩნდა სამოქალაქო ომის რეალური საფრთხის წინაშე. ეს ფაქტობრივად ყველაზე რთული კრიზისია მარტის შემდეგ, რაც ბატონი შევარდნაძე სათავეში ჩაუდგა საქართველოს ხელისუფლებას. აფხაზეთი არის საქართველოს დასავლეთი რეგიონი და განსაკუთრებით განთქმულია შავი ზღვის თვალწარმტაცი კურორტებით. აფხაზები მიეკუთვნებიან კავკასიის ერთ-ერთ ეთნიკურ ჯგუფს და ქართველებზე რიცხობრივად გაცილებით ნაკლებნი არიან თვით აფხაზეთის რეგიონშიც კი. აფხაზთა ბანდებმა გააფთრებული წინააღმდეგობა გაუწიეს საქართველოს ეროვნულ გვარდიას. საქართველოს ხელისუფლებამ ყოველგვარი ზომები მიიღო სოხუმში წესრიგის აღსადგენად. რეგიონის ოფიციალურ წრეებთან შეთანხმებით მიღებულია გადაწყვეტილება ბუფერული ზონის შექმნის თაობაზე. საქართველომ აღადგინა შავი ზღვის ტერიტორია. საქართველოს ხელმძღვანელის ედუარდ შევარდნაძის განცხადების თანახმად, საქართველომ დაიბრუნა მმართველობა ამბოხებულ აფხაზეთის რეგიონში. სოხუმში კვლავ გრძელდებოდა სპორადული სროლები. ბატონი შევარდნაძის განცხადებით, აუცილებელია კომუნდანტის საათის შემოღება წესრიგის აღსადგენად. ექსტრემისტთა ბანდები მარცვავენ სახელმწიფო სიმდიდრეს და აყარალებენ მოსახლეობას. „საქართველოს ხელისუფლება აღდგენილია რეგიონის მთელ ტერიტორიაზე. საქართველო იყო, არის და იქნება ეროიანი სახელმწიფო“, — განაცხადა ბატონმა შევარდნაძემ. აფხაზეთის 500 000-იანი მოსახლეობიდან აფხაზები მხოლოდ 90 000 არიან, მაგრამ მათ მხარს უჭერენ კავკასიის სხვა ეთნიკური ჯგუფები, რუსეთმა აფხაზეთში გაგზავნა საპარამუტო-სადესანტო ქვედანაყოფი, „რათა უზრუნველყოს რუსების უსაფრთხოება და მოახდინოს მათი ევაკუირება. ამასთანავე, გააძლიეროს აფხაზეთის რეგიონმა რუსეთის დისლოცირებული არმიის დაცვა“. საქართველომ გაგზავნა ტანკები ამბოხების ჩასახშობად. აფხაზეთის რეგიონში საქართველომ გაგზავნა ტანკები და შვეულმფრენები. სოხუმის ქუჩებში გაჩაღებული ბრძოლები მიანიშნებს, რომ საქართველოს ხელმძღვანელი ბატონი შევარდნაძე მზად იყო მიე-

მართა განსაკუთრებული ზომებისათვის აფხაზ ექსტრემისტთა წინააღმდეგ. შეთანხმება ცეცხლის შეწყვეტის თაობაზე კვლავ დაირღვა. აფხაზი ექსტრემისტები მიმართავენ პარტიზანულ ბრძოლებს. ინტერფაქსის ცნობით, აფხაზი ნაციონალისტი ლიდერი ვ. არძინბა ამჟამად იმყოფება გუდაუთაში, სადა მან ხელმძღვანელობს აფხაზ ექსტრემისტთა ბანდებს. არსებობს აფხაზი ექსტრემისტული ფლიქტში ჩრდილო კავკასიის სხვა ეთნიკური დაჯგუფებების ჩარევის რეალური საფრთხე. ჩეჩნეთის რესპუბლიკამ აფხაზებს დახმარება აღუთქვა. რუსეთს ამ ბრძოლაში ნეიტრალიტეტის პოზიციას ინარჩუნებს. რუსეთის არმიის ქვედანაყოფები დისლოცირებულია აფხაზეთის რეგიონში, მაგრამ უარს აცხადებს თხოვნაზე დახმარება აღმოსავლეთის მცირერიცხოვან აფხაზ ექსტრემისტებს. აფხაზმა ნაციონალისტმა ანატოლი კაპბამ განაცხადა: „რუსეთმა მიგვატოვა და ეს იქნება მეორე ლიბანი. რუსეთი ხელს უშლის ჩეჩნეთსა და სხვა ეთნიკურ ჯგუფებს დაეხმარონ აფხაზ ხალხს“. შავი ზღვის არეში გამოცხადებულია „პარტიზანული ომი“. საქართველოს გვარდია განდევნა აფხაზი სეპარატისტები სოხუმიდან. აფხაზ ნაციონალისტთა განცხადებით, ისინი დაიწყებენ პარტიზანულ ომს. საქართველოს ხელისუფლებამ რამდენიმეჯერ სცადა მოლაპარაკება აფხაზ სეპარატისტთა ლიდერებთან, მაგრამ ამაოდ. ერთ-ერთმა აფხაზმა ნაციონალისტმა აშხაძემ განაცხადა: „ჩვენ ვიბრძობთ სრულ თავისუფლებამდე ან ამოვწყდებით ამ ბრძოლაში“. საქართველოს თავდაცვის მინისტრის განცხადებით, აფხაზეთის რეგიონს, გუდაუთის გამოკლებით, მთლიანად აკონტროლებს საქართველოს გვარდია.

საქართველოს გვარდია გავიდა მეამბოხეთა ცენტრიდან. საქართველოს სახელმწიფო საბჭომ ღამის სესიაზე მიიღო გადაწყვეტილება სოხუმიდან გაეყვანა საჯარისო ფორმირებანი. ამ გადაწყვეტილების ძირითადი მიზანი იყო დაძაბულობის განმუხტვა. აფხაზეთის რეგიონში აღდგენილია ტელეგადამცემები.

„გარდიაში“

შეიარაღებული ძალების დაპირისპირება საქართველოში

საქართველოს ეროვნულმა გვარდიამ შეუტია სოხუმს, სადაც აფხაზი ექსტრემისტები იყვნენ გამაგრებული. რადიოს ცნობით, არის მსხვერპლი. საქართველოს ხელმძღვანელმა ელუარდ შევარდნაძემ პრესკონფერენციაზე განაცხადა: „ვითარება სოხუმში უაღრესად დაძაბულია, სამწუხაროდ, საქართველოს ეროვნულ გვარდიასა და აფხაზ ექსტრემისტებს შორის შეტაკება მოხდა ქალაქის ქუჩებში. არის მსხვერპლი“. აფხაზეთი საქართველოს შავი ზღვისპირა რეგიონია. მოსახლეობა ნახევარ მილიონს აღემატება. ქართველთა რაოდენობა გაცილებით მეტია, ვიდრე აფხაზებისა.

რეგიონში წარმოებული ბრძოლები აშფოთებს შევარდნაძეს. საქართველო იბრძვის კონფლიქტის ჩასახშობად.

საქართველოს ხელმძღვანელი ბატონი შვეარდნაძე იღვწის მშვიდობიანი გზით მოაგვაროს რეგიონში არსებული კონფლიქტი. მაგრამ, ცეცხლის შეწყვეტის თაობაზე წარმოებული მოლაპარაკება კვლავ დაირღვა. „მედიკორეკონსტრუქციის“ ღროსაც კი აფხაზ ექსტრემისტებს არ შეუწყვეტათ სროლები. მტკიცედ დგანენ. ჟღენტმა. აფხაზმა სეპარატისტებმა დახმარება სთხოვეს ჩეჩნეთის რესპუბლიკას. მოსკოვი გზავნის სადესანტო-საპარაშუტო რაზმებს აფხაზეთში დისლოცირებული რუსეთის სამხედრო ნაწილებისა და რუსი ეროვნების მოსახლეობის დასაცავად. აფხაზები არიან მთის ტომების შთამომავალნი და რიცხოვრით უფრო მეტი ქართველებზე გაცილებით ნაკლებნი არიან თვით რეგიონშიც კი. მაგრამ მათ ჰყავთ სისხლით მონათესავე ხალხი რუსეთის შემადგენლობაში შემავალ კავკასიის პატარ-პატარა რესპუბლიკებში. 1990 წ. მათ შექმნეს კავკასიელ მთელ ხალხთა კონფედერაცია, „კონფედერაციას ჰყავს სამხედრო ფორმირებანი. მათ არაერთხელ დაუმტკიცებიათ სამხედრო მზადყოფნა“, — განაცხადა კონფედერაციის ლიდერმა ს. შამბამ. რეგიონში არსებული რთული ვითარება აწვევებს საქართველოს ხელმძღვანელის კურსის შეფერხებას. მას შექმდევ, რაც ყოფილი საბჭოთა კავშირის საგარეო საქმეთა მინისტრი დაბრუნდა სამშობლოში, ყოფილნაირად ცდილობს სეპარატისტების პრობლემის გადაჭრას დიალოგისა და კომპრომისის გზით. აფხაზეთის კონფლიქტთან დაკავშირებით ბატონმა შვეარდნაძემ მიიღო ამერიკის, გერმანიისა და თურქეთის დიპლომატიური დელეგაციები.

მოსკოვი ცდილობს არ დაუშვას საქართველოს სამხედრო მოქმედება აფხაზეთის რეგიონში

მოსკოვში პრეზიდენტმა ბ. ელცინმა მიიწვია საქართველოს ხელმძღვანელი ვ. შვეარდნაძე მოლაპარაკებაზე. მიწვევის მიზეზი გახლდათ საქართველოს მხრიდან სამხედრო მოქმედების შექარა აფხაზ სეპარატისტთა წინააღმდეგ მოსკოვის შიშის საბაბია საქართველოს შეიარაღებული ძალების უფროსის გ. ყარყარაშვილის მიერ წამოყენებული ულტიმატუმი აფხაზი სეპარატისტებისადმი. „აფხაზეთის რეგიონში ბრძოლა იქნება ნაპერწკალი, რომელიც ცეცხლში გახვევს მთელ ჩრდილოეთ კავკასიას“, — აღინიშნა მოლაპარაკებაზე. ამასთანავე, კაზაკები და ნაციონალისტური ჯგუფები რუსეთში აცხადებენ დაიცვან აფხაზეთში მცხოვრები რუსები. იქმნება სერიოზული საფრთხე მთიელ ხალხთა კონფედერაციის მხრიდანაც, რომელიც აპირებს გაგზავნოს მოხალისეთა ჯგუფები აფხაზ სეპარატისტთა დასახმარებლად. არსებობს ოფიციალური ცნობები გუდაუთაში გაგზავნილ ასობით მოხალისეთა თაობაზე. ამ პატარა ქალაქში ამჟამად იმყოფება აფხაზ სეპარატისტთა ლიდერი ვ. არძინბა. რუსეთის პარლამენტის დელეგაციამ განაცხადა: „კონფედერაცია აქეზებს რუს ნაციონალისტებს ჩაერთოს საქართველოში მიმდინარე ბრძოლებში, რათა კონფლიქტს მიეცეს ინტერნაციონალური ხასიათი“. გაზეთ „პრავდის“ ცნობით, რუსი მოხალისეები

უკვე გაეშურნენ აფხაზ სეპარატისტთა დასახმარებლად. გაზეთმა „ტრულმა“ კი ხმამაღლა განაცხადა: „რუსეთი ინარჩუნებს ნეიტრალიტეტს, მაგრამ სანამდეც და რის ფასად, ამას მომავალი გვიჩვენებს“.

ეროვნული
ნიმუში

ქართველთა განაცხადის: შეტაკების დროს დაიღუპა 80 კაცი

მიუხედავად ელცინის მტველობისა და საქართველოს ხელმძღვანელის შვედენის შემრიგებლური პოზიციისა, აფხაზეთის რეგიონში მომხდარი უმძიმესი შეტაკების დროს უამრავი ხალხი დაიღუპა. ათასობით კავკასიელი ექსტრემისტი შეუერთდა აფხაზ სეპარატისტებს და განახორციელეს შეტევა გავრაზე. ოფიციალური ცნობებით, მოწინააღმდეგის მხრიდან 80 მებრძოლი დაიღუპა, ქართველთა მხრიდან დაღუპულია სულ 4 გვარდიელი. მოსკოვში ბატონმა ელცინმა დაგმო კავკასიელ მთელ ხალხთა კონფედერაციის მოქმედება. კონფედერაცია აერთიანებს 16 მცირე ეროვნების ხალხს და მათში თავმოყრილია „სხვადასხვა სახის ექსტრემისტთა ჯგუფები“. პრეზიდენტმა ბ. ელცინმა ნათ მიუთითა: „ნუ გაერევიან სახიფათო ავანტიურაში“... და დასძინა: „მე მივიღებ გადაწყვეტილებას“. მას არ მიუთითებია, თუ რა სახის „ზომების“ მიღებას აპირებდა. მოგვიანებით ბატონმა ელცინმა განაცხადა: „საზღვრები გამაგრებულია და რუსეთი შეეცდება თავი აარიდოს საქართველოში მიმდინარე ომში ჩართვას“. „საქართველოს ხელმძღვანელმა ე. შევარდნაძემ თბილისში განაცხადა: „რუსეთის ხელმძღვანელობა გაგებით მოეკიდა ჩვენს საკითხს. პრეზიდენტმა ბ. ელცინმა გადაწყვიტა დაამოწმოს საზღვრები საქართველოსთან“. ეს მხოლოდ ნაწილობრივი წარმატებაა. მოსკოვის უფლებები პრაქტიკულად არ ვრცელდება ჩვენზე, რუსეთის ერთ-ერთ ავტონომიურ რესპუბლიკაზე. ჩვენმა დამოუკიდებლობა გამოაცხადა. ეს არის ძალიან შეიარაღებული პატარა რესპუბლიკა საქართველოს აღმოსავლეთ საზღვარზე და თანაუგრძნობს აფხაზ სეპარატისტებს. საქართველოს სახელმწიფოს ხელმძღვანელი ე. შევარდნაძე დიალოგითა და მოლაპარაკებების გზით ცდილობს განმუხტოს მეტად რთული მდგომარეობა აფხაზეთის რეგიონში. ყველაფერს მომავალი გვიჩვენებს.

„კაშინგატონ კოსტი“

შეიარაღებული ძალები გაგზავნილია სამართველოს ტერიტორიაზე

საქართველოს ხელმძღვანელმა ე. შევარდნაძემ გაგზავნა ეროვნული გვარდია აფხაზეთის რეგიონში. მას შემდეგ, რაც იგი დაბრუნდა ყოფილი საბჭოთა კავშირის რესპუბლიკაში, აფხაზეთში მიმდინარე ბრძოლები ყველაზე რთული გადასაჭრელი პრობლემაა. სოხუმიდან კორესპონდენტები იტყობინებიან მსხვერპლის შესახებ დაჭრილთა და დაღუპულთა სახით. ბრძოლები მიმდინარეობს

სოხუმის ქუჩებში. ეროვნული გვარდიის მიზანია განთავისუფლოს ქალაქი აფხაზი ექსტრემისტებისაგან და აღადგინოს მმართველობა. აფხაზეთი საქართველოს ზღვისპირა რეგიონია 550 000 მაცხოვრებლით. ღამით გამართულ პრესკონფერენციაზე შევარდნაძემ მხარი დაუჭირა 5 000 კაციანი გვარდიის შექმნას რეგიონში და უარყო გვარდიის დამპყრობლის სტატუსის ბრალდება, შევარდნაძემ განაცხადა: „რეგიონში უმძიმესი მდგომარეობაა. აფხაზეთი და სოხუმი საქართველოა. ამგვარად, თქვენ არ შეგიძლიათ უწოდოთ გვარდიას დამპყრობლები“. „საქართველოს ეროვნული გვარდია სოხუმში დიდძალი ტექნიკით შევიდა. მათ ცეცხლი გაუხსნეს აფხაზ ექსტრემისტთა და კავკასიის მთიელ ხალხთა კონფედერაციის მოხალისეთაგან შემდგარმა რაზმებმა. ყოფილი საბჭოთა კავშირის საგარეო საქმეთა მინისტრი დასავლეთში საგებლობს ცივი ომის დამთავრების დამხმარებლის რეპუტაციით, მაგრამ შევარდნაძეს უძნელდება დაამყაროს მშვიდობა მშობლიურ საქართველოში. საქართველომ გაგზავნა ჯარი ამბოხების ჩასახშობად. ყოფილმა საბჭოთა კავშირის რესპუბლიკამ გაგზავნა ტანკები და შეეუღლმფრენები აფხაზეთის რეგიონში ექსტრემისტების წინააღმდეგ. აფხაზეთი არის შავი ზღვისპირა რეგიონი საქართველოში 550 000-იანი მოსახლეობით, რომელთა შორის ნახევარზე მეტი ქართველია. ინტერფაქსის ცნობით, აფხაზ სეპარატისტთა ლიდერი ვ. არძინბა ამჟამად გუდაუთაში იმყოფება და იქიდან ხელმძღვანელობს დაგეგმილ სამხედრო ოპერაციებს. აფხაზეთში მიმდინარე ბრძოლის პოტენციაში იკვეთება მისი გავრცელების შესაძლებლობა ჩრდილო კავკასიის რეგიონებში. პატარა ჩეჩნეთის რესპუბლიკამ დახმარება აღუთქვა აფხაზებს იმ შემთხვევაში, თუ ქართველები არ დატოვებდნენ რეგიონს. აფხაზ ნაციონალისტთა ერთ-ერთმა ლიდერმა ა. კაბაძემ განაცხადა: „აფხაზეთში რუსეთმა დაგვიხურა საპაერო გზა, რთა არ დაუშვას ჩეჩნეთისა და ჩრდილო კავკასიის სხვა ხალხების დახმარება“. საქართველოს მოსახლეობა შეადგენს 5,5 მილიონს და მათ შორის არიან აფხაზები, ოსები და სომხები.

პარტიზანული ომის მუხარა დასავლეთ საქართველოში

საქართველოს გვარდიას ძლიერ წინააღმდეგობას უწევს აფხაზ სეპარატისტთა რაზმები. აფხაზეთის რეგიონში გამოცხადებულია პარტიზანული ომი. მოსკოვის ტელევიზიის ცნობით, სოხუმში გაჩნდა პარტიზანული ომის წარმოების ნიშნები. მიუხედავად მედგარი წინააღმდეგობისა, საქართველოს გვარდია შევიდა სოხუმში და შექმნა დროებითი სამხედრო მთავრობა. აფხაზეთის რეგიონში 500 000-იანი მოსახლეობიდან ეთნიკურ აფხაზთა რიცხვი 90 000-ს არ აღემატებოდა. მოსახლეობის უმეტეს ნაწილს შეადგენენ ქართველები. აფხაზეთის რეგიონში სახლობენ აგრეთვე სომხები, რუსები და სხვადასხვა ეროვნების წარმომადგენლები. კავკასიის მთიელ ხალხთა კონფედერაციამ დახმარება აღუთქვა აფხაზ სეპარატისტებს. ჩეჩნეთის რესპუბლიკაში, რომელიც რუსეთის შემადგენლობაშია, 4 000 შეიარაღებული მებრძოლი მზადაა დახმარებისათვის.

კურორტი მიატოვეს დამსვენებლებმა, რათა თავი დაედნათ საქართველოს გვარდიასა და მუშაობე აფხაზებს შორის მიმდინარე ომისაგან. მოწინააღმდეგე მხარეებმა თავიანთი ძალები გაიყვანეს ქალაქიდან, მაგრამ სროლები არ შეწყვეტილა. ტაისის ცნობით, აფხაზეთის რეგიონში ჩავიდა რუსეთის საპარაშუტო სადესანტო ქვედანაყოფი 1.700 რუსი დამსვენებლის საევაკუაციოდ: სამი დღის შეტაკებებმა სოხუმი ბრძოლის ველად გადაქცია. იკვეთება სამოქალაქო ომის რეალური სურათი. ერთ-ერთმა ქართველმა ბიზნესმენმა განაცხადა: „ეს იქნება მეორე ავღანეთი. ომი დიდხანს გაგრძელდება“. 35 წლის გურამმა თქვა: „მე აფხაზი ვარ, ჩემი მეუღლე კი ქართველია. არ ვიცი ვის მხარეზე დავდგე“. აფხაზეთი საქართველოს დასავლეთი რეგიონია, სადაც მოკვავთ ჩაი, ციტრუსები, თამბაქო, მაგრამ განსაკუთრებით განთქმულია კურორტებით. აფხაზები კავკასიის ხალხთა ეთნიკურ ჯგუფს მიეკუთვნებიან და რიცხობრივად ქართველებზე გაცილებით ნაკლებნი არიან თვით აფხაზეთის რეგიონშიც კი. საქართველოს ხელისუფლების წარმომადგენლებსა და აფხაზეთის წარმომადგენლებს შორის განახლდა მოლაპარაკება ცეცხლის შეწყვეტისა და ბუფერული ზონის შექმნისათვის. ამ დროს, რადესაც აფხაზეთის ლიდერები პოლიტიკური დიალოგის გზით ცდილობდნენ კონფლიქტის გადაჭრას, აფხაზ ნაციონალისტებს სხვა გეგმები ამოძრავებდათ. „ჩვენ დრო გვჭირდება და უნდა ვისარგებლოთ კადეც. დაველოდებით რუსი კავალებისა და ჩრდილო კავკასიელი ხალხის დახმარებას“, განაცხადა აფხაზ სეპარატისტთა ერთ-ერთმა ლიდერმა ა. ამბამ.

კავკასიელი მუსულმანები ჩამბნენ საქართველოში მიმდინარე ბრძოლებში

კავკასიის პატარ-პატარა რესპუბლიკების მუსულმანი ექსტრემისტები შეუერთდნენ აფხაზ ექსტრემისტებს ქრისტიან ქართველთა განსაღვინად აფხაზეთის რეგიონიდან. აფხაზეთი საქართველოს ერთ-ერთი შავი ზღვისპირა რეგიონია, სადაც უძრავლესობას ქართველები წარმოადგენენ, ქართველთა მხარე დაიმედებული იყო აფხაზ სეპარატისტთა კაპიტულაციისაში. იმედის საფუძველს წარმოადგენდა რუსეთის მტკიცე პოზიცია არ შეესრულებინა აფხაზ სეპარატისტთა თხოვნა დახმარების შესახებ... საქართველოს ხელმძღვანელობას გადამჭრელი ზომები უნდა მიეღო რეგიონში წესრიგის დასამყარებლად და სამართალდამრღვევი მოქმედებების აღსაკვეთად.

პრეზიდენტ ბ. ელცინის განცხადებით, იგი მიიღებს ვადამდებარე ნაბიჯებს საქართველოს შავი ზღვის სანაპიროზე მშვიდობის დასამყარებლად. მისი კატეგორიული განცხადების ძირითად საფუძველს წარმოადგენს საქართველოს ხელმძღვანელის ე. შევარდნაძისაგან მიღებული ინფორმაცია, კერძოდ, ინფორმაცია იტყობინება რუსეთის უკანონო შეიარაღებული ფორმირების გაერთიანებაზე ჩრდილო კავკასიისა და მთიელ ხალხთა კონფედერაციის ექსტრემისტ დაჯგუფებებთან. მათ განაზორციელებს შეტევა კურორტ ვაგრაზე. მოხდა მძლავრა შეტაკება საქართველოს ეროვნულ გვარდიასა და ექსტრემისტთა დაჯგუფებებს შორის. არის მსხვერპლი. რუსეთის პრეზიდენტმა ბ. ელცინმა განაცხადა: „მე ყველაფერს ვიღონებ, რათა ცივილიზებული და დემოკრატიული გზით ბოლო მოეღოს აფხაზეთში შექმნილ უმძიმეს კონფლიქტს“.

პაატა გვარჯალაძე

პაატა ავთანდილის ძე გვარჯალაძე დაიბადა 1975 წლის 21 მარტს თბილისში. სწავლობდა 101-ე საშუალო სკოლაში.

1992 წლიდან სამხედრო კომენდატურაშია. მარტში პაატა თანამებრძოლებთან ერთად უკვე ზუგდიდშია. ზუგდიდიდან დაბრუნების შემდეგ შეუერთდა სამხედრო პოლიციას და 1992 წლის ოქტომბრიდან სამხედრო პოლიციის შემადგენლობაში იბრძოდა სოხუმში საქართველოს ტერიტორიული მთლიანობის დასაცავად.

1993 წლის აპრილში გაიწვიეს საქართველოს შეიარაღებულ ძალებში. ჩარიცხა საქართველოს რესპუბლიკის თავდაცვის სამინისტროს პირველი საარმიო კორპუსის „შაენაბადას“ ბატალიონში.

1993 წლის 2 ივნისს ბატალიონის ნაწილთან ერთად პაატა გვარჯალაძე გაგზავნილი იქნა ოჩამჩირის რაიონის სოფელ კინდლში. 2 ივლისს მოწინააღმდეგის დესანტის გადმოსხმის დროს სოფელ ტაშიშთან მოხდა სასტიკი შეტაკება, სადაც საქართველოს შეიარაღებულმა ძალებმა გამირული ბრძოლით გზა გადაუღობეს მტერს და გადაარჩინეს სოხუმი, საქართველოს ბედი.

2 ივლისს სოფელ ტაშიშთან ბრძოლაში სხვა ქართველ ვაჟაკებთან ერთად გამირულად დაიღუპა პაატა გვარჯალაძე, რომლის ხანმოკლე ბიოგრაფია გასრულდა ზეციურ საქართველოსთან შეერთებით.

პაატა გვარჯალაძე სიკვდილის შემდეგ დაჯილდოვდა მედლით „მხედრული ძამაცობისათვის“.



ზოდერძი გვრიტიშვილი

გოდერძი შაქროს ძე გვრიტიშვილი დაიბადა 1964 წელს თეთრიწყაროს რაიონის სოფელ შეხვეტილაში.

1971 წელს შევიდა დაბა მანგლისის № 1 საშუალო სკოლაში, დაამთავრა 8 კლასი. 1979 წელს ჩაირიცხა თბილისის ლესელიძის სახელობის საშუალო სამხედრო სკოლაში, რომელიც 1980 წელს დაამთავრა წარჩინებით. 1986 წელს დაამთავრა თბილისის უმაღლესი სამხედრო საარტილერიო სასწავლებელი. განაწილებული იყო სამსახურად უკრაინის ქალაქ კოველში და ლეიტენანტის წოდებით დაინიშნა ოცეულის მეთაურად.

1989 წელს მიენიჭა კაპიტნის წოდება და დაინიშნა დივიზიონის უფროსად.

1991 წელს მიენიჭა მაიორის წოდება და დაინიშნა საარტილერიო პოლკის შტაბის უფროსად.

1992 წელს საქართველოში მიმდინარე ეროვნულ მოძრაობასთან დაკავშირებით საკუთარი თხოვნით განთავისუფლდა საბჭოთა კავშირის შეიარაღებული ძალების რიგებიდან და ამავე წლის 3 ოქტომბრიდან დაინიშნა ახალგაზრდა მებრძოლი კადრების მომზადების სასწავლო ცენტრის უფროსად თბილისის ზღვაზე.

1992 წლის 8 ნოემბრიდან დაინიშნა სწრაფი რეაგირების კორპუსის № 1 ბრიგადის შტაბის უფროსად, პარალელურად ასრულებდა ოპერატიული განყოფილების უფროსის მოვალეობას ვიცე-პოლკოვნიკის წოდებით.

1993 წლის 13 იანვარს დილის 6 საათზე აფხაზეთში სოფელ აგუძერაში ალყაში მოქცეული ბატალიონის დასახმარებლად ესკადრილიის მეთაურთან ბაქარ მაგამელოვთან ერთად იგი აფრინდა შვეულმფრენით ცაში, რომელმაც 2 საბრძოლო შეტევის განხორციელების შემდეგ ტყვია-წამლის უკმარისობის გამო

გეზი აიღო ჩვენი პოზიციებისაკენ. შვეულმფრენი მტრის სითბურმა რაკეტამ ააფეთქა. ვიცე-პოლკოვნიკი გოდერძი გვრიტიშვილი და მათიორი ბაქარ მაგამე-ლოვი დაიღუპნენ.

ვიცე-პოლკოვნიკი გოდერძი გვრიტიშვილი დაკრძალულია დაბა მანგლისის სიონის ტაძარში.

1994 წლის 15 თებერვალს მას მიენიჭა ვახტანგ გორგასლის I ხარისხის ორდენი.

ლამარა აბმსაქმ.

...თუკი ვიტყვოდე
სამშობლოს სათქმელს,
მეც ავენთები
მცირე ცვილადო.
მზე ჩემი წილი
ნაფრქვევი სარკმელს
ისიც სამშობლოს მიუწილადო!

ვიორპი ლეონიძე



გია გიგაური

დაიბადა 1968 წლის 21 იანვარს, გორის რაიონის სოფ. ბერბუკში. 1974 წელს შევიდა ამავე სოფლის სკოლაში, რომელიც დაამთავრა 1985 წელს. სკოლის დამთავრებისთანავე გახდა პოლიტექნიკური ინსტიტუტის ენერგეტიკის ფაკულტეტის სტუდენტი.


1986-88 წლებში მსახურობდა ჯარში.

1988 წელს სწავლა განაგრძო ტექნიკურ უნივერსიტეტში.

1992 წლის 10 ოქტომბერს მე-5 კურსის სტუდენტი გია გიგაური თავის სამ მეგობართან ერთად მოხალისედ წავიდა აფხაზეთში სამშობლოს დასაცავად.

26 ოქტომბრის დილა გიგაურის საბედისწერო აღმოჩნდა: დაიღუპა სოფ. ტამიშთან ვერაგი მტრის ხელით ნასროლი ტყვიით.

გია 26 ოქტომბერს უნდა დაბრუნებულიყო სახლში.



**ბაკურ
გიგლეშიანი**

დაიბადა 1964 წლის 4 მაისს მესტიის რაიონის სოფელ წვირშიში.

1968 წელს გადავიდა საცხოვრებლად ზუგდიდის რაიონის სოფელ რუხში. 1980 წ. ამავე სოფელში დაამთავრა საშუალო სკოლა, 1982-84 წლებში მოიხადა სამხედრო ვალდებულება. 1984 წელს ჯარმთავრომ ახალგაზრდამ შექმნა ოჯახი. 1992 წლის 3 სექტემბერს მოხალისედ ჩაეწერა ოჩამჩირის გვარდიის № 4 ბატალიონში, მონაწილეობას იღებდა ბრძოლებში – იფნარში, განთიადში, ზოხუმის მისადგომებთან და ტამიშის განთავისუფლებაში. ბაკურ ბიძინას ძე გიგლეშიანი თანამებრძოლებში ცნობილი იყო როგორც პატრიოტული გრძნობით აღსავსე, სამშობლოსათვის თავდადებული უშიშარი მეომარი.

1992 წლის 18 ნოემბერს სამხედრო დავალების შესრულების დროს იგი მოექცა მტრის ალყაში. რამდენიმესათიანი ბრძოლის შემდეგ შეგობრებთან ერთად გმირულად დაეცა ბრძოლის ველზე.

დედისერთა ბაკურ გიგლეშიანის მშობლების იმედად დარჩნენ მისი მეუღლე და სამი მცირეწლოვანი შვილი.



გრიგოლ გოგელაშვილი

გრიგოლ (გია) შალვას ძე გოგელაშვილი დაიბადა 1951 წლის 1 სექტემბერს.

გრიგოლ (გია) შალვას ძე გოგელაშვილი ცხოვრობდა და მუშაობდა მახარაძის ნავთობხაზაში, მახარაძიდან გაწვეული იყო 23 ოქტომბერს. იბრძოდა აფხაზეთში, სოფელ ფსხუში. ნაოპერაციებმა გოგელაშვილმა არ უღალატა მეგობრებს და ბრძოლის ველს მიაშურა. შვიდეული დახვრიტეს აფხაზმა სეპარატისტებმა.



ზურაბ გოგინაშვილი

დაიბადა თბილისში, 1963 წლის 25 ნოემბერს, ღარიბი კაცის ოჯახში, დედამისი შუშანა გოგინაშვილი კარდანახის უპატრონო ბავშვთა სახლში გაიზარდა. თან ის ქმარმა მიატოვა და ერთადერთი შვილი სიმწრით გაზარდა.

ზურა ნაძალადევი მე-12 საშუალო სკოლაში სწავლობდა, სკოლის დამთავრების შემდეგ მუშაობა დაიწყო არასაუწყებო სკოლაში. 1982 წელს სავალდებულო სამხედრო სამსახურში გაიწვიეს. 1984 წელს მუშაობას იწყებს მილიციაში. 1986 წელს ჩაირიცხა საქართველოს შინაგან საქმეთა სამინისტროს მილიციის უმაღლესი სკოლაში, რომელიც დაამთავრა 1990 წელს და იმავე წელს მუშაობა დაიწყო თბილისის იხნის რაიონის შინაგან საქმეთა განყოფილებაში უბნის ინსპექტორად, სწავლაში აკადემიური წარმატებებისათვის, სიმამაცისა და ოპერატიულობისთვის ბევრჯერ იყო წახალისებული.

მილიციის ლეიტენანტი ზურაბ გოგინაშვილი გმირულად დაიღუპა ცხინვალში 1991 წლის 11 იანვარს მამულიშვილური, სამსახურებრივი მოვალეობის შესრულების დროს. არადა, კიდევ რამდენ სიკეთეს დათესდა ეს შესანიშნავი ვაჟკაცი!...



**გურამ
გოგობიდი**

დაიბადა 1967 წ. 15 მაისს გორის რაიონის სოფელ ერედვში, სკოლა იქვე დაამთავრა. შემდეგ სამხედრო ვალდებულება მოიხადა გერმანიაში. დაბრუნების შემდეგ სწავლა დაიწყო ფიზკულტურის ინსტიტუტში, რომელიც წარჩინებით დაამთავრა.

1992 წ. გაზაფხულზე მეტად მძიმე მდგომარეობა შეიქმნა. მწარედ ვიხსენებ იმ საშინელ დღეებს. გურამი თბილისში იმყოფებოდა. 12 რიცხვში დაბრუნდა სოფელ ერედვში, გადმოვიდა თუ არა მანქანიდან, მოესმა დიდი სროლის ხმა, თავის ათეულს უბრძანა სასწრაფოდ წახულიყვნენ და დაეცვათ სოფელ ნიქოზის ტერიტორია. თვითონ კი აიღო თავისი იარაღი და გაეშურა სოფელ ფრისში, სადაც ასევე ცხელი წერტილი იყო. არ შემძლია არ აღენიშნო ის წუთები, სახლში რომ შემოვიდა. თავის შეილხაც ვერ მოეფერა, პატარა კახას. და ვერც თავის ოჯახის წევრებს. ისე სწრაფად გავიდა სახლიდან, რომ საჭმელიც არ ჭამა, ისე უყვარდა თავისი მიწა. თითქოს სიკვდილი ეძახდა, მივიდა თუ არა სოფელ ფრისთან, მეტად მძიმე მდგომარეობა დახვდა, შევარდა ომში და მტერს პირისპირ შევბრძოლა, ერთი დაჭრილის გამოყვანა მოახწრო, მეორედ შევიდა შიგნით, რადგან დაჭრილები იყვნენ, მაგრამ მოახწრო მტერმა და ორივე ფეხში დაჭრეს. არ უნდოდა მტერს ცოცხალი ჩაჰბარებოდა გურამი იხვეწებოდა მომკალითო, ამათ ხელში ცოცხალს ნუ ჩა-

მაგლებთო, ან იარაღი მომეცით და მე თვითონ მდვილად თა-
სო. იცოდა მტერი თუ ცოცხალს ჩაიგდება ხელში, წამებით ამოხ-
დიდნენ სულს. იქვე, თვითონაც დაჭრილი, მისივე თანასოფელმა დაჭრა-
შიძე მოვარდა და გურამის გამოყვანას ცდილობდა, დიდი გზა მარ-
ჯავილი, რომ ცოტა შეისვენეს, სამშვიდობოზე ვართ გამოსულიო. ვასია წა-
მოდგა, მიიხედ-მოიხედა, რომ გზა დაენახა, მაგრამ მტერი იქვე ყოფილა ჩასაფ-
რებული და სიცოცხლეს გამოასალმეს უცოლშვილო 28 წლის ვაჟკაცი ვასია
ლაბაშიძე. ნათელი მის ხსოვნას! არასოდეს დავივიწყებ მას, ისიც ჩემი ძმა იქ-
ნება. მტრები მაშინვე მივიდნენ იმ ადგილას და ნახეს, რომ გურამი დაჭრილი
აიყვანეს. ორივე ერთად დაყარეს სოფელ ფრისის ტრიალ მინდორზე, მტერმა
კიდევ ექვსი ვაჟკაცი დაჭრა, ჯერ სადისტურად აწამეს, შემდეგ ცოცხლები და-
ალაგეს და დაწვეს. იწვოდნენ ცოცხლად ვაჟკაცები! ასე დაამთავრეს სიცოცხლე
გმირმა ვაჟკაცებმა თავიანთი მიწა-წყლისათვის. არ შემიძლია არ აღვნიშნო,
რომ სამი დღე-ღამე ჭირისუფლები ცარიელ შარვალ-კოსტუმს დავტირო-
დით, რადგან მიცვალებულებს არ გვაძლევდნენ, ბოლოს, როგორც იქნა, მტერმა
გვამები დაგვიბრუნა. გურამი დამწვარი დაგვიბრუნეს, იმ დღეს, როცა გურამის
ლაბადების დღე ჰქონდა — 26 წელი შეუსრულდა, ერთი ღამე იყო საკუთარ
სახლში და მეორე დღისით კი მივაბარეთ მისი ეზოს მიწას. მას სახლში დარ-
ჩა დედ-მამა, ცოლი, ერთი წლის ბიჭუნა — კახა, ორი ძმა, რომლებიც შინაგან
მილიციაში მუშაობენ, ერთადერთი და, ცხრა აპრილს მოწამლული, ამჟამად მე-
ორე ჯგუფის ინვალიდი ნინო ონიანი.

ჩემო ქართველო ხალხო, ძმას ადვილს შევეუცვლი, მე ავიღებ იარაღს ხელ-
ში, მტერს წინ დავუდგები ვაჟკაცურად. ნურავის ეგონება, რომ რაკი ქალი
ვარ, ვაჟკაცზე ნაკლებად ვიომებ! ოღონდ საქართველო განთავისუფლდეს
პტრისგან, დამიძახეთ, თქვენს გვერდით ვარ თქვენი მონა-მორჩილი.

6060 060160.



გელა გოგიშვილი

ლამაზი, შინაარსიანი, მაგრამ ძალიან ზანძოკლე ცხოვრების გზე განულო გელა გოგიშვილმა. მან სულ 21 წელი იცოცხლა.

იყო კეთილშობილი, მოკრძალებული, უფროსებთან მორიდებული, ამხანაგური, მეგობრული, დედ-მამისა და ძმის მოყვარული.

ბავშვობიდან დაღუპვის დღემდე მას არ მოუსვენია. 1977 წ. შევიდა დიღმის საშუალო სკოლაში. პარალელურად დადიოდა ყოფილ პიონერთა სასახლეში – ქორეოგრაფიულ სტუდიაში, რომელიც დაამთავრა 1981 წლის 8 ივნისს. 3 წელი ცეკვადა ანსამბლ „ნაკადულში“. 1985 წელს 15 ივნისს მცხეთის რაიონში ჩატარდა საკავშირო სამხედრო-სპორტული შეჯიბრება. გელას ხელმძღვანელობით რაიონში პირველი ადგილი დაიკავა დიღმის საშუალო სკოლამ. 1988 წელს გელამ დაამთავრა დიღმის № 1 საშ. სკოლა. ამავე წელს გადაწყვიტა სწავლა გაეგრძელებინა საქართველოს აგრარულ უნივერსიტეტში, მაგრამ ქულების უკმარისობის გამო ვერ ჩაირიცხა.

ამის შემდეგ გელამ გულზე ხელი როდი დაიკრიფა და უსაქმურად როდი გაატარა დრო. ის 1988 წლის აგვისტოდან 1989 წლის დეკემბრამდე მუშაობდა სოფ. დიღმის მეურნეობაში ტრაქტორისტად, ამავე წლის 27 იანვარს მცხეთის რაიონის სამხედრო კომისარიატმა გელა მძღოლის სპეციალობის დასაუფლებლად გაგზავნა „დოსაფის“ სკოლაში, რომელიც დაამთავრა 1989 წლის 20 ივნისს. იმავე წელს ჩააბარა საქართველოს აგრარულ უნივერსიტეტში და ჩაირიცხა ჰიდრომელიორაციის ფაკულტეტის დასწრებულ განყოფილებაზე. გელა სწავლას შესანიშნავად უთავსებდა ფიზიკურ წვრთნას. ვუფლებოდა სპორტის სხვადასხვა სახეს – ცურვას, ჭიდაობას, კრივს, კარატეს.

როცა ჩვენს სამშობლოს გაუჭირდა, გელამ გადაწყვიტა საბუთები გადაეტანა დაუსწრებელზე. მესამე კურსის სტუდენტი ყოველგვარი ყოყმანის გარე-

შე ჩაირიცხა ეროვნულ გვარდიამო, „თეთრი არწივის“ მე-4 სპეცდანიშნულ ბატალიონში.

თავდაუზოგავად იბრძოდა სამაჩაბლოში. აქაც გამოიჩინოდა თავისი უმეტესი ნიჭით და საქმის ერთგულებით.

1992 წლის 13 ივნისს უმუხთლა გელას ბედმა, ერთ-ერთი ოპერაციის ჩატარების დროს მუხანათი მტრის ტყვიამ გაუემირა ის ვაჟაკური გული, რომელიც სამშობლოსადმი ერთგულებით უფეთქავდა.

დატოვა გელამ უნუგემო დედ-მამა, ერთადერთი ძმა და ორი წლის ძმისწვილი თორნიკე, ერთგული მეგობრები და მისი აღმზრდელი მასწავლებლები, რომლებსაც უსაზღვროდ უყვარდათ გელა.

ნათელში იყოს შენი სული, ფიზიკურად და სულით ღამაზო საქართველოს გმირო ჭაბუკო! უმრავლოს დმერთმა ჩვენს სამშობლოს გელასნაირები!

კვლავან გადავიხდით ქორწილებს...

„ლტოლვილი“ თუ „კალით გადაადგილებული“

დღეს მე „ლტოლვილს“ მიწოდებენ.

ლტოლვილი...

ზოგიერთმა „იძულებითი გადაადგილებული“ შემარქვა.

იძულებით გადაადგილებული...

თუმცა, რა ბედენა ვინ რას შემარქმევდა, ერთი რამ ფაქტია: სახლ-კარი ვერ გამიძარცვეს, მერე გადამიწვეს.

და ღავრნი ღია ცისქვეშ.

ვანა მხოლოდ მე? — მართლ ჩემზე რომ იყოს საუბარი, კრინტსაც არ დაეძრავდი. სხვებს რომ უღზინდეთ, ვის გვერდითაც მთელი ჩემი ცხოვრება გამიტარებია, მეც ბედნიერად ჩავთვლიდი თავს. მაგრამ, საუბედუროდ, ისინიც ჩემს დღეში არიან. მოძმეთა ნაწილზე მოგაზსენებთ, თორემ, რაც ბევრ მათგანს სჭირს, თქვენს მტერს, — ვანდალურად დაზოცეს, მხოლოდ იმიტომ, რომ ქართველები იყვნენ... მთელი ის არაადამიანური აქცია, რაც აფხაზმა სეპარატისტებმა და მათმა დაქირავებულმა ჩრდილოკავკასიელმა ბანდიტებმა განახორციელეს, სწორედ რომ ქართველთა რიცხვის შემცირებას ისახავდა მიზნად.

სეკპტიკურად ვუყურებ ამ მონაცემებს, ჩვენი საინფორმაციო საშუალებებში რომ ავრცელებენ. ზოგი ამბობს, 1500 კაცი დაიღუპაო, ზოგი — ორი ათასიო, მე მხოლოდ ის ვიცი, რომ ვაგრის ზონაში — კერძოდ, კოლხიდაში, თვით ქალაქ ვაგრამო, განთიადში, ხეივანსა და ლესელიძეში, — ქართველთა ნამდვილი ყლუტა მოეწყო. სადაც კი ხელი მიუწვდებოდათ, ქართველს მუსრი გაავლეს. გადაწვეს თითქმის ყველა ქართველის ეზო-კარი. თითქმის-მეთქი, რადგან თუ ქართველის მეზობლად აფხაზის, რუსის ან სომხის სახლი იდგა, არ წვავენენ, არიქა, ისინი არ დაზარალდნენო. თუმცა, არც ასეთ გარემოცვაში მყოფ ქარ-

თულ ოჯახებს ინდობდნენ — ჯერ გაძარცვავდნენ, მერე აფეთქებდნენ ან უბრა-
ლოდ ანგრევდნენ, თან ყოველივე ამას პატრონის თვალწინ სწავლიდნენ.
ესეც გამიზნულად კეთდებოდა — ქართველების ბუდე უნდა მოეშალა, უკან დაბრუნება ფიქრშიაც არ გაეკლოთ.
თუმცა ყოველივე ეს რა მოსატანია იმ დიდ ტკივილთან შედარებით, რა-
ც ადამიანთა ულუტა წარმოშობს ხოლმე...

თვალის ერთი გადავლევით

ერთმა ჩემმა ახლობელმა, ჩემსავით ბუდემოშლილმა, ამასწინათ მითხრა —
როდის იქნება ჩვენს უბანში ქორწილს ვიხდიდეთო.

ცხადია, მომხდართი დამეხილსა და ვატიალბულს ქორწილზე ფიქრის
თავი სადა მქონდა, მაგრამ ჩემი თანასოფელლის ნათქვამმა თითქოს კიდევ
უფრო თვალნათლივ დამანახა მთელი ის უბედურება, რაც კოლხიდელებს და
არა მარტო კოლხიდელებს დაგვატყდა თავს.

მოდი, გამომყევი, ჩემო მკითხველო, და თვალის ერთი გადავლებით შევახე-
დებ ჩემს კუთხეში, სადაც ერთ დროს სიცოცხლე ჩქეფდა, როგორც იტყვიან,
დუღდა და გადმოდიოდა.

დაწვეს ვლ. კუჭუხიძის, მ. ახალაძის, ა. ახალაძის, ო. დოღბაიას, გ. ძნე-
ლაძის, ჩემი, ჩემი ძმის გ. ხუნდაძის, მ. ახალაძის, პ. მახათაძის, შ. აბესალაშ-
ვილის, ტ. პაპავას და სხვათა და სხვათა სახლები.

იქვე, ტ. პაპავას ყოფილ ეზოში, დგას აფსუა კ. ხაგბას სახლი. იმ სახლს,
როცა მისი პატრონი გუდაუთაში იყო გაქცეული და ქართველთა წინააღმდეგ
ძარალით იბრძოდა, ქართველი მეზობლები დარაჯობდნენ. ახლოსაც არავინ
გააკარეს. თუმცა, აფსუებმა და მათმა დაქირავებულმა ბანდიტებმა ქართველთა
ოჯახები მაინც არ დაინდეს. მტერმა და დუშმანმა ასე იცის მადლის გადახდა.

ვიმეორებ, სახლების დაწვაზე ვინ იწუწუნებდა, ხალხი რომ არ გაეჟლი-
ტათ. არადა, მოკლეს სრულიად უდანაშაულო ადამიანები: 10 წლის გოგიტა
უშვერიძე, მისი ბიძა და ბიძაშვილი, 29 წლის ვია ფირცხალავა, 40 წლის რო-
მან მეფარიშვილი, ხანდაზმული ვალიკო აფშილავა, ჯვებე კუჭუხიძე. მკით-
ხველმაც შემინდოს და იმ დაღუპულთა სულელებაც, ვის ხსენებასაც მიზეზთა
სხვათა და სხვათა გამო აქ ვერ ვახერხებ. მე ამათზე მოგახსენებთ, ვინც ჩემს
ნეზობლად, სულ რაღაც ნახევარი კილომეტრის მანძილზე ცხოვრობდა. თორემ
მთელ კოლხიდაში და, მით უმეტეს, გაგრის ზონაში განხორციელებული გენო-
ციდის მსხვერპლთ რას ჩამოვთვლი.

სამწუხაროდ, იმ ქართველთა დევნა-შევიწროება, რომელთაც თავს გაქ-
ცევით უშველეს, კრასნოდარის მხარის ადღერის რაიონშიც გრძელდება: და-
ჯასტურებულია, რომ ამ რეგიონში დაძრწიან აფხაზ-ჩეჩენთა და სომეხთა ჯგუ-
ფები, ქართველებს უწყობენ რეკეტს, ართმევენ, რაც კი შერჩენიათ, ზოგიერ-
თებს კი უკან აბრუნებენ, ცხადია, არა კეთილი განზრახვით.

იქნებ ხელისუფლებამ შესძლოს ღტოლივითა დაცვის ღონისძიებათა განხორციელება და ისედაც მიწასთან გასწორებულ ადამიანებს მუხობელი ქვეყნის მიწაზე მაინც არ ემუქრებოდეს საფრთხე!

ქვეყნის
განმარტობის
განმარტობის

ავსაზნი თუ „ავსუა“

აოცარია: როცა აფსუებს ვუბნებით, ჩრდილოეთ კავკასიიდან მე-1, საუკუნეში ხართო ჩამოსული ბარში, ქვას ააგდებენ ხოლმე და თავს შეუშვებენ — აბორიგენები ვართ. ჩვენი მამა-პაპა ამ მიწაზე უხსოვარი დროიდან ცხოვრობსო. მთიელ ხალხთა კონფედერაციაში კი, როგორც იტყვიან, თვალდაზუჭულნი შევიდნენ. ორიდან ერთია, აფსუები მართლა ოდითვანვე ზღვის სანაპიროზე მცხოვრები ბარის ხალხია და არაფერი საერთო მთის ხალხთა კონფედერაციასთან არ შეიძლება ჰქონდეთ, ან არადა, ერთ-ერთი ჩრდილოკავკასიური ტომია და ხსენებულ კონფედერაციაში მათი ყოფნა უპრიანია.

ამასთან დაკავშირებით მახსენდება გავრელი ამირან ბაბუაძის ნაამბობი.

ამირანი მომღერალთა აფსუურ გუნდში დოღს უკრავდა. ამ ათი-თორმეტი წლის წინ ანსამბლი ჩრდილოეთ კავკასიაში მიიწვიეს, დააბინავეს ქ. ჩერეკის ერთ-ერთ სასტუმროში, საიდანაც აულეებში დაჰყავდათ კონცერტების გასამართავად. ამირანმა მითხრა, ერთი საღამო კონცერტი ქალაქის მახლობლად მდებარე სოფელ აფსუაშიც გაემართეთ (ეფიქრობ, ამ სოფლის სახელწოდებაც მჭკვერმეტყველურად მიუთითებს აფსუათა წარმომავლობის ადვილზე).

კონცერტების განზრახული სერია რომ ჩაუტარებიათ, მასპინძლებს გამოსათხოვარი სუფრა გაუშლიათ. ამ კულტურული ღონისძიების გავრელ ხელმძღვანელებს, ცნობილ სეპარატისტ ლაკერბაიას მასპინძლებისთვის უთქვამს: — ჩამობრძანდით გავრაში, გულთბილად მიგიღებთ, მიწებსაც გამოვიყოფთ და კიდევაც დაგასახლებთო.

ამაზე ერთ ზანდაზმულ აფსუას უპასუხნია: ჩვენ კი არ უნდა ჩამოვიდეთ თქვენთან, თქვენ უნდა ამოხვიდეთ, რადგან თქვენა ხართ აქედან წასულებიო.

ეს იმისთვის გავიხსენე, რომ კიდევ ერთხელ გავუსვი ხაზი: ყოველივე, რასაც ახლა ახორციელებენ არძინბა და მისი ბანდა, ათწლეულების წინ იყო ჩაფიქრებული (აკი არაერთი ფაქტი გამოვლინდა, როცა ჩერჩეთის ბევრი მოქალაქე გავრელ ქართველთა სახლებში ისე აღმოჩნდა ჩაწერილი, რომ სახლის წფლობელებმა არაფერი იცოდნენ) და ერთხელაც დასტურდება, თუ სად არის აფსუათა სამშობლო.

თუმცა არ შეიძლება იმის უარყოფა, რომ მათ შორის ბევრია ჭეშმარიტი აფხაზი, ესენი არიან შერვაშიძეები, ანჩაბაძეები, ინალაშვილები და სხვები, რომლებიც დროთა განმავლობაში იქცნენ ჩაჩებად, აჩბებად, ინალ-იფუბად და სხვ.

აფხაზეთში ამგვარი რამ (ე. ი. გვარების, მამასადამე ეროვნების, გამოცვლის შემთხვევები) იშვიათობას როდი წარმოადგენს. ამის თვალნათელი მაგალითია შემდეგიც: გავრაში ცხოვრობს თურქული წარმოშობის გვარის — ბე-

ფიოლის მრავალრიცხოვანი ოჯახი. სულ რამდენიმე წლის წინ ცნობილი სეპარატისტისა და ქართველ აფხაზთა შორის შუღლის ჩამოყდების ერთ-ერთი ინიციატორის, დედით ქართველი ენვერ ქაფბას (ისიც თურქია წარმოშობის) — ქაფოლის) ძალისხმევით ამ გვარის წარმომადგენელთა ნაწილი ჩუქურფად ჩაეწერა. მაშასადამე, ავერ გუშინ, ჩვენს თვალწინ კიდევ ერთი თურქი გააფხაზდა!

სწორედ ესენი და მათნი მსგავსნი ეწევიან ახლა გაგრაში ქართველთა გელოციდს.

დღეს ბევრს ლაპარაკობენ აფხაზეთის პოლიტიკური სტატუსის შესახებ. მე თუ მკითხავთ, აფხაზეთში ავტონომიის შენარჩუნების არავითარი საფუძველი არ არსებობს. თუ ჩვენმა ახლადარჩეულმა პარლამენტმა არ სძლია გარეშე ძალის (ცხადია, რუსეთს ვგულისხმობ!) წინაშე მოკრძალების (იქნებ სჯობდეს — შიშის) გრძნობას და არ აღადგინა ისტორიული სიძარტლე — აფხაზეთი საქართველოს ისეთივე განუყოფელი ნაწილია, როგორც ნებისმიერი სხვა კუთხე — და უსაფუძვლო ავტონომია კუთხეში ახლავს არ გააუქმა. დარწმუნებული უნდა ვიყოთ, რომ ჩვენი მომავალი თაობის უამრავი წარმომადგენელი კვლავაც შეეწირება სეპარატისტთა წინააღმდეგ გაუთავებელ ბრძოლებს.

და კინც

ბოლო დროს ზშირად გაისმის მოწოდება — გაგრელებო, დაბრუნდით აფხაზეთში და გაგრის განთავისუფლებაში აქტიური მონაწილეობა მიიღეთო.

ორი აზრი არ არსებობს — ეს ასეც უნდა მოხდეს. მაგრამ მეღალს მეორე მხარეც აქვს: თქვენ დალოცვილებო, ყველანი იქ ვიყავით, კოლხიდაც ჩვენი იყო, გაგრაც, ხეივანიც, ლესელიძეც, იქ გვყავდა ცოლ-შვილი, და-ძმები, ნათესავ-მეგობრები, გეჰონდა ოჯახები, უძრავ-მოძრავი ქონება, ყოველივე ეს კი, მოგეხსენებათ, აღამიანს გასაოცარ სტიმულს აძლევს, აასკეცებს მის შესაძლებლობებს, მაშინ მოწოდებაც არავის სჭირდებოდა, ყველანი მზად ვიყავით თავგანწირულად შეებრძოლებოდით მტერს, მაგრამ არავინ გამოჩნდა ისეთი, რომ ეს ძალა გამოეყენებინა, გაერთიანებინა მტრის წინააღმდეგ.

ჩვენ კი გაგრა უნდა დავიბრუნოთ.

უეჭველად დავიბრუნებთ, თუ ერთ მუშტად შევიკვრებით.

დავიბრუნებთ, კვლავ გავაჩაღებთ კერებს.

და ქორწილებსაც გადავიხდით. ჩვენებურ, უხვ პურ-ღვინიან და ხალხმრავალ ქორწილებს.

ნოდარ ხუნდაძე

გაზ. „ლიტერატურული საქართველო“, 5 ნოემბერი, 1992 წ.




**ამირან (ამუკა)
გოგობიანი**

ამირან (ამუკა) ანატოლის ძე გოგობია დაიბადა 1976 წელს სოფელ ლესე-ლიძეში. სკოლის შემდეგ სწავლა განაგრძო როსტოვის ავტო-საგზაო ტექნიკუმში. ის იყო პირველი კურსი უნდა დაეხურა, რომ გაგრა-ლესელიძეში ომის ღრუბლები ჩამოწვა. სამშობლოსა და მშობლიურ სოფელზე უსაზღვროდ შეყვარებულმა, ჯერ კიდევ არასრულწლოვანმა ამუკამ, ეროვნული გვარდიის რიგებში რომ მიეღოთ, პასპორტში დაბადების წელი 1976 1974 წლად გადააკეთა (საკუთარი ხელით) და ავტომატით ხელში პირველი დღიდანვე საქართველოს ტერიტორიული მთლიანობის დამცველთა რიგებში ჩადგა. „ავაზას“ 114-ე ბატალიონის ბიჭვებში ასაკით ყველაზე პატარა ამუკა უშიშრად ასრულებდა ყველა საბრძოლო დავალებას. მაშინაც, როცა მტერი მისი მშობლიური სოფლის საზღვრებს მოადგა და ბევრმა მისმა თანამებრძოლმა გაქცევით უშველა თავს, ამუკას წარბიც არ შეუხრია, ისე გაიხიზნა ტყეში პარტიზნად.

1992 წლის 6 ოქტომბერს კი, როდესაც საქართველოს საზღვარს გადამთიელები დაეპატრონენ, რამდენიმე თანამებრძოლთან ერთად ძლივს გამოაღწია ტყიდან. მშობლიური ქალაქისა და სოფლის დაკარგვის შემდეგ სულ დაკარგა მოსვენება და ამჯერად ოჩამჩირეში გადაინაცვლა. აქაც ბევრჯერ ისახელა თავა ბატალიონის პატარა ამუკამ, რისთვისაც ზემდევის წოდება მიიღო.

მრავალი საბრძოლო ოპერაციიდან ბატალიონთან ერთად გამარჯვებული გამოვიდა, მერამ უბოროტესმა ტყვიამ დედისერთა ამირან (ამუკა) გოგობია 1993 წლის 23 თებერვალს სოფელ ტამიშთან გაიოხაღმა წუთისოფელს.



**მურთაზ
გომბაძე**

მურთაზ გურამის ძე გოგსაძე, დაბადებული 1966 წლის 29 ნოემბერს ბაღდადის რაიონში, განათლება – ტექნიკური, ცოლშვილიანი.

1983 წელს დაამთავრა მაიაკოვსკის სახელობის ბაღდადის საშუალო სკოლა, 1985 წელს გაიწვიეს საკვლევებელი სამხედრო სამსახურში, შემდეგ სწავლა გააგრძელა ქუთაისის კოლხერატიულ ტექნიკუმში, რომლის დამთავრების შემდეგაც მუშაობდა ქ. ბაღდადში ავეჯის მაღაზიის გამგედ.

1993 წლის 25 იანვარს მოხალისედ შევიდა 114-ე ბატალიონ „ავაზაში“. 25 თებერვალს ერთ-ერთი სამხედრო ოპერაციის დროს სოფელ ტამიშთან ვაჟკაცურად დაეცა ბრძოლის ველზე.

დასაფლავებულია ბაღდადში გოგსაძეების საგვარეულო სასაფლაოზე.



ომში უმცოფელს ვაჟკაცსა
ომი უბრალო ჰკონია,
ხმლის ქნევა, ფარის ფარება
ფარიკაობა გონია.

ხალხური



**გელა
გოგოლაძე**

დაიბადა 1965 წლის 17 აგვისტოს ზაშურის რაიონის დაბა სურამში. 1982 წელს დაამთავრა სოფ. იტრიის საშუალო სკოლა. 1983 წ. ჩაირიცხა საქართველოს ფიზიკური კულტურის ინსტიტუტში. ინსტიტუტიდან გაწვეული იქნა სამხედრო სავალდებულო სამსახურში. მსახურობდა ბელორუსიაში, სადაც გაიარა ექვსთვიანი სამედიცინო კურსები. სამხედრო სამსახურიდან დაბრუნების შემდეგ სწავლა განაგრძო აღნიშნულ ინსტიტუტში და 1990 წელს დაამთავრა აღნიშნული ინსტიტუტის სრული კურსი. სპეციალობით – ფიზიკური კულტურა და სპორტი, დაუსწრებელი განყოფილება.

სხვადასხვა დროს მუშაობდა: სურამის დიმიტროვის სახელობის საბავშვო სახლში ფიზკულტურის მასწავლებლად, სურამის II საშ. სკოლაში ფიზკულტურის მასწავლებლად, სურამის ორთოპედიულ-ტრავმატოლოგიურ საავადმყოფოში – მასაჟისტად. იყო ოსტატობის კანდიდატი ძალისხნობაში.

როცა სამშობლო განსაცდელში ჩაკარდა, იგი უყოყმანოდ დადგა მის დამცველთა რიგებში. გვარდიის ზაშურის მე-20 ბატალიონის ოფიცერი, შტაბის უფროსი ყოველთვის იყო იქ, სადაც სამშობლოს უჭირდა.

საბოლოოდ გადამთიელის ტყვიამ 1993 წლის 3 იანვარს განგმირა ოჩამჩირის რაიონის სოფელ კუტოლში.



გოჩა გოგონიშვილი

გოჩა სამსონის ძე გოგონიშვილი დაიბადა 1967 წლის 27 აპრილს დედოფლისწყაროში. სკოლაში შევიდა 1974 წ. დაამთავრა მირზაანის რვაწლიანი სკოლა, შემდეგ – ჯაფარიძის სახელობის პროფტექნიკური სასწავლებელი. მოიხადა სავალდებულო სამხედრო სამსახური. 1985 წელს შევიდა რუსთავის 104-ე პროფესიულ ტექნიკუმში, დამთავრების მერე მუშაობდა ახლანდელი ქარხანაში. ჰყავდა დედა და და. იყო უცოლშვილო.

გოჩა მსახურობდა საქართველოს რესპუბლიკის ეროვნული გვარდიის რუსთავის ბატალიონში.

აფხაზეთის რეგიონში პირველი დღეებიდანვე მონაწილეობდა საბრძოლო ოპერაციებში.

ემერაზე ერთ-ერთი საბრძოლო ოპერაციის შესრულების დროს გმირულად დაიღუპა 1992 წლის ოქტომბერს.

სამშობლო არ დაივიწყებს თავის ღირსეულ შვილს – გოჩა გოგონიშვილს.



კობა
გოგუა

ზუგდიდის შოთა რუსთაველის სახელობის №3 საშუალო სკოლის მე-10 კლასის მოსწავლე იყო კობა გოგუა, როცა აფხაზეთში ომი დაიწყო. მისი უფროსი ძმა ბესო და ბიძა მერაბ გოგუა დაუყოვნებლივ ჩადგნენ სამშობლოს დამცველთა რიგებში. მოხალისედ ჩაეწერნენ ბატალიონ „ავაზაში“. პატარა კობა სახლიდან გამოიპარა და მათ შეუერთდა, მართალია, მას უფროსები სახლში დაბრუნებას ურჩევდნენ, მაგრამ ჩვენი გმირი ვაჟკაცობით ტოლს არავის უდებდა. იმ ავადსახსენებელ 2 ივლისს, დესანტის გადმოსხმის დღეს, გაუჩინარდა. 9 დღის შემდეგ გაიგეს ახლობლებმა, რომ აფხაზეთის ზონაში, სადაც ჩვენები ვერ აკონტროლებდნენ სიტუაციას, 21 ჩვენი დაღუპული მეომარი ერთად ჰყავდათ ორმოში ჩაყრილი. ერთმა აფხაზმა „ბოუეიკმა“ ერთი მილიონი მანეთი მოითხოვა და პირობა დადო, რომ ტრაქტორს მოიყვანდა და იპოვნიდა კობას გვამს. როცა იმ ადგილას მივიდნენ, სადაც ორმო იყო, დაიწყეს ამოთხრა. ამ საზარელი სურათის შემხედვარე ჭირისუფალს არაადამიანური ძალა მიეცა, აფხაზს თავში რკინა ჩაარტყა, ავტომატი ხელიდან გამოვლიჯა და ხელებით დაახრჩო სხვის ფულს და სხვის უბედურებას დახარბებული არაკაცი.

პატარა კობას ცხედარი ხელში აყვანილი ტყე-ტყე განიასვენეს და ქრისტიანული წესით ზუგდიდში საკვარეულო სასაფლაოზე დაასაფლავეს.

ნარპიზა ლომთაძე



**ვასტანგ
პორგაკი**

დაიბადა 1948 წელს, 7 იანვარს თბილისში. ლამთავრა თბილისის მეორე-
ბეტე საშუალო სკოლა. 1965 წლიდან ვარჯიშობდა ეგნატაშვილის სახელობის
სპორტსკოლაში სპორტულ ტანვარჯიშის სახეობაში. იყო სპორტის ოსტატო-
ბის კანდიდატი.

1967 წელს გაიწვიეს საყოველთაო სამხედრო სამსახურში. დემობილიზა-
ციის შემდეგ მუშაობდა სხვადასხვა სამუშაოზე.


იყო საქართველოს რესპუბლიკის შეიარაღებული ძალების განსაკუთრებუ-
ლი დანიშნულების ბატალიონის წევრი (ზემდეგი).

დაიღუპა 1992 წლის 2 ოქტომბერს ქალაქ გაგრაში.

* * *

დაე, თუნდ მოკვდე, არ მეშინიან,
მაგრამ კი ისე, რომ ჩემი კვალი
ნახონ მათ, ვინცა ჩემს უკან კლიან,
თქვან: აღასრულა მან თვისი ვალი.

0 ლ 0 5



**გულივერ
გორგოლა**

გულივერ გივის ძე გორგოლა დაიბადა 1957 წლის 10 დეკემბერს, ბაღდადის რაიონის სოფელ ზედა ზევანში. ამავე სოფლის საშუალო სკოლა დაამთავრა 1975 წელს. 1977 წლამდე მუშაობდა კოლმეურნეობაში. შემდეგ მოიხადა სავალდებულო სამხედრო სამსახური. იქიდან დაბრუნების შემდეგ, 1980 წელს მუშაობა დაიწყო ქ. თბილისის № 1 ტრამვაის პარკში მძღოლად. 1982 წლიდან 1992 წლის 24 სექტემბრამდე მუშაობდა ქუთაისის ავტოქარხანაში მეხანძრედ. აქედან გაიწვიეს კვალიფიკაციის ასამაღლებლად სამხედრო ზაზით – ამ კურსებზე 90 დღე დაჰყო. 1992 წლის 25 სექტემბერს ჩარიცხულ იქნა ქ. ქუთაისის მოხალისეთა მეოთხე ბატალიონში. 1 ოქტომბერს გადაიყვანეს გაგრის ზონის დაბა განთიადში. იყო ოცმეთაური. 1992 წლის 2 ოქტომბერს მოყვა გაგრის ტრაგედიაში. გმირულად დაიღუპა მტერთან უთანასწორო ბრძოლაში.

გულივერი ოჯახის შექმნაზე ოცნებობდა, მაგრამ ბედმა აქაც უმუხთლა. რაოდენ სამწუხაროა, რომ ამ შესანიშნავმა ვაჟკაცმა სამშობლოს წინაშე ეს ნოვალეობა ვერ მოიხადა!



**ბახვა
გოგოლაძე**

ბახვა კავერდის ძე გოგოლაძე, დაბადებული 1961 წლის 25 ივლისს ჭიათურის რაიონის სოფელ მანდაუთში, განათლება – უმაღლესი, ცოლშვილიანი.

1967-78 წლებში სწავლობდა სოფელ მანდაუთის საშუალო სკოლაში.

1980-82 წ. გაწვეული იყო სავალდებულო სამხედრო სამსახურში.

სამხედრო სამსახურის მოხდის შემდეგ მუშაობა დაიწყო თბილისში საქართველოს სამშენებლო სამმართველოში სპ-ში, „მალაშენში“ და პარალელურად სწავლა გააგრძელა პოლიტექნიკურ ინსტიტუტში სამშენებლო ფაკულტეტზე.

1989 წლიდან შევიდა საქართველოს ეროვნული დამოუკიდებლობის პარტიის რიგებში, შემდეგ ჩაირიცხა ეროვნული გვარდიის „ავაზას“ ბატალიონში, მონაწილეობდა საქართველოს დამოუკიდებლობისათვის, ტერიტორიული მთლიანობისათვის ბრძოლაში სამაჩაბლოსა და აფხაზეთში.

1992 წლის 26 დეკემბერს დაიღუპა აფხაზეთში, სოფელ ლაბრაში, ერთ-ერთი შეტაკების დროს სასიკვდილოდ დაჭრილი ბიჭებს შეძახილებით ამხნევებდა და, როგორც ჭეშმარიტი ვაჟკაცი, იარაღით ხელში დაიღუპა.

დაკრძალულია საბურთალოს საზოგადო მოღვაწეთა პანთეონის „ძმთა საფლავზე“.

დარჩა მეუღლე – ნანა გეწაძე და ორი შვილი, ფიქრია – 3 წლის და ქრისტინა – 2 წლის.

ბახვა გოგოლაძე სიკვდილის შემდეგ დაჯილდოებულია ვახტანგ გორგასლის I ხარისხის ორდენით.



ბესიკ გონირიძე

სულ ცირამეტი წელი იცოცხლა ბესიკ გონირიძემ, მაგრამ მისმა ვაჟაკობამ, სამშობლოსადმი თავდადება უკვდავებას აზიარა.

ბესიკი თბილისში დაიბადა. აქ დაამთავრა 48-ე საშუალო სკოლა. 1991 წლის 7 აგვისტოს საკვლევებლო სამსახურში გაიწვიეს, გვარდიაში ჩარიცხეს. მათი ნაწილი დმანისის რაიონის სოფელ მთისძირში გადაიღა საბრძოლო წვრთნას.

დელამისი — ქალბატონი ნარგიზა გულისტკივილით იგონებს: — როგორ უფურთხილდებოდით! მე და მამამისი ყოველ კვირას იქ, მთისძირში დავლიოდით სანახავად. გვემინოდა, რომ წამოსულიყო, გზაში რაიმე ხიფათს არ გადაყროდა. იგი ხომ ძალიან მიაძიტი იყო, ამხანაგების მოყვარული და მათთვის თავდადებული.

ექვსი თვე დაჰყვეს ამ ნაწილში ბესიკმა და მისმა მეგობრებმა. შემდეგ თბილისში გადმოიყვანეს, გვარდიაში. ერთხანს ფოთში გაემართნენ, იქ ხიდს იტავდნენ, ორ თვეს სენაკში დაჰყვეს, იქიდან სამაჩაბლოში წაიყვანეს, სადაც მათ რუსი ნაიცონალისტების მიერ წაქეზებული ოსი სეპარატისტების წინააღმდეგ უნდა ებრძოლათ, საკუთარი მიწა-წყალი დაეცვათ.

ბესიკი თანამებრძოლებში დიდი სიყვარულით სარგებლობდა. — ბესოსგან საწყენ ადამიანს ვერ ნახავთო, — გვიამბობდნენ მისი მეგობრები გიორგი მუშკულიანი და ვასო ნატროშვილი, — გულიანი ბიჭი იყო, ზრდილი, თავაზიანი, მხიარული, სულ მუდამ მომდიმარი. თვით დიდი საფრთხის დროსაც ცდილობდა მეგობრები გაემხნევებინა და ოხუნჯობდა, გარშემო კეთილ განწყობაჰქმნიდა.

ახლა როგორი სიყვარული იცოდა, როგორ კიჟდებოდა თავის დასა და პატარა ძმაზე!

— ბესომ დიდად განიცადა თავისი ამანაგის გურამ ნიუარამის დაღუპვა. გვიამბობს ბესიკის მამა ბატონი გურამი, — ბატალიონის ბიჭებთან ერთად მიცვალებული რომ ჩამოასვენეს, ბესიკი თითქოს ნაადრევად დავაუკაცებულყო. წერი ჰქონდა მოშვებული და ამბობდა: გურამის სიკვდილს არავის შეეძლო მტერს შევაკვდები და მის სისხლს ავიღებო.

აკი მედგრადაც იბრძოდა ვანათის მისადგომებთან. 1992 წლის 24 ივნისი იყო. ბესიკი თავის ამხანაგებთან ერთად, საბრძოლო დაეალების შესრულების შემდეგ, ისვენებდა. დაჭრილი თანამებრძოლის სანახავად წავიდა. ოთახში როგორც შევიდა, უკნიდან ნაწილში შეპარული ჯაშუში მიუახლოვდა და ახლო მანძილიდან ზურგში ესროლა. ბესიკი უცებ შემოტრიალდა, ღონიერი ბიჭი იყო, კუნთმაგარი, მაჯაში სტაცა ზელი მომზღურს და იარაღი წაართვა, და იქვე ჩაიკეცა. სროლის ხმაზე ამხანაგები შემოვარდნენ, ჯაშუში შეიპყრეს, ბიჭებმა უგონო მდგობარეობაში მყოფი ბესიკი სასწრაფოდ გორის საავადმყოფოში წაიყვანეს, მაგრამ არაფერი ეშველა, ფილტვები და ღვიძლი მთლად გაგლეჯილი ჰქონდა. მხოლოდ ნახევარი საათი იცოცხლა, მისი უკანასკნელი სიტყვები იყო: ბიჭებო, იმ უბედურს ნუ მოკლავთ, გაუშვით, დაე, იცოცხლოსო.

ასე შეიწირა მტრის ტყვიამ ცხრამეტი წლის ყმაწვილის სიცოცხლე. გამწარებულ დედ-მამას ახლა ნუგეშად ისლა დარჩენიათ, რომ მისი სახელი დაწვევებს არ მიეცემა. ნაძალადევის რაიონის განათლების განყოფილებამ გადაწყვიტა ბესიკ გურამის ძე გოცირიძის მემორიალის მოწყობა.


სამშობლოსათვის დაღუპულთა ხსოვნა მარად იცოცხლებს ჩვენს გულებში.

ლარისა ხუბულური

ოლეგ გრიგორიანი

ოლეგ სერგოს ძე გრიგორიანი დაიბადა 1971 წლის 29 აგვისტოს თბილისში.

გვარდიაში მოხალისედ შევიდა 1992 წლის ნოემბერში. საქართველოს თავდაცვის სამინისტროს პირველი საარმიო კორპუსის პირველი ბრიგადის — ვიორჯი ყარყარაშვილის სახელობის ასეულის მებრძოლი ოლეგ სერგოს ძე გრიგორიანი 1993 წლის 30 მაისს სამშობლოს ტერიტორიული მთლიანობისათვის ბრძოლაში დაიღუპა ლაბრაში.



**თენგიზ
გუგუნაშვილი**

თენგიზ (პაპა) ალექსის ძე გუგუნაშვილი დაიბადა 1949 წლის 26 დეკემბერს გარდაბნის რაიონის სოფელ საცხენისში, გლეხის ოჯახში.

1956 წელს შევიდა საცხენისის რვაწლიან სკოლაში, რომელიც დაამთავრა 1964/65 სასწავლო წელს. სწავლა განაგრძო თბილისის სავაჭრო-ეკონომიკური ტექნიკუმის სამრეწველო განყოფილებაზე, რომელიც დაამთავრა 1970 წელს. 1980 წელს გაიწვიეს სავალდებულო სამხედრო სამსახურში, რომელიც მოიხადა ქალაქ ჩოგოევში. 1972 წელს იქორწინა სოფელ ჩორიოში ნაზი მიხეილის ასულ მიძიკაშვილზე. ჰყავს სამი შვილი: იმედა – დაბადებული 1974 წელს, თამილა – დაბადებული 1975 წელს, თეა – დაბადებული 1978 წელს.

თენგიზ გუგუნაშვილი იყო დინჯი, დაფიქრებული ახალგაზრდა. გვარდიაში წასვლამდეც – ცხინვალის ამბების დაწყების დღიდან ერთი დღეც არ გაჩერებულა სახლში, შევიდა საზოგადოება „სვანეთში“ (პრეზიდენტი ლია ცინდელიანი), გამოიხურა სახლის კარი და მთელი რვა თვის განმავლობაში იბრძოდა – ცხინვალის სხვადასხვა სოფლებში. მონაწილეობდა ლტოლვილების ჩამოყვანა-დაბინავებაში.

1971 წელს მუშაობდა დაიწყო ახალსოფლის სასოფლო საბჭოში ბუღალტრად, დანარჩენი წლები მუშაობდა სხვადასხვა თანამდებობებზე. სიკვდილის ბოლო ორ წელს მუშაობდა მცირე საწარმოო „ამბარის“ დირექტორად. იყო ახალსოფლის საკრებულოს დეპუტატი, სახალხო ფრონტისა და საზოგადოება „სამოს“ წევრი. მიუხედავად იმისა, რომ სამი ორგანიზაციის წევრი იყო, მაინც ყველაფერს ასწრებდა, ყველასთან ნათელი გამოდიოდა.

1990 წელს მისმა შვილმა იმედამ სკოლა წარმატებით დაამთავრა და აბარებდა მილიციის უმაღლეს სკოლაში. შინაგან საქმეთა მინისტრმა საბუთები უკან დააბრუნა: ჯარმოვლილი უნდა იყოსო. იმედა მამამისმა მოხალისედ გააგ-

ზენა გვარდიაში და ის მსახურობდა თიანეთის ასეულში. გვარდიის შავნახა
დაზე ყოფნის დროს მამამისმა ჩაიცვა გვარდიის ფორმა და თავის 16 წლის შვილს
გვარდზე ამოუდგა. მსახურობდა თიანეთის ნაწილში ასმეთაურის მოაზრებით
პირველად გვარდიაში ჯარისკაცის მამა შეარქვეს, შემდეგ პაპა, შემდეგ
წვეს ატარებდა. შავნახადაზე დაღო ფიცი, რომ სისხლის უკანასკნელ წვეთამ-
დე იბრძოლებდა საქართველოსთვის, არახოდეს არ უღალატებდა მას, და, მარ-
თლაც, ის ზიტყვის კაცი იყო, კაცურად გაატარა თავისი ცხოვრება.

1991 წლის შიმშილ დღეები იდგა.

13 მაისს ცხინვალში წავიდნენ, იქ იბრძოდნენ 40 დღის განმავლობაში.
21 ივლისს წავიდნენ აფხაზეთში, იბრძოდნენ ბიჭვინთაში, ის ზოგიერთი
არახოდეს არ ყოფილა გვარდიის სახელს ამოფარებული ავტომატიანი ბანდიტი
და აკი ეს დაამტკიცა კიდევ. 31 აგვისტოს იყო ერთი მხრიდან, რუსის ჯარის,
მეორე მხრიდან ოსების, ერთი მხრიდან ჩეჩნების, მეორე მხრიდან აფხაზების მა-
გარი შემოტევა და ამ ოთხმხრივ ცეცხლში მოექცა მისი მეზობელი ნაწი-
ლი. ვინც იქ მოხვდა, ყველა დაიხოცა, უშიშარი „პაპაც“ შეეწირა ამ ბრძოლას.

6 სექტემბერს მშობლიურ ძირძველ მამა-პაპისეულ მიწას მიაბარეს თენ-
გიზ ალექსის ძე გუგუნაშვილის გვამი.

სიკვდილის ორი თვით ადრე დააწინაურეს, ქაქუცა ჩოლოყაშვილის პოლ-
კში გადმოიყვანეს მისი ნაწილი და შეთაურად დანიშნეს – სიკვდილის უკანასკ-
ნელ წუთამდე დარჩა საქართველოს ეროვნული გვარდიის ერთგულ კაცად.

თენგიზ გუგუნაშვილი სიკვდილის შემდეგ დაჯილდოვდა ვახტანგ გორგას-
ლის II ხარისხის ორდენით.



**გონა
 გულდამაშვილი**

გონა დავითის ძე გულდამაშვილი, დაბადებული 1970 წლის 24 ნოემბერს, იეთრიწყაროს რაიონის სოფელ მარაბდაში, ეროვნებით ქართველი, განათლება საშუალო, უცოლო.

1977 წელს შევიდა მარაბდის დაწყებით სკოლაში, შემდეგ სწავლა გააგრძელა კოდის საშუალო სკოლაში, რომელიც დაამთავრა 1987 წელს.

1989 წელს გაიწვიეს სამხედრო-სავალდებულო სამსახურში, კრასნოიარსკში, რის შემდეგაც მუშაობდა მარაბდის მეზოცკრეობის მეურნეობაში.

1993 წლის 25 იანვარს მოხალისედ შევიდა ბატალიონ „აფხაზში“ და თანამებრძოლებთან ერთად წავიდა აფხაზეთში საქართველოს ტერიტორიული მთლიანობის დასაცავად. 25 თებერვალს სოფელ ლაბრასთან გმირულად დაეცა. დაკრძალულია მარაბდის სასაფლაოზე.

* * *

სამშობლოს არვის წაყარიმეკო,
 ჩვენს ნურეინ შეგვეცალება,
 თორემ ისეთ დღეს დაეყრით,
 მკვლარსაც კი გაეცინება.



გიორგი გურგენიძე

„...როცა შეგხვდი ომის მიმწუნებში, გამორჩეული შუქი გმოსავდა მხედარს და რაინდს, სამშობლოს რაინდს და მე გიბოვე“,

სოხუმი, 3 სექტემბერი. 1992 წელი

– მე გიორგი მქვია, გუგასაც მეძახიან, – გაიღიმე და ხელი გამომიწოდე. მერე ჩაიმუხლე, ავტომატს დაეყრდენი, კომუნდატურის წინ საბრალოდ აღტულ ძაღლს მიეფერე, თავი ასწიე და მითხარი:

– მეც მყავს შინ ძაღლი, ომში რომ მივდივარ, მოიწყენს ხოლმე, ხანამ არ დაუბრუნდება, პირს არაფერს აკარებს...

სვედრი

„გიორგი მქვია, გუგას მეძახიან“, ისევ ჩამესმის შენი ხმა, გუგა, ასე გაგიცანი, ასე დამამახსოვრდი. პირველი, რაც შენში დავინახე, მხედრული სული იყო. მთასავით ვაჟკაცი, ზოლიანი მაისურით დინჯად მიუყვებოდი გზას. შუბლზე ეკლესიაში ნაჩუქარი შავი ლენტო, გულზე კი ჯვარი და ღვთისმშობელი გეკიდა, ისიც აგვისტოს ბრძოლებამდე რამდენიმე დღით ადრე ვაერის ეკლესიაში მიუციათ მებრძოლებისათვის, გახსოვს, მითხარი, ამ ჯვარმა გადამარჩინა, არ მოვიხსნი და ღმერთი ყოველთვის დამიფარავსო.

ასეთი რწმენა გქონდა. ამ რწმენით მიდიოდი ყოველთვის ომში თბილისელი ბიჭი გიორგი (გუგა) გურგენიძე.

მომიტყევე, თუ პათეტიკა მომეძალა, თუ უტრემლოდაც ვერ გიხსენებ. შენ-ჩაირი ვაჟკაცების სიკვდილს უემოციოდ ვერ შევხვდებით, მით უფრო შენს და-კარგვას, ვისაც პირადად გიცნობდი და გამოგარჩევდი. ტრაგიკულია ჩვენი თაობა. შენი ტოლები სამშობლოსათვის კვდებიან, ჟურნალისტებს კი ნეკროლოგების, გარდაცვლილთა გახსენებების წერა დაგვებუდა... ყოველი ვაჟკაცის და-კარგვას მიაქვს გულიც და ძაღლს ვიკრებ, სულის სიმხნევე შევიწარჩუნო მორი-

გი წერილისათვის. არ შემიძლია დავივიწყო ჩემი თაობის გმირები, მათ უფრო
შენ, გუგა, ვისაც გინობდი იმის გზებიდან. შენი ტოლა სხვა ბიჭებივით ფი
ფუნება არ ვიძებნია. პედაგოგის ოჯახში გაიზარდე, შენ უთენია, შენ ვინ ხარ
ხელში გადიოდი შინიდან და სამშობლოს დამცველთა რიგებში დგებოდი. დღე
და ღამე ვასწორებული გქონდა...

მითხარი დედის ნახუქარა ოქროს ჯვარი მქონდა, მაგრამ ძმაკაცი მოგვიკ-
ლეს, შეილი მოუნათლე და იმ ბავშვს ვაჩუქეო. გული კი გწყდებოდა დედის
სახსოვარზე, მაგრამ შენს ქცევას გამართლებულად თვლიდი, მეგობრისთვის
საკუთარ სულს არ დაიშურებდი.

დიდი ბრძოლის შემდეგ რამდენიმე დღით თბილისში დაბრუნება დააპირე,
მაგრამ აეროპორტში შენი მეგობარი ვახიკო ქარსელაძე შეგხვდა, იმისი ხათ-
რით კიდევ დარჩი სოხუმში, ძმაკაცის გვერდით გინდოდა ყოფნა. ჟურნალისტებ-
საც არ გვშორდებოდი. ყოველ საეჭვო ვასროლაზე შემართული იდექი, ავტო-
მატს წამოავლებდი ხელს და მზად იყავი დაგეცვა ყველა. მაშინაც ვწერდი, რომ
შენს გვერდით შიშსა და სიკვდილზე არ შეიძლება ფიქრი. მზად იყავი ყველ-
გან გამოგვეყოლოდი, გვიამბობდი თანამებრძოლებზე, მათ ვუჟაკობაზე და ამა-
ყობდი, აფხაზეთაძლე სამანაბლოში ვიბრძოდიო, ნიქოზს ახსენებდი, წმინდა
გიორგის ეკლესიას, საინტერესო ძეგლიაო. ტელევიზიით გამოვედი. იქნებ გაიხ-
სენო, სვანური ქუდი მეხურაო...

ხანდახან უცებ სახე შეგეცვლებოდა, ღიმილიან თვალებში გაკრთებოდა
სევდა და იტყოდი, დავიდალე, ადამიანური ცხოვრება მომენატრაო...

შენი დიდი გული

დავეუბრე ფოტოს. ეს ბავშვური კეთილი მხერა შემოგჩნა სიცოცხლის
ბოლომდე. შინ ვერ ისვენებდი, ბრძოლისკენ მივიწვევდა გული. რედაქციაში შე-
მოივლიდი: ჩამოვედიო, დაგვენახვებოდი, საბრძოლო ეპიზოდებს მოგვიყვებო-
დი, გაგრის დატემის შემდეგ ერთი კვირა ტყეში დაჰყავი, ვერტმფრენით ავიყ-
ვანეს. სასწაულად გადავრჩი მაშინაო. როცა რამდენიმე თვე არ გამოჩნდებოდი,
უკვე ვიცოდით, აფხაზეთში გაპარული იყავი. მარტო ოჯახს კი არა, მეგობრებ-
საც ეპარებოდი, ცოტა დაისვენეო, გვედრებოლენ. შენს ხმას რომ გავიგონებ-
დით, გვიზაროდა, რომ ცოცხალი იყავი, რომ ისევ ძველებურად ვიძებნოდა შენი
დიდი გული, რომელიც იტყუდა ყველას — ნაცნობსაც და უცნობსაც, იქნებ მთელ
სამყაროსაც?

მისი მეუღლე მაია ივონებს:

— სულ სხვაზე ფიქრობდა, სასტუმრო „ივერიაში“ ხშირად მიდიოდა
ლტოლვილ ბავშვებთან, კანფეტები, ნამცხვრები მიჰქონდა. ჩემს შვილებს მშობ-
ლები ჰყავს, მათგან კი ბევრი ობოლია, სითბო სჭირდებათო. ხელფასს ბავშვებს
და მათხოვრებს ახარჯებდა, სახელი დამრჩებაო, სულ ამას ამბობდა.

დღიურიდან:

„შენ მოდიოდი სივრცებიდან მარადიული ვაზაფხულებით. არ ახსენებ-
დი სიკვდილს საერთოდ და არასოდეს გშინებია სიკვდილის, რადგან შენ-

ვის იგი არ არსებობდა. შენ სივრცეების მოძახილს მოჰყევ და მოძახილად დარ-
ჩი ნათელში“.

გპირობა

ქართული
ლიტერატურა

2 ივლისს დესანტთან უთანასწორო ბრძოლები დაიწყო. მაია იხსენებს, რომ ამ დღეს, უჩვეულოდ იქცეოდი თურმე, ვეღარ გცნობდა, შეიცვალე: შეიღებე სა-
კანგებოდ გამოაწყვე და მუშტაიდის ბაღში წაიყვანე, პირველად მოიცალე მათ-
თვის ასე ხანგრძლივი დროით. სხვანაირად ესიყვარულეოდაო, მერე ღამის
სამ საათზე ამდგარხარ, გამოვიტანია იარაღი, წასასვლელად გამზადებულხარ,
მანქანის მოლოდინში სამი საათი წვიმაში მდგარხარ... მაიას უთხოვინია შენთვის,
იქნებ გადაგედო წახვლა, გული ცუდს მიგრძნობსო. ბოლო დროს გულზე არც-
ერთი ჯვარი არ გიჩერებოდა, ყველა ტყდებოდა თურმე.

(შინიდან გასვლისას ჯერ კიბის საფეხური ჩამოგიტყდა თურმე, წინა დღით
კი ოთახში ჭადის თვალი ჩამოვარდნილა). არაო, დღესვე უნდა წავიდე. ჩემი
გენერალი იქ არის (გია გულუაზე ვითქვამს) და მეც მის გვერდით უნდა ვიდ-
გეო.

ღირიკული პადახვევა:

„ყველაფერი უცნობი იყო და ამ შეუცნობელი, ენითუთქმელი მარტოობითა
და სუსხით გამსჭვალული. არაფერი იყო ისეთი, რაზედაც დაყრდნობა შეიძლე-
ბოდა — რაც გაათბობდა კაცს. ყველაფერი დაუსაბამი იყო, როგორც ეს ქვეყა-
ნა. უსაზღვრო და უცხო“ (რემარკი).

საოცარია, ეს შენი გამგზავრება ტელევიზიით აჩვენეს. აეროპორტში ჩამ-
წვრივებულ ბიჭებს შორის გულიანად იცინოდი, ისევე სვანური ქუდი გეხურა.
(შინიდან რომ გამოსულხარ, ქუდი დაგრჩენია, ეს კარგის მაუწყებელი არ არი-
სო და უკან მიბრუნებულხარ).

4 ივლისს გუმბისთასთან გადმოსხმულ დესანტთან ბრძოლაში პირველი ჩაე-
ბი ნატყვიარი მუხლით (სამაჩაბლოში ნაღმის აფეთქებისას დაგრჩა ნაშხვრევი),
იქნებოდა მსხვერპლი, ვიღაცას თავის თავზე უნდა აელო მათი შეჩერება. წამო-
იმართე, ტყვიამფრქვევის ჯვრით მტერი მოცვლე და ჩვენს მეგობრებს გადაე-
ფარე. მხარში დაიჭერი, მაინც იბრძოდი. ბოლოს ხელეშობარა გესროლეს. ასე
ხელჩართულ ბრძოლაში დაეცი მთასავით ვაჟაკი. რჩეულთა შორის რჩეული
იბრძოდი.

გუგა გურგენიძის ქუჩა

...შენს სახლში ვარ, ნაძალადეშში, გადასასვლელ ხიდთან, გრომოვის ქუ-
ჩაზე ცხოვრობდი, ახლა მას შენი სახელი — გუგა გურგენიძის ქუჩა ჰქვია. ქვა-
ფენილიანი, პატარა, მაგრამ ღამაში აღმართია, საიდანაც თბილისის ასევე
ღამაში ხედი იშლება, შენს ჭიშკართან კი ალვის ხეები დგანან. შენს პატარა,
სადა სახლში ხატები და ყვავილებია. შენი შეიღებე — ღამა და ღალი დარ-
ბიან ეზოში. ღამა წელს სკოლაში მივა. წამდაუწუმ იძახის, გუგას დამიძახე-
ოო. ღალი, შენ რომ ძალიან გვავს, არ გვცილდება და გვეხვევა. მაგიდაზე ოთ-

ხად დაკეცილი ვაზეთი „თბილისი“ დევს, სადაც შენზე ვწერდი ერთი წლის წინათ. გვერდები გასცვეთია. გულის ჯიბით დაჰქონდა გუგას, ყველაზე აჩვენებდას, — მეუბნება მაია.

გიორგი მთელი

ამ წერილს კი ვერავის ვეღარ აჩვენებ, თვითონ წაიკითხავენ შენზე, გუგა... ვინც ვიცნობდა, არ დაგივიწყებს. იგი, თურმე ერთ-ერთ დაბადების დღეზე შენი სადღევრძელო გამორჩეულად უთქვამთ. შენი სახელი დარჩა, შენი სახელობის ქუჩა დარჩა, შენ ჩვენში ხარ ისევ ისეთი, ბავშვური გამოხედვითა და რაინდული სულით გამორჩეული. სიცოცხლეშივე ჯილდოზე წარგადგინეს, არ დაგცალდა, არც ოცნება ავისრულდა ბოლომდე — ჭიდაობა ძიულოს მისდევდი, საორტის ოსტატის თანრიგი გქონდა, მეორე უმაღლეს სასწავლებელში გინდოდა ჩაბარება — იურიდიული განათლება უნდა მივიღო, ხშირად ვითქვამს.

არ გვჯერა, რომ ვეღარ გავიგონებთ შენს ხმას, ვეღარ გიხილავთ... ყოველდამე ესიზმრები შენს მაიას, ახლა მარტო რომ უნდა შეებას ოჯახის უღელს და შენი ლამას და ღალის დედობას ღირსეულად გააგრძელებს... შენ მათში ხარ, გუგა.

ჩემი სახსოვარი კი ეს პატარა წერილია, რომლის დაუწერლობაც არ შეგეძლო.

რეკვიემი

„ყველას საკუთარი სიკვდილი ჰქონდა. იმ კაცებს, იარაღსხმულ სხეულებში სიკვდილს ტყვესავით შებოჭილს რომ დაატარებდნენ... მათ საკუთარ წიაღში ჰქონდათ სიკვდილი, როგორც ნაყოფს თესლი აქვს გულში“ (რილკე).

რილკეს უნდოდა ეთქვა: ვისაც ნამდვილი, საკუთარი (და არ უსახო) ცხოვრება აქვს, იგი სახესა და აზრს აძლევს მას, კვდება „საკუთარი“, ნამდვილი, დიდი სიკვდილით, თავის მიერვე დაპურებული, ბავშვით ვაზრდილი სიკვდილით, რაც საკუთარი და ნამდვილი ცხოვრების განხორციელებას ნიშნავს. „სიკვდილი — კარგი ნამუშევარი, წიაღში ჩაღრმავებით შექმნილი, საკუთარი სიკვდილი, რომელსაც ვჭირდებით, რადგან ჩვენ ვაცხოვრებთ მას“.

თამარ შაიშველაშვილი


ავთანდილ დაღვანი

1992 წლის 9 სექტემბერი — კიდევ ერთი ტკივილიანი დღე, ზეცაში ჩამქრალი ვარსკლავი, სამშობლოსათვის ზვარაკად შეწირული კიდევ ერთი სიცოცხლე, საძირკველგამოცლილი სახლი, დაქვრივებული მეუღლე და ორი დაობლებული ბავშვი.

ღელავენ მოთმინებადაკარგული ვაჟკაცები, მიდიან და ეწირებიან სიცოცხლით სავსე დეკემბრები.

ასეთი იყო ავთანდილ დაღვანიც — ოცდათხუთმეტი წლის ჯან-ღონით სავსე, სამშობლოს სიყვარულით გულანთებული ქართველი. მისი ცხოვრება ჩვეულებრივი, ბედნიერი გზით მიდიოდა. კონარის საშუალო სკოლის დამთავრე-

ბის შემდეგ სწავლა გააგრძელა პოლიტექნიკურ ინსტიტუტში, სადაც სწავლის დროს შეირთო ნანი ბარბაქაძე და შეჰხაროდა ორ შვილს ჩას და გიორგის, ხანამ 2 სექტემბერს თბილისი არ დატოვა და უკვე გერბოლ თანამოძმეებს არ ამოუდგა მხარში.



სამშობლოზე ზრუნვასთან ერთად ბრძოლის ველზეც არ ტოვებდა ოჯახზე ჟიქრი. 14 სექტემბერი საკუთარ ოჯახში უნდოდა გაეთენებინა, თბილისში აღენიშნა უმცროსი ვაჟიშვილის გიორგის დაბადების დღე. მაგრამ...

9 სექტემბერს გამოასალმა ახალგაზრდა სიცოცხლეს მტრის ვერაგმა ტყვიამ, სამუდამოდ დაუბნელდა მზე, რომლის სიმბურვალეც ვეღარ დასწვავს მის უკვდავ სხეულს.

დაადგა ვარდისფერ გზას და ოჯახს, ახლობლებს ტკივილი, სევდა, მონატრება დაუტოვა და კიდევ ორი ვაჟკაცი, რომლებიც სახელოვან ქართველებად დაიზრდებიან, არ შეარცხვენენ მამის სახელს.

კიდევაც დაიზრდებიან ალგეთს ლეკვები მგლისხანი.

ისე არ ამოწყდებიან, ჯავრი შასჰამონ მტრისანი.

ჩვენ კი დაგვიტოვა ის დიდი იმედი, რომ საქართველოს ბედნიერი მომავლასათვის დაღვრილი თითოეული წვეთი სისხლისა უკვალოდ არ ჩაივლის და „სამშობლო მათ ხსოვნას ხანთლებად აინთებს“.

მსუბუქი ყოფილიყოს, აუთო, შენთვის საქართველოს მრავალჯერ ნატანჯი, მაღლიანი მიწა.

თბა ელბაქიძე
ბაქა ქარუშიძე

თბილისის ჟურნალისტიკის ინსტიტუტის სტუდენტები

ბალაკტიონი

გამარჯობა, აფხაზეთო, შენი!

გამარჯობა, აფხაზეთო, შენი! —
ლურჯო მთებო, თეთრო სანატორია.

ბომენატრა მზე, სინათლის მფენი;
მომენატრა ზღვა, რომელიც შორია.

რომაგებე შენ იგივე პალმა,
სად ოდესმე მშვენიერმა ქალმა

გადიწერა ჩუმად ლექსი ჩემი;
რომაგებე მშობლიური გემი,

რომაგებე მშობლიური მიწა,
შენი ძველი მეგობარი მიცან.



**გია
დადუნაშვილი**

ჩვეულებრივი თბილისელი ბიჭი იყო გია დადუნაშვილი. ნაცნობ-მეგობრების წრეში მუდამ სასურველი სტუმარი იყო. უყვარდა მეგობრები და მათაც გულწრფელად უყვარდათ ვია.

უყვარდა ოჯახი, ცოლი და შვილი — პატარა ინა, უყვარდა სიცოცხლე... მაგრამ თურმე ყველაზე მეტად სამშობლო ყვარებია, ყვარებია და სიტყვით რომ ვერ ვაუმხილა გრძნობები, გული რომ ვერ გადაუშალა, საქმით დაუმტკიცა ერთგულება და სიყვარული. სოხუმის მხედრიონის წევრი ვაჟკაცურად იბრძოდა აფხაზეთში. ბევრჯერაც გადაურჩა მტრის ტყვიას, მაგრამ მუხთაღმა წუთისოფელმა მაინც არ დაინდო, სოხუმზე დიდი შემოტევის დროს, 16 მარტს, ცხოვრების ოცდამეშვიდე გაზაფხულზე შეწყდა მისი სიცოცხლე...

წავიდა ამ ქვეყნიდან და დაგვიტოვა უსაზღვრო სევდა და სინანული, უსაშველო მონატრების გრძნობა. დიახ, გვენანები და გვენატრები, მაგრამ ისიც ვიცით, რომ შენ სხვანაირად არ ძალგიძდა. შენ არ შეგეძლო მშვიდი ცხოვრება მაშინ, როცა სამშობლოს ცხრათავიანი ურჩხული კორტინდა თავისი ბასრი და ვერავი ბრჭყალებით, როცა მოძალადე სულში გვიძვრებოდა, სულში გვაფურთხებდა. შენ უნდა ბოლომდე შეგესვა ცხოვრების მწარე ბალდამი. აკი შესვი კიდეც. წარბშუუხრელად მიიტანე სამშობლოს სამსხვერპლოზე ყველაზე ძვირფასი რაც გავაჩნდა — სიცოცხლე.


ღმერთმა დაიფაროს, აამაღლოს და გააბედნიეროს საქართველო შენი და შენნაირი ვაჟკაცების სადიდებლად.

შპეი მპრობრაბი



**თავთუფა
დათაშვილი**

დაიბადა 1967 წლის 14 აპრილს ცხინვალის რაიონის სოფელ თამარაშენში. ამ სოფლის რევოლუციური სკოლის დამთავრების შემდეგ სწავლა გააგრძელა ცხინვალის № 4 საშუალო სკოლაში. 1985 წელს გაიწვიეს სამხედრო-სავალდებულო სამსახურში. 1987 წელს მუშაობა დაიწყო ქ. ცხინვალის წყალთა მეურნეობის სამმართველოში. მისი ოცნება იყო სწავლა გაეგრძელებინა უმაღლეს სასწავლებელში მექანიზაციის ფაკულტეტზე, მაგრამ სამაჩაბლოში დატრიალებულმა კონფლიქტმა მას აზრი შეუცვალა. 1991 წელს შევიდა ქ. თბილისის მილიციის უმაღლეს სკოლაში, რომლის დამთავრებას ვედარ მოესწრო. პირველი კურსის სტუდენტი მის ბიძაშვილთან ერთად 1991 წლის 5 აპრილს იმსხვერპლა ოსების მიერ განხორციელებულმა თავდასხმამ.



**ზორის
დანელია**

დაბადებულია 1953 წლის 20 აპრილს მარტვილის რაიონის სოფ. ლეხაინდრაოში. 1977 წელს დაამთავრა ლეხაინდრაოს საშუალო სკოლა, ცხოვრობდა ქ. სოხუმში. აფხაზეთში ომის დაწყებისთანავე შევიდა სოხუმის „მხედრონის“ რიგებში და სიცოცხლის ბოლომდე იბრძოდა მამულის დასაცავად.

10 ოქტომბერს ეშერაში დაზვერვაზე გასული ნაღმზე აფეთქდა და მძიმედ დაიჭრა და გარდაიცვალა 1992 წლის 16 ოქტომბერს. დარჩა მეუღლე და 10 წლის გოგონა.



**ალექსანდრე
დვალისვილი**

რიგითი ალექსანდრე ოთარის ძე დვალისვილი დაიბადა 1974 წელს თბილისში.

შინაგან ჯარებში მსახურობდა 1992 წლიდან ოპერატიულ პოლკში. დაიღუპა 1993 წელს 10 თებერვალს ოჩამჩირეში.



**ირაკლი
დვალიძე**


ირაკლი ლევანის ძე დვალიძე, დაიბადა თბილისში 1965 წელს. სკოლის დამთავრების შემდეგ ერთხანს მუშაობდა თბილისის ერთ-ერთი რაიონის სანუბინდსადგურში სანიტრად. მერე სამედიცინო ინსტიტუტის სამკურნალო ფაკულ-

ტეტის სტუდენტს გახდა. დაამთავრა და მკურნალმა ექიმმა მრავალ საავადმყოფოში იმუშავა. იყო რესპუბლიკური კლინიკური საავადმყოფოს „ხელნაწილი“ თირკმლის განყოფილებაში, 1990–1991 წლებში გაიარა ინტენსიური ანესთეზიოლოგ-რეანიმატოლოგის სპეციალობაში; მუშაობდა თბილისის სასწრაფო დახმარების ცენტრალურ ფილიალში, შოკის ბრიგადის ექიმ-რეანიმატოლოგად, 1991 წლის სექტემბრიდან 1993 წლის თებერვლამდე კი იყო რკინიგზის აკადემიკოს ვენატე ფიფიას სახელობის პირველ საავადმყოფოში ანესთეზიოლოგია-რეანიმატოლოგიის განყოფილებაში ექიმად.

1993 წლის 4 თებერვლიდან საქართველოს რესპუბლიკის შეიარაღებული ძალების პირველი საარმიო კორპუსის მეორე ბრიგადის სამედიცინო ასეულის მედიცინის უფროსი ლეიტენანტია.

მუშაობის მოკლე მანძილზე ირაკლი დვალიმე მთხვეჭა დიდი ავტორიტეტი. მედიცინის უფროსი ლეიტენანტი ირაკლი ლევანის ძე დვალიმე გმირულად დაიღუპა 2 ივლისს ტამიშთან ღესანტის გადმოსხმისთანავე. ირაკლი, თავის ორ თანამებრძოლთან – ლევან მაჭავარიანთან და ზაზა კიკნაძესთან ერთად გაეშურა ფრონტის ხაზისკენ დაჭრილებს გამოსაყვანად და აი, უბეღურება: ორნი ალყაში მოხვდნენ. მანქანა აუფეთქეს. ექიმები ხელნართულ ბრძოლაში ჩაებნენ და სისხლის უკანასკნელ წვეთამდე იბრძოლეს.

ირაკლის დარჩა დედა, მეუღლე და სამი წლის პატარა ირინე, მეგობრები, კოლეგები, რომლებიც არასოდეს დაივიწყებენ სამშობლოს სიყვარულში დაცხრილულ ვაჟკაცს.




**ზურაბ
დოლიძე**

ზურაბ ვლადიმერის ძე დოლიძე, დაბადებული 1974 წელს, თბილისში. განათლება საშუალო, უცხოელი.

1991 წ. სკოლის დამთავრების შემდეგ მუშაობდა თბილისის აგროსამეცნიერო საწარმოში მუშად.

1992 წ. მოხალისედ შევიდა 114-ე ბატალიონ „ავაზაში“.

1993 წლის 25 აპრილს სოფელ ტამიშთან შეტაკების დროს დაკარგა და დაკრძალულია მუხლგვერდში.



**ლაშა
დუხლსა**

ლაშა გრიგოლის ძე დუხლსა დაიბადა 1968 წლის 5 დეკემბერს აბაშის რაიონის სოფელ პირველ მაისში.

ერთ წლამდე ლაშა სოფელში, პირველ მაისში იზრდებოდა ბაბუასთან და ბებიათან. ერთი წლის შესრულების შემდეგ იგი დედ-მამას ჩამოჰყავს თბილისში. პირველდაწყებითი განათლება მიიღო თბილისის № 27-ე ბაგა-ბაღში. აქვე იგი გადაიღეს სადიპლომო ნაშრომში, საბავშვო ფილმ „ჯადოსნურ ეკრანში“.

1975 წელს ექვსი წლის ლაშა მშობლებმა შეიყვანეს თბილისის № 2 ექსპერიმენტულ სკოლაში.

იგი წლების განმავლობაში ირიცხებოდა აგრეთვე თბილისის პიონერთა სახლის ტექნიკურ წრეში „რადიოში“, საიდანაც მრავალი მადლობა და სიგელი ჰქონდა მიღებული.

1983 წლის ზაფხულში თბილისის II ექსპერიმენტული სკოლის მე-9 კლასი შრომითი სემესტრის გასატარებლად წავიდა გურიაში, ნასაკირალში, სადაც ლაშა აქტიურ საქმიანობას ეწეოდა. ზიუხედავად იმისა, რომ იგი ცალი თვალით მხედველობადაქვეითებულად ითვლებოდა და ამის გამო სამკურნალოდ იოთქმის ყოველ ზაფხულში დედ-მამას ოდესაში დაჰყავდა.

1986 წელს ლაშამ დაამთავრა ზემოაღნიშნული საშუალო სკოლა, მაგრამ მაინც ვერ თმობდა მას და წლების განმავლობაში, როცა საშუალება ჰქონდა,

კვირაში ერთხელ მაინც მოინახულებდა თავის საყვარელ სკოლას, მასწავლებლებს.

1986 წლის დეკემბერში იგი გაიწვიეს სამხედრო სამსახურში. გორც მხედველობა და ქვეითებულს, შეეძლო არ წასულიყო სამხედრო ბულების მოსახდელად, მაგრამ ეს სამსახური მან ყოველი ვაჟაკის ვალდებულებად მიიჩნია და წავიდა.

იგი ჯარში მსახურობდა ქ. მოსკოვის გარეუბანში, მიტინში, სადაც იგი ყველასაგან გამოირჩეოდა. ამხანაგებს შორის იგი მომრიგებელ მოსამართლეობას ეწეოდა. ერთხელ სომეხი და იაკუტიელი ახალგაზრდები წაჩხუბებულები იყვნენ. ლაშა მათ შუა ჩამდგარიყო და შეერიგებინა.

იგი იყო მეტად პრინციპული. სამხედრო სამსახურის დამთავრებამდე მას სამშობლოში შევბულებით ჩამოსვლაც არ უცდია, თუმცა მას ღედა ხშირად ნახულობდა. ლაშას არაერთი მადლობა ჰქონდა მიღებული სამხედრო სარდლობიდან. 1988 წელს იგი დაბრუნდა თავის ოჯახში, თბილისში, სერჟანტის ჩინით.

1989 წლის მაისში მან მუშაობა დაიწყო თბილისის მოზარდ მაყურებელთა თეატრის რეკვიზიტორად, სადაც მუშაობდა 1990 წლის დეკემბრამდე.

1990 წელს იგი შევიდა საქართველოს მეცნიერებათა აკადემიის ინსტიტუტთან არსებული ეკონომიკური განათლების მენეჯერთა და ბიზნესის სკოლაში, რომელიც წარჩინებით დაამთავრა და მაშინვე შევიდა იმავე აკადემიასთან არსებულ ინსტიტუტში, საგარეო ეკონომიური ურთიერთობის ფაკულტეტზე.

ინსტიტუტშიც იგი გამოირჩეოდა მაღალი მოქალაქეობრივი თვისებებით და სწავლით.

1991 წელს, როცა იგი ზემოაღნიშნული ინსტიტუტის I კურსზე იყო, ჩაება თავისი ქვეყნის ეროვნულ-გამათავისუფლებელ მოძრაობაში და სამშობლოს სამსახური გაიხადა თავისი ცხოვრების მთავარ საგნად.

მიუხედავად იმისა, რომ ღედისერთა იყო და ღედ-მამა ხანში შესულები ჰყავდა, ერთი წუთითაც არ დაფიქრებულა თავისი გადაწყვეტილებების სისწორეში და როცა სამაჩაბლოში ომი გაჩაღდა, აქტიურ მონაწილეობას იღებდა ამ ომებში. ბოლო დროს იგი სამაჩაბლოში დაიჭრა, რაც ღედ-მამას დაუძალა.

სამაჩაბლოში, როგორც იქნა, მიწინარდა ომი და თითქოს მშვიდობა დამყარდა, მაგრამ რამდენიმე დღეში აფხაზეთში გაიხსნა ცეცხლის კერა. ლაშას ჯერ ჭრილობა არ ჰქონდა მოშუშებული, რომ აფხაზეთში წავიდა საბრძოლველად.

აფხაზეთში, კერძოდ, ლესელიძეში გასროლილმა ტყვიამ პირველ ოთხეულთან ერთად შეიწირა იგი, ღედისერთა.

მას შემდეგ მის კვალს ბევრი ღედისერთა გაჰყვა, არამართო ღედისერთები, არამედ მთელი პლეადა მისი სკოლადამთავრებულებისა, სტუდენტი მეგობრებისა: „პაატა და ზვიადი, ლევან სუხიაშვილი, ალან ბიჭიკაშვილი, ალიკო ბიბილაშვილი, გია ყიფიანი, ლევან ეგოროვი, გელა გუგუშაშვილი, ალექო აღიხანაშვილი, ამდენი ღირსეული ახალგაზრდა ერთი სკოლიდან დიდი დამსახურებაა სამშობლოსათვის“ (გაზეთი „ძლევა“, № 13, 6 ნოემბერი, 1992 წელი). ამიტო-

მაც გადაუწყვეტია ამ სკოლის სასწავლო ნაწილის გამგევს ქალბატონ ეთერ
შენიას ახალგაზრდების მედროშის - ლაშა ღუნდუას სახელობის ოთახის
გახსნა.

ლაშა დასაფლავებულია მისი სკოლის უკან, საბურთალოს პანთეონში.
დაც პატარა, ონავარი ბიჭი თავის ამხანაგებთან ერთად ხშირად თამაშობდა,
კუნდაობდა.

ლაშა ღუნდუა სიკვდილის შემდეგ დაჯილდოვდა ვახტანგ გორგასლის III
ხარისხის ორდენით.

ნარბიზა ბრიგოლია



**ვახტანგ
ელერაშვილი**

ვახტანგ ომარის ძე ელერაშვილი ერთ-ერთი პირველი სოხუმელი იყო,
რომელიც საშობლოს დასაცავად მოხალისედ შევიდა ქართულ გვარდიაში.

იგი დაიბადა 1969 წლის 11 აპრილს ქ. თბილისში, ლამაზ თეატრალურ
ოჯახში. მისი მშობლები, აფხაზეთისა და საქართველოს რესპუბლიკის დამსა-
ხურებელი არტიტები ომარ ელერაშვილი და ლორინა პაპუაშვილი სოხუმის
კონსტანტინე გამსახურდიას სახელობის ქართულ თეატრში მოღვაწეობდნენ,
რომლის გახსნაც სწორედ პატარა ვახტანგმა დალოცა, იგი სანთლით ხელში
„ვიდა სცენაზე და ბანანა რამიშვილის ბავშვობაც განახახიერა ნ. ღუმბაძის „მა-
რადისობის კანონში“.

შემდგომში ვახტანგი ამავე თეატრში ტექნიკურ რეჟისორად მუშაობდა,
თან პარალელურად მოსკოვის ეკონომიკის ინსტიტუტში სწავლობდა.

თეატრალურ გარემოცვაში აღზრდილმა ბავშვმა ყველა ადამიანური ღირსე-
ბა შეიძინა. პიროვნული ხასიათითა და ინტელექტით გამოირჩეული, ფიზიკური
აღნაგობაც შესაფერი ჰქონდა, რატომღაც მუდამ ნაღვლიანი თვალები კი მის
პაჟაკურ იერს ამოუცნობსა და მიუწვდომელს ხდიდა.



1987-89 წლებში ვახტანგი სავალდებულო სამხედრო სამსახურს ქ. ნიკოლაევიში იხდიდა, 1989 წლის 17 აპრილს ჯარიდან დედისათვის მოსვლის შემდეგ რილში იგი გულისტკივილით შენიშნა: „დედა, როგორ ხართ, რას შურისმთქმელი დედა, შენ სულ მაწყნარებ, რომ მანდ, სოხუმში ყველაფერი რიგზეა, რო არაფერი არ ხდება. ახლა მე გაზეთი მომიტანეს, წავიკითხე და ლამის გავვიჟდი, „იპენი“ ქართველებს რა დღეში ავდებენ, მაგათი ერი ვერა და ვერ ისვენებს, ეს რა დაუჯერებელი ამბები მესმის, ქართველ ქალიშვილებს აუბათიურებენო, მამაკაცებს სწვავენო. მოკლედ, არც ვიცი, როგორ ხდება ასეთი რამ, რისი იმედით აწივს ხელი ჩვენზე, რამ გაამხნევათ ასე?!

თბილისში 16 კი არა, უფრო მეტი მოუკლავთო (9 აპრილს), ამდენი ახალგაზრდა ქართველი ჯანსაღი კაცი აქ ვართ და მანდ ასეთი რამ ხდება. ვერ გამოვივა ვის ვუხდით ვალს და ვისი მშვიდობისათვის ვმსახურობ, თუ ჩემი, ჩვენი სამშობლო ასეთ დღეშია... ახლა ესენი (ბიჭები) მე შემომყურებენ..., მაგრამ ვიცი, რომ ერთი შვილი გყავართ და როგორ მივლით, მარტო ეგ მაკაეებს და ასიც, — აქ რომ რამე მოხდეს, ამ ბიჭების მშობლებს რა ვუთხრა მერე. დედა, შენ ნუ მიმალავ, რაც გასაგებია, მე მაინც გავიგებ, ასე რომ, ისევ ჯობია შენ მომწერო, შენ უფრო კარგად ამიხსნი და შენგან უფრო კარგად გავიგებ...“

მტერ-მოყვარეობის გარჩევის შესანიშნავად მცოდნე მაღალი ზნეობის ვაჟკაცმა მშობლებს აფხაზი მეგობრები ჩააბარა, — ჩემს დაბრუნებამდე შეიფარეთო და თვითონ მათ თვალწინ იმ აფხაზების წინააღმდეგ საბრძოლველად წავიდა, რომლებიც სამშობლოს მთლიანობას ედავებოდნენ.

მაგრამ მტრის მიერ დადებულმა ნაღმმა 1992 წლის 29 სექტემბერს სოფელ სომხურ ათარასთან სწორედ ის ტანკი ააფეთქა, რომელიც წინა დღეს ვახტანგმა თავისი ხელით ააწყო და თვითონვე მართავდა.

23 წლის ქართველი ვაჟკაცი ტანკში დაიწვა, იმავე დღეს მისი მამა, მუდამ ჩუმი და მოკრძალებული ომარ ელერდაშვილი, საკუთარი ბინის აიენიდან, მე-9 პართულიდან გადახტა და 49 წლის ასაკში თვითმკვლელობით დაასრულა სამშობლოსა და შვილის უბედობით გამწარებული სიცოცხლე.

ვახტანგ ელერდაშვილი სიკვდილის შემდეგ დაჯილდოვდა მედლით „მხედრული მამაცობისათვის“.

მარინე სხირტლაკი



მამუკა იურის ძე ელიაშვილი დაიბადა 1969 წლის 23 იანვარს, თბილისში. 1973 წელს სწავლა დაიწყო თბილისის 23-ე საშუალო სკოლის კლასში. ზღაპრულ კლასში, შემდეგ სწავლა განაგრძო ქ. ტყეშელაშვილის № 6 საშუალო სკოლაში. მე-9 კლასიდან გადავიდა მუსიკალური სკოლაში და პარალელურად დაიწყო მუსიკალური სკოლის კლასში მრეწველობის ინსტიტუტში, სკოლის ფრიადზე დამთავრების შემდეგ 1985-87 წლებში იმყოფებოდა სავალდებულო სამხედრო სამსახურში. შემდეგ მუსიკალური სკოლის კლასში მინდელის სახელობის მაღაროში მიწისქვეშა მუსიკალური სკოლის კლასში. ორჯონიკიძის უნივერსიტეტის სამართალმცოდნეობის ფაკულტეტის პოსტდოქტორანტურაში. 1990 წლიდან სწავლა განაგრძო თბილისის ივ. ჯავახიშვილის სახელობის უნივერსიტეტის სამართალმცოდნეობის ფაკულტეტზე.

მას უსახლდროდ უყვარდა თავისი ქვეყანა და ხალხი. ყოველთვის იდგა იქ, სადაც გრძნობდა, რომ მისი თავი მამულს სჭირდებოდა. ამიტომ 1989 წლის ავლისის დღეებში აფხაზეთშია. 1991 წლის დეკემბერში ტყეშელის ბატალიონის მეთაურ გელა გიორგაძესთან და სხვა გვარდიელებთან ერთად ის და მისი უმცროსი ძმა ლადო საგანგებო და ფრიად საპასუხისმგებლო დავალებებს ასრულებენ. ერთ-ერთი დავალების შესრულებისას მამუკა მსუბუქად დაიჭრა. ზედმეტად გადარჩა. ბუნებით უშიშარი კიდეც უფრო დარწმუნდა შინაგანად, რომ მტრის ტყვია ვერ მოერეოდა, ამიტომ თავშეპყრული გელასთან ერთად ისევ წინა ხაზზე ტრიალებდა და ყველა გაჭირვებაში მყოფს თუ დაჭრილს მშველედ და მხსნელად ევლინებოდა, გელას კი ვერ უშველა. გმირულად დაცემული უფროსი მეგობრის წინაშე ფიცი დასდო, რომ ბოლომდე იბრძოლებდა ერთიანი, თავისუფალი, დემოკრატიული საქართველოსათვის. დადებული ფიცი პირნათლად შეასრულა. ამიტომ იდგა იარაღით ხელში ტელეცენტრის განთავისუფლებებისას, ამიტომ იყო, რომ აფხაზეთში ომის დაწყებიდან მეოთხე დღეს, მოხალისედ მიმავალს, დედამ შეაპარა — შემოდგომის ფოთლებივით ცვივიან ახალგაზრდობით, მან უპასუხა: — ყველა დედამ რომ შვილებს ბრძოლაში წასვლა დაუშალოს, ვინდა დაიცვას საქართველო, იქ, აფხაზეთში, ტყვიის ქვეშ მყოფ სამოსს ვერ დაველოვებ მარტოს მტრის პირისპირ და თუ დავეცი, ალბათ, ეს ჩემი ბედისწერა იქნება.

დაეცა სოფელ ტაშიშთან მუხანათურად ჩასაფრებული მტრის ტყვიით. აგუძერის წმინდა ნინოს სახელობის ჰოსპიტალში, თირკმელდაავლეჯილი და ღვიძლდაფლეთილი, სისხლის გადასახმველად მისულ ათეულ მეგობარს ამხნეებდა: ვერაფერს მიზამსო მტრის ტყვია, სიკვდილი ვერ მომერევაო.

მაგრამ მაინც მოერია.

ველარ უშველა მრავალი სიცოცხლის გადმრჩენელი ექიმო მშობლების მეტად კოორტიკიანისა და იური ელიაშვილის ყოველმხრივმა მტკვლობამ, ვერც ძმის — ალექსი ელიაშვილის გადასხმულმა სისხლმა. მოკვდა ვაჟაკური სიკვდილით.

25 წლისამ ყველაფერი მოასწრო. ვაჟაკურად მოიხადა ვალი საშუალო-სა და სამეგობროს წინაშე.

ნამუსიანად ვალმოხდილი მიუვიდა იმ ქვეყანაში სათაყვანებელ მასწავლებლებს გელა გიორგაძეს და ტყიბულის გვარდიის გმირულად დაღუპულ მეთაურებს.



**მიხეილ
ერემეიშვილი**

დაიბადა 1970 წლის 31 დეკემბერს ვანის რაიონის სოფ. დიხაშხოში, მუშის ოჯახში. ჰყავს მეუღლე – თინათინ დიასამიძე და შვილი – მიხეილი, რომელიც ამ ქვეყანას მამის გარდაცვალების მესამე დღეს მოეკვინა. ჰყავს დედა – გულნაზი, მამა – სიბიტო ერემეიშვილები, და-ძმა.

1976 წელს სწავლას იწყებს ვანის რაიონის სოფ. დიხაშხოს საშუალო სკოლაში. გატაცებული იყო სპორტით. სკოლის დამთავრების შემდეგ მოიხადა სავალდებულო სამხედრო სამსახური. სადესანტო ჯარებში იყო სნაიპერი. სამხედრო სავალდებულო სამსახურის მოხდას შემდეგ თამაშს იწყებს ვანის ადგილობრივი გუნდის „ვანი-სულორის“ მეკარედ.

1992 წლის 15 მაისს გახდა მასშველთა კორპუსის „მხედრიონის“ წევრი. იბრძოდა მთელ რიგ ცხელ წერტილებში. განსაკუთრებით გამოიჩინა თავი გარის დაცვისთვის ბრძოლების დროს. მისთვის საბედისწერო აღმოჩნდა ბრძოლა სოფელ კოლხიდასთან, სადაც დაიღუპა 1992 წლის 19 აგვისტოს.

ღირსეული მამულიშვილის მიხეილ ერემეიშვილის სახელს მისი თანამემამულეები მომავლის საქართველოში პატივით მოიხსენიებენ.



პაატა ექიზაშვილი

პაატა ვარლამის ძე ექიზაშვილი დაიბადა 1966 წლის 29 ნოემბერს. დაამთავრა თბილისის მე-8 საშუალო სკოლა, მოიხადა სამხედრო სამსახური და ტელევიზორების ქარხანაში დაიწყო მუშაობა.

1988 წელს დაოჯახდა, ჰყავს მეუღლე და ორი შვილი, — პატარა თამუნა და ვალერი.

1993 წელს გაწვეული იქნა სამხედრო სამსახურში და ჩაირიცხა 114-ე პატალიონ „ავაზაში“. 1993 წლის 2 თებერვალს აფხაზეთში ქართული მიწის დასაცავად გმირულად დაეცა ოჩამჩირეში...



... მოიგონებენ წარსულს მკვიდრები,
აბუბუნდება ქვეყნად ყველა მთა,
გაფიადლები, გავსულდიდლები
და ავენთბი მამულს კვლავტრად.
დავდეგები ცერზე, როგორც ავაზა,
ერთს გადავხედავ დღეებს გაფრენილს,
მერე მოვკვდები ისე ლამაზად,
ვით დაიბადა ეს ყველაფერი.

ჯანსუღ ჩარაპვიანი



**ნუგზარ
 ექსეულიძე**

ნუგზარ პავლეს ძე ექსეულიძე დაიბადა 1971 წლის 28 აგვისტოს ახალციხის რაიონის სოფ. აწყურში. სკოლა დაამთავრა 1986 წელს, რის შემდეგაც გაიწვიეს სამხედრო სავალდებულო სამსახურში, სადაც ჩაება ეროვნულ მოძრაობაში. იბრძოდა სამანაბლოში, შემდეგ კი აფხაზეთში, ტაშიშში, სადაც საქართველოს ერთიანობისთვის ბრძოლას შესწირა თავისი სიცოცხლე. მას ხომ 21 წელი 28 აგვისტოს შეუსრულდა! ჰყავს დედა, ორი და და ერთი ძმა.

დაუვიწყარი იქნება მისი ნათელი ხსოვნა.

* * *

შენ ისე ღრმა ხარ, ქართული ცაო,
 შენ ისე ღრმა ხარ...
 სამკვიდრო შენს ქვეშ მტრად შემოსულმა
 ვერაუინ ნახა...
 ვერცა ოსძალომ, ვერც მონღოლმა
 და ვერცა სპარსმა...
 შენი დიდების მომღერალია
 ოშკი და ზარზმა,
 ბებერი ტაო...
 შენი ისე ღრმა ხარ, ისე ვაკიზი,
 ქართული ცაო...

1945

ანა კალანდაძე



ლიანა
ჯავახია

კაპის ბარათი

ლიანა ტატაშის ასული ეჯიბია დაიბადა 1949 წლის 7 მაისს სენაკის რაიონის სოფელ მენჯში, 1966 წელს დაამთავრა ქ. სენაკის მეორე საშუალო სკოლის სრული კურსი. იმავე წელს სასწავლებლად გადავიდა ქ. სოხუმში, მაგრამ ანსტიტუტში ვერ მოხვდა, ვერ მოაგროვა საჭირო ქულები. იმავე წლის სექტემბერში მუშაობა დაიწყო ქ. სოხუმის № 1 პურის ქარხანაში მუშად.

1966 წლის დეკემბერში გათხოვდა მეგონა მიხეილის ძე კვიციანიზე, ჰყავს ორი შვილი—გოგო და ბიჭი, ორივე დაოჯახებულია. 1970 წელს იგი მუშაობას იწყებს ვაჭრობის სისტემაში და წარმოებისაგან მოუწყვეტილვ ორი მცირეწლოვანი შვილის დედა შედის ქ. სოხუმის საბუღალტრო ტექნიკუმში, ტექნიკუმის დამთავრების შემდეგ სამუშაოდ გადადის საქართველოს მეცნიერებათა აკადემიის გულიას სახელობის აფხაზეთის ენის, ლიტერატურისა და ეთნოგრაფიის ინსტიტუტში მთავარ ბუღალტრად, სადაც მუშაობდა დაღუპვამდე.

1982 წელს წარმოებისაგან მოუწყვეტილვ სწავლას აგრძელებს აფხაზეთის სახელმწიფო უნივერსიტეტში ეკონომიკისა და საბუღალტრო აღრიცხვის ფაკულტეტზე, რომელიც დაამთავრა 1988 წელს და მიიღო ბუღალტერ-ეკონომისტის კვალიფიკაცია. ფაკულტეტის დეკანატი ტოვებს უნივერსიტეტში ლაბორანტად და თან ამზადებს რეფერატს საბუღალტრო აღრიცხვის კურსით თემაზე „კომპიუტერის გამოყენება საბუღალტრო აღრიცხვაში“ და 1991 წლის სექტემბრიდან უფროსი მასწავლებლის ხარისხით კითხულობდა ლექციებს დასახელებულ ფაკულტეტზე პირველ და მეორე კურსელთათვის.

ლიანა იყო კარგი მეოჯახე და კარგი დიასახლისი. შვილებს ვზა გაუხს-

ნა, — ქალიშვილმა დაამთავრა პედაგოგიური ინსტიტუტი, ხოლო ვაჟიშვილმა სოხუმის სახელმწიფო უნივერსიტეტის იურიდიული ფაკულტეტის სტუდენტია, რუმაობს შს ორგანოების სისტემაში და უშიშრად ებრძვის იარაღით ხელში აფხაზ სეპარატისტებს.

ბავშვობიდან დაჯილდოებული იყო მუსიკალური ნიჭით, სკოლაში სწავლის პერიოდში 4-ჯერ იყო ბავშვთა თვითშემოქმედების რესპუბლიკური დათვალიერების ლაურეატი და დაჯილდოებული იყო ოქროს მედლებით, ჰქონდა იდეალური მუსიკალური სმენა, მღეროდა და ბრწყინვალედ ასრულებდა ქართულ ხალხურ სიმღერებს, უკრავდა ფანდურზე, ჩონგურზე და სხვა მუსიკალურ ინსტრუმენტებზე.

თავისი ხანმოკლე სიცოცხლის მანძილზე მან ბევრის გაკეთება შეიძლო, საზოგადოებაში დატოვა სამშობლოსათვის თავდადებული მანდილოსნის სახელი, მაგრამ მას ბევრი განუხორციელებელი ოცნებაც დარჩა. იგი ვერ მოესწრო ერთიანი დამოუკიდებელი საქართველოს აღმშენებლობას, მას ადრე მოუსწრავს სიცოცხლე აფხაზმა ძმათა მკვლელებმა.

ჩემი შვილი ლიანა ტატაშის ასული ეჯიბია ერთადერთი ქალია, რომელიც აფხაზმა სეპარატისტებმა ტყვიით დაცხრილეს და ქუჩაში გადააგდეს. უკანასკნელ ხანს იგი მუშაობდა საქართველოს მეცნიერებათა აკადემიის გულიას სახელობის აფხაზეთის ენის, ლიტერატურისა და ეთნოგრაფიის ინსტიტუტის მთავარ ბუღალტრად, ხოლო, როგორც თქვენთვის ცნობილია, ამ ინსტიტუტის დირექტორი იყო ძმათამკვლელი საზიზღარი არძინბა.

12 წელი იმუშავა მან ამ ინსტიტუტში, იმ ასაკიან ინსტიტუტში ჩემი ქალიშვილი იყო ერთადერთი ქართველი, რაც მოხსენიებული აქვს თავის საგაზეთო სტატიაში თბილისის ივანე ჯავახიშვილის სახელობის სახელმწიფო უნივერსიტეტის რექტორის ბატონ როინ მეტრეველს (იხ. ვაზეთი „კომუნისტი“, 1989 წ.).

ჩემი შვილი კარგი ავტორიტეტით სარგებლობდა როგორც ინსტიტუტში, ისე საქართველოს მეცნიერებათა აკადემიაში, რომლის შემადგენლობაშიც იგი შედიოდა. საკითხავია: მაინც რატომ მოკლეს ეს უმწვეო ქალი? როგორც გაირკვა, ავვისტოს შემდეგ აფხაზეთი აირია, გაჩაღდა ომი, არძინბა თავისი აფხაზეთითურთ გაიქცა გულაუთაში, ინსტიტუტი შეატოვა მის მოადგილეს ლიანას და ეს ინსტიტუტი ომის დღეებშიც მუშაობდა. ჩემი ქალიშვილი სოხუმში დარჩენილ თანამშრომლებს აძლევდა ხელფასს. ასეთ ვითარებაში მან, არ ვიცი ვისი შითითებით, თუ პირადი ინიციატივით, საქართველოს რესპუბლიკის თავდაცვის ფონდში ჩარიცხა 100.000 მანეთი. ისე მოხდა ოქტომბრის პირველ რიცხვებში. მას ერთდროულად გამოუტანია თანამშრომელთა ხელფასიც, რასაც ურიგებდა თანამშრომლებს გამოძახებით. როგორც შემდგომ გახდა ცნობილი ბანკის მემჯობით, ეს შეიტყვეს სოხუმში დარჩენილმა არძინბას ლაქიებმა და, როგორც ხანს, მოაწყვეს შეთქმულება ჩემი ქალიშვილის გასანადგურებლად, რაც სისრულეში მოიყვანეს კიდევ 1992 წლის 20 ოქტომბერს.

ამასთან, ყურადსაღებია ის ფაქტი, რომ 20 ოქტომბერს, როგორც კი მიიღეს ჩემი შეილი და მიზანს მიაღწიეს, მეორე საღამოს ცეცხლს მისცეს ანსტიტუტის შენობა, სადაც მუშაობდა ჩემი ქალიშვილი. ამბობენ, რომ ანსტიტუტსა და არქივის შენობაში, რომელიც დაწვეს, ინახებოდა საიდუმლო დოკუმენტები, რაც საბაბი გახდა მისი განადგურებისა.

ასე ტრაგიკულად დასრულდა ჩემი 43 წლის შვილის სიცოცხლე, რაც მან ზვარაკად შესწირა თავი საყვარელ საქართველოს და ქართველ ხალხს.

დიდი პატივისცემით ლიანა ეჯიბიას შამა.



**რამინ
ჰანაძე**

დაიბადა 1967 წელს ცაგერის რაიონის სოფელ ნასპერში. სწავლობდა ნასპერის რვაწლიან სკოლაში, რომელიც წარჩინებით დაამთავრა.

1987 წელს გაიწვიეს სავალდებულო სამხედრო სამსახურში, იმსახურა გერმანიაში, მიღებული აქვს მრავალი სიკველი.

1991-ში თავისი სურვილით განაგრძო სამსახური საქართველოს ეროვნული გვარდიის 28-ე ბატალიონში.

ამავე წლის 12 ივლისს დაიღუპა ოს ექსტრემისტებთან შეტაკებისას. სამარადისო იყოს მისი ხსოვნა!



**მიშიკო
ვარდიშვილი**

მიშიკო ვალერიის ძე ვარდიშვილი დაიბადა 1970 წლის 18 თებერვალს.

საშუალო სკოლის დამთავრების შემდეგ მოიხადა სავალდებულო სამხედრო სამსახური. სამსახურის მოხდის შემდეგ მუშაობდა გრიბოედოვის თეატრში, თან პარალელურად სწავლობდა თბილისის უნივერსიტეტის ბიზნესის სკოლაში. მეორე კურსზე იყო, როცა მისი მხედრულა ვალის მოხდა გახდა საჭირო საქართველოსათვის და ისიც მოხალისედ ჩაეწერა ბატალიონ „ავაზაში“.

ვაჟკაცურად იბრძოდა აფხაზეთში. ყველა საბრძოლო ოპერაციაში წინა ხაზზე იყო, რამდენიმეჯერ დაჭრილიც იყო, მაგრამ ბრძოლის უინი არ უცხრებოდა, ვერ ღალატობდა სამშობლოსა და მეგობრებს. აქი 2 ივლისს მიშიკო მეგობრების გადარჩენას შეეწირა, რამოდენიმე დაჭრილი თანამებრძოლის გამოყვანა შესძლო, თითონ კი სისხლის უკანასკნელ წვეთამდე ებრძოდა მტერს და გმირულად დაეცა ბრძოლის ველზე.

მიშიკომ ვერ მოასწრო ოჯახის შექმნა და მეგვიდრის დატოვება, ის კარადა, თითონაც დედისერთა იყო და ატრემლებულ ოჯახს მხოლოდ გმირის და ვაჟკაცის სახელი დაუტოვა – ცოტაა?

ზურაბ ვარსიმაშვილი

სერჟანტი ზურაბ ვასილის ძე ვარსიმაშვილი დაიბადა 1973 წლის 20 მაისს დღუშეთის რაიონის სოფელ ვარსიმაანთკარში. მსახურობდა ოპერატიული პოლკის სადესანტო-საიერიშო ბატალიონ „ღამურაში“.

დაიღუპა 1992 წლის 23 ნოემბერს, ტამიშთან.



ალექსანდრე ვანიშვილი

ალექსანდრე (ხანდრო) კონსტანტინეს ძე ვანიშვილი – მხატვარი. დაიბადა თბილისში 1960 წ. 31 ოქტომბერს.

მამა – იურისტი. დედა – ისტორიკოსი.

1977 წ. დაამთავრა თბილისის 53-ე საშ. სკოლა.

1977 წ. შევიდა და 1984 წ. დაამთავრა თბილისის სახელმწიფო სამხატვრო აკადემია, სახვითი ხელოვნების ფაკულტეტი, ფერწერის რესტავრაციის სპეციალობით.

1984 წლიდან – საქართველოს ახალგაზრდა მხატვართა კავშირის წევრი.

1984–1987 წლებში – მცხეთის რაიონის სოფ. ძველი ქანდის საშუალო სკოლის სახვითი ხელოვნების მასწავლებელი.

1989 წლიდან – პუშკინის სახელობის (1990 წლიდან სულხან-საბა ორბელიანის სახ.) სახელმწიფო პედაგოგიური ინსტიტუტის ხატვის კათედრის პედაგოგი.

1991 წ. დეკემბერს მოხალისედ იბრძოდა სამაჩაბლოში.

1992 წ. 13 აგვისტოს მოხალისედ წავიდა აფხაზეთში.

15 აგვისტოს ლესელიძესთან, დაბა განთიადში საქართველოს პირველი საზღვაო დესანტის გადასხმის დროს გმირულად დაიღუპა.

ჰყავს ცოლი და შვილი.

მონაწილეობდა სამხატვრო გამოფენებში:

1981 წ. – თბილისის სახელმწიფო სამხატვრო აკადემიის სტუდენტთა გამოფენა.

1983 წ. – საქართველოს სტუდენტთა ნამუშევრების გამოფენა (ბავშვთა მუზეუმის შენობაში).

1987 წ. აპრილში – საქართველოს მხატვართა რესპუბლიკური საგაზაფხულო გამოფენა (მხატვრის სახლში).

1987 წ. ოქტომბერში – საქართველოს მხატვართა რესპუბლიკური საგაზაფხულო გამოფენა (მხატვრის სახლში).

1988 წ. – იენისი – ახალგაზრდა მხატვართა ნამუშევრების გამოფენა ძველ თბილისში.

1988 წ. იელისი – გამოფენა ქ. ძნელაძეში.

1988 წ. იელისი – გამოფენა მოსკოვში.


1988 წ. სექტემბერი – ახალგაზრდა მხატვართა ნამუშევრების გამოფენა – გაყიდვა მოსკოვში („მზიურში“).

1991 წ. თებერვალ-მარტი – ავანგარდისტ მხატვართა გამოფენა თბილისში (მხატვრის სახლში).

1990 წ. – გამოფენა ქ. ზაგრებში (იუგოსლავია).

1990 წ. – გამოფენა ვენაში (ავსტრია, ფირმა „დარაბა“).

ალექსანდრე ვაჩეიშვილი სიკვდილის შემდეგ დაჯილდოვდა მედლით „მხედრული მამაცობისათვის“.



**მალხაზ
ვაჩეიშვილი**

დაიბადა 1953 წლის 19 სექტემბერს თბილისში. დედ-მამა – ლამარა და დანით ვაჩეიშვილები მხატვრები არიან. ჰყავს და. დაცოლშვილება ვერ მოასწრო. დაამთავრა 58-ე საშუალო სკოლა. სწავლობდა თსუ გეოგრაფიულ და სარეჟისორო ფაკულტეტებზე. მუშაობდა უნივერსიტეტში კათედრაზე და კინოსტუდიაში.


მალხაზ ვაჩეიშვილი თბილისელი დიმილიანო ბიჭი იყო, გამოირჩეოდა რომანტიკული ბუნებით. გატაცებული იყო მაღალი მწვერვალების დალაშქვრით,

შემოვლილი ჰქონდა მთელი საქართველო და შუა აზია. იღებდა ალპინისტურ
ლაშქრობებში მონაწილეობას.

იყო ეროვნულ-განმათავისუფლებელი მოძრაობის ერთ-ერთი მეთაური
მონაწილე. აფხაზეთის ომის დასაწყისიდან ჩაება ბრძოლაში დიხტანდოვსკიმდე
აარალი არ გაუშვია ხელიდან. 1992 წლის ოქტომბრის პირველ რიცხვებში ჩა-
მოაყალიბა ქართველ მამულთა კორპუსთან მთამსვლელთა დაზვერვით — მოიე-
რიშე ჯგუფი.

1992 წლის 28 ნოემბერს ტყვარჩელის მისადგომებთან, სოფელ ქეთევანას
დაცვისას შტაბიდან ტყვია-წამალი აიღო და განწირულ პოზიციაზე გადასვლით
მოისპო უკანდახვევის ყოველგვარი საშუალება და ამ თავდადებით შეაჩერა რამდენიმე
ხნით მტრის შემოსევა სოფელში. მტერმა მრავალჯერის მოთხოვა დანე-
ბება, მაგრამ მალხაზმა ბოლო ტყვიამდე იბრძოლა და უკაცნელი ხელეუობარის
სროლისას რამდენიმე მხრიდან გახსნილი ცეცხლით ჰაერშივე გაიყინა. მას სიყ-
ვარულით „ვაჩეს“ ვეძახდიო, ამბობენ ძმადნაფიცები.

სიკვდილის შემდეგ მიენიჭა ვახტანგ გორგასლის პირველი ხარისხის ორ-
დენი.



**ვაქარიან (ვახა)
ვეპხური**

დაიბადა 1969 წლის 1 აპრილს ქ. თბილისში მექანიკოს გიორგი ვეპხუ-
რის ოჯახში.

საბავშვო ბაღის შემდეგ ვაქარიან 1975 წელს შეიყვანეს თბილისის მე-4
საშუალო სკოლაში, სადაც გამოირჩეოდა ნიჭიერებითა და გონებამახვილო-
ბით. განსაკუთრებულ სიყვარულს იჩენდა უცხო ენებისადმი. ძალიან უყვარდა
გერმანული ენა და გერმანული ერი.

1976 წლიდან ზაზა ვარჯიშობდა საძალადევის მოჭიდავეთა კლუბში. სიჭიერი ახალგაზრდა მალე შეამჩნიეს და გადაიყვანეს ფალაენთა კლუბში. მის ყველა გამოსვლას ხალიჩაზე მაყურებელი ყოველთვის შეძახილით ეხვედრებოდა: „მიდი, ვეშაპ, მიდი...“ ასე შემორჩა მეტსახელად „ვეშაპა“. ზაზა ვარჯიშობდა ჯილდოებული იყო სიგელებით, დაბლომებით, მონაწილეობა მიღებული აქვს სხვადასხვა რანგის შეჯიბრებაში, კიევში, ხარკოვში, ბაქოში, ერევანში, მოსკოვში, საიდანაც ყოველთვის I და II ხარისხის დიპლომებით ბრუნდებოდა. 1987 წელს გაიწვიეს სავალდებულო სამხედრო სამსახურში. 1988 წელს მიენიჭა სპორტის ოსტატის წოდება, ხოლო 1989 წელს ჩააბარა მილიციის უმაღლეს სკოლაში. იმავე წლის 23 ნოემბრიდან იგი სამშობლოს სადარაჯოზე იდგა ცხინვალის რევიონში, სადაც განსაკუთრებული სიმამაცით გამოირჩეოდა.

1990 წლის ოქტომბერში დაოჯახდა. 1991 წლის 23 აგვისტოს შეეძინა ნაჟი, რომელსაც თავისი გარდაცვლილი ძმის სახელი – თემური დაარქვა.

1992 წლის 25 აგვისტოს აფხაზეთში, გაგრაში წასვლა გადაწყვიტა.

სალამოს მეგობრების წრეში საქართველოზე, მის მომავალზე ლაპარაკობდა. თავისი პატარა თემური ჩააბარა ბავშვობის მეგობრებს: „ბიჭებო, მე ისეთ ცხელ წერტილში მივდივარ, შეიძლება ვერ დავბრუნდე და, თქვენ იცით, არავის დააჩაგვრინოთ ჩემი შვილებიო“. 26 აგვისტოს გამოეთხოვა ფეხმძიმე მუულღეს და გაგრაში წავიდა. ისე წავიდა, რომ მშობლებს არ გამოეთხოვა. იფიქრა გავუპარებო. არ წაიყოლა დედის ალერსი, დედის ლოცვა.

საბედისწერო გამოღვა მისთვის საქართველოს ეს ლამაზი ქალაქი. 29 აგვისტოს გაგრაში გათენდა მისთვის უკანასკნელი დღია. კოლხიდაში, საბრძოლო პოზიციის დაცვისას, გმირულად დაეცა ზაზა ვეშაპური. გააფთრებული ებრძოდა თურმე ვერაგულად, ზურგიდან შემოპარულ მტერს. როგორც მისი თანამებრძოლები ჰყვებიან, ტყვიანაკრავი მაინც ვაჟკაცური იბრძოდა „პირველკურსელები გააცილეთ აქაურობას, ჩვენ არაფერი გვიჭირსო...“ მუხანათურად ზურგიდან მიუშვეს ავტომატის ჯერი. ასე მარტო, უპატრონოდ იწვა სამი დღის განმავლობაში, მტრის გარემოცვაში. თბილისში კი... თბილისში მის ჩამოსვენებას ელოდნენ გამწარებული დედ-მამა და ახლობლები. სამი დღის შემდეგ დახურული კუბოთი ჩამოასვენეს. მშობლებმა ვერ ნახეს მათი გმირულად დაღუპული ვაჟკაცის სახე, დედა ვეღარ მოეფერა უკანასკნელად.

წავიდა და თან წაიყოლა თავისი ერთი წლის „ბომბორას“ დარდი. მისაჯერ დასაბადებული პაწიას სიხარული, როგორც თვითონ ამბობდა, „პატარა ზაზა“... და ტირის ზაზა ვეშაპურის დედა თავის ორ ვაჟკაცს და ერთადერთი, რაც მის ცხოვრებას აზრს და მიზანს უბრუნებს, ის არის პატარ ზაზა, ვეშაპურის ჯიში და ჯილაგი რომ უნდა გააგრძელოს და გაამრავლოს!

დაჰკარით, ძმებო, დაჰკარით,
 ჩვენს ხმლებს მტრის სისხლი ნუ მოშვიდებთ,
 სულ იკაშკაშებს ჩვენი ვარსკვლავი,
 ჩვენს საარაკო ვპირებს დიდება!
 რა შეედრება იმ წმინდა ღამეს,
 როს ომგადახდილთ შეგვარხევს ქარი,
 და განა კიდევ იქნება რამე,
 გამარჯვებულთა სიმღერის დარი?
 დღევრძელი იყო ჩვენი მამული,
 არ მივაკაროთ მის ნათელს ჩრდილი.
 როგორ ინათებს ცა შეწამული
 მტრის დამარცხების პირველი დილით!
 მიწა თვალს გახსნის, წყნარი და მშვიდი
 მამულიშვილთა ნახვის მსურველი.
 რარივ იფეთქებს პირველი კვირტი,
 და რა იქნება მისი სურნელი!
 მზე რტოებს აყრის ადიდებული
 შრიალთ, მტვრევით, კორიანტელთ,
 და რა იქნება, რა დიდებული
 იმ გამარჯვებულ დღეთა ნათელი!
 დაგვიბრუნდება მშვიდობის დღენი,
 გაიფანტება ღრუბლები მტრისა.
 და რა იქნება, ბიჭებო, ჩვენი
 შემახილი და სოფელში მისვლა!
 ჩვენზე იტყვიან შვილიშვილებიც,
 წინაპრები რომ ვყავდით ქებულნი:
 მტერს შევეტაკეთ ფრთაგამლილები,
 ბრძოლაში ცეცხლად აფეთქებულნი.
 დაჰკარით, ძმებო, უფრო დაჰკარით,
 ტყვიას მტრის სისხლი ნუ მოშვიდება.
 სულ იკაშკაშებს ჩვენი ვარსკვლავი,
 ჩვენს საამაყო მამულს დიდება!

ალექსანდრე სანაია



**პაატა
ზაზიკაშვილი**

დაიბადა 1962 წელს ქ. ხაშურში.

მხედრიონის წევრია მხედრიონის დაარსების დღიდან. იბრძოდა ყოფილ სამხრეთ ოსეთში, გაგრაში და, ბოლოს, ოჩამჩირეში.

დაჭრილი იყო ორჯერ.

სეპარატისტებმა აფხაზეთში ბრძოლის დროს იგი 5 მილიონ მანეთად შეაფასეს, მას კი სახელმწიფოსაგან ბრძოლის საფასურად კაპიციც არ მიუღია (რათქმა უნდა, არც უთხოვია).

დაიღუპა 1992 წლის 5 ნოემბერს ოჩამჩირის რაიონის სოფ. არადუში. აფეთქდა ნალშე დიდი ოპერაციის შესრულების დროს. დაჭრილი მოიპარეს აფხაზმა სეპარატისტებმა, აწამეს მომაკვდავი და ორი დღის შემდეგ ცოცხალ ტყვეებში გაცვალეს.

პაატა ზაზიკაშვილს დარჩა მეუღლე – ლია ნადირაძე. და ორი მცირეწლოვანი ვაჟი – გურამი (8 წლისა) და ლაშა (7 წლისა).

სამშობლო არ დაივიწყებს თავის ღირსეულ შვილს – პაატა ზაზიკაშვილს.



დათო ზარდიაშვილი

დათო (პაატა) თამაზის ძე ზარდიაშვილი დაიბადა ქ. თბილისში, 1963 წლის 15 სექტემბერს, მოსამსახურის ოჯახში.

პაატა რქმევია მის წინაპარ პაპას, რომელიც დიდ ერეკლეს ხლებია ბრძოლებში, ამიტომ საგვარეულო ხმალიც დათოს (პაატას) ხვდა წილად.

ეს სახელი ყოველთვის შიშს მგვრიდა, ამიტომ ვარჩიე დავითით, — ასე გახდა ბიჭი ორსახელა.

3 წლის ასაკში ბებიამ წერა-კითხვა შეასწავლა. 5 წლისა უკვე სკოლაში წავიდა, 16 წლისამ დაამთავრა თბილისის 87-ე საშუალო სკოლა წარჩინებით და იმავე წელს ჩაირიცხა თბილისის პოლიტექნიკური ინსტიტუტის სამშენებლო ფაკულტეტზე.

1985 წელს წარჩინების დიპლომით დაასრულა აღნიშნული ინსტიტუტის სრული კურსი და ინგლისური ენის მეორადი ფაკულტეტი. დიდ ცხოვრებისთვის უკვე მზად იყო, მაგრამ დაოჯახება ვერ მოასწრო. გახლდათ შესანიშნავი მოცურავე, ფოტოგრაფი, მხატვარი, მებაღე და კიდევ რა არ იცოდა, ქარგავდა კიდევ. საბედისწერო შემთხვევა რომ არა, რამდენს შესძენდა ის თავის ქვეყანას!

1989 წლის 9 აპრილის ტრაგედიამ შესძრა 26 წლის ახალგაზრდის ნატიფი სული, მან რაღაც დიდის მოახლოება შეიგრძნო, სამჯერ იწინასწარმეტყველა თავისი სიკვდილი, ამ დროისათვის ყველა საბუთი მზად ჰქონდა გერმანიაში სამუშაოდ წასასვლელად და, უცებ, როდესაც ეროვნული ცეცხლი დაეთო საქართველოში, მან განაცხადა: საქართველოდან წასვლა ახლა ღალატის ტოლფასიაო.

1990 წლის 12 დეკემბერს პაატას წმინდა სისხლმა შელება ცხინვალის ცენტრალური მოედანი — დღისით-მზისით.

ოსი ექსტრემისტების ხელით ვერაგულად გასროლილმა ტყვიამ სიცოცხ-
ლე მოუსწრაფა ორ ქართველ ვაჟკაცს — დათო ზარდიაშვილსა და რეზო ური-
დიას.

ორი ქართული სანთელი ერთად ჩააქრეს. ერთი პაატა კრავიჭიძე
შეწინა საქართველოს თავისუფლებას!

მას სიკვდილის შემდეგ გვარდიელის საპატიო წოდება მიენიჭა.

ვაი, ბედკრულო საქართველოვ, შენ ამ უთანასწორო ბრძოლაში ყველაზე
კარგი შვილები დაჰკარგე, მაგრამ ისინი კიდეც დაიზრდებიან!

ლალი შრანგიშვილი



თამაზ
ზორიანი

დაიბადა 1969 წლის 8 დეკემბერს ქალაქ თბილისში. 1976 წელს შევიდა
თბილისის 122-ე საშუალო სკოლაში. 1985 წელს დაამთავრა 9 კლასი, იმავე
წელს შევიდა თბილისის 71-ე პროფტექნიკურ სასწავლებელში. გაიარა სრული
კურსი, გახდა დურგალი — ხის დამმუშავებელ საწარმოებში უნდა ემუშავა.

სამხედრო სავალდებულო სამსახურში გაიწვიეს 1988 წელს. იყო სწავლური მსროლელი. ვალდობდილი ჩამოვიდა 1990 წელს. იმსახურა მონღოლეთში. 1991 დაამთავრა მძღოლის კურსები.

1992 წლის ოქტომბერში გაიწვიეს აფხაზეთში საბრძოლველად. მონაწილეობდა ბერს სოფელ შრომასთან შეტაკების დროს ბრძოლაში გმირულად დაიღუპა.



მამუკა ზურაბაშვილი

დაიბადა 1972 წელს. სკოლა დაამთავრა 1989 წელს. 1990 წელს გაიწვიეს რუსეთის ჯარში, ორი კვირის შემდეგ დატოვა ნაწილი და დაბრუნდა სახლში. ეროვნული გვარდიის შექმნისთანავე წავიდა გვარდიაში. მსახურობდა ტყიბულის ბატალიონში. 1991 წლის აგვისტოში თენგიზ კიტოვანის ბრძანებით წავიდა შაენაბადაზე. ეროვნული გვარდიის გაუქმების შემდეგ დაბრუნდა სახლში. 1992 წლის მარტში ხელახლა წავიდა გვარდიაში — ამჯერად თერჯოლის ნაწილში. აქედან ერთი თვით გადაიყვანეს ცხინვალის რეგიონში, ხოლო აგვისტოს თავიდან — სოხუმში. 1992 წლის 24 აგვისტოს მტერთან ბრძოლაში გმირულად დაიღუპა.



იური თაბაგარი

ახლადგაჭრილ ხაფლაოთან კიდევ ერთხელ აკაკანდნენ მრავალჭირგამოვლილი სამშოს ავტომატები და სევდიანად გაყუნდნენ. გახურებული ლულებიდან ამომავალი ლურჯი ბოლი კი ზანტად შეერია ისეც გახურებული ივლისის თაკარა ცას. ცრემლს გზა ჰქონდა გახსნილი, სევედა კი უსასრულო იყო.

კიდევ ერთი ფურცელი გადაიშალა მისი მოკრძალებული, ჰატარა ისტორიისა, რომელიც დიდი სიყვარულითა და ვაჟკაცობით იყო სავსე. კიდევ ერთი სამშობლოსათვის დაღუპული ქართველი მეომრის სიცოცხლე მიითვალა ზენარმა, ხოლო ტყვეებით დაფლეთილი სხეული მშობლიური თაბაგრების მიწის საკუთრება გახდა.

იური თაბაგარი ჭიათურის ზონის სოფელ თაბაგრებში დაიბადა 1961 წლის 6 სექტემბერს. ხალიფაურის საშუალო სკოლის დამთავრების შემდეგ, ერთხანს ა. წერეთლის სახელობის მაღაროთა სამმართველოში მუშაობდა კვირაგამყვანად, 1989 წლიდან კი აქტიურად ჩაება ეროვნულ მოძრაობაში, მისი საბრძოლო გზა „თეთრი გიორგის სადროშოდან“ დაიწყო, 1992 წლის მარტიდან კი იგი უკვე ბატალიონ „ავაზას“ წევრია, რომლის დღევანდელი მეთაური, ბატონი ტრისტან წითელაშვილი, იურის დაკრძალვის დღეს დიდი ტკივილით იხსენებდა, თუ როგორ გამოიყვანა დაჭრილი მეთაური (ბატონი ტრისტანი) იურიმ ცეცხლის ხაზიდან და, რომ არა იურის ვაჟკაცობა, შეიძლება დღეს ცოცხალი აღარ ვყოფილიყავით, დაუმატა შემდეგ.

ბატონი ტრისტანის სიტყვები ჭეშმარიტებას ღალადებენ. იურის დიდი და კეთილი გული ჰქონდა. მას არ შეეძლო გულგრილი ყოფილიყო გაჭირვებაში ჩავარდნილი ადამიანის მიმართ. ასეთი დარჩა ბოლომდე. დარჩა კიდევ ახალგაზრდა ქალი, სიყვარულაკარგული, მაგრამ დიდ სიყვარულს ნაზიარევი თინათინი

იურის მეუღლე და სამი პატარა თბოლი: შალვა, გიორგი და ზათუნა. მათ უმანკო ცრემლიც გაჰყვა უდროოდ დაღუპულს სამარადისო გზაზე. მშობლები აი... მათი წუხილი უსასრულო და უიმედო დარჩება ბოლომდე.

სამძო-სამეგობროც დიდი ჰქონდა იურის ცხოვრებაში. მის საფლავზეც მართული გრანიტის სამახსოვრო სურათიც, ამის ნათელი დადასტურებაა. „სოფლის ახალგაზრდებისაგან“ ასეა აღნიშნული ქვაზე ამოკვეთილი სურათის ქვეშ. გარდა ამისა იურისავე საფლავზე იცლება ზოლმე მეგობრებისაგან მოტანილი ხსოვნის სასმისებიც. სანთელ-საკმეველი თავის გზას არ დაკარგავს.

იური თაბაგარის ნათელი სულიც მაშინ მოისვენებს, როცა ამქვეყნად ბოროტება მოისპობა, სიკეთე იზვიმებს, საქართველო დიდი, ძლიერი, ერთმორწმუნე და მოყვასის გამტანმოჭირნახულე გახდება.

ისიც ხომ სწორედ ამაზე ოცნებობდა.



**გიორგი
თარხნიშვილი**

გიორგი ნოდარის ძე თარხნიშვილი დაიბადა 1973 წლის 30 ივნისს, მოსამხაურის ოჯახში. სწავლობდა თბილისის 107-ე საშუალო სკოლაში. ძალზე უყვარდა სამშობლო, თანაკლასელები, მასწავლებლები, პოეზია. შესანიშნავად კითხულობდა ლექსებს და გმირობაზე ოცნებობდა.

სულსწრაფი იყო ვია. ალბათ, გული უგრძნობდა, რომ მისი სიცოცხლე მხოლოდ 20 ლამაზ გაზაფხულს გაივლიდა და უკვე 15 წლის ასაკში შეერთო მეუღლე, რომელიც წრფელი გრძნობით უყვარდა. შეიქმნა კიდევ ერთი ლამაზი ქართული ოჯახი, რომელიც ბედნიერ მომავალზე ოცნებობდა. სულ მალე მათ ქალ-ვაჟი ციციო და, დავითი შეეძინათ.

ვაჟაკური ბუნების ვია კატაცებული იყო სპორტიო. „დოშინკაში“ „შავი ქამრის“ მფლობელი იყო. ვიამ სამსახურიც რაინდული აირჩია: მუშაობდა კო-ოპერატიულ ფირმა „დეტექტივისა“, შემდეგ დეტექტიურ საზოგადოებაში „დეტექტივის“ რომელსაც მთელი პასუხისმგებლობის გრძნობითა და თავგანწირვით მუშაობდა.

1992 წლის 1 ივლისიდან ვიამ მუშაობა დაიწყო თავდაცვის სამინისტროს სპეციალური დანიშნულების მთავარ სამმართველოში. მალე ზემდევი გახდა. ლამაზ ვაჟაკს სამხედრო ფორმა ძალზე შეენოდა. საიდუმლო დავალებებს პირ-ნათლად ასრულებდა და თითქმის მთელ სამხედრო ტექნიკას შესანიშნავად ფლობდა. ამიტომაც სულ მალე უფროსების ნლობა და მეგობრების სიყვარულა დაიმსახურა.

დაიწყო აფხაზეთის ომი. საქართველოს მთლიანობას საფრთხე დაემუქრა. ვია თანამებრძოლეთან ერთად უყოყმასოდ წავიდა ოჩამჩირეში. 1993 წლის 23 აპრილს მტრის ტყვიით გულგანგმირული დაეცა ბრძოლის ველზე. ხანმოკლე, მაგრამ ღირსეული ცხოვრებით იცხოვრა და ამიტომაც უდავოდ დაიმსახურა „ღირსების ორდენი“.

სულიკო თევდორაშვილი

დაიბადა 1967 წლის 21 ივნისს, თბილისში. 1973 წელს შევიდა თბილისის 99-ე საშუალო სკოლაში, აქ რვა კლასის დამთავრების შემდეგ სწავლა განაგრძო პროფტექნიკურ სასწავლებელში.

1985 წელს დაქორწინდა ინგა შპონიაიზე. ჰყავთ ორი შვილი: 8 წლის იური და 5 წლის ეკატერინე.

1987 წელს მუშაობა დაიწყო საქართველოს კავშირგაბმულობის სამინისტროს ავტობაზაში მძღოლად, ხოლო 1988 წლიდან მძღოლ-მეხანძრედ სახანძრო დაცვაში.

1992 წლის 19 სექტემბერს საქართველოს მტრების წინააღმდეგ საბრძოლველად წავიდა აფხაზეთის რეგიონში.

1992 წლის 15 სექტემბრიდან მსახურობდა საქართველოს რესპუბლიკის შეიარაღებული ძალების განსაკუთრებული დანიშნულების ბატალიონში.

დაიღუპა 1992 წლის 2 ოქტომბერს ქალაქ ვაგრაში.

სულიკო თევდორაშვილი იმისთვის იბრძოდა და იმ ნათელ მიზანს შეეწირა, რომ მისმა შვილებმა თავისუფალ, მშვიდობიან, დემოკრატიულ საქართველოში იცხოვრონ.

გვწამს, რომ ეს ასეც იქნება!


სულიკო თევდორაშვილი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



**მირიან (მალნაშ)
თეთრაძე**

დაიბადა ქ. თბილისში (ჩუღურეთის რაიონში, გოგოლის ქ. № 48-ში) 1951 წლის 7 სექტემბერს. პროფესიით ინჟინერი, მუშაობდა რადიოქარხანაში, ფერადი ტელევიზორების სააპქროში, ინჟინრის თანამდებობაზე. სადაც კი უმუშავია, თავისი შრომისმოყვარეობით, ადამიანური და საქმიანი თვისებებით საყოველთაო სიყვარულსა და პატივისცემას იმსახურებდა. იგი იყო ჩუმი, მოკრძალებული პიროვნება. ბოლოს სწავლობდა იურიდიულზე და მუშაობდა საქართველოს რესპუბლიკის უშიშროების პოლიციის უმაღლეს სკოლაში კურსის უფროსად. იყო მაიორი. 26 აგვისტოს შეიქმნა კურსანტთა ასეული და გაემგზავრენ გაგრაში, 29-ში, დილით სოფელ კოლხიდასთან აფხაზი სეპარატისტებისა და გადამთიელი ბანდიტების წინააღმდეგ უთანასწორო ბრძოლაში კურსის 11 მსმენელთან ერთად სამშობლოს ტერიტორიის ხელმყოფლებთან ბრძოლაში გამირულად დაეცა ბრძოლის ველზე. ისე დაიცალა სისხლისაგან, რომ არ მოსცილებია მის მიერ დამოძღვრილ და დაფრთიანებულ მეომრებს. იყო სპიტიკში, სამაჩაბლოში, ცხინვალში, ბოლოს, აფხაზეთში. სწორედ აფხაზეთში დაამთავრა თავისი სიცოცხლე. ზვედრი ერთი იყო სუყველასათვის — წამებული საქართველოსთვის წამებით სიკვდილი. ყველა გაჭირვებაში ერთგულად გამსახურა თავის ქვეყანას.

სამარადისო იყოს მისი ხსოვნა!




მერაბ თინიკაშვილი

მერაბ სარდიონის ძე თინიკაშვილი დაიბადა 1961 წლის 4 იანვარს გორის რაიონის სოფელ ღვარებში, ვლევკაცის ოჯახში, 1968 წელს შევიდა გორის რაიონის სოფელ ატენის სკოლა-ინტერნატში. 1976 წელს, 8 კლასის დამთავრების შემდეგ, შევიდა სოფელ ხიდისთავის პროფტექნიკურ სასწავლებელში, სამხედრო სამსახურის მოხდის შემდეგ დაეუფლა ელმავლის მემანქანის პროფესიას და 1988 წელს მუშაობა დაიწყო თბილისის დეპოში ჯერ მემანქანის თანაშემწედ, მერე — მემანქანედ.

1988 წელს ჩაება ეროვნულ-გამათავისუფლებელ მოძრაობაში. როგორც კი ცხინვალში ოსმა ექსტრემისტებმა დაიწყეს ქართველი მოსახლეობის შევიწროება, შევიდა გორის მე-11 გვარდიაში ოფიცრის თანამდებობით და იბრძოდა ჩვენი მიწისა და ხალხის მტრების წინააღმდეგ. 1992 წლის თითქმის ივნისამდე იბრძოდა ცხინვალში, ხოლო ივნისიდან 10 აგვისტომდე წესრიგს იცავდა გორის შემოსასვლელში. 11 აგვისტოს წავიდა აფხაზეთში საბრძოლველად, სადაც ცეცხლის ხაზზე იბრძოდა თავდაუზოგავად. 23 აგვისტოს ღამით, როცა ბზიფის ხიდს იცავდნენ, ის და მისი გვარდიელი ალყაში მოაქციეს და იქ დაიღუპნენ.

მერაბ თინიკაშვილის სახელს თავისუფალ, დემოკრატიულ საქართველოში სიყვარულითა და მადლიერების კრძნობით მოიხსენიებენ.



ჰანო თოღაძე

ვანო გივის ძე თოღაძე დაიბადა 1960 წელს გორის რაიონის სოფელ ზერტში. 1979 წელს დაამთავრა საშუალო სკოლა, შემდეგ გაიწვიეს საბჭოთა არმიაში.

სამხედრო ვალდებულების მოხდის შემდეგ მუშაობა განაგრძო სოფლის მეურნეობაში მექანიზატორად. 1986 წელს თავი დაანება მექანიზატორობას და სამსახური განაგრძო ელმავალმშენებელ ქარხანაში მუშად.

1987 წელს დაქორწინდა და დაბრუნდა ისევ სოფელ ზერტში, ისევ მექანიზატორად განაგრძო მუშაობა.

1992 წლის 17 დეკემბერს შევიდა „თეთრი არწივის“ ლეგიონის თათრასვილის ბატალიონში (I ბატალიონი).

1993 წლის 4 ივლისს მტერთან შეტაკების დროს გმირულად დაეცა ბრძოლის ველზე ტამიშში.

* * *

სიკვდილო

სიკვდილო, სიცოცხლისადა
თავს როდი მოგცემ მუდამა,
წავალ, მინდორში მოვკვდები,
შამბი მექნება სუდარად!
კაჭკაჭნი დამიტირებენ,
ყორნები მოვლენ მუდამა!

(ხალხური)



გრიგოლ თოთაძე

დაიბდა 1956 წლის 17 მარტს, ქ. სამტრედიაში, მოსამსახურის ოჯახში.

მამა – გიორგი თოთაძე იყო მოსამსახურე. გარდაიცვალა 1989 წელს.

დედა – თინა ჯანჯალია იყო მოსამსახურე. გარდაიცვალა 1990 წელს.


ძმა – ირაკლი თოთაძე ტრაგიკულად დაიღუპა 1991 წელს.

1963 წელს გრიგოლი შევიდა ქ. სამტრედიის IV საშუალო სკოლაში, რომელიც დაამთავრა 1973 წელს. 1974 წელს შევიდა საქართველოს სუბტროპიკული მეურნეობის ინსტიტუტში ტექნოლოგიის ფაკულტეტზე. პარალელურად მუშაობდა ქ. სამტრედიის ყველ-კარაქის კომბინატში საწყობის გამგედ.

1978 წელს დაქორწინდა ლავანდა ჩიქოვანზე. 1979 წელს შეეძინა ქალიშვილი – მარიეტა, 1984 წელს ვაჟი – ირაკლი.

გრიგოლი ყველაფერს აკეთებდა იმისათვის, რომ თავისი ღირსეული წვლილი შეეტანა სამშობლოს თავისუფლებისთვის ბრძოლაში. ასე იყო ახლაც, როცა აფხაზეთის მიწაზე იბრძოდა და მაშინაც, როცა სამაჩაბლოში ქართველებს ედგა მხარდამხარ მშობლიური მიწის დასაცავად. გრიგოლ თოთაძე 1992 წლის 12 ოქტომბერს გაიწვიეს საქართველოს მთლიანობის დასაცავად. იბრძოდა ოჩამჩირის რაიონის სოფ. ტაშიშთან ქუთაისის 21ე ბატალიონის შემადგენლობაში და გმირულად დაეცა ბრძოლის ველზე 1992 წლის 2 ნოემბერს. ის ამ დროს ათმეთაური იყო.

დასაფლავებულია ქ. სამტრედიაში, ილორის სასაფლაოზე.



გიორგი თაქთაქიშვილი

გიორგი (გერა) გვიის ძე თაქთაქიშვილი დაიბადა 1969 წლის 8 ხექტემბერს თბილისში.

1986 წელს დაამთავრა თბილისის 33-ე საშუალო სკოლა. ამავე წელს რუსთაბა დაიწყო დიდუბის რაიონის სასკოლათაშორისო საცურაო აუზის თანამშრომლად.

1992 წელს, მარტში მოხალისედ შევიდა პირველი საარმიო კორპუსის პირველი ბრიგადის მე-3 სპეცდანიშნულების ბატალიონში.

სწრაფი რეაგირების კორპუსის პირველი ბრიგადის მე-3-ე ბატალიონის რეზერვული გიორგი თაქთაქიშვილი გმირულად დაეცა მტერთან შეტაკებისას სოფელ ძველ კინდლში.

დარჩა მეუღლე და ერთი წლის შვილი ნინო.

მსუბუქი იყოს მისთვის საქართველოს მიწა.

გელა თუთარაშვილი

გელა, ჩვენო მოურჩენელო ტკივილო, გამწარებული მშობლების ერთადერთო იმედო, სამშობლოზე უსაზღვროდ შეყვარებულო და მისთვის თავგანწირულო, 14 მარტს შენს საფლავზე შევიკრიბებით, მოვილოცავთ დაბადების დღეს, 21 წლის ვაჟკაცო.

გელა, შენ გმირი ხარ, რადგან სამაჩაბლოში ერთ დღესაც არ მიგიტოვებია შენი ვადამწვარი სახლ-კარი. დღე და ღამე ტყვიის წვიმაში დარაჯად ედექი შენს საფიცარ თამარაშენს, აკი დაგჭრეს კიდევ არაკაცებმა სოფელზე ერთ-ერთი თავდასხმის დროს...

ჭრილობა ახალი მომუშებელი გქონდა და აფხაზეთში წახვედი-მობალის კედ. ლესელიძესთან მოგისწრო მტრის ტყვიამ. შენი დასახინრებული სხეული გულში ჩაიკრა სამაჩაბლოში ნატყვიარმა მიწამ, შენმა სპეტაკმა სულმამა ჩქარა წაიღო თელში დაიმკვიდრა მარადიული ადგილსამყოფელი.

იძინე მშვიდად, თამარაშენელო გმირო. გწამდეს, რომ შენი სამშობლო იქნება მთლიანი და განუყოფელი, ძლიერი და აყვავებული.

ღმერთმა გააძლებინოს შენს გაუბედურებულ მშობლებს. მუდამ ნათელში ამყოფოს ღმერთმა შენი ლამაზი სული.

ნუნუ ბახტაძე, მანანა ბაღდავა, მანანა კობიაშვილი.



**მამუკა
თუშიშვილი**


დაიბადა 1962 წლის 19 ივლისს თბილისში. სწავლობდა 134-ე საშუალო სკოლაში. 1984-88 წწ. მსახურობდა საბჭოთა არმიის რიგებში. სწავლობდა საქართველოს ფიზიკური კულტურის ინსტიტუტში. იყო სპორტის ოსტატი კლასიკურ ჭიდაობაში.

მსახურობდა საქართველოს რესპუბლიკის შეიარაღებული ძალების განსაკუთრებული დანიშნულების ბატალიონში (ლეიტენანტი).

დაიღუპა 1992 წლის 4 ოქტომბერს.

გაიყვანეს გუდაუთის საკონცენტრაციო ბანაკიდან და დახვრიტეს.

მამუკა თუშიშვილი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



თაიგურაზ იარღანაშვილი

დაიბადა 1959 წლის 10 იანვარს, ქ. თბილისში.

1976 წელს დაამთავრა თბილისის 132-ე საშუალო სკოლა.

1977-79 წლებში მუშაობდა რუსთაველი გაერთიანება „აზოტში“.


1982-87 წლებში სწავლობდა თბილისის სახელმწიფო უნივერსიტეტში.

უნივერსიტეტის დამთავრების შემდეგ 1990 წლის ნოემბრამდე მუშაობდა სახელმწიფო უნივერსიტეტის ცენტრალური საწყობის გამგედ.

1990 წლის სექტემბერ-ოქტომბერში სამაჩაბლოში ოსი ექსტრემისტების გააქტიურებული მოქმედების შემდეგ თემურ იარღანაშვილი სამშობლოს სიყვარულმა წაიყვანა სოფელ ოქონაში, სადაც 1990 წლის ნოემბრიდან 1991 წლის 21 მაისამდე იბრძოდა და იცავდა მშობლიურ მხარეს. ჯერ კიდევ იანვარში ოსი ექსტრემისტებმა დაურბიეს და გადაუწყვეს მამაბაბისეული სახლ-კარი.

1991 წლის 21 მაისს თემურ იარღანაშვილი მოკლეს სოფ. კოდაში. თემურის დაღუპვის ეპიზოდი ასე გადმოგვცეს ამ ამბის დამსწრეებმა:

1991 წლის 21 მაისს თემურის მებრძოლი ჯგუფი სოფელ ოქონადან სოფელ კოდაში ჩავიდა. იმ პერიოდში ხშირი იყო ქართული სოფლების დარბევის ფაქტები. სოფელში მიცვალებული უნდა დაეკრძალათ. დაკრძალვის დროს სოფელში ორი „ბტრ“ შემოვიდა, რომლებშიც რუს ჯარისკაცებთან ერთად ოსი ექსტრემისტებიც იხსდნენ. მათ უნდოდათ მძევლების აყვანა. ქართველებმა წინააღმდეგობა გაუწიეს. „ბტრ“-ებმა უკან დაიხიეს და სოფლიდან გავიდნენ. მაშინ თემურმა და მისმა ძმებმა გადაწყვიტეს სოფელში შემოსასვლელი მეორე გზა გადაეკეტათ, რათა აქედან არ განმეორებულიყო თავდასხმა და ქართველებს ჰქონოდათ საშუალება გაეპატიოსნებინათ მიცვალებული. „ბტრ“-ები მართლაც მეორე გზიდან აპირებდნენ შემოსვლას. ქართველმა მებრძოლებმა წინააღმდე-



გობა გაუწიეს. თემურს იარაღმა უმტყუნა, მისი ავტომატი მეორე გასროლაზე
წყობრიდან გამოვიდა. თემური ადგილზე მოკლეს. რამდენიმე მეზობელი დააჭ-
რა. ასე დასრულდა თემურის ხანმოკლე, მაგრამ სამშობლოსა და სამშობლოს
კარულით აღსავსე სიცოცხლე.

* * *

ძე დედის გულში ვიქნები,
ძილსაც არ დაიძინებსა,
ვენაცვალე ძუძუს გამზრდელსა,
გულით ეგ დამიტირებსა...



დოენტი ივანე

დაიბადა 1961 წლის 25 სექტემბერს, ქ. თბილისში.

1967 წელს შევიდა ქ. თბილისის 53-ე საშუალო სკოლაში, რომელიც დაამთავრა 1978 წელს. სკოლის დამთავრების შემდეგ დაიწყო მუშაობა სასოფლო-სამეურნეო ინსტიტუტში, ლაბორანტის თანამდებობაზე.

1979 წელს გახდა ამავე ინსტიტუტის სატყეო ფაკულტეტის დაუსწრებელი განყოფილების სტუდენტი. 1980 წელს გაიწვიეს სამხედრო სავალდებულო სამსახურში.

1986 წლიდან გვარდიის რიგებში შესვლამდე მუშაობდა საქსოფმშენის საქსოფმშენდეტალის ინჟინრად.

ამავე დროს იყო სპორტსმენი-ცხენოსანი.


საქართველოს წინააღმდეგ წამოწყებული ომის აღსაკვეთად მთავრობის მოწოდებით მონაწილეობა მიიღო ამ ომში, ახალგაზრდობას იგი ერთ-ერთი პირველი გამოეხმაურა და დაინიშნა № 101 მოხალისეთა ბატალიონის ოცეულის მეთაურად.

ერთ-ერთი შეტაკების დროს, 13 ნოემბერს 1992 წელს მძიმედ დაიჭრა სოფ. კოლხიდასთან და გარდაიცვალა 1992 წლის 18 ნოემბერს ქ. გვარის საავადმყოფოში.



**გაბა
იმერლიშვილი**

გაბა თარიძანის ძე იმერლიშვილი, შინაგანი უარების საპატრულო პოლიციის სერჟანტი. გმირულად დაიღუპა 1993 წლის 2 ივნისს ოჩამჩირის რაიონის სოფელ კინდღში.



**რომან
იოსელიანი**

დაიბადა 1971 წლის 27 თებერვალს, ოჩამჩირის რაიონის სოფელ კონარაში.

1988 წელს დაამთავრა კონარის რუსთაველის სახელობის საშუალო სკოლა.

1989 წლის მაისში გაიწვიეს სავალდებულო სამხედრო სამსახურში, ორი წელი იმსახურა სახალისის ნახევარკუნძულზე. 1991 წლის მაისში დატოვა სამხედრო სამსახური და დაიწყო სოფელში.

1992 წლის აგვისტოდან ირიცხებოდა ადგილობრივ ქართულ გვარდიაში, იცავდა სამშობლოს. საკუთარ სოფელს, სადაც დაიბადა და გაიზარდა და სადაც ჰყოფდა საბოლოო სასუფეველი.

1992 წლის 18 ოქტომბერს ტყვიის მსხვერპლი გახდა.

იმედა ირემაძე

იმედა ენთაზის ძე ირემაძე დაიბადა 1967 წლის 13 ივლისს ცაგერის რაიონის სოფელ ნასპერში. დედამისი დალი ვარლამის ასული ჩხეტიანი და მამამისი ენთაზი სოფლის მეურნეობაში დასაქმებული, ალალი და პატიოსანი მშრომელი ადამიანები არიან. იმედამ ბავშვობა ამ სოფელში გაატარა. სწავლობდა ნასპერის არასრულ საშუალო სკოლაში, იყო საოცრად გულისხმიერი, პატიოსანი, სულგრძელი ბავშვი. უყვარდა სუსტების გამოსაჩნლება, ყოველგვარ საქმეში ახსიათებდა პირდაპირობა და კეთილსინდისიერება.

1984 წელს დაამთავრა ღვირიშის საშუალო სკოლა და ჩაირიცხა ქუთაისის სამთო სამშენებლო ტექნიკუმში. მოიხადა სავალდებულო სამსახურიც მონღოლეთში, საიდანაც უფროსობის მიერ მრავალი მადლობითა და ქების სიგელით დაბრუნდა 1988 წელს.

მისი ოცნება იყო პატარა წვლილი მაინც გაეღო უსამართლობისა და დანაშაულების წინააღმდეგ ბრძოლაში, ამიტომ არავის გაკვირვებია, რომ უკვე გარკვეული გამოცდილების მქონე ბიჭს გულმა მილიციაში მუშაობისაკენ გაუწია. მილიციაში მუშაობის პერიოდში გამოავლინა საზრიანობა, ნებისყოფა და სიმტკიცე, თავმდაბლობა და მამაცობა, უანგარო სიკეთის ქმნისკენ მიდრეკილება. ყველა ეს თვისება ისე ჰარმონიულად იყო შერწყმული მასში, რომ აქ გატარებული სულ რაღაც 2 წელი გახდა მისი პიროვნების მთელი სისრულით წარმოჩენის პერიოდი. ვისთან არ მეგობრობდა, ვინ არ იცნობდა. არც სოფელს აკლებდა ყურადღებას და მზრუნველობას, მისი მრავალშვილიანი ოჯახი შესაძენევად წამოიმართა წელში, ხოლო სამსახურში ყველაზე რთული დავალებების შესრულების დროს მისი დიდი იმედი ჰქონდათ.

22 წლის ბიჭის სულში ნამდვილი პატრიოტული გრძნობა გამოვლინდა მაშინ, როცა ქართლის მიწა-წყალს იარაღით დაცვა დასჭირდა ოსი ექსტრემისტების წინააღმდეგ ბრძოლაში, იგი მაშინვე გაემართა სამაჩაბლოში, თითქმის უწყვეტად იბრძოდა მთელი 1990 წლის ზამთარში.

იმედა გრძნობდა, რომ მეტის ცოდნა იყო საჭირო, ამიტომ არც ის გავერ-
 ვებია, რომ როცა 1991 წლის სექტემბერში მილიციის უმაღლესი სკოლის /
 კურსის სტუდენტი გახდა, ყველამ, როგორც ერთმა, ისე გაიხარა მისი წარმა-
 ტებებით. 1992 წლის 1 აპრილს მამაცურად შეეწირა სამშობლოს წინაშე.
 ღმერთმა გაცხონოს, ჩვენო კარგო, საყვარელო იმედა!



**ტარიელ
 კაზარიანი**

ტარიელ სერგოს ძე კაზარიანი, დაბადებული 1975 წლის 8 ოქტომბერს ქ. თბილისში. ეროვნებით სომეხი, განათლება ტექნიკურა, უცოლო.

ტარიელის მშობლები საცხოვრებლად გადავიდნენ ქ. რუსთავში და მანაც რუსთავის 11-ე საშუალო სკოლა დაამთავრა. საოცარი სითბოთი ახასიათებენ ტარიელს სკოლის დამრიგებელი, ამხანაგები და ახლობლები. იგი ბავშვობიდანვე საოცრად თბილი, ცელქი, მოუსვენარი ბავშვი იყო. ძალიან უყვარდა ჭუსიკა, სპორტი, ხელოვნება, ლიტერატურა. მისთვის როგორც სომხური იყო მშობლიური, ასევე მშობლიური იყო ქართული ენა და სულისკვეთება, რადგან მისი დედა ქალბატონი ვარდო მონიავა ქართველი ქალია. ორივე ერის სიყვარულს ერთნაირად უნერგავდა თავის პირმშოს. თავისუფლად მეტყველებდა ქართულ ენაზე.

ქალბატონი ვარდო მონიავა, ქართველი ქალია. ორივე ერის სიყვარულს ერთნაირად უნერგავდა თავის პირმშოს. თავისუფლად მეტყველებდა ქართულ ენაზე როცა საქართველოს ტერიტორიული მთლიანობის დაცვა გახდა საჭირო და წუშად გაიპარა სახლიდან და მოხალისედ შევიდა 114-ე ბატალიონ „მეგრეთა“ და წავიდა აფხაზეთში. 1993 წლის 29 იანვარს მისი ლაშაში სიცოცხლე უმოწყალოდ ჩაიფერფლა, ვაჟაკურად დაეცა ტამიშთან ბრძოლის ველზე. ტარიელ კაზარიანი სიკვდილის შემდეგ დაჯილდოვდა მედლით „მხედრული მამაცობისათვის“.

**გუძღვნი ტარიელ კაზარიანს, სოფ. ტამიშთან
დაღუპულ ჩემს მამიდაშვილს**

რად მისცემიხარ სევდას?!
რატომ ჩაგიცვამს შავი?
მე სამშობლოსათვის მოკვდი,
ჩემო ძვირფასო დედა.

ულმერთოდ დაღვრილ სისხლს ხომ
მტერს არ შევარჩენთ, არა!
ტამიშს მიგულე ისევ
სადარაჯოზე ვღვაკარ!

რა ექნა თუ ფეხქვეშ კვლავაც
ამიფეთქდება ნაღმი
ყველას დაერჩები გულში
გმირად შემრაცხავს ხალხი.

რატომ ჩაგიცვამს შავი?!
რად მისცემიხარ სევდას?!
მე სამშობლოსათვის მოკვდი,
ჩემო ძვირფასო დედა.

P.S. სამწუხაროდ, ეს ლექსი ხელმოუწერლად მივიღეთ.



ჭეშმარიტმა მამულიშვილურმა გრძნობამ და სამშობლოს უსწრაფესი სიყვარულმა გიბიძგა დამდგარიყავი შენი ბევობრების გვერდით, იქ, სწავლას, ჩვენს ლიანი დგას ანველოსი“. ჩვენი ძვირფასო ნუკრი, მხოლოდ მოგონებად დაგვრჩა შენს თანაკლასელებს სკოლის წლები.

ამაზე უკეთესი მომენტი არც გამოჩნდებოდა, რომ დავემტკიცებინა შენი ვაჟკაცური სული და მხედრული შემართება.

მშფოთვარე და მოუსვენარი იყავი მთის მდინარესავით, არასოდეს და არაფერში არ დაიხვედი უკან მეგობრისა და ამხანაგის გულისთვის და ზედმეტია ლაპარაკი სამშობლოზე, შენს მამულზე. სამშობლოსათვის ბრძოლაში ჩაიფერფლა შენი სიცოცხლე. ჩაიფერფლა — ამ სიტყვის ზუსტი მნიშვნელობით, რადგანაც შენი ვაცებული სხეულიც ვერ დაიტირეს შენმა მშობლებმა, ახლობლებმა და ნეგობრებმა.

ნუთუ იმხელა ცოდვა გაწვა კისერზე, რომ ნორმალური სიკვდილიც არ გელირსა? შენი ჯან-ლონითა და მომავლის იმედით სავსე სხეული ბრძოლის დროს დაიწვა.

ძნელზე ძნელია უშენობა ჩვენთვის, შენი მეგობრებისათვის, 20 წლის ასაკში დაგვეშორდი. განა ეს ის ასაკი არ არის, რომლის დროსაც ადამიანი იფურჩქნება სულიერად, ფიზიკურად? როცა სამყაროს სულ სხვა თვალთ უყურებს და შეიცნობს? უღამაზესი და უტკბესი ეჩვენება სიცოცხლე, ცხოვრება. განა ყველასათვის ტკბილი და შემდეგში თბილი მოსაგონარი არ ზდება ეს წლები? მაშ, რატომ დაგვეტოვე ასე დამწუხრებულნი, თუ მოგებზრდა, გაგიუფერულდა სიცოცხლე ამ არეულ და მტრობა-ღალატით სავსე წუთისოფელში?

გაივლის წლები, ყველაფერი კალაპოტში ჩაბრუნდება, მხოლოდ შენ და მრავალი შენისთანა აღარ იქნება ჩვენს გვერდით. თქვენი სახელები ისტორიის ფურცლებზე დაიწერება და შთამომავლობა მათზე ილოცებს.

შენი თანაკლასელები

გორის კალატოზიშვილი

ბორის ალექსის ძე კალატოზიშვილი დაიბადა ქ. თბილისში 1963 წ. 1 მაისს. დაამთავრა 101-ე საშუალო სკოლა, შემდეგ გაიწვიეს სამხედრო სავალდებულო სამსახურში. სამხედროდან დაბრუნების შემდეგ სწავლას აგრძელებს კიროვაბადის (განჯა) სამშენებლო ტექნიკუმში დაუსწრებელ განყოფილებაზე და მუშაობას იწყებს თბილისში, „ინტურისტსპეცკრემშენში“, ხელოსნად.

1991 წლიდან იმყოფებოდა სოფ. ტყვიავეში, მისი ყოფილი კლასელის და განუყრელი მეგობრის ოჯახში, სადაც დროდადრო ღებულობდა თურმე დედის ჩუმიდ მონაწილეობას სოფლების დაცვაში, რამაც შემდგომ შეიწირა კიდევ. 1992 წლის 12 მაისს სოფელ ფრისსა და ერედვს შუა დაიღუპა უთანასწორო ბრძოლაში ტყვიავეის დამცველ საუკეთესო ვაჟკაცებთან ერთად.



**როლანდ
კალგახელიძე**

39 წლისა იყო ჩემი როლანდი, — გვიამბობს თვალცრემლიანი მეუღლე, მანანა ბოგვერაძე, — ორი ქალიშვილი დამრჩა ობლად. დიდ სულიერ ტკივილთან ერთად დიდი ჯაფაც დამიტოვა. პატიოსანი კაცის სახელით დადიოდა, უსაზღვროდ უყვარდა ოჯახი და საქართველო. როგორც კი აფხაზეთის ომი ატყდა, მაშინვე მოხალისედ ჩაეწერა ბატალიონ „ავაზში“ და წავიდა იქ, სადაც ჭეშმარიტი მამულიშვილი უნდა წასულიყო. ლოცვასავით დამიბარა: „შენი იმედი მაქვს, მაიას და ნინოს უმამობას არ აგრძნობინებ და ეტყვი, რომ მაგათ ბედნიერ მომავალს შეეწირა ჩემი სიცოცხლე, სულიერად ნუ დაეცემი, თუ ბედმა მიმუხთლა...“ ვაი რომ, სოფ. ლაბრასთან ერთ-ერთი შეტაკების დროს ბედმა მართლაც უმუხთლა და ყუმბარის ნამსხვრევმა შეიწირა მისი სიცოცხლე 1993 წლის 10 იანვარს.

* * *

სიკვდილო, შვილი გაგიზარდე,
მე სხვა დედებს კი არ ვვაკარ,
ძალიან დაღონებული ვარ,
სისხლის და ცრემლის ტბორში ვზივარ.
აქამდე ბედნიერი ვიყავე,
ეხლა კი მწუხარების მზე ვარ,
დაღონების მზე, გადახრილი,
ვორს იქით გადაფარებული,
ვაჰმე, სიკვდილო, რა ყოფილხარ,
ხანჯრებით ჩამიკაფე გული.

(ხალხური)



**ნოდარ
კანჯია**

საქართველოს თავდაცვის ფონდის გაზეთ „ნებში“ (6–16 ოქტომბერი, 1993 წელი) ჟურნალისტ ირა ზურაბაშვილის წერილში „ნოდარი“ კვითხულობთ:

სამშობლოს დაცვისა და ერთიანობისათვის ბრძოლაში გამოჩენილი განსაკუთრებული გმირობის, მამაცობისა და თავდადებისათვის ნოდარ კანჯია დაჯილდოვდეს ვახტანგ გორგასლის I ხარისხის ორდენით (სიკვიდილის შემდეგ).

პ. შვეპარდნაძე

თბილისი, 1993 წ., 14 ივლისი

კაპიტანი ნოდარ კანჯია დაიბადა 1955 წლის პირველ ივნისს სენაკში. თბილისის ტოპოგრაფიული ტექნიკუმის დამთავრების შემდეგ მუშაობდა თბილისის 64-ე ტოპოგრაფიულ პარტიაში, 1980 წლიდან – სენაკის № 5 ტრესტში ინჟინერ-გეოდეზისტად. 1987 წელს დაამთავრა ტამბოვის სამშენებლო ინსტიტუტი.

დარჩა მამა, დედა, და, ძმა, მეუღლე და 9 წლის ქალიშვილი სალომე. ნოდარის დედა: „ნოდარმა რამდენიმეჯერ მიმართა კომისარიატს, მაგრამ უარი მიიღო. ორჯერ თბილისში ჩავიდა, არც ამან მოიტანა შედეგი. არ ვიცო, რატომ, ნოდარი ძალიან განიცდიდა ამ ამბავს, ვცდილობდი დამეწყნარებინა: ალბათ, არ არის საჭირო ამდენი მეომარი-მეთქი, ვანუგეშებდი, მიწვრებოდა: „მე ოფიცერი ვარ, ჩემი ადგილი იქ არის. მე ხომ ვიცო, რომ ვჭირდები საქართველოს. არმიაში ჩემნაირი სპეციალისტების ნაკლებობაა“. 1993 წლის თებერვალში იგი მოხალისედ წავიდა აფხაზეთში და იმ დღიდან იბრძოდა ბატალიონ „ავაზაში“.

ნოდარ კანჯიას დედა – ის გვარად ილცევიჩია – ეროვნებით პოლონელია. შგონი, არავინ შემეძლავება; რომ სამშობლოს სიყვარულის ჩანერგვა უმე-

ტესწილად დედის დამსახურებაა. პოდა, ასწავლა შვილს პოლონელმა დედამ საქართველოს უსახდერო სიყვარული.

ნოდარის უმცროსი ძმა: „მეც მინდოდა აფხაზეთში წასვლა, მაგრამ მშობლები წინ გადამიდგა: „ორი ძმა ვართ და თუ რომელიმე დაიღუპება, ვინმემ უნდა მიხედოს ჩვენს შვილებს...“ ნოდარი ნიჭიერი სამხედრო იყო, თავისი საქმის ღრმა მცოდნე. ყველა სვლა გათვლილი ჰქონდა. მის გონივრულ მოქმედებას ბევრჯერ გადაურჩენია თანამებრძოლები. ბიჭები ერთ ეპიზოდს იხსენებენ: მოწინააღმდეგე ძალზე გააქტიურებული იყო, მებრძოლები თავს ვერ სწევდნენ სანგრიდან. რაღაცა უნდა ელონათ, თორემ ამოწყვეტა ეშუქებოდათ, ვეღარც წინ მიდიოდნენ, ვეღარც უკან. ნოდარი მტრის ბანაკში შეიპარა და იქიდან უკარნახა მოწინააღმდეგის საცეცხლე წერტილები. ისინი ჩვენებმა ჩაახშეს.

ნოდარი ორი თვე არ ჩამოვიდა სახლში. 1 ივლისს მეგობრებითურთ ჩავედი აფხაზეთში და კთხივით, ერთი დღით მაინც ჩამოსულიყო, მოენახულებინა ჩვენები, ჩვენ კი მის მაგივრად დავრჩებოდით. იცით, რა მიპასუხა? „აქ უკვე ორი დღეა რაღაც საეჭვო სიწყნარეა. ეტყობა, მტერი რაღაცისთვის ემზადება. ღმერთმა დაგვიფაროს, მაგრამ რაღაც რომ მოხდეს, მერე ბიჭებს როგორ შევხედო თვალებში, წადით, თქვენ მაინც არაფერი დაგეპართოთ“.

ეს სიკვდილის წინა დღეს თქვა. 2 ივლისს კი დაიწყო ის საშინელი ოპერაცია, საქართველოს ამდენი სიცოცხლე რომ წაართვა. მტერი ცდილობდა ალყაში მოექცია ბატალიონი. გაიმართა უძმიძესი ბრძოლა. მუცელში დაჭრილი ნოდარ კანკია ბრძოლის ველზე დაეცა. 22 წლის ჯუმბერმა, ტამიშელმა (სამწუხაროდ, გვარი ვერ დავადგინე) არ დატოვა დაჭრილი მეგობარი და ერთი კილომეტრი ატარა ზურვით. ნოდარმა შენიშნა, რომ მტერი უახლოვდებოდათ. „დამტოვე და წადი“, — უბრძანა მეგობარს. ჯუმბერი გააუიჟდა, ნოდარი არ ეშვებოდა: „წადი, შენ ჩემზე ახალგაზრდა ხარ. არ უნდა მოკვდე“, ჯუმბერი არ უსმენდა. მაშინ ნოდარმა ყუმბარის დამცველი ამოსწია: „წადი, თორემ შენც აგაფეთქებ“. ჯუმბერს სხვა გზა აღარ ჰქონდა... 100 მეტრიც არ ჰქონდა გავლილი, რომ მიიხედა, მტრის საკმაოდ მოზრდილი ჯგუფი ნოდარს მიუახლოვდა. გაისმა მძლავრი აფეთქება... წავიდა ნოდარი და თან გაიყოლა მტრის რამდენიმე სიცოცხლე... კიდევ ერთხელ გადაარჩინა თავისი ბატალიონი“.

დედა: ნოდარის დაღუპვის ამბავმა კი მოაღწია ჩვენამდე, მაგრამ ცხედარი არ მინახავს, როგორ დავიჯერებდი მის სიკვდილს... წავედი აფხაზეთში, რომ ჩემი თვალთ მენახა, ჩამომესვენებინა მაინც... ვერაფერი ვნახე... ტანსაცმლის ნაფლეთი მაინც მეპოვა... არაფერი... ყოველთვის მეუბნებოდა: „ტყვედ არასდროს არ ჩავბარდები, ერთი ტყვია ყოველთვის მექნება შემონახული ჩემთვისო“.

— ტყვია კი არა, ყუმბარა ჰქონია...

თურმე, დაჭრილი ნოდარი სულ თავის გოგონას — სალომეს ეძახდა...

ნოდარის დედა: დავრჩით ასე, შვილო! საფლავი მაინც ჰქონოდა, მივიდოდი, ვვაილებს მივეუტანდი, დაველაპარაკებოდი, ახლა მის ტანსაცმელს და სურათებს ვეფერები,... არ ვიცი, რა ექნა...

მის სულზე, მის ნათელ სულზე ილოცეთ, ქალბატონო, ვველაფერი წარმავალია, სული მარადიულია. არ დატოვებს თავის სალომეს, თავის საქართველოს, რომლის უსაზღვრო სიყვარულში ასე გაგვიუჩინარდა თქვენი ვაჟი. **გიორგი** ლოს შვილი, პატარა სალომეს მამა ნოდარ კანკია.

გიორგი



**გიორგი
კაპანაძე**

რიგითი გიორგი ამირანის ძე კაპანაძე, დაბადებული 1972 წლის 3 ნოემბერს კასპში.

მსახურობდა ოპერატიულ პოლკში 1992 წლის მაისიდან. დაიღუპა 1992 წლის 23 ოქტომბერს სოხუმში.

* * *

მამულისა შვილნი ჩვენც ვართ,
და მისთვის ვზრდით ჭაბუკს სულსა,
რომ ოდესმე გამოვადგეთ,
დაობლებულს იჩვენს მამულსა.

ი ლ ი ა



**გიორგი (გია)
კაკანაიძე**

დაიბადა, 1968 წლის 12 აგვისტოს, თერჯოლის რაიონის სოფელ ზედა სა-
ზანოში.

1985 წელს დაამთავრა თბილისის 112-ე საშუალო სკოლა. იმავე წელს ჩა-
აბარა მისაღები გამოცდები საქართველოს პოლიტექნიკურ ინსტიტუტში. სწავ-
ლის პერიოდში 1987-89 წლებში გაწვეული იყო საბჭოთა არმიაში. მსახურობ-
და ჩეხოსლოვაკიაში.

საქართველოს გვარდიის ჩამოყალიბების დღიდან შევიდა მის რიგებში. იყო
„შაენაბადას“ ბატალიონის ოფიცერი. შემდეგ წავიდა სამანაბლოში. ებრძოდა
ოს ექსტრემისტებს.

1992 წლის 25 ივნისს, იმ დღეს, როდესაც უნდა აეღო დიპლომი, დაიღუპა
ცხინვალის მისადგომებთან.

გიას ხშირად უყვარდა თქმა: „სჯობია 25 წელი იცოცხლო და იყო არწივი,
ვადრე ყვავი იყო და 300 წელი იცოცხლო“.

ლმერთო, დიდხანს ეცოცხლა გია კაკანაიძეს!

გიორგი კაკანაიძე სიკედილის შემდეგ დაჯილდოვდა მედლით „მხედრული
მამაცობისათვის“.



**გრიგოლ (გია)
კაკანაიძე**

გრიგოლ (გია) ამირანის ძე კაკანაიძე დაიბადა 1962 წლის 14 მაისს, ქუთაისში, მუშის ოჯახში, ტოლებში გამოირჩეოდა როგორც ზრდილობიანი და თავაზიანი ბავშვი.

სწავლობდა ქუთაისის 32-ე საშუალო სკოლაში. 1972 წლის 18 თებერვალს მათი ოჯახი გადავიდა ქ. ბორჯომში საცხოვრებლად, ვინაიდან გიას მამა ამირან არჩილის ძე კაკანაიძე წარმოშობით ბორჯომის მკვიდრი იყო. იმავე წელს გიამ სწავლა განაგრძო ბორჯომის პირველ საშუალო სკოლაში და ის დაამთავრა 1979 წ. სკოლის დამთავრებისთანავე გიამ მისაღები გამოცდები ჩააბარა ქ. ბორჯომის სატყეო ტექნიკუმში ადმინისტრატორულ განხრავზე. მოუწია სამხედრო სავალდებულო და გაიწვიეს, მოხვდა ქ. ტერმეზში. გიას ხატვა უყვარდა და შტაბში რასაც ავალებდნენ, ხატავდა და აფორმებდა კედლის გაზეთებს. ტერმეზში ყოფნის დროს ოფიცრებს ასწავლიდა კარატეს. მოკლე ხანში გააგზავნეს ავღანეთში. გიამ მშობლებს არ გაუმხილა, რომ ავღანეთში იმყოფებოდა. მისი მისამართი იყო მხოლოდ „საველე ფოსტა“. მშობლები ამით მიხვდნენ, რომ გია ავღანეთშია. იმ ქარცეცხლში რამდენი გაჭირვება და უბედურება გამოიარა და არასდროს ოჯახს არ გაუმხილა თავისი გაჭირვება. თვითონაც ვაჟაკურად და მხნედ იყო, მომთმენი და ყველაფრის ამტანი ვაჟაკი ოჯახსაც ამხნეებდა.

ასეთი სულით ძლიერი ქართველი ვაჟაკი გაწამებული რომ დაბრუნდა ავღანეთიდან 1983 წლის 13 იანვარს, ყველა ურჩევდა, ბევრი უპირატესობა გაქვს, უგამოცდოდ ყველგან მოეწყობიო, მაგრამ თავმოყვარე კაცმა ეს არ იკადრა: არავის არაფერს დაეპაღღებ, მოვემზადები და ჩავაბარებო. შევიდა თბილისის ჭავჭავაძის სახელობის უცხო ენათა ინსტიტუტში მოსამზადებელ კურსებ-

ზე. კურსების დამთავრების შემდეგ 1984 წელს ჩააბარა მისაღები გამოცდები და ჩაირიცხა ინგლისური ენის ფაკულტეტზე.

1988 წელს მეხუთე კურსის სტუდენტი მიღის მიხეილ ჯავახიშვილის სახელობის სოფელ წერაქვში ინგლისურისა და რუსული ენის მასწავლებლად.

ვიას არანორმალურად უყვარდა თავისი ერთადერთი ძმა ავთანდილი. ორი-ნე ძმა ოჯახებითურთ გადავიდა სოფელ წერაქვში, ძმასაც შრომის მასწავლებლად დააწვებინა მუშაობა. ორივეს მცირე ხელფასი, არახელსაყრელი პირობები ჰქონდა, მაგრამ ვიამ სამშობლოს ინტერესები, როგორც ყოველთვის, პირად ინტერესებზე მაღლა დააყენა.

ბორჯომში 1991 წელს დაბრუნდა. ქალაქში კრიმინოგენური სიტუაციის გამწვავებასთან დაკავშირებით ავლანელ ვეტერანთა კავშირთან ჩამოაყალიბა რეკონსტრუქციის „ქამანდი“ და იყო მისი მეთაური.

აფხაზეთში ომის დაწყებისთანავე ვიამ კაპანაძე მიღის მოხალისედ და ივანე გმირულად დაეცა ბრძოლის ველზე 1992 წლის 28 აგვისტოს ქ. გავრამში.

გალაკტიონო

აფხიარცა

აფხიარცა! როგორ ჟღერდი,
როგორ ჟღერდი, აფხიარცა!
დამმარცვლელი ქულზე კაცის
მსგავსი შენი იყო არცა.

როცა მტერი ზღვას გადმოსცდა,
მოიწია და, ვითარცა
ნიაღვარმან, ინაცვლა გზა:
შენ ზარს სცემდი, აფხიარცა!

ძარცვა ბევრი გისმენია,
მაგრამ იმნაირი ძარცვა?
ვერცა მიწა და ვერცა ცა
მსგავსს ვერ ჰგონებს, აფხიარცა.

დაინაცრა მისი ხსოვნა,
ვინაც მხარე ცეცხლს გადასცა,
თავს დაესხა ის აფხაზეთს,
როცა მხარე მოიქანცა.

ოდეს გმირმა არ ისურვა
და თაყვანი მტერს არა სცა,



როგორ თრთოდი, როგორ ქდერდი,
როგორ ჰქუხდი, აფხიარცა.

მტერი თვისი მოყვრად არ სცნო,
ბევრჯერ, მწარედ დაამარცხა,
ბევრჯერ ტანში გასცრა მომხდურს,
სასიკვდილოდ დაენარცხა.

ღრიანცელით მოგრიალემ
ვერ იფარცხა მისმა ფარცხმა,
სასახლეზე არ იცვლება
მაღალ მთაზე მდგარი ფაცხა.

და ჩხიანი ვეფხის ნახტომს
ჰგავდა მისელა მისი აწცა,
ბევრის, ბევრი გარდასულის
მომთხრობი ხარ, აფხიარცა.

აფხიარცა, აწ ბუმბერაზ
ხლვის გვიმღერე კიდეკ რამცა,
სიყვარულზე, ვპირობაზე
აგუგუნდი, აფხიარცა.


აქე მთები და ტყეები,
მათი ვარდი და იაცა,
ფხვიერ მიწის, ძველი ვეფხის
გვასმინე ხმა, აფხიარცა.

1941-1945 წ.წ.



**გოჩა
კარაპეტოვი**

გოჩა ალექსის ძე კარაპეტოვი, შინაგანი ჯარების საპატრულო პოლკის ზემდეგი – ორი შვილის მამა გმირულად იბრძოდა ოჩამჩირეთში. დაიღუპა კან-ღღში.



**დავით
კასრაძე**

დავით ავთანდილის ძე კასრაძე დაიბადა 1971 წლის 28 სექტემბერს, მო-სამსახურის ოჯახში, ცხინვალის რაიონის სოფელ მამისაანთუბანში.
1977/78 სასწავლო წელს შევიდა ქ. ცხინვალის № 1 საშუალო სკოლაში,

რომლის სრული კურსი დაამთავრა 1988 წელს. შემდეგ დაუეწილა მძღოლად პროფესიას.

ეროვნული მოძრაობის გამო საბჭოთა არმიის რიგებში არ მსახუროვებდა. მალე ცხინვალში, ასევე მთელს რეგიონში დაიწყო ეროვნული კონფლიქტები. დათო სხვა თანასოფელელ ბიჭებთან ერთად იღებდა ზომებს სოფლის უსაფრთხოებისათვის. ოსი ექსტრემისტები არ ინდობდნენ ქართველობას, განსაკუთრებით ახალგაზრდა ბიჭებს. ჯერ კიდევ სკოლაში სწავლის პერიოდში, სკოლიდან რომ ბრუნდებოდნენ, ოსი ბავშვები უზედებოდნენ ქართველ ბიჭებს და ჩხუბს აუტეხავდნენ ხოლმე...

ეს არეულობა რომ მოხდა, ჩვენ ჯერ კიდევ არ გვქონდა სახლი მიტოვებული, როცა 1991 წლის 26 აგვისტოს დათოს სარკმლიდან ესროლეს. დათო და მისი მეუღლე ნინო ბეწვზე გადაჩნენ. ამის შემდეგ უფრო გაუძლიერდა დათოს სურვილი, რომ დაეცვა ჩვენი სამშობლო. ხშირად თავის უფროს ძმასთან ნუკრისთან ერთად იდგა პიკეტებზე. ბოლოს, როდესაც გაიგო, რომ მამისაანთუბნის მისაღვომებთან სჭირდებოდათ ბიჭები შერეულ სამშვიდობო ძალებში. თანასოფლელებთან ერთად დათოც ჩაეწერა. ჩვენ, მშობლები, ვუშლიდით. ვეუბნებოდით, მეუღლე გყავს, ორი უსუსური შვილი გყავს, შენზე არავინ არაფერს იტყვისო. დათომ არ დაგვიჯერა: ჩვენს უბანს და ცხინვალს უცხო ბიჭები იცავენ და მე რატომ არ უნდა ვიყო იქ? მე ეს იმიტომ უფრო მეკუთვინის, რომ ორი შვილი მყავსო.

1992 წლის 14 სექტემბერს დათომ სურვილი აისრულა. შევიდა შერეული სამშვიდობო ძალების რიგებში, სადაც სიცოცხლის უკანასკნელ დღემდე მსახურობდა.

დღი სიხარული იყო მისთვის, როდესაც მამისაანთუბანში ჩავიდა და ნახა ჩვენი სახლი, რომლის შესახებ ცხრა თვის განმავლობაში არაფერი ვიცოდით. მართალია, გული დაწყდა, რომ ჩვენი სახლი და ეზო-კარი გაუბედურებული და გაპარტახებული დახვდა, გული მაინც იმედით ჰქონდა სავსე: მალე დავბრუნდებით ჩვენს სახლებში და ყველაფერს ისე გავაკეთებთ, როგორც გვქონდაო.

დათო და ჩვენი სოფლის ათი ახალგაზრდა ბიჭი რაკი შერეულ სამშვიდობო ძალებში იყვნენ, გამცილებლის როლსაც ასრულებდნენ. შემოდგომით მამისაანთუბნის ოსებს დააბინავებინეს მოსავალი. მათ არავინ ერჩოდა, მაგრამ როდესაც აღარ ჰჭირდებოდათ ჩვენი „უბნის ბიჭები“, ოსმა ბარბაროსებმა დაუნაღმეს გზა. მათ კარგად იცოდნენ, რომ ამ გზაზე ჩვენი ბიჭები გაივლიდნენ...

და სწორედ 1992 წლის 18 ნოემბერს დავალების შესრულების დროს სოფელ მამისაანთუბანში ნაღმზე აფეთდა მანქანა, რომელშიც იჯდა ხუთი მამისაანთუბნელი ჭაბუკი, მათ შორის დავით კასრაძეც.

დათო 21 წლის იყო. ნაადრევად მოკვდა ოჯახს, ნაადრევად წავიდა ოჯახიდან, წავიდა და დატოვა 21 წლის მეუღლე ნინო, 2 წლის თეა და სამი თვის ანი, მოხუცებული მშობლები და ორი ძმა.

ყველა დასანანია სიკვდილისთვის, მაგრამ ყველაზე ძნელი ის არის, რომ შენი სახლ-კარიდან ლტოლვილი ხარ, რომ შენს ოჯახში არ დაგიტირონ და

შენს სასაფლაოზე არ დაიმარხო ახლობლების გვერდით. მკვდარიც კი სხვის სასაფლაოზე დაიმარხო, როგორც ლტოლვილი.

დათო აღარ მოვა ამ ქვეყანაზე. იქნებთან მისი შვილები — თეა და მანუკი აზრდებიან, შექმნიან ოჯახებს... ისინი იამაყებენ, რომ მათი მამა დათო (ქვეყანის სახეს სურათით აღიდგენენ) საქართველოსთვის, მისი ერთიანობისთვის, მათი გულისთვის შეეწირა კონფლიქტს შიდა ქართლში.

დავით კასრაძის მშობლები


დავით კასრაძე სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



**კობა
კასრაძე**

კობა ოთარის ძე კასრაძე დაიბადა 1972 წლის 26 აგვისტოს გორის რაიონის სოფელ ერგნეთში. სწავლობდა თბილისის მე-14 საშუალო სკოლაში. შემდეგ სწავლა გააგრძელა თბილისის 110-ე პროფტექნიკურ სასწავლებელში.

1991 წლის 26 მაისს გაიწვიეს ეროვნულ გვარდიაში, მსახურობდა გორის მე-11 ბატალიონში, რიგით გვარდიელად, იბრძოდა სამაჩაბლოს ომში 3 თვის განმავლობაში და იყო მძიმე ტექნიკის მსროლელი. იგი პირნათლად ასრულებდა სამშობლოს წინაშე თავის პატრიოტულ ვალს. სამშობლოს სიყვარულმა წაიყვანა სამაჩაბლოდან აფხაზეთის დასაცავად, სადაც 2 თვის განმავლობაში იცავდა სოხუმს, ტამიშის ხიდს, ეშერას, რკინიგზის სადგურს, სოფელ შრომას. მან თავისი ვალი პირნათლად შეასრულა. მაგრამ მაინც ბრძოლისაკენ მიუწევდა გული და სწორედ აქ უმუხთლა ბედმა, გმირულად დაეცა სოფელ შრომის განთავისუფლების დროს 1992 წლის 12 ოქტომბერს. იგი დაკრძალულია მშობლიურ სოფელში გორის რაიონის სოფელ ერგნეთში. მას ჰყავს მშობლები და ერთი ძმა. კობა კასრაძის სახელი სამუდამოდ დარჩება მისი ოჯახის წევრების, ახლობლების, ნათესავეების, თანამებრძოლ გვარდიელთა გულეში.



**კონსტანტინე (კოტი)
კასრაძე**

დაიბადა 1954 წლის 22 იანვარს გორის რაიონის სოფელ ერგნეთში, რომელიც ესაზღვრება ცხინვალს. სწავლობდა ცხინვალის პირველ საშუალო სკოლაში, შემდეგ სწავლა განაგრძო თბილისის სახელმწიფო პოლიტექნიკურ ინსტიტუტში. უმაღლესი სასწავლებლის დამთავრებისთანავე მამა-პაპათა სამკვიდროს დაუბრუნდა და მუშაობა დაიწყო ცხინვალის მეცამეტე საგზაო სარემონტო-სამშენებლო სამმართველოში, სადაც მოკლე დროში ავტორიტეტი და სიყვარული დაიმსახურა.

1992 წლის 8 ივნისს ცხინვალის შესასვლელთან ერთ-ერთი შეტაკების დროს მტრის ტყვიამ სიცოცხლეს გამოასალმა ეს 38 წლის ვაჟკაცი. დაობლდა კიდევ ერთი ქართული ოჯახი. კოტეს დარჩა ახალგაზრდა მეუღლე — ლაურა ბაბუციძე, ორი ვაჟი — 12 წლის ტრისტანი, 11 წლის ზურაბი და მოხუცი ნამა.

კოტე კასრაძე ამ წუთისოფლიდან იმის ღრმა რწმენით წავიდა, რომ მისი საფიცარი საქართველო ძლიერი და ბედნიერი იქნებოდა. რა ვქნათ, რომ ვერ მოესწრო ასეთ საქართველოს, ვერ იხილა მისი საყვარელი სამაჩაბლო მტრისგან გათავისუფლებული. მწამს, რომ ბედნიერ საქართველოს მისი შვილები — ტრისტანი და ზურაბი იხილავენ და უპატრონებენ.

მზინა კასრაძე



ნუგზარ კასრაძე

ცხოვრობდა ცხინვალის რაიონის სოფელ ქემერტში. დაიბადა 1955 წლის 9 თებერვალს. საშუალო სკოლა დაამთავრა 1971 წელს. სწავლა გააგრძელა თბილისის პროფესიულ ტექნიკურ სასწავლებელში. სასწავლებლის დამთავრების შემდეგ გაიწვიეს სამხედრო სამსახურში. მუშაობდა თბილისში ავტოზეინკლად. 1980 წელს მუშაობა დაიწყო ჯერ ქ. ცხინვალში სახანძრო რაზმში, შემდეგ კი ქემერტის კოლმეურნეობაში. დარჩა მეუღლე, ოთხი მცირეწლოვანი შვილი და მოხუცებული დეიდა.

ნუგზარ კასრაძე დაიღუპა 1991 წლის 18 მარტს. მიღობდა სამ თანასოფელთან ერთად მშვიდობიანი ზონიდან სოფელში ბენზინის შემოსატანად. მაგრამ ხეითი-ურედვის გადასასვლელ გზაზე, მთაზე ასკლისას მოულოდნელად თავს დაესხნენ ორი ექსტრემისტები. ცოცხლები აწამეს, ხეზე მიაბეს, ბენზინი გადაასხეს და ცოცხლად დაწვეს ნუგზარ კასრაძე, მერაბ მინდიაშვილი, ვახტანგ ელბაქიძე, ზურაბ ხაბარული.

სამშობლო მათ არ დაივიწყებს.

ვაკ დედასა და ვაკ დასა

ვაკ დედასა და ვაკ დასა,
ვაი, უძმოსა ქალსაო,
ისე არა სძე პატივი,
როგორც შარასა ვზასაო.

(ხალსური)



**გელა
კატუკია**

გელა იუზას ძე კატუკია დაიბადა 1971 წელს თბილისში. 1977–1985 წლებში სწავლობდა 154-ე საშუალო სკოლაში. რვაწლედის დამთავრების შემდეგ სწავლა გააგრძელა თბილისის ინდუსტრიულ ტექნიკუმში გამოთვლითი მანქანების სპეციალობით, რომელიც 1990 წელს დაამთავრა. პარალელურად მიიღო კინოფიკაციისა და დოსააფთან არსებული ავტომძღოლის მოწმობები, 1991 წელს გელა კატუკია ჩაირიცხა პირველ ქართულ გეარდიაში. 1992 წლის 3 ნოემბერს ხელმეორედ გაიწვიეს, იყო შავნაბადას ბატალიონში, საიდანაც 23 იანვარს წაიყვანეს სოხუმში. შეუპოვრად იბრძოდა საქართველოს ტერიტორიული მთლიანობისათვის.

1993 წლის 21 თებერვალს გელა კატუკიამ კინდლის მისადგომებთან მტრის აღფაში მოქცეული ორმოცკაციანი რაზმის თავდაცვა თავის თავზე აიღო, გვერდზე გადახტა ჩაის ბუჩქებში. ყველამ, ორმოცივე კაცმა, თავი დააღწია დაჭრილებთან ერთად მტერს, ხოლო თვითონ ადგილზევე დაიცხრილა.

გელა კატუკია სიკვდილის შემდეგ დაჯილდოვდა მედლით „მხედრული მამაცობისათვის“.

კაი ყმა

ვაჟკაცსა — გული რკინისა,
აბჯარი — თუნდა ხისაო,
თვალნი — ქორებულ მხედავნი,
მუხლები შევარდნისაო.

(ხალხური)



**მამუკა
კაციტაძე**

მამუკა გიორგის ძე კაციტაძე დაიბადა 1965 წლის 6 ოქტომბერს ქ. საჩხერეში. 1982 წელს დაამთავრა საჩხერის მე-2 საშ. სკოლა. 1989 წელს ჩარიცხა თბილისის ივ. ჯავახიშვილის სახელობის სახელმწიფო უნივერსიტეტში ფილოლოგიის ფაკულტეტზე.

1988 წლიდან აქტიურად მონაწილეობდა ეროვნულ მოძრაობაში. უშუალო მონაწილეა 1988 წლის ნოემბრისა და 1989 წლის აპრილის დღეებისა. 1989 წლიდან არის ეროვნული დამოუკიდებლობის პარტიის წევრი და ამავე პარტიას საჩხერის რაიონული ორგანიზაციის თავმჯდომარე.

ბავშვობიდან იტაცებდა მხატვრული ლიტერატურა, წერდა ლექსებს. მისა საყვარელი მწერლები იყვნენ ილია ჭავჭავაძე და ვაჟა-ფშაველა, საყვარელი პოეტი — მურმან ლებანიძე, საყვარელი ლექსი — ხალხური — „ლექსი ვეფხვისა და მოყმისა“. იყო ღვთისმორწმუნე, საოცრად კეთილი, მეოცნებე და ბავშვივით სუფთა.

მისი ცხოვრების კრედიო კარგად ჩანს მისივე ლექსში:

ოცი წლის ვარ და მაქვს გადაწყვეტილი

ორმოცი საუკუნე ვზილო,

ჩემი სიცოცხლის წლები დარჩენილი

სამშობლოს აკიდოზე ვკვილო.

ერთხელ არჩეული ვზიდან არასოდეს გადაუხვევია.

ბესიკ ქუთათელაძესთან ერთად მისი წვლილიც არის პირველი ეროვნული საჯარისო ფორმირების შექმნაში.

იბრძოდა სამაჩაბლოში ომის დაწყების პირველი დღიდანვე.

1992 წლის 12 ივნისს საჩხერელებმა კვების პრობლემები გაუგზავნეს სამაჩაბლოში საომრად წასასვლელ საჩხერის ბატალიონის მებრძოლებს, რომელ-

ბიც დროებით გორში იყვნენ დაბანაკებული. მათ გაჰყვა მამუკაც ყვარჯიშვილი 13 ივნისს მოხდა ცნობილი შეტაკება გორში რუსის ჯარსა და გვარდიელებს შორის. დაჭრილი მეგობრების მოსაძებნად ქალაქში გასული მამუკა მძინარეა რუსი ტანკისტის ტყვიამ. საავადმყოფოში გრძნობაზე მოსვლისთანავე მამუკამ მოიკითხა: ხომ ცოცხლები ხართ? დაჭრილმა მხოლოდ სამი დღე იცოცხლა. აუსრულდა ლექსში ნაოცნებარი;

„საქართველოვ, შენთვის დაუბადებულვარ!

შენთვის მინდა სიცოცხლეც და სიკვდილიც“.

ოჯახის შექმნა ვერ მოასწრო. შეწყდა ოცნება ღამაზ სუფთა ქართულ ოჯახზე...

მამუკა კაციტაძის ინიციატივით საჩხერეში დაარსდა არაფორმალური გაზეთი „მიზანი“.

მამუკა კაციტაძის სახელს ღვიწყება არ უწყრია.



**მამუკა
კაკიტაძევილი**


მამუკა ნაპოლეონის ძე კაკიტაძევილი დაიბადა 1964 წელს რუსთავში. დაამთავრა რუსთავის მე-18 საშუალო სკოლის შვიდი კლასი და თბილისის კომაროვის სახელობის ფიზიკა-მათემატიკის გაძლიერებულ სკოლაში განაგრძო სწავლა. აქტიურად მონაწილეობდა კონკურსებში. მიღებული ჰქონდა მრავალი დაპლომი და ფასიანი საჩუქრები. შემდეგ ჩაირიცხა თბილისის სახელმწიფო უნივერსიტეტში – ფიზიკის ფაკულტეტზე. უნივერსიტეტში სწავლის დროს 1984 წელს II კურსიდან გაიწვიეს სამხედრო სამსახურში. დაბრუნდა და ისევ უნივერსიტეტში განაგრძო სწავლა, შემდეგ – ა. რაზმაძის სახელობის მათემატიკის ინსტიტუტში თეორიული ფიზიკის განყოფილებაში ასპირანტად.

დაწყებული ჰქონდა სადისერტაციო თემა, მაგრამ თავის უპირველეს მოვალეობად ჩათვალა ჩამდგარიყო საქართველოს მთლიანობისთვის მეგრძოლთა რიგებში.

1993 წლის იანვრიდან მონაწილეობდა აფხაზეთის ბრძოლებში, სადაც მისთვის ჩვეული მონდომებითა და პასუხისმგებლობით ასრულებდა მხედრულ მოვალეობას. იყო არტილერისტი, მაგრამ ბედმა უმტყუნა და 1993 წლის 11 თებერვალს გმირულად დაიღუპა სოფელ კინდლში.

მამუკა კატკაჭიშვილი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.

ედიშერ კახიაშვილი



დაიბადა 1971 წლის 5 თებერვალს, ცხინვალის რაიონის სოფელ კეხეში. დაამთავრა კეხვის არასრული საშუალო სკოლა. სწავლა განაგრძო თბილისის პროფტექნიკურ სასწავლებელში. პარალელურად თამაშობდა ფეხბურთს „შეჯარდენში“.

ქართველ მეომრებთან ერთად ებრძოდა ოს ექსტრემისტებს და ვაჟაკურად იცავდა საკუთარ მიწა-წყალსა და ხალხს.

1992 წლის მაისში ოსების მიერ მძიმედ დაჭრილი მამა თბილისში ჩამოიყვანა სამკურნალოდ, თვითონ კი კვლავ ბრძოლის ველს დაუბრუნდა.

1992 წლის 7 ივნისს ოსები უმოწყალოდ ბომბავდნენ ქართულ სოფლებს. ედიშერი სოფელ ხეითში იმყოფებოდა. მტრის ინტენსიური ცეცხლის გამო ქართველი მეომრები მიწას გაეკვრნენ. საჭირო იყო ნაღმსატყორცნამდე მისვლა და საპასუხო ცეცხლის გახსნა. ედიშერი სწრაფად წამოხტა, ხელი დასტაცა სასროლ მასალას და ნაღმსატყორცნისაკენ გაიქცა. მეზობლებს მხოლოდ მისი შემახილი შემოესმათ: „ერთხელ დავიბადე და ერთხელ მოვკვდები. თქვენ მაინც გადაგარჩენთ, ბიჭებო!“

უცებ აფეთქების ხმა გაისმა და რამდენიმე წუთის შემდეგ მეომრები შეძრანანახმა — იქ, სადაც სულ ახლახან ლამაზი, მზიარული, ყველასათვის საყვარელი ედიშერი იდგა, სხეულის დაფლეთილი ნაწილები მიმოფანტულიყო.

სამშობლოსა და ხალხის სიყვარულით გულანთებული კიდეც ერთი ბიჭი
მიიბარა საქართველოს მიწამ. 21 წლის ამაყმა ქართველმა მამულს სამსჯერო
ლოზე უყოყმანოდ მიიტანა თავისი ღამაში სიცოცხლე.

ეროვნული
ზიგლიწითეკა



ზაჰურ კახიასვილი

დაიბადა 1967 წლის 28 დეკემბერს გორის რაიონის სოფ. მეღვრეკისში.

1982 წელს დაამთავრა მეღვრეკისის რვაწლიანი სკოლა.

1982 წლიდან სწავლობდა ქ. ფოთის მე-7 საშუალო სკოლაში, რომელიც დაამთავრა 1984 წელს. გამოირჩეოდა კარგი ყოფაქცევით, ერთნაირი ინტერესით სწავლობდა ყველა საგანს. განსაკუთრებულ სიყვარულს იჩენდა სპორტისადმი. — გატაცებული იყო ფეხბურთითა და კრივით, იყო „სიჭაბუკის“ თასის გათამაშების მონაწილე.

სკოლის დამთავრების შემდეგ იხდის სამხედრო სამსახურს და უბრუნდება მშობლიურ სოფელს, სადაც იწყებს მუშაობას დიდი ღიახვის სახელობის კოლმეურნეობაში მძღოლად.

იმ საბედისწერო დღესაც სამსახურებრივ მოვალეობას ასრულებდა, მაგრამ უკუღმართმა ბედმა უმტყუნა საკუთარ მიწა-წყალზე. ოსი სეპარატისტების მიერ დამიზნებულმა გასროლილმა ტყვიამ ძარაში შეაღწია, სასიკვდილოდ დაჭრა გულ-ღვიძლ-ხერხემლის არეში.

ღიას! 1992 წლის 6 თებერვალს... დაიღია 24 წლის ღომივით ვაჟკაცის წათელი, ღამაში სიცოცხლე, რომელიც ვაჟკაცურად იდგა იქ, სადაც უჭირდა ერს. და არასოდეს უფიქრია თავისი ოჯახითა და მცირეწლოვანი შვილებითურთ დაეტოვებინა მშობლიური კერა და ეძებნა უდარდელი თავშესაფარი. არა, არა, ეს ნამდვილ ქართველ ვამირებს არ ჩვევიათ.

შიდა ქართლში სისხლისმღვრელმა ქიშობამ გააუბედურა, დააქვრივა და დააოხრა კიდეც ერთი ჯანსაღი შრომისმოყვარე ოჯახი კახიაშვილებისა.

სამშობლოს ერთიანობას შეეწირა ჩემი ერთადერთი ძმა, მაგრამ მან შთა-
მოძაველობას ვაჟკაცი, გმირი მამის სახელი დაუტოვა.

ზაურის სიკვდილი მწარედ განიცადეს მისმა ფოთელმა მეგობრებმა, თხუ-
კლასელებმა, ნათესავებმა. განა ის არ კმარა მაგალითისათვის, რომ დაკრძალ-
ვაზე ჩამოსული ახლობლის რუსიკო თოფურია-კაჭარავას გულმა ვედარ გაუძლო
ზაურის ოჯახში მომხდარ სიმწარეს და მისი ლამაზი სიცოცხლაც შეწყდა...
ეს ძვირფასი ქალბატონი დაბადებული იყო 1940 წლის 9 აპრილს ქ. ფოთში,
ჰყავს მეუღლე და ორი შვილი. იყო ტკბილი დედა და ძვირფასი დიასახლისი.

გთხოვთ ეს ადამიანიც მოვიხსენიოთ იმ ვაჟკაცების გვერდით, რომლებიც
სამშობლოს სიყვარულის ერთიანობას შეეწირნენ.

ბოლო რაც შეხება ხსოვნის წიგნის „უკვდავებს“ გამოცემას, ის ზომ ერ-
თადერთი ახალი იმედია მათი შთამომავლობისათვის, მათი ჭირისუფლისათ-
ვის, ეს, ალბათ, მათი მეორედ დაბადება იქნება.

მანანა კასიაშვილი



გუბაზ კველიშვილი

დაიბადა 1965 წლის 24 დეკემბერს.

1972-80 წლებში სწავლობდა ქ. თბილისის მე-12 საშუალო სკოლაში,
1980-84 წლებში ქ. თბილისის სამრეწველო-ეკონომიკურ ტექნიკუმში.


1985 წელს გ. კველიშვილი მუშაობს მეტალობაზაში ეკონომისტის თანამ-
დებობაზე.

1985-1987 წლებში გუბაზ კველიშვილი იყო სამხედრო სამსახურში
ქ. მოსკოვში.

1988 დეკემბერში გ. კველიშვილი შედის შინაგან საქმეთა ორგანოებში.
1989 წლის აგვისტოში ირთავს ვარდო (ნატო) რეზოს ასულ ესებუას.
1991 წლის 7 იანვარს გუბაზ კველიშვილი დაიღუპა სამსახურებრივი ხასიათის
ვალეობის შესრულების დროს სამაჩაბლოში.

გუბაზი ძალიან უშუალო ბიჭი იყო, მოგზიბლავდათ მისი ალალი, ემოციური
ბუნება. იყო საოცრად კეთილი, მეგობრული, ულალატო, ამაყი, თბილი ვაჟკა-
ცი ბიჭი. უყვარდა სპორტი.

1991 წლის 21 ივლისს გუბაზ კველიშვილი ქალიშვილის მამა გახდა. გუ-
ბაზის ყველა კარგი თვისებიდან სიყვარულმა გაიმარჯვა. სიყვარულმა, რომელ-
მაც, გუბაზი დაღუპვის შემდეგ მამა გახადა და გუბაზის სიცოცხლე მარიამმა
გააგრძელა დაყრუბულ, დაცარიელებულ სახლში.



კახაბერ კვანტრიშვილი

კახაბერ ზურაბის ძე კვანტრიშვილი, დაბადებული 1971 წლის 20 დეკემბერს, ზესტაფონის რაიონის სოფელ თვირში, განათლება – საშუალო, უცოლო.

სკოლის დამთავრების შემდეგ მუშაობა დაიწყო რუსთავეში, სამშენებლო ტრესტში მუშად.

1992 წლის ნოემბერში მოხალისედ შევიდა 114-ე ბატალიონ „ავაზში“. იყო მენადმე.

საქართველოს ტერიტორიული მთლიანობის დასაცავად წავიდა საბრძოლველად აფხაზეთში, იბრძოდა სოფელ ლაბრასთან, სადაც 1993 წლის 1 მარტს იოხდა მტერთან დიდი შეტაკება. კახა მეგობრის გადასარჩენად შევარდა ქარცეცხლში, დაიჭრა, ტყვედ ჩავარდა და დაჭრილი ვაჟკაცი აფხაზმა სეპარატისტებმა უმოწყალოდ აწამეს.

დასაფლავებულია ზესტაფონის რაიონის სოფელ თვირში.

კახაბერ კვანტრიშვილი სიკვდილის შემდეგ დაჯილდოვდა მედლით „მხედრული მამაცობისათვის“.

– ჯავრო, არ მოგცემ ნებასა,
გულო, არ დაგაშავებო,
მტერო, არ შეგეპუები,
ხმალო, შენ გაგაფხავებო!

(ხალხური)



**დავით (ჩელუ)
 კვაჭანტირაძე**

თავიდანვე სპორტის მოყვარული იყო. თბილისის 22-ე საშუალო სკოლაში ბევრ შეჯიბრებაში მონაწილეობდა, მაგრამ ჭადრაკი განსაკუთრებულად უყვარდა. მე-5 კლასის მოსწავლემ 1981 წელს მსოფლიო ჩემპიონ ნონა გაფრინდაშვილთან ერთდროული სეანსი ყაიმით დაამთავრა.

თბილისის ტექნიკური უნივერსიტეტის გეოდეზიის ფაკულტეტის მეხუთე კურსის სტუდენტი, 23 წლის დედისერთა ვაჟაკი, მეგობრები მოფერებით „ჩელუს“ რომ ეძახდნენ, დედის სიყვარულით თავსაც უნდა გაფრთხილებოდა, მაგრამ სანამ დათო, „შენაბადას“ სპეცბატალიონის ოფიცერი, მაიორი გახდებოდა, მანამდე უღალატო, თავმდაბალი, განათლებული, სამშობლოზე შეყვარებული ვაჟაკი იდგა იქ, სადაც ყველაზე მეტად სჭირდებოდა ქვეყნას, აქნებოდა ეს მიწისძვრები რაჭაში, საჩხერესა და ჭიათურაში, ცხელი წერტილები მარნეულში, ბოგდანოვკაში, სამაჩაბლოში, ეშერაში, კოლხიდაში, ვაგრამი.

იმ დღესაც, 29 აგვისტოს „შენაბადას“ ბატალიონი სოფელ იფნარს იცავდა. ზურგში განლაგებულმა სხვა შენაერთების ბატალიონებმა გაურკვეველი ბრძანებით უკანდახევა დაიწყეს. დაუცველი რჩებოდა ზურგი. დათომ თავისი ინიციატივით ოთხ მეზობლთან ერთად მისი გამაგრება ითავა... მალე მეზობლებს ერთი კაცის სროლის ხმა შემოესმათ. გასაგები იყო, რომ ოთხეულს უჭირდა. ადგილზე მისულებს სამი უსულოდ დაუხვდათ, ფეხში დაჭრილი დათო კი გადარჩენილიყო. ყოველთვის მომღიმარი, იუმორით სავსე, ახლაც იცინოდა: ეს არაფერია, ბიჭებს მიხედეთო.

ქვეითთა საბრძოლო მანქანით გამოიყვანეს. იქ შეშინებული ბავშვები დაუხვდათ. სისწრაფის გამო მანქანა ადგილზე შემოტრიალდა, დაზიანებული კარი ფართოდ გაიღო და დათომ იარაღმომარჯვებული გადამთიელი დაინახა. ბავ-

შვების გადასარჩენად კარის დაკეტვას რომ ვერ ასწრებდა, „ჩელემ“ ტყვიას
ნიკრდი შეუშვირა.

...იმ პატარებმა „ჩელე“ ბიძიას, „შაუნაბადას“ ბატალიონის მეფრეხეულე-
სერთა ვაჟიკის — დავით კვაჭანტირაძის საფლავი მინდვრის უკუგადასრულე შე-
ამკეს.

უიშედოდ დარჩენილმა გამწარებულმა დედამ დათოს უკანასკნელი სიტყ-
ვები გაიხსენა: „შენ სიცოცხლეს მირჩევნიხარ, მაგრამ ჩემს სამშობლოს, საქარ-
თველოს, უჭირს და ჩემგან შეველას ითხოვს. ნუ იქნები ეგოისტი, დედა, და საბრ-
ძოლველად წასულს გზა დამილოცე“.

დავით კვაჭანტირაძე სიკვდილის შემდეგ დაჯილდოვდა **ვახტანგ გორ-
გასლის I** ხარისხის ორდენით და მედლით „**მხედრული მამაცობისათვის**“.

ქ. თბილისის მერიასთან არსებული მრჩეველთა საბჭოსა და კულტურის
სამმართველოს წინადადებების საფუძველზე დიდუბის რაიონში 22-ე საშუალო
სკოლას ეწოდა დავით კვაჭანტირაძის სახელი.

მირიან კალანდარიშვილი



ელგუჯა კვეკვესქირი

ელგუჯა რევაზის ძე კვეკვესქირი დაიბადა 1972 წელს ოჩამჩირეში, 1989
წელს დაამთავრა ოჩამჩირის № 5 საშუალო სკოლა, იმავე წელს ჩაირიცხა სო-
ხუმის სავაჭრო კულინარულ სასწავლებელში, რომელიც დაამთავრა 1991 წელს,
მზარეულ-კონდიტერის სპეციალობით.

1992 წლის დეკემბრიდან მონაწილეობდა აფხაზეთის ომში (მსახურობდა
ოჩამჩირის № 7 ბატალიონში).

დაიღუპა 1993 წლის 14 მარტს, ოჩამჩირეში, სოფელ ბესლახუბასთან.

1989 წელს კ. კვიციანი გადმოვიდა თბილისში, მარტოხელა, სამამულო ომის მონაწილე დედასთან და ისევე განაგრძობს სამხედრო მოვალეობის შესრულებას. ჯერ მსახურობდა საავტომობილო პატალიონში, შემდეგ 1991 წელს საფრანგულ სიდან, საქართველოს რესპუბლიკის კომისარიატში პოლიტგანყოფილებაში უფროს ინსტრუქტორად.

1992 წლის 2 ოქტომბრის ბრძანებით, კაპიტნის ჩინით, დაინიშნა საქართველოს კადეტთა კორპუსის უფროსის მოადგილედ აღმზრდელით დარგში. ჯერ ერთი თვეც არ უმუშავა აღნიშნულ თანამდებობაზე, რომ გადაწყვიტა თავისი წვლილი შეეტანა საქართველოს ტერიტორიული მთლიანობის დაცვისათვის ბრძოლაში და მოხალისედ გაემგზავრა აფხაზეთში, კონფლიქტის ზონაში.

1992 წლის 3 ნოემბერს კახი ალექსანდრეს ძე კვიციანი გმირულად დაეცა სოფელ შრომასა და ახალშენთან ბრძოლაში.



რატი
კვიციანი

უყვარდა გაზაფხული და ნუშის აფეთქება, უყვარდა მამული და სიცოცხლე... დედას ბავშვივით იფიცებოდა, უმეგობროდ ვერ ძლებდა. ეთაყვანებოდა თბილისის და თავის უნივერსიტეტს. რატი ზომ თბილისის მკვიდრი იყო და სახელმწიფო უნივერსიტეტის ფილოლოგიის ფაკულტეტის სტუდენტი. კლასიკურ ფილოლოგიას ეუფლებოდა და ვარდისფრად ესახებოდა მოშავალი...

შარშან, იმ აუბედით ზაფხულს კი, როგორც კი საქართველოს ძირძველი მიწის მთლიანობისათვის აფხაზეთში სისხლი დაიდევარა, რატი კვიციანი მამულისეულად უყოფნადა ჩადგა სამშობლოს დამცველთა შორის. იგი იბრძოდა მოხალისეთა გვარდიის სპეცდანიშნულების რაზმში, რომელსაც აკია ბარბაქაძე მეთაურობდა.

იდეა აგვისტო, რიცხვი 30, წელი 1992... ეს დღე რატიისთვის საბუღალტრო გამოდგა. 21 წლის ჭაბუკი ბზიფის ხეობაში აფხაზი სეპარატისტების სნაიპერის ნასროლმა ტყვიამ იმსხვერალა. დაიმსხვრა ლამაზი ოცნებები... მარქსიზმი

მწარედ დაიტირეს თანაკლასელებმა გმირი. რა შეუმჩნევლად დაუფიქრებულა ბავშვი... თითქოს გუშინ იყო, 150-ე საშუალო სკოლის ეზოში თანატოლებთან ერთად ბურთს რომ დასდევდა...

მწარედ დაიტირეს უნივერსიტეტელმა მეგობრებმაც კაი ყმა, რომელიც „სულეთს შავიდა ხმლიანი, ლალი, ლალისა ცხენითა“ და ისიც ირწმუნეს, რომ ეს სტრიქონები პოეტს სწორედ რატი კიკანეიშვილისთანა ვაჟკაცისათვის მიუძღვნია და მის ქებას გარდასულ გმირებთან ერთად ჩვენც უშურველად გავიღებთ.

უყვარდა გაზაფხული და მის დადგომას ვეღარ მოეწრო. აფეთქებული ნუძის რტოებით შეამკობენ თანატოლნი გმირი ჭაბუკის მუღმივ სამწოფელს. რატის სიცოცხლის გაგრძელებაც სწორედ ეს არის.

იზაბელა ბერძენაშვილი

ბელა კიკნაძე

სამსახურებრივი მოვალეობის შესრულების დროს ტრაგიკულად დაიღუპა საქართველოს რესპუბლიკის საინფორმაციო-სადაზვერვო სამსახურის საგამომიებო განყოფილების განსაკუთრებით მნიშვნელოვან საქმეთა უფროსი გამომძიებელი, იუსტიციის კაპიტანი – გელა იოსების ძე კიკნაძე.

როგორ ელოდი იმ დღეს, როდესაც შენს სათაყვანებელ სამშობლოში სიმშვიდე და ბედნიერება დამკვიდრდებოდა, ისევე ამღერდებოდა ყველა ქართველი, ისეთივე ლამაზი ხმით, როგორითაც შენ თვითონ უმღეროდი სიცოცხლესა და სიყვარულს, მაგრამ უმოწყალო საწუთრომ ნაადრევად მოგიწირაფა სიცოცხლე. აი, უკვე მერამდენედ ძმამ ძმაზე ასწია ზელი და თითოეულ ქართველს აგრძნობინა თავისი უმწყობა.

აღარ გვყავს გელა – კაცი, რომელიც იმ ძნელადმოსაგონებელ ახლო წარსულშიც კი ჭეშმარიტი პატრიოტისა და პროფესიონალის პოზიციებზე იდგა. საკუთარი სინდისისა და მეგობრების წინაშე იგი ყოველთვის მართალი იყო.

მხოლოდ 35 წელი იცოცხლე საქართველოზე, ქართველობაზე, ძმობაზე და ოჯახზე უზომოდ შეყვარებულ ვაჟკაცო. შენი უდროოდ წასვლა მოუშუშებელ ტკივილად დარჩებათ შენს მეგობრებს.



**ზაზა
კიკნაძე**

აფხაზეთის ომმა დაიბლა გოგა და შოთიკო, შაკები ჩააცვა ახალგაზრდა ქალს ნათია კიკნაძეს, სამუდამო ტკივილი დაუტოვა მშობლებს ჟუჟუნა და შოთა კიკნაძეებს.

ზაზა კიკნაძე, პროფესიით ინჟინერი, ერთ იმათაგანია, ვინც უყოყმანოდ პეიტანა თავისი სიცოცხლე სამშობლოს სამსხვერპლოზე. დაიღუპა სოფელ ტამაშთან უთანასწორო ბრძოლაში.

* * *

მეგობრებო, ჩვენი გზა
გასწევს წელთა მრავლობას,
იგი მუდამ დარჩება
ხსოვნად შთამომავლობას.

ბალაკტიონი



კოკა კლდიაშვილი

— ჩვენ თხუთმეტი წლის მეგობრობა გვაკავშირებდა. ერთ უბანში ვცხოვრობდით — ვაკეში, რივის ქუჩაზე. კოკა თუმცა ჩემზე ორი წლით უმცროსი იყო, მაგრამ ისეთი ხიბლი ჰქონდა, თავისზე გაცილებით უფროსებთანაც ადვილად ახერხებდა დაახლოვებას, და შემდგომ ეს მეგობრობა დიდ სიყვარულში იზრდებოდა.

კოკას ხასიათში რა გეხიბლავდა? უპირველესად მისი ვაჟკაცური ბუნება. მუდამ ხალისიანი, უღალატო იყო, იცოდა მეგობრის გატანა. რა საქმეზეც არ უნდა მივემართა, ყველაფერს გააკეთებდა, თავს არ დაზოგავდა და გვერდში ამოგიდგებოდა. ყველასთვის ასეთი კაცი იყო. მეგობარი კი უამრავი ჰყავდა — თბილისის 57-ე სკოლიდან, თუ პოლიტექნიკური უნივერსიტეტიდან. კოკა ზომ განათლებით ინჟინერი იყო — ქიმიკოსი. თავისი ნესტანიც სტუდენტობისას გაიცნო და შეიყვარა. თანაც, როგორი სპორტსმენი იყო! ვახსოვთ, რას სწერს კოტე ვაბაშვილი „ნატურისთვალში“: „კოკა რაგბისტი იყო... მოქნილი, სხარტი და გონიერი, სპორტშიც ისეთივე ვაჟკაცი იყო, როგორც ცხოვრებაში — შეუდრეკელი, უშიშარი და, რაც ვაჟკაცისათვის ყველაზე მნიშვნელოვანია, სამართლიანი. აი, ნაღდი თბილისელი ბიჭის ერთი აუცილებელი თვისება — სამართლიანი! არ არსებობდა მისგან ტყუილი, ლიქნი, სიტყვის გატეხვა“.

ჩემი მოსაუბრე მცირე ხნით შეჩერდა. ორიოდე წუთით უხმოდ ვისხედით... ქუცო მიქელაძისათვის ადვილი არ იყო თავისი უახლოესი მეგობრის — კოკა კლდიაშვილის გახსენება, მაგრამ პასუხისმგებლობას გრძნობდა და ცდილობდა მნიშვნელოვანი რამ მისი ბიოგრაფიიდან არ გამორჩენილიყო.

— გვარდიაში როგორ მოვხვდით? — კოკას წყალობით.

ეს ამბავი როგორ დაიწყო? — შავნაბადაზე ავედით, ჩვენი ბატალიონის უფროსთან აკია ბარბაქაძესთან. გვითხრა: აფხაზეთში რკინიგზის დასაცავად უნდა

წავიდეთ. აღარ შეიძლება ამდენი არეულობის მოთმენა, მარცვა-გლეჯის, ფაქლის გამოძალვის მიზნით აღამიანების მოტაცება. იმხანად ხომ რამდენიმე თანამდებობის პირი ჰყავდათ ტყვედ აყვანილი. ჰოდა, საჭირო გახდა იქ წესრიგის დამყარება, ომზე კი მაშინ არავინ ფიქრობდა. ჩვენც სამხადის მხარეს წავედით, 12 აგვისტო იყო. მეორე დღეს კოკას დაბადების დღე უნდა აღგვენიშნა, ის ხომ ოცდაექვსი წლისა სრულდებოდა. კოკა დუშეთში გაემგზავრა თავის აგარაკზე ცოლ-შვილთან გამოსამშვიდობებლად, იმავე დღეს დაბრუნდა. ცამეტში ბიჭები შევიკრიბეთ, ერთხანს მოვიღბინეთ, კოკა გატაცებით უკრავდა ფორტეპიანოზე ჯახურ მუსიკას, ახლა როგორ მღეროდა!.. ცამეტშივე შავნაბადაზე ავედით და იმავე ღამით აფხაზეთში გავემგზავრეთ. თოთხმეტ აგვისტოს უკვე ფოთში ვიყავით და იქიდან რამდენიმე კარჭაბით ლესელიძისკენ გავეშურეთ, ჩვენი ქვეყნის ჩრდილოეთის საზღვრის დასაცავად. გზაში ბევრი დაბრკოლება შეგვხვდა. ჯერ იყო და კარჭაბი დაგვიზიანდა, ერთხანს შევჩერდით, ახლა რუსეთის დიდმა სამხედრო კრეისერმა დაგვაყოვნა, რომელიც ჩვენს მსვლელობას აღვენებდა თვალს და, ალბათ, სათანადო ცნობებსაც გადასცემდა. იმ დროს თურმე გაერაში უკვე ბრძოლები დაწყებულიყო და აფხაზები განთიადის მხრიდან უტყველდნენ.

14 აგვისტოს ლესელიძეში ნაპირს რომ მივაღექით, იქ არავინ დაგვხვდა. საშინელი სიცხე იყო. ოთარი და კოკა ნაპირზე გადახტნენ და... სანაპირო მოაჯირთან ჩასაფრებულმა აფხაზებმა ტყვიის წვიმა დაგვაყარეს. ზღვის ქვიშაში სამიზნეები აღმოვჩნდით. შვიდი ბიჭი იქვე ნაპირზე დაგვიჭრეს. კოკა კობაიძეს ცხრა ტყვია მოხვდა, მაგრამ მაინც მოახერხა თავისი დაჭრილი თანამებრძოლის გამოყვანა. სროლით გავიკაფეთ გზა. განთიადისაკენ წავედით. აფხაზები განუწყვეტელი გვესროდნენ, მაგრამ მაინც შევედით. ცოტა რომ ამოვისუნთქეთ, ერთნაწილს დაუწყვეთ ძებნა. კოკა არსად ჩანდა. ვვითხრეს ლესელიძეში ორი ქართული ბიჭი მოუკლავთო და იქით გავეშურეთ, სირბილით მივედით იმ ადგილას და მხატვარი სანდრო ვაჩიშვილი ვნახეთ ტყვიებით მთლად დაცხრილული. კოკას ძებნა გავაგრძელეთ. დაბის ერთმა იქაურმა მცხოვრებმა „კამაზი“ გამოიყვანა და იმით წაგვიყვანა მე და პატარა თბილისელი ბიჭი ელდარ მუზაევი, რომელმაც ჩვენი დაღუპული მეგობრის ადგილი იცოდა. მტერი კვლავ უმოწყალოდ გვეშენდა, მაგრამ ჩვენი მძლოლი იმ ტყვიების წვიმაში მაინც ახერხებდა გზის გაკვალვას და დაბის ბოლოს უენებლად მიგვიყვანა.

მივედით და... ვნახეთ. იგი ხომ უშიშარი იყო, ნაპირზე ტყვიის წვიმაში მტერს არ შეპუებია, მათ საფარს მაინც გადავლებია და იქ სნაიპერის ნასროლი ტყვია მოხვდა.

ჩემი მოსაუბრე დადუმდა. ისეთი თვალებით შემომხვდა, მივხვდი, მას მეტი თხრობა აღარ შეეძლო. მერე მისი ცხედარი თბილისში ჩამოასვენეს. გლოვის ზარი რეკდა კლდიაშვილების ოჯახში, თბილისელი ახალგაზრდების გულებში.

კოკას დედასთან, ქალბატონ ჰენრიეტასთან ვერ შევხვედე მისვლა, ვერც მისი პატარები ვნახე. ისევ ნესტანს ვთხოვე, შემხვედროდა. მოვიდა ჩემთან ახალგაზრდა, შაოსანი მშვენიერი ქალი. მას ძალიან უჭირდა საყვარელ მეუღ-

ლუზე საუბარი. — იცი, როგორი თბილ და მოსიყვარულე იყო, სიკეთით სავსე. ჯახში რომ შემოვიდილა, ყველას დაგაკოცნიდა, მოგვეფერებოდა. ისეთი შვილობილი იცოდა, ყველა მას ელტვოდა. ჩემი გოგოებიც კი თავიანთ საიდუმლო ამბავს მას უყვებოდნენ და რჩევასაც ჰკითხავდნენ. ბიჭები კი იმას ჰყვებოდნენ, რა სულ ცოლ-შვილში ხარო. ახლა მშობლები როგორ უყვარდა, თავისი და-მამა — თემური და თინა, როგორ განიცადა მამამისის დაღუპვა, დედაზე ხომ გიჟდებოდა, ვინ არ უყვარდა უსაზღვროდ, ჩვენს გოგონას ხომ თავისი დის სახელი დაარქვა — თიკო ახლა სამწლიანხვერისაა, მამა კარგად ახსოვს, მაგრამ რაღაიას გრძნობს და არ ახსენებს. ვინმე კარგ მომღერალ კაცს რომ დაინახავს, მაშინ იკითხავს: კოკა როდის მოვაო? გიორგი კი მამას, ალბათ, სურათით დაიმახსოვრებს.

ლარისა ხუბულური

მასალა ილია კოჭიერიძეზე იხილეთ 568 გვერდზე.



**ბაჩუკი
კოკაია**

ბაჩუკი ბორისის ძე კოკაია დაიბადა 1970 წლის 20 სექტემბერს, ქ. ფოთში, 1976-87 წლებში სწავლობდა ქ. ფოთის მე-6 საშუალო სკოლაში, შემდეგ მუშაობდა ქ. ფოთის შინაგან საქმეთა საქალაქო განყოფილების არასაუწყებლო დაცვის განყოფილებაში ელექტრომონტიორად.

1988-90 წლებში გადიოდა სამხედრო-საქალაქური სამსახურს რუსეთის სხვადასხვა ქალაქებში. სამხედრო სამსახურის დამთავრების შემდეგ მუშაობა დაიწყო შინაგან საქმეთა ფოთის საქალაქო განყოფილების სამორიგეო ნაწილში.

1992 წელს ჩააბარა საქართველოს რესპუბლიკის ეროვნული უშიშროების
უმაღლეს სკოლაში. დაიღუპა 1992 წლის 29 აგვისტოს გაგრის მიდამოებში სა-
ქართველოს მთლიანობისათვის ბრძოლაში.

საქართველოს
სამხედრო
სამსახურის
პირველი
სიგელი

ნათელი მოეფინოს ღირსეული მამულიშვილის სულს!



**იოსებ
კოპაძე**

იოსებ გურამის ძე კოპაძე დაიბადა 1973 წელს ქარელის რაიონის სოფელ
ღვანში. 1990 წელს დაამთავრა ღვანის საშუალო სკოლა, სწავლობდა ქარელის
ელექტრომექანიკურ ტექნიკუმში.

ჰყავს მშობლები და და-ძმა. 1991 წლის 24 მარტს დაიღუპა სამაჩაბლოში
ზნაურის რაიონის სოფელ ველებში.

გურამ კოპაძე სულ 18 წლისა დაიღუპა. დაიღუპა მისი სამშობლოს ტერი-
ტორიული მთლიანობისთვის, მისი თავისუფლებისთვის ბრძოლაში, ამიტომ
უსაზღვროდ ემაღლიერება მას მისი სამშობლო, მისი მშობელი ხალხი.



**ოთარ
კორინთელი**

ოთარ კორინთელი და იური ძიძიგური თანაგუნდელები იყვნენ. წლების მანძილზე ერთად იცავდნენ საქართველოს კალათბურთის ღირსებას, ახალგაზრდული ნაკრების სახელს, ერთად ისწავლეს საქართველოს პოლიტექნიკურ ინსტიტუტში და სიკვდილმაც ერთად უწია ბავშვობის მეგობრებს გაგრაში — პირველს ფრონტის ხაზზე, მეორეს — თავის სახლთან!..


ოთარ კორინთელი მთაწმინდელი იყო. 41-ე საშუალო სკოლის დამთავრების შემდეგ ლენინაკანში, კავშირგაბმულობის ბატალიონში მოითავა საბჭოთა კავშირის შეიარაღებული ძალების სამხედრო-სავალდებულო სამსახური და 1976 წლიდან მთლიანად სპორტს დაუკავშირა თავისი ცხოვრება. ცნობილ სპორტულ ბუშაკს, ქართული კალათბურთის ქიშკას სხვადასხვა სპორტულ საზოგადოებებსა და სპორტულ სკოლაში უმუშავია. ყველგან სიკეთე და სიყვარული მოუპოვებია. გულთბილი, სიტყვაძვირი და ნამუსიანი კაცი სამშობლოს ერთგულად ემსახურებოდა და უანგაროდ გადასცემდა თავის გამოცდილებას ახალგაზრდა თაობას, ასწავლიდა სახელმწიფო დროშისა და ჰიმნის ფასს. სწორედ პატრიოტულმა სულისკვეთებამ აიძულა იგი 29 აგვისტოს მოხალისედ წასულიყო აფხაზეთში და ჩარიცხულიყო 101-ე ბატალიონში გაგრაში.

ბატალიონის მეომრები სოფელ კოლხიდაში მოვხვდით. ოთარი ჩვენი მოკავშირე იყო. მამობრივი მზრუნველობით გვევლებოდა თავს და ყოველთვის, როგორც კი დროს იხელთებდა ან პულტთან შეიცვლებოდა, ტყვია-წამლით მოდიოდა და გვამხნევებდა. ტყვიას არ უშინდებოდა. ამის საბრძოლო მაგალითი ბევრი გვაქვს — მოგვითხრობს ო. კორინთელის თანამებრძოლი ავთანდილ ჩიქოვანი: 1. ოქტომბერს, იმ საბედისწერო დღეს მტერი შეტევაზე გადმოვიდა. სარდლობას შექმნილი მდგომარეობა სასწრაფოდ შევატყობინეთ და თავიდან სარტილერიო საწვრებში გავმაგრდით, ის მაშინაც ახალგაზრდა ბიჭვებზე ფიქ-

რობდა. აქი ყოველთვის ამბობდა გაწვრთნილ და გამოცდილ მტერს ჩემი მისიონერი უნდა შეებნენ, საკადრის პასუხსაც ჩვენ გავცემთ, და არა 17-19 წლისანიო. მე თუ არ წავედი, აფხაზეთში, აბა, მარტო მათი სადღეგრძელოები უნდა ვიქნებოდე. ოთარი მძიმედ დაიჭრა. იცოდა, რომ განწირული იყო. მის მშობლებს დაბრუნებულებს დათო მშვიდობაძეს, ზაზა კირეულიშვილსა და მე მკაცრად გეტხოვა ადგილზე დაგვეტოვებინა. ტყეში შეყვანის შემდეგ ათი წუთიდა იცოცხლა სისხლისაგან დაცლილმა ვაჟკაცმა.

დარდად დარჩათ თანამებრძოლებს, რომ „დიდ მიწაზე“ ვერ გადმოიტანეს ნისი ნეშტი და იქვე, სახელდახელოდ მიაბარეს ქართულ მიწას, რომელსაც იმჟამად გადამთიელი დაბატრონებოდა.

ი ა კ ა ლ ა ნ დ ა რ ი შ ვ ი ლ ი



**ბადრი
კუზანაშვილი**

დაიბადა 1966 წლის 7 თებერვალს, ქ. თბილისში.

მშობლები: დედა — ეთერ სოსოს ასული გვიგლოშვილი-კუზანაშვილი, მუშაობს ისნის რაიონის „სამკორის“ სამეურნეო გამწვანებაში.

მამა — არჩილ ბაგრატიის ძე კუზანაშვილი, მსახურობს თბილისის № 3 გასამხედროებულ სახანძრო რაზმში.

ჰყავს და-მმა, — მაია და ზაალ კუზანაშვილები.

1973 წელს მშობლებმა ბადრი სასწავლებლად შეიყვანეს № 103-ე საშუალო სკოლაში. აქ სწავლობდა 1981 წლამდე. რვა კლასის დამთავრების შემდეგ სასწავლებლად გადავიდა საქართველოს რკინიგზის თბილისის № 2 საშუალო სკოლაში. საშუალო სკოლის დამთავრების შემდეგ, 1983 წელს სწავლა გააგრძელა № 54-ე ტექნიკურ სასწავლებელში.

1985 წელს გაიწვიეს სავალდებულო სამხედრო სამსახურში.

1987 წლიდან მსახურობდა გასამხედროებულ № 3 სახანძრო რაზმში.

1990 წელს დაქორწინდა სავარჯჯოს რაიონში სოფელ მანავეში მცხოვრებ ნელი მიხეილის ასულ ბორაშვილზე.

ქალბატონი ნელი დიასახლისია, ზრდის 1 წლისა და 8 თვის პატარა თამუნას, ელოდება მეორე შვილს. ახლობლები და მეგობრები ბადრის ახასიათებენ, როგორც სამშობლოსთვის თავდადებულ, ოჯახის მოსიყვარულე და ამხანაგ-მეგობრებში გულმართალ, ალალ ბიჭს.

საქართველოში ომი დაიწყო...

როგორც ბევრ სხვა ნამდვილ ქართველს, ბადრისაც აღარ დაუდგა გული სახლში და წაეიდა იქ, სადაც ასე ძალიან უჭირს დღეს საქართველოს. „თეთრი არწივის“ მებრძოლთა შენაერთში აფხაზეთის რეგიონის დასაცავად იბრძოდა. სამშობლოს სიყვარულით გულანთებულმა, თავისი ქვეყნის ერთიანობის ინტერესებს შესწირა სიცოცხლე და უანგაროდ გაიღო მისთვის სისხლი.

1992 წლის 1 სექტემბერს სოფელ ეშერაში მიმდინარე ბრძოლის დროს ბადრიმ გმირულად შესწირა სამშობლოს თავისი სიცოცხლე.

ბადრი კუზანაშვილი სავარჯჯოს რაიონის სოფ. კაკაბეთის მამა-პაპათა წმინდა სასაფლაოზეა დაკრძალული.

შოთა ნოშინაიძე

ვერა, ერთმანეთს ვერ წავართმევთ...

შენ სულ აფხაზობ, რაც არსებობს ეს საქართველო...
და რაღას სწუხარ... აგწეწია სული რაღაზე?
ღმერთი და რჯული! საქართველო სანამ იქნება,
შენ სულ აფხაზი იქნები და სულ იაფხაზებ.

ბაგეზე ლოცვა შეჰყინვიათ ილორის ხატებს
და მათი გმინვა გარდიგარდმო ესმით მეზობლებს.
აფხაზო კაცი, შენს დაწიხლულ, უიღბლო გამდელს -
შენს საქართველოს ჩენის ტყვია როგორ ესროლე?!

ქრისტეშობამდე აქ ვეძებდით სოკოს თუ ასკილს,
ერთად ვზედნიდით მეგრულ ლაფშას...

აფხაზურ ლურჯას...

ქედზე მიჯაჭვულ ამირანს თუ იგივე აბრსკილს
ჯაჭვს ულოკავდა მე და შენი გაზრდილი ყურშა.

ვერა, ერთმანეთს ვერ წავართმევთ ამ ღვთის
საბოძარს -

ამ ერთ სამშობლოს — წინაპართა ძელებით მოხრეშდით.

და რატომ ვკვდებით... რატომ ვწყდებით,

მიკვირს საოცრად,

ეროვნული
ზიგლიმოთქვა

ამ სამოთხიდან

რად მივდივართ

იმ სამოთხეში?...

22.1.93 წ.

* * *

„...არა არს წესი ქართველთა, რათა ვიხილოთ მტერი ჩვენკენ მომავალი, შეუბძელად ზურგი შემოვაქციოთ, დაღათუ იყოს სიკვდილი“.

ქართველი სარდლის

ნათქვამი ბრძოლაში (XIII საუკ.

„ქართლის ცხოვრება“).

სისხლის მიწერი

ის, რაც აფხაზეთში მოხდა, ჩემთვის, არა მხოლოდ როგორც ეკლესიის მსახურისათვის, არამედ როგორც მოქალაქისათვის, წარმოუდგენელი რამ არის. ბავშვობიდანვე ვეზიარე იმას, რომ ქართველები და აფხაზები ნათესავეები, ძმები არიან. ყველთვის ამას ვქადაგებდი ამბიონიდანაც. მაგრამ ახლა ეჭვი გამიჩნდა, დიდი ეჭვი, როგორ შეიძლება ძმა იყოს ის, ვინც მოსაკლავად გაგიმეტებს და ტყვიას გესვრის. მე ღვთის მსახური ვარ და ღვთისავე სახელით კაცს ნებისმიერ შეცდომას მიუტყეებს, მაგრამ ეს მაშინ ხდება, როდესაც კაცი მოინანიებს დანაშაულს და მიტყეებას ითხოვს. სამწუხაროდ, აქ ჯერ ვერ ვხედავთ ამას. პირიქით, დამნაშავე სხვისთვის სისხლის გადაბრალებას ცდილობს. ეს ორმაგი შეცდომა და მკრეხელობაა. ყველაფრის პატიება არ შეიძლება. ამისათვის შთამომავლობა მოგეთხოვს პასუხს. როდესაც დამნაშავეებზე ვლაპარაკობ, მთელ ხალხს როდი ვგულისხმობ, ხალხი არ შეიძლება დამნაშავე იყოს, დამნაშავენი პიროვნებები არიან. ვლოცულობ ქართველთათვის და აფხაზთათვისაც, რომლებსაც თავგზას უბნევენ უკეთურები. ყველაფერს ვიღონებ, რათა ორ ხალხს შორის მშვიდობა აღდგეს. ეს ჩემს მისიად მიმაჩნია.

ცხუმ-აფხაზეთის მიტროპოლიტი **დავითი**

„ოქროს საწმისი“, № 1, 1989 წ.



სტანისლავ კუზმინი

რედაქციაში გვარდიისფორმიანი მეომრები – ალექსანდრე სიფრაშვილი და ექტორ ჭელიძე მოვიდნენ, თან ჩვენდამი მოწერილი ქაქუცა ჩოლოყაშვილის ბრიგადის მეთაურის პირველი მოადგილის პოლკოვნიკ ნოდარ მუსყერიძის წერილი მოიტანეს, სადაც ნათქვამია: „გვინდა პრესის საშუალებით გამოვხატოთ დიდი გულსტკივილი ჩვენი საყვარელი მებრძოლის სტანისლავ (სლავიკა) კუზმინის დაღუპვის გამო. კუზმინი წარდგენილია სათანადო ორდენზე. ეს ის კუზმინია რომელმაც შარშან ზაფხულში თითქმის მთელი ტაძრში განაღმა, ახლაც, 28 მარტს დავალებას ასრულებდა, მაგრამ...“

ძალიან ვთხოვთ ნუ დაინანებთ გაზეთში პატარა კუთხეს, ჩვენი სლავიკა, ეს რუსი თბილისელი ბიჭია, რომელიც საქართველოს დიდ სიყვარულს უზადოდ ატარებდა, მის სიყვარულს შეეწირა კიდევ“...

დაბადების დღე ტელევიზიით მიულოცეს, მეორე დღეს კი ნაღმზე აფეთქდა. ვადარჩებოდა, მაგრამ მენაღმეთა ოცეულის უფროსმა, თავისი საქმის ჩინებულმა მტოდნემ, სპეციალური ხელსაწყოთა გარეშე რომ პოულობდა ნაღმებს, თავის თავს ვერ აპატია შეცდომა, თანაც დაინახა, როგორ დაეცა მის გვერდით ჩვენი მებრძოლი, ეგონა, რომ ისიც შეიწირა და გამწარებულმა ხელყუმბარა აიფეთქა... ის მეომარი გადარჩა. სტანისლავმა ეს ვერც გაიგო.. ქაქუცა ჩოლოყაშვილის სახელობის ბრიგადის მენაღმე ვაჟკაცურად წავიდა ამ ქვეყნიდან. ყველას ძმა და მეგობარი იყო. როცა ნაღმის ამოსაღებად მიდიოდა, წინ არავის უშვებდა, პირველი თვითონ მიემართებოდა. ხშირად ამბობდა ოურმე: მენაღმე ორჯერ ცდება, ერთხელ მაშინ, როცა აბადება, და მეორედ მაშინ, როცა ნაღმზე ფეთქდება.

ვერც იგი ვაეჭვა თავის ბედისწერას, ვაჟკაცურად მოიხადა ვალი მამულის წინაშე, თან კი თანამებრძოლების დიდი სიყვარული და ინვალიდი ღედის ცრემლი გაიყოლა...

მაგრამ სტანისლავ კუზმინის ხსოვნა მარადიულია ამ წერილივით, რომელიც
თანამებრძოლებმა მის დედას გამოუგზავნეს.

ქრონიკული
ზიგლინოვიჩი

დ ე დ ა ს!!!

ომის ქარცეცხლში გახვეული აფხაზეთიდან გწერთ თქვენი შვილის სიკვ-
დილთან წილნაყარი 250 ქაქუცელი.

ჩვენო დედიკო, გულით ვიზიარებთ თქვენს მძიმე ტკივილს. პირველად ჩვენ
გვხვდა წილად ამ უბედურების აღქმა. ტკივილი, ცრემლი და სიამაყე ერთად აი-
რია გონებაში. სიამაყე საქციელისა, რომელიც ქაქუცა ჩოლოყაშვილის ბრიგა-
დის ოფიცერმა და ჩვენმა ძმამ სლავიკამ მოიმოქმედა. მან ხეიბრად ყოფნას ვაჟ-
ცაცურად სიკვდილი არჩია. გახსნა ხელყუმბარა და ზედ გადაეფარა, რათა სხვა
თანამებრძოლები არ დაეზიანებინა.

ჩვენო დედა! ქაქუცა ჩოლოყაშვილის სახელობის ბრიგადის ყველა მებრძო-
ლის გულის ფიცარზე სამუდამოდ აღიბეჭდა ჩვენი ძმის, სლავიკას სახელი. მისი
გმირობა მაგალითი იქნება ყველა ქაქუცელისთვის.

ჩვენო დედა! მოგვიტყვეთ, რომ დაკრძალვას ვერ ვესწრებით და ამ მძიმე
წუთებში თქვენს გვერდით არა ვართ, რასაც მტკივნეულად განვიცდით.

ჩვენო დედა! სლავიკა გმირია და გმირის დედას უფლება არა
გაქვთ გული გაიტეხოთ, და კიდევ ერთი, გახსოვდეთ, დედიკო: აფხაზეთის მიწაზე
დღეს 250 თქვენი ქაქუცელი შვილი იბრძვის, ისინი სლავიკას და კიდევ ჩვენი
სხვა დაღუპული ძმების სისხლს არავის აპატიებენ, არ შეარჩენენ.

ღრმა პატივისცემით თქვენი შვილები.

სტანისლავ კუზმინი სიკვდილის შემდეგ ვახტანგ გორგასლის II ხარისხის
ირდენით დაჯილდოვდა.

* * *

არ ვარ ობოლი ამ ქვეყანაზე,
შენ მეგულები ნუგეშად ხანამ...
რა არის ტკბილი დედის ნანაზე,
მე მიმატოვა ადრე იმ ნანამ.
მაინც დავდივარ ამ ქვეყანაზე.

გალაკტიონი



ზაალ კუპრაშვილი

დაიბადა 1962 წლის 19 თებერვალს ქ. ტყიბულში. დაამთავრა მე-5 საშუალო სკოლა, შემდეგ სწავლა გააგრძელა ქ. ორჯონიკიძეში, პოლიტექნიკური ინსტიტუტის სამთო ფაკულტეტზე. მეორე კურსიდან გაიწვიეს სამხედრო სამსახურში. პირნათლად მოიხადა სამხედრო სავალდებულო სამსახური და დაბრუნდა მშობლიურ ქალაქში.

იგი იყო უნიჭიერესი მუსიკოსი. ქმნიდა მუსიკალურ ნაწარმოებებს, მუშაობდა დაიწყო ტყიბულის კულტურის სასახლეში. შექმნა ვოკალურ-ინსტრუმენტალური ანსამბლი „იმედი“. წარმატებით გამოდიოდა ქალაქისა და რესპუბლიკის მასშტაბით. მან აღზარდა მრავალი ნიჭიერი მუსიკოსი, რომლებიც დღესაც აგრძელებენ მუსიკალურ მოღვაწეობას.

მადლიერი სამშობლო ვოკელთვის სიყვარულით მოივონებს თავისი ღირსეული შვილის — ზაალ კუპრაშვილის სახელს.

თამაზ კუსიანი

ეს კაცთმოყვარე, ვეელასთვის თავდადებული, ენერგიული კაცი არცერთ პარტიასა და პოლიტიკურ მიმდინარეობას არ ეკუთვნოდა. მისი მიზანი, სურვილი და ოცნება იყო ჯერ სწავლის გაგრძელება უმაღლეს სასწავლებელში, ხოლო შემდეგ ბედნიერი ოჯახის შექმნა.

სწორედ ამ შემოდგომაზე ფიქრობდა დაოჯახებას.

თამაზ შოთას ძე კუსიანი დაიბადა 1971 წელს 2 თებერვალს საჩხერეში, მუშის ოჯახში.

1988 წელს დაამთავრა საჩხერის აკაკი წერეთლის სახელობის პირველი საშუალო სკოლა და მუშაობდა დაიწყო საჩხერის საქოლოპრეწვის საწარმოო კომბინატში მუშად.

1989-91 წლებში გაიწვიეს საბჭოთა არმიაში, მსახურობდა სპეციალური დანიშნულების ნაწილში ხაბაროვსკსა და მოლდავეთში. მეთაურობდა კორპუსულ ულს. მიღებული ჰქონდა უფროსი სერჟანტის წოდება.

1991-92 წლებში მუშაობდა საჩხერის სამშენებლო კომპლექსის სამშენებლო უბანზე მომმარაგებლად.

ორჯერ სცადა ბედი სასოფლო-სამეურნეო ინსტიტუტში, მაგრამ არ გაუმართლდა. საერთოდ, უიღბლო იყო მისი ცხოვრება, თითქოსდა სიცოცხლის ყველა გზა შეკრული ჰქონდა.

მშობლებისა და ახლობლების დაჟინებული ხვეწნა-მუდარის მიუხედავად, მიიღო საბოლოო გადაწყვეტილება სამსახური დაეწყო ბესო ქუთათელაძის სახელობის საჩხერის გვარდიის ბატალიონში ლეიტენანტის წოდებით, ოცმეთაურად. სწორედ ერთი თვის შემდეგ დაიწყო ომი აფხაზეთში და ერთ-ერთი პირველი აფხაზეთის ტერიტორიაზე, კერძოდ სოხუმში, სხვათა გვერდით, საჩხერის ბატალიონი შევიდა. თაზო პირველი კლასის მძღოლი იყო და თანამებრძოლთა თხოვნით, დროებით ხისძარიან მანქანაზე (ზილ-ი31) გადავიდა სამუშაოდ. გადაჰყავდა დაჭრილები და ემსახურებოდა ადგილობრივ მოსახლეობას მიმოსვლაში.

მარიობის წინა დღეებში სამი დღით იყო ჩამოსული საჩხერეში, ოჯახი მონახულა. რა ვიცოდით, თუ ეს ბოლო შეხვედრა იყო მასთან და ერთი კვირის თავზე მის გვამს ჩამოასვენებდნენ! გვითხრა დროებით მანქანაზე ვზივარო და პირველი ხელფასი დედას უკლებლივ ჩაუთვალა: ამით ჩემს სახელზე იყიდე რამეო. ხოლო დედა დღესაც ინახავს მის მიერ დატოვებულ ამ 1700 მანეთს.


საბედისწერო გამოდგა თამაზისთვის 1992 წლის 4 სექტემბერი. სამშვიდობო ხელშეკრულების დადების მომდევნო დღეს იგი გმირულად დაეცა ოჩამჩირის რაიონის სოფელ ტამიშთან.

ეს ასე მოხდა: თამაზმა და მისმა ორმა თანამებრძოლმა სოფლის მაცხოვრებლები გააცილეს და უკან ბრუნდებოდნენ, წინ შეიარაღებული ბანდა დაუხვდათ. თამაზი მძიმედ დაჭრეს მკერდისა და მუცლის არეში, ორმა თანამებრძოლმა გაქცევა მოახერხა, ხოლო რამდენიმე საათის შემდეგ მისაშველებლად მისულმა ბატალიონმა თამაზის ნაწამები და დაცხრილული გვამი მისივე მანქანის ძარაზე იპოვეს დაგდებული (ამის შესახებ ზოგიერთი მასალა ვიდეოკასეტაზე აქვს გადაღებული საჩხერის ბატალიონის უფროსს).

ასეთია მუდამ მომღამარი, ყველასათვის ერთგული ახალგაზრდა კაცის ხანმოკლე ცხოვრება. იქნებ, იცოდა თავისი ბედისწერა და ამიტომაც იყო „სულსწრაფი“, ერთ ადგილზე გული არ უჩერდებოდა, ყველასი სწამდა და სჯეროდა, ყველა თავის მეგობრად მიაჩნდა, ბოროტი არასოდეს ყოფილა ვინმეს მიმართ, ამიტომაც, რომ ყველა, ვისაც ოდესმე შეხვედრია, დღეს დიდი გულისტკივილითა და პატივისცემით იგონებს მას. მარიობადღეს რომ გვემშვიდობებოდა, გვაფრთხილებდა: ომი მალე დამთავრდება, ნუ გვშინიათო. ცრემლიც კი შევნიშნეთ მის თვალებში, რა ვიცოდით, რომ კიდევ ხუთი დღის სიცოცხლის მეტი თუ არ ეწერა.

თამაზ კოსიანი... სახელი უკვდავია მის ახლობლებში, მეგობრებსა და თანატოლებში.

თამაზ კოსიანი სიკვდილის შემდეგ დაჯილდოვდა მედიის "სახსურებისათვის".



**გიორგი
ბიზიანიძე**

ლეიტენანტი გიორგი ბიჭიკოს ძე კუხიანიძე დაიბადა 1962 წლის 14 მარტს, ზესტაფონში.

1991 წლის 23 ივლისიდან მსახურობდა საქართველოს რესპუბლიკის სპეცდანიშნულების ათასეულის, ამჟამად შინაგანი ჯარების სწრაფი რეაგირების სპეციალიზირებული ბატალიონის საბრძოლო სამსახურის ოფიცერ-სპეციალისტად.

1992 წლის 25 აგვისტოს აფხაზეთში მდინარე გუმისთის მიდამოებში მონააღმდეგეთა ერთ-ერთი შეტაკების დროს გმირულად დაიღუპა.

* * *

ვაჟაკსა უნდა უყვარდეს,
მამული, თავის ერია,
არ შედრკეს, თუნდა ბუზივით
ეხვიოს თავზე მტერია.
არ გადიწყვიტოს იმედი,
არ შეიცვალოს ფერია,
თორემ დაკგმობს და დასწყევლის
მომძე, ერი და ბერია.

(ხალხური)



**დიმიტრი (დიმა)
ლაზარეიშვილი**

დიმიტრი (დიმა) გივის ძე ლაზარეიშვილი – დაიბადა 1955 წლის 19 თებერვალს ბოლნისში.

1972 წელს დაამთავრა ბოლნისის სულხან-საბა ორბელიანის სახელობის ქართული საშუალო სკოლა, შემდეგ სწავლა განაგრძო თბილისის სასოფლო-სამეურნეო ინსტიტუტის აგრონომიულ ფაკულტეტზე.

ინსტიტუტის დამთავრების შემდეგ მუშაობა დაიწყო ბოლნისის „საქსოფლტექნიკაში“ აგრონომად, მერე – მთავარ აგრონომად.

1981-82 წლებში მუშაობდა სოფლის მეურნეობის პროდუქტების დამზადებაში უფროს აგრონომად, 1982-86 წლებში „საქსოფლტექნიკაში“ მმართველის ნოადგილედ, 1986 წლიდან სიცოცხლის ბოლომდე ბოლნისის „ავტოვაზის“ დირექტორად.

დიმა ლაზარეიშვილი 1989 წლიდან აქტიურ მონაწილეობას ღებულობდა ეროვნულ-განმათავისუფლებელ მოძრაობაში.

1991 წლის იანვრიდან იბრძოდა სამაჩაბლოში ოსი ექსტრემისტების წინააღმდეგ, სადაც მას მიანიჭეს ოფიცრის წოდება. იგი იყო ბოლნისის სარეზერვო რაზმის მეთაური. ეს რაზმი დღეს მის სახელს ატარებს.

1992 წლის 25 მაისს სოფ. ნიქოზში ერთ-ერთი ბრძოლის დროს იგი დაიღუპა.

დარჩა მკვლელ და ორი ვაჟი.

დიმა ლაზარეიშვილი დაკრძალულია მის მშობლიურ სოფელ რატევანში. ბოლნისის რაიონში. დიმა ლაზარეიშვილის სახელს ატარებს ქუჩა, რომელზეც იგი დაიბადა და გაიზარდა.



რევაზ („მალიშა“) ლაზაშვილი

„მალიშა“ ასე შეარქვეს თანამებრძოლებმა პატარა რეზოს, რომელსაც 17 წელიც კი არ ჰქონდა შესრულებული. მალალი, ლამაზი, ამაყი, თავმოყვარე, თავისი სიტყვის პატრონი, მეგობრებში უღალატო, მოსიყვარულე, ასე ახასიათებენ ამ პაწია ვაჟკაცს ნაცნობ-მეგობრები.


რუსთავის 22-ე საშუალო სკოლის 8 კლასის დამთავრების შემდეგ სწავლა გააგრძელა კაჭრეთის პროფსასწავლებელში. მეორე კურსზე იყო, როცა თავი ვალდებულად ჩათვალა დაეცვა თავისი მამული, სახლიდან გაიპარა, მოხალისედ მივიდა ბატალიონ „აეზაში“, ასაკიც მოიმატა — 19 წლისა ვარო, ძალიან გთხოვთ პირდაპირ ფრონტის ხაზზე გამიშვითო.

— რა დროს შენი ომია, შეილო, — უთხრა მე-11 ბრიგადის მაშინდელმა მე-თაურმა პოლკოვნიკმა რევაზ გურგენიძემ, — წადი სახლში, ვინ დაგიჯერებს, შენ რომ 19 წლისა ხარ, მე არ შემიძლია შენი ფრონტის ხაზზე წაყვანა.

— რამდენჯერაც არ უნდა გამეგდოთ, მე მაინც მოვალ, — ამაყად უპასუხა რეზომ.

— რადგან არ იშლი, მაშინ აქ დაგტოვებ ბატალიონის დისლოკაციის ადგილზე, გასწავლით სამხედრო საქმეს, გამოგზრდით, ჩემი მოსახელე ხარ და შენ უნდა დაიკავო ჩემი ადგილი, როცა გაიზრდები და გაიწვრთნებიო, — უთხრა ბატონმა რევაზმა. პატარა რევაზი კი, როგორც სახლიდან გამოიპარა, ისე შეიპარა სოხუმისაკენ მიმავალ თვითმფრინავში, მაინც თავისი გაიტანა. ეს იყო თებერვლის დასაწყისი. თანამებრძოლი გმირი ქალის ნანა ჩოხელის თქმით, „მალიშა“ იყო უშიშარი, საოცარი ვაჟკაცი, უკან დახევა არ იცოდა, ყოველთვის პირველი გარბოდა შეტყვის დროს. სულ მეშინოდა ბავშვს არაფერი მოუვიდეს, რაც შემძლო, დედურ სითბოს ვაძლევდი, მინდოდა დამეფარა, მაგრამ იმ ავადსახსენებელ 2 ივლისს მეც დავიჭერი. ერთი დღე და ღამე უპატრონოდ ვეგდე ღაჭრილი. მეც არ

ვიცი როგორ გამოიყვანეს ფრონტის ხაზიდან, გონს რომ მოვედი, მაშინვე მალიშა მოვიკითხე, მაშინ არ გამიმხილეს, ეჰ... ისეთი ლამაზი, თქვენი თქვენი იყო...



მალიშას მამამ ბატონმა სულიყომ ჯარისკაცის ფარაჯა ჩაიცვა და ბატალიონ „ავაზაში“ მოხალისედ ჩაირიცხა.

რევაზი დასაფლავებულია კაჭრეთის სასაფლაოზე.

ზემდევი ნარბიზა ლომთაძე




**ზაქარია
ლაფერაშვილი**

დაიბადა 1958 წლის 30 სექტემბერს, თბილისში, მოსამსახურის ოჯახში. დაამთავრა 48-ე საშუალო სკოლა. პროფესიით იყო მძღოლი. ემსახურებოდა წითელი ჯვრის საზოგადოებას.

სამშობლოზე უზომოდ შეყვარებული კაცი პირველსავე დღეებში ჩაება ეროვნულ მოძრაობაში. მოხალისედ ჩაეწერა შინაგან ჯარებში. იყო ოცმეთაური. იბრძოდა ცხინვალში. 1993 წლის სექტემბერში მსახურობდა დიდგორის ასეულში და იბრძოდა აფხაზეთში. 1993 წლის 9 იანვარს მოულოდნელად ერთ-ერთი ბრძოლის დროს წინა ხაზზე ოჩამჩირეში დაიღუპა. დაკრძალულია კასპის რაიონის სოფელ ბარნაბიანთკარში.

მას დარჩა მეუღლე და სამი მცირეწლოვანი ბავშვი.




კონსტანტინე (კახა) გიორგის ძე ლაფერაშვილი დაიბადა თბილისში, 1973 წლის 8 იანვარს მოსამსახურის ოჯახში.
1979 წ. სწავლა დაიწყო №1 ექსპერიმენტულ საშუალო სკოლაში, რომელსაც დაამთავრა 1990 წ.

იმავე წელს სწავლა გააგრძელა პოლიტექნიკურ ტექნიკუმში ქიმიურ ფაკულტეტზე.

უზომოდ უყვარდა საქართველო. მისმა დიდმა სიყვარულმა სძლია მშობლებისა და საყვარელი დის სიყვარულს და ყველას დაუკითხავად მოხალისედ წავიდა 1992 წლის 1 სექტემბერს შავნაბადადან ბატალიონთან ერთად, წაიღეს ორი ყუთი საბრძოლო იარაღი და სურსათი ფოთში. ფოთიდან 2 სექტემბერს კომეტით წავიდა გაგრაში საბრძოლველად, საიდანაც აღარ დაბრუნდა.

1992 წ. 2 ოქტომბერს. დაამწუხრა საყვარელი მშობლები, ახლობლები და მეგობრები.

მის სახელს დაიწყება არ უწერია.



**ვლადიმერ
ლობჯანიძე**

ვემბეტ სიტყვას, რომელიც ახალგაზრდა ჭაბუკის, უშიშარი მებრძოლის, მშობლების ერთადერთი შვილის, ობლად დატოვებული ერთი წლის პირმშოს მამის ვლადიმერ ლობჯანიძის დაკარგვით გამოწვეულ ტკივილს გამოხატავს და ვერ გვიპოვია, თუმცა მისი ტრაგიკული დაღუპვით გამოწვეული ტკივილი ყველას საკმაოდ გვაქვს. თურმე ტკივილიც ისეთივე განუმეორებელი ყოფილა, როგორც თითების ანაბეჭდი... რაოდენ მწუხარებასა და ათას მოგონებას აღძრავს ამ ნეკროლოგის ეს სიტყვები იმათ მეხსიერებაში, ვინც ამ სიცოცხლით აღსავსე

ვაჟაკს იცნობდა, მასთან სწავლობდა, მის გვერდით ცხოვრობდა და მასთან ადგა საბრძოლო საეუშავოზე.

ვლადიმერ ლობჯანიძე დაიბადა 1965 წელს თბილისში, მუშის ოჯახში. 1971 წელს იგი სასწავლებლად შედის თბილისის 87-ე საშუალო სკოლაში, კლასის დამთავრების შემდეგ ირიცხება მ. თოიძის სახელობის სამხატვრო პროფესიულ სასწავლებელში, რომლის დამთავრების შემდეგ ვ. ლობჯანიძე მსახურობდა საბჭოთა არმიის რიგებში. სავალდებულო სამხედრო სამსახურიდან დაბრუნების შემდეგ მუშაობა დაიწყო ქარხანა „ზარიაში“ ხარატის სპეციალობით. 1986 წელს იმავე სპეციალობით იწყებს მუშაობას თბილისის სატელევიზიო ქარხანა „ეკრანში“. აქ გამოვლინდა მისი მიდრეკილება სპორტისადმი, განსაკუთრებით კი ჭიდაობა „ძიულოში“. ქარხნის ხელმძღვანელობის შუამდგომლობით ვ. ლობჯანიძე სამუშაოდ იგზავნება თბილისის შინაგან საქმეთა სამმართველოს სისტემაში, სადაც მას ნიშნავენ სახელმწიფო დაწესებულებების დაცვის პოლკში რიგით მილიციონერად. 1987 წელს ვ. ლობჯანიძე წარმატებით აბარებს მიხალუბ გამოცდებს და ირიცხება სსრკ შინაგან საქმეთა სამინისტროს მოსკოვის მილიციის უმაღლესი სკოლის თბილისის ფაკულტეტზე. აქ მან თავი გამოიჩინა როგორც მუყაითმა და ცოდნას მოწყურებულმა მსმენელმა, სპორტისა და მუსიკის მოყვარულმა ვაჟაკმა. სწავლაში მუდამ ჰქონდა მაღალი აკადემიური მაჩვენებლები, სანიმუშო დისციპლინის, სიმამაცისა და ოპერატიულობის გამოჩენისათვის ვ. ლობჯანიძე მრავალჯერ იქნა წახალისებული.

ვ. ლობჯანიძე მილიციის უმაღლეს სკოლაში გამოირჩეოდა როგორც ადამიანი გულის ადამიანი, კეთილსინდისიერი და პატიოსანი. სწავლას საუკეთესოდ უთავსებდა ოჯახურ ცხოვრებას, ყველა მეგობარი მიიპატიჟა, როცა მის შვილს ამას წინათ დაბადების ერთი წელი შეუსრულდა. მრავალშვილიანობაზე ფიქრობდა, დედისერთა ვარ და ჩემზე საცოდავი არა მგონია ვინმე იყოს საქართველოში, — იტყოდა ხოლმე. საუბედუროდ, ცხინვალში დატრიალებულმა ტრავმადამ ყველა ოცნება შეუსრულებელი დაუტოვა საქართველოს ეროვნული მილიციის ღირსეულ წარმომადგენელს ვლადიმერ ლობჯანიძეს, რომლის პროფესიონალ თანამშრომლად ჩამოყალიბებაზე დიდი იმედი ჰქონდათ სკოლის პროფესორ-მასწავლებლებს.

ვლადიმერ ლობჯანიძის ნათელი სახე მუდამ დარჩება ჩვენს ხსოვნაში.

საქართველოს შინაგან საქმეთა სამინისტროს მილიციის უმაღლესი სკოლის კოლექტივი

ვახ. „საქართველოს რესპუბლიკა“,
19 იანვარი, 1991 წ.



**ოლეგ
ლოლაძე**

ზემდეგი ოლეგ დავითის ძე ლოლაძე დაიბადა 1957 წლის 15 აგვისტოს, აბილისში.

1992 წლის ოქტომბრიდან მსახურობდა შინაგან ურთიერთობებში, — კერძოდ, სოხუმის ბატალიონში.

დაიღუპა 1993 წლის 17 მარტს სოფელ ანადარასთან.



**ელგუჯა
ლომიძე**

დაიბადა 1965 წლის 4 აპრილს, დაბა სურამში (სოფ. ზეკოტა), გლეხის ოჯახში, მამამისი — ჟორჟიკა ლომიძე მუშაობდა ხელოსნად (იგი ამჟამად პენ-

სიონერია), დედა - ვერიკო გრიგლაშვილი იყო მწველავი (ამჟამად პენსიანე-რია). მათ ჰყავდათ 1 ქალი და 3 ვაჟი.

ელგუჯა ლომიძე 1971 წელს შევიდა იტრიის საშუალო სკოლაში; 8 კლასის დამთავრების შემდეგ შევიდა სურამის პროფტექნიკურ სასწავლებელში და მიიღო მექანიზატორის პროფესია.

1982 წელს სწავლა განაგრძო ლენინგრადის სამხედრო-სახლავო სასწავლებელში, რომელიც ჯანმრთელობის გაუარესების გამო ვერ დაამთავრა.

1984-1986 წწ. მურმანსკში მოიხადა სავალდებულო-სამხედრო სამსახური.

1986 წლიდან ქირით ცხოვრობდა ქ. თბილისში და მუშაობდა სამხატვრო სახელოსნოში (ამჟამად ფურცელაძის ქ.) კოლოპერატივ „ორნამენტში“.

1989 წელს დაქორწინდა ქ. თბილისში მცხოვრებ რუსუდან დავითის ასულ ღვინიაშვილზე. ჰყავთ ორი მცირეწლოვანი შვილი: 3 წლის თორნიკე და 2 წლის თეონა.

ეროვნული მოძრაობის დაწყებისთანავე იგი ამ მოძრაობის ერთ-ერთი აქტიური წევრი იყო.

1992 წელს შევიდა „მხედრიონში“.

1992 წლის 5 ოქტომბერს მოხალისედ წავიდა აფხაზეთში, იყო ოცეულის მეთაური.

ქ. ოჩამჩირეში ერთ-ერთი საბრძოლო ოპერაციის შესრულების დროს მას დაჭრილები გამოჰყავდა ბრძოლის ველიდან, იგი მტრის ტყვიით განგმირული დაეცა 1992 წლის 28 ოქტომბერს.



ირაკლი (იტა)
ლომიძე

მხოლოდ 25 გაზაფხულს მოესწრო ირაკლი (იტა) გურამის ძე ლომიძე. იტას სიცოცხლე უყვარდა, მეგობრები, გაზაფხული, ყვავილებიც უყვარდა. იტას რომ მეგობრები უყვარდა, ამას ცრემლმორეული ღიმილით იგონებს

მამამისი — ბატონი გურამი: იტამ სკოლა რომ დაამთავრა და გამოსაშვებო. ხალა-
ზოზე უნდა წასულიყო, როგორც ყველა მშობელი ცდილობს გაახაროს შვილი
და უყიდოს ახალი სამოსელი ამ დღისთვის, მეც ახალი პიჯაკი და ~~შარტული~~ ~~შარტული~~
ყიდე, მოვიდა გამომშვების საღამოს გადახდის დღე და ვხედავ, იტა სახლში და-
ღონებული ზის, წასასვლელად არ ემზადება, გამიკვირდა და ვკითხები: შვილო,
რატომ არ ემზადები? — არ მინდა, არ წავალო, ვხედავ თვალებში ცრემლი უდგას.
ძალიან გამიკვირდა, არ მოვეშვი: გამაგებინე, რატომ არ მიდიხარ, არ გიხარია?
რომ აღარ მოვეშვი, მიპასუხა: მამი, ჩემს მეგობარს ახალი ჩასაცმელები არა აქვს,
და მეც ამიტომ აღარ მივდივარო. თუ შენ არ გეწყინება, მე ჩემს ახალ პიჯაკს და
შარვალს ვათხოვებ. მე თან გამიკვირდა, თან გამიხარდა მისი ასეთი საქციელი
და თანხმობა მივეცი, როგორც გინდა, ისე მოიქეცი-მეთქი. სასწრაფოდ დაურე-
კა თავის მეგობარს. ისიც მოვიდა. იტამ ძველი სამოსი ჩაიცვა. მეგობარს ახლე-
ბი დაუთმო და მე ჩემს სიცოცხლეში არ დამავიწყდება მათი ბედნიერი თვალები,
გადიმებული სახეები და კიბეებზე ჩარბენა მათი, ერთმანეთს რომ ასწრებდნენ
გახარებულები.

იტა საქართველოს აგრარული უნივერსიტეტის მექანიზაციის ფაკულტეტის
მეთხე კურსის სტუდენტი იყო. სამწუხაროდ, ოჯახის შექმნა ვერ მოასწრო,
რადგან მისმა გულმა ვერ აიტანა საქართველოს ტერიტორიის ხელყოფა და მო-
ხალისედ შევიდა შავნაბადას სპეცბატალიონში 1992 წლის 6 იანვარს და სამა-
წაბლოში იბრძოდა. ოფიცრის წოდება ჰქონდა, ვაჟაკი იყო და ვაჟაკურად
ებრძოდა მტერს. 1992 წლის 17 ივნისს სამაწაბლოში სოფელ ფრიზთან ოსების
გარემოცვაში მოჰყვნენ ის და მისი მეგობარი, იტა მეგობარს გადაეფარა, ს.მშვი-
დლობის გამოიყვანა, თვითონ კი მტრის ტყვიამ იმსხვერპლა. დღეს შვილის ნაცვ-
ლად, ბატონმა გურამმა ჩაიცვა სამხედრო ფორმა, მიუხედავად თავისი ასაკისა
და მუშაობს შავნაბადას სპეცბატალიონში.

იტა დასაფლავებულია დიღმის სასაფლაოზე.

ირაკლი ლომიძე სიკვდილის შემდეგ დაჯილდოვდა **ვახტანგ გორგასლის**
III ხარისხის ორდენით.

მასალა მოამზადა თავდაცვის სამინისტროს ზემდეგმა

ნარკიზა ლომთაძე



**ნუგზარ
ლომიძე**

დაიბადა 1971 წლის 11 იელისს ახალციხის რაიონის სოფელ კლდეში. 1978 წელს შევიდა კლდის რვაწლიან სკოლაში, რომელიც 1986 წელს დაამთავრა, შემდეგ კი სწავლა განაგრძო ახალციხის პროფესიულ-ტექნიკურ სასწავლებელში. 1990 წელს ამ სასწავლებლის დამთავრების შემდეგ მუშაობდა ჯერ ასპინძის რაიონის სოფელ ჭომარეთში, ხოლო შემდეგ კლდის საზოგადოებრივ მეურნეობაში – ტრაქტორისტად.

1992 წლის 24 მაისს ნუგზარი გაიწვიეს სავალდებულო სამხედრო სამსახურში. მოხვდა ქ. თბილისის ქაქუცა ჩოლოყაშვილის სახელობის პოლკში. საბრძოლო ნათლობა მიიღო ქ. ცხინვალში, 1992 წლის 14 აგვისტოდან იმყოფებოდა ქ. სოხუმში, სადაც ქ. ჩოლოყაშვილის სახელობის პოლკი მალე ჩაება გადამთიელებთან ბრძოლაში. ბრძოლის დაწყების დღიდან ნუგზარს დაუწყია სამხედრო მოქმედებებზე ბლოკნოტში ჩანაწერების კეთება. აგვისტოს მიწურულს მისი პოლკი ბრძოლის წინა ხაზზე გავიდა, მას იქ დაეღუპა ახალციხელი მეგობარი, რომელიც თავის საგაზრდილოში ჩამოასვენა, მშობლებიც მონახულა და თავის ნაწილში დაბრუნდა. მას დღიურში აღწერილი აქვს მისი მონაწილეობით 5 ნოემბრამდე ჩატარებული საბრძოლო ოპერაციები, ხოლო 6-ში მძიმედ დაიჭრა და მოათავსეს ოჩამჩირის საავადმყოფოში, აქედან კი გადაიყვანეს ქუთაისის საავადმყოფოში, სადაც მის გადასარჩენად ძალ-ღონე არ დაუზოგავთ, მაგრამ, ვაი რომ, ვერაფერი უშველეს.

ნუგზარ ლომიძე სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



**რომან
ლომიძე**

დაიბადა 1963 წლის 16 თებერვალს ახალციხის რაიონის სოფელ კლდეში. 1980 წელს დაამთავრა საშუალო სკოლა. 1982-84 წლებში მსახურობდა საბჭოთა არმიის რიგებში. 1984 წლიდან მუშაობდა საკონსერვო ქარხანაში, წყალთა მეურნეობაში, მშენებლობაზე და, ბოლოს, კოოპერატივ „მშენებელში“ – 1992 წლამდე. 1992 წლის 10 ოქტომბერს გაიწვიეს აფხაზეთში. კარგად გვახსოვს ოჯახის წევრებს ეს გაწვევის დღე. რომანთან ერთად გაძახებული იყო მისი ძმა მურმანი. ხუთი ძმიდან ორი გაიძახეს. რომანმა გაწვევის პუნქტში სთხოვა კოლეისარს: „ჩემი ძმა დატოვეთ, მას პატარა ბავშვები ჰყავს და მე წამიყვანეთ“. ასეთი ერთგული იყო ბრძოლაშიც. იგი იბრძოდა სოფელ ტამიშთან. 8 მებრძოლი იცაჯდა მდინარე გუმისთაზე ხიდს. 26 ოქტომბრის ორშაბათი დილა თენდებოდა, როდესაც ხიდს თავს დაესხნენ. საგუშაგო განაწილებული ჰქონდათ. ხიდის ერთ მხარეს ოთხნი იდგნენ, მეორე მხარესაც ოთხნი. ცეცხლი პირველ ოთხეულს გაუხსნეს, რომანი კი მეორე ოთხეულში იმყოფებოდა. ის და მისი ერთი მებრძოლი გადახონდნენ მეორე მხარეზე მყოფთათვის მისახმარებლად. ამ დროს დარჩენილ ორ მათს ამხანაგს დაუშინეს ცეცხლი. რომანი უკან გამობრუნდა მათკენ, მაგრამ ის ორი იქ არ დაუხვდა, ისინი უკვე მეორე მხარეს გადასულან. მას ამ მომენტში მარტოს მოუხდა ბრძოლა. საგუშაგო არ დაუტოვებია და იბრძოდა სისხლის უკანასკნელ წვეთამდე. თავისი ლიცოცხლის ფასად გადაარჩინა ხიდი აფეთქებას. იგი იბრძოდა და დაიღუპა საქართველოს ტერიტორიული მთლიანობისათვის.

უკვდავია მისი სახელი.



სოსო
ლომიძე

დაიბადა 1967 წლის 1 ივნისს ქ. რუსთავში.

მამამისი – გიორგი თედოს ძე ლომიძე წარმოშობით იყო სოფ. სკრადან (გორის რაიონი). პროფესიით მძღოლი, გარდაიცვალა 1980 წელს.

დედა – ციური ალექსის ასული ელბაქიძე დიასახლისია.

1974 წელს სწავლა დაიწყო გარდაბნის მე-4 საშუალო სკოლაში. 1982 წელს დაამთავრა 8 კლასი და იმავე წელს სწავლა განაგრძო რუსთავის პროფ-ტექნიკურ სასწავლებელში, რომელიც დაამთავრა 1985 წელს და მუშაობა დაიწყო თბილისის თბოელექტროსადგურში. 1985 წლის შემოდგომაზე გაიწვიეს საბჭოთა არმიის რიგებში, სადაც დაამთავრა უმცროს მეთაურთა სასწავლებელი და მსახურობდა ასეულის უფროსის მოადგილედ. დემობილიზაციის შემდეგ დაუბრუნდა თბოელექტროსადგურს და იმუშავა 1992 წლის მაისამდე. მაისში შევიდა რუსთავის ეროვნული გვარდიის მე-12 ბატალიონში, სადაც იყო ოცმეთაური, ორი თვე იბრძოლა სამაჩაბლოში, აგვისტოში გადაიყვანეს აფხაზეთში, სადაც 1 სექტემბერს დაიღუპა მდინარე გუმისთასთან ბრძოლაში უფროსი ლეიტენანტის ჩინით. ჩამოასვენეს და დაკრძალულია გარდაბანში.



დავით ლომსაძე

დავით ვახტანგის ძე ლომსაძე დაიბადა 1975 წლის 13 აგვისტოს თბილისში.

1990 წელს დაამთავრა თბილისის 167-ე საშუალო სკოლის 8 კლასი, იმავე წელს სწავლა გააგრძელა 110-ე პროფესიულ ტექნიკურ სასწავლებელში, რომლის დამთავრებაც ვერ მოახწრო.

1992 წლის დეკემბერში შევიდა მოხალისედ „თეთრი არწივის“ ვია ყარაშვილის ბატალიონში.

აფხაზ სეპარატისტებთან შეტაკების დროს 1993 წლის 1 ივნისს სოხუმის რაიონის სოფელ ზემო კინდღში დაიღუპა.

* * *

პე ბოლნისის ლექსებს ვთლიდი...

მიწა მაქვს და
მიწა მქონდა —
დარი მამალ ხოხბის ფრთისა
მოყვრის მსასოებელი და
დამზაფვრელი მოშურნისა!
მალღივ ღმერთი არ მაკლებდა
შუბლზე მირონცხებულ ნიშანს,
რკინას ვჭედდი, ვაშენებდი
საყდარსა და სანთლის ნიშას.

რეზო აბაშუკელი

მე ბოლნისის ლომებს ვთლიდი
სულს ჩემივე ჩუქურთმისას,
ვაზის ჯვარზე
სხივს ვახვევდი
კაბადუკიელის თმისას,
საწნახელში
ბიჭი იდგა
ვადას ჩაფრენილი ხმლისას,
აკენიდან რომ არ ენახა
მშვიდად დაღამება დღისა.

ჩქით ვეშაპს ხმალს ვუქნევდი,
აქეთ დიდოს,
ლეკს და ხიზანს,
წიგნიც დაწვეს,
ვაზიც ჩეხეს,
შაინც ვერ ეწიენ მიზანს,
ზოგჯერ ჩემგან ჯვარწერილი
მეზობელიც ამემრიზა,
-- შინაურმა თუ არ დამკლა,
მე მომხდური ვერას მიზამს!

მე ჩემი მაქვს მოსაველელი,
თვალი არ გამირბის სხვისას,
წვეთ-წვეთად და
მისხალ-მისხალ
მიწა მეფე თამარისა!

ვინც შეირგებს
ჩემს ზედაშეს,
ჩოხას მიეუბოძებ ძმისას,
ვინც არა და —
სუ მიიჩნევს
თავს ამ ცა-ფირუზის ღირსად!

ადარც ხონთქრის მეშინია,
არც შაჰის და ყაენისა,
ხატზე ბევრჯერ გადავეცი,
ვინც მამული გაასხვისა,
ჩემად ვიჩნევ მოძმის ტკივილს,
ამის სიხარულს და ჭირსა

და მწიკს ჩემი ბედისწერის,
აწმყოსი და მომავლისა!



ქართველნი
წიგნიერნი

აღორძინებული მზვარევე,
მზარევე,
ვაბადრულო მზისა,
ილოცვიდე დედაენას —
ჩინს საკუთარ თვალებისას,
ზეპირობდე
ხმალზე წერილს
სამუდამო პარაკლისად: —
— „მე ვარ ავი მუსაიფი
კახთ ბატონის ირაკლისა!“

აფხაზთა და ქართველთა ხსნა ურთიერთგაგებასა და ერთობაშია

კითხვა: თქვენ დაგნიშნეს აფხაზეთის მთავრობის, იმ მთავრობის პირველ ვიცე-პრემიერად, რომლის ძალაუფლება ჯერჯერობით მხოლოდ იმ ტერიტორიაზე ვრცელდება, საქართველოს მხარე რომ აკონტროლებს. ახლა აფხაზეთში რეალურად ხომ ირი მთავრობაა: ერთი — სოხუმში, მეორე — გუდაუთაში. თქვენ დათანხმდით, შესულიყავით ფაქტობრივად ქართული მთავრობის შემადგენლობაში. თქვენ, როგორც აფხაზ მეცნიერსა და საზოგადო მოღვაწეს, ხომ არ გაგიჭირდათ ამ ნაბიჯის გადადგმა, რომელმაც, როგორც ცნობილია, მკვეთრად ნეგატიური რეაქცია გამოიწვია გუდაუთაში?

პასუხი: თქვენს კითხვაში არის რამდენიმე ქვეკითხვა, ვიპასუხებთ თანა-მიმდევრულად. ომის დაწყებიდან აფხაზეთში სამ თვეზე მეტი ხნის განმავლობაში ავტონომიური რესპუბლიკის მოსახლეობას არ ჰყავდა რეალურად საგრძნობი აღმასრულებელი ხელისუფლება, ე. ი. ფაქტობრივად, უპატრონოდ იყო. ამან უარყოფითი გავლენა მოახდინა ეველაზე, განსაკუთრებით მცირერიცხოვან აფხაზ ერზე. ერთი მხრივ, იგი მიატოვა „მშობლიურმა“ აფხაზურმა ხელმძღვანელობამ, რომელიც აქამდე შორს იყო თავისი ხალხისაგან. მეორე მხრივ, ომის დაწყების შემდეგ, ბევრი აფხაზი (და არა მარტო ისინი) სამოთხვეურ გაძარცვეს, თუ ვინ გაძარცვა — ესეც კარგად არის ცნობილი. ამ მოვლენების შედეგად, როგორც სოხუმში, ისე რაიონებში დარჩენილი ბევრი აფხაზი შოკურ, სტრესულ და გაჭირვებულ მდგომარეობაში აღმოჩნდა. მაგრამ, სულით ძლიერი ადამიანები თავიანთ ადგილებზე დარჩნენ. საჭირო იყო რაღაც გველონა, რაღაცნაირად გაგვემხნევებინა ხალხი, გამოგვეყვანა შოკიდან და გვეხსნა ფიზიკური გაქრობისაგან. ამის გაკეთება შემდეგ მხოლოდ მთავრობის სტრუქტურებში ჩემი უშუალო ყოფნითა და მუშაობით, როგორც მოქალაქეს, მამულიშვილს, ჩემს მოვა-

ლობად მიმანდა მხარი დაჰეჭირა ადამანებისათვის ამ ძნელბედობს კამ...
მისი ისტორიის მორიგ ერთობ ტრაგიკულ პერიოდში და ოდნავ მაინც შექმნილი
ბუქებინა მისი ტკივილი და გაჭირვებული მდგომარეობა. სხვათა შორის, იმ
მთავრობაში, რომელშიც მე პირველი ვიცე-პრემიერი ვარ, მთელი რიგის მთავრობის
საგები პოსტები უკავიათ აფხაზური ეროვნების მუშაეებს: სვეტლანა ქიციანიძე კულ-
ტურის მინისტრია, რაულ ეშბა — ადგილობრივი მრეწველობის მინისტრი, ანა-
ტოლ კობახია — სატყეო მეურნეობის კომიტეტის თავმჯდომარე, კონსტანტინე
ანუა — სოფლის მეურნეობისა და კვების მრეწველობის მინისტრის პირველი
მოდელი და ა. შ. ეს აფხაზი ხალხის სწორედ ის წარმომადგენლები არიან,
რომლებიც მთელი თავიანთი შეგნებული ცხოვრება იბრძოდნენ აფხაზი და ქარ-
თველი ხალხების ერთიანობისათვის. დარწმუნებული ვარ, კარგად ვიცი, რომ
ავტონომიური რესპუბლიკის პარლამენტის აფხაზურ ფრაქციაშიც იყვნენ და
არიან ადამიანები, რომლებიც ასევე მხარს უჭერენ თქვენი ხალხების ერთობასა
და ურთიერთგაგებას. მაგრამ სინდრომი — „მტრის“ იარლიყი არ მომაწებონო
აკავებდა და აკავებს მათ აფხაზი ხელმძღვანელობისადმი დაუფარავი პოზიცი-
ისაგანა.

რაც შეეხება სოხუმში ჩამოყალიბებულ მთავრობას (მის წევრებს შორის
კი, ქართველებთან და აფხაზებთან ერთად არიან სხვა ეროვნებათა წარმომადგენ-
ლებიც), აღვნიშნავ, რომ ასეთი შეწინასწორებული საკადრო პოლიტიკა გა-
გრძელდება და გაღრმავდება.

კითხვა: თქვენ და თქვენი თანამოსაქმენი აფხაზ პოლიტიკოსთა ნაწილმა
და აფხაზეთის საინფორმაციო სამსახურებმა, გუდაუთამი რომ იმყოფებიან, აფ-
ხაზი ხალხის „მოღალატეობად“ და „მტრებად“ მონათლეს. ხომ არ გეშინიათ
ასეთი იარლიყებისა?

პას-უხი: იარლიყების მოწებებას, კარგა ხანია მივეჩვიე, მრავალი წლის
მანძილზე ხომ დიდი გასაკალი ჰქონდა პრინციპს: „ვინც ანტიქართველი არ
არის, იმას ჭეშმარიტი აფხაზი არ ეთქმისო“. დიდი ვნება მოუტანა აფხაზეთსა
და აფხაზებს ყველაფრის პატიების, იმ აფხაზი მოღვაწეების მოთაფელისა და
გულის მოგების პოლიტიკამ, ვინც ერთობ რადიკალურად და ამკარად სეპარა-
ტიზტულად იყო განწყობილი. უკანასკნელი ორი-სამი ათწლეულის მანძილზე
საქართველოს რესპუბლიკის ხელმძღვანელობას, მონჯენებითი სიმშვიდის შე-
ნარჩუნების გულისათვის, ფაქტობრივად ხელს აძლევდა პრინციპი: „აფხაზეთის
ხელმძღვანელებო, რაც გინდათ, ის ჰქენით, ოღონდ ნუ იხმაურებთო“. ისინიც
იმას აკეთებდნენ, რაც უნდოდათ და როგორც უნდოდათ. ასეთი მიდგომის მან-
კიერების შესახებ მე ვლაპარაკობდი და ვწერდი ჯერ კიდევ 1978 წელს, 1989
წელს (იხ. „ზარია ვოსტოკა“, 1989 წლის 19 აგვისტო). მაშინ ამ მოვლენებს არ
მისცემია პრინციპული შეფასება. სარგებლობდა რა ასეთი თავაშვებულობით,
ზოგიერთმა აფხაზმა ლიდერმა და საზოგადო მოღვაწემ უკანასკნელ ათწლეუ-
ლებში ყველაფერი იღონა, რათა ქართველთა სახით შეექმნა აფხაზი ხალხის
„მტრის ხატი“, შედეგამაც არ დააყოვნა: აფხაზი მოსახლეობის არცთუ მცირე
ნაწილი თავისივე ხელმძღვანელებმა მოატყვეეს და ავანტიურაში ჩაითრიეს. ნუ

დაგვაიწყნებდა, რომ მრავალი წლის მანძილზე რეალურად მოაზროვნე აფხაზთა ირგვლივ იქმნებოდა უნდობლობის ატმოსფერო, მათ უგულებელყოფდნენ აფხაზთა ლიდერები (და არა მარტო ისინი). მოსკოვი კი ნებისმიერ შემთხვევაში „გათიშე და იბატონე“.

სიხარულით

მე და ჩემს თანამოსაქმეებს, მათ შორის, აფხაზეთის ხსნის კომიტეტის წევრებს, ახლა გუდაუთაში მყოფთაგან ზოგიერთები კვლავინდებურად გვაკარვენ ძველ იარაღებს: „მოლაღატეები“, „მტრები“. ეს ლექსიკონი და ტერმინოლოგია ჩემთვის კარგად არის ცნობილი.

ჯერ ერთი, არც ხასიათითა და არც ჩამომავლობით არ გახლავართ მხდალი. რესპუბლიკის საზოგადოებრიობამ იცის, რომ მთელი ჩემი შეგნებული ცხოვრება ალალმართლად ვემსახურე ჩემს ხალხს — და აფხაზ-ქართველთა ერთობას. მეორეც, დარწმუნებული ვარ, აფხაზი ხალხი დროთა განმავლობაში გაარკვევს, ვინ რას წარმოადგენს სინამდვილეში, ვინ მიიყვანა ისინი დღევანდელ ტრაგედიაში. ბევრ აფხაზს უკვე ახლა ესმის, რომ მათი ჭეშმარიტი მტრები გახდნენ ისინი, ვინც უბედურება მოუტანა თავის ხალხს, ვინც პროვოკაციულად გამოიწვია ომი, ჩაითრია იგი ავანტიურაში, ისინი, ვისაც ხელი სისხლით აქვს შეღებოლი. მუჰაჯირობის შემდეგ (XIX საუკუნიდან) აფხაზეთის არცერთ ხელმძღვანელს არ დაუტეხია თავისი ხალხისათვის ასეთი უბედურება, არ დაუყენებია იგი ფიზიკური გაქრობის პირას, როგორც ეს გააკეთეს თავიანთი წინადაზღვევის პოლიტიკით აფხაზეთის დღევანდელმა ლიდერებმა. ღრმად ვარ დარწმუნებული, რომ ცოტა ხნის შემდეგ ისტორია და თვით აფხაზები ჯეროვანს მიუხედავად ახლად გამოჩეკილ ბელადებსა და დიქტატორებს მათი ავანტიურული ქმედობის წილ. კარგად უნდა გვესმოდეს, რომ ვ. არძინბა და „აიდილარას“ ლიდერები — ეს სულაც არ არის აფხაზი ხალხი. ისინი არ არიან ის ხელმძღვანელები, რომლებსაც შეუძლიათ გამოხატონ აფხაზი ერის მისწრაფებანი, დაიცვან მისი ჭეშმარიტი ინტერესები.

დიდად სამწუხაროა, რომ სწორედ ამ ხელმძღვანელობამ დაჰყო აფხაზები „თქვენიანებად“ და „ჩვენიანებად“, დაიწყო ისედაც მცირერიცხოვანი აფხაზი ხალხის გარჩევა დაბადების ადგილის ნიშნით. პრივილეგიები ეძლეოდათ ერთი და არარად აგდებდნენ მეორეთ. ჩვენ შემთხვევაში, ეს არის გუდაუთისა და ოჩამჩირის რაიონების აფხაზთა დაპირისპირება. ცხადია, რომ ასეთი ტენდენციები ტრაგიკულია ყოველი ერისათვის, მით უმეტეს, ჩვენისთანა მცირერიცხოვან ერისათვის. სხვათა შორის, მე და მრავალმა აფხაზმა უკვე კარგა ხანია გავიგეთ, საით მიჰყავდა ხალხი ზოგიერთ აფხაზ ლიდერს, მაგრამ ჩვენ ვინ გვივლებდა ყურს?

აქვე უნდა ითქვას, რომ ლორიკ მარშანია და მისი თანამოსაქმენი ყელზე დაადგათ არა მარტო აფხაზ სეპარატისტებს, არამედ იმ ქართველ ექსტრემისტებსაც (მათ შორის აფხაზეთში), ვინც მოვეციოდნენ იომეთ აფხაზეთზე „სრულ გამარჯვებამდე“ და გვთავაზობს ასეთი გზით „გადაწყვეტილ საბოლოოდ აფხაზთა ხაკითხა“. ტრაგედია ის არის, რომ ზოგან ქართველთა შორისაც არიან

ისეთი დესტრუქციული ძალები, რომლებიც საერთოდ ვერ იგუებენ აფხაზეთის ავტონომიურ რესპუბლიკას, როგორც ასეთს.

მე კატეგორიულად ვკმობ საქართველოს იმ მაღალი თანამდებობის მფლობელებს, რომლებიც აცხადებენ, აფხაზებს კულტურული ავტონომიაც ეყოფათო, რომ თუ ასი ათასამდე ქართველმა გასწირა თავი, მაშინ ყველა აფხაზი განადგურდებაო, რომ აფხაზი ქართველისათვის იკიევა, რაც კახელი, იმერელი, გურული. დროა შევივინოთ, რომ კახელები, გურულები, მეგრელები, სვანები, იმერლები — ქართველები არიან, ქართველი ვერია, ხოლო აფხაზები არიან აფხაზები — აფხაზი ვერია. და ეს არასოდეს არ გვიშლიდა ხელს გვემეგობრა და გვემოყვრა. ვარდა ამისა, როდესაც ლაპარაკია ჩვენი ხალხების ურთიერთობაზე, ცოდვაც კია იხელმძღვანელო სტატისტიკით და ითვალო, ვინ მეტი ცხოვრობს აფხაზეთში, და ვინ — ნაკლები. ასეთი მიდგომა ძირფესვიანად მცდარია, და ჩემი აზრით, უზნეოც კი არის (მით უმეტეს, რომ აფხაზი ხალხი მცირერიცხოვანი ვახდა ტრაგიკული ისტორიული ბედის გამო). ჩვენი ურთიერთობა უნდა ემყარებოდეს მრავალსაუკუნოვანი გამოცდილების საფუძველს — უნდა ვხელმძღვანელობდეთ იმით, თუ რანი ვართ ერთმანეთისათვის. ვიქტორ ჰიუგო წერდა: „ხალხის სიდიადე არ განიზომება მისი სიმრავლით, ისევე როგორც ადამიანის სიდიადე არ განიზომება მისი სიმადლით...“.

ჩვენი ხალხების კონსოლიდაციის საქმეს თავის დროზე დიდი ვნება მოუტანეს აგრეთვე როგორც ქართველი, ისე აფხაზი ინტელიგენციის წინაუხედავმა, ზოგჯერ საფუძველს მოკლებულმა საჯარო გამოსვლებმა პრესაში და ტელევიზიით. ამის შესახებ მე ვწერდი ჯერ კიდევ 1992 წლის მაისში გაზეთ „აფხაზიისათვის“ მიცემულ ინტერვიუში. დროა, მოათავონ გაუთავებელი კამათი იმის თაობაზე, თუ ვინ შემოდგა პირველმა ფეხი ამ მიწაზე, ვინ და როდის, საიდან მოვიდა აფხაზეთში. ასეთ ორმხრივ ბრალდებებს კარგი არაფერი მოუტანია და ვერც მოგვიტანდა. განა არ აჯობებდა, გვეფიქრა დღევანდელ და ხვალინდელ დღეზე, იმაზე, თუ როგორ ვიცხოვროთ ერთად ერთ მიწაზე, ერთ ცის ქვეშ.

და, ბოლოს, ყველამ უნდა შევივინოს, რომ აფხაზეთი და აფხაზები განუყოფელი ერთობაა. აფხაზეთი აფხაზისათვის სამშობლოც არის და აკვანიც. მას სხვა სამშობლო არ ჰქონია, არა აქვს და ვერც ექნება. ზუსტად ასევე, როგორც საქართველოა ქართველისათვის. აქ არ არსებობს დავის საგანი, იგი ობიექტურად არ არის;

დარწმუნებული ვარ, აფხაზური სეპარატიზმის ფესვების ლიკვიდაციასთან ერთად, აღმოიფხვრება ქართული ექსტრემიზმის ფესვებიც. ვფიქრობ, ქართველი საზოგადოებრიობის რეალურად მოაზროვნე და პროგრესული ნაწილი კონსტრუქციულად მოაზროვნე აფხაზ მოღვაწეებთან ერთად ყოველნაირად ეცდება, რომ აფხაზეთის ეროვნულ-სახელმწიფოებრივი წყობის ახლანდელი ფორმა (ავტონომია — ესეც სახელმწიფოებრიობაა თავისი კონსტიტუციით, პარლამენტი-თა და მთავრობითურთ) იყოს არა ფიქციური, არამედ ყოველმხრივი შინაარსით, უფლება-მოვალეობითა და მაქსიმალური დამოუკიდებლობით აღსავსე, რათა თავად სწვევტდეს საკადრო, ეკონომიკურ, სოციალურ, სამეცნიერო, კულტუ-

რულ და სხვა ავტონომიური ხასიათის პრობლემებს, დარწმუნებული ვარ, სწორედ ასეთი ჭეშმარიტი ავტონომიით არიან დაინტერესებული აფხაზები, ქართველები და, საერთოდ, აფხაზეთის მთელი მოსახლეობა. ამასთანავე, ცნობილია, რომ ვეგომო ვანდალიზმსა და სისხლიან ტრაგედიას როგორც ვაგრაშიც მსხვერპლად ვხვდებით. მიმანია, რომ უმკაცრესი სისხლისსამართლებრივი პასუხისმგებლობა უნდა დაეკისროთ ამ საშინელებათა უშუალო ორგანიზატორებს და აღმსრულებლებს.

კითხვა: თქვენ აფხაზეთის ხსნის კომიტეტის წევრი ბრძანდებით. როგორია მისი ამოცანები? აქვს თუ არა ამ კომიტეტს რეალური დასაყრდენი აფხაზ მოსახლეობას შორის, ხომ არ გამოეკიდა ჰაერში კომიტეტის იდეები? ბევრი ხომ სწორედ ასე ფიქრობს.

პასუხი: ხსნის კომიტეტის გაჩენის მიზეზები მომდინარეობს იმ პოზიციებიდან, რომლებიც მე პირველი კითხვის პასუხად მოგახსენეთ. კომიტეტის მახანია კონსოლიდაცია, აფხაზი და ქართველი მოსახლეობა, მათი ძალისხმევა გააერთიანოს ქართველ-აფხაზთა კონფლიქტის მშვიდობიანი პოლიტიკის გზით გადაწყვეტის, სისხლისღერის შეწყვეტისათვის ბრძოლაში. ბოლოს და ბოლოს, ყველამ უნდა გაიცნობიეროს, რომ აფხაზეთში მიმდინარეობს აფხაზი და ქართველი ხალხების მეთოდიკური კლექტა მესამე ძალის სასარგებლოდ, შურისგების პრინციპით: „თვალი თვალის წილ, კბილი კბილის წილ“.

აფხაზეთის ხელმძღვანელობის უმწიფარ, არარეალურ და მაშასადამე, ავანტიურულ მოქმედებას, ყველა ჯურის სეპარატიზმსა და ექსტრემიზმს, ხსნის კომიტეტი უპირისპირებს საღ აზრსა და რეალიზმს, ეწვეა გულმოდგინე მუშაობას ჩვენ ხალხებს შორის ნდობისა და ურთიერთგაგების აღსადგენად. კომიტეტის შექმნის ინიციატორთა და წევრთა შორის მრავლად არიან როგორც აფხაზი, ისე ქართველი ხალხების სახელოვანი წარმომადგენლები. მაგრამ, სამწუხაროდ, აფხაზეთის ქართველი მოსახლეობის ერთი ნაწილი თავისი თვითნებური და დესტრუქციული მოქმედებით დარტყმის ქვეშ აყენებს ჩვენი კომიტეტისა და პროგრესულად მოაზროვნე აფხაზი საზოგადო მოღვაწეების მთელ მუშაობას. უწინარეს ყოვლისა, მე მხედველობაში მაქვს ბევრი აფხაზის დაკავება, ზოგჯერ კი გაქრობაც (ქუჩიდან თუ ბინიდან), ვითომდა, მძევალთა გაცვლის მიზნით. ასეთი გზა დამღუპველია ორივე ხალხისათვის, ეს უკანონობა და ბარბაროსობა დაუყოვნებლივ უნდა შეწყდეს.

კითხვა: ცნობილია, რომ აფხაზეთში, შეიარაღებული დაპირისპირების დაწყებამდე დიდი ხნით ადრე, თქვენ აკრიტიკებდით აფხაზეთის უზენაესი საბჭოს ხელმძღვანელობასა და თვით პარლამენტს. მაშინ ზოგიერთები ამას იმით ხსნიდნენ, რომ თქვენ გარიყული აღმოჩნდით, ვერ მოხვდით აფხაზეთის პარლამენტში, თუმცა, 1991 წლის შემოდგომაზე კენჭი ჩყარეთ ავტონომიური რესპუბლიკის უზენაესი საბჭოს დებუტატად. და ახლა ზოგ-ზოგები ცდილობენ წამოგმახონ, რომ თქვენ გსურთ პოლიტიკური რევანში აიღოთ იმ აფხაზ ლიდერებზე, რომლებმაც მაშინ მშრალზე დაგტოვეს.

პასუხი: ვერ ერთი, პარლამენტში შევალთ არ შევალ, გარიყული არის დროს ვიქნები. მეორეც, ვინც პირადად მიცნობს (ასეთი ადამიანი კი არაა), ილიკაში ძალიან ბევრია), და ვინც იცის ჩემი მუშაობის სტილი და ჩემი მუშაობის სტილი, ის არასდროს არ იფიქრებს ამას. არ ვაპირებ მათ შეგონებას, ვინც ვინც იყავით იარლიყს მაწებებს. ვინც რაღაცეებს მასწავლებს და მიგონებს, რადგან, შეიძლება ეკამათო და შეგონო მხოლოდ კვათაიმყოფელ ადამიანებს, და არა იმათ, ვინც ამბიციას არის აყოლილი, ვინც ეიფორიასა და უტოპიურ იდეებს შეუყვარია.

დაახ, სწორედ ზოგიერთი აფხაზი პოლიტიკანის სხვადასხვაგვარი ბინძური პოლიტიკური ტრიუკების გამო ვერ მოვხვდი აფხაზეთის პარლამენტში. არჩევნები ამ სიტყვის პირდაპირი მნიშვნელობით, უხეშად ჩაშალეს ჩემმა „კეთილმოსურნებმა“. ეს იცის აფხაზეთის მთელმა საზოგადოებრიობამ. სხვათა შორის, იმათი მოქმედება, ვინც უხეშად ჩარევით ჩაშალა არჩევნები, ისჯება სისხლის სამართლის კოდექსით. ჩემმა ოპონენტებმა კარგად იცოდნენ, რომ პარლამენტის კედლებში არც კერის კვრას მოვეყვებოდი, და არც პირში წყალს ჩავიგუებდი ასეთ გადაწყვეტილებათა მომზადებისას, რომლებსაც ახალგაზრდული „ბელადები“ აფხაზი ხალხისათვის უდიდეს სიკეთედ ასალებდნენ. ძალიან ვწუხვარ, რომ აფხაზ დეპუტატთა რეალურად მოაზროვნე ნაწილი, რომელსაც კარგად ესმოდა, რისკენ მიჰყავდა საქმე პარლამენტის ხელმძღვანელს, დუმილს ამჯობინებდა ბევრი ავანტიურული გადაწყვეტილების მიღებისას. პარლამენტის აფხაზურ ფრაქციაში რომ ყოფილიყო ჯანსაღი, კონსტრუქციული ოპოზიცია, და ასევე ქართველთა დეპუტატთა რომ დასდგომოდა პრაქტიკულად კვალიფიციური საპარლამენტო ბრძოლის გზას, მოეშველებინა ვეროვანი კონტრარგუმენტაცია, დარწმუნებული ვარ საქმე დღევანდელ ტრაგედიამდე არ მოვიდოდა. გაზეთ „აბხაზისათვის“ მიცემულ იმავე ინტერვიუში 1992 წელს მე ვთქვი: ხშირად ვართ ამის მოწმენი, რომ აფხაზეთის უზენაესი საბჭოს სესიებზე მხარეები ძალას ხარჯავენ ცდებზე, როგორც აჯობონ ოპონენტებს და გადაყოლილნი არიან უშინაარსო რიტორიკას, ნაცვლად იმისა, რომ ეძებონ ურთიერთგაგება, ამასთან, ასე კარად ავიწყლებათ, რომ დიალოგი ეს არის გონებათა, და არა ამბიციათა პაექრობა. გული გეტკინებოდა კაცს, როდესაც ხედავდი, რომ სესიებზე ცალ-ცალკე იხსდნენ საუკუნეთა მანძილზე გვერდიგვერდ მცხოვრები ერების წარმომადგენლები, ან საერთოდ, არ მოდიოდნენ, ან თუ მოვიდოდნენ, ერთურთში „მტრის ხატს“ ეძებდნენ. პარლამენტში სუფევდა უნდობლობა და ტენდენციურობა, ასევე იყო სესიის სხდომების მოსამზადებელი მუშაობის დაბალი დონე.

კითხვა: რა მიგაჩნიათ აფხაზეთში ომის შეწყვეტის კონკრეტულ გზებზე, თუ აფხაზეთს მოეწონება „ლიბანიზაცია“ — უსაშველო კონფლიქტები და ომები?

პასუხი: გამოსავლად მიმაჩნია აფხაზეთის უზენაესი საბჭოს ხელმძღვანელობის, იმ პირების გადადგომა, ვინც, ერთი მხრივ, სეპარატისტული, ხოლო მეორე მხრივ, ექსტრემისტული განცხადებებითა და მოქმედებებით მიგვიყვანა დღევანდელ სიტუაციამდე. აფხაზეთის უზენაესი საბჭოს ხელმძღვანელებმა და თვით პარლამენტის სპიკერმა თავიანთი ერის შენარჩუნების, გადარჩენის, გაქ-














საქართველო
ინფორმაცია










ՆԱԲԱՅՆՔԱՆ
ՆՈՒՆԱԲԱՐՈՒՄՆԵՐ





360355
8030010555






ქართული
ლიბრერი







ეროვნული
ბიბლიოთეკა



რობის საფრთხისაგან ხსნის გულისათვის უნდა დაძლიონ პირადი ამბიციები და განწყვნების ბარიერი და გადადგან ეს ნაბიჯი, რაოდენ სწორადაც უნდა ივლიდნენ თავს. ომმა უკვე მრავალი ათწლეულით მოუტანა ვნება აფხაზი ერის კენწფონდს.

კითხვა: მაგრამ თქვენ გასული წლის რვა სექტემბერს მოუწოდეთ სატელევიზიო გამოსვლაში, აფხაზეთის უზენაესი საბჭოს თავმჯდომარეს გადადგარიყო და ეს წინადადება იგივე მოსაზრებებით დაასაბუთეთ, მაშინ იგი არ გადადგარა. ალბათ, არც ახლა იზამს ამას. მას აქვს თავისი პოზიცია, არგუმენტები, თავისი მითხრობები. მე მგონია, რომ თქვენ ჯეროვნად არ აფასებთ არძინბას გავლენას, როგორც აფხაზ მოსახლეობაში (ბევრს ხომ იგი თავისი ხალხის გმირად მიაჩნია), ისე რუსეთის პოლიტიკურ და სამხედრო წრეებში. რის გაკეთებას აპირებთ თქვენ და თქვენი თანამოსაქმენი, თუ უზენაესი საბჭოს თავმჯდომარე არ გადადგება?

პასუხი: მე ვიცი, რომ ვლადისლავ არძინბა და მისი მომხრეები იყვნენ „სამი კეშაბის“ იმედად: 1. ბორის ელცინისადმი ოპოზიციური რუსეთის კონსერვატიული და რეაქციული ძალები, ბლოკი „სოიუზი“ და სამხედრო-სამრეწველო კომპლექსის წრეები. 2. კავკასიის მთიელ ხალხთა სეპარატისტულ და რადიკალურად განწყობილი ნაწილი (ერთმანეთთან წუ გავაიგივებთ ჩრდილოეთ კავკასიის მთიელ ხალხებს, აქ ლაპარაკია, მხოლოდ ექსტრემისტული ყაიღის მოღვაწეებს).

სხვათა შორის, აფხაზ ხალხს არასდროს არ ჰქონია აღნიშნულ ხალხებთან არავითარი საერთო პრინციპული ხასიათი: არც რელიგიაში, არც ტრადიციებში, არც ზნე-ჩვეულებებში, არც ისტორიულ ერთობაში (თუ არ ჩავთვლით ენობრივ ერთიანობას ადიღებთან), და, მით უმეტეს, არავითარი სისხლით ნათესაობა. მათ შორის იყო ჩვეულებრივი კეთილმეზობლური, მეგობრული ურთიერთობა, მაშინ, როდესაც აფხაზი და და ქართველი ხალხები ყველაზე ახლობლები არიან ერთმანეთისათვის ყველა ზემოაღნიშნული ნიშნის მიხედვით. წარსულის ტრაგიკული ფურცლების მიუხედავად ამ ხალხების ერთიანობას, ყველაზე მძიმე დროშიც კი მკარი საფუძველი ჰქონდა. გამოვლილია ერთობლივი ისტორიული გზა, რომელიც საუკუნეთა სიღრმეში იღებს სათავეს, გზა, რომელიც აღსავსეა საგმირო საქმეებითა და ძნელებლობით, სიხარულითა და ჭირვარამით. ჩვენი მრავალმხრივი ურთიერთობა შეადგენს მრავალი მთავრობის გარჯამ, ოფლმა და სისხლმა სამშობლოსა და თავისუფლებისათვის ბრძოლაში. უამრავია შერეული აფხაზურ-ქართული ოჯახები, რომლებისთვისაც დღევანდელი მოვლენები ორმაგი ტრაგედიაა.

მესამე ფაქტორი, მესამე „კეშაბი“ გახლავთ გარკვეული დაპირისპირება ქართველ საზოგადოებაში, რომელსაც ასევე იყენებდნენ თავიანთი ინტერესებისათვის აფხაზეთის ხელმძღვანელები. ზემოაღნიშნული ფაქტორების („კეშაბების“) მთელი ეს აღიანსი ვ. არძინბამ და მისმა თანამოსაზრეებმა დაუპირისპირეს ქართველ ხალხს, ხოლო თუ ობიექტურად განვსჯით, — საკუთარ ხალხს, ისე, რომ, არც კი დაფიქრებულან ამაზე. ბუნებრივია, ეს ფაქტორები მეტნაკ-

ლებად მოქმედებენ დღესაც. მტკიცედ შეიძლება ითქვას, რომ, ჩვენს რა ფართო მასშტაბის პოლიტიკურ თამაშში, რომელსაც ლოკალურს ვერ უწოდებ, ბევრი აფხაზი ხელმძღვანელი და ვ. არძინა დღეს ფაქტობრივად აღარ არიან თავიანთი თავის უფალი. ისინი გაზდნენ ერთგვარი მძევლები ზემოაღნიშნული სამი „ვეშაპისა“, მაგრამ, ვფიქრობ, ძალზე ბევრი რამ არის დამოკიდებული თვით აფხაზებზე, რომელთა უმეტეს ნაწილსაც საუცხოოდ ესმის, თუ რაოდენ დამლუპველია სეპარატიზმის პოლიტიკა. თავიანთი სიტყვა უნდა თქვან, და იმედი მაქვს, იტყვიან, აფხაზმა უზუცესებმა მრავალტანჯული აფხაზი ხალხის ხსნის გულისათვის, მათ შეუძლიათ მოითხოვონ და უნდა მოითხოვონ, გადადგნენ ისინი, ვინც საკუთარ ზალხს თავს მოახვია უგუნური ომი. ამავე დროს ქართველი პოლიტიკოსები და საზოგადოებრიობა მოვალენი არიან, გამოიჩინონ სათანადო მოქნილობა, როგორც აფხაზთა უმრავლესობის ჭეშმარიტი მისწრაფებებისა და აფხაზეთში წარმოშობილი კონფლიქტის მშვიდობიანი გადაწყვეტისადმი მათი ლტოლვის გაგება, და, შეძლებისდაგვარად, პოლიტიკურად გარიყონ და მოუსპონ დასაყრდენი ქართველ ხალხში იმათ, ვინც ცდილობს, იარაღის ძალით ერთხელ და სამუდამოდ გადაწყვიტოს აფხაზეთის საკითხი.

რაც შეეხება იმას, რომ ვლადისლავ არძინა „თავისი ხალხის გმირია“, შემძლია გითხრათ, რომ ეს არის „ჭეროსტრატეს სადარი გმირობა“.

დასკვნა ასეთია: ახლანდელ ეროვნულ ტრაგედიაზე აფხაზი ხალხი მიიყვანეს ადამიანებმა, რომლებიც ალაზევა ფსევდოდემოკრატიული გარდაქმნების ტალღამ. მათ უმრავლესობას არ გააჩნია პოლიტიკური და სამეურნეო ხელმძღვანელობის გამოცდილება, არ ჰქონდა თვისებრივად ახალ სახელმწიფო და საზოგადოებრივ პოლიტიკურ ვითარებაში მოქმედების ისტორიულად დასაბუთებული პროგრამა და მათ იმათზე უკეთესს ვერაფერს მიაგნეს, რომ გამოეყენებინათ დიდი ხნის მომწიფებული თავაშეებული ნაციონალ-პატრიოტიზმის ნაყოფი, წამოეყენებინათ აფხაზეთის სუვერენიზაციის ღოზუნგი და ერთბაშად, დემონსტრაციულად შეექციათ ზურგი ქართველი ხალხისათვის. და ეს კურსი მიღებული იქნა აფხაზი ხალხის უმეტესი ნაწილის ნების მიუხედავად, რომელსაც კარგად ესმოდა, თუ რა მოჰყვებოდა შედეგად, ჩვენი ხალხების ცოცხალი კავშირის ძალისმიერი გაწყვეტის პოლიტიკას.

სწორედ ამიტომ, ჩვენ მოვალენი ვართ, გავაჩეროთ ყველანი, თანამდებობისა და ეროვნული კუთვნილების მიუხედავად, გავაჩეროთ ისინი, ვინც საზოგადოებას გათიშვისაკენ უბიძგებს, ვინც პოლიტიკურ თამაშში ავანტიურისტული მიზნების მისაღწევად სასწორზე ავდებს ხალხის სეპტებს.

ლორიკ მარშანი,

კაზეთი „სვობოდნაია გრუზია“,

23 იანვარი, 1993 წ.



გივი ლონგურაშვილი

დაიბადა 1958 წლის 2 აგვისტოს ქალაქ ცხინვალში. 1975 წელს დაამთავრა თბილისის 132-ე საშუალო სკოლა, მუშაობდა თბილისის კიროვის სახელობის ჩარხმშენებელ ქარხანაში ამწეობ ზეინკლად. 1977-80 წლებში იმყოფებოდა სამხედრო სამსახურში. დაამთავრა თბილისის ტექნიკური უნივერსიტეტი.

იყო საქართველოს რესპუბლიკის შეიარაღებული ძალების განსაკუთრებული დანიშნულების ბატალიონის წევრი. (ლეიტენანტი).


დაიღუპა 1992 წლის 4 ოქტომბერს – გულაუთის საკონცენტრაციო ბანაკიდან გაიყვანეს მიცვალებულთა ასაკურფად და დახვრიტეს.

დარჩა მეუღლე – ცინა ლონგურაშვილი და ორი მცირეწლოვანი შვილი – მამუკა და თამარი.

* * *

მშვიდობა, მარად მშვიდობა შენდა,
პრაეალკამიერ!
ზურგში თუ ფრონტზე გზა საომარი
ძღვევით გალიე,
ჩემო სამშობლოვ, დიდება შენდა,
პრაეალკამიერ!

ანა კალანდაძე



**ზაქარია
მაჰმიშვილი**

ზაქარია (ზაზა) კონსტანტინეს ძე მაჰმიშვილი დაიბადა 1965 წლის 23 ნოემბერს, მუშის ოჯახში. 1982 წელს დაამთავრა თბილისის 154-ე საშუალო სკოლა. ამავე წელს ჩაირიცხა კემეროვოს სახელმწიფო უნივერსიტეტში დაუსწრებლად ისტორიის სპეციალობით, რომელიც 1990 წელს დაამთავრა.

1984 წელს ჩაირიცხა თბილისის ინდუსტრიულ ტექნიკუმში. იყო სპორტის ოსტატი ჭიდაობაში, საქართველოს ექვსგზის ჩემპიონი, ნაკრების ყოფილი წევრი, მუშაობდა მწვრთნელად სპორტულ კლუბ „იბერიაში“.

1986 წელს გაიწვიეს სამხედრო საჯალდებულო სამსახურში ქ. პოლტავაში.

1992 წლის 1 მაისიდან ირიცხებოდა საქართველოს რესპუბლიკის ეროვნული გვარდიის „ქართველ შეკარდენტო ლეგიონის“ სადესანტო მოიერიშე ბატალიონში ასეულის მეთაურის თანამდებობაზე. მას მინიჭებული ჰქონდა სამხედრო წოდება – კაპიტანი.

1992 წლის 11 ოქტომბერს ზაქარია მაჰმიშვილი დაიღუპა სამაჩაბლოში სოფელ დისევში.



ნოდარ (ვეფხო) მათიაშვილი

ნოდარ (ვეფხო) გურამის ძე მათიაშვილი, დაბადებული 1959 წლის 28 აგლის დაბა წყნეთში, ეროვნებით ქართველი, განათლება – ტექნიკური, ცოლ-შვილიანი.

1966-76 წ. დაამთავრა თბილისის 137-ე საშუალო სკოლა, შემდეგ გაიწვიეს სამხედრო სავალდებულო სამსახურში, მსახურობდა ჩეხოსლოვაკიაში, იყო მსროლელი.

1981 წელს სწავლა გააგრძელა თბილისის № 54 პროფტექნიკურ სასწავლებელში ავტოშემკეთებელ-ზეინკლის პროფესიით.

1989 წლიდან მუშაობდა თბილისის საფეიქრო ნედლეულის დამუშავებისა და გადამამუშავებელ ფაბრიკაში ინჟინრის თანამდებობაზე.

1992 წლიდან შევიდა 114-ე ბატალიონ „აფხაში“, ზემდევის წოდებით, 7 დეკემბრიდან წავიდა აფხაზეთში საქართველოს მიწის დასაცავად. 1993 წლის 1 მარტს სოფელ ლაბრასთან ერთ-ერთი მძიმე საბრძოლო შეტაკების დროს, ე.წ. კაცურად იბრძოდა, თავის თანამებრძოლების გადარჩენის მომენტში ტყვედ იყვანეს აფხაზმა სეპარატისტებმა და საშინლად აწამეს. მთელ სხეულზე ნაჩხვლეტები ჰქონდა, კანი – ამოშწვარი, მხრები – ჩამტვრეული, მარჯვენა თვალი – ამოთხრილი, ყელი – გამოჭრილი, ავტომატის 80 ტყვია მოხვედრილი. თანამებრძოლების თქმით, აფხაზებს მისი თავი 5 მილიონად ჰქონდათ შეფასებული, რადგან კარგი მსროლელი იყო.

დაკრძალულია წყნეთის სასაფლაოზე.

გაიზრდებიან პატარა მათა და გოგა და იამაყებენ, რომ მათი გმირი მამა სამშობლოს კეთილდღეობისთვის დაიღუპა.

ნოდარ მათიაშვილი სიკვდილის შემდეგ დაჯილდოვდა მედლით „მხედრული მამაცობისათვის“.



**გიორგი
მაისურაძე**

ოცდახუთ აგვისტოს გიორგის ოცდაერთი წელი შეუსრულდებოდა. ოცდაერთი წლის ახალგაზრდამ მთელი სიცოცხლის გზა გაიარა. 1990 წელს მოხალისედ შევიდა ეროვნულ გვარდიაში. პირველი ფიცაც აქ მიიღო. შემდეგ რკონში იმყოფებოდა, მერე – შინაგანი ჯარი, შიდა ქართლი – ღიახევის ხეობა. აქ გიორგი სამშვიდობო ჯარების ქართული ბატალიონის წევრია;

1992 წლის აგვისტო. საქართველოს სამხედრო ძალები სოხუმში შევიდნენ. ბრძოლით განვლო თითქმის მთელი წელი. და აი, სულ ახლახან ათ ივლისს სოფელ შრომის მისადგომებთან მტრის ტყვიამ უწია.

გიორგი მაისურაძე სამშობლოს ტერიტორიული მთლიანობისათვის ბრძოლაში დაეცა. სამარადისოდ გვახსოვდეს ის.

* * *

მზეო, დედასთან მიმავალო,
ღმერთი რო შაგხედეს, შამახვეწე,
ჩემ შვილ უკვენავ გამოგზავნოს...

(ხალხური)



მურმან მაისურაძე

დაიბადა 1958 წლის 16 მარტს ქ. თბილისში, მოსამსახურის ოჯახში. 1964 წელს შევიდა ქ. თბილისის 61-ე საშ. სკოლაში, დაამთავრა მისი სრული კურსი, 1974-76 წელს იმყოფებოდა სამხედრო სავალდებულო სამსახურში ქ. ლდესაში. დაბრუნების შემდეგ მუშაობდა სხვადასხვა თანამდებობებზე.

1991 წლიდან მონაწილეობდა ომში. ახმეტის ბატალიონის ჩამოყალიბების შემდეგ, შედის აღნიშნული ბატალიონის მეთაურის თანაშემწედ. სექტემბრის თვიდან აღნიშნული ბატალიონი იბრძვის აფხაზეთის ომში, სადაც 1992 წლის 26 ნოემბერს დაზვერვის დროს დაიღუპა. დარჩა მუუღლე და ერთადერთი შვილი - 2 თვის პატარა ანი.



**სოსო
მამაგულაშვილი**

სოსო ნოშრევანის ძე მამაგულაშვილი დაიბადა 1965 წელს ქარელის რაიონის სოფელ დვანში. 1982 წელს დაამთავრა დვანის საშუალო სკოლა. მსახურობდა საბჭოთა არმიის რიგებში. 1988 წელს დაამთავრა ცხინვალის ზოოვეტერინარული ტექნიკუმი.

ჰყავს მეუღლე და სამი მცირეწლოვანი ბავშვი. 1991 წლის 24 მარტს დაიღუპა სამანაბლოში, ყოფილი ზნაურის რაიონის სოფელ ველებში.

სოსო მამაგულაშვილი თავისი შეილები უკეთესი მომავლისათვის ბრძოლაში დაიღუპა. გვწამს, რომ მისი შეილები ნამდვილად თავისუფალ, დამოუკიდებელ საქართველოში იცხოვრებენ.

სიკვდილის ზეგ

ნეტავ რა ზნე სჭირს სიკვდილსა,
ვერ მიხვდა ჩემი ვინება!
შიგ ამოარჩევს ვაჟკაცსა,
რომელიც მოეწონება.

(სალსური)



**მიხეილ (მიხო)
მამადაშვილი**

დაიბადა 1963 წლის 30 ოქტომბერს თიანეთის რაიონის სოფელ მამადაანებში. დაამთავრა თონეთის საშუალო სკოლა. სწავლა განაგრძო თელავის სამშენებლო ტექნიკუმში. 1986 წელს მუშაობა დაიწყო ექსპედიტორად, 1991 წელს კი – თბილისის გაზის აპარატურის ქარხანაში გადავიდა.

1992 წლის 27 აგვისტოს ჩუღურეთის რაიონის სამხედრო განყოფილებამ გაიწვია სამსახურში და ჩაირიცხა 101-ე ბატალიონში. 27 აგვისტოდან იმყოფებოდა გურაში, 2 ოქტომბერს ღამის 2 საათსა და 30 წუთზე მოხდა თავდასხმა, როდესაც მიხეილი (მიშა) დაიჭრა თავში და მიიყვანეს გაგრის საავადმყოფოში, სადაც გაუწიეს სამედიცინო დახმარება. შემდეგ დატოვეს გაგრა და 7 ოქტომბერს დაბრუნდა თბილისში თავის საცხოვრებელ სახლში (ნაძალადევის რაიონი, მოლითის ქ. № 22), რადგან თავის არიდან 7 ნაკერი ამოულეს, ისევ დაუბრუნდა სოხუმს. სოხუმში 29 წლისა გახდა – 30 ოქტომბერს დაბადების დღე გადაუხდია. 2 ნოემბერს ღამის 3 საათისთვის სოფელ შრომასთან მოხდა შეტაკება, სადაც დამხმარე ძალა გამოიძახეს. და მანქანიდან პირველი გადასულა მიშა მამადაშვილი, რომელსაც მარჯვნივ მუცლის არეში მოხვდა აფხაზების თუ ჩეჩნების ნასროლი ავტომატის ტყვია – მაინც ამდგარა ზეზე, ითხოვდა ტანკის გამანადგურებელ იარაღს, მაგრამ დაცხრილეს.

მიხეილ მამადაშვილი მის მშობლიურ თიანეთში დაკრძალეს.

რა კარგია, რომ მას დარჩა ორი შვილი, რომლებიც, გვწამს, ყველაფერს გააკეთებენ იმისთვის, რომ ასახელონ თავიანთი ძვირფასი მამის სახელი.



**ზაზა
მანაშაშვილი**

დაიბადა 1970 წლის 15 იანვარს თელავში. 1977 წელს შევიდა თელავის პირველ საშუალო სკოლაში. რვა კლასის დამთავრების შემდეგ სწავლა განაგრძო თელავის 152-ე პროფსასწავლებელში – ტრაქტორისტ-მემანქანის განხრით. იყო სპორტსმენი. პროფსასწავლებლის დამთავრების შემდეგ გაიწვიეს საჯარო-დებულო სამხედრო სამსახურში. მსახურობდა გერმანიის დემოკრატიულ რესპუბლიკაში. სამხედროდან დაბრუნების შემდეგ წელიწადნახევარი იყო უმუშევარი, მაგრამ სპორტთან კავშირი არ გაუწყვეტია, რადგან ყველაზე ძალიან სპორტი იტაცებდა. 1992 წლის ივნისის თვეში თელავში ჩამოყალიბდა გვარდია შემვიდე ბატალიონის სახელწოდებით, სადაც შევიდა მობალისედ. წაიყვანეს ცხინვალში. ერთი თვის შემდეგ 1992 წლის 10 ივლისს დაიღუპა ცხინვალის რაიონის სოფელ ოქონასთან. დასაფლავებულია ქ. თელავში. იყო უცოლშვილო.

ნეტავ სიკვდილსამც

ნეტავ სიკვდილსამც მისცა შვილიო,
იმას სხვა შვილი შამახყარო,
დედასა, დასამც ახედვინაო, –
იქნება მისვენებდ გულიო,
იქნებ წეს გამოიცვლებოდაო.

(ხალხური)




ზურიკო მანჯიაშვილი

დაიბადა 1972 წლის 30 აპრილს კასპის რაიონის სოფელ ქვემო ჭალაში.
1988 წელს დაამთავრა ქვემო ჭალის საშუალო სკოლა და სწავლა გააგრძელა
თბილისის № 6 პროფესიულ ტექნიკურ სასწავლებელში.

1990 წლიდან გაიწვიეს ეროვნულ გვარდიაში. მსახურობდა სპეცდანიშ-
ნულების ბატალიონში.

1992 წლიდან მსახურობდა კასპის გვარდიაში.

დაიღუპა 1992 წლის 27 სექტემბერს აფხაზეთში, ტამიშთან.



**ბორის
მარგველანი**

ბორის მურადის ძე მარგველანი, დაბადებული 1969 წლის 13 აგვისტოს ლენტეხის რაიონის სოფელ მამში, განათლება საშუალო, უცოლო.

ბორისის სკოლის დამთავრების პერიოდი დაემთხვა მიწისძვრით სვანეთის დაზარალებას და მათი მრავალშვილიანი ოჯახი (6 ძმა და 2 და) ჩასახლებული აქნენ ოზურგეთის რაიონის სოფელ ასკანაში.

1987 წელს ბორისი გაწვეული იქნა სამხედრო სავალდებულო სამსახურში, სადაც პირნათლად იმსახურა. სამსახურის მოხდის შემდეგ შევიდა „მხედრიონში“, შემდეგ მოხალისედ ჩაეწერა 114-ე ბატალიონ „ავაზაში“. ვაჟკაცურად იხდიდა თავის ადამიანურ ვალს სამშობლოს დასაცავად, 1993 წლის 25 თებერვალს ერთ-ერთი საბრძოლო ოპერაციის დროს მტრის ტყვიამ გული გაუგმირა.

დასაფლავებულია სოფელ ასკანაში.

დატირება

სახლიც ტირის და კარიც ტირის,
სანაპირონიც ჩამოდიან,
წვიმათოდენი ცრემლი გინდა,
ფოთოლთოდენი მოტირალნი.

(ხალხური)



მერაბ მარგიანი

მერაბ სალარეფის ძე მარგიანი დაიბადა 1974 წლის 25 აგვისტოს, ოჩამჩირის რაიონის სოფელ კოჩარაში, მოსამსახურის ოჯახში. 1990 წელს წარმატებით დაამთავრა კოჩარის საშუალო სკოლა და ჩ.ირიცხა თბილისის ივანე ჯავახიშვილის სახელობის სახელმწიფო უნივერსიტეტის სოხუმის ფილიალში (ფიზკულტურის) განხრით. III კურსის სტუდენტი მონაწილეობდა სხვადასხვა სპორტულ შეჯიბრებებში, უყვარდა ფეხბურთი, ფრენბურთი, ჩოგბურთი.

მერაბი იყო უღალატო, თავმდაბალი, განათლებული ახალგაზრდა, გულმხურვალე მამულიშვილი.

— როცა ჩემი შვილი მერაბი მიდიოდა, გვერდით დავისვი და შევეხვეწე: ჩემო მერაბ, არ წახვიდე, შვილო, შენ დედისერთა ხარ, მამა 3 თვის წინ მოგიკვდა, მამა შენ არა გყავს და სტუდენტი ხარ, არაეინ წაგიყვანს ჯარში — მეთქი. კი, დედიკო, მართალი ხარ, მაგრამ მე ჩემი სამშობლო უნდა დავიცვაო, ადგა და შემეხვეწა: დედიკო, ომი, ომი, და სხვა გზა არაა, ომში უნდა ჩავიდეთ. შვილო, შენთან ერთად წავიდა შენი მეგობარი რომან იოსელიანი და კიდევ სხვები, მაგრამ არცერთი აღარ დაუბრუნდა საცოდავ დედებს-მეთქი.

ასე შეფიცულებმა სამშობლოს, მის მთლიანობას შესწირეთ თავი, ჩემო ძვირფასებო!

ახლა დედაშენმა რა ვქნა, ჩემო მერაბ! უშენოდ ყოფნა არ შემიძლია. მე არავის ვუნდივარ, არავის ვეცოლები!..

შენი ჯერჯერობით ცოცხალი დედიკო **თაყარა შვილია.**



შუქრი მარბიანი

უშენოდ მწუხრი ჩამოწვა დალის ხეობაში. თვით სიცოცხლემ დაკარგა აზრი და სილამაზე უშენოდ, ძაძებშია გახვეული ომარიშალა, გლოვობს მამულისათვის ზვარაკად შეწირულ ღომგულ ჭაბუკებს – შუქრი მარბიანს და ამირან ავალიანს. არაერთგზის უთხრეს შუქრის, რომ ომი და ავტომატი არ იყო მისი საქმე – უნივერსიტეტელის, ცნობილი ეკონომისტის, მენეჯერის, დალის ხეობის უერთგულესი ლიდერის, შუყერის ეკლესიის ამგების, ყველგან და ყველაფერში სილამაზის, სიკეთის მძებნელის, შუქრი კი ღიმილით პასუხობდა, „არავინ თუ არ იომა, მამ, სამშობლოს ვინლა დაიცავს? სამასი არაგველი ერთ დღეს გაწყდა, საქართველო კი გადარჩა, მეც ერთი კოლორელი ვიქნები, მამულს შეწირულია.

თქვა და სიმღერით წაეიდა ომში, ახალი წელიც მოწინავე ხაზზე გაატარა და 3 იანვარს გამიზნულად გადაეშვა ცეცხლის მორევში, ტყვიების წვიმაში, შეწყდა საოცრად ლამაზი სიცოცხლე, თან გაჰყვა სიცოცხლის ტრფიალი, დალის ხეობის აყვავების გეგმები, ნათელი ოცნებები. გაუმხელელი სიყვარული...

ოცდაათ გაზაფხულს მოესწრო მხოლოდ.

არც უცხოვრია თითქოს, გაიელვა და გაიბრწყინა მხოლოდ, მაგრამ ისე ძალუმად, ისე ძლიერად, რომ სამარადისო სახელი დატოვა.

ქანო მარბიანი

გაზ. „თბილისი“, 11 მარტი, 1992 წ.



გონა მარუაშვილი

„მინდა დაეთვალო ისტორიის ყველა ფურცელი. ყველა დღე. წუთი, საქართველოს ყველა ტკივილი“, – წერდა გონა თავის დღიურში. მთელი მისი არსებაც ზომ საქართველოს ტკივილით იყო გაქდენილი. სწორედ ამ ტკივილმა მიიყვანა ეროვნულ მოძრაობაში საფინანსო ბიჭი, მოხუცი მშობლების ერთადერთი იმედი.

გონა დაიბადა 1964 წ. 7 ივლისს. დაამთავრა ქუთაისის მე-18 საშუალო სკოლა და № 33 პროფტექნიკუმი. იყო სპორტის ოსტატი ჭიდაობაში, მუშაობდა მწვრთნელადაც, სადაც ყოველთვის გამარჯვებული გამოდიოდა და მადლობებსა და ქების სიგელებს იმსახურებდა.

„7 რიცხვი ცუდი აღმოჩნდა ჩემი ბიჭისათვის: 7 ივლისს დაიბადა და 7 აგვისტოს მომიკლეს დედაშვილობის მალგამწყრალმა ავაზაკებმა“, – ამას ამბობს ქალბატონი შუშანა, გამწარებული დედა.

„5 აგვისტოს, პარასკევს ჩამოვიდნენ ბიჭები, – ახლა თხრობას მამა აგრძელებს, – შამპანური გამოუტანე. მამა, შენ დალიე, მე მანქანაზე ვარო, მითხრა. რე... როგორ არის საქმე, ობნაში თუ აკეთებენო ხელოსნები სახლს, დაინტერესდა. ზამთარში დიდმა თოვლმა დაგვიზიანა სახლი. შემოდგომაზე ქორწილის გადახდას აპირებდა და ამიტომ ეჩქარებოდა მისი შეკეთება, სულ ახალი მოყვანილი ჰყავდა მეუღლე, ბაიასავით ნაზი და სათნო ელისო“.

„ჰო, თიხის ფილებიც მოიტანა იმ დღეს, ოთხი ცალი, რომ მანახა, გამეცინა, რატომ იცინიო? ბიჭო, ან ექვსი გყვიდა, ან თორმეტი-მეთქი. რა მოხდა, მამა, იმ გზაზე კიდევ ზო გავივლი და ვიყიდიო... ეგ იყო და ეგ... იმ ფილებიდან დაღვევა არც მოსწრებია. ბიჭები ახლა იმით მის შესანდობარს სვამენ“.

ეს იყო 5 აგვისტო, პარასკევი, 7 აგვისტოს... სამაჩაბლოში, სოფელ ძევერის გადასახვევთან აღმოაჩინეს სრულიად საქართველოს მერაბ კოსტავას საზო-

გადღობის წვერის, გონა მარუაშვილის გვამი, რომელსაც ტყვია გულში ჰქონდა მოხვედრილი.

ენით უთქმელ ელდას იტყვდა ის ძუნწი ინფორმაცია ქ. ქუთაისში და მისი შემოგარენში.

მერაბ კოსტავას საზოგადოების ბიჭებთან ერთად წავიდა სამაჩაბლოს ომში, იბრძოდა დიდ ლიახვში, საბუეში, თამარაშენში, კეხვში, კოდაში, ნიქოზში, ქალეთში. სულ უმართლებდა. ქალეთში რომ დაიჭრა, ეს შემთხვევაც თავისებურ ხუმრობაში ჩაატარა:

სიკვდილის ანგელოზმა მსუბუქად გამკრა ფრთა და მაგრძნობინა, რომ არ ვემტერებო, — თავის მეგობრებში უთქვამს სერიოზულად, რაკი ქალეთის ომში გადაერჩი, აწი სიკვდილი კარგახანს არ მოშეკარებაო, — ამბობდა და სჯეროდა კიდევ, რომ დიდხანს იცოცხლებდა და მოასწრებდა უამრავი კარგი ჩანაფიქრის, გეგმის, ოცნების ასრულებას.

საკუთარი ტკივილივით განიცადა მიწით დამეწყვრილი რაჭის ტრაგედია. ბიჭები შეკრიბა და აღდგენით სამუშაოებზე წაიყვანაო, იხსენებენ მისი საძმოს ბიჭები.

გონას ძალიან უყვარდა მუსიკა, სიმღერა, ცეკვა, უყვარდა ჭადრაკი, ფეხბურთი, ჭიდაობაში ზომ მწვრთნელი და ოსტატი იყო, იხსენებენ მისი მეზობელი ახალგაზრდა ბიჭები: მირიან მიქაძე, გიგა ზაუტაშვილი, ნიკა ვაშაყმაძე, ავთო ბზიკაძე, ალექო კირკიტაძე და ჟორა დიდბერიძე.

იცით, გონა ჩვენი საზოგადოების სული და გული იყო, კაცობაში ნაღდი, მეგობრობაში უღალატო, ამბობენ გულისტკივილით სრულიად საქართველოს მერაბ კოსტავას საზოგადოების იმერეთის რეგიონალური ორგანიზაციის წევრები, თანაც საზოგადოების შენობაში გონას და სხვა დაღუპული ბიჭების სურათებს უცქერიან და ტირიან.

ნაადრევედ წავიდა გონა ამ ქვეყნიდან. დარჩნენ მარტოდ-მარტო თავღობისთვეში დაქვრივებული ახალ შერთული მეუღლე ელისო და მშობლები პირქუშ სახლში გონას ხატებთან, მისი ხსოვნის პირისპირ.

ლ. ლიპარტელიანი

გაზეთ „ქუთაისის“ რედაქციის კორესპონდენტი



ნუკრი მარშანიშვილი

ნუგზარ (ნუკრი) ილიას ძე მარშანიშვილი დაიბადა 1966 წლის 25 თებერვალს ქ. თბილისში.

1983 წელს დაამთავრა 39-ე საშუალო სკოლა. 1984 წელს მოულოდნელად გარდაეცვალა დედა, რომელზეც ფიქრი არ ასვენებდა მთელი თავისი ხანმოკლე ცხოვრების მანძილზე. მის თვალებში უცნობიც კი შეამჩნევდა ნღველს, რომელიც დედის მონატრებით იყო გამოწვეული.

1985 წელს სწავლა განაგრძო საქართველოს პოლიტექნიკურ ინსტიტუტში, საიდანაც გაიწვიეს სამხედრო საკვლევებო სამსახურში, რასაც იგი გულისხმიერებით და პასუხისმგებლობით ასრულებდა. იყო ოცეულის მეთაური.

1986 წელს ნუკრი დაუბრუნდა ინსტიტუტს, სადაც ისწავლა სამ წელიწადს.

1989 წელს ეროვნული მოძრაობის ტალღამ მასაც გადაუარა, ააფორიქა და ერის სამსახურში ჩააყენა. იმავე წელს საკუთარი სურვილით და მოწოდებით გამოცდები ჩააბარა მილიციის უმაღლეს სკოლაში, ასე თვლიდა საჭიროდ: ჩემს ტანჯულ ქვეყანას – საქართველოს იქ უფრო გამოვადგებიო. მუდამ იქ იყო, სადაც მამულს უჭირდა. გმირულად იცავდა სამანაბლოს და აფხაზეთს... „სამშობლოს არვის წავართმევთ, ჩვენს ნურვინ შეგვეცილებათ“, – იტყოდა და რისხვა ჩაუდგებოდა საოცრად კეთილ თვალებში.

1990 წელს სოხუმელმა პატარძალმა შეაღო მისი სახლის კარი და ამდენხანს ქალის ხელს მონატრებულ ოჯახში სითბო და სიხარული შეიტანა. სულ მალე მამობის სიხარულმა გაუთბო გული, მაგრამ ხანმოკლე აღმოჩნდა ახალგაზრდა ოჯახის ბედნიერება.

მიუხედავად ავადმყოფობისა, მგვობრებს ვერ უღალატა და 1992 წლის აგვისტოში ერთხელ კიდევ ჩადგა მამულის დამცველთა რიგებში. „ნუ გემინიათ,

ტყვიას ზელით ვიჭერო“ – დაამშვიდა ასლობლები. „ნათიას მიხედვით“ – მკვლელები თვალებით შეხედა მეუღლეს, მერე აღელვებულმა გამოიხურა კაიბი, ლიფტს აღარ დაელოდა, კიბეები ისე ჩაირბინა, იგი იმ ქლესაც ეხებოდა, როგორც ყოველთვის: ყოყმანი და უკანდახვევა არ ჩვეოდა. ქართული ქართული ლო სული ბობოქრობდა მასში. ჩვეული შემართებით დაადგა გზას, რომელსაც თურმე მარადისობისა და უკვდავებისაკენ მიჰყავდა.

29 აგვისტოს, გაგრაში კოლხიდის საბჭოს სოფელ წითელ ჯვარში, მანდარინის ბაღებიდან გორაკებზე განლაგებულ პოზიციებზე ვერაგულად დაბოცეს თბილისის მილიციის უმაღლესი სკოლის 8 კურსანტი, მათ შორის იყო ჩვენი ნუკრიც.

...და კიდევ ერთ ოჯახში გაისმა გლოვის ზარი. კიდევ ერთი მშობელი გაუბედურდა, გაუბედურდა ქვრივი მამა. დაქვრივდა ახალგაზრდა ქალი და დაობლდა პატარა ნათია, რომელიც ამყავდ ივლის საქართველოს მიწაზე. იმ მიწაზე, რომლისთვისაც თავი გასწირეს ნუკრიმ და ქართველი ერის სხვა საუკეთესო შეილებმა. რამდენი ჩანაფიქრი, ოცნება და მიზანი დარჩა განუხორციელებელი... მაგრამ, ამასთანავე, დარჩა საქართველოსთვის გმირულად შეწირული ღამაში სახელი, რომელსაც ჰქვია ნუკრი მარშანიშვილი.



**ვლადიმერ
მაქსიმოვი**

რივითი ვლადიმერ ალექსანდრეს ძე მაქსიმოვი დაიბადა 1973 წლის 18 აპრილს თბილისში. ეროვნებით რუსი, საშუალო განათლებით.

1992 წლის მაისიდან მსახურობდა შინაგანი ჯარების ოპერატიულ ჯგუფში.

დაიღუპა 1992 წლის 28 დეკემბერს ოპ.მხირეში.

ვლადიმერ მაქსიმოვი სიკვდილის შემდეგ დაჯილდოვდა მედლით „მხედრული მამაცობისათვის“.




**ლევან
მაჭავარიანი**

ბრძოლის ველზე გმირულად დაეცა ახალგაზრდა ექიმი ლევან მაჭავარიანი. ერთი წლის წინ დაამთავრა თბილისის სამედიცინო ინსტიტუტის პედიატრიის ფაკულტეტი, და ერთი წლის თავზე ექიმი-პედიატრი უკვე აფხაზეთშია, საქართველოს ტერიტორიული მთლიანობისათვის იბრძვის, დაჭრილები გამოკვავს ფრონტის ხაზიდან, სიცოცხლეს უბრუნებს.

აქ კი, ტამიშთან, უთანასწორო დესანტთან ბრძოლისას დაჭრილთა საშველად მიეშურებოდა სამედიცინო მანქანით თავის კოლეგებთან ირაკლი დვალისა და ზაზა კიკნაძესთან ერთად. მტერმა არად ჩააგდო სამედიცინო მანქანის სასწრაფო დახმარების ნიშანი და სროლა აუტეხა. სამივენი ხელნართულ ბრძოლაში ჩაებნენ და გმირულად დაიღუპნენ.

ლევან მაჭავარიანი სიკვდილის შემდეგ დაჯილდოვდა ვახტანგ გორგასლის II ხარისხის ორდენით.

ლაგარა აბუსაძე



**ნუზარ
მაჭარაშვილი**

ნუზარ მაჭარაშვილმა რუსთავეში დაამთავრა საშუალო სკოლა. ბევრ პროფესიას დაუფულა. იყო მძღოლი, ზეინკალი, შემდუღებელი, მექანიკოსი, ბოლოს სვერდლოვსკის საინჟინრო პედაგოგიურ ინსტიტუტში სწავლობდა მე-3 კურსზე.

18 წლის ასაკიდან მსახურობდა. დაოჯახდა. ჰყავს ქალიშვილი და ტყუპი ეაჟები – საქართველოს ფიზიკური ინსტიტუტის სტუდენტები.

ნუზარის მამა, ბატონი ნიკო, II ჯგუფის ინვალიდი დაბრუნდა მეორე სამულო ომიდან. ნაომარი კაცის შვილს როგორ შეეძლო გულზე ხელი დაეკრიფა, როცა სამშობლო განსაცდელში ჩავარდა! ის, ქართველ შევარდენტა ლეგიონის წევრი, ჯერ სამაჩაბლოში იბრძოდა, შემდეგ გაურის მისადგომებთან.

1992 წლის 16 ოქტომბერს ოჩამჩირეში დაღუპულა გააფთრებულ ბრძოლებში.

ი ა კალანდარიშვილი



უჩა მაჭარაშვილი

1993 წლის ორი ივლისი მძიმე და სისხლიანი გამოდგა საქართველოსთვის. მრავალი ჭაბუკის სიცოცხლე შეეწირა ამ დღეს აფხაზეთში მამულის ერთიანობისთვის ბრძოლას.

სოფელ ტამიშთან პირველი საარმიო კორპუსის სპეცდანიშნულების „შავ-ნაბადას“ ბატალიონმა მტრის დესანტისგან პირველი დარტყმა სხვებთან ერთად საკუთარ თავზე მიიღო. სისხლისგან დაცლილი ბატალიონი ბოლომდე გმირულად უმკლავდებოდა მტერს. ტამიშის განთავისუფლების შემდეგ გადაქანცული ბიჭები ბრძოლაში დაცემული მეგობრების ძეხნას შეუდგნენ, რადაც არ უნდა დაგვიჯდეს, ყველა ჩვენი დაღუპული უნდა მოვიძიოთ... მეგობრებმა დიდი სიფრთხილით დაიწყეს საერთო სამარის ამოთხრა, ეშინოდათ, მტერს არ დაენადმა იგი, შემდეგ კი საშინელი სურათი – ერთად ჩაწვენილი მეომართა გვამები გამოჩნდა. ერთ-ერთი უჩა სერგოს ძე მაჭარაშვილის ცხედარი იყო. მეზივით გავარდა საქართველოში ამ სისხლიანი ბრძოლების ამბავი. იქ, მშობლიურ საჩხერეში, სოფელ კორბოულში, შვილის მოძლოდინე დედას გულმა უგრძობი უბედურება. აკი არც შემცდარა ათასგზის გამოცდილი დედის ინტუიცია.

ცხრაშვილი წელი ლამაზად იცხოვრა უჩა მაჭარაშვილმა და როცა ქვეყანას დასჭირდა, გმირულად მიიტანა ჭაბუკისათვის ყველაზე სანუკვარი სიცოცხლე სამშობლოს სამსხვერპლოზე.

უჩა მაჭარაშვილი სიკვდილის შემდეგ დაჯილდოვდა მედლით „მხედრული მამაცობისათვის“.



**ვაჟა
 მახათაძე**

დაიბადა 1963 წლის 28 აგვისტოს, ქალაქ თბილისში. ჰყავს დედ-მამა, ოთხი ძმა და ერთი და. დაოჯახდა 1982 წლის 24 ივლისს, 19 წლის ასაკში, 18 წლის ციცილო ბეჟაშვილზე. აი, ასე შეიქმნა ბავშვური სიყვარულით ტკბილი ოჯახი. სიხარულს სიხარული მოჰყვა. შეეძინათ პირველი შვილი, მეორე, პესამე. უხაროდა სამი შვილი, მრავალშვილიანი მამა ვარო.

მახათაძე თამარი ვაჟას ასული, — 1985 წ.

მახათაძე თემური ვაჟას ძე — 1987 წ.

მახათაძე სალომე ვაჟას ასული — 1991 წ.

უყვარდა ცოლ-შვილი, ოჯახი, მეგობრები, ნათესავეები. ვველგან და ვველასგან სიყვარულს იმსახურებდა.

1992 წლის 28 აგვისტოს 29 წელი შეუსრულდა. დაბადების დღე მიატოვა და ძმაკაც ნუგზარ ჩოხელთან ერთად სამშობლოს სადარაჯოზე დადგა. თეთრარწიველი, მეტსახელად „მამაო“ მებრძოლებთან ერთად გაგრას იცავდა მტრისაგან. სამი დღის მანძილზე კოლხიდაში, ალყაში მოქცეულმა ძლივს დააღწია თავი.

1 ოქტომბერს გაგრამი დატრიალებულმა ტრაგედიამ მთელი საქართველო შეძრა. გაგრამი მტრის შემოტევის დროს გმირულად დაეცა ბრძოლის ველზე. წახვედი და დაგვიტოვე მოუშუშებელი ტკივილი. ჩვენში ყოველთვის ღამაზ, დაუვიწყარ მოვლენებად დარჩები. ზეციერ ნათელში სუფევდეს შენი სპეტაკი სული, „მამაო“.



**გიორგი
მკელაშვილი**

გიორგი დავითის ძე მკელაშვილი – დუშელი ბიჭი – 1992 წლიდან ირიცხებოდა საპატრულო პოლკის სერჟანტად. სოფელ კინდლში დაჭრილის გამოყვანისას დაიღუპა.



**ზალიკო
მდინარაძე**

„დე, არ ინერვიულო, ოჩამჩირიდან დაგიბრებ“, – სწერდა პაწია ბლოკნოტის შუა ფურცელზე. ეს არის თბილი და ამაყი ქართული ბიჭის, ზალიკო მდინარაძის უკანასკნელი წერილი დედისადმი.


თბილისიდან გაიპარა აფხაზეთში საომრად; ოჩამჩირეში ლანჩხუთელი მებრძოლები მოძებნა და გამოუცხადა თქვენთან უნდა ვიბრძოლო. მეთაურს შეეწონა მისი სიტამამე, მაგრამ გააფრთხილა: უნდა გამოგტადო, ჩვენს რაზმში ასე ადვილად ხალხს არ ვღებულობთო. ბედს არ ენება, რომ ზალიკოს ეს გამოცდა გაეწეო, თორემ ერთ კვირაში იგი რაზმის სული და გული გახლებოდა, იჩქარა საბრძოლო ნათლობის მიღება.

გამთენიისხანს გავიდნენ პოზიციებზე ლანჩხუთელი მებრძოლები, ზალიკო „შინ“ დატოვეს, მაგრამ ორიოდე საათში მან ვაივო, რომ ბიჭებთან რაცია იყო წასაღები და თავისთავზე აიღო ეს მისია. უიარაღოდ, უშიშრად გააღწია ცეცხლის წინა ხაზამდე, სწორედ იქ მოუსწრო სნაიპერის ტყვიამ და აუხდენელი დაუტოვა ოცნებები გმირულ ბრძოლებზე. ყველაზე დიდი მსხვერპლის ფასად, პატარა სამსახური მაინც გაუწია თავის ქვეყანას, არ დასცალდა, რომ მისი სახელი მთელს ქვეყანას მოჰფენოდა. ის ჩვენ, ლანჩხუთელებმა უნდა დავიტიროთ და მოწინებით დავხაროთ თავი, რადგან მისთანების თავგანწირვა აფხიზლებს მიძინებულ სულებს. მისი დედის ცრემლები მალამოდ ედება ქართულ მიწას, მამის გოდება მოსვენებას არ აძლევს შურისძიებით ავსებულ გულებს.

კიდევ ერთი ნათელი ბიჭი შეეწირა საქართველოს ტერიტორიული მთლიანობისათვის ბრძოლას, ხალასი ნიჭი, მომავლის იმედებით სავსე სიცოცხლე.

ღმერთო, გვაკმარე!

ზალიკო მდინარაძე სიკედილის შემდეგ დაჯილდოვდა ვახტანგ გორგასლის III ხარისხის ორდენით.



**ოგარ
მეგრელიშვილი**

დაიბადა 1947 წლის 24 მარტს ქალაქ გორში. დაამთავრა თბილისის 87-ე საშუალო სკოლა. 1966-69 წლებში მსახურობდა ჯარში. 1973 წელს დაამთავ-

რა შემდეგობის მოსამზადებელი კურები. მსახურობდა სხვადასხვა სამხ. დრო
ნაწილებში. იყო დაოჯახებული - მეუღლე - რიტა სიმონის ასული მეგრული
შვილი, ჰყავს ერთი შვილი - მაია მეგრულიშვილი - ჭელიძე, შვილიშვილი -
ნინო ჭელიძე.

ცხოვრობდა ქალაქ თბილისში, ლილოს დასახლების I მიკრორაიონში
იყო საქართველოს რესპუბლიკის შეიარაღებული ძალების განსაკუთრებუ-
ლი დანიშნულების ბატალიონის წევრი. დაიღუპა 1992 წლის 2 ოქტომბერს
ს. გაურამში.

ომარ მეგრულიშვილი სიკვდილის შემდეგ დაჯილდოვდა ვახტანგ გორგას-
ლის III ხარისხის ორდენით.

მთაწმინდა

მთაო წმინდაო, მზიან მხარეში
შენს სანახავად ისევ მოვედი.
ბრწყინავს დიდებულ მატთანეში
შენი სახელი, ოქროს მთოველი.

უქარო დღეა და სიწყნარეა,
ამოველ სიბრძნის დასაწაფებლად
და არწივივით არ მიჩქარია
ფრთების გაშლა და მაღლა აფრენა.

რადგან მაღლა ვართ, შენს თბილ უბეში
ვხედავთ ბალახებს ნამით განბანილს!
ვხედავთ, ვით ჰყვავის ცის სილურჯეში
უბერებელი ქართლის მთა-ბარი.

შენი უქრობი შუქი დაჰნათის.

მათი სავანე მხოლოდ შენა ხარ.

წერდნენ, იბრძოდნენ, რათა ლამაზად
აყვავებული ქართლი ენახათ.

მთაწმინდავ, შენ ხარ მათი ნუგეში,
პატიოსნების განსხივოსნება,
საუკუნიდან საუკუნეში
გადაგაქვს მათი წმინდა ოცნება.

თავზე ადგახარ გმირთა სავანეს

ისე, ვით დედა, დედა-მარადი,
თავდადებულთა შთამომავლობას

შენი უქრობი შუქი დაჰნათის.

შენს მკერდზე გაჩნდა სხივი ღილის მზის,
კალთებს გეყრება ოქროს ბწყალები,

ვაკრავთ შინაუბა

შენ შეუფე ხარ დიდი თბილისის,
მარადიული მისი თვალები.

ახალმა ჰანგმა გაიწვრიალა
და ნაპერწკლები სიტყვას დასცვივდა
და დილის დამწველ მზეში ბრიალებს
ეძველესი და ნორჩი მთაწმინდა.



თარგმნა რეჰაზ მარპიანმა



ილია
მელაძე

დაიბადა 1970 წლის 26 ივნისს მცხეთის რაიონში, სოფელ ჩარდახში, მოსამსახურის ოჯახში.

ილიას დედა – ოლია (ცაცა) ასათაშვილი, პროფესიით ეკონომისტი, მუშაობს მცხეთის რაიონის მანქანა-ტრაქტორთა პარკის რემონტისა და ექსპლოატაციის საწარმოს ეკონომისტად.

მამა – ტარიელი პროფესიით ინჟინერ-მექანიკოსი, მუშაობს ამავე რაიონის აგრომრეწვტრანსის მთავარ ინჟინრად.

მამა – მირიანი იურიდიული ფაკულტეტის პირველი კურსის სტუდენტი.

ილია მელაძემ 1987 წელს დაამთავრა მცხეთის რაიონის სოფელ წეროვის საშუალო სკოლის სრული კურსი წარმატებით.

1989 წელს ჩაირიცხა ქ. თბილისის სახელმწიფო სამედიცინო ინსტიტუტის პედიატრიულ ფაკულტეტზე.

ილია მელაძე 1989 წლიდან „მხედრიონის“ აქტიური წევრია. მონაწილე-

ობას ღებულობდა საქართველოში მიმდინარე ეროვნულ-განმათავისუფლებელი
მოძრაობაში.

დასავლეთ საქართველოში იგი პარველად წავიდა როგორც მედიტორი მუხამბეტოვი
შაკი და მაშველი.

შემდეგ კი იყო აფხაზეთი... ავად მოსაკონარი აფხაზეთი.

იგი მუდამ აქტიური იყო, მუდამ წინა ხაზისაკენ მიიღებოდა. ილია აფ-
ხაზეთში ოცეულს ხელმძღვანელობდა. 1992 წლის 11 ოქტომბერს ონამნირის
რაიონის სოფელ ოხურეშში ილია თავისი ოცეულით იცავდა სამშობლოს.

აფხაზ სეპარატისტთა ზროვამ ალყაში მოაქცია ილიას ოცეული. აღნიშ-
ნული ალყა ილიამ პირადად თვითონ გაარღვია და თავისი ოცეული უკლებლივ
გადაარჩინა.

სულგაყიდულმა მოძმეებმა უმოწყალოდ დატყვევეს ტყვეით და სიცოც-
ხლე მოუსწრაფეს 22 წლის ილია მელაძეს.

როინ მელიტონიანი

რიგითი როინ რობიზონის ძე მელიტონიანი დაიბადა 1972 წლის 28 ნო-
ვემბერს, გორში. ეროვნებით სომეხი.

შინაგან ჯარებში მსახურობდა 1991 წლის ნოემბრიდან ოპერატიულ
პოლკში.

დაიღუპა სოხუმის ტელევიზიასთან ბრძოლაში 1992 წლის 24 ივლისს.

ტილო წუთისოფელი,
ნახვას არ გვაცდი მზისასა!
ჩვენც ასე დავიხოცებით,
როგორაც ვხედავთ სხვისასა,
რა ბევრი ჩამოუშლია
ამ სატიალე მიწასა!

(ნალსური)



**მალხაზ
 მელიქიძე**

დაიბადა 1972 წელს 18 თებერვალს დაბა ასპინძაში, პედაგოგების ოჯახში. დაამთავრა ასპინძის საშუალო სკოლის არასრული კურსი და სპორტზე შეყვარებული ბიჭი სწავლას თბილისის ოლიმპიური რეზერვების სპორტულ სკოლა-ინტერნატში აგრძელებს კლასიკური ჭიდაობის სექციაში. ახალგაზრდა სპორტსმენი სამგზის ჩემპიონი იყო თავის წონით კატეგორიაში რაიონისა და ორგზის საქართველოსი მოზარდთა შორის.

ზრდილი და გულთბილი ბიჭი ბელმა გასწირა: ჯერ კიდევ 12 წლისას მამა დაელუპა, ორი წლის შემდეგ მისი აღმზრდელი ბიძა იმსხვერპლა ღუშმანის ტყვიამ. მოზარდის სუსტ მხრებს დააწვა ოჯახის მძიმე ტვირთი. ის დედის მხარში ამომდგარი ინაწილებს ცხოვრების სიმწარეს.

1991 წლის 19 მაისს გაიწვიეს ახალშექმნილ ეროვნულ გვარდიაში. დედისა და ერთადერთი დის საფიცარს საქართველოს სიყვარული და ლოცვა გაჰყვა საუზღად.

მალხაზი, როგორც სპორტსმენი, ჩაირიცხა „თეთრი არწივის“ სპეცდანიშნულების ბატალიონში. ყველასათვის საყვარელი ცისფერთვალეა ბიჭი გია და ვონა ყარყარაშვილების ძმადნაფიცი იყო.

გვარდია დაიშალა...

1992 წელს თებერვალში მალხაზი კვლავ ომში ბრუნდება, ამჯერად სამსახური ტყიბულის მე-17 ბატალიონში უწევს. ტექნიკაზე უზომოდ შეყვარებული ბიჭი თავისი ხელით აწყობს მწყობრიდან გამოსულ საბრძოლო მანქანა „ბტრ“-ს და შემდეგ მართავს კიდევ. ბატალიონი სამაჩაბლოში შექმნილი გართულებული მდგომარეობის გამო ცხინვალში შედის და მონაწილეობს საბრძოლო ოპერაციებში.

1992 წლის 13 ივნისს ერთ-ერთი ბრძოლის დროს არ ინდობს დედისგან-
თა, მამით ობოლ ბიჭს ღუშმანის ტყვია, სასიკვდილოდ იჭრება და კოლმეურნი
ნიკ ბესიკ ქუთათელაძესთან ერთად 19 ივნისამდე ებრძოდნენ ქართველი მებრძოლებს
გები და მალხაზის ახალგაზრდა სხეული სიკვდილს, მაგრამ ამაოდ.

მსუბუქი იყოს შენთვის, მართლაც მალხაზო ბიჭო (სიკვდილის წინ მღე-
როდაო), მესხეთის მიწა!



**ვეფხია
მესხიშვილი**

დაიბადა 1968 წლის 8 მაისს გურჯაანის რაიონის სოფელ მელაანში,
კოლმეურნის ოჯახში. წარმატებით დაამთავრა მელაანის საშუალო სკოლა. გუ-
ლით ეწადა სწავლის გაგრძელება, მაგრამ მუხანათურმა ბედისწერამ არ დააცა-
და. სკოლის დამთავრებისთანავე დაიწყო მუშაობა რუსთავის საწარმოო გაერ-
თიანება „აზოტში“, საიდანაც გაიწვიეს სამხედრო სავალდებულო ორწლიან
სამსახურში. იმსახურა სადესანტო ნაწილში, მიიღო მადლობები და სიგელები.
იქიდან დაბრუნებისთანავე დაუბრუნდა თავის სამსახურს.

1992 წლის 20 აგვისტოს გაიწვიეს სამშობლოს დასაცავად აფხაზეთში,
სადაც 26 აგვისტოს გმირულად დაასრულა თავისი ნორჩი სიცოცხლე.

სამშობლო არ დაივიწყებს მის ღირსეულ შვილს – ვეფხია მესხიშვილს.



რამო მეტრეველი

1960 წლის 7 ოქტომბერს ქალაქ გუდაუთაში შვიდი წლისა შევიდა გუდაუთის რაიონის ახალსოფლის № 1 საშუალო სკოლაში, სკოლის პერიოდში მისდევდა სპორტს – ჭიდაობაში საქართველოს მოსწავლეთა შეჯიბრებაში მეორე ადგილი დაიკავა. დაჯილდოებული იყო რამდენიმე სიველით.

რეზოს მამა 1981 წელს დაედუბა, 1983 წელს – დედა. რეზოს ჰყავს დედამამიშვილები: ძმები – თამაზი, თეიმურაზი, ღაზშირი და ნაილი.

1977 წელს დაამთავრა საშუალო სკოლა, სკოლის დამთავრების შემდეგ გაიწვიეს ჯარში 1978 წელს. მოხვდა ქალაქ ხაბაროვსკში. სამხედრო მოვალეობის მოხდის შემდეგ დაბრუნდა შინ, გუდაუთის რაიონის ახალსოფელში. 1981 წელს სწავლა განაგრძო ქუთაისის საჯარო ტექნიკუმში. ტექნიკუმის დამთავრების შემდეგ მუშაობა დაიწყო გუდაუთაში ძმლოლად. მშობლების გარდაცვალების შემდეგ დამოუკიდებლად ცხოვრობდა. უნდოდა დაოჯახებულიყო, მაგრამ არ დასცალდა. 1990 წელს გადაიყვანეს სოხუმის „ატეკაში“ მძღლოლად. 1992 წლის 14 აგვისტოდან დაიწყო ქართველებსა და აფხაზებს შორის ომი. ომის დაწყებისთანავე ჩაეწერა გვარდიაში, თავისი მიწა-წყლის დასაცავად. შეაგროვა თავისი სოფლის ბიჭები, ჩამოაყალიბა გუდაუთის ბატალიონი, დანიშნეს ოცეულის მეთაურად, აქაც დიდი ავტორიტეტით სარგებლობდა. რაც შეეძლო, არაფერს აკლებდა მეომარ ბიჭებს. 1992 წლის 7 ოქტომბერს შეუსრულდა 32 წელი. ამავე წლის 9 ნოემბერს იმსხვერპლა მტრის ტყვიამ ოჩამჩირის რაიონის სოფელ კონარასთან. თავი შესწირა საქართველოს ერთიანობას. რეზო მეტრეველი ვერ დაიკრძალა ახალსოფელში, თავისი მშობლების გვერდით. იგი დაკრძალეს ოჩამჩირის რაიონის სოფელ ახალდაბაში, თავისი დის სოფელში.



გურამ მინელიაშვილი

გურამ დიმიტრის ძე მინელიაშვილი დაიბადა 1957 წელს ცხინვალის რაიონის სოფელ ქემერტში.

ყოფილი ოცეულის მეთაური — ტანკისტი. დაიღუპა 1993 წლის 2 ივლისს სოფელ ტამიშთან.

მადლობა მას — სამშობლოსთვის დაღუპულ შესანიშნავ ადამიანს.

მერაბ მინელიაშვილი

დაიბადა 1957 წლის 14 იანვარს ცხინვალის რაიონის სოფელ ქემერტში. 1964-74 წლებში სწავლობდა ცხინვალის რაიონის სოფელ ძარწემის საშუალო სკოლაში.

1975-77 წწ. მსახურობდა. ქ. ხაბაროვსკში.

სავალდებულო სამხედრო სამსახურის შემდეგ სწავლა გააგრძელა ქარელის მექანიზაციის ტექნიკუმში.

1980 წლიდან 1990 წლამდე მუშაობდა თამარაშენის მეკურდღლეობის მეურნეობაში მძღოლად.

1989 წლიდან ჩაება ეროვნულ მოძრაობაში.

1990 წლის 22 ივნისს შევიდა წმინდა ილია მართლის საზოგადოებაში, რომლის წევრიც იყო სიცოცხლის ბოლომდე. აქტიურად იბრძოდა ოსი ექსტრემისტების წინააღმდეგ. მან დაიმსახურა ხალხის დიდი ნდობა და სიყვარული. მერაბის იმედით სულდგმულობდა მთელი სამი წლის განმავლობაში დიდი ლი-

ახვის ხეობის ბლოკირებული 9 ქართული სოფელი, მისი იმედი ქონდა ბრძოლებშიც და სიმშვიდის დროსაც. ამიტომ მიანდეს მას ხეობის უფროსობა. იყო „უშიშარი, ვითარცა უხორცო“, ფიზიკურად ძლიერი, რის გამოც ხალხმა სიყვარულით „ვირო“ შეარქვა. ეს უხერხული მეტსახელი თითქოს გააკვირვებდა ბილა მისმა თავდადებას და გმირობას. ქართველები ამ სახელს მაშინაც და „ხლაც დიდი სიყვარულითა და მოწიწებით წარმოსთქვამენ, ხოლო ოსებს შიშის ზარს სცემდა „ვიროს“ ხსენება, ეგონათ, რომ ტყვია ვერაფერს დააკლებდა და, ალბათ, ამიტომაც ხეზე მიაბეს ცოცხალი, დაჭრილი, ისედაც სასიკვდილოდ განწირული და ისე დაწვეს. მან სიცოცხლე უცოყმანოდ მიიტანა საქართველოს სამსხვერპლოზე და სიცოცხლის ბოლო წუთებშიც კი მღეროდა თავისი სათაყვანებელი მერაბ კოსტავას საყვარელ „შავლეგოს“.

დარჩა მეუღლე — მზია ოთინაშვილი და 4 მცირეწლოვანი შვილი — ლია, ია, ნათია და ლელა, მეოთხე — ლელა მისი სიკვდილის შემდეგ მოევლინა ქვეყანას. მერაბ მინდიაშვილი და ზაურა ხომარელი იყვნენ დების ქმრები. ერთმა ოჯახმა ერთ დღეს ორი სიძე დაკარგა.



ბელა მინდიაშვილი

დაიბადა 1969 წლის 6 მარტს. 1986 წელს დაამთავრა ქ. თბილისის #107-ე საშუალო სკოლა. სკოლის დამთავრების შემდეგ მუშაობდა თბილისის მე-8 საავადმყოფოში.

1987 წელს გაიწვიეს სავალდებულო სამხედრო სამსახურში. სამხედრო მოვალეობის მოხდის შემდეგ 1989 წელს შედის ავღანეთის კავშირში. 1991 წელს მუშაობას იწყებს კერძო დეტექტივად თბილისში. ამავე წელს შექმნა ოჯახი.

1992 წელს შევიდა სამგორის რაიონის მე-8 პოლკის ეროვნულ არმიაში.

აფხაზეთში მიმდინარე მოვლენებთან დაკავშირებით შეიქმნა საზოგადოება „თბილისელი“, რომლის წევრიც გახდა გელა და აქედან გაიწვიეს აფხაზეთში 1992 წლის 4 დეკემბერს საქართველოს ერთიანობის დასაცავად. ბრძოლაში ჩაება ოჩამჩირის რაიონში. საბრძოლო ოპერაციების სამედიცინო დახმარებასაც უწევდა მებრძოლებს. მას მეტსახელად „მგელაკაცა“ შეარქვეს, ცხენისწყალთან მომხდარი ერთ-ერთი შეტაკების დროს ბრძოლის ველიდან გამოიყვანა ორი დაჭრილი, მესამედ შებრუნებული გელა დაეცა მტრის ტყვიით განგმირული. 10 დღის შემდეგ მისი გვამი მიიღეს აფხაზი ტყვეების სანაცვლოდ.

გელა მინდიკაურის ხსოვნა სამარადჟამოდ დარჩება მისი ნათესაეებისა და ახლობლების, მისი მეუღლის თამილა ჭინჭირაულის გულში.

გელა მინდიკაური სიკვდილის შემდეგ დაჯილდოვდა **ვახტანგ გორგასლის III ხარისხის ორდენით.**



ზურაბ მირაქიშვილი

ზურაბ ბორისის ძე მირაქიშვილი დაიბადა 1972 წელს თბილისში, მოსამსახურის ოჯახში. სწავლა დაიწყო 113-ე საშუალო სკოლაში 1978 წელს. 1979 წლიდან ოჯახი საცხოვრებლად გადავიდა გლდანის რაიონში და სწავლა გააგრძელა 69-ე საშუალო სკოლაში, რომელიც დაამთავრა 1989 წელს.

1991 წლიდან ზურაბი თბილისის დამოუკიდებელი უნივერსიტეტის ისტორიის ფაკულტეტის სტუდენტია.

1992 წლის ოქტომბრის თვეში ზ. მირაქიშვილი მოხალისედ ჩაეწერა თავდაცვის სამინისტროს 114-ე ბატალიონ „აკაზაში“. იმავე წლის 18 დეკემბრიდან იგი აფხაზეთშია და აქტიურ მონაწილეობას იღებს საბრძოლო ოპერაციებში.

დაიღუპა 1993 წლის 2 ივლისს სოფელ ტამიშთან, დესანტის გადმოსხმის დროს.



**ამირანი
მიქელაძე**

დაიბადა 1967 წ. 12 თებერვალს ქ. ბოლნისში და აღიზარდა ქ. თბილისში, ისნის რაიონში, ავლაბარში, გურჯაანის ქ. № 18-ში.

1973 წელს შევიდა 77-ე საშუალო სკოლაში. 1976 წლიდან სწავლობს მე-80 რვაწლიან სკოლა-ინტერნატში, ორ დასთან ერთად იზრდებოდა უმაღლესი სკოლის დამთავრების შემდეგ 1983 წელს სწავლა განაგრძო 107-ე პროფტექნიკურ სასწავლებელში III თანრივის კვალიფიკაციით. 1986 წლის დეკემბრის თვეში გაიწვიეს სამხედრო სამსახურში, 2 წელი იმსახურა მურმანსკში და ჩამოვიდა 1988 წლის დეკემბერში.

1992 წლის 23 ოქტომბერს მოხალისედ წავიდა სამშობლოს დასაცავად აფხაზეთში და 3 ნოემბერს ერთ-ერთი შეტაკების დროს სოფ. ეშერაში დაიღუპა.

ამირანი მიქელაძე სახლში, მეზობლებში, ნათესავებში და, სადაც არ უნდა ყოფილიყო, გამოირჩეოდა თავაზიანობით, კაცთმოყვარეობით.

* * *

ლაშქარს გიკითხვენ სწორები!

— დალაი, დალაი!

წინ აღარ გაუძღვებია!

დალაი, დალაი!

მტერთან ხმაღამოდებულო!

— დალაი, დალაი!

სწორში თავგამოდებულო!

დალაი, დალაი!

(ხალხური)



კახა მიქელაძე

კახა მიქელაძე დაიბადა 1972 წლის 29 ივნისს ქ. თბილისში. 1980 წელს შევიდა ქ. თბილისის 149-ე საშუალო სკოლაში. 1988 წელს გადავიდა 164-ე სკოლის ფიზიკა-მათემატიკის გაძლიერებული სწავლების ჯგუფში, რომელიც დაამთავრა 1989 წელს. იყო ნაჭიერი, გონიერი მოსწავლე. დაინტერესებული იყო სპორტით. განსაკუთრებით უყვარდა ფეხბურთი. ოცნებობდა მსახიობი გამხდარიყო, უკრავდა და მღეროდა. ცეკვავდა ანსამბლ „თბილისში“, წერდა ლექსებს, მაგრამ არ აჩენდა.

1991 წელს ეროვნულ გვარდიაში შევიდა მოხალისედ. მსახურობდა ქაქუცა ჩოლოყაშვილის სახელობის პოლკში. როდესაც სამაჩაბლოში საჭირო შეიქმნა საჯარისო ნაწილების შესვლა, თავის თანამებრძოლებთან ერთად კახაც სამაჩაბლოში წაიყვანეს. 1992 წლის 13 ივნისს მონაწილეობა მიიღო ბესიკ ქუთათელაძის მიერ განხორციელებულ ოპერაციაში, რომელიც მიზნად ისახავდა ქ. გორში იარაღის ჩატანას, რის შედეგადაც მოუხდათ რუსეთის საჯარისო ნაწილთან შეტაკება. და ვერაგულად დაზოცეს 16 გვარდიელი, მათ შორის კახა მიქელაძეც; სნაიპერის მიერ ნასროლმა ტყვიამ გადაუჭრა არტერია, მერე კი წაქცეულს, ტანკზე მღვარმა ჯარისკაცმა მთელი ავტომატის ჯერი დაახალა ბეჭებში...

კახას ძალიან უყვარდა მეგობრები. მას სიცოცხლის უკანასკნელ წუთამდე არ მიუტოვებია განსაცდელში ჩავარდნილი თავისი მეგობრები. ბევრის სიცოცხლეც იხსნა. ბოლოს კი იმ დროს მოუსწრო მტრის ტყვიამ, როდესაც დაჭრილ მეგობარს შველოდა სამშვიდობოზე გასვლაში.

კახას სიკვდილის შემდეგ მიანიჭეს ოფიცრის წოდება, ერთ-ერთ ოცეულს კი — კახა მიქელაძის სახელი.

კახა ოცნებობდა ეკეთებინა ისეთი საქმე, რომელიც მის ქვეყანასა და ხალხს გამოადგებოდა. ხშირად იტყოდა ხოლმე, თუ სიკვდილი მიწერია, გმი-
რულად მინდა მოვეკვდეთ.

კახა მიქელაძე სიკვდილის შემდეგ დაჯილდოვდა ვახტანგ გორგასლის II ხარისხის ორდენით.

გიორგი მიქიაშვილი

გაგრის ზონის სოფელ ალახაძის პირველ საშუალო სკოლაში ხშირად ნახავდით თბილისიდან და სოხუმიდან ჩასულ სტუმრებს. მიზეზი უბრალო იყო — აქ იღვწოდა პედაგოგი, რომელაც მთელ აფხაზეთში იყო დაფასებული.

გიორგი მიქიაშვილმა თქვა და სწორედ ასე იქნებო, იტყოდნენ აფხაზეთის განათლების სამინისტროში და ამაგდარი, ღვაწლმოსილი მასწავლებლის სიტყვას ისე ენდობოდნენ, როგორც საკუთარს.

ბატონი გიორგი ამავე სოფელში 1927 წელს დაიბადა. სოხუმის სახელმწიფო პედაგოგიური ინსტიტუტის დამთავრების შემდეგ მშობლიურ სკოლაში იწყებს მასწავლებლობას. მალე მან თავი გამოიჩინა, როგორც ნიჭიერმა აღმზრდელმა და ორგანიზატორმა. დააწინაურეს კიდევ მთელი 30 წელი, სიცოცხლის უკანასკნელ წუთამდე, ბატონი გიორგი ამ სკოლის უცვლელი დირექტორი გახლდათ.

ამ დღეებში გაგრიდან საშინელი ცნობა მივიღეთ: ბატონი გიორგი მიქიაშვილი და მისი მეუღლე მედეა ცაგურიშვილი საკუთარ ოჯახში გამოასალმეს სიცოცხლეს.

რედაქციაში მოვიწვიეთ მათი შვილები ანჟელა და ბეჟანი, ძმა ოთარი, რომლებიც თბილისში იმყოფებიან. მათ თვალები ცრემლით აქვთ სავსე. მეც ხმას ვერ ვიღებ, რა ვუთხრა, რითი ვანუგეშო?

ლუმილს ბატონი გიორგის ქალიშვილი არღვევს.

— ვერც დავიტირეთ, ვერც მოვეფერეთ...

ვაჟიშვილი კი გულზე მჯიღს იცემს:

— ნეტავ შინ ვყოფილიყავი, ეგებ დამეცვა საყვარელი მშობლები...

ისევ ღუმილი. მძიმე დარდს წამით ვძლევთ და მორიდებით ვეკითხებით.

— მაინც როგორ მოხდა?

ბეჟანი: — ჩვენ თბილისში, ნათესაებებთან ვართ... დედ-მამა შინ დარჩნენ. მამას სოფელში ისეთი ავტორიტეტი ჰქონდა მოხვეჭილი, იმდენი აღზრდილი, ნამოწაფარი ჰყავდა, რომ... არა, მშინშარა როლი იყო, მაგრამ ასეთ საომარ ვითარებაშიც ადამიანობის იმედი ჰქონდა.

ჩვენ ეს შორიდან, ვადმოცემით ვიცით... 26 ოქტომბერს საღამოს, მამა თურმე შინ იჯდა და ტელეგადაცემას უყურებდა, უეცრად შევარდნილან ბანდიტები და სროლა აუტეხიათ. მამა იქვე დაცემულა. დედას უმარჯვნია, უკანა კარიდან გავარდნილა, მაგრამ ეზოში, ჭიშკართან მისწევია ბანდატის ტყვია.

აი, ესაა ყველაფერი, რაც ვიცით.

ოთარი: — გიორგი სოფელში ძალიან უყვარდათ, არ ვიცი, რა ვიფიქროს, თანასოფელი მასზე როგორ აღმართავდა ხელს.. თუმცა, ახლა ისეთი დროა, რომ... მაინც პატივი უციათ, ორივე დაუსაფლავებიათ. ამისთვისაც მადლობელი ვართ!

ქალიშვილი ცრემლს ვერ იკავებს, ხმამაღლა გვეკითხება:

— როდემდე გაგრძელდება ასე?! როდემდე უნდა დაგვიხოცონ მშობლები, მასწავლებლები... შვილები... ოჰ, ღმერთო ჩემო!

რა გვეთქვა, რა გვეპასუხა!!

ვცადეთ ოდნავ მაინც დაგვემშვიდებინა შვილები, რომლებმაც სავვარელი ადამიანები ვერც დაიტირეს, გულზე ვერ მოაყარეს მშობლიური მიწა...

მართლა როდემდე?

ჯამბულ ჯიქია



ჯუმბერ მიქუტიშვილი

ჯუმბერ ალექსანდრეს ძე მიქუტიშვილი, დაბადებული 1948 წლის 18 აპრილს კასპის რაიონის სოფელ ხოვლეში, განათლება საშუალო, ცოლშვილიანი.

სკოლის დამთავრების შემდეგ გაიწვიეს სავალდებულო სამხედრო სამსახურში. შემდეგ მუშაობდა რკინიგზის სამმართველოში გზის ოსტატად.

ჰქონდა სამხედრო წოდება — იყო თადარიგის ოფიცერი, ამიტომ ჯარში გაიწვია კასპის სამხედრო კომისარიატმა. 1992 წლის ნოემბერში მოხალისედ ჩაეწერა 114-ე ბატალიონ „ავაზაში“.

1993 წლის 13 თებერვალს სოფელ ლაბრასთან გმირულად დაიღუპა.

დასაფლავებულია კასპის რაიონის სოფელ ხოვლეში, გაღმა კვართას სასაფლაოზე.



**ნუზარ
მიხანაიშვილი**

დაიბადა 1956 წლის 2 მაისს ქალაქ ვორში. 1974 წელს დაამთავრა ატენის სკოლა-ინტერნატი და ჩააბარა თბილისის სასოფლო-სამეურნეო ინსტიტუტის აგრონომიულ ფაკულტეტზე, რომელიც დაამთავრა წარჩინებით 1979 წ. და ჩააბარა ასპირანტურაში. ამავე წელს გაიწვიეს სავალდებულო სამხედრო სამსახურში, იბრძოდა ავღანეთის დემოკრატიულ რესპუბლიკაში. საქართველოში დაბრუნების შემდეგ განაგრძო სწავლა ასპირანტურაში, დაამთავრა იგი წარჩინებით, დაიცვა დისერტაცია და მიიღო სოფლის მეურნეობის მეცნიერებათა კანდიდატის წოდება. მუშაობდა ი. საბაშვილის სახელობის ნიადაგმცოდნეობის, აგროქიმიისა და მეღიორაციის სამეცნიერო-კვლევით ინსტიტუტში და გაიარა გზა ლაბორანტიდან უფროს მეცნიერ-თანამშრომლამდე. იყო სპორტის ოსტატი ჭიდაობაში, თანრიგოსანი ჭადრაკსა და ცურვაში.

1988 წელს გააგზავნეს ავღანეთის დემოკრატიულ რესპუბლიკაში სოფლის მეურნეობის დეპარტამენტში მრჩეველად, საიდანაც დაბრუნდა 1989 წელს.

იყო ავღანეთის ვეტერანთა საქართველოს კავშირის თავმჯდომარის პირველი მოადგილე, იბრძოდა და დაიჭრა სამაჩაბლოში 1991 წელს. არჩეული იყო რესპუბლიკის პარლამენტის დეპუტატად, თუმცა ვეღარ დაესწრო პირველ სესიასაც კი. 3 ნოემბერს სოფ. შრომასთან გამართული ბრძოლის დროს დაეცა გმირულად. თან გაიყოლა ფიქრი წლინახვერის ნინოსა და ფეხმძიმე მეუღლეზე.

ნუგზარის დაკრძალვის მეორე დღეს, 11 ნოემბერს, გამთენიისას დაიბადა მისი ვაჟი — პატარა ნუგზარ მიხანაიშვილი.

ნუგზარ მიხანაიშვილი სიკვდილის შემდეგ დაჯილდოვდა ვახტანგ კორგასლის I ხარისხის ორდენით.



გონა მორჩილაძე

დაიბადა 1964 წლის 29 თებერვალს. მალე გარდაეცვალა მამა. დაამთავრა თბილისის 85-ე საშუალო სკოლა, რის შემდეგაც მუშაობდა თბილისის № 2 საავიჯო კომბინატში. 1982–84 წლებში სამხედრო სავალდებულო სამსახურშია. შემდეგ მუშაობდა ფეხსაცმლის ფაბრიკა „ისანში“, იყო ეროვნული მოძრაობის აქტივისტი, სამაჩაბლოში იბრძოდა ოსი ექსტრემისტებისაგან ცხინვალის შესასვლელის განთავისუფლებისთვის. 1992 წლის აპრალში მსახურობდა 27-ე ბატალიონში.

1992 წლის 29 მაისს ისევ მიემგზავრება სამაჩაბლოში, ქართული სოფლების დასაცავად, სადაც 1992 წლის 22 ივნისს მამისაანთუბანში ნაღმზე აფეთქდა და დაიღუპა.

გია მოსაშვილი

ერთ თვეზე ცოტა მეტი გავიდა მას შემდეგ, რაც ოსი ექსტრემისტების ხელით მოკლული გავაცნობთ. მაშინ ღმერთს ვევედრებოდი, რომ ეს მსხვერპლი ყოფილიყო უკანასკნელი, მაგრამ განგებამ არ შეისმინა ჩვენი ვედრება და აი, 1993 წლის 25 თებერვალს ზნაურის რაიონის სოფელ აწვეში ექსტრემისტების მორიგი შემოტევის დროს დაიღუპა კიდევ ერთი სიცოცხლით სავსე ახალგაზრდა – თბილისის სახელმწიფო ობიექტებისა და დაწესებულებების დაცვის ლეგიონის მილიციის უმცროსი სერჟანტი გია გერონტის ძე მოსეშვილი. იგი დაიბადა 1967 წელს სიღნაღის რაიონის სოფელ ბოღბეში, იქვე დაამთავრა საშუ-

ალო სკოლა, შემდეგ პროფტექსასწავლებელი, გაიარა სამხედრო სამსახური და დაბრუნდა მშობლიურ სოფელში.

შინაგან საქმეთა ორგანოებშია 1990 წლის იანვრიდან. თავის განცხადებაში იგი წერდა: „მზად ვარ ვიყო იქ, სადაც ამას მოითხოვს სამსახურის ორგანიზაციის ხელმძღვანელი“. და აპა, სამაჩაბლოს მიწაზე დაიდგარა მისი უმანკო სისხლი.

რამდენიმე კვირაში აპირებდა ჯვრისწერას, ოცნებობდა ბევრ შვილზე. მაგრამ აუხდენელ ოცნებად დარჩა მამობა, თავისუფალ, დამოუკიდებელ საქართველოში ბედნიერი ცხოვრება.

წავიდა ჩვენგან ქართული ეროვნული მილიციის ღირსეული ახალგაზრდა თანამშრომელი, მისი ნათელი სახე სამუდამოდ დარჩება ჩვენს ხსოვნაში.

საქართველოს რესპუბლიკის შინაგან საქმეთა სამინისტრო.



**მაია
მოსეშვილი**

26 წლის მაია გურამის ასული მოსეშვილი ლაგოდეხის რაიონის სოფელ ცოდნისკარიდან იყო.

მაია მრავალშვილიანი ოჯახის წევრი იყო. დაამთავრა ლაგოდეხის სკოლა-ინტერნატი, შემდეგ სწავლა გააგრძელა ლაგოდეხის 88-ე პროფტექნიკურ სასწავლებელში.

26 წლის მაიას 9 წლის ვაჟი. ატრემლებული დედ-მამა და დედმამიშვილება დარჩა.


როცა საქართველოს გაუჭირდა, ის მოხალისედ შევიდა ბატალიონ „ავაზში“ და იარაღით ხელში წავიდა აფხაზეთში. პრინციპული, მტკიცე ნებისყოფის,

უშიშარი, ვაჟაკური შემართებისა იყო ჩვენი მამა, — ასე ახასიათებენ მას თანამებრძოლები.

1993 წლის 1 მარტს სოფ. ლაბრასთან ერთ-ერთი შეტაკების დროს მან მონაპირის ტყვია მოხვდა, სამწუხაროდ, ექიმები უძლურნი აღმოჩნდნენ. მან საავადმყოფოში გარდაიცვალა.

გაიზრდება პატარა თემური და ამაყად იელის იმის გამო, რომ გმირი დედის ვაჟაკია.

ნარკიზა ლომთაძე



**დავით
მოსიაშვილი**

დავით ელგუჯას ძე მოსიაშვილი დაიბადა ქ. საჩხერეში 1966 წლის 19 ნოემბერს. სკოლაში სწავლის წლებში განსაკუთრებულ ინტერესს იჩენდა ისტორიისა და ლიტერატურისადმი. უყვარდა სპორტი, განსაკუთრებით კრივი, რაშიც ჰქონდა მიღწევები: იყო ჩემპიონი ახალგაზრდათა შორის. სკოლის დამთავრების შემდეგ ერთხანს მუშაობდა ბამბეულის ქარხნის მშენებლობაზე. შემდეგ იყო სავალდებულო სამხედრო სამსახურში. მერე — ისევ სპორტსკოლა. იყო კრივის სექციაში — მწვრთნელად. მერე ახმეტის სახალხო უნივერსიტეტში ისტორია-სამართალმცოდნეობის სპეციალობას ეუფლებოდა, პირველი კურსი ფრიადზე დახურა.

როცა საქართველოს დამოუკიდებლობას და ერთიანობას საფრთხე შეექმნა, იგი ერთ-ერთი პირველი შევიდა საჩხერის გვარდიის ბატალიონში და მონაწილეობა მიიღო სამაჩაბლოსა და აფხაზეთის ბრძოლებში. საქართველოს სახელმწიფო მეთაურის ბრძანებულებით დაჯილდოვებული იყო სამშობლოს დაც-

ვისა და ერთიანობისათვის ბრძოლაში გამოჩენილი მამაცობისა და თავდადებისათვის მედლით „მხედრული მამაცობისათვის“.

დათო 1993 წლის მარტში დაიჭრა ოჩამჩირის რაიონში წარმოებულ ტერორულ აქტში, მაშინ სასწაულად გადარჩა სიკვდილს, მიუხედავად მძიმე ჭრილობებისა, არ შედრკა და როცა კვლავ საშიშროება შეექმნა აფხაზეთს (დესანტის გადმოსხმასთან დაკავშირებით), დათო უყოყმანოდ წავიდა სოხუმში მის დასაცავად, საბედისწერო გამოდგა მისთვის ეს ნაბიჯი. 9 ივლისს ტამიშთან შეტაკებაში დაიღუპა.

გვგობლები

ზაზა მუნჯიშვილი

დაიბადა 1956 წლის 21 ნოემბერს გორში, მუშის ოჯახში.

ზაზა — მუნჯიშვილმა 1973 წელს სწავლა დაიწყო ქ. გორის მე-9 საშუალო სკოლაში. 8 კლასის დამთავრების შემდეგ სწავლა გააგრძელა ხიდისთავის № 15 პროფტექნიკურ სასწავლებელში, რომელიც 1983 წელს წარჩინებით დაამთავრა. იმავე წელს ჩაირიცხა გორის ეკონომიკური ინსტიტუტის დაუსრულებელ განყოფილებაზე.

1984-1986 წლებში იხდიდა სამხედრო სამსახურს. 1986 წლიდან 1988 წლამდე მუშაობდა გორის საკონსერვო ქარხანაში, პარალელურად აგრძელებს სწავლას გორის ეკონომიკურ ინსტიტუტში.

1988-1990 წლებში მუშაობდა შინაგან საქმეთა სამინისტროს არასაუწყებლო დაცვაში.

დღიდან გვარდიის დაარსებისა იგი ჩაირიცხა გორის მე-11 ბატალიონის ოცმეთაურად. 1991 წლის ივნისიდან იყო გორის მე-11 ბატალიონის შტაბის უფროსის მოადგილე.

1992 წლის 21 ივნისს ვერავი მტრის ხელით ნასროლმა ტყვიამ კიდევ ერთი ერთგული ვაჟკაცის სიცოცხლე იმსხვერპლა.

* * *

წუთისოფლის სტუმრები ვართ

წუთისოფლის სტუმრები ვართ,
ჩვენ წავალთ და სხვა დარჩება,
რასაც ერთურთს გავახარებთ,
იმის მეტი რა შეგვრჩება?
სამი ადლი ტილოს მეტი
სამარეში რა ჩაგვევება?

(სალსური)



დავით მუსერიძე

დავით ნოდარის ძე მუსერიძე დაიბადა 1958 წლის 26 მარტს, თბილისში, სამხედრო პროფესიონალთა ოჯახში. აწ გარდაცვლილი ბაბუამისი ომარ დავითის ძე მუსერიძე, მეორე მსოფლიო ომის ვეტერანი, გენერალი, ღვაწლმოსილი და ცნობილი პიროვნება იყო, მამა — გენერალ-მაიორი ნოდარ მუსერიძე დღესაც მოქმედ ეროვნულ ჯარში მოღვაწეობს, სამაჩაბლოსა და აფხაზეთის ომის მონაწილეა, დიდი ღვაწლი მიუძღვის ქართული არმიის ფორმირების საქმეში. დღეს პირველი გვარდიული ბრიგადის მეთაურია.

დედა — ლამარა მუსერიძე — ექიმი, და — თამარიკოც ექიმი. ორი შვილის დედაა. მისი მეუღლე — ჯუმბერ იაკობიძე, სპეციალობით ინჟინერი, აფხაზეთში საქართველოს ტერიტორიული მთლიანობისთვის იბრძოდა. დღეს მაიორი, ერთერთი სამხედრო ნაწილის მეთაურია.

დავით მუსერიძემ 1975 წელს დაამთავრა თბილისის 57-ე საშუალო, და მე-8 მუსიკალური სკოლები; 1986 წელს ალმა-ატის პოლიტექნიკური ინსტიტუტი.

გატაცებული იყო სპორტით, მუსიკით, ხატვით.

1976-78 წლებში იმსახურა ყოფილი საბჭოთა არმიის რიგებში კალუგის ოლქში, სარაკეტო ძალებში — საზენიტო დანადგარის მართვის რადიოტექნიკური საშუალებების ოპერატორად.

აღმოსავლური ორთაბრძოლის სხვადასხვა სახეობებით გატაცებული, 1979 წლიდან ალმა-ატის სპეციალურ კლუბში ეუფლებოდა კარატეს, კუნ-ფუს.

1982 წელს ალმა-ატის ოლქის 80 კვ. წონით კატეგორიაში პირად პირველობაზე კარატეში პირველი ადგილი დაიკავა, 1983 წელს კი ოლქის ჩემპიონი გახდა.

თბილისში დაბრუნების შემდეგ სხვადასხვა დროს მუშაობდა ყოფილი დო-

სააფის სპორტულ-ტექნიკურ კლუბში მწვრთნელად და მსაჯთა კოლეჯის წევრად, სპორტსაზოგადოების ინსტრუქტორ-მეთოდისტად, — საქპიდროკომუნშენის — სახელმწიფო-საპროექტო სამეცნიერო კვლევით ინსტიტუტში მს. მ. ან. ჟინრაღ.

1992 წლის მარტიდან დავითი საქართველოს ეროვნული გვარდიის ქაქუცა ჩოლოყაშვილის სახელობის პოლკში ჩაირიცხა. მალე პოლკის დაზვერვის უფროსად დაინიშნა.

დათოს საბრძოლო ბიოგრაფია სამაჩაბლოში დაიწყო. საქართველოზე უზომოდ შეყვარებული ჭაბუკი ფიქრშიც ვერ ეგუებოდა მშობლიური მიწის თუნდაც ერთი მტკაველის დაკარგვას.

მამაცმა და საზრიანმა, უშიშარმა და ერთგულმა არაერთი საუკეთესო მაგალითი უჩვენა იმისა, თუ როგორ უნდა იბრძოდეს ქართველი ვაჟკაცი მამულისათვის. დაჭრილი პირველი სამედიცინო დახმარების შემდეგ ისევ ცხელ წერტილში დაბრუნდა. მხოლოდ სამაჩაბლოდან ჯარების გამოყვანის შემდეგ დაწვა საავადმყოფოში სამკურნალოდ.

აფხაზეთის კონფლიქტმა, რომელიც 1992 წლის 14 აგვისტოს დაიწყო, დათოს საავადმყოფოში მოუსწრო. ჩოლოყაშვილის პოლკი გაეშურა კონფლიქტის ზონისაკენ. დათო საავადმყოფოს პალატიდან შეუერთდა თანამებრძოლებს ისე, რომ აუცილებელი მკურნალობის კურსი დამთავრებულიც არ ჰქონდა.

სოხუმში, ეშერაში, ოჩამჩირეში, ტამიშში, ცაგერაში, არადუში, შრომაში, ყველგან თავდადებით იბრძოდა ჩოლოყაშვილის პოლკი, რომლის უფროსა და მისი შემადგენლობა ნამდვილი მებრძოლი პატრიოტების ხანიმუშო მაგალითის იძლეოდნენ. 1992 წლის სექტემბერში დავით მუსხერიძეს ვიცე-პოლკოვნიკის წოდება მიენიჭა.

ოქტომბრის პირველი რიცხვებიდან ჭრილობის გართულების გამო დათო სამკურნალოდ გამოეზავნეს თბილისში.

სტაციონარული ინტენსიური მკურნალობის შედეგად როგორც კი თავი უკეთ იგრძნო, შეუდგა აფხაზეთში დასაბრუნებლად თადარიგს. „არ შეიძლება ბიჭების მიტოვება!“ — ჯიუტად იმეორებდა. ბიჭები კი მოუთმენლად ელოდნენ მეთაურს.

დათო კი 16 ოქტომბერს დაიღუპა.

1993 წლის 26 მარტს 35 წელი შეუსრულდებოდა.

აფხაზეთიდან გაზეთის საშუალებით ასე მიესიყვარულნენ დათოს მისი თანამებრძოლები: „...სიამაყის, ვაჟკაცობის, ერთგულების და სიკეთის სიმბოლოდ დაგვრჩება შენი ხატება, დათო! დაუვიწყარი ხარ ყველასათვის, ვისაც ერთხელ მაინც განუცდია შენი სიახლოვის ხიბლი, ძმაო! ჩვენ დღესაც აქ, აფხაზეთში მეომრული წესით აღვნიშნავთ შენი დაბადებიდან 35-ე გაზაფხულს ზეცაში მოგაწვდით ხმას, დათო!

გპირდებით, არასოდეს შეგარცხენთ!“

დათოს საფლავზე აღმართულ ძეგლს ასეთი წარწერა ამშვენებს:

„სიკეთით და სიყვარულით სავსე გულით, რაინდულად იცხოვრე, პრინა-
 თელი წახვედი. სავანედ გექცეს მშობლიური მიწა, რომელსაც შეეწირე!
 იყავ ნათელში, ჩვენო საამაყო ძმაო!
 სიკვდილის შემდეგ ვიცეპოლკოენიკი დავით მუსყერიძე ვახუშტი გორგას-
 ლის პირველი ხარისხის ორდენით დაჯილდოვდა.



**შოთა
 მუჯირიშვილი**

შოთა ალექსანდრეს ძე მუჯირიშვილი დაიბადა თბილისში 1976 წლის 11 მაისს.

დაამთავრა თბილისის 92-ე საშუალო სკოლა.

1992 წლის სექტემბრიდან მოხალისედ წავიდა აფხაზეთში „თეთრი არწი-
 ვის“ გიორგი ყარყარაშვილის ბატალიონში. 16 წლისამ ეროვნული გვარდიის
 ოფიცრის წოდება მიიღო.

1993 წლის 13 თებერვალს მტერთან შეტაკების დროს, ლაბრასთან ახლოს,
 სოფელ კინდლში გმირულად დაეცა.

მარად ნათელში ყოფილიყოს შოთა მუჯირიშვილის რაინდული სული...



**ოლეგ
მცხერაშვილი**

ოლეგ მწვერაშვილი დაიბადა 1960 წლის 9 იანვარს. ადიგენის რაიონის, სოფელ პატარა სმადაში. 1974 წელს ოჯახი საცხოვრებლად გადადის ლაგოდეხში და ოლეგიც სწავლას აგრძელებს ლაგოდეხის სასოფლო-სამეურნეო ტექნიკუმში. 1978-79 წწ. მუშაობს ლაგოდეხის ღვინის ქარხანაში, ხილისა და წვენი გადამამუშავების პირველი თანრიგის ოსტ. ტად. შემდეგ სამხედრო სამსახურშია. დემობილიზაციის შემდეგ მუშაობას იწყებს თბილისის დიმიტროვის სახელობის საავიაციო ქარხანაში. 1987 წლიდან აქტიურად ებმება ეროვნულ-განმათავისუფლებელ მოძრაობაში. იყო წმინდა ილია მართლის საზოგადოებისა და მერაბ კოსტავას საზოგადოების აქტიური წევრი. უზომოდ ჰყვარდა საქართველო. მისი ჭირ-ვარამის მონაწილე იყო. თავის მოვალეობად თვლიდა ყოფილიყო იქ, სადაც საქართველოს უჭირდა. აქტიურად მონაწილეობდა ჯავახეთის ტერიტორიაზე იმერეთიდან მოსახლეობის გადასვლა-დაბინავებაში, რათა ეს დიდი ხნის წინათ ჩვენთვის დაკარგული, გაყიდული ჯავახეთის მიწა-ბაგრატიონთა საუნჯე, საქართველოს დაბრუნებოდა.


ოლეგი პირველი დღიდანვე იბრძოდა სამაჩაბლოში, ოს ბოევიკთა წინააღმდეგ.

1991 წლის 27 აპრილს იგი ტრაგიკულად დაიღუპა. მისი გვამი ლიახვში იპოვეს.

დარჩა მეუღლე და მცირეწლოვანი ვაჟი.

დრო ვერ გააქრობს

(ეძღვნება ოლეგ მწვერაშვილის ხსოვნას)



დრო ვერ გააქრობს არყოფნის ტკივილს,
მზემ გავეინათოს გულები თუნდაც,
შენ, რომ ღიახეზე მოგკლა ავკაცმა,
იმ კაცს მამულის სიკვდილი სურდა.

დრო ვერ გააქრობს და ის ვერ წაშლის
ავკაცის სისხლით შეღებილ ხელებს,
ცოდვა ცოდვაა, მაგრამ კაი ყმის
სიკვდილი შეკვლელსაც არ მოასვენებს.

დრომ მუხთალმა და დაუნდობელმა
ტანჯვის ცრემლებით აგვივსო მხერა,
მართალ ვაუკაცზე უფრო ღამაში
დაბადებული არაეინ ჯერაც.

ივო ბიაშვილი

1991 წლის 1 მაისი



**ბადრი
მჭედლიძე**

დაიბადა 1965 წელს, საგარეჯოს რაიონის სოფელ კაკაბეთში. იყო მრავალჯგის ჩემპიონი ქართულ ჭიდაობასა და სამბოში. კეთილ, მართალ, ალალ სულის პატრონს უსაზღვროდ უყვარდა სამშობლო. ამ შემართებით შევიდა ივო შინაგან საქმეთა ორგანოში და პირნათლად ასრულებდა თავის საქმეს. იგი ერთ-ერთი პირველი წავიდა საქართველოს მთლიანობისათვის საბრძოლველად.

ქ. თამარაშვილი გადამთავრდა მოძალადის თუ აფხაზი ექსტრემისტის ტყვეობა
მოკლა 1992 წლის 26 სექტემბერს. წავიდა ისე, რომ 27 წლის ვაჟი კვიციანი
მოასწრო ბევრი კარგი საქმის გაკეთება, დარჩა აუხუნელი ნატურა და ცხინქვიციანი
და გულმოკლულ მშობლებს ოჯახიც ვერ დაუტოვა ნუგეშად.

ბადრი მჭედლიშვილი სიკვდილის შემდეგ დაჯილდოვდა მედლით „მხედრუ-
ლი მამაცობისათვის“.



**თეიმურაზ
მჭედლიშვილი**

თემო (თეიმურაზ) ოთარის ძე მჭედლიშვილი დაიბადა ქ. ხაშურში 1960 წელს, მოსამსახურის ოჯახში. 1967 წელს შევიდა ხაშურის პირველ საშუალო სკოლაში, რომელიც დაამთავრა 1977 წელს. იმავე წელს ჩაირიცხა ელიავას სახელობის თბილისის სარკინიგზო ტექნიკუმში. პარალელურად მუშაობდა თბილისის სალოკომოტივო დეპოში ელმავლის მექანიკანის თანამშემწედ, შემდეგ მექანიკანედ. იგი იყო ყველაზე ახალგაზრდა მექანიკანე ამიერკავკასიის მასშტაბით. აქედან გაიწვიეს სამხედრო სამსახურში, სადაც ორი წელი კეთილსინდისიერად იმსახურა. შემდეგ დაამთავრა როსტოვის სარკინიგზო-სატრანსპორტო ინსტიტუტი და სამუშაოდ დაუბრუნდა მშობლიურ კოლექტივს. იყო დეპოს სამქროს უფროსი. აქვე აიღო თბომავლის მექანიკანის მოწმობაც.

თეიმურაზ მჭედლიშვილი 1992 წლის თებერვლიდან ირიცხება საქართველოს „მხედრიონის“ ხაშურის რეგიონის მებრძოლთა რიგებში. ქართველ მაშველთა კორპუსის სხვა წევრებთან ერთად იბრძოდა სამშობლოს დასაცავად სხვადასხვა ადგილებში. ბოლოს იმყოფებოდა აფხაზეთში, რათა გადამთავლეთათვის არ მიეცა საშუალება ქართულ მიწაზე დაეღვარათ მოძმეთა სისხლი.

გაგრძელებს 24 სექტემბერს მზაკერის ხელით გასროლილმა ჭურვმა მოცელა მისი სხეული. ტანკში დაღია სული.

შავებით შეიმოსა დედა, მეუღლე. დაობლდა მისი ერთადერთი შვილი ნიკო-
კო, რომელიც ჯერ ხუთი წლისაა.

ნათელში ამყოფოს ღმერთმა თეატურაზ მჭედლიშვილის წმინდა სული, ალალი
იყოს მისთვის ცრემლი, მსუბუქი - ქართული მიწა, რომლის სიყვარულსა და
დაცვას უძღვნა ყველაზე ძვირფასი და სანუკვარი - ახალგაზრდული სიცოცხ-
ლე. იგი ხომ სულ 32 წლისაა იყო...



**გიორგი
მჭედლიძე**

გიორგი გურამის ძე მჭედლიძე, დაბადებული 1961 წლის 14 სექტემბერს
გორის რაიონის სოფელ ზემო ნიქოზში, განათლება საშუალო. უცოლო.

1978 წ. დაამთავრა ნიქოზის საშუალო სკოლა.

1980-82 წლებში სავალდებულო სამხედრო სამსახური გაიარა გერმანიის
დემოკრატიულ რესპუბლიკაში, საიდანაც დაბრუნდა უფროსი სერჟანტის წო-
ლებით.

1985-86 წლებში მუშაობდა გორის მილაციაში.

1989 წლიდან აქტიურად მონაწილეობდა სამანაბლოს ტერიტორიაზე საქარ-
თველოს ტერიტორიული მთლიანობის დაცვისათვის ბრძოლაში.

1989-91 წლებში მუშაობდა ნიქოზაში არსებულ სამხედრო შტაბის უფ-
როსად. იყო სრულიად საქართველოს მერაბ კოსტავას საზოგადოების წევრი.

1992 წლის ზაფხულში ქართულ მიწას იცავდა აფხაზეთში, მაგრამ სამანა-
ბლოში მდგომარეობის გამძაფრების გამო იქიდან გამოიწვიეს.

1992 წლის 25 დეკემბერს კვლავ წავიდა აფხაზეთში, ხოლო 1993 წლის
10 იანვარს გვირუღად დაიღუპა ოჩამჩირის რაიონის სოფელ ლაბრაში.

დასაფლავებულია ნიქოზის ღვთაების ეკლესიის ეზოში.



**ლარი
გოგელიძე**

დაიბადა 1967 წლის 6 სექტემბერს ქარელის რაიონის სოფელ კოდაში.
დაიღუპა სამაჩაბლოში.

ნათელში ამყოფოს ღმერთმა მისი ხული!



**ვახტანგ
ნადირაშვილი**

ვახტანგ (ვატო) ივანეს ძე ნადირაშვილი დაიბადა 1959 წლის 1 იანვარს
ლუშეთის რაიონის სოფელ ძვილსებში. ოჯახური მდგომარეობის გამო გადა-
სახლდნენ მცხეთის რაიონის სოფელ ნაეზარში. ვახტანგმა იქ დაამთავრა არა-
სრული საშუალო სკოლა.

1978 წელს გაიწვიეს სამხედრო სამსახურში. სამსახურის მოხდის შემდეგ
1981 წელს მუშაობა დაიწყო წყალსადენის სისტემაში მუშად. შემდეგ დაიწყო
შევიდა ორი ვაჟიშვილი.

1992 წლის ოქტომბერში კომისარიატიდან გაიწვიეს სამხედრო სამსახურში
ში, ჩარიცხული იქნა 114-ე ბატალიონ „ავაზში“. 1993 წლის იანვარში წა-
ვიდა აფხაზეთში საქართველოს ტერიტორიული მთლიანობის დასაცავად. 1
მარტს სოფელ ლაბრასთან დაეცა ბრძოლის ველზე.

არწივი

არწივი ვნახე დაჯრილი,
ყვავ-ყორნებს ეომებოდა,
ეწადა ბენავს აღვომა,
მაგრამ ვეღარა დგებოდა,
ცალ მხარს მიწაზე მიითრევს,
გულისპირს სისხლც სცებოდა.
ვაჰ, დედას თქვენსა, ყოვებო,
ცულ დროს ჩამივდეთ ზეღადა,
თორი ვნახავდი თქვენს ბუმბულს
გაშლილს, გაღანტულს ვეღადა!

პაპა



**კახა
ნანოშვილი**

კახა ნანოშვილი 1970 წლის 29 სექტემბერს დაიბადა ყვარლის რაიონის სოფელ გავაზში, უცოლო იყო, განათლება – საშუალო, ლეიტენანტი – ოცეულის მეთაური.

თავისებური ხასიათისა იყო ჩვენი კახა, უსაზღვროდ კეთილი, მეგობრების მოსიყვარულე, ერთგული, საქმეში უღალატო.

ყვარლის რაიონის სოფელ გავაზის საშუალო სკოლის დამთავრების შემდეგ სამხედრო სავალდებულო სამსახური პირნათლად მოიხადა, შემდეგ მშობლიურ სოფელში ტრაქტორისტად მუშაობდა. უყვარდა თავისი სამშობლო და, როცა საქართველოს დაცვა დასჭირდა, ის მოხალისედ შევიდა 1992 წლის 28 აგვისტოს ბატალიონ „ავაზაში“. გმირულად აბრძოდა აფხაზეთში.

1993 წლის 2 ივლისს, დესანტის გადმოსხმის დღეს, მტერს ტანკით შეება, პერამ მოწინააღმდეგემ მისი ტანკი ააფეთქა და შეწყდა 23 წლის ჭაბუკის გულისცემა. დარჩა აცრემლებული დედა და სამი და.

დასაფლავებულია მშობლიური სოფლის ყველაწმინდის სასაფლაოზე.

კახა ვიქტორის ძე ნანოშვილი სიკედილის შემდეგ დაჯილდოებულია მედლით „მხედრული შამაგობისათვის“.

ნარპიზა ლომთაძე



მალსაზ ნემსინვერიძე

დაიბადა ამბროლაურის რაიონის სოფ. ჭყვიშში 1962 წ. 14 ოქტომბერს. დაამთავრა ჭრებალოს საშუალო სკოლა 1980 წელს და იმავე წელს ჩაირიცხა ქუთაისის კოოპერატიულ ტექნიკუმში, საიდანაც გაიწვიეს სავალდებულო სამხედრო სამსახურში.

არის ცოლ-შვილიანი.

1992 წ. 20 ოქტომბერს მოხალისედ წავიდა აფხაზეთში. ჩაირიცხა 101-ე დივიზიაში. დაიღუპა 3 ნოემბერს სოფ. შრომაში. ჰყავს 7 წლის ვაჟი – გიორგი. მშობლები და 2 ძმა. საოცრად უყვარდა სამშობლო. იყო უღალატო, ერთგული.

მე, მისი მეუღლე – ნანა შალვას ასული ზურაბიშვილი – როდესაც ვთხოვედი შენთან ერთად წამოვალმეთქი, მიპასუხებდა ხოლმე – ქალის ვალი შვილის აღზრდაა, მამაკაცისა კი ბრძოლააო... როდესაც ეუბნებოდნენ შენ ცოლ-შვილს რას უშვები, სად მიდიხარო, საოცრად აღელვებული პასუხობდა: მე რომ არ წავიდე, ის რომ არ წავიდეს, ვილა წავაო.. ხვალ სხვა ტერიტორიასაც შეგვეღუპებიან და რაღა დარჩება საქართველო?! ჩაიფერფლა საქართველოსთვის ანთებული გული და დატოვა საშინელი სევდა და სიცარიელე. დაუჯერებელია მისი ერთადერთი ვაჟისთვის ის, რომ მამა აღარ ჰყავს და ბავშვური მიაშიტიობით კითხულობს: ქრისტე ხომ მოიყვანს მამიკოსო და რატომ ტირიანო?..

პასუხი კი.... პასუხი ერთია, რომ ის მამას ვედარასოდეს იხილავს...

ნანა ზურაბიშვილი



**ალექსანდრე
ნაფარიძე**

დედისერთა ბიჭო, აღიკა, როვორი უბედური გამოდგა 1992 წ. 10 ივლისს ნეფარიძეების პატარა საგვარეულოსათვის. სამანახლოს უბედურება გულთან მიიტანე და შენც, უღალატო და ყველას მოყვარული, გმირულად იცავდი „ავა-ზას“ მებრძოლებთან ერთად უიარაღო სოფლელებს. უბედურმა გადამთიელმა და არაკაცმა გავიძეა სასიკვდილოდ. ჩვენ კი, შენი მშობლები. და დისშვილები, შამილები, ბიძები, ბიძაშვილები, მეზობლები და შენი მებრძოლი მეგობრები პირველად აღვნიშნავთ უშენოდ შენი დაბადების დღეს — 9 თებერვალს.

მსუბუქი ყოფილიყოს შენთვის თბილისის ზღვის საძმო სასაფლაოს მიწა.


**შენგან გულმკვდარი მშობლები
გოგია და ტანია**

* * *

ქართველო, ხელი ხმალს იკარ,
გათენდა დღე დიდებისა,
თოფ-იარაღი აისხი,
დრო მოდის გამარჯვებისა.

მამულის დახსნის დღე არის,
ქვეყანა გენუკავს შველასა,
თავისუფლების შოვნაი
სჯობს საშოვნელსა ყველასა.

ილია



თამაზ ნინოშვილი

სულ 17 წელიწადი იცხოვრა ყველასათვის საყვარელმა და დაუვიწყარმა ჭაბუკმა. ნაადრევად ჩაქრა მის მეოცნებე თვალებში მზის შუქი და მოულოდნელად დაბნელდა სხივმოსილი ზეცა დედისათვის, რომელსაც მხოლოდ ეს ერთი თამაზი გააჩნდა ამ ქვეყნად. მოხალისედ წავიდა საშინელ ომში, ბატალიონ „ავაზაში“ იბრძოდა და პირზე ღიმილით შეხვდა სიკვდილს. როგორ მოგერიათ ტყვია?! — მოგტირის ცრემლგამშრალი დედა. თურმე 2 ივლისს ტამიშის ენით აუწერელი ტრაგედიის დროს უკან მობრუნებულხარ ექთნის გადასარჩენად და სხვისთვის სიცოცხლე გინუქებია საკუთარი თავის მსხვერპლად შეწირვით. შენა თავისუფალი, ავაზასებური ნახტომი მუხანათურად ნასროლ ყუმბარას შეუჩერებია ჰაერში და ძარღვებში ამაყად მჩქეფარე სისხლიც მას გაუყინავს. ალბათ, ამოკნესებაც ვერ მოასწარი, გამოუცდელი, მაგრამ ბრძოლის ცეცხლში გამოწვრილობილო მეომარო! იბრძოდი ვმირულად, მტერსაც აგემე შენი ძლიერი მარჯვენის ძალა და ისე გამოემშვიდობე შენს საყვარელ სამშობლოს.

ტამიშის მიწას 12 დღის მიზარებული, ნაწამები შენი ცხედარი თანამებრძოლებმა თბილისში ჩამოასვენეს. გამწარებული დედაშენი ამბობს: ჩემი თამაზას დაკრძალვის მეორე დღიდან ერთი ღამეში მტრედი არ მშორდება, თითქოს ნაღვლიანი თვალებით მიცქერის და თავისთვის ღულუნებს. მე კი მგონია, რომ ჩემი შვილის სული მტრედში გადავიდა და იმატომ არ მტოვებს, მე ხომ თამაზის მეტა არავინ შებადა ამ ქვეყნადო.

ალალი იყოს შენი სპეტაკი სისხლი იბერთა მიწისათვის.

ნარკიზა ლომთაძე



**გურამ
ნიჟარაძე**

დაიბადა სოფ. უშგულში (მესტიის რაიონი) 1961 წლის 15 ოქტომბერს. დედა გურამს არ ახსოვდა, ვინაიდან მისი დაბადებიდან ერთი საათის შემდეგ გარდაიცვალა. 4 წლისა იყო გურამი, როცა მამა გარდაიცვალა. მისი აღზრდა იკისრეს ბებიამ და ბაბუამ – ნატა და კონსტანტინე ჩარქსელიანებმა.

გურამ ნიჟარაძემ 1978 წელს დაამთავრა თბილისის მე-60 საშუალო სკოლა. მიღებული ჰქონდა საშუალო ტექნიკური განათლება, 1982-84 წლებში მოიხადა საჯაროებულო სამხედრო სამსახური. 1988 წლიდან ჩაება ეროვნულ მოძრაობაში.

1992 წელს ჩამოყალიბდა დიდგორის ბატალიონი. გურამ ნიჟარაძე ამ ბატალიონში ჩაუწერა მოხალისედ. იგი ყოველთვის სამშობლოს ინტერესებს იცავდა.

1992 წლის 27 მაისს გურამ ნიჟარაძემ თავი შესწირა სამშობლოს მიწა-წყლის მთლიანობას. იგი სამაჩაბლოში, კერძოდ, სოფლების საცხენეთისა და ვანათის დაცვის დროს, ვერაგულად მოკლეს ოსმა ექსტრემისტებმა. დაკრძალულია თბილისის მახლობლად სოფელ დილოშში.

გურამ ნიჟარაძის ხსოვნა სამუდამოდ დარჩება მისი მეუღლისა და შვილის – 3 წლის ნინოს გულში.



**დათო
ნიშნიანიძე**

დაიბადა 1969 წლის 15 დეკემბერს ქ. თბილისში. დაამთავრა 159-ე საშუალო სკოლა.

დათომ თანაკლასელების დიდი სიყვარული დაიმსახურა, ჰქონდა ორგანიზატორული ნიჭი. იყო თავმდაბალი და სამართლიანი. ორჯერ სცადა უმაღლესი განათლების მიღება, მაგრამ ბედმა არ გაუღიმა. შემდეგ დიდი უბედურება გადაიტანა — გარდაეცვალა 43 წლის მამა, რომელიც უსაზღვროდ უყვარდა. მამის გარდაცვალებიდან 40 დღის შემდეგ დათო გაიწვიეს სავალდებულო სამხედრო სამსახურში. მას ორი წელი სამშობლოს მიწა და ახლობლები არ ენახა, მხოლოდ წერილით იხუგეშებდა თავს. პირნათლად და კეთილსინდისიერად იმსახურა მონღოლეთში. ჯარიდან ჩამოსვლის შემდეგ მუშაობა განაგრძო გაზის აპარატურის ქარხანაში. ერთი წლის მუშაობის შემდეგ თავისივე სურვილით და სამშობლოს სიყვარულის გამო შევიდა საქართველოს რესპუბლიკის შინაგან ჯარში. სამსახურებრივი მოვალეობის შესრულების გამო მრავალი მადლობაც დაიმსახურა. შემდეგ გაიგზავნა ცხინვალში, სადაც დაიჭრა მკლავში. ჭრილობამოუშუშებელი ნებაყოფლობით წავიდა აფხაზეთში თავისი მიწა-წყლის დასაცავად. 6 დღის შემდეგ ოჩამჩირას ტერიტორიაზე სოფელ ცხენისწყალთან ერთ-ერთი შეტაკების დროს დაასრულა დათომ ხანმოკლე სიცოცხლე. იგი 23 წლისა უნდა გამხდარიყო 15 დეკემბერს. თურმე, დაბადების დღე და ქორწილი ერთად უნდა გადაეხადა. ასე ჰქონია დედისთვის ნათქვამი. საბრალოს არ დასცალდა ერთა შვილი მაინც დაეტოვებინა სამშობლოსათვის ან დედის სანუგეშებლად, რომ მის სახელზე გაზრდილიყო! გმირულად წავიდა იგი ჩვენგან და მოუშუშებელი იარა დაგვიტოვა. *ო.ო.ო.* სიყვარულის

ცეცხლი მარად იგიზგიზებს ჩვენს გულებში. მისი სახელი უკვლავი იქნება. და
თოს ხსოვნა არასოდეს წაიშლება.

სამუდამო სასუფეველი დაუმკვიდრდეს და ნათელი დადგეს მის სულის
დათო ნიშნინიძის ახსენებას



**მიხეილ
ნოზაძე**

მტრის ტყვიამ უკვე ბევრი კარგი ვაჟკაცი გამოგვაცალა ხელიდან აფხა-
ზეთში, შავი ძაძები ჩვენს რაიონშიც მომრავლდა.

წინა კვირას მორიგი მსხვერპლი მიიღო მიწამ მოზისში, ერთი კარგი ბიჭის
მიხეილ (მიშიკო) სერგოს ძე ნოზაძის მზე ჩაესვენა.

მიხმარება, სხვისი ტკივილის გაზიარება და გაიგივება იყო მისი ცხოვრე-
ბის მიზანი. ჯერ სად იყო ავადსახსენებელი ომი, გადამთიელთა შემოტევა,
მიშიკომ უყოყმანოდ რომ დაიკაბიწა ხელები მიწისძვრით დაზარალებულ რაჭ-
ველთა დასახმარებლად. რამდენიმე თვე შრომობდა იქ. თავი შეაყვარა თანამო-
საქმეებს.

მეომართა რიგებშიც უყოყმანოდ ჩაღვა, მსურველი ბევრი იყო, მაგრამ მო-
ხისიდან სულ სამი კაცი შეარჩიეს, მათ შორის მიშიკოც. სამიდან ორი უვნებ-
ლად დაბრუნდა. ახლა სწორედ ის ორი ჰყვება მიშიკოს გმირობებზე:

— შეუპოვარი და უშიშარი იყო. ყოველ დავალებაზე ხალისითა და შე-
მართებით მიდიოდა, მტერს შიშის ზარს სცემდა ამ სიტყვის სრული მნიშვნე-
ლობით, რადგან მისი თავი ფულად იყო შეფასებული.

მდგომარეობა რომ ცოტა გამოსწორდა, სახლში გამოგვიშვეს. მიშიკო არ
წამოგვეყვია, ამხანაგებს, თანამებრძოლებს ვერ მივატოვებ, ბოლომდე უნდა ვიბრ-
ძოლოო. ერთ-ერთი შეტევის დროს დაიღუპა გავრასთან.

ველარ დაბრუნდა მიხეილ ნოზაძე თავის მშობლიურ სოფელში, მაკალდა
 ოჯახს, მეგობრებს, მაგრამ დარჩა სახელი სამშობლოზე უსაზღვროდ შეყვარე-
 ბული კაცისა, რომელმაც თავისი მიწისთვის არ დაიშურა ადამიანისათვის ყველა
 ლაზე ძვირფასი რამ – სიცოცხლე, ასეთები კი არ კვდებიან, ასეთები უკვდავ
 ცოცხლობენ!

მეგობრები

ანდრეი ნოზდრინი



ანდრეი ვასილის ძე ნოზდრინი, დაბადებული 1969 წლის 13 მაისს ქ. რუს-
 თავეში, ეროვნებით რუსი, განათლება ტექნიკური, უცოლო.

სკოლის დამთავრების შემდეგ სწავლა გააგრძელა რუსთავის № 61-ე პროფ-
 ტექნიკურ სასწავლებელში, ელექტროშემღებლების სპეციალობას დაეუფლა,
 შემდეგ გაიწვიეს სავალდებულო სამხედრო სამსახურში. გაგზავნეს ექვსთვიან
 სამხედრო სასწავლებელში, სადაც მიიღო უმცროსი სერჟანტის წოდება. სამ-
 ძვრასთან დაკავშირებით მომხდარი ტრაგედიის შედეგად დაზარალებული ხალ-
 ხის დასახმარებლად. ანდრეიმ კეთილსინდისიერად შეასრულა მასზე დაკისრე-
 ბული მოვალეობა, რისთვისაც სპიტაკში მძღობა გამოუცხადა სამხედრო ხელ-
 მძღვანელობამ. ამის შემდეგ აქტიურად მუშაობდა საჩხერეში, დაზარალებული
 რაიონის აღდგენისათვის. 1992 წ. ქ. გორში გაიმძახეს გადამზადებაზე, შემდეგ
 გაგზავნილი იქნა ოჩამჩირეში, სადაც სოფელ ლაბრასთან მონაწილეობდა საო-
 მარ მოქმედებაში საქართველოს ტერიტორიის დასაცავად.

1993 წლის 25 თებერვალს სნაიპერის ტყვიამ იმსხვერპლა აფხაზეთში ერთ-
 ერთი სამხედრო ოპერაციის დროს.

ქალბატონ იზოლდას — ანდრეის დედას ეამაყება, რომ მისი შვილი, ეროვნებით რუსი, გმირულად დაიღუპა ბრძოლის ველზე საქართველოს გულისათვის, რადგან მისი სამშობლო საქართველო იყო.

ეროვნული
ზიგლიმთქვა

დასაფლავებულია ქ. რუსთავეში, ახალ სასაფლაოზე.

ანდრეი ნოზდრინი სიკვდილის შემდეგ დაჯილდოვდა მედლით „მხედრული მამაცობისათვის“.



**ალბერტ (ჯუმბურ)
ონიაშვილი**

კეთილი, სათნო, თბილი, დაუზარელი, უზომოდ შეყვარებული თავის ცოლ-შვილზე, ახლობლებზე, სამშობლოზე, — ასე ახასიათებენ ნაცნობ-მეგობრები ჯუმბერს.

მან სკოლის დამთავრების შემდეგ სავალდებულო სამხედრო სამსახური მოიხადა, შემდეგ სწავლა გააგრძელა გეოფიზიკის ინსტიტუტში. თავისი კაცურ-კაცობით აქაც გამოირჩეოდა ტოლ-მეგობრებში. ინსტიტუტის დამთავრების შემდეგ მუშაობა დაიწყო ერთ-ერთა ჭაბურღილის ხელმძღვანელად, შემდეგ გადავიდა დიდუბის რაიონში საბინაო სამმართველოში და იქ მუშაობდა გვარდიაში შესვლამდე.

1992 წლის 7 დეკემბერს მოხალისედ შევიდა ბატალიონ „ავაზაში“ და დაღუპა იქ, სადაც ჭეშმარიტი მამულიძეილი უნდა მდგარიყო, შეიდი თვის მანძილზე ვაჟკაცურად ებრძოდა მომხდურ მტერს, მაგრამ იმ აჟაღსახუნებელ 2 ივლისს დესანტის გადმოსხმის დღეს მტერთან უთანასწორო ბრძოლაში ვაჟკაცურად დაეცა სოფ. ტამიშში.

ალბერტი დაკრძალულია ზღვაზე, ძმათა სასაფლაოზე.



ირაკლი ნონიაშვილი

ირაკლი ნონიაშვილი დაიბადა თელავის რაიონის სოფელ სანიორეში 1961 წ. 19 სექტემბერს. დედა – მარტა ნონიაშვილი, პედაგოგი, მამა – სოლომონ ნონიაშვილი, მძღოლი.

დაამთავრა სოფელ სანიორის საშუალო სკოლის 8 კლასი, შემდეგ სწავლა განაგრძო ყვარლის რაიონის სოფელ ენისელის პროფტექნიკურ სასწავლებელში, სადაც გაიარა საშუალო სკოლის სრული კურსი, და ატესტატთან ერთად მიიღო ელექტრომონტიორის სპეციალობა და მძღოლის წიგნაკი – 1978 წელს.

1979–1981 წლებში მოიხადა სავალდებულო სამხედრო სამსახური – ახალქალაქში, სადაც წარჩინებულობისათვის დააჯილდოვეს ლიმიტით, და სამხედროდან დაბრუნების შემდეგ, 1982 წელს სწავლა დაიწყო თბილისის პუშკინის სახელობის სახელმწიფო პედაგოგიურ ინსტიტუტში მოსამზადებელ განყოფილებაზე – დაწყებითი სამხედრო მომზადებისა და ფიზიკური აღზრდის ორპროფილიან სპეციალობაზე, სადაც ჩააბარა მისაღები გამოცდები და სწავლა გააგრძელა თელავის იაკობ გოგებაშვილის სახელობის სახელმწიფო პედაგოგიურ ინსტიტუტში იმავე სპეციალობაზე, რომელიც დაამთავრა 1987 წელს. ერთა წლის განმავლობაში იმყოფებოდა პრაქტიკაზე – დასავლეთ საქართველოში, 1989 წლიდან მუშაობდა თელავის რაიონის სოფელ ნაფარეულში ღვინის ქარხანაში – მძღოლად.

1992 წელს შეიტანა განცხადება თელავის სამხედრო ნაწილში – გვარდიამი მოხალისედ მიღებაზე, საიდანაც პასუხი მიიღო 1992 წლის ივნისში და დაინიშნა საფინანსო სამსახურის უფროსად.

ამავე წლის აგვისტოში გვარდიის შენაერთებთან ერთად იბრძოდა აფხაზეთში, გავრის მახლობლად, ლესელიძეში და სხვა ადგილებში, ყველგან გმი-

რობის მაგალითს უჩვენებდა ოცმეთაური თავის ამხანაგებს. იგი მეტად თავგანწირულად იბრძოდა სოფელ განთიადში და გმირულად დაეცა მტრის მკაცრად დატყვევებული და ტანკსაწინააღმდეგო კუმბარით დაფლეთხლებული თაური ირაკლი ნონიაშვილი დაიღუპა 1992 წლის 30 აგვისტოს, კვირას. გადმოასვენეს თავის მშობლიურ სოფელში – სანიორეში. 30 წლის ვაჟაკის, საშინლად დასახინრებული გმირის წმინდა სხეულს მიაცილებდა ათასობით ადამიანი, გვარდიელი მეგობრების მიერ გასროლილი ავტომატების ზაღები და თეთმფრინავების გუგუნი.

ირაკლი თავის უკანასკნელ სამყოფელში წავიდა უცოლშვილო, ჩვენ კი ამქვეყნად მხოლოდ გმირის შარავანდედით შემოსილი და უმწიკვლოდ გავლილი გზის წმინდა სახელი დაგვიტოვა.



**ნიკოლოზ
ოდიაშვილი**

ნიკოლოზ (ნიკო) ბაგრატიის ძე ოდიაშვილი დაიბადა გორის რაიონის სოფელ ტყვიავში 1953 წლის 30 მარტს.

ჰყავს მამა – ბაგრატი ბასილის ძე ოდიაშვილი, დაბადებული 1910 წ. სოფ. ტყვიავში, საშუალო განათლებით, მჭედელი.

დედა – თებრონე ნიკოლოზის ასული არჩვაძე, დაბადებული 1919 წელს. საშუალო განათლებით.

ნიკოლოზ ოდიაშვილი 1960 წელს შევიდა ტყვიავის საშუალო სკოლაში, რომელიც დაამთავრა 1970 წელს. 1972–74 წლებში მოიხადა სავალდებულო სამხედრო სამსახური.

ნ. ოდიაშვილი 1975 წელს სწავლის გასაგრძელებლად შევიდა წინამძღვრიან-თკარის სასოფლო-სამეურნეო ტექნიკუმში, რომელიც 1977 წელს დაამთავრა წარჩინების დიპლომით. ამ წლიდან მუშაობას იწყებს ტყვიავის კოლმეურნეო-

ბ.ში ზეინკლად და მუშაობს 1992 წლამდე, სიცოცხლის ბოლომდე. პარაოლიფი-
რად 1991 წლიდან ნიკო იყო იტალია-საქართველოს ერთობლივი ასოციაციის
გორის ფილიალის დირექტორის მოადგილე. გაერთიანებული იყო თავდაცვის
შტაბში დალუპვის იმ საბედისწერო დღემდე - 1992 წლის 12 მაისამდე.

ჰყავს მეუღლე და ოთხი შვილი.

სამშობლო ყოველთვის მადლიერების გრძნობით გაიხსენებს მის ღირსე-
ულ შვილს, ჩინებულ მოქალაქეს, ოთხი შვილის მამას - ნიკოლოზ ოდი-
აშვილს!

* * *

ჩემ შვილს რად უნდა სამოსელი?
ჩოხა გახადეთ, გადააგდეთ,
მიწის სამოსელი შეუკერეთ,
სარჩულად მოთქმა დაუღვეით,
ცრემლები ღილად დაუკერეთ,
სამარეს პირი გაუკერეთ
დედის ცრემლების ძაფებითა,
ხავერდოვანი ბალახითა,
სამარევ, პირი დაიბანე
მწუხარე დედის ცრემლებითა,
მიწაო, შვილი შამინახე,
შენ შემოგჩივი ვედრებითა.

(ხალხური)



**ნათუნა
 ოდიკაძე**

22 წლის, ზესტაფონის რაიონის სოფ. კვალითში გაზრდილმა ლამაზმა, სა-
 ანო, კეთილმა ქალიშვილმა ყველაფერი მოასწრო — ლამაზი სიცოცხლე, კარგა
 მუშაობა, ბედნიერი დეობა — გიორგი და ბექა ვაჟას ძე წერედიანების განენა,
 სოხუმის უნივერსიტეტის ფილოლოგიის ფაკულტეტის სტუდენტობა, ფრონტის
 ბაზზე გმირული სიკვდილი.

ნათუნა მურადის ასული ოდიკაძე სიკვდილის შემდეგ დაჯილდოვდა მედიით
 „მხედრული მამაცობისათვის“, ის დაიღუპა 2 ავლის სოფ. ტამიშში დესანტის
 გადმოსხმის დროს.

მართალია, ძალიან გაუჭირდებოთ პატარა გიორგის და ბექას უდელობა, მათ
 ხომ იმ სითბოს ვერაფერ ვერ მისცემს, რასაც ნათუნა აგრძნობინებდა და განა-
 ცდევინებდა, მაგრამ როცა ისინი ვაჟაკები გაზდებიან, ყოველთვის იამაყებენ
 ამით, რომ მათი საყვარელი დედიკოს სიცოცხლე მათ ბედნიერ მომავალს შეეწი-
 რა. თუ არა შეიძლებისა და სამშობლოს დიდი სიყვარული, მაშ რამ აიძულა ნა-
 თუნა, ხელში იარაღი აეღო და მტერს გასწორებოდა?



იური ოთინაშვილი

ლეიტენანტი იური გიორგის ძე ოთინაშვილი დაიბადა 1969 წლის 17 დეკემბერს, ცხინვალის რაიონში.

1991 წლის 27 აგვისტოდან მსახურობდა საქართველოს რესპუბლიკის შსს. სპეცდანიშნულების ასეულში, ოცეულის შეთაურად.

1993 წლის 3 ივლისს აფხაზეთში სოფელ ზემო კინდლის მიდამოებში მონაწილეობდა ერთ-ერთი შეტაკების დროს გმირულად დაიღუპა.



**ემზარ
ონიანი**

დაიბადა 1963 წლის 22 ივლისს ლენტეხის რაიონის სოფელ ლუჯში, 1980 წელს დაამთავრა საშუალო სკოლა. შემდეგ სწავლა გააგრძელა რუსთავის მეტალურგიულ ტექნიკუმში. დედამისმა ჟოზეტინა ონიანმა გაზარდა 5 შვილი და მინიჭებული აქვს შრომის გმირობა. ემზარი მუშაობდა რუსეთში, მაგრამ როგორც კი გაიგო, რომ საქართველოში დაიწყო ეროვნული მოძრაობა, ჩადგა ქართველ მაშველთა კორპუსის ქუთაისის განყოფილების რიგებში. იყო რაზმის უფროსი. მონაწილეობას იღებდა ქ. გავრის დაცვაში, სადაც სოფელ კოლხი-დაში თავის თავზე მიღებული ცეცხლით 28 ქართველი მებრძოლის სიცოცხლე გადაარჩინა. ამ ვაჟკაცობისათვის შეარქვეს მხედრიონელებმა მეტსახელი „სვანი კარაბინა“. შემდეგ მონაწილეობდა ოჩამჩირის რაიონის ბრძოლებში. გმირულად დაიღუპა 1992 წლის 28 ნოემბერს სოფელ კონარის განთავისუფლების დროს.

29 წლის ვაჟკაცმა დაოჯახება ვერ მოასწრო და თავისი ლამაზი სიცოცხლის დანარჩენი წლები სამშობლოზე ფანატიკურად შეყვარებულმა მას აჩუქა კიდეც.



გივი ორაგველიძე

გივი ტიტეს ძე ორაგველიძე დაიბადა 1956 წლის 9 ივლისს ბორჯომის რაიონის სოფელ დიდ ცემში.

1973 წელს დაამთავრა ბორჯომის რაიონის დაბა წალვერის საშუალო სკოლა.

1973–1976 წლებში სხვადასხვა თანამდებობებზე მუშაობდა ახალციხის კავშირგაბმულობისა და სამშენებლო ორგანიზაციებში.

1977–1978 წლებში იყო ახალციხის საქალაქო საბჭოს დეპუტატი.


1977–1983 წლებში სწავლობდა საქართველოს პოლიტექნიკურ ინსტიტუტში, თავდაპირველად მოსამზადებელ განყოფილებაზე, ხოლო შემდეგ – პიდროტექნიკისა და სანტექნიკის ფაკულტეტზე.

1983–1992 წწ. მუშაობდა ქ. თბილისის ტრესტ „მალღიემშენის“ სამმართველოში საქმეთა მწარმოებლის თანამდებობაზე.

1982 წ. დაქორწინდა მარინე უშანგის ასულ თევზაძეზე და შეეძინა ორი ქალიშვილი: ანა – დღეს ცხრა წლისაა, მარიამი – ოთხისა.

1992 წლის 27 ოქტომბერს მოხალისედ წავიდა აფხაზეთში მშობლიური მიწის დასაცავად. იბრძოდა ქართველ მაშველთა კორპუსში – „მხედრიონში“. დაიღუპა 1992 წლის 10 ნოემბერს ოჩამჩირის რაიონის სოფელ ტამიშის ხიდის დაცვისას.

1988 წელს გარდაეცვალა მამა – ტიტე ორაგველიძე. ჰყავს დედა – მარიამ ლურსმანიშვილი-ორაგველიძე, და – ნანა ორაგველიძე.



ვლადიმერ ოსიშვილი

ვლადიმერ ოთარის ძე ოსიშვილი დაიბადა 1971 წლის 26 მაისს მცხეთის რაიონის სოფ. წილკანში. სკოლა დაამთავრა 1988 წელს. სამხედრო სამსახურში გაიწვიეს 1989 წელს. 1991 წლის 17 სექტემბრიდან დაიწყო სამსახური რესპუბლიკის შინაგან საქმეთა სამინისტროს შინაგანი ჯარების სპეციალური დანიშნულების ბატალიონში ზემდევის წოდებით.

ჰყავს მეუღლე: ეკა ირაკლის ასული მუკნიაშვილი. ელოდებოდა შვილს. მამა – ოთარ ვლადიმერის ძე ოსიშვილი.


ძმები – აჩიკო ოთარის ძე ოსიშვილი და ლევანი.

გამზრდელი ბებია – ნატალია დიმიტრის ასული ოსიშვილი.

რითი ვანუგეშოთ მისი გულმოკლული პაპა მისმა შვილებმა – ის ხომ დიდი სიყვარულით ზრდიდა ვლადიმერს და უმისოდ სიცოცხლე წარმოუღვენლად მიაჩნდა? დაეცა სოხუმთან.

ვლადიმერ ოსიშვილი დაკრძალულია მცხეთის რაიონის სოფ. წილკანში.

ნაირა ოსიშვილი-ლოლაკი



**ანდრო
ოძროპირიძე**

დაიბადა 1950 წლის 25 თებერვალს ცხინვალის რაიონის სოფელ დისევში. დაამთავრა საშუალო სკოლა და სწავლა განაგრძო თბილისის სასოფლო-სამეურნეო ინსტიტუტში, სწავლის პერიოდში მუშაობდა კოლმეურნეობაში რიგით კოლწევრად, ეკონომისტად, მთავარ ბუღალტრად, შემდეგ ყოფილი ცხინვალის რაიონის სოფლის მეურნეობის სამმართველოში რევიზორ-ბუღალტრად. ანდროს ჰყავს მოხუცი მშობლები, ორი ძმა და ერთი და. მის ერთ-ერთ ძმას ოსმა ბანდიტებმა მარჯვენა მკლავი მოაჭრეს.

ანდრო უადრესად კეთილი და სამართლიანი პიროვნება იყო, როგორ შეიძლება მისთვის მიგეპართა და დახმარება არ აღმოეჩინა. ბუნებრივი ნიჭითაც იყო დაჯილდოებული. მას ხომ სკოლაში პატარა პითაგორას ეძახდნენ.

დიდი და პატარა ღიახვების ხეობაში ყველა იცნობდა, როგორც სამართ-დაიღუპა 1992 წლის იანვარში სამხედრო დავალების შესრულების დროს. ღიან და პატიოსან პიროვნებას. 1991 წლის ადგილობრივი მმართველობის არჩევნებში სოფლების დისევის, ქსუისის, ჭარების და კულბათის თემის საკრებულოს გამგებლად აირჩიეს. თავისი ხალხის საკეთილდღეოდ, რაც კი შეეძლო, ყველაფერს აკეთებდა. მაგრამ როცა ქართველებს შემოუტყეს ოსმა ბარბაროსებმა, ანდრო მაშინვე თავისი მიწის დამცველთა რიგებში ჩადგა. ყველაფერს აკეთებდა, რომ მსხვერპლი არ ყოფილიყო არცერთ მხარეს. ანდროს ხომ სამშობლო თავდავიწყებით უყვარდა! ამიტომ არ აპატიეს ოსმა ბანდიტებმა და ნაადრევად გამოასალმეს სიცოცხლეს.

1991 წლის მაისში. სოფელი გარემოცული იყო ჯავშანტრანსპორტირებით. ანდროს არცერთი დღე არ მიუტოვებია თავისი ხალხი, თუმცა იცოდა, რომ იმ „შავ სიაში“, რომელიც კაციჭამიებს ჰქონდათ, თვითონაც ჰქონდათ. ღამის 3 საათზე შეეჭრნენ ანდროს სახლში. მძევლად წაიყვანეს მისი მეუღლე მადონა ჟამერაშვილი თავისი 3 მცირეწლოვანი შვილის წინ უღმერთოდ სცემეს და ისიც წაიყვანეს, მაგრამ ისე იყო ნაცემი, რომ შეიძლებოდა ცხინვალში ცოცხალი ვერ ჩაეყვანათ და ერედვის მინდვრებში გადააგდეს. ტვინის მძიმე შერყევა დაემართა და თვენახევარი თბილისის რკინიგზის საკადმყოფოში იწვა, ანდრო კი ჩაიყვანეს ცხინვალში. მიმდინარეობდა გამოძიება. ამ დროს რუსეთიდან ჩამოსული იყო საგამომძიებლო ჯგუფი, რომლებიც ჰუმანური გზით გამოდგნენ. ანდროს არაერთი ბრალდება წაუყენეს, მაგრამ ვერაფერი დაუმტკიცეს, რადგან ანდრო ის კაცი არ იყო, რომ რაღაც დანაშაული ჩაედინა.

25 დღის წაშვების შემდეგ ანდრო გამოუშვეს და ურჩიეს მიეტოვებინა მშობლიური კუთხე და წასულიყო ლტოლვილად მაგრამ ანდრომ ეს არ გააკეთა. იგი ბოლომდე ერთგული დარჩა თავისი ხალხისა.

ანდროს გამოშვებით კაციჭამიები უფრო გავულისდნენ, რადგან ყველა მძევლის გადაცემას მოითხოვდნენ. ანდროსთან ერთად 4 კიდეც სხვა ჰყავდათ, მაგრამ გამოძიებულთა ჯგუფმა არ მისცა. და ანდროს დაუწყეს ღვინა. ალბათ, ზოგიერთი ჩვენი „კაიქართველიც“ მოისყიდეს.

1991 წლის ნოემბრის დასაწყისში ანდროს და მის მეგობრებს როლანდ ტოლიაშვილსა და აკაკი ცოტნიაშვილს დიდი ღიახვის ხეობაში პროლუქტები და სამშენებლო მასალა უნდა გაეგზავნათ. გზად მიმავლებს ერედვი-ფრისის მონაკვეთში დაუხვდათ 10 ოსი ბანდიტი, რომლებიც ავტომატური იარაღით იყვნენ შეიარაღებულნი და დააჭირეს ბიჭები.

ავის მომასწავებელი ხმა დაირხა: ბიჭები დაუჭვრიათო. თითქმის მთელი შიდაქართლი ფეხზე დადგა.

ანდრო და როლანდი ცხინვალში ჩაიყვანეს ნაცემები. მეორე დღესვე შევიტყვეთ მათი ადგილ-სამყოფელი. როლანდი ისე იყო ნაცემი, როგორც მერე შევიტყვეთ, მეორე დღესვე გარდაცვლილა, ანდრო კი ბანდიტების ხელში იყო. ანდროს ჰქონია შესაძლებლობა გამოპარვისა, მაგრამ მას არ მიუტოვებია ცემისაგან გონებაშიხდილი მეგობარი. როგორც შეგვატყობინეს, პირველად სადაც მიუყვანიათ, ის ოსი კაციჭამიები საქმეზე გასულან. ამითთან მხოლოდ ერთი ქალი დარჩენილა. მას უთქვამს ანდროსთვის გაპარეო, მაგრამ ანდროს ეს არ გაუკეთებია: თუ წასვლაა, ორივე ერთად უნდა წავიდეთ, თუ არაა, ორივე უნდა დავრჩეთო.

დაიწყო მოლაპარაკება ანდროს გამოსახსნელად. მათ შემოგვთავაზეს ვიდაც საკაეში გაგიცვლითო, რომელიც თბილისში ციხეში იმყოფებოდა. ანდროს მეუღლემ მადონა ჟამერაშვილმა, რომელიც მხარში უდგა ანდროს ყველა საქმეში, ყველაფერი გააკეთა, რომ რომან საკაევი გამოეყვანა ციხიდან.

დათქმულ დროს, როდესაც უნდა მომხდარიყო გაცვლა, ამოვიდნენ და თქვეს, ანდრო სხვა ჯგუფმა გაიტაცაო. მოიქცნენ ისე, როგორც ექცვიან ყველა

ჩვენს ბიჭს. 17 დღე ვკატყუეს, ხან რას ვკეტყოდნენ ხან — რას. ხან იძახდნენ, ორჯონიკიძეში გვყავსო. მაგრამ, აი, სიმართლე როგორ იყო: ცხინვალში იმ დროს ჩიტიც ვერ ჩაფრინდებოდა. ანდროს, ძალიან კარგად იცნობდნენ ოსები, იცოდნენ, მისი სიკვდილით ეველას ძალიან დავწვევდნენ. რადგან ხედავდნენ, რომ ფეხზე იდგა დიდი და პატარა ღიახვის ხეობა. ოღონდ ანდრო (ცაცი — ასე ეძახდნენ შინაურ წრეში) ცოცხალი გამოეყვანათ.

ანდრო გამოუყვანიათ და წამებით სიკვდილი მიუსჯიათ.

ცაცი ჯერ სტადიონზე მიუყვანიათ, იქ უწამებიათ, ხოლო შემდეგ თეატრალურ მოედანზე ორი დღე ხეზე ჰყოლიათ დაკიდებული და ისე აწამებდნენ, წამების რა ფორმა არ იხმარეს: ყურები დააჭრეს, ცხვირი მოაჭრეს, თვალები დასთხარეს და მაინც ვერ ათქმევინეს ეს მიწა საქართველოსი არააო. სულ ჩასძახოდნენ „ოსეთი, ოსეთი თქვიო!“, ის კი სულ იძახდა საქართველოსიაო. თავისი სიცოცხლე „ჩემო კარგო ქვეყანაო“ ამ სიმღერით დაუმთავრებია.

მის წამებას ხელმძღვანელობდა ცხინვალელი ექიმი, რომელსაც დედა ქართველი ჰყოლია. ხალხი მიურეკიათ, რომ ყველას დაენახა მისი წამება. ზოგი ოსი, თურმე, ტიროდა მისი შემხედავი.

ივანე მახარობლის სალოცავთან ასწლოვანი მუხების ქვეშ განისვენებს ანდროს დატანჯული სხეული. სოფლის მცხოვრებთა გულებში იგი უკვე ლეგენდად იქცა.

ნათელი დაადგება შენს სულს, ანდრო! შენ საქართველოს საამაყო შვილი ხარ. „კიდევაც დაიზრდებიან ალგეთს ლეკები მგლისანი“.

საქართველო აუცილებლად იქნება თავისუფალი და ლეგენდად ქცეული ანდრო ოქროპირიძის სახელი თაობებში გადავა.

ანდრო ოქროპირიძის მემორებები



მამუკა ორშველიძე


მამუკა არტემის ძე ოქრომჭედლიშვილი დაიბადა 1969 წელს თბილისში. 1975-1983 წლებში სწავლობდა თბილისის ძე-15 საშუალო სკოლაში. 8 კლასის დამთავრების შემდეგ სწავლა განაგრძო თბილისის 110-ე პროფესიულ ტექნიკურ სასწავლებელში, რომელიც დაამთავრა 1986 წელს და მიენიჭა მშენებლის პროფესია.

1987-1989 წ.წ. სამხედრო სამსახურშია, შემდეგ ისევ სამშენებლო სამმართველოშია. მონაწილეობას ღებულობდა მიწისძვრის შედეგად დაზარალებული დასახლეთ საქართველოს რაიონების აღდგენით სამუშაოებში.

1992 წლიდან სამსახური დაიწყო საქართველოს რესპუბლიკის შეიარაღებულ ძალებში, იმყოფებოდა შიდა ქართლის ცხინვალის რეგიონში.

აფხაზეთის ომის დაწყების შემდეგ ირიცხებოდა პირველი საარმიო კორპუსის პირველი ბრიგადის „თეთრი არწივის“ ბატალიონში. იბრძოდა აფხაზეთში.

1993 წლის 26 ივლისს აფხაზეთში სოფელ შრომასთან მტერთან შეტაკების დროს დაიღუპა.



გელა ოჩიაური

— ჩვენი გელა! — რაოდენ ძნელია ჩვენს საყვარელ ძმასა და მეგობარზე წარსულ დროში წერა, გახსენება იმისა, თუ როგორი იყო ურთიერთობაში, მეგობრობასა და სიყვარულში. როგორი იყო და არა როგორი არის. დღესაც არ გვჯერა, რომ ჩვენს გვერდით აღარ არის ფიზიკურად, თორემ ჩვენს გულეში, ჩვენს შორის იგი ყოველთვის იქნება, როგორც ადრე, ჭირშიც და ღზინშიც.

ყოველი ადამიანი თავისებურად განუმეორებელია, მაგრამ გელა განსაკუთრებით სხვაგვარი იყო. რაღაც უსაზღვროდ კეთილი, გულუხვი, მოყვარული, ერთგული. რამდენის გაკეთება მოასწრო მან ოცი წლის განმავლობაში! ახლად იწყებოდა მისი ცხოვრება, მაგრამ სად ეცალა გელას იმისათვის, რომ ჯერ თავის ცხოვრებაზე ეფიქრა!

უზომოდ იცოდა ყველაფერი, დაუზოგავად ყველაფერში პირველობა უყვარდა. სხვანაირად არ შეეძლო, „ყოჩი“ და „დეღუფინა“ — ასე ვეძახდით, ეს მისი მეტსახელებია. „ყოჩი“, ალბათ, ნაწილობრივ გასაგებია, რატომაც. მეგობრებს წინამძღოლად გვყავდა, ყველაფერს ითავებდა, თავს მოუყრიდა. ყველაზე რთულ საქმეს ვანდობდით. ვიცოდით, რომ არ დაგვალაღატებდა და მშვიდად ვიყავით.

ამ არეულობის დროს სულ იქ იყო, სადაც სამშობლოს უჭირდა, სადაც მისი მეგობრები იბრძოდნენ. ვერევიულობდით, ვეტყოდით ხოლმე: ნუ წახვალ, ცოტა ხანს მაინც იყავი ჩვენთანო. გაიცინებდა: სულ თქვენთან არა ვარ? იქაც თქვენზე ვფიქრობო. მერე მუშტს მკერდზე დაირტყამდა: აბა, ხელი მომკიდეთ, კაჟივით ვარ, მე რომელი ტყვია მომერევავო. ჩვენც გვჯეროდა, გვჯეროდა და ტყუილს არც ამბობდა. ტყვიამ, ცეცხლმა ხომ მის ნათელს და სუფთა სულს ვერაფერი დააკლო, პირიქით, უფრო აამაღლა და, ალბათ, წამებული წმინდანი-

ვით აღუვლინა ზეცას ჩვენი ყოჩი. აქაც იყოჩა, სხვანაირად არ შეეძლო, ვერც
 თავდაუზოგავი იყო. ახლა, ალბათ, აფხაზეთში იქნებოდა. სახლში მშვიდად ვერ
 დაჯდებოდა. უჭირთო, იტყოდა და წამით არ დაფიქრდებოდა, ისე წავედრებოდა.
 რამდენიც არ უნდა ვწეროთ გელაზე, ჩვენ მაინც დაუკმაყოფილებელი ვართ
 გრძნობა გვექნება, რადგან ვერასოდეს მოვახერხებთ ყველაფრის ჩამოთვლას და
 გელას ისე დახასიათებას, როგორც მას შეეფერება. ვიცით, რომ მისი კეთილი,
 წმინდა სული მფარველი ანგელოზივით იტრიალებს ყოველი ჩვენთაგანის თავზე.
 იმედად მისი მომავალი პირშო გვესახება, რომელიც მალე მოვევლინება ქვე-
 ყანას და გელასადმი სიყვარულს, უმისობას სწორედ მისი სისხლი და ხორცი
 აგვინაზღაურებს.

გელა ოჩიაური სიკვდილის შემდეგ ვახტანგ გორგასლის II ხარისხის ორ-
 დენით დაჯილდოვდა.

თანაკლასელები



**მუქური
 ოჩიბაძე**

დაიბადა 1956 წლის 13 აგვისტოს. დაამთავრა თბილისის საფინანსო-
 ეკონომიკური ტექნიკუმი, სწავლობდა მოსკოვის პროფკავშირული მოძრაობის
 უმაღლეს სკოლაში. ის სკოლა წელს გადააკეთეს აკადემიად. ის, შესაძე კურსის
 სტუდენტი (განხრა — ეკონომიკა და ფინანსები), მუშაობდა ქ. გაგრის კურორტ-
 სამმართველოში პანსიონატ „უოეკვარას“ მთავარ ეკონომისტად.

დაოჯახდა 1978 წელს. ორი შვილი ჰყავს. ის იყო გაგრის ერთ-ერთი ბატა-
 ლიონის უფროსი. დაიღუპა 6 ოქტომბერს. სოფ. ხოლოდნაია რეჩკასთან. იქი-
 დან ბრძოლის შემდეგ ვიღაც აფხაზს მოუყვანია საავადმყოფოში (ალბათ, ნაც-
 ნობი იყო). 1-2 საათის შემდეგ გაჩერდა მისი გული, 7-ში დილით გვამი გამო-

აპარეს და იმ დღესვე დაემარხეთ სახლში. მისი სახლი აწიოკეული, გაბრტა-
ხებული, გაქურდულია. საცოდავ მამამისთან ყოველდღე დადიან და სცემენ.
თურმე.

როგორც მითხრეს, ალყაში მოხვდა დარჩენილ ბიჭებთან ერთად და და-
დარჩენილა. უსაზღვროდ უყვარდა მისი ქალაქი და მთლიანდ საქართველო.
ნამდვილი პატრიოტი იყო.

ქართველნი კუჭუხიძე

* * *

...გემი გუგუნებს, პორტში ხალხი ირევა, ხელს ვეიქნევენ პორტის კაფედან.
გეცინიან ჭრელ ქოლგებს ქვეშ მაგიდასთან მსხდომი შეყვარებულებიც.

გემი აუჩქარებლად მიადგება სანაპიროს.

ბაგირით მიაბამენ გემს.

დაბლა და დაბლა დაეშვება კიბე.

შემოგვხვდებიან მეგობრები, მეზობლები, ნაცნობები, უცნობებიც კი, ყვე-
ლანი... მათ უხარიათ, უხარიათ... ჩვენ დაგვხვდება ომამდელი სოხუმი და
გვკითხავს, როგორ ვგრძნობთ თავს.

დიდებულად, დიდებულად, დიდებულად. ჩვენ ხომ უკვე სახლში ვართ!.. სო-
ხუმში ვართ!..

დღე იქნება ნათელი და – უღრუბლო.

ჩვენ გემით დავბრუნდებით სოხუმში.

ჩვენ გემით დავბრუნდებით სოხუმში.

ჩვენ გემით დავბრუნდებით სოხუმში.

გემით...

1995 წელი.

მაისი – ივნისი – ივლისი

გურამ ოდიშარია

* * *

ასიათასი ქართული სიტყვა




ეს არის ჩემი მწარეც და ტკბილიც,
სხვა ეტრფის სხვათა,
დროშებს და კერბებს.
მე ვადღეგრძელებ
საყვარელ თბილისს,
ჩემს დედაქალაქს,
ჩემს ლამაზ ბებერს.
მიედივარ შორ გზას,
მიმეყვება საგზლად,
დამეყვება ჩუმად —
ნისლიან მხრებით...

გადავაბიჯებ მიუვალ საზღვარს,
იქაც იმისი ჩამესმის ხმები.
ასიათასი ნათელი ფიქრი,
ასიათასი ნათელი სიტყვა...

მე ვადღეგრძელებ
მშობლიურ ჭაქით,
უფრო ლამაზა ამ ქვეყნად ვინ მყავს.
მე ვადღეგრძელებ
ჩემს ლამაზ ქალაქს,
მისი უღელი და ჩემი ქედი...

მის ლაყვარდებში
დაიდგამს კარავს
ჩემი ღიმილი და ჩემი ბედი.
ეს არის ჩემი მწარეც და ტკბილიც,
სხვა ეტრფის სხვათა
დროშებს და კერბებს.
მე ვადღეგრძელებ
საყვარელ თბილისს, —
ჩემს დედაქალაქს,
ჩემს ლამაზ ბებერს.

ჯანსუღ ჩარკვიანი



იური პალაგინი


ზემდეგი იური იაროსლავის ძე პალაგინი დაიბადა 1971 წლის 17 მარტს თბილისში. ეროვნებით რუსი.

შინაგან ჯარებში მსახურობდა 1992 წლის 8 სექტემბრიდან საპატრულო პოლკში.

დაიღუპა 1992 წლის 7 დეკემბერს, ტამიშში.

* * *

შენ ისე ღრმა ხარ, ქართულო ცაო,
შენ ისე ღრმა ხარ...
სამკვიდრო შენს ქვეშ მტრად შემოსულმა
ვერაყინ ნახა:
ვერცა ოსმალომ, ვერცა მონღოლმა
და ვერცა სპარსმა...
შენი დიდების მომღერალია
ოშკი და ზარზმა,
ბებერი ტაო...
შენ ისე ღრმა ხარ, ისე ფაქიზი,
ქართულო ცაო...



**აშირან
პაპუნაშვილი**

დაიბადა 1949 წელს. ქობულეთელია. იზრდებოდა თბილისში.

დაამთავრა საქართველოს პოლიტექნიკური ინსტიტუტის მსუბუქი მრეწველობის ფაკულტეტი — ინჟინერ-ტექნოლოგის და საქართველოს სახელმწიფო უნივერსიტეტის ეკონომიური ფაკულტეტი — მრეწველობის დაგეგმვის სპეციალობით. გაიარა სამხედრო სამსახური. ჰქონდა ლეიტენანტის წოდება.

1967 წლიდან მუშაობდა თბილისის აბრეშუმსაქსოვ გაერთიანებაში, თბილისის სამკერვალო ფაბრიკაში, სოცუზრუნველყოფის სამინისტროში, „საქმრეწვლანერგვის“ საქართველოს რესპუბლიკურ ფილიალში.

იყო ქართველ მაშველთა კორპუსის წევრი.

ომის დაწყებისთანავე აფხაზეთში გაემგზავრა და საქართველოს ერთიანობისათვის ბრძოლაში ჩაება. იბრძოდა გაგრის ახლოს, სოფელ კოლხიდაში.

დაიღუპა 30 აგვისტოს.

დარჩა მეუღლე, ორი მცირეწლოვანი ვაჟი, დედა და ძმა.



**გამსუკა
პატარაია**

დაიბადა 1974 წელს თბილისში. ღამთავრა 149-ე საშუალო სკოლა. 15 წლის ასაკში მოხალისედ წავიდა სამაჩაბლოში. იყო 9 აპრილს მოწამლული. 1992 წლის სექტემბრის თვიდან იყო „გორდას“ ბატალიონში. დაიღუპა 1993 წლის 1 ივნისს, კინდლში მტერთან უთანასწორო ბრძოლაში.



**გიორგი
კობიაშვილი**

საავიაციო ბომბის უვნებელოფის ოპერაციის გადაღების დროს დაიღუპა თავდაცვის სამინისტროს პრესსამსახურის რეჟისორი, საქართველოს ხელოვნების აკადემიის სტუდენტი გიორგი ანზორის ძე კობიაშვილი.

წავიდა ჩვენგან. სამშობლოსა და სიცოცხლეზე უზომოდ შეყვარებული კაცი, რომელიც კამერით ხელში ფირზე აღბეჭდავდა სამაჩაბლოსა და აფხაზეთის მოვლენებს. საბრძოლო ოპერაციების დროს გადაღებული მრავალი კინოკადრი კადრი შექმნა.

„ერთი დღე ჩემი ცხოვრებიდან“. — საკურსო დავალება სტუდენტმა პოპიაშვილმა სხვა რომელიმე დაღვინებული ერის შეილივით სატრფოსთან გასეირნებას, ან შესაქცევ თავგადასავალს კი არ მიუძღვნა — არამედ თბილისში ატეხილ ომს. ასეთი იყო მისი ხვედრი — ბრძოლა! კინოკამერით ხელში, საქართველოს თავდაცვის სამინისტროს პრესცენტრის მანდატით, იღებდა ისტორიას და საკუთარი მხატვრული ფილმის შექმნა კი არ დასცალდა. კინორეჟისორი გიორგი პოპიაშვილი სამშობლოს განსაცდელის ჟამს „თეთრი არწივის“ ჯარისკაცად იქცა და დაეცა კიდევ ბრძოლის ველზე, ხელოვანმა კაცმა გმირულად შესწირა თავი ერს, უსაზღვროდ დამწუხრდნენ დედა, ქალ-ვაჟი, მეუღლე...

წავიდა ნიჭიერი ახალგაზრდა ხელოვანი და უზომო ნაღველი დაგვიტოვა. დმერთო, ნათელში ამყოფე გიორგი პოპიაშვილის სული.

გიორგი პოპიაშვილი სიკვდილის შემდეგ დაჯილდოვდა ვახტანგ გორგასლის III ხარისხის ორდენით.

საქართველოს რესპუბლიკის თავდაცვის სამინისტრო, საქართველოს ხელოვნების აკადემია,



ლეკიან (უსუპ)
ჟამიერაშვილი

დაიბადა 1973 წლის 17 ივლისს ქარელში, დაამთავრა ქ. თბილისის 139-ე საშუალო სკოლა. 1989 წ. ჩაება ეროვნულ მოძრაობაში. იგი იყო ადამიანის უფლებათა დაცვისთვის მებრძოლი და მერაბ კოსტავას საზოგადოების წევრი.

იბრძოდა სამაჩაბლოში. ერთი სატყეოთ, სადაც ნაკვირო იყო, იქამ მიდიოდა. ლევანის გული ცხრა აპრილის შემდეგ აირია, ვეღარ ისვენებდა. ასევე ვერ ისვენებდა ლევანის დედა, თითქოს გული უგრძობდა, რომ ლევანს ვერცხვად არ ელოდა. ლევანს ბევრი ლაპარაკი არ უყვარდა.

16 აგვისტოს, როგორც ყოველთვის, ლევანი შეუერთდა თავის თანამებრძოლებს. დედამისი ამბობს: „წავიდა და წაიღო დედის სიცოცხლე. მთელი ორი კვირის მანძილზე ვერ ვისვენებდი. მასთან წასვლა მინდოდა. არ გამიშვებს: შენისთანა დედა მილიონი გვეყავსო. გამწარებული ტელევიზიაში, პოსპიტალში, მორგში ვეძებდი ჩემს შვილს. ვიცოდი, რომ რაღაც დიდი უბედურება მელოდა. ჩემი წინათგრძნობა არასდროს გამტყუნებულა. ნეტა, მაშინ ელაღატნა მაინც ჩემს წინათგრძნობას. 30 აგვისტოს სულ აეროპორტში გავატარე. მჭირალი დედა ველოდი შვილს. 31 დილის შვიდის ნახევარზე ზარმა დარეკა. მოვდივარ, შვილო-მეთქი მივაძახე. მაგრამ სხვა შემრჩა ხელში. ჩემი შვილი მკვდარი ჩამომიყვანეს. გმირად გაუხდია მტერს. გაღამაზებული, თითქოს უფრო გაზრდილი გაღიმებული წავიდა ამ ქვეყნიდან, ისე ჩავიდა იმ დაღუპულ სამარეში, თითქოს გული არ დაწყდა ამ ცხოვრებაზე.“

* * *

მაშ, მამულს თავი შევსწიროთ,
საშველად, გამოსახსნელად,
თუ მისთვის დავიზოცებით,
ჩვენ ის გვეყოფა სახელად.
ქართველო, ხელი ხმალს იკარ,
გათენდა დღე დიდებისა,
თოფ-იარაღი აისხი,
დრო მოღის გამარჯვებისა.

0 ლ ი ა



**ბადრი
ჟვანია**

„ამ დროს დავიბადე მე, უგზო-უკვლოდ განათლებული ისტორიკოსი, სად არ ვყოფილვარ და რა არ მინახავს, თქვენ რა იცით. თქვენ რა იცით ვინა ვარ. მგონია, მე ვარ ამოუცნობი და რთული პიროვნება. გარეგნულად შეიძლება ვიყო უბრალო და ხუმარა, მაგრამ, ჩემის აზრით, მე თვითონ ნაღდად არ ვიცი როგორი ვარ, ვცდილობ ყველასთან კეთილად ვიყო განწყობილი. ვცდილობ ყველა ადამიანს გავუგო, როგორც არ უნდა იყოს იგი. ყველასთან შეიძლება გამოვინახო საერთო ენა, მაგრამ შეფასებისამებრ ვიქცევა მასთან, როგორც ჩემის აზრით, მას ეკადრება. რამდენადაც სწორია ჩემი საქციელი ამა თუ იმ მომენტში, რაც გარეგნულად შესამჩნევია, მე მგონი, ამას თქვენ თვითონ შეაფასებთ. ისე ყველა ამხანაგთან მინდა ვიყო ამხანაგი, მეგობართან მეგობარი, და ქალთან ძმაკაცი, ძმაკატან ძმაკაცი. კიდეუ მიყვარს ჩემი სამშობლო ყველაზე მეტად, მის ავ-კარგს განვიცდი და რეაქტიაც შესაბამისი მაქვს. მიყვარს ყველა ის ერი და ეროვნება, ვინც ჩემს ქვეყანაში ცხოვრობს და, რა თქმა უნდა, ეს მათი ქვეყანაცაა. მიყვარს ჩემი ცოლ-შვილი, მიყვარს ყველა ამხანაგი, ვისთანაც ცხოვრების გარკვეული პერიოდი გამიტარებია“.

ეს სიტყვები სოფელ შრომასთან დაღუპულ ჭაბუკს ბადრი ჟვანიას ეკუთვნის.

ბადრი ჟვანია დაიბადა გულრიფშის რაიონის სოფელ ფშავში 1963 წლის 23 სექტემბერს 1978 წელს დაამთავრა ფშავის რეაწლიანი სკოლა. სწავლა განაგრძო ფოთის მე-12 პროფესიულ ტექნიკურ სასწავლებელში. მუშაობდა გემის კორპუსის ამწყობ ზეინკლად. 1982 წელს სწავლა განაგრძო თბილისის ინდუსტრიულ პედაგოგიურ ტექნიკუმში, საიდანაც გაიწვიეს სამხედრო სავალდებულო სამსახურში. მსახურობდა ავღანეთში. დაბრუნდა მესამე ჯგუფის ინვა-

ლიდ.დ. ისევ სწავლას დაუბრუნდა და 1986 წელს დაამთავრა ტექნიკის სრული კურსი. 1987 წელს ჩაირიცხა თბილისის სახელმწიფო უნივერსიტეტში ისტორიის ფაკულტეტზე. დაამთავრა და მუშაობა დაიწყო ავღანეთის კონტრაქტით საქართველოს კავშირში. აფხაზეთში საომარ მოქმედებებთან დაკავშირებით ავღანელთა კავშირში შეიქმნა ავღანელთა სპეციალური დანიშნულების ასეული. პოლიგონზე ბადრი ჟვანია იყო ავღანელთა სპეციალური დანიშნულების ასეულში ოცმეთაური. ყველა დანიშნულების საბრძოლო იარაღში ერკვეოდა. კარგად იცოდა სამხედრო ტექნიკა. ისროდა შესანიშნავად. თვალის ჭრილობა ხელს არ უშლიდა, რომ პირველი კლასის სნაიპერი ყოფილიყო. კონტრშეტევაზე გადასვლის დროს სნაიპერი შეცვალა.

უშიშრად შეეგება სამშობლოსათვის სიკვდილს. 1992 წლის 3 ნოემბერს სოფელ შრომასთან უმძიმეს ბრძოლაში დაეცა.

გარბიან ტკივილიანი დღეები და გრძელდება ბადრის შეწყვეტილი სიცოცხლე, — ლაშა ხომ საოცრად ჰგავს მამას. მასაც მამასავით უყვარს სიცოცხლე, მზე და მშვენიერება. მასში ახ კენი დულს, რომელსაც გადაშენება არ უწერია.



**თაგაზ (ტუსა)
ჟვანია**

ტუსას მამა სენაკელი იყო, დედა — ზუგდიდის რაიონის სოფელ ანაკლი-იდან. თვითონ ტუსა გაგრის რაიონის დაბა განთიადში დაიბადა და 21 წელიწადი იქ იცხოვრა.

ძალიან უყვარდა სენაკი, მისი მამის ძირძველი სამკვიდრო, ანაკლია — დედუღეთი, გაგრა — მისი საგაზრდილო და, რასაკვირველია, მთელი საქართველო, რომელსაც 21 წლის ასაკში შესწირა თავი.

ის დაიბადა 1971 წლის 6 ოქტომბერს. 1988 წელს საშუალო სკოლის კურსი დაასრულა სოფელ განთიადში და იქვე დაიწყო მუშაობა მაღაზიაში გამ-

ყიდველად, თან დაუსწრებლად სწავლობდა ბათუმის სავაჭრო ტექნიკუმში. ემზადებოდა უმაღლესი ეკონომიკური განათლების მისაღებად, მაგრამ... აფხაზმა სეპარატისტებმა ომი გამოუცხადეს ქართველ ხალხს და ყველაფერი აიკრძალა მშვიდობიანი მოსახლეობა მისი საცხოვრისიდან აიყარა და ვინ სად გაიზიზნა და ვინ სად. ტუსას დედაც იძულებული გახდა დაეტოვებინა მისი სახლ-კარი... მაგრამ ტუსამ ბრძოლის გზა აირჩია. ის ჩაირიცხა ვია მორგოშიას ხელმძღვანელობით მოქმედ პარტიზანულ რაზმში. დედამ ერთხანს არაფერი იცოდა შვილზე. ბოლოს დადგა ის წყველი დღეც (1992 წლის 5 ნოემბერი)...

დედამ შესძლო შვილის საფლავის მონახვა და შვილი თამაზი (ტუსა) იქ გადაასვენა, სადაც მამამისი — სულხან ჟვანია ესვენა.

ღმერთმა აცხონოს ჩვენი თამაზ (ტუსა) ჟვანია!



დავით
რაზმაძე

! ეროვნულ-დემოკრატიული პარტიის წევრმა დავით რაზმაძემ პარტიის რიგებში შემოსვლისთანავე დაიძვედრა ალალი, მოსიყვარულე და უშიშარი კაცის სახელი. იგი მუდამ ამართლებდა პარტიის ნდობას და პირნათლად ასრულებდა ყველა დავალებას მეტად რთულ და საპასუხისმგებლო უბნებზე. აქტიურად მონაწილეობდა პარტიის მიერ მოწყობილ ყველა აქციაში. ასევე მას დიდი წვლილი მიუძღვის პარტიის საორგანიზაციო სამსახურის ფორმირებაში.

სამშობლოს პირველივე დამახეზაზე დავით რაზმაძე სოხუმში გაემგზავრა და ქაქუცა ჩოლოყაშვილის პოლკში ჩაირიცხა მოხალისედ.


ეშერასთან ბრძოლის დროს მტრის ტყვიამ შესწევითა მამულითვის გულანთებული ახალგაზრდა კაცის სიცოცხლე.

ეროვნულ-დემოკრატიულ პარტიას საამაყოდ დარჩება სამაგალითო პეტროლიის დავით რაზმაძის სახელი.

გიორგი მთავარი

საქართველოს ეროვნულ-დემოკრატიული პარტიის თავმჯდომარე


ვიორგი ჭანტური



თამაზ რაზმაძე

ბატონი თამაზი მრავალშვილიან ოჯახში აღიზარდა, თვითონაც მრავალშვილიანი მამა იყო — ოთხი ქალიშვილი და ერთი ნანატრი ვაჟი დარჩა აცრემლებული. თამაზი შრომას ბავშვობიდანვე მიაჩვია მამამ, რომლის გარდაცვალებას შემდეგაც მას უქმად ერთი დღე არ უცხოვრია. სავალდებულო სამხედრო სამსახურიც პირნათლად მოიხადა, რმის ქარხანაში მუშადაც პატიოსნად შრომობდა, აჯახიც სანიმუშო შექმნა თავისი ალალი შრომით. 40 წლისა იყო, როცა საქართველოს გაუჭირდა. ის უყოყმანოდ გამოცხადდა კომისარიატში, ხან ასაკი დაუცუნეს, ხანაც მრავალშვილიანობის გამო უთხრეს უარი გაწვევაზე, მაგრამ მან თავისი მანც გაიტანა, მოხალისედ შევიდა ბატალიონ „ავაზაში“, გმირულად ბრძოდა. 2 ივლისს ტამიშთან დესანტის გადმოსხმის დროს მძიმედ დაჭრილი 5 ივლისს გარდაიცვალა.

ნარგიჯა ლომთაძე



**დავით
რეხვიაშვილი**

დავით რეხვიაშვილი დაიბადა 1968 წლის 25 აგვისტოს ამბროლაურის რაიონის სოფ. ურავეში.

სოფ. ურავეს 8 კლასის დამთავრების შემდეგ სწავლა გააგრძელა ამბროლაურის სასოფლო-სამეურნეო ტექნიკუმში, შემდეგ სავალდებულო სამხედრო სამსახური მოიხადა ხაბაროვსკში. 1989 წ. საცხოვრებლად გადავიდა ქ. რუსთავეში და მუშაობა დაიწყო ქიმიურ გაერთიანება „აზოტში“ – ზეინკლად.

1992 წლის 10 ოქტომბრიდან ჩაირიცხა ბატალიონ „ავაზაში“ და ვაჟკაცურად იბრძოდა აფხაზეთში ქართული მიწის დასაცავად.

1993 წლის 2 ივლისს, დესანტის გადმოსხმის დროს, სოფ. ტამიშში გმირულად დაეცა ბრძოლის ველზე. დარჩა ბევრი აუხდენელი ოცნება, აკრემლებული მშობლები, და-ძმა, ახლობლები და სიყვარული...

დავითი დაკრძალულია მშობლიური სოფლის სასაფლაოზე.

* * *

ოხერო წუთისოველო

ოხერო წუთისოველო,
 ზარავანდივით მწარეო,
 სად გადახკარგავ ვაჟკაცსა,
 საით სანამდე ავლეო...

(სალხური)



შოთა რეხვიაშვილი

შოთა რეხვიაშვილი დაიბადა 1949 წლის 1 თებერვალს ამბროლაურის რაიონის სოფელ ურავში, 1950 წელს ოჯახი გადაასახლეს გუდაუთის რაიონის სოფელ ლიხნში. 1963 წელს სოფელ ლიხნის სკოლის წარჩინებით დამთავრების შემდეგ თბილისის ცეკავშირის სავაჭრო ტექნიკუმში ჩაირიცხა. მან ეს სასწავლებელიც წარჩინებით დაამთავრა და მუშაობა დაიწყო რევიზორად ჯერ ამბროლაურის რაიონში, ხოლო შემდეგ სოხუმში. სავალდებულო სამხედრო სამსახურის მოხდის შემდეგ დაბრუნდა გუდაუთაში და დაიწყო მუშაობა ისევ რევიზორად. 1989 წლიდან 1992 წლამდე გუდაუთის „კურორტვაჭრობაში“ იმუშავა (ამ დაქვემდებარებაში ქართველს არ უნდა ემუშავა).

შოთა რეხვიაშვილი 1972 წელს დაოჯახდა, შეეძინა ორი ვაჟი – შალვა და ბექანი და ცხოვრობდა გუდაუთაში ჯახზას ქუჩა № 18-ში აფხაზების გვერდით.

1989 წლიდან 1992 წლამდე აფხაზმა ექსტრემისტებმა დაიწყეს ქართველების დევნა. შოთას თავისი სამშობლოს, აფხაზეთის სიყვარულმა ააღებინა ხელში იარაღი და 19–20 წლის სოხუმელი და გუდაუთელი ბიჭებისაგან შემდგარ ჩამოყალიბებულ № 2 საბრძოლო ბატალიონში ჩაირიცხა, თან ბატალიონში შექმნილ საფინანსო განყოფილებასაც ხელმძღვანელობდა.

შოთა რეხვიაშვილი, მის სამშობლოზე უსახლვროდ შეყვარებული, ყოველთვის წინა ხაზზე იბრძოდა, ამის გამო განრისხებული აფხაზი ექსტრემისტები წაიედნენ სოფელ ლიხნში, მიუვარდნენ შოთას დედას და მამიდას, გამოყარეს გარეთ, მამიდამ როგორღაც ტყეში მოახერხა გადაძალვა, დედა კი ცემით სიკვდილის პირამდე მიიყვანეს, სახლი გაძარცვეს და გადაწვეს. აქაც ღვთისნიერმა აფხაზმა უსაშველოდ ნაცემი შოთას დედა ჩაიყვანა თბილისში შოთას ძმის ოჯახში. მანამდე 1990 წელს, როდესაც შოთამ დედა მოინახულა ლიხნში, უკან

დაბრუნებისას აფხაზმა ექსტრემისტებმა სცემეს და ხრამში გადააგდეს, საეკონომიკური თარი ჯანმრთელობის მეოხებით ისევ დაღვა ფეხზე და კვლავ ჩაღვა მეფეების გვერდით.



შოთა რეხვიაშვილი გამჭვრიახი გონების იყო, ყოველთვის ბრძოლის შუაგულში ტრიალებდა, ბრძოლის ველიდან გამოჰყავდა დაჭრილები, ახერხებდა ტყვეების გაცვლასა და გამოყვანას ორჯონიკიძიდან და ლიხნიდან. მიცვალებულებს სოფელ ოდიშში მარხავდა, როცა სოხუმიდან მატარებელს ლტოლვილები მოჰყავდა, ონამირეში მოახერხა მატარებლის გაჩერება და ერთ-ერთი მეომარი ბიჭუნას მშობლები ჩამოიყვანა სოხუმში და თავიანთი შვილი დაამარხვინა. ასევე თბილისში გუდაუთიდან ჩამოსული ლტოლვილი დედა ჩამოიყვანა სოხუმში შვილის დასატირებლად.

შოთა რეხვიაშვილი თავისი მტკიცე ხასიათის გამო მის წინ დასმულ საკითხებს ბრწყინვალედ ართმევდა თავს, ერთხელ როდესაც სოხუმის სამხედრო კომენდანტთან კორნელი ჩალაძესთან ერთად იბრძოდა და გუდაუთაში ჭნდა შესულიყენენ ტანკებით, მიზნის მისაღწევად, აქ მის წინ დასმულ საკითხსაც ვაჟკაცურად გაართვა თავი.

შოთა რეხვიაშვილი სავალდებულო სამხედრო სამსახურიდან ოფიცრის წოდებით ჩამოვიდა. სოხუმში ბატალიონში ყოფნის დროს კაპიტნობა მიიღო, პირველი დღეებიდანვე გმირული შემართებით იბრძოდა სამშობლოს ერთიანობისათვის, სეპარატიზმის წინააღმდეგ.

1993 წლის 16 თებერვალს აფხაზებმა შეტევა დაიწყეს. ეს დღე მისთვის საბედისწერო გამოდგა, შეტაკების დაწყების დროს ბრძოლის წინა ხაზიდან დახოცილები და დაჭრილები გამოჰყავდა. ერთ-ერთი მეომრის გამოყვანის დროს ფეხში მოხვდა ტყვია და იმ ვერაგმა ტყვიამ იქამდე იარა ფეხში, ვიდრე არ დაიღუპა. იგი დაიღუპა ვაჟკაცების გვერდით, ისე როგორც ეს ნამდვილ ვაჟკაცს შეეფერება, — „სამშობლოს არვის წავართმევთ, ჩვენს ნურვინ შეგვეცილებათ“ — ამ ვრძნობით იბრძოდა სიცოცხლის ბოლო წუთამდე. შოთას სიკვდილზე არ უფიქრია, მას უყვარდა ოჯახი, შვილები, დედა, ახლობლები, ეთაყვანებოდა მის სამშობლოს და კარგი მომავლის იმედიტაც იყო.

დასანანია, რომ მას არ დასცალდა ზოლომდე დაეხარჯა თავისი ცოდნა, გამოცდილება და შესაძლებლობები.

უსახლკაროდ დარჩენილი შოთა რეხვიაშვილი თავისი ძმის ოჯახიდან დაკრძალეს თბილისში, კუკიის ძმათა სასაფლაოზე, ღმერთმა ნათელში ამყოფოს მისი სული. მიხ ხსოვნას დაეწევა არ უწერია.

შოთა რეხვიაშვილი სიკვდილის შემდეგ დაჯილდოვდა მედლით „მხედროლი მამაცობისათვის“.

მზია ბალანჩივაძე



**დავით
რიჭაშვილი**

დავით, (დათო) რეზოს ძე რიჭაშაძე დაიბადა 1966 წლის 13 თებერვალს, ტყიბულის რაიონის სოფელ საწირეში.

1972 წელს შევიდა ქ. ტყიბულის № 1 საშუალო სკოლაში, საიდანაც 1980 წელს გადავიდა სოფ. საწირის საშუალო სკოლაში, რომელიც 1983 წელს დაამთავრა.

1984 წლის 25 აპრილს გაიწვიეს სამხედრო სავალდებულო სამსახურში გერმანიაში. 1986 წლის 9 მაისს ჩამოვიდა სამხედროდან. 1986 წლის სექტემბერში მუშაობა დაიწყო მაღაროში, 1987-88 წლებში სწავლობდა ქ. თბილისის № 74 სპტ სასწავლებელში. 1989 წელს მუშაობა დაიწყო მაღაროში. 1990 წლის სექტემბერში სწავლა განაგრძო ქ. ტყიბულის ინდუსტრიულ ტექნიკუმიში. პარალელურად მონაწილეობდა ეროვნულ მოძრაობაში. 1992 წლის 13 ივნისს დაიჭრა ქ. გორთან შეტაკების დროს, 14 ივნისს – დაიღუპა.

მამა – რეზო რიჭაშაძე – პენსიონერი.

დედა – ნელი რიჭაშაძე მუშაობს ქ. ტყიბულის დაზღვევის სახელმწიფო ფირმაში.

ძმა – გონა რიჭაშაძე.

და – მარიკა რიჭაშაძე.

მეუღლე – ნონა რიჭაშაძე – სწავლობს ტყიბულის სამედიცინო ტექნიკუმიში.



გივი (გია) როზაქიძე

დაიბადა 1973 წ. 19 დეკემბერს. დედაბისი – ლარისა ივანეს ასული როზაქიძე საშუალო სკოლის მასწავლებელია, მამა – გიორგი როზაქიძე ინჟინერ-მშენებელი.

გივი 1980 წელს შევიდა თბილისის 30-ე სკოლაში, 1991 წელს დაამთავრა 123-ე სკოლა, ამავე სკოლაში, მე-11 კლასში სწავლისას ჩაირიცხა გვარდიაში.

1991 წელს ჩარიცხეს ასოციაცია „ფალავანის“ უნივერსიტეტის მოსამზადებელ კურსებზე, რომლის დამთავრების შემდეგ 1992 წლის 7 ივნისს მოხალისედ წავიდა სამაჩაბლოში ბატალიონ „ავაზაში“. მისი მეთაური იყო თორნიკე ონიანი, შემდეგ მისი უშუალო მეთაური იყო ტრისტან წითელაშვილი, ვისთან ერთადაც იბრძოდა. როდესაც სამაჩაბლოში შეიყვანეს სამშვიდობო ჯარები, ბატალიონთან ერთად დაბრუნდა თბილისში. ჯერ კიდევ სამაჩაბლოში ყოფნის დროს ჟურნალისტმა გიორგი იოსებიძემ გივისგან აიღო ინტერვიუ „სად გაჩერდება დაგორებული ქვა“ (გაზეთი „დრონი“, 1992 წლის 10 ივლისი).

სამაჩაბლოდან დაბრუნების შემდეგ გივიმ ჩააბარა მისადები გამოცდები უნივერსიტეტში და ჩაირიცხა მენეჯერის ფაკულტეტზე (ის კარგად ფლობდა ინგლისურ ენას).

ამ დროისათვის ბატალიონში „ავაზას“ გვარდიელები გადიოდნენ მომზადებას ყოფილ „ტაუს“ შენობაში. გივიც იქ იყო.

1992 წლის 18 აგვისტოს ბატალიონი „ავაზა“ წავიდა აფხაზეთში სამშობლოს მთლიანობის დასაცავად და, რასაკვირველია, გივიც მათთან ერთად გაემგზავრა.

1992 წლის 19 აგვისტოს გივი მოკლა მტრის ტყვიამ. მისი გვამი სამი დღე



და ღამის განმავლობაში ეძიეს. დასაფლავებულია ქ. თბილისში, საბურთალოს პანთეონში.

როდესაც მამამისი შეეკითხა კიას: რატომ მიდიოდა აფხაზეთში, სამანაბლო არ გეყოფა? მან ასეთი პასუხი გასცა: მამა, შენ სულ პატრიოტიზმზე გველაპარაკებოდი, ახლა რა დაკემართაო? გვიმ საყვარელი სამშობლოსათვის გასწირა თავი.

„თხით უკვდავებას არ არსებობს უსიყვარულოდ...“

ეროვნებით რუსმა, ქალბატონმა ლარისამ ქართული სულიკვეთებით, საქართველოს სიყვარულით აღზარდა გვიეკო, როგორც თვითონ ეძახდა. თვალცრემლიანი გვესაუბრება ქართულ ენაზე: როცა გვირგვის გავყევი, 3 წელი შეილი არ გვეყავდა. 3 წლის შემდეგ განსდა პატარა გვიეკო, მთელს ნათესაობაში პირველი პატარა დაიბადა, ჩემი გვიეკო საერთოდ ყველაფერში პირველი იყო, პატარაობიდანვე გამოირჩეოდა თანატოლებისაგან როგორც ფიზიკური სილამაზით, ასევე გონებგაგნისილობით, საოცრად ცოცხალი და მოძრავი იყო, უყვარდა სიმღერა, ცეკვა, თავისუფლად ფლობდა ინგლისურ ენას. სკოლაში ყველას გამორჩევით უყვარდა. 1991 წელს დაამთავრა 123ე საშუალო სკოლა. დიდი გეგმები ჰქონდა, ბედნიერ მომავალზე ოცნებობდა. სიყვარულიც ადრე ეწვია. ბორჯომში ისვენებდა ერთ ზაფხულს, სადაც გაიცნო თავისი ტატა. ტატას ოჯახური მდგომარეობის გამო შორეულ ატლანტის შტატში მოუწია საცხოვრებლად გადასვლა, სიყვარულს მანძილი ვერ აშორებს, პირიქით, კიდევ უფრო გაუმძაფრდათ სიყვარული...

გვიეკო!

მიუხედავად იმისა, რომ ამდენი ხანია არ მინახიხარ, არ ვიცი რა დაეწერო, ალბათ, ერთად რომ ვყოფილიყავით, ბევრი მექნებოდა სათქმელი, მაგრამ ამას უკვე აღარ აქვს მნიშვნელობა. ჩვენი სიყვარულის გამო მინდა მადლობა გადაგიხადო, ბევრი კარგი რამ შევიძინე შენს გვერდით ყოფნისას, ბევრი რამ ვისწავლე. კიდევ გთხოვ პატიებას ბავშვური კაპრიზებისათვის. მართლა ბედნიერი ვიყავი შენს გვერდით, ვგრძნობდი კაცის მფარველობას, რისთვისაც დიდი მადლობა!

ცხოვრების საკმაოდ დიდი გამოცდა ჩამაბარებინე და დამანახე, რომ ცხოვრების გზა მხოლოდ ია-ვარდებით მოფენილი არ არის, არამედ ხშირად ეკალი ურევია — კვლავ გმადლობ!

იმედი მაქვს, აღარ გავიმეორებ იმ სისულელეებს და აღარ დავუშვებ იმ შეცდომებს, რომ გამახსენდება, მეცინება — მართლა რა ბავშვი ვიყავი.

14 თებერვალი სიყვარულის დღეა. არ ვიცი რატომ, მაგრამ მაინც ვიყიდვს მისსალოცი, ალბათ მივეჩვიე, რომ შენ ხარ ჩემს ცხოვრებაში. ალბათ, ისევე, ისევე... კიდევ ერთხელ ვილოცავ, ღმერთმა დაგლოცოს.

არასოდეს დაგივიწყებ, ყოველთვის იმედი მაქვს, რომ (თუ სიწმინდე იქნა) სექტემბრისთვის ჩამოვაღ.

გოცნი, გეხვევი
1.02.92 წ.

გივი რობაქიძე მოხალისედ შევიდა 114-ე ბატალიონ „ავაზში“, მისი ძმა ირაკლიც ოცნებობდა: სკოლას დავამთავრებ თუ არა, შენს გვერდით დავდგებიო. ასეთი სულისკვეთებით აღზარდა იგი ქალბატონმა ლარისამ, რომელმაც თქვა: არასოდეს არ შეუხებოდა გივიცო, თუ რას აკეთებდა სამაჩაბლოში, კარტოფილს ვთლი, რა უნდა გავაკეთო და თან გამიღიმებდა, მხოლოდ ერთხელ მითხრა, როცა ჩვენმა მეომრებმა ოსების მეომარი მოკლეს, მიცვალებულების გაცვლის დროს, ჩვენებმა ის მეომარი გააპატიოსნეს, თავისი პირადი ნივთები ყველაფერი თან ჰქონდა, ავტომატიც კი გულზე ეღო და ისე ჩააბარეს მეორე მხარეს, ამ დროს ოსების მხრიდან ვალცამ ქართულ ენაზე თქვა: „ომ-შიც ყოფილან ჯენტლმენებიო“. სულ ეს იყო მისგან მოყოლილი საბრძოლო ოპერაცია.

1992 წლის 10 ივლისს გაზეთ „დრონი“ გიორგი იოსებიძე წერილში „სად გაჩერდება დაგორებული ქვა“ წერდა: „დაღლილ და წვერგაუპარსავ გვარდიელებს შორის ერთი ყმაწვილი შევნიშნე. იგი აშკარად გამოირჩეოდა სხვებისაგან და ავტომატიც თითქოს ზედმეტ ნივთად ჩანდა მის ხელში. სახელმწიფო უნივერსიტეტის უცხოეთის ეკონომიკისა და საგარეო ურთიერთობის ფაკულტეტის პირველი კურსის სტუდენტი გივი რობაქიძე მოხალისედ წამოსულიყო თბილისიდან. მშობლები რას გუუხებებიან-მეთქი, ვკითხე (მამამისი სწორედ იქ იყო მაშინ). რა უნდა მითხრან, თბილისში რომ წამიყვანონ, იციან, მაინც უკან დაებრუნდებიო. გივი „ავაზას“ შემადგენლობაშია, ძნელ პირობებს უკვე შეეჩვია და მზად არის საბოლოო გამარჯვებამდე იბრძოლოს. იგი თვლის, რომ სამაჩაბლოში მებრძოლები მეტ ყურადღებას იმსახურებენ...

ნუ გეშინია, დედა, ის ტყვია ჯერ არ ჩამოსხმულა, მე რომ უნდა მომკლას, მე ბოლომდე, სანამ ჩემი ქვეყანა არ დაწყნარდება, ვიქნები ბრძოლის ველზეო, — ასე ამშვიდებდა დედას ყოველი ნახვის დროს. მეც მჯეროდა, რომ ჩემს გივიკოს, თუმცა იგი მხოლოდ 18 წლისა იყო, მაგრამ ფიზიკურად ისეთი ძლიერი, მაღალი და ლამაზი იყო, ტყვია მართლაც ვერ მოერეოდა. — სამაჩაბლოდან მშვიდობით დამიბრუნდა ჩემი გივიცო, სიყვარული მას ამერიკაში იხმობდა, ყველა საბუთი გაშაადებული გვქონდა. თვითმფრინავის ბილეთის ჯავშნის ქვითარსაც კი ინახავს გამწარებული დედა, მაგრამ ამ დროს ატყდა აფხაზეთში ომი, ჩემს გივიკოს ერთი წუთიც კი არ უფიქრია, იარაღი აიღო ხელში და წაეიდა სამშობლოს მიწის დასაცავად: დედი, რომ დაებრუნდები, ამერიკაში მერეც მოვასწრებ წასვლას, ტატა და სიყვარული მოიცდის, სამშობლოს კი გაჭირებაში ვერ დაეტოვებო. წაეიდა და 1992 წლის 19 აგვისტოს ოჩამჩირის მისადგომებთან მტრის უღმობელმა ტყვიამ არც გივიკოს სილამაზე, სიყვარული, ოჯახი და სამშობლოსათვის ანთებული გული არ დაინდო...

(გაზეთი „თბილისი“, 18 დეკემბერი, 1992 წელი. ფილოლოგიის მეცნიერებათა კანდიდატი ქეთევან გოდერძიშვილი გახსენებაში წერს): „19 დეკემბერს 19 წელი უნდა გეზეიმა, გივიკო, მაგრამ მშობლიური მიწის სიყვარულით ანთებული 19 აგვისტოს დაასრულე ოცნებებით გავარდისფერებულმა სიყვარულმა მტრის უღმობელმა ტყვიამ არ დაგინდო, მაგრამ იმავე ტყვიამ გაქცევა გმირად შორეული ქვეყნისაკენ გიხმობდა შენი ტატა, ჩქარობდი კიდევ მასთან წასვლას. ეს ბუნდური დღეც არ იყო შორს, გული ატლანტის შტატისაკენ გეწეოდა, მაგრამ ქართული მიწის კვნესა მოსვენებას არ გაძლევდა. სამაჩაბლოდან წამოსული აფხაზეთის გზას დაადექი. ეს შენი მიწის ძახილი იყო.“

მიჰყევი მას და... ამაღლდი.

ვაი რომ, სულეთს წასვლამდე შენ და ბევრმა შენისთანა ვაჟკაცმა ვერ მოასწარიტ მომავლის იმედატ დაგეტოვებინატ „აღვეტს ლეკვები შგლისანი“.

გივიკოს დაკრძალვაზე ტატამ ჩამოსვლა ვერ მოახარბა, მაგრამ გვირველნი მოიტანეს მისი შეკვეთით:

გივიკო!

„უღმობელი ბედისწერა ვერ მოკლავს ჩვენს სიყვარულს“

შენი ცრემლიანი ტატა.

ქალბატონი ლარისა დღეს ტატას წერილებით საზრდოობს, რომელიც ჩვეული სიყვარულიტ და სიტბოტი სავე წერს მას, ჩემი სული ტქვენთან არის, მე აქ მხოლოდ ფიზიკურად ვარსებობო.

ქალბატონმა ლარისამ ტქვა: ჩემი გივიკო საბურთალოზე „მმათა სასაფლაოზეა“ დაკრძალული, მე რატომდაც არ მინდოდა ქვაზე სურათი გამეკეთებინა, მაგრამ ტატამ მომწერა და მთხოვა: „მართალია, მის სიღამაზეს ვერც ქაღალდი და ვერც ქვა ვერ აღიქვამს და გამოხატავს, მაგრამ სურათი მაინც გააკეთე ტქვაზე და ჩემს სახელზე წარწერაც გაუკეთე: „თვით უკვდავებაც არ არსებობს უსიყვარულოდ“... შენი ტატა.

გივი გიორგის ტე რობაქიძე სიკვდილის შემდეგ დაჯილდოვდა ვახტანგ გორგასლის II ხარისხის ორდენით.

ნარკიზა ლომთაძე

თბაში დამთავრებულია! ანუ შვაითხვა: მკვდრები საფლაპიდან ღებბიან?

ყოველი ჭეშმარიტი მამულიშვილისათვის უპირველესი და უწმინდესი ხატო სამშობლო, მისი ერთიანობა და თავისუფლება ვახლავო.

ეს ჭეშმარიტება კარგად გვესმის აფხაზეთის ქართველობას, რამეთუ უკანასკნელი ათეული წლების მანძილზე აშკარად ვხედავდით, თუ როგორ ცდილობდნენ ჩამოეშორებინატ საქართველოსათვის ეს უღამაზესი და უმშვენიერესი მხარე, როგორი სითავხედითა და დაუნდობლობით ანგრევდნენ, პირისგან მიწისა ჰგვიდნენ აფხაზეთის ქართულ არქიტექტურულ ძეგლებს, დამშვენი-

ბულთ ქართული ასომთავრული წარწერებითა და ორნამენტებით.

აფსუა სეპარატისტები, გაბანგულნი ისლამური იდეოლოგიით, ძველისძველი ქართული ქრისტიანული კულტურის მემკვიდრეობა დაღწეულნი და ცალკე მერითის მშენებლობაზე ოცნებობდნენ, ცალკე მერითის რუსული იმპერიის გულის მოსაგებად თითქოსდა აფხაზეთის კრასნოდარის მხარესთან მიერთების პროეციციების ცდას ახდენდნენ. ამ ქაოტურმა, შავმიზნურმა თამაშმა განსაზღვრა ვლადისლავ არძინბასა და ძმათა მისთა ალიანსი, ე. წ. კავკასიის ხალხთა კონფედერაციის სამი ყრილობის ჩატარება ქართულ მიწაზე — სოხუმსა და ცხინვალში, ბოლოს კი მიმდინარე წლის ივლისის თვეში აფხაზურ-ადიღური ფესტივალი ქალაქ სოხუმში და ამ ფესტივალის ნიღბით აფხაზეთში შემოზიდული აურაცხელი იარაღი, აქ შემოსული ჯდა ჩა-საფრებული ასობით კავკასიელი ვადამთიელი ბოვეკი. სწორედ მათი იმედითა და წაქეზებით მოხდა აფსუა და ბლოკ „სოიუზის“ მიერ არჩეული დეპუტატების მიერ აფხაზეთის მოსახლეობის უმრავლესობის ინტერესების საწინააღმდეგო, ანტიკონსტიტუციური აქტების მიღება, მათ შორის „აფხაზეთის რესპუბლიკის“ გამოცხადება, ისლამური დროშისა და სხვა სახელმწიფო სიმბოლიკების მიღება, მონონაციონალური აფხაზური გვარდიის შექმნა და მისი არძინბაზე დაქვემდებარება, რომლის წყალობით მთელი აფხაზეთის მოსახლეობა — ქართველი თუ არაქართველი — მძევლის მდგომარეობაში აღმოჩნდა.

ოდით სვანო-კოლხური ქრისტიანული აფხაზეთი შუასაუკუნოვან ისლამურ სამთავროს დაემსგავსა: ისლამური დროშები აფხაზეთის უმაღლესი საბჭოსა და მინისტრთა საბჭოს შენობებზე, აეროპორტსა და „აფხაზეთ-სამეგრელოს“ საზღვრებზე, ენგურთან. ახალი დიქტატორული მმართველობის შემოღება აფხაზეთის ყველა რაიონსა თუ ქალაქში, რომელთა მეთაურები მხოლოდ ერთ პიროვნებას — მანიაკ არძინბას ეპორჩილებოდნენ. უზუნაესი საბჭოს და მინისტრთა საბჭოს აპარატი ხომ მთლიანად აფხაზური ეროვნების წარმომადგენლებით დაკომპლექტდა.

სოხუმში, ქალაქის აღმასრულებელ კომიტეტში ასეთ კურიოზსაც ჰქონდა ადგილი: არძინბას მიერ ქალაქის ახლადშექმნილი აღმინისტრაციის მეთაურის (რასაკვირველია, ანტიქართველის!) მითითებით ქართველ თანამშრომელთა კაბინეტებს უქმე დღეს გასაღებები გამოუცვალეს და ათეული წლობით ნაღვაწ-წამუშევარი ქართველი მუშაკები ქუჩაში დატოვეს. რასაკვირველია, ეს კაბინეტები ყველა, უკლებლივ, აფხაზი ეროვნების წარმომადგენლებმა დაიკავეს. მათ შეუვალობას ე. წ. აფხაზური გვარდია იცავდა.

აფხაზეთში ჩვეულებრივი და აშკარა გახდა ცინიკური მოწოდება: „ყველა ქართველი აფხაზეთიდან ენგურგაღმა“... ამ მოწოდების ცხოვრებაში განხორციელებისათვის ყველაფერს აკეთებდნენ აფხაზი სეპარატისტები.

აბა, ამის შემდეგ რა დარჩენილათ საქართველოს ხელისუფალთ, თუ არა სამართლიანობის აღდგენა აფხაზეთში?!

მტერი, რომელიც განსაკუთრებით მოეძალა დღეს თავისუფლებისა და ერთიანობისათვის მებრძოლ საქართველოს, ყოველნაირად ცდილობს რესპუბლი-

კის მთავრობის მიერ გადადგმულ ყოველ სამართლიან ნაბიჯში პროლოკაცი
დაინახოს.

აბა სხვანაირად როგორ უნდა გავიგოთ ამოდენა ხმაური რომ ქართული გვარდია მის მშობლიურ, ღვიძლ მიწაზე — აფხაზეთში შემოვიდა სამართლიანობისა და წესრიგის დასამყარებლად და შინაური თუ გარეული მოლაპებნი მას აგრესორს უწოდებენ?!

განა სადმე ან ოდესმე გავიგიათ საკუთარი მიწა-წყლის აგრესია?!

ყველა უბედურების მიზეზი, რაც ღღეს აფხაზეთს დაატყდა თავს, ის ვახლავთ, რომ აფხაზმა სეპარატისტებმა, რომლებიც ძირითადად გუდაუთური ისლამური კლანისაგან შედგება და, რომელსაც ვლადისლავ არმინბა და აფხაზური სახალხო ფორუმის — „აიდეილარას“ სპიკერი სერგეი შამბა უდგას სათავეში, ნამდვილ ქრისტიანულ აფხაზობას დააიწვეს, თუ აიძულეს დაევიწყებინათ თავიანთი წარსული, როცა აფხაზი სახლს აშენებდა და სარკმელს აღმოსავლეთისაკენ ატანდა, ნიშნად ქართველთან ძმობისა და თანადგომისა. ღღეს ეს პირწავარდნილი კარიერისტები და უცხო ძალთა ლაქიები, დახარბებულნი რბილ და თბილ სავარძლებს, ყველა ქართველში მტერსა და აგრესორს ხატავენ, რათა ხაზი გადაუსვან ყოველივე ქართულსა და ქრისტიანულს და თვალი იქეთკენ უჭირავთ, საიდანაც თავად არიან ჩამობრძანებულნი.

ისლამს ადიდებდე, მუჰამედს ქედს უხრიდე და თან, როგორც ზემოთ აღვნიშნეთ, სვანო-კოლხური ქრისტიანული ცივილიზაციის მემკვიდრედ და ბატონპატრონად მივიჩნიდეს თავი, პარადოქსულიცაა და აბსურდულიც.

გამაოგნებლად მკრეხელური იყო საქართველოს რესპუბლიკის უზენაესი საბჭოს ყოფილი თავმჯდომარის, ტრადიციონალისტთა კავშირის სპიკერის აკაკი ასათიანის ამასწინანდელი ორგზისი გამოსვლა საქართველოს ტელევიზიით, როცა იგი იაფფასიანი, გულისამაწყუებელი მოჩვენებითი კეთილშობილებით მოუწოდებდა ქართველ ხალხს და საქართველოს ამჟამინდელ ხელისუფალთ, გამოიჩინონ გულმონწყალება და ისევ დაუთმონ (უკვე მერამდენედ!) აფხაზ სეპარატისტებს იმ მიზეზით, რომ აფხაზები საქართველოში უმცირესობას წარმოადგენენ.


კარგი დაგემართოს, რადგან უმცირესობა ხართ, მაშ, ჩემს ხარჯზე უნდა იცხოვრო და ჩემი სისხლი უნდა წოვო!.. დიახაც, ვერაფერი ლოგოკაა!

ბატონ აკაკის უნდა შევახსენო ანბანური ისტორიული ჭეშმარიტება, რომ ღღემდე გაბატონებული ყველა კლასი, ფენა თუ კლანი დიახაც უმცირესობას წარმოადგენენ, ხოლო უმრავლესობა — ექსპლოატორებულს. სწორედ მსგავს გაბატონებულ და ექსპლოატორულ კლანად აქცია იმპერიულმა ძალებმა აფხაზი და ოსი ექსტრემისტები და მათი დამქაშები საქართველოში.

გარდა ამისა, გულცივი მამინაცვლის კეთილშობილებას იჩენს ბატონი აკაკი, როცა გულმონწყალედ მფარველობს აფხაზ ექსტრემისტებსა და სეპარატისტებს, რომელთაც ასე უმონწყალადა და გულქვაობით დაგვახვიეს თავს გადამთიელი ბანდიტები.

ჯერ ერთი: თუ აფხაზეთი მართლაცდა საქართველოა, მაშინ არამც და არამც ქართულმა ჯარმა არ უნდა დატოვოს აფხაზეთის ტერიტორია. ჩვენ, აფხაზეთის ქართველობა რამდენადმე უფრო ძლიერი და მტრულად ვანი ვართ, ვიდრე სამაჩაბლოს ქართველობა. ამიტომ დროა, მორჩილებისა და მონობის სინდრომი მოვიშოროთ, ძილბურანიდან გამოვიდეთ და 250 ათასი ქართველიდან 30-მა ათასმა მაინც ავიღოთ იარაღი ხელში, რომ ჩვენი თავი ჩვენვე დავიცვათ. მაშინ მე მგონია, ვერც შინაური და ვერც გარეული მტერი ჩვენ ვერ დაგვჩაგრავს.

ჯანო ჯანელიძე



არჩილ
როზომაშვილი

დაიბადა ქალაქ ყვარელში 1968 წლის 28 იანვარს. სწავლობდა ყვარლის სკოლა-ინტერნატში. სკოლის დამთავრებისთანავე დაიწყო მუშაობა ახმეტის რაიონის სოფელ ზემო ალვანის საბჭოთა მეურნეობაში მწყემსად.

იყო საქართველოს რესპუბლიკის შეიარაღებული ძალების განსაკუთრებული დანიშნულების ბატალიონის წევრი. (ზემდეგი).

დაიღუპა 1992 წლის 2 ოქტომბერს ქალაქ გაგრაში.

დარჩა დედა - ლენა როზომაშვილი.


ძმები - გელა, ბაკური, ჯუმბერი ჯიმი, და - ნანა.

არჩილ როზომაშვილი სიკედილის შემდეგ დაჯილდოვდა ვახტანგ გორგასლის III ხარისხის ორდენით.



**ვლადიმერ
საბაშვილი**

ვლადიმერ (რომა) ანატოლის ძე საბაშვილი დაიბადა 1967 წლის 23 იანვარს, თბილისში. გაიზარდა ბორჯომში, აქვე დაამთავრა ბორჯომის რუსული საშუალო სკოლა. გაიარა სავალდებულო სამხედრო სამსახური, მუშაობდა ავტოგასამართ სადგურში. იყო თავმდაბალი, წყნარი, უყვარდა მეგობრები, სამშობლო. აფხაზეთში საომრად წავიდა 1992 წლის 30 აგვისტოს, იბრძოდა გაგრის მისადგომებთან. აქვე დაიღუპა 23 სექტემბერს. დარჩა მუულღე, ჯედა და წლისა და ოთხი თვის ვაჟი.



მეკლუდ საბაშვილი

მეკლუდ მირიანის ძე საბაშვილი დაიბადა 1972 წლის 2 სექტემბერს, გორის რაიონის სოფ. ქვემო არცევი. 1978 წელს შევიდა ქვეშის საშუალო სკოლაში, დაამთავრა 8 კლასი. მას ჰქონდა ხატვის დიდი ნიჭი და 1987 წელს შევიდა ცხინვალის სამხატვრო, სასწავლებელში, სადაც 4 წელი ისწავლა და ბრწყინვალედ დაამთავრა სამხატვრო სასწავლებელი 1991 წელს.

სამხატვრო სასწავლებლის დამთავრების შემდეგ დანიშნული იყო ქვეშის საშუალო სკოლაში ხატვის მასწავლებლად, მაგრამ მას აღმოეთება სამშობლოს ბედი და ჩადგა მის დამცველთა რიგებში. მეკლუდი პირნათლად ასრულებდა სამხედრო დავალებებს, რის გამოც ყველას უყვარდა. 1992 წლის 12 აგვისტოს შედის სოხუმში, სამშობლოს მიწის დასაცავად. მას ბევრი სურვილი ჰქონდა ჩაფიქრებული, მაგრამ... მტრის ტყვიამ აღარ დააცალა და 1992 წლის 31 აგვისტოს გმირულად დაეცა ეშერასთან ბრძოლის დროს. 2 სექტემბერს კი მის მშობლებს და მეგობრებს მისი დაბადების დღე უნდა ეხეიმათ.

ზუსტად სექტემბერში, ზუსტად იმ ორში მას ოცი წელი უსრულდებოდა. დაბადების დღეს ვუხდიდით მეკლუდს, მაგრამ ეს დღე მას სიკვდილმა გადაუხადა. ზუსტად იმ დღით დედას გმირულად დაღუპული შვილის სიკვდილი ამცნეს.

მეკლუდის სახელი სამარადისოდ იცოცხლებს მისი მეგობრების გულში.

მეკლუდ საბაშვილის მეგობრები



როინ სამსონიძე

22 წლის სიცოცხლით სავსე ჭაბუკი ახალციხის რაიონის სოფელ გიორგი-წმინდიდან იყო. მან ყველაფერი მოასწრო, ორი ვაჟი — 5 წლის ბესიკი და 4 წლის ბექა დაუტოვა საქართველოს, კაი ყმის, გმირი ვაჟკაცის სახელი შეიღებეს.

სკოლა გიორგიწმინდაში დაამთავრა, შემდეგ იყო სავალდებულო სამხედრო სამსახური, დაოჯახება. მაგრამ როცა სამშობლოს მისი ვაჟკაცობა დასჭირდა, ის უყოყმანოდ ჩაირიცხა მოხალისედ ბატალიონ „ავაზაში“, წავიდა აფხაზეთში და გმირულად იბრძოდა. ყველასათვის საყვარელი, თბილი, ენატკბილი იყო როინი. ბიჭები მოფერებით „სალამურას“ ეძახდნენ.

2 ივლისს, დესანტის გადმოსხმის დღეს, იგი ვაჟკაცურად შეეგება მტერს და გმირულად დაეცა ბრძოლის ველზე.

დაკრძალულია მშობლიური სოფლის სასაფლაოზე.



თეიმურაზ სამხარაძე

თეიმურაზ (თემო) რობერტის ძე სამხარაძე დაიბადა ქ. თბილისში 1972 წლის 13 მაისს. 1978 წელს სასწავლებლად შევიდა თბილისის ახალგაზნდ 71-ე საშუალო სკოლაში, რომლის დამთავრების შემდეგ, 1989 წელს ჩააბარა მისაღები გამოცდები კუბიბიშევის (ახლანდელი სამარის) რკინიგზათა მშენებლობის ინსტიტუტის გზათა მშენებლობის ფაკულტეტის დაუსწრებელი სწავლების განყოფილებაზე და დახურა 3 კურსი.

ქართულ ტრადიციებზე აღზრდილ ვაჟკაცს კიდევ უფრო განუმტკიცა სამშობლოს სიყვარული დეაწლმოსილმა პედაგოგმა ბატონმა თედო კოზირიძემ, რომელმაც თავის სადამრიგებლო კლასში შექმნა ეროვნული სულიკვეთების გამომჟღავნების, საქართველოს წარსულის შეფასების, აწმყოს გათავისებისა და ბედნიერი მომავლის იმედის ატმოსფერო.

თემურისათვის ბედნიერება მხოლოდ თავისუფალ, ეკონომიურად და პოლიტიკურად ძლიერ საქართველოში იქნებოდა სრულყოფილი, რაშიც დაგვარწმუნა მისმა ხანმოკლე, მაგრამ ასაკისათვის ძნელად შესაფერმა განვლილმა გზამ.

1988 წლის ნოემბერში მან პირველმა ააფრიალა დამოუკიდებელი საქართველოს დროშა სკოლის შენობაზე და წინ გაუძღვა საკუთარი და მეზობელი სკოლების მოწაფეებს მშობელი ქვეყნის დამოუკიდებლობისათვის ბრძოლის გზაზე. ნაადრევად დაავაჟკაცა, როგორც ბევრი მისი თანატოლი, 1988 წლის ნოემბერში, 1989 წლის თებერვალსა და 9 აპრილს გადატანილმა ქართველი ერისათვის დაუვიწყარმა სულეერმა და მორალურმა განცდებმა და პატივი ზედა გამხდარიყო საქართველოში პირველი დისიდენტური ორგანიზაციის სრულიად საქართველოს ილია ჭავჭავაძის საზოგადოების ყველაზე ახალგაზრდა წევრი.

სისხლის ყვილისა და ძლიერი გუნის გამოვლენის პირველი ხიშანი გემონდა მის მიერ, ჯერ კიდევ 1987 წელს, 15 წლის ასაკში დაწერილ და შემდგომში კონსპირაციულად გავრცელებულ წერილში სათაურით „როგორ მოვუპოვოთ საქართველოს დამოუკიდებლობა“. წერილში ნათლად იგრძნობა შობლობათვის გულანთებული ყმაწვილის სადი აზრი და ძლიერი სურვილი: „მე ვიცი, მრავალი პრობლემა მჩხება გასაანგარიშებელი. ზოგი შეიძლება ჩემთვის უცნობია, ზოგიც ნაცნობი, მე ჯერ ყმაწვილი ვარ და ეს ჩემთვის დასანახავია. რაც დავინახე, დაწერე და ცხოვრების მანძილზე რასაც დავინახავ, კვლავ დაწერ“. წერილის დასასრულს კვითხულობთ — „მე ლექსებს ვერ დაწერ საქართველოზე, რადგანაც პოეტური ნიჭი არ გამაჩნია! მეც ქართველი ვარ, ნამდვილი ქართველი და ყოველთვის მზად ვარ ვემსახურო საქართველოს!“

ფიზიკურად უზადოს, გონიერსა და ზნეკეთილს არც უღალატია არჩეული გზისათვის. ძლიერი სულით და ნათელი რწმენით შეძლო ჩამოეყალიბებინა ახალგაზრდული საქველმოქმედო კავშირი „ჭერეთი“, რომელმაც მიზნად დაისახა დანერგული ისტორიული ძეგლების აღდგენა საქართველოს სასაზღვრო ზონებში. 1990 წლის ზაფხულში თემურის ხელმძღვანელობით სტუდენტებისაგან შემდგარმა თანამოაზრეთა ჯგუფმა დაიწყო გამწმენდი სამუშაოები ძველი ჭერეთის ტერიტორიაზე არსებული VI საუკუნის მხალგორის წმინდა გიორგის ეკლესიის (სავარაუდო სამონასტრო კომპლექსი) ტერიტორიაზე.

1991 წელს აღნიშნულ ძეგლზე მეცნიერებათა აკადემიის არქეოლოგიური კვლევის ცენტრის პრეზიდენტმა საპატრიარქოსთან და ძეგლთა დაცვის სამინისტროსთან შეთანხმებით გასცა ღია ფურცელი სამუშაოების ჩასატარებლად. იმავე წლის ზაფხულში სტუდენტთა უფრო გაზრდილი ჯგუფის თანხლებით გააგრძელა ძეგლის აღდგენისათვის აუცილებელი წინასწარი მოსამზადებელი სამუშაოები არქეოლოგის, არქიტექტორის და ბოდბის ეპარქიის წარმომადგენლის მონაწილეობით.

აქტიური მონაწილეობა მიიღო ზურაბ ჭავჭავაძის საქველმოქმედო ასოციაციის დაარსებაში და იყო მისი ერთ-ერთი დამფუძნებელი.

1991 წლიდან იყო მხედრიონის ქართველ მასშველთა კორპუსის მებრძოლი და ყველა ცხელ წერტილში იარაღით იცავდა სამშობლოს საოცნებო თავისუფლებასა და ერთიანობას.

1992 წლის ზაფხულში დაინიშნა ილია ჭავჭავაძის საზოგადოების წევრთაგან შემდგარ მოხალისეთა სამხედრო შენაერთის „ილიას ლაშქრის“ მეთაურად.

1992 წლის 30 ოქტომბერს აფხაზეთში — საქართველოს ძირძველ მიწაზე მიმდინარე ბრძოლების დროს, მტრის 8 ტყვიით დაჭრილმა ვაჟაკმა 31 ოქტომბერს, გამთენიისას, 5 წლის წინ ნაფიქრალით — „მეც ქართველი ვარ, ჩამდელი ქართველი და ყოველთვის მზად ვარ ვემსახურო საქართველოს“, მიიტანა თავი საოცნებო სამშობლოს სამსხვერპლოზე. მისი უკანასკნელი სიტყვები იყო „გაუმარჯოს საქართველოს!“

ღირსეული პატივი მიაგო ქართულმა მართლმადიდებელმა ეკლესიამ სამშობლოს ღირსეულ შვილს, უწმინდესისა და უნეტარესის სრულად საქართველოს კათალიკოს პატრიარქის ილია II-ის განკარგულებით კანონიერად წესის აგება ჩატარდა ქაშუეთის ეკლესიაში. თემურ სამხარაძის ხელმოწერით ცხედარი ამავე ეკლესიიდან გამოასვენეს 1992 წლის 7 ნოემბერს.

დაკრძალულია თბილისის საბურთალოს ძმათა სასაფლაოზე.

მისი ხანმოკლე, მაგრამ ღირსეულად გატარებული ცხოვრებითა და კაცური სახელით ამაყობენ მისი ორი ძმა, მისი მშობლები, ძმისშვილები, ნათესავები და მეგობრები.



**ირაკლი
სამხარაძე**

ირაკლი შალვას ძე სამხარაძე, დაბადებული 1962 წლის 30 ნოემბერს, ონის რაიონის სოფელ ღარში. ეროვნებით ქართველი, განათლება საშუალო-პროფესიული, ცოლშვილიანი.

სოფელ ღარის რეაწლიანი სკოლის დამთავრების შემდეგ სწავლა გააგრძელა ქუთაისის 131-ე პროფსასწავლებელში.

1982 წლის მაისში გაიწვიეს სამხედრო სავალდებულო სამსახურში.

1992 წლის ოქტომბერში მოხალისედ შევიდა ეროვნული გვარდიის „ავაზას“ ბატალიონში და იბრძოდა საქართველოს ტერიტორიული მთლიანობის დასაცავად ოჩამჩირის რაიონის სოფელ ლაბრაში. 23 დეკემბერს ერთ-ერთი საბრძოლო ოპერაციის დროს გმირულად დაიღუპა.


დასაფლავებულია ონის რაიონის სოფელ ღარის სასაფლაოზე.



ვეფხვია ბახუტის ძე სანაია დაიბადა 1969 წლის 1 მაისს, თბილისში, ონკნის სოფელ კონარაში.

დაიღუპა 1992 წლის 5 დეკემბერს.

სამშობლო არ დაივიწყებს მისი ღირსეული შვილის სახელს!



ანზორ
სარალიძე

ანზორ ვიორგის ძე სარალიძე დაიბადა 1947 წელს, თელავში.

იყო ეროვნული გვარდიის ქიმიური სამსახურის ოფიცერი. იბრძოდა აფხაზეთში.

გმირულად დაიღუპა. დარჩა მეუღლე და ერთი შვილი.

ანზორ სალარიძე სიკვდილის შემდეგ ვახტანგ გორგასლის II ხარისხის ორდენით დაჯილდოვდა.

ეროვნული გვარდიის სამმართველო



თეიმურაზ სახამაშვილი

თეიმურაზ მამიას ძე სახამაშვიდე დაიბადა 1964 წელს ქუთაისში. 1971 წელს სწავლა დაიწყო თბილისის მე-8 საშუალო სკოლაში. შემდეგ სწავლობდა 85-ე საშუალო სკოლაში, რომელიც დაამთავრა 1981 წელს.

1981-1982 წ.წ. მუშაობდა თბილისის სახელმწიფო საპროექტო ინსტიტუტში, საძიებო განყოფილებაში.

1982 წელს ჩაირიცხა თბილისის პოლიტექნიკური ინსტიტუტის რუსთავის ფილიალის ქიმიურ ფაკულტეტზე, პარალელურად მუშაობდა რუსთავის ქიმიურ ქარხანაში. პირველი კურსის დახურვის შემდეგ გაიწვიეს საბჭოთა არმიის რიგებში. სავალდებულო სამხედრო სამსახურის დამთავრების შემდეგ სწავლა განაგრძო თბილისის პოლიტექნიკური ინსტიტუტის დღის დასწრებულ განყოფილებაზე, ქიმიურ ფაკულტეტზე, რომელიც დაამთავრა 1985 წელს. განაწილებით ერთი წელი იმუშავა მეტეხის აგურის ქარხანაში ცვლის უფროსად. ამის შემდეგ მუშაობას აგრძელებს თბილისის ფარმაცევტულ ქარხანაში.

1992 წლის 1 აგვისტოდან 1993 წლის 9 ივლისამდე იმსახურა ქართულ ეროვნულ გვარდიაში, ორხევის ცალკეული ასეულის მეთაურის მოადგილედ. მინიჭებული ჰქონდა კაპიტნის წოდება. მონაწილეობდა აფხაზეთში საომარ მოქმედებაში.

1993 წლის 9 ივლისს თეიმურაზ სახამაშვიდე გმირულად დაიღუპა აფხაზეთში ტამიშის ხიდთან მოწინააღმდეგის ღესანტის შემოტევის დროს.



ბასიკ საპისკვირაძე

დაიბადა 1967 წლის 6 თებერვალს ქარელის რაიონის სოფელ აბანოში.
დაიღუპა სამაჩაბლოში.
ღმერთო, აცხონე მისი სული!

ვიტალი სევორიანი

ვიტალი გიორგის ძე სევორიანი დაიბადა 1969 წლის 22 მარტს თბილისში, აეროპორტის დასახლებაში ცხოვრობდა და საპარაშუტო სპორტი იზიდავდა. საწადელს მიაღწია კიდევ, თანრიგოსანიც გახდა. ამასთან გატაცებული იყო ხატვით, ხატავდა ტუშით. ავღანეთის ომშიც მიიღო მონაწილეობა. ბატალიონში გამოირჩეოდა თავდაჭერილობით. თბილისის აეროპორტში ყველას უყვარდა და აფასებდა ალალმართალ, გამოირჩეულ ბიჭს, რომელიც თავდაუზოგავად იბრძოდა საქართველოს სახელისათვის, იტაცებდა სპორტი: საპარაშუტო ხტომა, თუ კარატე, ბავშვების აღზრდა სპორტულ სკოლაში და მრავალი სხვა, იყო ზედმიწევნით მუსიკალური და ლექსის მოტრფიალე, სწავლობდა იურიდიულ ფაკულტეტზე.

საქართველოს მთლიანობას საფრთხე დაემუქრა და ვიტალი სევორიანი სამშობლოს დამცველთა რიგებშია, მოხალისედ, ავღანელ ბიჭებს შეუერთდა.

სამი ნოემბერი საბედისწერო გამოდგა მისთვის. შრომა – ახალშენთან უთანასწორო ბრძოლაში დაიღუპა.

თბილისელებს კარგად ახსოვთ როგორ გამოასვენეს კინოს სახლიდან აფხაზეთში დაღუპული ოთხი ავღანელი. ერთი მათგანი ვიტალი სევორიანი იყო.

ნაწევრი ვიტალის დღიურიდან: „სიცოცხლე ბედნიერებაა. მე ბედნიერი ვარ, რომ ცოცხალი ვარ. სიცოცხლე უნდა გამოსცადო — სიყვარულიც, ღარი- დიც, ბედნიერებაც, უბედურებაც, მაშინ შეიძლება წახვიდე ამ ქვეყნიდან“
 ასეთი იყო თბილისელი ბიჭი ვიტალი სევერიანი.
 ვიტალი სევერიანი სიკვდილის შემდეგ დაჯილდოვდა ვახტანგ გორგასლის II ხარისხის ორდენით.



**ვლადიმერ (ვოვა)
 სელეპანოვი**

ვლადიმერ (ვოვა) ალექსანდრეს ძე სელეპანოვი, ეროვნებით სომეხი, და- ბადა 1968 წლის 25 სექტემბერს, ქ. თბილისში, მოსამსახურის ოჯახში 3-დან 6 წლამდე იზრდებოდა პირველ ექსპერიმენტალურ ბაღში. 1974 წლიდან 1985 წლამდე სწავლობდა თბილისის 52-ე საშუალო სკოლაში, რომელიც დაამთავ- რა კარგი მანქანებლებით. იმავე წელს ჩააბარა გამოცდები პოლიტექნიკურ ინსტიტუტში და ჩაირიცხა სატრანსპორტო ფაკულტეტზე. სკოლაში სწავლი- სას პარალელურად დაამთავრა მუსიკალური შვიდწლელი ფორტეპიანოს განხ- რით, იქვე დაიწყო ვარჯიში სპორტის სახეობებში, განსაკუთრებით უყვარდა მძლეოსნობა — სირბილი დიდ დისტანციებზე — იყო თანრიგოსანი, ხშირად გამოდიოდა სპორტულ შეჯიბრებებში სკოლის, ინსტიტუტის, რაიონის, ქალა- ქის, რესპუბლიკის სახელით. მიღებული აქვს მრავალი დიპლომი და მედალი. 1985 წლის პირველ სექტემბრიდან ვოვა სტუდენტია. ორი კურსის დახურვის შემდეგ გაიწვიეს ჯარში. სავალდებულო სამხედრო სამსახური 1987-1989 წლებში გაიარა ყაზახეთის ტერიტორიაზე. ძალიან მძიმე კლიმატურ პირო- ბებში — საიდუმლო სარაკეტო სახეობის ჯარში. 1989 წლის აპრილის ბოლოს გაერკვა ეროვნულ მოძრაობაში, გაიგო სად რა პარტიები იყო და რა მიზნები ამოძრავებდათ მათ, ესწრებოდა დემოკრატიული პარტიის მიტინგებს. მეხუთე

კურსზე იყო, როცა გადაწყვიტა აფხაზეთში წასვლა. აგვისტოს ბოლოს გარბინა-
დღა ვაკის რაიონის სამხედრო კომისარიატში და ითხოვა გაწვევა აფხაზეთში —
მოხალისედ. 1 სექტემბერს თვითონვე გაიმზადა ჩანთა და გაუდგა ვახს, სეხლში
დაიბარა, თითქოს მივლინებით მიდიოდა ვოლგოგრადში 2 კვირის განმავლობაში
შობდა ასოციაცია „იბერიაში“ მენეჯერ-კომერსანტად, ორი კვირის შემდეგ 15
სექტემბერს ინსტიტუტში დაიწყო სწავლა და მაშინ ვახსა ცნობილი, რომ ვოვა
იმყოფებოდა გავრაში, სადაც 37 დღე დაჰყო და 7 ოქტომბერს თავის 103-ე
ბატალიონის გადარჩენილ წევრებთან ერთად დაბრუნდა თბილისში. დაბრუნდა
დაღლილი, დაჭრილ-დასახინჩრებული, ნაომარი, სხეულზე ჰქონდა უამრავი
ჭრილობა, მარცხენა ყურიდან სისხლი სდიოდა, მარჯვენა თვალიდან — ცრემ-
ლისმაგვარი სითხე, მარცხენა მუხლი დამტკვრეული ჰქონდა, გულთან ხორცი
ამოგლეჯილი, მკლავი ნატყვიარი... საჭირო იყო მისი სასწრაფო მკურნალობა,
მაგრამ მან ჯერ მოინახულა დაჭრილი და ცოცხლად გადარჩენილი თანამებრ-
ძოლები, ხოლო 19 ოქტომბერს დილით ისევე გაუფრთხილებლად „გაიპარა“
აფხაზეთში და, აი, საბედისწერო დავალება: 2 ნოემბერს, მდინარე გუმისთის
ხეობაში, როდესაც დაზვერვაზე გავიდნენ ის და მისი 3 თანამებრძოლი, მოუ-
ლოდნელად მათ თავს დაესხა გადამთიელთა ბრბო და შესთავაზეს: „დაყარეთ
იარაღი და ტყვედ დაგვუბდითო“. ამ მოთხოვნაზე ვოვას 3 თანამებრძოლი ტყვედ
გადავიდა. ვოვა დარჩა მარტო პირისპირ უამრავი მტრის წინაშე. ვახსნა ცეც-
ხლი და კიდევაც გამოასალმა სიცოცხლეს რამდენიმე გადამთიელი, მაგრამ ისინი
ბევრნი აღმოჩნდნენ და ვოვა ცეცხლსასროლი იარაღებით დაცხრილეს — ასე
დაასრულა მან თავისი 24 წლის სიცოცხლე და შეეწირა საქართველოს მთლი-
ანობისა და დემოკრატიის წმინდა საქმეს. ვოვა იბრძოდა თავგანწირვით, შეუ-
პოვრად, გმირულად და დაეცა ბრძოლის ველზე სრულიად ვალმოხდილი სამ-
შობლოსა და ხალხის წინაშე.



**ჯეირან
 სილაგაძე**

ჯეირან ჭიჭიკოს ძე სილაგაძე დაიბადა ცაგერას რაიონის სოფელ მახაში 1966 წლის 3 მარტს.

1982 წელს დაამთავრა საშუალო სკოლა, მოიხადა სამხედრო სავალდებულო სამსახური. დაბრუნების შემდეგ შეირთო ცოლი. ჰყავდა ორი შვილი — 5 წლის თეონა და 3 წლის შოთიკო. ცხოვრობდნენ ტკბილად, შემდეგ საცხოვრებლად გადავიდნენ სოხუმში, სოფელ ლკარდიაში, სადაც მალე დაიწყო ომი. ჯეირანი ორჯერ დაიჭრა, მაგრამ გული მაინც სოხუმში უწევდა და აი 16 მარტს გუმისთასთან ააფეთქეს 27 წლის ვაჟკაცი, რომელსაც მოგლიჯეს გული და მარჯვენა მკლავი.

ზვარაკად შეწირულ სულებს შეუერთდა მისი ლამაზი სული.

მეუღლემ ბევრი წვალეზას შემდეგ, მიცვალებული თავის მშობლიურ სოფელ მახაში ჩაასვენა და წინაპართა საძვალეს მიაბარა.

ჯეირან სილაგაძე სიკვდილის შემდეგ დაჯილდოვდა მედლით „მხედრული მამაცობისათვის“.

* * *

დიახ! თუ მოძმეთ გამოადგება
 ჩემი სიკვდილი, მზადა ვარ შეცა...
 გამოღვიძებულს სურვილს ქვეყნისას
 ელს მოუმართავს, მრწამს მე, თვით ზეცა!..

ს კ ა კ ი



გურამ სიხარულიძე

„გამარჯობათ, დედეზო, დეზო, ყველა მოკეთევ! მივდივარ აფხაზეთში საბრძოლველად. ნუ ინერვიულებთ. მე ვალდებული ვარ ჩემი მშობლების, ჩემი წინაპრების გულისათვის თავიც გავწირო.“

ჩვენი ნაწილი ოცდამეხუთე ბატალიონია. მე არტილერისტი ვარ. როდის დავბრუნდები, არ ვიცი. მიხედეთ და მოეხმარეთ ჩემს ცოლ-შვილს. ღმერთი ჩვენთანაა, ამინ!“

ეს წერილი ქართველ შევარდნთა ლეგიონის რუსთავის სადროშოს შტაბში დაიწერა, მისი ავტორი — მეტალურგიული ქარხნის მილსაგლინავი საამქროს მგლინავი გურამ სიხარულიძე კი ოცდაორ აგვისტოს უკვე კოლხიდაში იყო და გადამთიელი ორი სნაიპერიც ჰყავდა უკვე მძევლად აყვანილი.

სამხედრო სამსახურში გავლილს ბრძოლა არ უჭირდა: ტყვიას ტყვიაში სვამდა. საქართველოს მიწის მოშურნე მტერს არ ახარებდა.

ერთხანს კი, როცა მიწვდებოდა ავტომატების კაკანი, არტილერისტა გურამ სიხარულიძე უბიდან ბავშვების სურათს ამოიღებდა — ვახტანგს და ცირას მიუაღერებდა.

— ნუ გეშინიათ, შეილებო, მამათქვენი კარგად არის. მალე ჩამოვალ!

მერე თანამებრძოლები შემოეხვეოდნენ გარს.

— გვიმღერე რამე, გურამ. გვიმღერე. ჰე, დავიწყოთ...

და ჭექა ქართული სიმღერა ქართულ მიწაზე.

„ჩოხატაურელი ბიჭი ერთდროულად სწავლობდა ტექნიკურ და მუსიკალურ სასწავლებლებში. თავას ძმასთან გიორგისთან ერთად წერდა სიმღერებს და ასრულებდა თბილისისა და რაიონის ანსამბლებში. იყო ტექნიკური უნივერსიტეტის, ცეკავშირის, როკ-ანსამბლის, „გუბაზის“ და სხვა ანსამბლების წევრი. უყვარდა ლექსი, სიმღერა, სიცოცხლე...“

ეს შინ..

...ოცდაექვსე ოქტომბერს კი უკვე ონაძირეში იყო.

ლამის ოთხ საათზე მათ მოულოდნელად თავს დაესხნენ დაქირავებული ბანდიტები.

— ბიჭებო, არ შეშინდეთ, თავს უშველეთ, — გადასძახა მებრძოლებს.

— მე დაზვერვაზე დავღებო. თქვენ გადით.

გურამ სიხარულიძის ავტომატის შემხვედრმა ცეცხლმა გზა გაუკაფა მებრძოლებს, თავად კი — ბრძოლის ველზე დაეცა როგორც გმირი!

„არა, არ შევარჩენ, ვფიცავ საქართველოს, სისხლს საქართველოს უმწიკვლო შვილების, დაე, მათთან ერთად საკვდილი ძელოდეს, მეც მათთან ვიქნები, მეც მათთან ვიქნები!“

ყოველდღე იმეორებენ გურამ სიხარულიძის მებრძოლები მისსავე სიტყვებს და მიდიან იერიშზე, რაღაც უკუაგლონ მოძალბებული მტერი, იხსნან საქართველოს ერთიანობა.

მამყვალა ინასარიძე



გურამ
სიხარულიძე

დაიბადა აგარაში. დაამთავრა დაბა აგარის საშუალო სკოლა და სწავლა განაგრძო ახალციხის სასოფლო-სამეურნეო ტექნიკუმში, რომლის დამთავრების შემდეგაც მუშაობა დაიწყო საქართველოს შაქრის კომბინატში აპარატის ოსტატად, სადაც გამოირჩეოდა მუყაითობით და ღირეკციის მაღლობასაც იმსახურებდა. აქედან გაიწვიეს ეროვნულ გვარდიაში. იმსახურა ჯერ ბაკურიანში,

შემდეგ - ახალციხეში 1992 წლის მაისი თვიდან ხელახლა გაიმახეს საქართველოს შინაგან ჯარში, საიდანაც ვაანაწილეს სამაჩაბლოში მშვიდობის მიღწევის მისიით.

1992 წლის 13 აგვისტოს საქართველოს მტრებმა მუხანათურად შეჭრის ქარელის რაიონიდან 6 მეტრძოლი, რომელთა შორის იყო კობა სოიატაშვილი და დედისერთა ვაჟკაცი. მას დარჩა სამი და და გულდამწვარი მშობლები.

რაიონის ხელმძღვანელობამ გმირებს კობა სოიატაშვილს, ზაზა ბუზალაძეს და გელა ფარასტაშვილს საბმო საფლავი მიუჩინა.



ელგუჯა სუარიშვილი

ელგუჯა არჩილის ძე სუარიშვილი დაიბადა 1965 წლის 16 თებერვალს ქალაქ ტყიბულში.

1982 წელს დაამთავრა ტყიბულის № 4 სამუალო სკოლა, 1983 წელს - ტყიბულის № 136-ე პროფ. სასწავლებელი.

1983-85 წლებში მსახურობდა სამხედრო სავალდებულო სამსახურში. ზემდევის წოდებით.

1991 წელს შექმნა ოჯახი.

1992 წელს 27 ივნისს მოხალისედ ჩაეწერა ტყიბულის № 17 ბატალიონში.

1992 წელს 5 ივლისს დაიღუპა ერთ-ერთი შეტაკების დროს სამაჩაბლოში. დაკრძალულია ტყიბულში.

მამა - არჩილ სუარიშვილი, პენსიონერი.

დედა - ელენე ჩოხელი-სუარიშვილი - გარდაცვლილია.

მეუღლე - ნინო ზაურის ასული ჭანტურიძე.

ელგუჯა არჩილის ძე სუარიშვილი ცხოვრობდა ქ. ტყიბულში, ნაბჭოს ქ. № 19-ში.



**გაქარ
სუმსანიშვილი**

დაიბადა 1970 წლის 21 სექტემბერს საგარეჯოს რაიონის სოფელ გომბორში. 1987 წელს დაამთავრა გომბორის საშუალო სკოლა და ჩაირიცხა ქ. თბილისის ტოპოგრაფიის ტექნიკუმში, საიდანაც გაიწვიეს საბჭოთა არმიის რიგებში. 1990 წელს არმიელის გამოცდილებით დაბრუნებულმა გადაწყვიტა შესულიყო შინაგან საქმეთა ორგანოებში, ვინაიდან მიაჩნდა, რომ იგი იქ სჭირდებოდა მის სამშობლოს და ასეც მოიქცა. საგარეჯოს რაიგანყოფილებიდან გადაიყვანეს ქ. თბილისის მთაწმინდის რაიონის განყოფილებაში, საიდანაც მოითხოვა გაეგზავნათ სამაჩაბლოში ქართველი მოსახლეობის დასაცავად, გაგზავნეს ქვემო ნიქოზში. 1992 წლის 9 ივნისს მორიგი შეტაკებისას იგი „ბერდუშის“ მსროლელიც იყო და მძღოლიც. მან თანამებრძოლებს შეუძახა: თქვენ დაჭრილები გადაიყვანეთ, მე კი დაგიცავთო, და გადააყვანინა კიდეც დაჭრილები, თვითონ კი დაეცა სამაჩაბლოს სისხლით მორწყულ მიწაზე.

გაქარ სურგულაძე

აფხაზეთში საქართველოს დამცველთა პატრიოტულ რიგებს კიდეც ერთი ვანელი ახალგაზრდა გამოაკლდა – სოფელ მერკულასთან გააფთრებულ ბრძოლებში გმირულად დაიღუპა სოფელ ბზვანში დაბადებული და აღზრდილი ბეჟან ლევანის ძე სურგულაძე.

შენი თანამებრძოლებისა და მეგობრებისათვის ძნელია ყველა იმ სიკეთის და იმ ვაჟკაცობის გადმოცემა, რასაც ამ ხანმოკლე ცხოვრების მანძილზე აკეთებდი. ბუნებრივი ნიჭით დაჯილდოებულმა ყმაწვილმა წარმატებით დაამთავრე მშობლიური სოფლის საშუალო სკოლის შვიდი კლასი და სწავლა ქუთაისის 21-ე გაძლიერებულ საშუალო სკოლაში განაგრძე. სწავლის პერიოდში

განსაკუთრებულ ნიჭს სამხედრო საიდუმლოების დაუფლებას ახმარდი. ამიტომაც არ გაგვიკვირვებია ის, რომ შენ საშუალო სკოლის წარმატებით დამთავრების შემდეგ ჰქონდა ლენინგრადის უმაღლეს სამხედრო სასწავლებელში გაწვევა ნავრძე-კარგად ვიცოდით, რომ შენგან ნამდვილი სამხედრო ტალღა მოედინებოდა, 1981 წელს წარჩინებით დაამთავრე აღნიშნული სასწავლებელი სამხედრო ინჟინრის სპეციალობით და მოძმე ყაზახეთის დედაქალაქში - ალმა-ათაში დაიწყო მუშაობა.

1989 წლიდან საქართველოში მდგომარეობა საგრძნობლად შეიცვალა. ეროვნულმა მოძრაობამ თავის კულმინაციურ წერტილს მიაღწია. მოძმე ყაზახეთიდან, ჩვენი ბეჟან, შენ ყურადღებით ადევნებდი თვალს საქართველოში მიმდინარე მოვლენებს. ამიტომაც მტკიცედ გადაწყვიტე - უარი გეთქვა იმპერიის ჯარში სამსახურზე და სამშობლოში დაბრუნებულიყავი, სადაც ის იყო ყალიბდებოდა ეროვნული საჯარისო ფორმირებები. შენ პირველი სამხედრო წრთობა ქუთაისში დისლოცირებულ გვარდიაში გაიარე. ახალგაზრდა, ნიჭიერი და მზარდი ოფიცერი ყველაფერს აკეთებდი კიდეც ჩვენი ახალგაზრდობის სამხედრო პატრიოტული სულისკვეთებით აღზრდისა და მისი ბრძოლისუნარიანობის ამაღლებისათვის.

როცა საქართველოს ტერიტორიულ მთლიანობას საფრთხე შეექმნა აფხაზეთში, შენ ერთ-ერთი პირველთაგანი ჩადექი სამშობლოს დამცველთა რიგებში. 27 წლის ახალგაზრდას ქუთაისის 213-ე ბატალიონი ჩაგაბარეს და მამაცურად იბრძოდი კიდეც ქართული მიწის დაცვისათვის. საბედისწერო აღმოჩნდა შენთვის ოჩამჩირის რაიონის სოფელ მერკულასთან გამართული ბრძოლები. მტრის ტყვიამ იმსხვერპლა შენი ლამაზი სიცოცხლე.

გვიმძიმს, ძალიან გვიმძიმს უშენოდ ყოფნა. რა ვუთხრათ, რით ვანუგეშოთ შენი გამწარებული მეუღლე ხათუნა, მშობლები, დედამამიშვილები, უახლოესი ნათესავები, ხოლო შენი ერთადერთი შვილი ლევანი, რომელიც ახლა 10 თვისაა, გვწამს, ნამდვილი ვაჟკაცი გაიზრდება და მამას სურათით გაიცნობს. რას ვიზამთ, ასეთია ომის ბუნება!

შაბათს, 8 მარტს, უკანასკნელად მიგაცილებთ სამუდამო სასუფეველთან, კიდე ერთხელ დავიტირებთ შენს ნატყვიარ ცხედარს და ხმამაღლა ვიტყვი, რომ სამშობლო იყო შენი სალოცავი ხატი და უკანასკნელი ფიქრიც ცოცხალ მარეში ჩაიტანე.

ბეჟან სურგულაძე სიკვდილის შემდეგ დაჯილდოვდა ვახტანგ გორგასლის III ხარისხის ორდენით.

თანამემბროლებისა და თანაკლასელების ჯგუფი



**ზაზა
ტატიური**

დაიბადა 1968 წლის 11 მარტს თბილისში, მოსამსახურის ოჯახში — მისი მშობლები პედაგოგები არიან. 1983 წელს დაამთავრა თბილისის მე-10 საშუალო სკოლის რვა კლასი წარჩინებით. სწავლის გაგრძელება სურდა თბილისის სამედიცინო ინსტიტუტში, ამიტომ მუშაობა დაიწყო აკად. ფიფიას სახ. კლინიკურ საავადმყოფოში სანიტრად, პარალელურად კი სწავლა გააგრძელა საღამოს ცვლის საშუალო სკოლაში.

1986 წელს გაიწვიეს არმიის რიგებში, მსახურობდა ქვორში 6 თვის განმავლობაში, დანარჩენი დრო კი ნახჩევანში, ქ. ჯულფაში იმსახურა. იყო უფროსი ტანკისტი (დაჰყავდა „ბეტვერი“). 1988 წელს ჯულფიდან ჯარისკაცების ნაწილი და მათ შორის ზაზაც გადაყვანილი იქნა ყარაბაღში საჭიროების შემთხვევაში საომრად.

1988 წლის ნოემბრის თვეში დაბრუნდა თბილისში და დაოჯახდა კიდევ მუშაობა დაიწყო თბილისის საიუველირო ფაბრიკაში. შეეძინა ქალი და ვაჟი.

1992 წლის თებერვლიდან სამსახური დაიწყო გვარდიაში, იყო „თეთრი არწივის“ წევრი. ეგონა მას ვერაფერი მოერეოდა და გაწვევტლა საქართველოს მტრებს.

იგი 1992 წლის 6 ივნისს, დილით ცხინვალის რაიონში, სოფელ თამარაშენის განთავისუფლებისათვის ბრძოლის დროს მეღვრეკისთან საფეთქელში მოხვედრილი ერთადერთი ტყვიით დაიღუპა.

დაკრძალულია საბურთალოს პანთეონში, ძმათა სასაფლაოზე.

ლამარა აბმსაძე.



**პეტრე
ტელიაფუსი**

პეტრე ანატოლის ძე ტელიაფუსი დაიბადა 1956 წლის ოქტომბერს ქალაქ ხაშურში, მოსამსახურის ოჯახში. დედა – ქართველი, მამა – პოლონელი. 1965 წელს შევიდა ა/კ რკინიგზის № 5 საშუალო სკოლის პირველ კლასში. დაამთავრა 1975 წელს. 1976 წლის ოქტომბერში გაწვეული იყო სამხედრო სავალდებულო სამსახურში, მსახურობდა გერმანიაში, ქ. პოტსდამში. სამხედროდან დაბრუნების შემდეგ დაცოლშვილდა და შეეძინათ ორი შვილი – მადონა და ანატოლი. მუშაობდა საყოფაცხოვრებო მომსახურეობაში, ხოლო შემდეგ გახსნილი ჰქონდა მცირე საწარმო, რომლის თავმჯდომარეც იყო. 1988 წლიდან ჩაება ეროვნულ მოძრაობაში. სამ წელზე მეტხანს იღვა იქ, სადაც საქართველოს ყველაზე მეტად უჭირდა. პირველად წმინდა ილიას საზოგადოებაში შევიდა, შემდეგ ეროვნული დამოუკიდებლობის პარტიის წევრი გახდა. არცერთი მნიშვნელოვანი პოლიტიკური აქცია არ ჩატარებულა მისი მონაწილეობის გარეშე. მალე აფხაზეთში დაიღვარა ქართველთა სისხლი. ბევრ ქართველ პატრიოტთან ერთად პირველი გაეშურა მოძმეთა დასახსრებლად. 1989 წლის ნოემბერში, როცა სამანაბლოში დაიძაბა სიტუაცია, მხედრიონის სხვა წევრებთან ერთად ისიც იცავდა ქართულ სოფლებს, კვირაობით ტანგაუხდელი ნახევრად მშვიერი ეხმარებოდა მიწისძვრის დაზარალებულებს. ის, როგორც გვარდიის ხაშურის ბატალიონის ერთ-ერთი მეთაური, ყოველთვის ბრძოლის წინა ხაზზე იყო. 1992 წლის 13 ივნისს ტანკმა გასრისა ვორში, როდესაც დაჭრილი გამოჰყავდა. ასე დასრულდა მისი ერთგულება თავისი ხალხისა და სამშობლოს წინაშე. ვერ მოესწრო თავისუფალ საქართველოში ცხოვრებას.

ნათელში იყოს!

„ჩვენ შარიან მიწა-წყალზე ვცხოვრობთ“

სულიერ ტრევილებს ასეთ დროს ხალხუნად ედება ხოლმე ვინ-
ერებით, სიკეთით, სიყვარულით და იმედით გაჯერებული სიტყვები.
მით უმეტეს, მათგან, ვისიც ვჯერა, ვისი მამულიშვილობა და
პატიოტობაში ვწამს...

ჩვენი კორესპონდენტი, რიტა ბაინდურაშვილი შეხვდა და
ესაუბრა ბატონ ჭაბუა ამირეჯიბს.

„მოვიდა მტერი, გაგიქელა შენი მოდგმით ნაკარნახევი ცხოვრების წესი,
შევიგინა სარწმუნოება. ცხადია, ამ კაცს კლავ, მაგრამ იმიტომ კი არა კლავ,
რომ გძულს. — უპირველეს ყოვლისა, იმატომ, რომ გაგიქელა, შევიგინა, წ-
ვართვა ის, რაც გიყვარდა. შენი წინააღმდეგობა სიყვარულიდან იწყება, სიყ-
ვარულიდან მოდის ის მსხვერპლის გაღება; თავგანწირვა და ძლევა მოსილებაც,
წართმეულს რომ დაგიბრუნებს. ეს სიყვარულის ერთ-ერთი სახეა და არა სი-
ძულელი“ — „(დათა თუთაშხია“).

— დღეს საქართველოში ხდება ის, რაც მთელი ჩვენი ისტორიის მანძილზე
ხდებოდა და რაც მოხდება მომავალშიც. ნურვის ეგონება, რომ ეს დროებითი
მოვლენაა. ამას შეიძლება ჰქონდეს პერიოდული ხასიათი, ანუ შეიძლება ჩაწყ-
ნარდეს, მაგრამ მერე ისევ ატყდება ომიანობა და ლეკიანობა.

ზოგს ჰგონია, რომ დღეს საქართველო განიცდის ყველაზე დიდ გასაჭირს,
რომელიც მას ოდესმე გადახდენია. არ არის სწორი — ქართველი იყო, არის
და, დარწმუნებული ვარ, მომავალი საუკუნეების განმავლობაშიც იქნება პერ-
მანენტული ომის მდგომარეობაში. ამას თავისი მარადიული მიზეზები აქვს.

მე ერთხელ ერთ-ერთ ინტერვიუსა თუ სტატიაში ვიხმარე ასეთი გამოთქმა:
„ჩვენ შარიან მიწა-წყალზე ვცხოვრობთ“. რას ნიშნავს ეს: კავკასია და, უპირ-
ველეს ყოვლისა, საქართველოს ტერიტორია მუდამ იყო, არის და იქნება მსოფ-
ლიოს ეკონომიკური და პოლიტიკური ინტერესების გზაჯვარედინი. ყველა სა-
ხელმწიფოს, ვისაც კი მიაჩნია, რომ სამხედრო-პოლიტიკური პრეტენზიების
უფლება აქვს, სურს ჩაიგდოს ხელში ეს ტერიტორია და დააკონტროლოს ქვე-
ნიერების ოთხივე მხარის ურთიერთკავშირი, ეს ვითარება იყო და დღესაც
არის მიზეზი ჩვენი გაძულებული საომარი მდგომარეობისა. თუ დავაკონკრე-
ტებთ, დღეს ჩვენი ტერიტორია არის მსოფლიო ისლამის, რუსეთის იმპერიის
და დასავლეთის საქრისტიანოს ინტერესების გადაკვეთის ადგილი.

„...მცირე ერი სახელმწიფოს ვერ შექმნის, თუ ამით კაცობრიობის ან მისი
ერთი ნაწილის წინაშე რაიმე სამსახური არ აღასრულა. სახელმწიფოს არსე-
ბობას საერთაშორისო ფუნქცია, ისტორიული მისია სჭირდება..“

ქართველთა ქრისტიანული სახელმწიფოს არსებობას სული იმან ჩაუდგა, რომ დასავლეთის ქრისტიანული ცივილიზაციისათვის განაპირა ვოლოლის როლი ვიკისრეთ აღმოსავლეთში. მეორე მხრივ, სპარსეთისა და ბიზანტიისათვის ის ძალა გაუხდით, რომელსაც ჩრდილოეთ მომთაბარეთა სამხრეთულ მხრებზე ბების დაკონტროლება შეეძლო. სახელმწიფომ შექმნა წესრიგი, სტაბილურობა მოიტანა. მაშინ ქართველთა მიწა-წყალზე გაიღო და გადაჯვარედინდა დიდი სავაჭრო გზები, განვითარდა ეროვნული ეკონომიკა, რომელმაც აზიურ აღებ-მცემობაში დიდი ადგილი დაიკავა. ასეთი მსოფლიო-ისტორიული მისიის აღსრულება ნიშნავდა ათასნაირი მტრის მოგერიებას და სახელმწიფოც საომარ ყაიდაზე გვექონდა მომართული“...

— ჩვენი მოხვეწება და სრული მშვიდობა შეიძლება მხოლოდ იმ შემთხვევაში, თუ ან ყველაზე და ყველაფერზე ძლიერები ვიქნებით, ან თუ ჩვენს მიწა-წყალს ვინმე დაავლებს ხელს და ცეცხლოვანი მიწის ტერიტორიაზე დასდებს, მიწისა, სადაც ძლიერთა ინტერესები ერ არ დაპირისპირებულან ისე რომ, ჩვენ და ჩვენი ჩამომავლობა მზად უნდა ვიყოთ მომავალი განსაცდელისათვის — ეს ჩვენი ერის ხვედრი და ბუნებაა. ამიტომაც სრულად უნდა გამოვიკნოთ საერთაშორისო საზოგადოებრივი და პოლიტიკური აზრი. ამას ვაკეთებთ კიდევ. ამას აკეთებს კერძოდ ელუარდ შევარდნაძე და დასი მისი. ჩვენ რა შეგვიძლია დაუპირისპიროთ ამდენი სხვადასხვა ჯურის და გვარის ინტერესების გადაკეთას, რაც, საბოლოო ჯამში, ჩვენს კასერზე გადადის? ალბათ ის, რასაც უპირისპირდებოდნენ ჩვენი წინაპრები — მტერთა წინააღმდეგობებზე თამაში და, რა თქმა უნდა, უდრეკობა, შეუპოვრობა დამოუკიდებლობის შენარჩუნების გზებზე და შეგნება, რომ თუ არ გავიმარჯვეთ, ჩვენ ის თაობა ვიქნებით, რომელიც, ნებით თუ უნებლიეთ, ქართველი ერის სახელმწიფოებრიობისა და ფიზიკური არსებობის ლიკვიდაციის ოქმზე მოაწერს ხელს.

„არუსეთთან შეერთებამ ყველა პრობლემა ერთბაშად მოხსნა. გაგვანთავისუფლეს ომებისაგან, ლეკიანობისაგან, ამოწვევების საშიშროებისაგან, ბაგრატიონთა ათასწლოვანი დინასტიისაგან და გადასახადებისაგანაც კი. ეს შესვენება ქართველი ერისათვის გადაუღებელ საჭიროებას წარმოადგენდა, მაგრამ ერთი კანონზომიერი რამ მოხდა, ისტორიულად კაცობრიულ და ეროვნულ ვალდებულებებს დაჩვეული ქართველი კაცი უამოცანოდ დარჩა, მას აღარაფერი მოეთხოვებოდა, სრულიად აღარაფერი. ერი დაემსგავსა სამოვარზე მიშვეებულ ნახირს...“

— ქართველი ერი კულაბზიკობას უნდა ერიდოს. ჩვენი ხსნა გონიერებაშია და არა ტრაბახში. გარემოებებს, რომლებსაც მე მოვიხსენიებ, ტრაბახში ნურავინ ჩამომართმევს. ჩვენ ის ერი ვართ, რომელმაც რუსეთის იმპერიასა და მსოფლიოს მარტო მეოცე საუკუნეში რამდენიმე დიდი ადამიანი მისცა: სტალინი, რომელმაც შეძლო თაობებს რუსეთის იმპერიის სახით მონსტრი დაუტოვა, ხოლო შთამომავლობას ავი კაცის სახელი; ორჯონიკიძე, რომელმაც რუსეთის იმპერიის ინდუსტრიულ პოტენციალს ჩაუყარა საფუძველი და მისი

სამხედრო ძლიერების წინაპირობა შექმნა; შევარდნაძე, რომლის მოღვაწეობას მოჰყვა დღევანდელ მსოფლიოში მრავალი ისეთა მოვლენა, რომლებმაც კაცობრიობის მეოცე საუკუნის ისტორიის მკვეთრი შემობრუნება განაპირობა. განზრახ არ ვასახელებ კიდევ რამდენიმე პიროვნებას, რომლებმაც მსოფლიოში ლეგიონები როლი შეასრულეს მეოცე საუკუნის კაცობრიობის ასავალ-დასავალში. ყოველივე ამას ვამბობ იმისათვის, რომ აღვნიშნო, რომ ჩვენ არა ვართ ხელწამოსაკრავი ერი. ჩვენს პოტენციალში კიდევ ბევრი ბრწყინვალე პიროვნების დაბადება და ჩამოყალიბება ივლისსხმება და რჩება მხოლოდ ერთი რამ; ერმა გამოიჩინოს იმდენი ენერჯია და გონება, რომ პირუთვნელად, ერთგულ-ერთსულად წაჰყვეს წინამძღოლს.



**ვიტალი
ტიელიძე**

დაიბადა გორის რაიონის სოფელ ზერტში 1963 წლის 18 ნოემბერს. აქვე დაამთავრა საშუალო სკოლა, შემდეგ კი ამბროლაურის მექანიზაციის ტექნიკუმი დაასრულა. წავიდა სამხედრო სამსახურში, იმსახურა უნგრეთში..

საოცრად უშიშარსა და გაუტეხელს ყველაფერში პირველობა სურდა. განსაკუთრებით სახიფათო საქმეში არ გაუშვებდა წინ არავის. ჰქონდა დიდი იუმორის გრძნობა, ძლიერ უყვარდა ბავშვები – ოჯახის შექმნას ომის დამთავრების შემდეგ აპირებდა.

სძულდა ორპირობა და სიცრუე. ვერ ეგუებოდა სპეციალური დანიშნულების ფორმის ტანსაცმელს, განსაკუთრებით კი სამხედრო ფორმას, მაგრამ სამშობლოს სიყვარულისათვის ყოველგვარი პირადული გასწირა და უყოყმანოდ ჩაეწერა მოხალისეთა რიგებში, მხედრულ ფორმასაც შეეგუა.


„აფხაზს მე პირველი არ ვესვრი, უცხო ვადამთიელს კი არ დავინდობ“, – ამბობდა ომში წასვლის წინ. სწორედ უცხოტომელთა შეკავება და მათი თარე-

შის აღკვეთა იყო უპირველესი საბაზიც და მაზეზიც ვიტალის აფხაზეთში წასვლისა, თორემ იქაური ქართველები და აფხაზები გორელთა ჩარევის გარეშეც შერიგდებიან და მორიგდებიანო, — უთქვამს.

თავგაშეტებით იბრძოდა კოლხიდასთან, ვიდრე უცხოტომელებმა ზურგედან ერ შემოუარეს დიდი ძალებით. ტანკსაწინააღმდეგო ყუმბარმტყორცნიმ ცხენებს, ნაფლეთებად აქცია გადამთიელთა ბრბოს თითქმის მთელი ათეული, მაგრამ ზურგში მუხანათურად ნასროლი სამი ტყვიით თვითონაც დაეცა ბრძოლის ველზე მის გორელ თანამებრძოლ ჯ.ონი კოჭლავაშვილთან ერთად. კიდევ ორი ქართველის სიცოცხლე შეეწირა უსამართლობის წინააღმდეგ ბრძოლას, მაგრამ 30-მდე თანამებრძოლის სიცოცხლე კი გადაარჩინეს, რომლებიც დამის ბრძოლაში ლამენატხენი უთენიისას ისვენებდნენ, — აღნიშნეს შემდეგ ვიტალის თანამებრძოლებმა.

წავიდა ვიტალი და თან წაიღო სამშობლოსა და ქართველი ხალხის უსაზღვრო სიყვარული, რომელთა მომავალს შესწირა თავისი ღამაზი სული და სხეული.

სამშობლოსათვის დაღუპული გმირები არ კვდებიან!



**მამუკა
ცოგონიძე**

სოფელ შრომასთან უთანასწორო ბრძოლები მიმდინარეობდა. განსაკუთრებით დაიძაბა მდგომარეობა 13 ივლისს.

— მებრძოლები ტყვია-წამალს ითხოვენ, მამუკა, შენ იცი და შენმა ვაჟაკობამ, — მეთაურმა მხარზე დაკრა ხელი სართიჭალელ ჭაბუკს.

მამუკას გაელიმა, ნუ გეშინიათ, წუთში ბიჭებთან გავჩნდებიო და ტყვია-წამლით დატვირთული მანქანის საჭეს მიუჯდა. ოთხი თანამებრძოლიც თან გაჰყვა.

მძიმე იყო სავალი გზა. ის იყო, მიუახლოვდა კიდევ და გზაზე გაჩერებული მანქანა დახვდა. რაღაც წამებში მოხდა ყველაფერი. ბენზინი გადაუსხა მანქანები დაიძრნენ და მტერმა „გრადი“ ისროლა.

მამუკა ტოვონიძესთან ერთად დაიღუპა ოთხი ქართველი მეზობელი და დაიჭრა ოთხი.

სამშობლოს ტერიტორიულ მთლიანობას შესწირა თავისი სიცოცხლე 22 წლის მამუკა ტოვონიძემ – ბატალიონ „თეთრი არწივის“ მეზობელმა.

თმა მაჭარაშვილი



**ვეფხია
ტოლიაშვილი**

დაიბადა 1974 წლის 2 აპრილს ცხინვალის (ამჟამად გორის) რაიონის სოფ. ქსუისში.

მამა – რობიზონ ტოლიაშვილი, საშუალო განათლებით, ქსუისის კოლმეურნეობის წევრი.

დედა – ლუბა ტოლიაშვილი – დიასახლისი.

1980 წელს ვეფხია ტოლიაშვილი შეიყვანეს ქსუისის საშუალო სკოლაში.

1992 წელს უნდა დაემთავრებინა საშუალო სკოლის სრული კურსი. მაგრამ რეგიონში წარმოქმნილმა ექსტრემალურმა სიტუაციამ არ დააცალა. X კლასში სწავლობდა, როდესაც მდგომარეობა უკიდურესობამდე დაიძაბა და იგი პირველი დღეებიდანვე ჩადგა მშობლიური მიწის ერთიანობის დამცველთა რიგებში, სწავლისთვის დრო აღარ რჩებოდა, რადგან ღამით მორიგეობდა, დღისით კი სხვა საქმეებით იყო დაკავებული.

იგი აიძუებდა თავის თავს და ძმობლებს, რომ როცა მდგომარეობა გაუმჯობესდებოდა, სწავლას გაავრძელებდა, მაგრამ აღარ დასცალდა.

1991 წლის 24 ნოემბერს მტრის ვერაგულმა ტყვიამ მოუსწრაფა ხელე სოფლის სათაყვანებელ ვაჟაკს.



როლანდ ტოლიაშვილი

დაიბადა 1949 წლის 16 სექტემბერს ვორის (ყოფილ ცხინვალის) რაიონის სოფელ ქსუისში.

მამა — არჩილ მიხეილის ძე ტოლიაშვილი — გლეხი, სამამულო ომის ინვალიდი. გარდაიცვალა 1970 წელს.

დედა — ანა ტოლიაშვილი — დიასახლისია.

7 წლისა შევიდა ქსუისის საშუალო სკოლაში, რომელიც დაამთავრა 1966 წელს, შემდეგ კი სწავლა განაგრძო თბილისის კოოპერაციულ სასწავლებელში, რომლის დამთავრების შემდეგ, სავალდებულო სამხედრო სამსახურში გაწვევამდე მუშაობდა თავისსავე სოფელში.

1968 წლის მაისში გაიწვიეს სავალდებულო სამხედრო სამსახურში, სადაც მსახურობდა 1971 წლის მაისამდე. მისი სამსახურის ადგილი იყო ბალტიისპირეთის სამხედრო — საზღვაო ფლოტი.

1972 წელს შექმნა ოჯახი. ჰყავს მეუღლე — ელისო სოლომონის ასული ტოლიაშვილი და სამი ვაჟი: არჩილი, ჭაბუკა, მოგელი.

1979 წლიდან მუშაობდა „თბილგვირაბმშენის“ № 13 რაზმში, რომელმაც ააშენა როკის გვირაბი, შემდეგ კი იმავე რაზმს გადაჰყვა ტრანსკავკასიის რკინიგზის მშენებლობაზე. ამ გაერთიანებაში მუშაობდა იგი სიცოცხლის ბოლომდე.

1989 წლის 23 ნოემბრიდან, როცა დაიწყო ეთნოკონფლიქტი სამაჩაბლოში ქართველებსა და ოსებს შორის, როლანდ ტოლიაშვილი უყოყმანოდ ჩადა

მშობელი მიწის დამცველთა რიგებში და იმყოფებოდა ყოველთვის იქ, სადა ყველაზე ძალიან სჭირდებოდა თავის ხალხს. მისი ეს აქტიურობა შეუძინა ველი არ დარჩენიათ ოს ექსტრემისტებს. მას დასდევდნენ, რომ როგორც ზეგნულად ჩაეგდოთ. ეს ბნელი განზრახვა სისრულეში მოიყვანეს 1991 წლის 1 სექტემბერს. გზად მიმავალს ჩაუსაფრდნენ და საკუთარი მანქანიდან ახლოებულ ნათესავთან და განუყრელ თანამებრძოლთან ანდრო (ცაცო) ოქროპირიძესთან ერთად შეიპყრეს იგი. როლანდის შეპყრობის ამბავი იმავე დღეს ცნობილი გახდა ყველასათვის და მოითხოვეს მისი დაბრუნება, მაგრამ ამაოდ. მის დაბრუნებაში მოითხოვეს ჯერ პატიმრობაში მყოფი ოსი მოქალაქის განთავისუფლება, შემდეგ კი დიდძალი თანხა (მილიონნახევარი). ყველაფრის შესრულება აღუთქვით, მაგრამ ისინი დაპირებას არ გვისრულებდნენ, მხოლოდ გვაიმედებდნენ, რომ აუცილებლად გამოუშვებდნენ. ასე გვატყუეს 17 ნოემბრამდე, როცა განგვიცხადეს, რომ იგი წამებით მოკლეს 3 ნოემბერს, მაგრამ მაინც არ გვაძლევდნენ მის ცხედარს, ვიდრე მათივე ეროვნების ადამიანს, ქართველთა მიერ მძევლად აყვანილს, არ მიუყვანდნენ. დიდი წვალების, ძებნის შემდეგ ამ პიროვნებასაც მიაგნეს ამხანაგებმა და თანამებრძოლებმა. ამის შედეგად სიკვდილიდან 21-ე დღეს, 24 ნოემბერს გადმოვასვენეთ და მივაბარეთ მშობლიური სოფლის მიწას როლანდ ტოლიაშვილის ნატანჯი სხეული.

ვიდრე ცხედარს მოგვცემდნენ, იმით იმედგადაწყვეტილებმა, რომ მისი სხეული საერთოდ აღარ არსებობდა დედამიწაზე, მოვაწყეთ სიმბოლური დასაფლავება: მიწას მივაბარეთ ცარიელი კუბო, რომელშიც ელაგა მიცვალებულის ტანსაცმელი და გადიდებული სურათი.

ცხედრის გადმოყვანისას კი ხელმეორედ ამოვიღეთ კუბო სამარხიდან და რაკი ჩაცმა შეუძლებელი იყო, ზეწრით გადავიტანეთ ცხედარი საავადმყოფოს საკაციდან კუბოში და ასე მოგვიხდა ერთი მიცვალებულის ორჯერ დასაფლავება.

როლანდ ტოლიაშვილის ასლობლები



დავით უშუნაშვილი

დავით იურის ძე უშუნაშვილი დაიბადა 1965 წელს, თბილისში. 1982 წელს დაამთავრა თბილისის 140-ე საშუალო სკოლა. 1983-1985 წლებში მსახურობდა ს. აბჭოთა არმიის რიგებში – შორეულ აღმოსავლეთში. 1986 წლიდან სწავლობდა ხარკოვის საინჟინრო ეკონომიკურ ინსტიტუტში.

1991 წლის ნოემბერში დაბრუნდა სამშობლოში და 1992 წლის თებერვალში შევიდა ქართული ნაციონალური გვარდიის 28-ე ბატალიონში.

იბრძოდა ცხინვალში. 1992 წლის ივლისში გადავიდა „თეთრი არწივის“ სადაზვერვო დივერსიული ჯგუფის ხელმძღვანელად.


პირველივე დღიდან მონაწილეობდა აფხაზეთში საქართველოს ტერიტორიული მთლიანობისათვის წარმოებულ ბრძოლებში.

საქართველოს რესპუბლიკის ეროვნული გვარდიის ქვედანაყოფის „თეთრი არწივის“ წევრი, გვარდიის კაპიტანი დავით იურას ძე უშუნაშვილი გმირულად დაიღუპა 1992 წლის 1 სექტემბერს აფხაზეთში, მდ. გუმისთის მისადგომებთან წარმოებულ ბრძოლაში.

* * *

ჩონგური საქართველოა,
სიმები ჩვენ ვართ ყველაო,
სხვადასხვა კუთხის მცხოვრებნი:
„ოდელა-დელა-დელაო!“

ა კ ა კ ი



რევაზ ურიდია

რევაზ ვარლამის ძე ურიდია დაიბადა 1953 წლის 22 აგვისტოს მარტვილის რაიონის სოფელ ბანძაში. ჰყავს — დედა ლუბა წოწორია — ურიდია, შვიდი და-ძმა; მეუღლე — ლიანა ბეკურაშვილი, ორი შვილი — 11 წლის სოფიკო და 9 წლის მარიანა.

იყო სრულიად საქართველოს წმინდა ილია მართილას საზოგადოების წევრი და საქართველოს უზენაესი საბჭოს დაცვის თანამშრომელი. ერთ-ერთი იმათთაგანი, ვინც მთავრობის სახლზე დამოუკიდებელი საქართველოს სამფეროვანი დროშა აღმართა.

დაიღუპა ოსი ექსტრემისტების ხელით ქ. ცხინვალში 1990 წლის 12 დეკემბერს.

დაკრძალულია საბურთალოს ძმთა სასაფლაოზე.

* * *

„ნურც მკვდარს გამწირავ, ნურც ცოცხალს,
ზე კალთა დამაფარეო...“

და, რომ მოვკვდები, გახსოვდეს,
ანდერძი დავიბარეო:

„დედა-შვილობამ, ბევრს არ გთხოვ:
შენს მიწას მიმაბარეო,
ცა-ფირუზ, ხმელეთ — ზურმუხტო,
ჩემო სამშობლო მხარეო“.

ა კ ა კ ი



ზურაბ უსენაშვილი

1987 წლის 14 ნოემბერს გაიწვიეს სამხედრო სამსახურში. მსახურობდა გერმანიაში. იყო ფრიადოსანი ტანკისტი. დაბრუნდა ოფიცრის წოდებით და 1990 წელს მისაღები გამოცდები ჩააბარა თბილისის სახელმწიფო უნივერსიტეტში, ეკონომიკურ ფაკულტეტზე. დახურა სამი კურსი და ამით დამთავრდა მისი სწავლა.

ზურა ბავშვობიდანვე აღზრდილი იყო სამშობლოს სიყვარულით. უზომოდ უყვარდა დავით აღმაშენებელი, ვახტანგ გორგასალი, საქართველო.

მეოთხე კლასის მოსწავლე დედას ეუბნებოდა, მალე დადგება დრო, როცა საქართველო დამოუკიდებელი გახდება. საქართველო დაიბრუნებს დაკარგულ მიწებს, ეს აუცილებლად მოხდებაო.

ზურა სამანაბლოშიც იბრძოდა. გაგრაში პირველი დესანტი იყო, — ამბობდა იგი, — საქართველოს რამდენი საუკუნეა არ ჰყოლია თავისი დესანტი, დღეს კი პირველი დესანტი ვარო. მას ყოველთვის უზაროდა ცხელ წერტილებში პირველი წასულიყო, მეგობრებს უფრთხილდებოდა თავისთავზე მეტად. გაგრაში ბრძოლის დროს დაიჭრა თავის არეში, მაგრამ სიკვდილს გადაურჩა. ბრძოლა ტამიშთან, სოფელ ანუარხოსთან საბედისწერო გამოდგა. დიდიდან შემოუტია სატანკო ნაწილმა ცალკეულ სადაზვერვო და შავნაბადს ბატალიონებს, ალყაში მოაქცია მებრძოლები და ორი მხრიდან ტანკებით, ქვეითი ძალებით ცდილობდა მათ განადგურებას.

ამ ბრძოლას შეეწირა ცალკეული სადაზვერვო ბატალიონის მეთაურის პირველი მოადგილე ზურაბ უსენაშვილი. ასე დაასრულა ზურამ თავისი ლამაზი სიცოცხლე — 24 ლამაზი წელი.

ზურა ყველა ბრძოლაში ისე მიდიოდა სახლიდან, რომ მშობლებმა არ იცო-

დენ, ურეკავდნენ მეგობრები, ზურა სასვიროსად წავიდა რიგაში და ორ-სამ დღეში დაბრუნდებოდა. ზოგჯერ თვითონაც ახერხებდა დარეკვას, გორიდან და სოხუმიდან ითხოვდა, ფოსტამ ისეთი ზარი მიეცით, რომ რიგას კავშირს დაემყარებინა. დაჩემს მართლა რიგაში ვეგონებო. ბოლოს, როცა ოჯახმა გაფხურდნის შესახებ შეიღობა, ახლა ამ უკანაკნელად კოჯორში ნაწილის გადაყვანა მოიმიზეზა, ოჯახში მოსვლა დამავიანდებოდა, ასე ელაპარაკა თავის დას ტელეფონით ამ დღით, როცა აფხაზეთში მიფრინავდნენ.

სიკვდილის შემდეგ პირველი საარმოო კორპუსის ცალკეული ბატალიონის მეთაურის პირველი მოადგილე ზურაბ უსენაშვილი გამოჩენილი მხედრულა მამაცობისთვის ვახტანგ გორგასლის პირველი ხარისხის ორდენით დაჯილდოვდა.



**გელა
ფარასტაშვილი**

დაიბადა 1972 წლის 30 მაისს ქარელის რაიონის დაბა აგარაში. სწავლა დაიწყო დაბა აგარის საშუალო სკოლაში 1978 წელს. დაჯილდოებულია წყალტუბოს საქალაქო კომიტეტის მიერ „იმედის სტარტების“ რესპუბლიკურ ფინალურ შეჯიბრებაზე IV-V კლასებს შორის პირველი ადგილის დაკავებისათვის. იყო წევრი როგორც სკოლის, ასევე რაიონული ნაკრები გუნდებისა როგორც მძლეოსნობაში, ასევე ფეხბურთში, წევრი აგარის „მეშაქრეს“ ფეხბურთელთა გუნდისა, რომელიც რესპუბლიკის პირველობაზე გამოდიოდა. 1987 წლიდან. სკოლა დაამთავრა 1989 წელს. სკოლის დამთავრებისთანავე მუშაობა დაიწყო

შაქრის კომბინატში ხარატად. სამაჩაბლოში არეულობის პირველი დღიდანვე აქტიურად მონაწილეობდა პაქეტებსა და შეტაკებებში. 1991 წლის მაისში, ერთიანი საქართველოსთვის გაიწვიეს ეროვნული გვარდიის რიგებში.

1992 წლის 13 ივლისს ხელმეორედ გაიწვიეს საქართველოს შინაგან უსიკეთეს რიგებში.

დაიღუპა 1992 წლის 13 აგვისტოს სამაჩაბლოში სამხედრო მოვალეობის შესრულებისას ოსი ბანდიტების ზელით მის 5 თანამებრძოლთან ერთად (რომლებიც სასტიკად აწამეს). იყო უცლოლშვილი დარჩა დედა – მერი ჩაღუნელი, მამა – პავლე ფარასტაშვილი, და – მზია და მძა – ზურა.



**მერაბ
ფანჯავიძე**

მხოლოდ 18 ოცნებით სავსე გაზაფხულს მოესწრო მამით დაობლებული მერაბი. მართალია, ობლობას არც დედა და ახლობლები აგრძნობინებდნენ, მაგრამ მის ლამაზ თვალებს ოდნავი სევდა ყოველთვის დაჰკრავდა, წყნარი, ოდნავ გულჩათხრობილიც იყო, მაგრამ ოცნება და ხატვა ძალიან უყვარდა. თავის ნაფიქრალსა და განცდილს ქალაქზე ან ტილოზე გადაიტანდა, თუმცა რამდენი უნდა მოესწრო 18 წლის ვაჟკაცს. რუსთავის მე-4 საშუალო სკოლის დამთავრების შემდეგ მუშაობა დაიწყო, სივრცულად აღრიხანად ეწვია, მაგრამ... მისი სამომავლო გეგმები და ოცნებები აუხდენელი დარჩა, რადგან მის სავარულ სამშობლოს საფრთხე დაემუქრა და მერაბს შინ რა დასვამდა ან რა გული მოუთმენდა შორიდან ეცქირა ქვეყნის გასაჭირისათვის, ის კი არადა ორი წელიც მოიპარა, 20 წლისა ვარო და მოხალისედ შევიდა 114-ე ბატალიონ „ავაზში“, 7 სექტემბერს ოჩამჩირეში წავიდა თავისი მიწის დასაცავად. უფროსებთან ერ-

თად ვაჟკაცურად იბრძოდა, ცდილობდა არ ჩამორჩენოდა მათ, მაგრამ 13 დეკემბერს მტრის უღმობელმა ტყვიამ არ დაინდო მისი ნორჩი სიცოცხლე და მისი ანთებული გული უმოწყალოდ ჩაიფერვლა. დარჩა აცრემლებული და ძმა.

დაკრძალულია თავის სოფელში - ასურეთში.



**დავით
ჯაჩხიანი**

1992 წლის 2 ოქტომბერს ქ. ვაგრაზე აფხაზ სეპარატისტთა მიერ მოწყობილი თავდასხმის დროს, ქალაქის გასასვლელთან შეუპოვარი შეტაკებისას გმირულად დაიღუპა დავით ვალიკოს ძე ჟარჯიანი. დაღუპვის ადგილზე დავითი იმყოფებოდა მიკროავტობუსში. რომელიც მოწინააღმდეგემ ააფეთქა. დავითი მძიმედ დაიჭრა და ვერ გამოაღწია ავტობუსიდან, სადაც იგი დაიწვა.

ყოველივე ეს მოხდა მოწინააღმდეგის მიერ დაკავებულ პოზიციაზე.

დავითი ჯერ ხაშურის ბატალიონში იყო, მაგრამ ამ ბატალიონმაც მალე დაასრულა თავისი ისტორია, უმეტესი ნაწილი დაიღუპა, დანარჩენნი კი სხვადასხვა ბატალიონში განაწილდნენ. დავითმა მხედრობი აირჩია და იგი საკუთარი მიწა-წყლის დაცვის სურვილმა დატოვა ვაგრაში. გარდა ამისა, მას ჰქონდა კიდევ ერთი უმთავრესი მიზეზი, რათა შეუპოვარი და დაუნდობელი ყოფილიყო მტრის მამართ. ახსოვდა 1989 წელა, როცა მონაწილეობდა უსამართლო ბრძოლაში. ოლონდ, მაშინ გალის რაიონში ცხოვრობდა, სამშობლოსათვის თავგანწირულმა ვერც მარნეულის რაიონში მოისვენა, პირველი დღიდანვე ჩაება ოპის ქარცხელში. და 33 წლის ჭაბუკმა სიცოცხლე დაასრულა თავის საყვარელ ვაგრაში. ვერ მოესწრო ვაჟიშვილის დაფაჟკაცებას, დაიღუპა და დარჩა 7 წლის გიორგი და 32 წლის მუხლდე, უნუგეშოდ დატოვა ტანჯული

დედ-მამა — ვალერო და გაბი ფარჯიანები. ძმის გამო. შურის საძიებლად წავიდნენ

მისი ძმები ვალოდია და მალხაზ ფარჯიანები.
1959 წელს დაბადებულმა, 1992 წელს სიცოცხლე მამულს შესწავლის მიზნით
ვიღა ჩვენგან და დატოვა კვალი ნათელი.



**ალე (ჩაგუნა)
ფიქრიშვილი**

დაიბადა 1954 წლის 1 ოქტომბერს, კასპის რაიონის სოფელ ზემო ხან-
დაკში. დაამთავრა ხანდაკის საშუალო სკოლა. შემდეგ სწავლა განაგრძო პროფ-
ტექნიკურ სასწავლებელში ავტოშემკეთებლის სპეციალობაზე. სასწავლებლის
დამთავრების შემდეგ გაიწვიეს სამხედრო-სავალდებულო სამსახურში, რომე-
ლიც პირნათლად მოიხადა.

ჰყავს მამა, და, მეუღლე და ორი შვილი. დედა ადრე გარდაეცვალა, ის
იყო მაშინდელი საქართველოს უმაღლესი საბჭოს დეპუტატი. მან მთელი თა-
ვისი პატიოსანი ცხოვრება სამშობლოს სიყვარულს, ერის სამსახურს შესწირა.
შვილებსაც სამშობლოს სიყვარული ჩაუნერგა. ალეს უზომოდ უყვარდა სამშობ-
ლო, თავისი კუთხე. სადაც არ უნდა ყოფილიყო, ყოველთვის ირგვლივ მყოფთ
იწვევდა პაექრობაში საქართველოს ისტორიის ცოდნაში, შეეძლო უსასრუ-
ლოდ ელაპარაკა ჩვენი ერის ისტორიაზე და დაეჯახა ირგვლივ მყოფნი. აკი
ამიტომაც ვერ დარჩა გულგრილი აფხაზეთის ომის გამო. მოხალისედ ჩაეწერა
კასპის ბატალიონში და წავიდა საქართველოს მიწა-წყლის დასაცავად. ცოლის-
თვის ეთქვა: „ვიდრე მტერი ჩემს სოფლამდე მოვა და ცოლ-შვილს ამიწიო-
კებს, იქ უნდა წავიდე და სამშობლო უნდა დაეიცვაო“.

რამდენიმე ხანს იბრძოლა, შემდეგ ცოლ-შვილს მონატრებული დაბრუნდა
სახლში, უკანასკნელად მოეფერა შვილებს — ეკას და მურიკოს და ისევ წავიდა...
ცოლისთვის დაებარებინა მალე დავბრუნდებით, მაგრამ ვაგლახ. რომ მართლაც

მიქლე დაბრუნდა — სამი დღის შემდეგ წინა ხაზზე იბრძოდა ეშურასთან. 20 სექტემბერს, ღამის 2 საათზე, დახვეწვაზე მიდიოდა. მაგრამ მტრისგან გამოსროლილი ჭურვი რამდენიმე მეტრში გასკდა და ჩაიფერფლა კიდეც მისი მკერდის მახვილი სიცოცხლე.

დაკრძალვიდან სამი დღის შემდეგ 1 ოქტომბერს 38 წელი შეუსრულდა ბოლა.

ამირან შვიქრიშვილი



ოთარ
შვირაძე

ბატონი ოთარი, ასე ვეძახდით „ავაზელები“ მას, რადგან ის 47 წლისა იყო, ჰყავდა მეუღლე — ქალბატონი დალი, სამი შვილი, ორი შვილიშვილი და იყო დიდი ოჯახის პატრონი და დიდი ადამიანობის მქონე პიროვნება. ის ჩვენი მამაც იყო და მეგობარიც, ჩვენ ვთვლით, პოეტმა მიხეილ ქელიძემ რომ ბრძანა: „კაცი, რომელიც დააკლდა ქალაქს“, ნამდვილად დააკლდა ბატონი ოთარი ქუთაისს და დააკლდა ჩვენს სულს, გულს და მილიანად საქართველოს, მან თავისი კაცურ-კაცობით მოიხადა ვალი ოჯახის, მეგობრებისა და სამშობლოს წინაშე. თუ არა სამშობლოს უანგარო სიყვარული, სხვა რა ამოძრავებდა ამ ბედნიერ კაცს, ოჯახით დაბუნძლულს, რომელიც მიწის ყვილის პირველივე დაძახებაზე დადგა სამშობლოს სადარაჯოზე, ღამაში ბიოგრაფიის მქონე ადამიანი, მოხალისედ ჩაეწერა 114-ე ბატალიონ „ავაზაში“, ჰქონდა უფროსი ლეიტენანტის წოდება, იბრძოდა მამულის დასაცავად და 1993 წლის 3 თებერვალს აფხაზეთში, მტრის ტყვიამ შეაჩერა მამულისათვის ანთებული მისი გულის ფეთქავმირულად მოიხადა ვალი ყველას წინაშე. მსუბუქი იყოს ბატონი ოთარი-

სათვის ქ. ქუთაისში წყალტუბოს ვზატკეცილზე ავტოქარხნის ახალ სასაფლაოზე დაყრილი მიწა.
ვამაყობთ „ავაზელები“ თქვენი კაცურ-კაცობით და იამაყებენ შვილები და შვილიშვილებიც, ბატონო ოთარ.

ოთარ ფერაძე სიკვდილის შემდეგ დაჯილდოვდა მედლით „მხედრული მამაობისათვის“.

ნარკიზა ლომთაძე



იური
ვიოლია

დაიბადა 1946 წელს. 1984 წელს დაამთავრა ხონის მექანიზაციის ტექნიკური ელექტროტექნიკოსის კვალიფიკაციით, 1981 წელს კი მოსკოვის სამთო ინსტიტუტი. შემდეგ დონეცკში, შახტში, უფროს ინჟინრად მუშაობდა. მერე ტყიბულის სტალინის სახელობის მადაროშია, უბნის უფროსად, სადაც იმუშავა 1986 წლამდე, 1986 წელს სამუშაოდ გადმოყავთ თბილისში „საქტრანსფექტი ინდუსტრიაში“. მუშაობდა უბნის უფროსის თანამდებობაზე. 1992 წლის ნოემბრის თვეში გახდა დივიზიონ „თბილისელის“ წევრი და მიენიჭა ზემდეგის წოდება, 1993 წლის 6 დეკემბერს კი დაიღუპა ონაჩიროის რაიონის სოფ. ცხენისწყალთან. დაეცა საქართველოს ერთიანობისათვის ბრძოლაში. იგი სიკვდილის შემდეგ დაჯილდოებულ იქნა ვახტანგ გორგასლის III ხარისხის ორდენით.



**ავთანდილ
 ვინცაქია**

ავთანდილ რევაზის ძე ფინცაკია დაიბადა ქალაქ ვორკუტაში – კომის ავტონომიურ რესპუბლიკაში, 1973 წლის 22 აპრილს.

1988 წელს დაამთავრა თბილისის 136-ე საშუალო სკოლის 9 კლასი.

1988 წლის პირველ სექტემბერს სწავლა განაგრძო თბილისის მე-6-ე პროფესიულ-ტექნიკურ სასწავლებელში: იყო ფართო პროფილის მეჩარხე, რიცხვითი პროგრამული მართვის ჩარხის მე-4 თანრიგის ოპერატორი.

1991 წლის 1 ივლისს მუშაობა დაიწყო თბილმეტროპოლიტენის ელექტროდეპოში ხარატად.

1991 წლის 16 დეკემბერს გლდანის რაიონის სამხედრო კომისარიატიდან გაწვეული იქნა ეროვნულ ჯარში. იყო თავდაცვის სამინისტროს სწრაფი რეაგირების პირველი ბრიგადის შემადგენლობაში.

1993 წლის 1 ივნისს, აფხაზეთში, კერძოდ ძველ კინდლში, მოწინააღმდეგესთან შეტაკების დროს გმირულად დაიღუპა ოცმეთაური ავთანდილ ფინცაკია.

„შენ ოციოდე გაზაფხული იკმარე მხოლოდ,
 დანარჩენები სამშობლოსთვის შეგიწირია“.



დავით ფირგასიმოვი

დავით ფირგასიმოვი, ეროვნებით აზერბაიჯანელი, დაიბადა 1964 წლის 15 ივნისს. დაამთავრა თბილისის № 12 საშუალო სკოლა. სამხედრო ვალდებულება მოიხადა 1982-84 წლებში, ჰყავს შეუღლე და ორი ვაჟიშვილი.

იბრძოდა გაგრა-ლესელიძეში. 1 სექტემბერს გაიწვიეს 103-ე ბატალიონში, ბრძოლამ მოუწია კოლხიდის მთაზე. ჩასვლისთანავე მან თანამებრძოლების თიფი პატივისცემა დაიმსახურა. ამ მოკლე დროში გააკეთა ის, რაც სამშობლოსათვის თავდადებულ მამულიშვილს შეეფერებოდა.

ჩასვლის მეორე-მესამე დღეს დაიჭრა რამდენიმე მეზობელი. იგი უშუალო მონაწილეობას იღებდა მტრის პოზიციებიდან დაჭრილების გამოყვანაში.

დიდი სიყვარულით სარგებლობდა მოსახლეობაში. მეთაურის ბრძანებას პირნათლად ასრულებდა.

გაგრა-ლესელიძის ტრაგედიის შემდეგ იგი ჩამოვიდა და შევიდა თავდაცვის სამინისტროში, „ავაზაში“. 19 ოქტომბერს მოხალისედ ჩაირიცხა 101-ე ბატალიონში, რომელიც ჩაეადა სოხუმში, სოფელ შრომაში, საიდანაც გაანაწილეს ახალშენში. შემდეგ ასეულის ზემდეგია, ზრუნავდა თანამებრძოლებზე. ერთი თვის განმავლობაში იღვა ევრეთწოდებულ პოზიცია „კარიერზე“.

დათოს ამხანაგები იცნობდნენ როგორც „დათკა-პარიკროს“. ეს მეტსახელად იმიტომ დაერქვა, რომ იგი ყოველთვის, როცა კი საჭირო იყო, ზურგიდან იფარავდა თანამებრძოლებს, რითაც ბევრი ვაჟკაცი გადაურჩენია.

ერთ სისხამ დილით მოხდა შეტაკება გზაჯვარედინზე, რომელიც უკანასკნელი აღმოჩნდა დათოსთვის. ამ შეტაკების დროს იგი დაიღუპა.

საქართველო მადლიერების გრძნობით გაიხსენებს მის მოქალაქეს, ღირსეულ ვაჟკაცს დავით ფირგასიმოვს.



**ოთარ
 ფურცელაძე**

დაიბადა 1971 წლის 25 აპრილს თბილისში. დაამთავრა 124-ე საშუალო სკოლა. სამხედრო სავალდებულო სამსახური მოიხსიდა გერმანიაში, ქალაქ პოსტდამში. 1991 წლის სექტემბრიდან მუშაობდა საქართველოს შინაგან საქმეთა სამინისტროს თბილისის პოლიციას სამმართველოში სისხლის სამართლის სამძებროში ოპერწმუნებულად.

მისი ოცნება იყო ძლიერი სამართლებრივი საქართველოსათვის ბრძოლა. ამიტომაც აირჩია ეს პროფესია. ცდილობდა ყოველთვის იქ ყოფილიყო, სადაც საჭრო იყო. წელს მისაღები გამოცდები ჩააბარა პოლიციის აკადემიაში სამართალმცოდნეობის ფაკულტეტზე თუმცა...

14 აგვისტოს სოხუმისკენ მიმავალ გვარდიას წინ მიუძღოდნენ თბილისის პოლიციის სამმართველოს სისხლის სამართლის სამძებროს მუშაკები. ომარი პირველ მანქანაში იჯდა. ტყვარჩელთან ატყდა სროლა. ცეცხლი აფხაზებმა გახსნეს. ფეხში დაიჭრა იმავე მანქანაში მყოფი მამუკა ლომიძე. ომარმა იგი მანქანას ამოაფარა და უცებ დაინახა, რომ სნაიპერის ტყვიამ მოცეცლა პაატა ნათენაძე და ახლა მის მისახმარებლად გაიქცა, მაგრამ მისი გადარჩენა ვეღარ მოასწრო. ისიც სნაიპერის ტყვიით განგმირული დაეცა ბრძოლის ველზე.

პაატას ერთი ვოგონა დარჩა. ომარს ცოლ-შვილი არ ჰყოლია, მან ისიც კი ვერ გაიგო, რომ სტუდენტი გახდა. მტერთან ბრძოლაში დაეცა და დატოვა ერთადერთი ვაჟკაცის გამზრდელი გამწარებული მშობლები.

უფალმა აცხონოს მისი სული!

ომარ ფურცელაძე სიკვდილის შემდეგ დაჯილდოვდა მედლით „მხედრული მამაკობისათვის“.



თამაზ (ფსაჭო) ფსაჭიაშვილი

რამდენი მეგობარი წასულა ერთად ფრონტზე. რამდენისთვის გაუჭრიათ გვერდიგვერდ საფლაუები. მაგრამ ყველაზე მეტად, ალბათ, ის არის ძნელი, მის გადასარჩენად გაწეული ყოველი ღონე ამოდ რომ რჩება, მადლობას კი უსიცოცხლო სხეულიდან მხოლოდ თვალები გიხდიან.

...ექიმმა ვია ჯაფარიძემ დაწვრილებით მოვეითხრო მისი სიყრმის მეგობრის, თბილისში დაფუძნებული ველისციხელი კაცის სიღინჯით, გულღიაობითა და სიბრძნით გამორჩეული ახლობლებისათვის საყვარელი პიროვნების თამაზ ფხაჭიაშვილის შესახებ, რომელიც ასე ცნობილი იყო საქართველოს ახალგაზრდულ მეცნიერთა წრეებში, რადგან თავის დროზე ხელმძღვანელობდა „ახალგაზრდულ სამეცნიერო კლუბს“.

— მე და თამაზი მცირე ხნით, მაგრამ ადრეც ვიყავით სოხუმში საბრძოლველად. როცა ილია ჭავჭავაძის საზოგადოების ოცკაციანი ჯგუფი შეიკრიბა აფხაზეთში გასამგზავრებლად, ოჩამჩირე და მისი მიმდებარე სოფლები მაშველთა კორპუსის მეომრებით იყო გამაგრებული. თამაზი ომში წასვლით გამოწვეულ სიხარულს ვერ მალავდა.

ტამიშის ხიდთან, სოხუმ-ოჩამჩირის ტრასიდან ორასიოდე მეტრის მოშორებით დაბანაკდნენ ბიჭები ბოსელში. მათ მოვალეობას მადლობიდან აფხაზი მწყემსების მიერ კარგად ნაცნობი ბილიკების დაცვა, თან ოთხმოციოდე მეტრის თავშესაფარის ფხიზელი მეთვალყურეობა წარმოადგენდა. ეს ერთი შეხედვით უწყინარი შენობა ტამიშის ხიდის პოზიციური ბრძოლების პირველივე შეხების ცხელი წერტილი იყო. ჩასვლიდან მეორე დღესვე სასიკვდილოდ დაიჭრა 20 წლის ოცმეთაური თემურ სამხარაძე. თამაზს თემურის ჯგუფის სისხლი ჰქონდა. ოჩამჩირის საავადმყოფოში წვალებით მიყვანილ დაჭრილს

გადაასხმევინა, მაგრამ არაფერი უშველა. თემური მალე გარდაიცვალა. „ფხაჭო“, გულამომჯდარი დაქტირდა მეგობრებისათვის საყვარელ ვაჟაკს, ფაჩვილს, გუნება წაუხდა. მერე გახევებული სახით მისთვის ჩაილაპარაკა: „მეტი მისი მსგავსი ვილიის შემდეგ მე აქედან წამსვლელი არა ვარო“...

ადგილზე დაბრუნებულებმა გააფთრებული პრძოლების გამო ხოხვით ძლივს გავიკვლიეთ გზა. გასაგები იყო, აფხაზეთში ჩასვლიდან მესამე ღამეში იქნებოდა ჩვენთვის და მოვემზადეთ: საგუშაგოები გავაძლიერეთ. საღამოს ჯოგად შემოსულ საქონელს ყურადღებით დავაკვირდით: ხომ შეიძლებოდა მას ჩვეული მუხანათობით ზურგს ამოფარებული შემოყოლოდა მტერი. „ფხაჭო“ 21 საათისთვის ჩაიბარა საგუშაგო. ნათელი ღამე იღრუბლებოდა, გულისგამაწვრილებლად წამოწვიდა. შემდეგ ავანპოპასწავებლად გაიჩინდა ირგვლივ ყველაფერი. თამაზი მოსასვენებელ პატარა ოთახთან იდგა, მე მისგან მოშორებით.

ნამსხვრევ მინაზე ფრთხილი ფეხის ხმამ შემადრწუნა, ცეცხლი გავხსენი, მაგრამ გვიანდა იყო. თამაზის განწირული შეძახილი ყურში მიწიოდა და ველარაფერს ვგრძნობდი. მტრის მოგერიებამდე მულოდა თამაზი. ყველაფრის გაკეთება ვცადე, მაგრამ ამაოდ. თამაზმა მშვიდა თვალებით გამოიმხედა და სამუდამოდ წავიდა ჩვენგან უშვილოდ, უძიროდ. მოხუცი მშობლები ერთადერთ უფროს დას დაუტოვა მოსაველელად. დას, რომელმაც შეილივით გახარდა იგი.

ი ა კალანდარიშვილი



ი ა გ მ
ქ ა ვ თ ა რ ა ძ ი

სამშობლოს მთლიანობისათვის დაღუპული გმირის უფროსი ლეიტენანტის იავო გურამის ძე ქავთარაძის შესახებ ბიოგრაფიული ცნობები მისმა დედამ ქალბატონმა იზა ქავთარაძემ-ბადრძემ მოგვაწოდა.

იაგო 1963 წლის 27 სექტემბერს დაიბადა გარდაბნის რაიონის სოფელ ნორიოში, მუშის ოჯახში. საშუალო სკოლაც აქვე, ნორიოში დაამთავრა. იგი თავის თანატოლებში გამოირჩეოდა სიბეჯითით, წესიერებითა და კანკაქსეწველი ლით.

სკოლის დამთავრების შემდეგ, ერთხანს მეურნეობაში, მშენებელთა ბრიგადაში მუშაობდა მუშად. 1982 წელს ცხრაშეტი წლის ჭაბუკი სავალდებულო სამხედრო სამსახურში გაიწვიეს. მათა ნაწილი ვორში იღვა. იაგო ტანკისტობამ გაიტაცა და ამ საქმეს კარგადაც დაეუფლა. მას ისე მოსწონდა ეს მამაცური პროფესია, რომ დედას ასეთი ბარათიც გაუგზავნა: „დედა, შენ უნდა იამაყო შენი შვილით, რადგან იგი ნამდვილი ჯარისკაცია. ესე იგი ტანკისტია“.

სამხედრო სამსახურის მოხდის შემდეგ, იაგომ გადაწყვიტა სწავლის გავრძელება უმაღლეს სასწავლებელში და ამ მიზნით 1985 წელს მისაღები გამოცდები ჩააბარა საქართველოს პოლიტექნიკურ ინსტიტუტში სამშენებლო ფაკულტეტზე, რომელიც დაამთავრა ინჟინერ-მშენებლის კვალიფიკაციით. სტუდენტობის წლებში იგი აქტიურად მონაწილეობდა ახალგაზრდობის შრომით ბრიგადების საქმიანობაში და ამისათვის მადლოებუც ჰქონდა მიღებული.


ეს სერიოზული, მშრომელი ჭაბუკი თავისი ბუნებით, კეთილი გულით ამხანაგებში დიდი ავტორიტეტით სარგებლობდა და ყველასაც უყვარდა. განსაკუთრებით პატივს სცემდნენ მეტროპოლიტენის დიდ კოლექტივში, სადაც შემდეგ იგი მივიდა და სალიანდაგო და გვირაბნაგებობათა სამსახურში მოღვაწეობდა. 1992 წლიდან კი თბილისის ოფიცერთა და ზემდეგთა მოსამზადებელი კურსების ასეულის ზემდეგთა და თავის თანამებრძოლებთან ერთად მონაწილეობს აფხაზეთში საქართველოს დაცვისა და ერთიანობისათვის გამართულ ბრძოლაში.

იაგო, როგორც სამხედრო საქმის კარგი მცოდნე, პირადი მაგალითით აღაფრთოვანებდა თანამებრძოლთ, სწამდა სამართლიანი საქმისათვის იბრძოდა და თავის სათაყვანებელ დედასაც იმედით აღვსილ წერილებს წერდა. „დედი, ნუ გეშინიან, მალე დაგიბრუნდება, შენ არ იცი, როგორ მიყვარხარ, მხოლოდ აქ, ჯარში თუ მიხვდება კაცი, რა ძვირფასია, დედა“.

1992 წლის 3 ნოემბერს სოფელ შრომასთან გამართულ მთაზე ბრძოლაში მტრის ტყვიამ იმსხვერპლა იაგო ქავთარაძის სიცოცხლე. უსაზღვრო გლოვამ დაისადგურა ქავთარაძეების ოჯახში.

გულდათუთქულ დედას ისღა აქვს ხანუგეშო, რომ იაგოს ხსოვნა მარად იცოცხლებს თანამებრძოლთა და მის ახლობელთა გულებში, სამშობლოს თავისუფლებისათვის შეწირული ჭაბუკთა მოგონება ხომ მარადიულია.

საკვლილის შემდეგ დაჯილდოებულია ღირსების ორდენით.



სიძე, შე ახლო!

მაგონდება ის კარგი წლები, გამომცემლობა „საბჭოთა საქართველოში“ რომ ვმუშაობდი. იმ პერიოდში არაერთხელ მიმიღია ყოფილი ქართველოლოგის და ამჟამად ქართველოლოგობის ჯორჯ ჰიუიტის წერილი ლონდონიდან. ყოველთვის ვცდილობდი, მისი სურვილები დროულად შექმსრულებინა და ვასრულებდი კიდევ.

არც აკაკი შანიძის საიუბილეო დღეები დამავიწყდება, როცა დამავიწვევინებულ საღამოზე ბატონმა ჰიუიტმა მშვენიერი სიტყვა წარმოთქვა სუფთა ქართულ ენაზე. ალბათ, იქ დამსწრე საზოგადოებას და ტელემყურებლებსაც კარგად ახსოვთ მისი სიტყვები: — მე ცოლი აფხაზი მყავს. მან ინგლისური არ იცის, მე კი აფხაზური. ამიტომაც ოჯახში ქართულად ვლაპარაკობთო.

ეს, ჩვენო ძვირფასო ჯორჯ! არ გამადლით იმ ტაშს და სიყვარულს, მაშინ რომ დაიმსახურეთ. სტუმრის გულმზურვალე მიღება ქართველი კაცის თანდაყოლილი და გამორჩეული თვისებაა, ეს თქვენც კარგად მოგეხსენებათ. მით უფრო სამწუხაროა, გულში ჩაკრული სტუმარი ასპიტივით რომ დაგვეკლავს.

იმ დღეებში, როცა თქვენ საშინელი ცილი დასწამეთ საქართველოს და ქართველ ხალხს, პრესაში ბევრი წერილი გამოქვეყნდა. მეც ვაპირებდი გამომეთქვა ჩემი აზრი თქვენი „კაიკაცობის“ თაობაზე, მაგრამ ჩანაფიქრი აღარ გამიხორციელებია. უბრალოდ, იმდენი რამ დაიბეჭდა და რადიო-ტელევიზიით იმდენი რამ ითქვა თქვენი გამოხდომის საპასუხოდ, რომ მებევერა კიდევ. თქვენ ზომ მშვენივრად იცით ქართული ანდაზა — ჩიტი ბღღვნად არ ღირსო. თქვენ არა ხართ ის ფიგურა, ამოდენა ხმაურს რომ იმსახურებდეს.

მე მაშინაც კი აღარ გამჩენია სურვილი თქვენი საწინააღმდეგო წერილი დამეწერა, „აიდეილარას“ 2 აპრილის ნომერში თქვენი წერილი რომ წავიკითხე, გულწრფელად ვეტყვი, შემებრალეთ კიდევ: განდიდების მანიასაც შეუპყრიხართ: წერილის ასლს გივი გუმბარიძეს ვუგზავნიო, მივიწერიათ ბოლოში. მინდა მოთუხთუხე ტემპერამენტი ოდნავ მაინც დაგიოკოთ, ბატონო ჰიუიტო, თქვენი წერილებისათვის დღეს აღარავის სცალია.

ვერც იუმორს მოგიწონებთ. არ ჰგავს იგი დინჯ, ღრმა, მახვილგონივრულ, დარბაისლურ ინგლისურ იუმორს. თქვენ წერთ: როგორც ჩანს, მე ზაფხულის (იგულისხმება შარშანდელი ზაფხული. გ. ფ.) ყველაზე პოპულარულ მხეცად ვქცეულვარ, რომელზეც თურმე ასე გამწარებით ნადირობდნენ ევრეთწოდებული ქართველი ინტელიგენტებიო. მაგრამ მაინც ვერ დამიჭირესო, — აგრძელებთ სიამაყით — ეტყობა, ან მათ არ იციან ნადირობა, ან ისინი ჩემმა მეთოდმა — სიმართლის თქმამ დააბნიაო.

ბრავო, ჯორჯ! რასაკვირველია, რიყეზე ისე შეგიძლიათ გაიართო, კენჭები არ დაინახოთ, მაგრამ ეს არაა მთავარი. მთავარი და უმთავრესი ისაა, რომ თქვენ აფხაზეთის დიდი განმათავისუფლებელი (გაიხსენეთ ელადაში მებრძოლი

თქვენი სეხნია ჯორჯ ბაირონი), ლონდონში ან გუდაუთაში უკვე ხელდას
თქვენი მომავალი ძველის კვარცხლბეკს.

ერთ რამეში კი მართალი ბრძანდებით: რა საჭირო იყო თქვენს წინააღმდეგ
მდეგ დაწერილი ამდენი წერილი, რადიო და ტელეგადაცემა? ბელურას ზარბაზანს ესროდნენ?

აბა, ყოველივე ამის შემდეგ რაღამ აგალებინათ ხელში კალამიო, — ლო-
კიკური იქნებოდა თქვენი ასეთი შეკითხვა.

ახლავე მოგახსენებთ. ვფიქრობ, მომავალში თქვენს მეცნიერულ ობიექტებს
ალარავინ უბახუებებს, მათ შორის, არც მე. მაგრამ თქვენ, ჯორჯ ბატონო, ამ
ბოლო დროს ისეთ აკრძალულ ზონაში გადახვედით და ისეთი ვერაგული საქ-
მიანობა გააჩაღეთ, რომ არ გამხილოთ, ნამდვილად დანაშაული იქნება. |

რამ გაგამწარათ ასე? მართლა თქვენმა დიდმა ჰუმანიზმმა?

სამწუხაროდ, მაღალი იდეალები როდი ასაზრდოებენ თქვენს ბინძურ საქ-
მიანობას. მაღალი იდეალები რომ მხოლოდ მაღალი ზნეობისაკენ წარმართავენ
ადამიანთა გონებას.

მაშ, რა გამოძრავებთ და გაბობოქრებთ? იმდენად დიდი გქონიათ ცოლო-
ურში თავის გამოჩენის სურვალი, იმდენად შეუპყრიხართ ცთუნებას საკუთარი
მეუღლის ოჯახისა და მისი ხალხისათვის დაგემტკიცებინათ თქვენი მეცნიერუ-
ლი სილიადე და ვაჟკაცური შემართება, უსამართლობასთან შეუგუებელი ბუნება
და პოლიტიკური სიტყვის მასშტაბურობა, რომ წონასწორობა ვერ შეინარჩუ-
ნეთ და... იკადრეთ უკადრებელი და ეს მაშინ, როცა საკუთარ სამშობლოში ერ-
თხელ არ გავხსენებიათ ოლსტერი და წლების მანძილზე იქ დაღვრილი სისხ-
ლი, დღესაც რომ უზვად იღვრება, ერთხელაც არ აუღელვებიათ ჩრდილოეთ-
ირლანდიელი ხალხის ბედს...

მაშ, საქართველოში რაღამ გადაგრიათ? იქნებ იმ მრავლისმეტყველმა
ფაქტმა, რომ თქვენი ცოლისძმა ანატოლი ხიბა მანამდე რვაჯერ იყო ნასამართ-
ლევი და თქვენ ერთხელაც ვერ უშველეთ?

ბატონო ჯორჯ, ჩემი ლაპარაკი ლიტონ სიტყვებად რომ არ დარჩეს, მკით-
ხველს მოკლედ მოვახსენებ თქვენი ცოლისძმის სახელოვანი ცხოვრების „სევ-
დიან“ ქრონიკას.

მას 1947, 1959, 1961, 1962, 1967, 1968, 1979, 1982 წლებში სახელმ-
წიფო ქონების დატაცებისთვის, 14 წლის კ.-სთან სქესობრივი გარყვნილება-
სათვის, იარაღის ხმარებისთვის, თაღლითობისა და ხულიგნობისათვის მისჯი-
ლი ჰქონდა თავისუფლების აღკვეთა სხვადასხვა ვადით.

ამჯერად იგი მეცხრედაა პასუხისმგებაში მიცემული 206-ე მუხლით. აი, ახლა
კი მოგეცათ საშუალება გამოგესწორობინათ წარსულის შეცდომები და თავი
მოგეწონებინათ ცოლოურის წინაშე. მით უმეტეს, რომ ამჯერად გპირის მან-
ტიაშიც კი შეიძლება გაახვიოთ საკუთარი ცოლისძმა: მან ხომ ბენზინით ხავსე
ცისტერნიანი მანქანა ასაფეთქებლად შეაგლო შეჯგუფულ ქართველებში. თვი-
თონ კი კაბინიდან გადმოხტა და გაიქცა ბედად ცისტერნა არ აფეთქდა. პატივ-
ცემული ანატოლის საქმის გამოძიება რომ დიდად ჭიანურდება, მთლად თქვენი

დამსახურება არაა, მაგრამ, სამართლიანობა მოითხოვს აღინიშნოს, რომ ამ შეფერხებაში თქვენი ღვაწლიც ანგარიშგასაწევია.

მალა ჭამაში მოდიხარ, ნათქვამია, რაკი ხმალი იშვიშელეთ, აბა, წინააღმდეგობა! მოედო ვერობას თქვენი შხამიანი წერილები..

უნებურად იბადება კითხვა — ვინ ხართ თქვენ? მე ვიცი ამ შეკითხვის ზუსტი პასუხი, ოღონდ, ჩემს თავს არ ვაკადრებ გამოვთქვა იგი. ქვემოთ მკითხველს მხოლოდ თქვენს ერთ წერილს შევთავაზებ. დარწმუნებული ვარ, ვერაფერი ისე ვერ დახატავს თქვენს ინტელექტუალურ და სულიერ პორტრეტს, როგორც ეს წერილი, თბილისთან დაძმობილებულ ქალაქ ბრისტოლში რომ გაავზავნეთ ამ დაძმობილების ერთ-ერთ ორგანიზატორთან — ბატონ გარლანდთან, ის წერილიც:

„ძვირფასო მისტერ გარლანდ!

მე კარგად მესმის, რომ თქვენ ერთ-ერთი ინიციატორი იყავით ბრისტოლისა და თბილისის დაძმობილებისა. როდესაც ეს ამბავი შევიტყვე, გამეხარდა, — რადგან ბოლო 14 წლის განმავლობაში სულ იმას ვცდილობდი, ჩაძლიერებულიყო ინტერესი ქართული ენისა და საქართველოს მიმართ (რომ არაფერი ვთქვათ ზოგადად კავკასიისადმი). მაგრამ საქართველოს უღარდელი ცის კაბადონზე უკანასკნელი წლის განმავლობაში შავი ღრუბელი ჩამოწვა. ეს შედეგია თბილისის საზოგადოებრივი აზრის ლიდერების უკიდურესი შოვინიზმისა, რასაც ისინი დაუფარავად ამჟღავნებენ და ავრცელებენ „გლასნოსტის“ დადგომასთან დაკავშირებით. ვიდრე თქვენი თვალით არ წაიკითხავთ ქართულ (ან რუსულ) პრესას, ან არ ისაუბრებთ ამ ენაზე, თქვენ მიგეტყვებათ არ იყოთ საქმის კურსში, თუ რა სიბინძურეს ავრცელებენ საქართველოს მასობრივი ინფორმაციის წყაროები ყოველდღიურად.

მე ახლახანს დაებრუნდი აფხაზეთში სამთვიანი ვიზიტის შემდეგ და ერთობ ნათლად შემიძლია დავადასტურო, თუ რა ხდება იქ, ამის შედეგად მე მოვამზადე ცირკულარი უნივერსიტეტის წევრებისათვის, რომლითაც მოვუწოდებ ბოიკოტი გამოუცხადონ თბილისს ახლო მომავალში. ამ წერილთან ერთად გავზავნი ამ დოკუმენტის ასლს, აგრეთვე ასლს წერილისა, რომელიც კოლანდიელ კოლეგას მივწერე, რომელშიც უფრო დეტალურად ვაშუქებ მოვლენებს. თუ თქვენ გსურთ იხილოთ აფხაზეთის სახელმწიფო უნივერსიტეტის ცირკულარი, რომლის რედაქტორიც, პროფესორი გვარამია, თქვენი სტუმარი იყო გასულ შემოდგომას, აგრეთვე აფხაზეთის ეროვნული ფორუმის დახმარების თხოვნა, გავზავნილი საერთაშორისო ამნისტიისადმი, მე მოხარული ვიქნები, გამოვიგზავნოთ თქვენ აგრეთვე შეგიძლიათ დამატებითი ინფორმაცია მიიღოთ საქართველოს სხვა ექსპერტ დოქტორ დ. რეიფილდისგან.

ვიმედოვნებ, თქვენ და ბრისტოლის სხვა ხელისუფალნი მოისურებთ გადასინჯოთ საკითხი ქალაქ თბილისთან თქვენი ურთიერთობის გაგრძელების სარგებლიანობის თაობაზე, ქალაქთან, სადაც დღეს პოლიტიკა სრულიად ფაშისიტური ა.

პატივისცემით ჰ ი უ ი ტ ი.

თუ მოისურვებთ რაიმე დამოუკიდებელ ინფორმაციას ჩემს „რწმუნებულ“-
თანაც დაკავშირებით, დარწმუნებული ვარ, პროფ. რიჩარდ პისი სიამოვნებით
მოგაწვდით.

გთხოვთ, არ აცნობოთ ამ წერილის არსებობას ამბავი არცერთ ქართველ
სტუმარს!“

სიძე, შე ძველო. ახლა მაინც არ გრძნობთ სინდისის ქენჯნას?

ამ წერილის არსებობის ამბავი არცერთ ქართველს არ აცნობო, ვვედ-
რებით ადრესატს; ერთი საიდუმლო მინდა გავიმზილოთ, პატივცემულო მეცნი-
ერო, — ნაკავი შეიძლება დამალო, მაგრამ სუნს ვერაფერს მოუხერხებ. პოდა,
ჩამოაღწია საქართველოში თქვენი ნამოქმედარის სიმყრალემ. ბნელი ნამოქმე-
დარი ადრე თუ გვიან მაინც იჩენს თავს. ეს კარგად უნდა გახსოვდეთ, ჯორჯ
ბატონო.

ისე კი, იმედი უნდა ვიქონიოთ, რომ თქვენს თავგანწირულ საქმიანობას
დიდად დაგიფასებენ როგორც აფხაზი ექსტრემისტები, ასევე ცოლის ნათესა-
ვებიც. ისინი კი, თავის მხრივ, ვალდებულნი არიან თქვენს ღირსებასაც გაუფ-
რთხილდნენ. არა, ცოლისძმაზე არაფერს მოგახსენებთ. აფხაზი ექსტრემისტე-
ბის საქციელზე უნდა გავამახვილო თქვენი ყურადღება, უკადრისი, თანაც სა-
ცოდავი და უსუსური ხერხებით რომ ცდილობენ საზოგადოების მოტყუებას.
ღიახ, ღიახ, სწორედ იმაზე მოგახსენებთ, აფხაზეთის სახალხო ფრონტის გა-
ზეთმა „ერთობამ“ („აიდელოარამ“) რომ იკადრა და თბილისელი პენსიონერი
ქალბატონის ვერა ვარძიაშვილის სახელით წერილი რომ გამოაქვეყნა. აი, ნაწ-
ვევები ამ წერილიდან:

„...აგრესორის დაშოშმინებამ მეორე მსოფლიო ომამდე მიგვიყვანა, რადგან
იგი ღლითილდე თავხედდებოდა, აფხაზთა დაშოშმინებამ კი აქამდე მიგვიყვანა,
რომ ისინი აღარ სჯერდებიან იმას, რომ მოსახლეობის 17 პროცენტს თავისი
უნივერსიტეტი აქვს (და ნაციისტებივით არბვევენ ორმოცდაროცენტიანი ქართუ-
ლი მოსახლეობის უნივერსიტეტს). თქვენ ისეთ ფერღანას მოგიწყობთ, თქვენი
შინაგანი უშიშროების სამინისტროს იარაღი რომ დაგვირიგონო... არ გინდათ
ჩვენთან ყოფნა? მაშინ წაეთრიეთ ჩვენი მიწიდან. რუსეთთან ყოფნა გინდათ?
დედა-რუსეთს საკმარისი აქვს მიწა საიმიხოდ, რომ შეიფაროს ხალხი, რომე-
ლიც „ღინამოს“ სტალიონზე დაეტყვა. თურქ-მესხეთელებს ხომ ეყოთ იქ ადგი-
ლი. ოზგანი ამბობს, ბერიამ აფხაზური ინტელიგენცია გაწვევითა. ვყავდათ კი
ინტელიგენცია თავადების შერვაშიძისა და ემხვარის გარდა? ბერიამ
ინტელიგენცია შეცდომა დაუშვა. ის რომ ახლა ცოცხალი ყოფილიყო, ერ-
თი დღე-ღამე ეყოფოდა, აფხაზებისაგან გაეწმინდა ჩვენი მიწა; ოზგანის, ამ
თურქეთის აგენტის, კვალიც კი აღარ დარჩებოდა. არც ლიხნის პროვოკაცია
მოხდებოდა. ამიტომ, რომ ვველაფერ ამას ოზგანები მეთაურობენ და არა ის
კრეტიანები, ტელევიზიით რომ გვიჩვენეს, ისინი ისეთ რამეებს მიედ-მოდებოდნენ,
რომ გაბრაზების ნაცვლად სიცილით ვიხოცებოდით. ის რენეგატი ბოჭუჩავა კი,
რომელიც ისეთივე ქართველია, როგორც მე ვარ აფხაზი...“

აი, ამ ტექსტს დიდი ამბით აცნობენ ისინი ამხ. ვ. ვ. ლანდსბერგის, თანაც უსაყვედურებენ, ხომ ხედავთ, რა ხალხი არიან ქართველები, ისინი, ცდილობენ რა განთავისუფლდნენ უფრო ძლიერი დამპყრობლისაგან, თვითონ რომელიმე უცხო ტარა ხალხებსო... რატომ ჩამოართვით ზვიად გამსახურდიას ინტერვიუ და რატომ გაიზიარეთ მისი პასუხებიო, ამით ხომ მას საშუალება მიეცით დაუსჯევლად დაემცირებინა თქვენი გაზეთის მკითხველის წინაშე აფხაზეთის სახალხო მოძრაობაო.

ბატონო ჯორჯ, დარწმუნებულ ვარ, იცით, რაც გაირკვა შემდგომში. თურმე თბილისელ ქალბატონ ვერა ვარძიაშვილს არავითარი წერილი არ დაუწერია. თქვენ კი მას წერილის მისამართიც ზუსტი მიაწერეთ, კიდევ უფრო სარწმუნო რომ ყოფილიყო წერილის ავტორისა და თვით წერილის რეალობა. აფხაზ ექსტრემისტებს ეს იაფფასიანი ფარსი იმისთვის დასჭირდათ, რომ „დოკუმენტურად“ დაერწმუნებინათ ვ. ლანდსბერგისი და ხსენებული გაზეთის რედაქცია. ქართველი ხალხის შოვინიზმში.

არ ვიცი, აფხაზ „მეგობრებს“ რატომ ეგონათ, რომ ჩანაფიქრშივე განწირულ უპრიმიტივეს ფინტს გოლი მოჰყვებოდა?!

კაცი ვერ დათვლის, რამდენი მუქარის წერილი მიიღო გაოცებულმა და გაოგნებულმა ქალბატონმა აფხაზეთიდან. ის კარგა ხანს ვერ გაერკვა რა ხდებოდა მის ირგვლივ და ბოლოს იძულებული გახდა პროკურატურისათვის მიემართა. შეიქმნა საპეციალური საგამომძიებლო ბრიგადა. საკითხის საფუძვლიანად შესწავლის შემდეგ კომისიამ თხოვნით მიმართა გაზეთ „სოვეტსკაია აბხაზიას“ გამოექვეყნებინა შეძვეგი წერილი (გთავაზობთ ნაწყვეტს):

...„როგორც გამოძიებით დადგინდა, მოქ. ვ. ი. ვარძიაშვილს, დაბადებულს 1914 წელს, დიასახლისის, დაწყებითი ქართული განათლების მქონეს, აღნიშნული წერილი არ დაუწერია და მასთან არც არავითარი კავშირი არა აქვს. მისი მძიმე ოჯახური მდგომარეობის გათვალისწინებით და იმ მიზნით, რომ შეწყდეს მისი მისამართით მუქარითა და შეურაცხყოფით აღსავსე წერილების გაგზავნა, გთხოვთ ამ საკითხის გამოძიების ზემოთ მოყვანილი პირველადი შედეგები მიაწოდოთ გაზეთის მკითხველებს.

გამოძიება ყოველ ღონეს ხმარობს წერილის ნამდვილი ავტორის ვინაობას დასადგენად.

საქართველოს სსრ პროკურატურის საგამომძიებლო ბრიგადის ხელმძღვანელი კ. მასლოვი“.

„სოვეტსკაია აბხაზიამ“ შეასრულა პროკურატურის თხოვნა და.. წერილი საღდაც ბოლოში „მიაჭყლიტა“ ყოველგვარი კომენტარის გარეშე ეგლა აკლდათ შეურაცხყოფილი და შეშინებული ქალისათვის ბოდიში მოეხადათ!

მოგწონთ, სიძვე ბატონო?

ვერ დავიჯერებ!

თუმცა შეითხზინილი წერილი რა მოსატანია იმ ფაქტთან შედარებით, აფხაზმა ექსტრემისტებმა „ქართველ ახალგაზრდათა ფიცი“ რომ შეთხზეს და სტამ-

ბური წესით გამზადებული მთელ აფხაზეთს მოჰფინეს, რა იყო ამ „ფიცის“ გარეშე რტელების მიზანი? აფხაზ ექსტერიმისტებს სურდათ კიდევ ერთხელ დაერწმუნებინათ აფხაზი ხალხი, როგორი შოვინისტები ვყოფილვართ ქართველებთან როგორ გვეზიზღება აფხაზები. მალე გაირკვა ამ „ფიცის“ შეთხზვის ტექნიკური მხარე, მაგრამ მისმა ბინძურმა ტექსტმა მაინც შეძლო აფხაზთა გულებში ქართველებისადმი ზიზღი ჩათესა.

ცხადია, ნამდვილად არ გიმართლებენ თანამებრძოლები, ბატონო მეცნიერო. აფხაზმა ექსტრემისტებმა ახლა რესპუბლიკის პროკურორს შეუტყეს.

შედეგი?

შედეგი ნამდვილად ვერ მიიღეს სახარბიელო.

რესპუბლიკის პროკურორისადმი გაგზავნილ ღია წერილში მხოლოდ თანაგონი დაბალი ღონე გამოაჩინეს, დიახ, დღეს, როცა მსოფლიო დღეს, დღეს, როცა საბჭოთა კავშირში აზრთა და იდეათა არნახული, დღემდე წარმოუდგენელი ქართველებია, დღეს, როცა ფასეულობათა, პოლიტიკურ პლატფორმათა, ფილოსოფიურ შეხედულებათა და სახელმწიფოებრივ სტრუქტურათა არნახული მასშტაბისა და გაქანების გადაფასებანი მიმდინარეობს, აი, რას ვკითხულობთ ღია წერილში:

„თქვენთან მრავალპარტულობაა, ჩვენთან ერთპარტიულობა, პარტიას ლენინურს ვუწოდებთ“.

ასე გააგეს ღია წერილის ავტორებმა „ბერესტროიკა“? ერთხელ მაინც არ დამხედარან ტელევიზორის წინ და არ მოუსმენიათ, რა ხდება მოსკოვში უმაღლესი საბჭოს ყრილობებსა თუ სესიებზე, რა ხდება მოძმე რესპუბლიკებში? ბოლშევიკი ვიხდი, მაგრამ უნებურად ძველებური ხუმრობა მომავონდა, „ვორონცოვზე დაბმული ვირო, ქვეყანა გამოიცვალა, შენ კი ისევ ვირად დარჩილი“.

ვერ დავიჯერებ, რომ ზემოთმოტანილ აბზაცს „აიდგილარის“ გუდაუთის განყოფილების გამგეობის ყველა წევრი იზიარებდა, იგი, ალბათ, სულ ბოლო მომენტში ჩაამატა რომელიღაც ავტორმა:

„თქვენთან პარტიბილეთს წვავენ, ჩვენ კი მას გულთან ახლოს სათუთად ვინახავთ“.

რატომ გულთან? ხომ შეიძლება წვიმაში დაუსველდე? ისიც ხომ შეიძლება, რომ დაეკარგოთ და მტერმა გამოიყენოს?.

„თქვენთან ვანდალურად იქცვიან, შეურაცხყოფენ ლენინის, კიროვის, ორჯონიკიძის ძეგლებს, ჩვენ კი წმინდად ვიცავთ და ყუმბარების ნაცვლად ყვავილებით ვამკობთ“.

— ვკითხულობთ კიდევ უფრო ქვემოთ, რესპუბლიკის პროკურორისადმი გამოგზავნილ ღია წერილში.

ახლა კი, სიმეც ბატონო, ნამდვილად უნდა დაყვართ ფარ-ხმალი, ოღონდ ერთი რამ კი მინდა ვურჩიო ღია წერილის ავტორებს: ყვავილებით საღამოობით შეამკონ ჩამოთვლილ პიროვნებათა ქანდაკებების კვარაცხლბეკები, უფრო დიდხანს არ დაჭკნებინან. რაც შეეხება რუსთაველის ქანდაკებას, კარგა ხანია ცნობილია, როგორ „ამკობენ“ მას აფხაზი ექსტრემისტები.

რა უკნათ, ჯორჯ ბატონო, კიდევ გავაგრძელოთ? მე მგონია, არა ღირს.

თქვენ კი უზიხართ მაგიდას, თხზავთ ცილისმწამებლურ, გესლოან წერი-
ლებს და გზავნით ევროპის ქვეყნებში. შემდეგ, ალბათ, ამერიკის კონტინენტსაც
დროზე აუწყებთ ქართველი ხალხის ფაშისტურ გამოხდომებს, თქვენს მწიფე
ვირველია, აქამდე არ გავიგზავნიათ იქ წერილები. თქვენდა სამწუხაროდ, აზ-
რადაც არ მოგდით, რომ, ადრე თუ გვიან, ბრისტოლში გავზავნილი წერილისა
არ იყოს, ყველაფერი გაირკვევა, თქვენი მწირი ფანტაზიით შეკონწიწებული
უსუსური და უდღეური ბრალდებები უკვალოდ გაქრა.

თუმცა, რატომ უკვალოდ?

წინასწარ მინდა დაგარწმუნოთ, რომ თქვენი და თქვენისთანების მიერ შექ-
მნილი ცილისმწამებლური, ყალბი, პროვოკაციული და არამეცნიერული დოკუ-
მენტები თქვენი და აფხაზი ექსტრემისტების ჭეშმარიტი სულიერი პორტრეტის
ამსახველ უტყუარ დოკუმენტებად დარჩება.

წერილის დასასრულს, თუ ნებას დამრთავთ, შექსპირს შეგახსენებთ, სიძვე
ბატონო:

პატივყარილებს სურთ პატივი

სხვასაც აჰყარონ

და მოგვარევენ ეს ქვეყანა ცოდვილთ
სამყაროდ.

გაზ. „ლიტერატურული საქართველო“.

1990 წ. 11 მაისი.



აპოლონ
ქარდავა

დაიბადა 1952 წელს სოხუმის რაიონის სოფელ შრომაში. სოხუმის სამხატ-
ვრო სასწავლებლის დამთავრების დღიდან თავისი მშობლიური სოფლის სკო-

ლაში მუშაობდა ხაზვისა და ხატვის მასწავლებლად უყვარდა თავისი მოსწავლეები და უყვარდათ მის მოსწავლეებსაც. მონაწილეობდა გამოფენებში, მონაწილეობდა როცა შრომას მტერმა ცეცხლითა და ტყვიით შემოუტია, იქაუბრში და ცვითი შენაერთები შექმნეს. ხალხი იცავდა თავის სოფელს. 17-18 ივლისს სოფელი შრომა უმოწყალოდ დაბომბეს. აპოლონის სახლ-კარი გადაიბუგა. საბედნიეროდ, ცოლ-შვილი ამ დროს ცოლოურში - ზუგდიდში, სოფელ ტყაიაში ჰყავდა.

22 ივნისს უკვე სამხედრო პოლიციის მუშაკი აპოლონ ქარდავა თავის 40-მდე თანამებრძოლთან ერთად საბრძოლო პოზიციაზე იდგა. ირგვლივ თითქოს სიმშვიდე სუფევდა. აპოლონი ფრთხილი, დაკვირვებული კაცი იყო. იქაურობა გადაამოწმა - ერთხელ, მეორედ. მესამედ... მესამე გადამოწმებისას სნაიპერის ტყვიამ იმსხვერპლა. მისი მისაშველებლად მისული დღობული (ავთო), და ლევანტი ქარდავებიც მტრის ტყვიის მსხვერპლნი გახდნენ.


აპოლონ ქარდავას ცხედარი 18 დღე-ღამე მინდორში ეგდო. შემდეგ მისი იქიდან გამოსვენება შესძლეს. დაკრძალულია სოფელ ტყაიაში.

აპოლონს დარჩა მეუღლე - ციალა ფაფია და შვილები - მესამეკლასელი ლადო და პირველკლასელი ცირა.

სამშობლო არ დაივიწყებს თავის ღირსეულ შვილს აპოლონ ვალიკოს ძე ქარდავას.

მასალა ლარი ჭარბაძეზე იხილეთ №61 გვერდზე.

კობა ქარელი



კობა რობერტის ძე ქარელი დაიბადა 1960 წლის 15 აგვისტოს გორის რაიონის სოფელ ტყვიავეში.

1967 წლიდან სწავლობდა ტყვიავის სამ. სკოლაში, დაამთავრა 1977 წელს.

1978 წელს დაამთავრა ქ. თბილისის № 108-ე საამშენებლო ტექნიკურმა სასწავლებელი, 1979 წელს — ხიდისთავის 106-ე ტექნიკურმა სასწავლებელი. 1973 წელს ჩაირიცხა საქართველოს სახელმწიფო პოლიტექნიკურ ინსტიტუტში, სამოქალაქო სამრეწველო მშენებლობის სპეციალობაზე. აღნიშნული ინსტიტუტი დაამთავრა 1984 წელს ინჟინერ-მშენებლის კვალიფიკაციით.

1984-88 წლებში მუშაობდა ქ. გორის № 3 სამშენებლო ტრესტში მშენებელ ინჟინრად. 1990-91 წლებში მუშაობდა მშობლიურ სოფელ ტყვიავში, მთავარ ინჟინერ-მშენებლად. სისტემატურად ზრუნავდა სოფლის კეთილდღეობისათვის. ბევრი კეთილი ჩანაფიქრი ჰქონდა, მაგრამ არ დასცალდა, მხოლოდ სოფლის ცენტრის გალამაზება მოასწრო, საუკეთესო პარკი დაუტოვა სოფელს სამახსოვროდ.

ს. ტყვიავი აქტიურად ჩაება ეროვნულ მოძრაობაში, რომლის ხელმძღვანელი და მოთავე იქ შეუპოვარი კობა ქარელი იყო. მისი ნიჭი და პატრიოტობა სოფელს შეუმჩნეველი არ დარჩენია და 1991 წლის 8 მაისს კობა ქარელი მან ერთხმად აირჩია ტყვიავის თემის საკრებულოს გამგებლად. კობამ, იგრძნო რა ხალხის ესოდენ დიდი ნდობა, უფრო აქტიურად, უფრო დიდი შემართებით განაგრძო მუშაობა. განსაკუთრებული ყურადღება გადაიტანა ეროვნულ მოძრაობაზე. მთელი საკრებულოს ახალგაზრდობა მხარში ამოიყენა, თავისუფლება წყუროდ, საქართველო იყო მისი ტკივილი, ვერ იტანდა მშობლიურ მიწაზე ურჯულოების თარეშს.

საკრებულოს გამგებელს ათასი საქმე აქვს, მაგრამ კობა ქარელი ამდენად ძლიერი იყო, რომ ათასივე საქმეს აგვარებდა და დღეღამე იარალით ხელში ტყვიაველ ვაჟკაცებთან ერთად სამაჩაბლოს განთავისუფლებისათვის იბრძოდა, სადაც ცხელი წერტილი იყო, კობა თავის ბიჭებითურთ იქ განჩნდებოდა ხოლმე. ასე მოხდა 1992 წლის 12 მაისსაც, იგი თავის სამშოსთან ერთად ცხინვალის მისადგომებთან, სენგნეთში მყოფებოდა. უცებ სივანალი მოვიდა ს. ერედვიდან, ოსი ექსტრემისტები ქართულ ფარისში შემოიჭრნენ. კობ თავისი ბიჭებითურთ მაშინვე იქ განჩნდა, წინა ხაზზე გაიჭრა და ბრძოლაში ჩაება. ორსაათიანი ბრძოლის მერე ტყვიები გამოეღიათ, დახმარებას ითხოვდნენ, მაგრამ ამაოდ... ვველანი გაქცეულიყვნენ და რვა ქართველი შეატოვეს.

ფაქტიურად გაწირეს საუკეთესო ბიჭები. ამასობაში ოსებმა დამატებითი ძალა მიიღეს და ჩვენი ბიჭები შეიპყრეს, წამებაში ამოხადეს სული, ამასაც არ დასჯერდნენ, ერთად შეაგროვეს და ცეცხლი მოუკიდეს.)

მათი სულები ზეცად ამაღლდა.

კობაზე ისღა გავიგეთ, წამების დროს „შაველეოს“ მღეროდაო. (მკერდზე ქართული ჯვარი ეკიდა, ღმერთი ნამღვილად სწამდა). ყოფილა შეძახილები: „გაგვიდეს!“ „გვიღალატეს!“..

ჩვენი ბიჭები იმ დღეს ვმირებად დაიბადნენ. რვა კმირიდან ოთხი ტყვი-
ველი იყო, ერთი — ტყვიავეში გაზრდილი თბილისელი, ორი ერედველი, ერთი
ქორდელი.

მათ ხსოვნას სამშობლო სანთლებად აინთებს!

საქართველო
საქართველო
საქართველო



**მიშიკო
ქარული**

მიშიკო სტეფანეს ძე ქარული დაიბადა 1965 წლის 2 სექტემბერს გორის რაიონის სოფელ ტყვიავეში.

1972 წელს სწავლა დაიწყო ქ. გორის მე-10 საშუალო სკოლაში, სადაც მიიღო რვა კლასის განათლება. შემდეგ სწავლა გააგრძელა სოფ. ტყვიავის საშუალო სკოლაში. პარალელურად მუშაობდა ტყვიავის კოლმეურნეობაში.

1984-86 წლებში მოიხადა სავალდებულო სამხედრო სამსახური, შემდეგ კი მუშაობა განაგრძო ტყვიავის კოლმეურნეობაში, სადაც მუშაობდა დაღუპვამდე.

მიშიკოს მამა — სტეფანე ქარული მუშაობდა ტყვიავის წვეწების ქარხანაში უფროს ინჟინერ-მექანიკოსად.

დედა — ჟუჟუნა ხარაზიშვილი მუშაობდა ფეიქრად. ამჟამად ორივე პენსიონერია.

უფროსი და — მარინე კობერიძე მუშაობს თბილისის „საქქალაქმშენებსახ-ოსტატად. ჰყავს ერთი შვილი.

მმა — გია ქარული მუშაობს გორის ბამბეულის ქსოვილების ფაბრიკაში ოსტატად ჰყავს ერთი შვილი.

უმცროსი და — ნინო ქარული მუშაობს თბილისის ქ-ნა „ელექტროავტო-მატში“ ინჟინერ-ეკოლოგად.

საქართველოში ეროვნულ-განმათავისუფლებელი მოძრაობის დაწყების დღიდან მიშიკო მის მოწინავე რიგებში ჩადგა და ყოველთვის „ქტიურად იბრ-



**გიორგი
ქართველიძე**

ბელსწერამ ძალზე ხანმოკლე ცხოვრება არგუნა წილად გიორგი ოთარის ძე ქართველიძევილს. ის 1963 წლის 25 ივნისს სამტრედიაში დაიბადა.

საშუალო სკოლა დაამთავრა 1980 წელს ქ. რუსთავეში. სკოლის დამთავრებისთანავე ჩაება საყოველთაო სავალდებულო შრომით საქმიანობაში — მუშაობა დაიწყო უსინათლოთა სასწავლო-საწარმოო გაერთიანება „ფონიჭალაში“.

1982 წელს ნიჭიერი ახალგაზრდა ჩაირიცხა საქართველოს პოლიტექნიკურ ინსტიტუტში ენერგეტიკის ფაკულტეტზე, რომელიც დაამთავრა 1987 წელს. ინსტიტუტის დამთავრების შემდეგ, 1988 წელს მუშაობას იწყებს რუსთავის სარემონტო სამმართველოში მთავარ ენერგეტიკოსად.

1992 წლის 1 სექტემბრიდან პატრიოტი ვაჟკაცი ჩაირიცხა საქართველოს რესპუბლიკის თავდაცვის სამინისტროს სამხედრო პოლიციის რიგებში ოფიცრად. სანიმუშო წესრიგით გამორჩეული გიორგი ქართველიძევილი აირჩიეს ქ. რუსთავის სამხედრო პოლიციის საპატრულო ბრიგადის უფროსის მოადგილედ უფროსი ლეიტენანტის წოდებით. აგრეთვე წარდგენილ იქნა კაპიტნის წოდებაზე. ხოლო 19 ოქტომბრიდან მონაწილეობას იღებს სამხედრო პოლიციის შემადგენლობასთან ერთად აფხაზეთის რეგიონის საომარ მოქმედებებში. სიყვარულსა და სიცოცხლეს მოწყურებულ ახალგაზრდას ერთ-ერთ საბრძოლო ოპერაციის დროს მუხანათი მტრის ტყვიამ დაუზღვრა მზე ოჩამჩირის მისადგომებთან, სოფელ კოჩარასთან 1992 წლის 28 დეკემბერს.

სამშობლო და ერი არ დაივიწყებს პირნათელ მამულიშვილის სახელს.



ვლას (ვასილი) ქარსელაძე

დაიბადა 1967 წლის 23 თებერვალს, ქ. სოჭში.

1973 წელს შევიდა ქ. ტყვარჩელის მე-3 საშუალო სკოლაში.

1977 წელს მათი ოჯახი საცხოვრებლად გადმოვიდა ქ. სოხუმში და მან სწავლა განაგრძო ქ. სოხუმის მე-5 საშუალო სკოლაში, რომელიც დაამთავრა 1984 წელს.

გაიზარდა პედაგოგის ოჯახში. მამა ტრაგიკულად დაკარგა მის დაბადებამდე.

აფხაზეთში ომის დაწყების პირველი დღიდანვე მოხალისედ ჩადგა სამშობლოს დამცველთა რიგებში. იყო სოხუმის 11 ბატალიონის ოცეულის უფროსი. იგი მონაწილეობდა პირველ შეტაკებაში, პატარა არმიანსკაიასთან, ტამიშში. ის არაერთხელ გადასულა მტრის ზურგში დასაზვერად.

როდესაც განახლდა ეშერის მისადგომებთან ბრძოლება, ის აქაც აქტიურად ჩაება და 3 ოქტომბერს მტრის სნაიპერის ტყვიამ განგმირა.



ვალოდია ქალხსასვილი

იგი თბილისში დაიბადა 1968 წლის 13 აგვისტოს. დაამთავრა თბილისის 71-ე საშუალო სკოლა, უყვარდა სპორტი, განსაკუთრებით ავტო — მოტოკროსი, სადაც მიღებული აქვს მრავალი სიგელი. იყო ავღანეთში. საეაღდებულო სამსახურის დამთავრების შემდეგ დაჭრილი დაუბრუნდა მშობლიურ საქართველოს. მოიშუშა ჭრილობა. მძლოლად დაიწყო მუშაობა. ერთხანს წერეთლის გამზირზე მდებარე კოოპერატივ „სამება“ — 2-შიც მუშაობდა. აფხაზეთში ომი დაიწყო და ვალოდია იმ დღესვე გამოცხადდა გლდანის რაიონის სამხედრო განყოფილებაში. იბრძოდა გუმისთაზე, იმყოფებოდა მეექვსე სატანკო ბატალიონში. მისი თანამებრძოლების გადმოცემით, 26 ნოემბერს მოხდა შეტაკება გუმისთაზე და ამ ბრძოლაში დაიჭრა ვალოდიას თანამებრძოლი.

— ბიჭებო, თქვენ დაჭრილი გაიყვანეთ, მე კი გადამლობი ცეცხლით დავიცავ პოზიციას.

ბიჭები მალე დაბრუნდნენ. ვალოდია მკვდარი დახვდათ. თავში ჰქონდა მოხვედრილი სნაიპერის ტყვია, ხელში კი გაუხსნელი „ლიმონკა“ ეჭირა. იგი 24 წლის იყო. დასაფლავებულია თბილისის ზღვის ტერიტორიასთან მდებარე საძმო სასაფლაოზე.

* * *

ჰე, მამულო, გრძნობა შენი მოვლისა
 მარად ყველა ჩვენთაგანის ვალია.

სანამ გმირმა შენთვის სული დალია.

სიტყვა: „სამშობლო,, უპირველეს ყოვლისა!“

გალაკტიონი



**ირაკლი
ქიმერიძე**

საქართველოს თავისუფლებასა და ტერიტორიულ მთლიანობას თავი შესწირა სრულიად ახალგაზრდა მეცნიერმა ირაკლი გურამის ძე ქიმერიძემ.

ირაკლი დაიბადა 1965 წელს. თავისი ხანმოკლე სიცოცხლე მან სწავლაში, შრომასა და სამშობლოს დასაცავად ბრძოლაში გალია. თბილისის სახელმწიფო უნივერსიტეტის ფიზიკის ფაკულტეტის დამთავრების შემდეგ, ირაკლიმ სწავლა გააგრძელა საქართველოს მეცნიერებათა აკადემიის ფიზიკის ინსტიტუტის ასპირანტურაში, რომლის დასრულებისთანავე ჩაირიცხა ამავე ინსტიტუტის მეცნიერ-თანამშრომლად. მისი სამეცნიერო საქმიანობა თანამედროვე ფიზიკის მეტად აქტუალურ საკითხებს ეხებოდა. სადიხერტაციო ნაშრომის დასრულებას ბევრი აღარაფერი აკლდა, მაგრამ, საუბედუროდ, არ დასცალდა.

აფხაზეთში ომის დაწყების პირველივე დღეებიდან ირაკლი მოხალისედ წავიდა სამშობლოს დასაცავად, სადაც მან თავისი დაჭრილი ძმა შეცვალა. ირაკლიმ აფხაზეთში აითვისა არტილერიის რთული სპეციალობა და თავის ქვედანაყოფში ერთ-ერთი საუკეთესო ოფიცერი გახდა. ამასთანავე, იყო მეტად წყნარი, თავმდაბალი და ზრდილი ახალგაზრდა, რომელმაც დიდი სიყვარული დაიმსახურა უფროს კოლეგებსა და ამხანაგებს შორის.

მსუბუქი იყოს, ირაკლი, შენთვის მშობლიური მიწა.

ირაკლი ქიმერიძე სიკვდილის შემდეგ დაჯილდოვდა ვახტანგ გორგასლის III ხარისხის ორდენით.

**საქართველოს მეცნიერებათა აკადემია
ფიზიკის ინსტიტუტის თანამშრომლები.**



**შოთა
 ქირია**

მესამე წელია, რაც საქართველოს ხან ერთ, ხან მეორე კუთხეში ქართველებს მამულის ტერიტორიული მთლიანობის დაცვისათვის უხდებათ ბრძოლა.

ჯერ იყო და რუსეთის მიერ წაქეზებულმა, ძმასავით მიღებულმა ოსებმა გვიმუხთლეს და როცა საქართველომ დამოუკიდებლობისათვის ბრძოლა დაიწყო. შიდა ომი მოგვიწყეს. მინელდა ომი სამაჩაბლოში და იგივე განმეორდა აფხაზეთში. ყოველივე ამან ქართველ აჩაღგაზრდათა მხრებზე და ბედ-იღბალზე გადაიარა.

ერთ-ერთი იმათგანი, ვისაც ბედმა და მოქალაქეობრივმა მოვალეობამ იარაღი დააკავებინა ხელში, იყო შოთა ქირია.

იგი დაიბადა ქალაქ რუსთავში. იქვე დაამთავრა 21-ე საშუალო სკოლაროგორც თითქმის ყველა მის თანატოლს, მასაც მრავალი ლამაზი ოცნებისა და ნატურის შესრულება სწადდა. მისი ცხოვრება მხოლოდ იწყებოდა და წინ ბედნიერი მომავალი ჩანდა, მაგრამ დაიწყო ქართული ეროვნული გვარდიის ჩამოყალიბება და ისიც უყოყმანოდ ჩაღვა მის რიგებში.


ჯერ ქალაქ ფოთში მსახურობდა. შემდეგ ჩოლოყაშვილის სახელობის პოლიცი, რომლის წევრიც ის იყო, გორში გადაიყვანეს და პირველი საბრძოლო ნათლობაც იქვე ახლოს, სამაჩაბლოს მიწა-წყალზე მიიღო. 18 წლის ჭაბუკმა პირდაპირ ჩახედა სიკვდილს თვალებში და არ შედრკა.

მაშინ ვერ მოერია სიკვდილი. უკან დაიხია, მაგრამ დაიმახსოვრა ლამაზი, ვაჟკაცი ჭაბუკი და ზვაშიადის აღსრულება სხვა დროსთვის გადადო. ეს სხვა დრო კი რამდენიმე თვის შემდეგ დაღვა, როცა ნამდვილმა ძმებმა, რომლებთანაც საუკუნეების მანძილზე საერთო გვექონდა ჭირიც და ლხინიც, იგივე ვაგვიკე-

თეს, რაც ოსებმა. საქართველოს ერო-ერთი უღამაზესი კუთხე — აფხაზეთა/ ცეცხლის ალში გაეხვია და სწორედ ამ ალმა დაიფერფლა 19 წლის შოთა ქი/ რიას სიცოცხლე. 1992 წლის 1 სექტემბერს ემერასთან ბრძოლაში მძინარე მძინარე ზიხლიძე იყავს ნალმზე აფეთქდა.

ამბობენ — ღმერთს ვინც უყვარს, იმას სცდისო.

იმასაც ამბობენ — როცა მიწაზე ვინმე დაიღუპება, ცას ვარსკვლავი მოს- წყდებაო. 1 სექტემბერს მოწვევითი ვარსკვლავის ნაცვლად შოთა ქირიას დისშვილებისა და ძმისშვილების სახელზე ანთებული ვარსკვლავები კაფობენ, ამ ვარსკვლავებმა კი დიდხანს უნდა ინათონ აყვავებული და თავისუფალი სა- ქართველოს თავზე, მამულის საამაყოლ და სათაყვანებელი ბიძის მოსაგონრად.



**ადგული
ქირია**

დაიბადა 1940 წლის 21 იანვარს ზუგდიდის რაიონის სოფ. ოქტომბერში. საშუალო სკოლის დამთავრების შემდეგ სწავლა გააგრძელა ტაშკენტის სახელ- მწიფო უნივერსიტეტში, ჰესამე კურსიდან — ივანე ჯავახიშვილის სახელობის თბილისის სახელმწიფო უნივერსიტეტში იურიდიულ ფაკულტეტზე, რომლის სრული კურსი დაამთავრა 1973 წელს.

1970 წლიდან მუშაობა დაიწყო მთაწმინდის რაიონის შინაგან საქმეთა გა- ნყოფილებაში მომკვლევად, ორი წლის შემდეგ გადაყვანილ იქნა გამოძიებლად, სადაც მუშაობდა 1980 წლამდე.

1980 წლიდან 1991 წლამდე მუშაობდა ვაკის რაიონის შ.ს. განყოფილე- ბაში უფროს გამოძიებლად. გადატანილი ჰქონდა გულის ინფარქტი. მიუხე- დავად ამისა, როდესაც სამაჩაბლოში შეიქმნა ასეთი სიტუაცია, სურვილი გა- მხოთქვა წასულიყო და თავისი წვლილი შეეტანა მისი სამშობლოს მტრების წინააღმდეგ ბრძოლაში, მანამდე 1989 წელს თვით იმყოფებოდა აფხაზეთში.



**პაატა
ქიტუაშვილი**

შემპირწუნებელი სიკვდილით დაიღუპა პაატა ქიტუაშვილი. ვინ დაივიწყებს ფრონტის წინა ხაზიდან ჟურნალისტ ლულუ ჩხენკელის მიერ მოწოდებულ ვიდეომასალას, სადაც 19 სექტემბერს მომხდარი ვანდალური აქტია ნაჩვენები. სამხედრო დავალების შესრულებისთვის მიმავალ ავტობუსს ჩასაფრებულმა აფხაზმა ექსტრემისტებმა ჯერ სნაიპერის ტყვია დააწიეს ქართველ მეომრებს, შემდეგ კი ავტობუსი დაწვეს. დამწვართა შორის პაატაც იყო.

ველარ დაბრუნდა შინ მარიამობის დღეს სახლიდან იმედით გამოსული ვაჟკაცი. ვერ დაუბრუნდება იგი თავის შვილებს – ვანიკოსა და გიორგის, სიკვდილის წინ ფრონტიდან დაშნა რომ გამოუგზავნა დაბადების დღის აღსანიშნავად, მის უსაყვარლეს ღედას, დეიდას, რომლებმაც ის უშამოდ გაზარდეს და დააეჟაკაცეს.

ისე უცბად დაიფერფლა საბურთალოელი ბიჭის, პოეზიის, ხელოვნებისა და სპორტის მოყვარული კაცის სიცოცხლე, რომ, საკაერო დესანტში ნამსახურებმა პაატამ თავის გადარჩენა ვერ შესძლო.

პაატამ 16 წელი იმუშავა ტელე-რადიო დეპარტამენტში ტექნიკურ განყოფილებაში, შემდეგ კორესპონდენტი იყო...

მაშინ, როცა მის ღელასთან, ქალბატონ რუსუდან ქიტუაშვილთან გადაეწვიტე ტელევიზიაში შეხვედრა (იგი იქ წლების მანძილზე მუშაობს), პაატას უკანასკნელ ვადაცემას – „ხიდს“ ეთერში ხელახალი გაშვებისათვის ამოწმებდნენ. გულდაწყვეტილები ვუყურებდით მასალას. უცებ ქ-ნმა რუსუდანმა ვაიო

დაიბაზა, ფეხზე წამოიღა და გარეთ გავიდა. ეკრანზე ცოცხლად გამოჩნდა პაატა, რომელიც მომღიძვარი სახით საფრანგეთში მცხოვრებ ემიგრანტ ქართველ ქალიშვილსა და მის მეუღლეს — თბილისელ ჭაბუკს ესაუბრებოდა.

„თეთრი ვერხვები“ მიყვარსო, უთქვამს მაიას პაატასთვის და მისი შექმნის მეუღლის პატივსაცემად ის ყოველთვის გაუნძრევლად უსმენდა ამ სიმღერას“.

ეცხონოს!

ი ა კ ა ლ ა ნ დ ა რ ი შ ვ ი ლ ი

აკაკი ქომეთიანი

დაიბადა 1955 წლის 29 მარტს ადიგენის რაიონის სოფელ ადიგენში, ეკონომისტის ოჯახში. 1956 წელს აკაკის მამა ომის დროს მიღებული ჭრილობების განკურნების მიზნით გადასახლდა ქ. გაგრაში. ეს იყო იძულებითი გადასახლება ექიმების დასკვნის შემდეგ.

1961 წელს შევიდა კოლხიდის საშუალო სკოლაში, რომელიც 1972 წელს დაამთავრა. ეკლიანი ბავშვობა არგუნა ბედმა. უჭირდა გაგრაში ახლადწამოსახლებულ ოჯახს, რომელსაც ოთხი მცირეწლოვანი შვილი ჰყავდა. ამ გაჭირვებას დაერთო დედის გარდაცვალება 1968 წელს, რამაც ისედაც გაჭირვებული ოჯახი სულიერ ტრაგედიაში მიიყვანა. ამ დროს უფროსი ძმა დემური 18 წლისა იყო, ხოლო უმცროსი და ლია — 12-ისა.

კაკო უღედოდ გაიზარდა და დავაჟყავდა. 1992 წლის 1 ოქტომბრის ჩაღამოს კოლხიდის შტურმის დროს ერთ-ერთი პირველი დაეცა კაკო ქომეთიანი, რომელმაც მოასწრო 12 გვარდიელის გაყვანა სამშვიდობოს. ამ სტრიქონების წერის დროს ცნობილი არ არას ცოცხალია თუ არა შუათანა ძმა ვარლამ ქომეთიანი, რომელიც უკანასკნელად ნახეს 1992 წლის 2 ოქტომბრის დილას ტყვიამფრქვევით ხელში სანატორიუმ „გერუზიასთან“. ღმერთმა ის მაინც აცოცხლოს!

ნათელში იყავ, მამულისთვის დაღუპული კაკო ქომეთიანი!



**მიხეილ
ქორიძე**

დაიბადა 1971 წლის 14 აგვისტოს, 1988 წელს დაამთავრა თბილისის 58-ე საშუალო სკოლა.

სწავლობდა თბილისის ტექნიკური უნივერსიტეტის მეხუთე კურსზე. იყო შესანიშნავი სპორტსმენი. მოხალისედ იბრძოდა გვარდიის სპეცდანიშნულების რაზმში.

1992 წლის 10 აგვისტოს სნაიპერის ტყვიით დაიღუპა აფხაზეთში, ბზიფის ხეობაში.

სამშობლო არ დაივიწყებს თავის სულითა და ხორციით ლამაზ შვილს – მიხეილ ქორიძეს.

მიხეილ ქორიძე სიკვდილის შემდეგ დაჯილდოვდა მედლით „მხედრული მამაცობისათვის“.

გია ქოქოშვილი

...ომს თავისი კანონები აქვსო, უთქვამთ მაგრამ, რატომ არის, რომ მაინც – დამაინც რჩეულნი იღუპებიან?..

დაიბ, რჩეულნი, ისეთი, როგორიც გია ქოქოშვილი იყო.

ბავშვობაში მამით სიობლე იწვინია, თუმცა გორის რაიონის სოფელ შორდში, მშობლიურ სოფელში, ყველასთვის თითოთ საჩვენებელი პიროვნება იყო.

სამშობლო უყვარდა გიას და სწორედ ამ სიყვარულს შეეწირა კიდევაც მისი სიცოცხლე. იმ ავბედით დღეს, 1992 წლის 23 მაისს, გია თავის მეგობრებთან ერთად სოფელ ფრისთან მედგრად იდგა ოსი ექსტრემისტების წინააღმდეგ. როცა გია დაიჭრა, ყველამ სთხოვა: ბრძოლის ველს გასცლოდა, მაგრამ ბუნებით ვაჟკაცმა მეგობარს ავტომატი წაგლიჯა და წინა ხაზზე დაბრუნდა. არადა, ბრძოლა უთანასწორო იყო.

ერთ-ერთი თვითმხილველის სიტყვებით, დაჭრილი ვიკი ქოქოშვილი ვაჟკაცურად ებრძოდა ოს ექსტრემისტებს, მაგრამ ძნელია ახუგეშო ჭირისუფალი, როცა მიცვალებულის დანახშირებულ გვამს დამარხავენ. დიახ, ოსმა ექსტრემისტებმა რვა ერთიმეორეზე უკეთესი ვაჟკაცი დაწვეს ცოცხლად მცემის შემოსების ვიკი ქოქოშვილიც იყო.

ერემლშეუმშრალი დედის, დაქვრივებული ნინო ცოტნიაშვილის, 21 წლის ახალგაზრდა ქალის ერთადერთი სახარულია პატარა შალვა, რომელიც დღე არ გავა, მამის ხსენებაში რომ არ იყოს...

ჩვენ არ დაგივიწყებთ, ვიკი!

მკაბ ოღიკაძე

კობა ქარაილი, ნიკო ოდიავშილი, ვიკი ქარაილი, იაკოვ ჩინლაძე, მორის კალატოზიშვილი

მარტო სოფელი ტყვიავა არაა... სრულიად საქართველო ვტირით, ტტირით ნაწამებთ, უდროოდ, ვაჟკაცურად დაღუპულებს ერთიანი, ძლიერი საქართველოსთვის, მამულისთვის...

კობა... არქიტექტორი იყავი... სოფლის გამგებლად რომ ავირჩიეს, უპირველესად მის გამშენიერებაზე დაიწყე ფიქრი, მშვიდობიანი რუღუნება ვინ დაგაცალა... მამულს გეცილებოდნენ და... იარაღი აისხი... სიცოცხლისთვის, სიყვარულისთვის დაბადებულს სიკვდილი გაგიხადეს ოცნების მოზიარედ. ვაი დედასა შენსა...

ნიკო... ჯიქების საგვარეულოდან წამოსულ ჯიქივით ყმას ეგრე როგორ მოგერია მტერი მომხდური... ზურგი არ გიჩვენებია, აკი ამიტომაც დაგიძიგნეს შეუვალი მკერდი... შენი მამა-პაპანი მჭედლები ყოფილან... შენც ვაჟკაცი სიკვდილით გამოიჭვე შენი ხსოვნის ზარი...

ვაი შენს დედას...

იაკო... სოფლისათვის საყვარელი კაცის შვილი საყვარელ და ერთგულ ყმად გაიზარდე... მისი ჭირისა და ღზინის ერთგულ ჭირისუფალს დღეს სრულიად საქართველო გჭირისუფლობს, მეგობრებზე, სიცოცხლეზე გადაგებულს. ვაი შენს დედას...

მიშიკო... ჩვენ ზომ ქრისტიანები ვართ, კაცის კვლა ჩვენგან არ ეგები-სო... ესეც ვვასწავლეს, რადგან მამულს, სამშობლოს გვეცილებიან და სულაც არ ესმით შენი ვაჟკაციური მორალი... მტრისგან, ზურგში მახვილის ჩამცემ მტრისგან ეს დიახაც რომ მოხალოდნელია. აკი ამიტომაც შავად ამოგიბლანდეს სამშეოს ჩიოები...

ვაი შენს დედას...

ოთხი კაი ყმა სოფლისთვის ოთხი ბალავარია, ვაი, რომ მარტო ნიკო ოდიავშილის ვაჟი ჩაიცვამს მამის სახელობის თორს და ისევ იმ მიზნისათვის

იბრძოლებს, რისთვისაც თავი დასდეთ... თქვენ სამს კი... სიყვარული ვინ
გაცალათ...

გმირებად არ იბადებიან... გმირებად კვლებიან... სიცოცხლის ამ მუდმივად
მონაკვეთზე აიგო თქვენი ნათელი ხსოვნის ტაძარი...

ვაი მათ, ვისაც არც სააქაოს და არც საიქიოს არ მიესვლება...

ნათელ სასუფეველში მიმავალი თქვენი გზა სრულიად საქართველოს გულ
ზე გადის.

* * *

მორის...

სულით ხორცამდე თბილისელი იყო. თბილისში დაბადებული, გაზრდილი
და დავაჟკაცებული. თავის სამშობლოზე, ქალაქსა და ხალხზე უზომოდ შეყვარებული.

სამაჩაბლოს მიწა არ ემეტებოდა სხვისთვის, ნიჭიერსა და ოქროს მარჯვენის
პატრონს რამდენი რამის გაკეთება შეეძლო თბილისისათვის, მაგრამ გულ-
მა ტყვიავისაკენ გაუწია. ნათესავისი ოჯახში დასახლებულს გულისყური
დღენიდავად სამაჩაბლოსკენ ჰქონდა მიპყრობილი.

კეთილი, ჭკვიანი, მშრომელი, ერთგული და უღალატო ბიჭი იყავი და,
რასაკვირველია, არც სამშობლოსათვის გიღალატნია.

საკუთარი მკერდით იცავდა ქართლის მაწას და სწორედ იმ მკერდში გა-
უცივდა საქართველოზე შეყვარებული გული.

ვაი შენს დედას, მორის, მამაცი შეილის გამზრდელ დედას, მაგრამ საამა-
ყოც ბევრი აქვს — სამშობლოს მართალი და მამაცი კაი ყმა გაუზარდა!

ნათელი დაგბედაბოდეს ამ ქვეყანაშიც. აქ, სამზეოზე ადრე დაღამებული
ბიჭო!

ტყვიავის თემის საკრებულო



**კობა
ქრისტესიაშვილი**

ზემლეგი კობა ელადიშვილის ძე ქრისტესიაშვილი დაიბადა 1966 წელს თბილისში.

შინაგან ჯარებში მსახურობდა 1992 წლიდან სოხუმის ბატალიონში. დაიღუპა 1993 წლის 17 მარტს სოფელ ანადარასთან.



**ბესიკ
ქუთათელაძე**

ბრძოლის ველზე გმირულად დაეცა ეროვნული გვარდიის სარდლის ქოადგილე. პოლკოვნიკი ბესიკ თენგაზის ძე ქუთათელაძე.

ბესიკი დაიბადა 1958 წელს საჩხერის რაიონში. 1973 წელს დაამთავრა საჩხერის ილია ჭავჭავაძის სახელობის 11 საშუალო სკოლის 8 კლასი და სწავლა გააგრძელა ქ. თბილისის მანქანათმშენებლობის ტექნიკუმში საკონსტრუქციო ფაკულტეტზე. 1977-79 წლებში წსახურობდა რუსის ჯარში. მისი ცხოვრების დიდი ნაწილი სპორტს ეკუთვნოდა. იგი იყო საქართველოს სამპისტო ნაკრები გუნდის წევრი, იყო სპორტის ოსტატი ორ სახეობაში.

1979 წელს მუშაობა დაიწყო საჩხერის ბავშვთა და მოზარდთა სპორტული სკოლის მწვრთნელად ჭიდაობა მიუღო. 1980 წელს ჩაირიცხა საქართველოს სახელმწიფო ფიზკულტურის ინსტიტუტში. 1982 წლიდან მუშაობდა საჩხერის № 153-ე პროფტექნიკურ სასწავლებელში ფიზიკური აღზრდის ხელმძღვანელად, ხოლო 1984 წლიდან საჩხერის სპორტული კომპლექსის დირექტორად. პარალელურად მოღვაწეობდა როგორც მწვრთნელი და მამულს ბევრი სახელოვანი ჩემპიონი აღუზარდა.

ბესიკი არჩეული იყო საქართველოს რესპუბლიკის უზენაესი საბჭოს დეპუტატად, იყო საჩხერის რაიონის პირველი პრეფექტა, საქართველოს თავდაცვის მინისტრის მოადგილე, ეროვნული გვარდიის სარდლის მოადგილე.

ბესიკი ქუთათელაძე ეროვნულ საქმეს მთელი თავისი შეგნებული ცხოვრების მანძილზე ემსახურებოდა. დიდა მისი წვლილი საქართველოში პირველი ეროვნული გვარდიის ფორმირების შექმნაში. იგი იყო ამ ფორმირების ერთ-ერთი პირველი მეთაური და ამ საქმეს საციოცხლის ბოლომდე ერთგულად ემსახურებოდა.

ბესიკის მიერ გადაღებული ეს ნაბიჯები იმ კაცური ღირსების ანარეკლს წარმოადგენდნენ, რომლებიც ჩვენს სახელოვან წინაპრებს ახასიათებდათ და ჩვენს დროში დავიწყებას მიეცა. მას უდიდესი დამსახურება მიუძღვის უძველესი მხედრული ტრადიციების აღორძინებაში. ამ ტრადიციების ერთგულს ახასიათებდა სიმამაცე, პირდაპირობა, შეუპოვრობა. ყოველივე ამ თვისებებთან ერთად, იგი იყო საოცრად მიმტყვებელი და მზრუნველი პიროვნება უებრო ვაჟკაცის სულის ძაბილმა მისი ფიქრები საქართველოს მხედრული ძლიერების აღდგენის საქმეს შეაღია და ამ საქმეს შეეწირა კიდევ. მისი სიცოცხლის ბოლო წლები სამშობლოს სამსხვერპლოზე სვლის გზა იყო, ამ გზას ის სავსებით ცნობიერად, შეწირული სიმტკიცით მიუყვებოდა და როგორც მოწამეს, არც ერთი წუთით არ უფიქრია თავისი ბედი როგორმე შეემსუბუქებინა, ეყო ძალა და უნარი ვისიმე ლიქნის ან ლანძღვის სიტყვით პრინციპები არ შეეცვალა და გზიდან არ გადაეხვია

— მამაცი მხედრები ღალატით კვდებიან, — ასეთია ომის ღმერთის განგება...

გორში, რუსი ოფიცრების მუხანათურად ნასროლმა ტყვიებმა მოუსწრაფეს სიცოცხლე მას და მის თანამებრძოლებს...

ბესიკი ორივე ხელისუფლების დროს გვარდიის მეთაური იყო. მის ირვკვლივ ბევრი ბრალი და სიბინძურე დუღდა, მაგრამ მას მწიკვლი არ მოსცხებია, რადგან ერთი საზომით ზომავდა — მოუხდებოდა თუ არა ეს ნაბიჯი საქართვე-

ლოს. ეს იყო და ეს. ალბათ, ამან ატარა იგი ამ ცოდვით სავსე წუთისოფელში ასე ნათელ კაცად და ამანვე აქცია ყოველი ქართველის სიყვარულ ადამიანად. მამა-პაპათა გზას ნადრევად გაუდგა სამშობლოს სიყვარულში დაწვდილი ლილი ვაჟკაცი, ჩვენ კი დაგვიტოვა უდიდესი ტკივილი, რომელიც კვითქმევიანებს: „ღმერთო, რა დიდი ბრალია სიკვდილი კაი ყმისაო!“ იგი მთელ საქართველოს მოუკვდა, უფრო სწორად, ზეცაში წავიდა მამულისათვის თავდადებულ დიდ მხედრებთან. მისი სახელი ოქროს ასოებით ჩაიწერა ქართველ მხედართა ვაჟკაცობისა და სულგრძელობის ისტორიაში.

და მაინც, სიცოცხლეს აგრძელებს მასი ორი ბოკვერი, რომლებიც მამას დაწვებულ საქმეს ვაჟკაცურად გააგრძელებენ.

ბესიკ ქუთათელაძე სიკვდილის შემდეგ დაჯილდოვდა ვახტანგ გორგასლის I ხარისხის ორდენით.




**ილო (ილარიონ)
ქურდოგაძე**

დაიბადა ქ. სამტრედიაში 1971 წლის 27 ნოემბერს. 1978-86 წლებში სწავლობდა სამტრედიის № 3 საშუალო სკოლაში, 1986-1988 წლებში — სამტრედიის № 5 საშუალო სკოლაში. 1989 წლის 16 ივლისს სხვა სამტრედიელ ბიჭებთან ერთად ისიც აფხაზეთში წავიდა ქართველების მისასველებლად, დეკემბერში კი საბჭოთა ჯარში გაიძახეს. უარი არ უთქვამს წასვლაზე, აფხაზეთის ამბებმა სამხედრო საქმის ცოდნის აუცილებლობაში დაარწმუნა იგი. ჯარიდან 1991 წლის მიწურულს დაბრუნდა. შემდეგ მუშაობდა ავტოსარემონტო საწარმოში. აფხაზეთში ომის დაწყების პირველივე დღეებში განცხადება დაწერა, რომლითაც მოხალისედ ითხოვდა წასვლას, სექტემბერში გაიწვიეს კიდეც მოკლევადიანი მომზადების შემდეგ. 2 ოქტომბერს უკვე ვაგრის რაიონში გადაიყვანეს. იმ მძიმე დღეებს გადაურჩა, მხოლოდ ფეხები ჰქონდა დაზიანებული, მო-

იმუშა თუ არა, ისევ აფხაზეთს მიაშურა. ცრემლით ნუ გამაცილებო, დედას სთხოვა, მე მალე დავბრუნდებიო. ვაი, რომ, ცუდად დაბრუნდა, 19 დეკემბერს სოფელ აძიუბუასთან (კულრიფშის რაიონი) აფეთქდა ნაღმზე ჯავშანმანქანით. შემდეგ ნეკროლოგში წერდნენ მისი თანამებრძოლები: „ძნელია ნუგუნში სიყვარულს დას, რომელმაც 21 წლის უცოლშვილო ვაჟკაცი დაკარგა. ჩვენთვის, მისი შეგობრებისათვის, მუდამ დაუვაწვარი იქნება ილო ქურდობადის პირდაპირი და ვაჟკაცური ხასიათი, მისი გმირული შემართება საქართველოს თავისუფლებისა და დამოუკიდებლობისათვის ბრძოლაში“.

თინიკო ივანიშვილი



**პასია
ლაგვაშიძე**

დაიბადა 1964 წლის 15 თებერვალს სოფელ არგვისში. ჰყავს დედ-მამა, ორი ძმა და ორი და. 1981 წელს დაამთავრა ბერულის საშუალო სკოლა და დაიწყო მუშაობა ერედვის საბჭოთა მეურნეობაში მექანიზატორად. 1982 წლის 5 მაისს გაიწვიეს სამხედრო სამსახურში. 1984 წელს დაბრუნდა სოფელში და მუშაობა გააგრძელა ისევ მექანიზატორად. ორი წლის განმავლობაში იყო დებუტატად. 1986 წელს არგვისიდან გადავიდა ქალაქ რუსთავეში და დაიწყო მუშაობა ამწემშენებელ ქარხანაში შემდუღებლად. 1990 წელს სამაჩაბლოში შექმნილი მძიმე მდგომარეობის გამო მან მიატოვა სამსახური და დაბრუნდა სოფელში. სამშობლოს დასაცავად. დროებითი სიმშვიდეს შემდეგ მშრომელმა ვაჟკაცმა ვერ გასძლო უმუშევრად და დაიწყო მუშაობა ისევ მექანიზატორად, მაგრამ ოსმა ბოვეიკებმა არ ატალეს დიდხანს მუშაობა. 1992 წლის 12 მაისს ბრძოლის დროს მსუბუქად დაიჭრა, სისხლი გასდიოდა ღვიძლის მხრიდან და ისევ გამოიყვანა შედარებით უფრო მძიმედ დაჭრილი ტყვიაველი ახალგაზრდა სამშვიდობოს. როცა უკან დაიხიეს, გაიგო, რომ მისი შვიდი დაჭრილი თანამებრძოლი

ბრძოლის ველზე დარჩა. გულმა აღარ გაუძლო და შეებრუნდა უკან მათ დასახლება-
რებლად. კბილებით იცავდა თავის შვიდ მგმინავ ძმას, მაგრამ მუხანათმა
მტრებმა უკვე მიიმედ დაჭრილი ჯალათურად აწამეს და დაწვეს 1992 წლის
მაისს.

კახაბერ ღამბაშიძე

დაიბადა ქალაქ რუსთავში 1970 წლის 21 აპრილს. ცხოვრობდა თბილის-
ში, „თემქის“ დასახლების II მიკრორაიონში. სწავლობდა თბილისის 164-ე
საშუალო სკოლაში. რვა კლასის დამთავრების შემდეგ ჩააბარა მანქანათმშენებ-
ლობის ტექნიკუმში. 1989 წელს გაიწვიეს სავალდებულო სამხედრო სამსა-
ხურში — ორი წელი იმსახურა შორეული აღმოსავლეთის ოლქში.

იყო საქართველოს რესპუბლიკის შეიარაღებული ძალების განსაკუთრე-
ბული დანიშნულების ბატალიონის წევრი. (ლეიტენანტი).

დაიღუპა 1992 წლის 4 ოქტომბერს — ის, ტყვედ აყვანილი, დახვრიტეს
გულდაუთის საკონცენტრაციო ბანაკში.

იყო უცოლშვილო.

დარჩა დედა — ქეთევან ღონდაძე.

კახაბერ ღამბაშიძე სიკვდილის შემდეგ დაჯილდოვდა ვახტანგ გორგასლის
III ხარისხის ორდენით.



ანდრო
ღარიბოვი

რივითი ანდრო ანზორის ძე ღარიბოვი დაიბადა 1972 წლის 25 ოქტომ-
ბერს ქ. თბილისში. ეროვნებით სომეხი.

მსახურობდა ოპერატიულ პოლკში 1991 წლის მაისიდან.

დაიღუპა 1992 წლის 28 დეკემბერს, ტამიშთან.



**ვაჟა
ღვალაძე**

ვაჟა გიორგის ძე ღვალაძე 1967 წელს დაიბადა ლაგოდეხის რაიონის სოფელ ვაზისუბანში. შინაგანი ჯარების პოლკში მსახურობდა 1992 წლიდან. იყო ზემდეგი, აულანეთის ოპის მონაწილე. საზრიანად იბრძოდა სამაჩაბლოში, აფხაზეთში ძველი კინდლასთან უთანასწორო ბრძოლისას ტყვედ რომ არ ჩა-ვარდნილიყო, ხელყუმბარით აიფეთქა თავი.



**გრიგოლ
ღონღაძე**

ზემდეგი გრიგოლ ღვითის ძე ღონღაძე დაიბადა 1964 წელს თბილისში. შინაგან ჯარებში მსახურობდა 1993 წლის 10 ივნისიდან სწრაფი რეაგირების სპეციალიზირებულ ბატალიონში.

28 იენისს მივლინებულ იქნა აფხაზეთში საქართველოს მთლიანობის დასაცავად, სადაც აქტიური მონაწილეობა მიიღო მტერთან ბრძოლებში ზემო კინდლის მიდამოებში. ერთ-ერთი შეტაკების დროს იგი დაიკარგა. 3 ივლისს ზემდევი გ. ღ. ღონლაძე ნახეს მოკლული.

ჰყავს მამა, დედა, ძმა.

ზაურ კალანდია

აფხაზეთს სიკვდილის ვერ წაპართმევს!..

12 ოქტომბერია, ხუთნი ვართ თბილისის აეროპორტში, მწერალთა ერთი ჯგუფი, და მივემგზავრებით აფხაზეთს...

ჩვენს ჯგუფში ჯანო ჯანელიძეცაა, სოხუმელი კაცი, ცნობილი პოეტი და საზოგადო მოღვაწე, რომელიც ერთი კვირაა თბილისში იმყოფება. თექვსმეტგვერდიანი გაზეთი „კოლხური დიადემა“ ს.მ დღეში მარტოდმარტომ გამოსცა, აფხაზეთში დატრიალებულ მოვლენებში ქართველი საზოგადოებრიობა უფრო ღრმად ჩაახედა და შეაძრწუნა, მერე ჩვენ, მისი უმცროსი კოლეგები — ირაკლი სამსონაძე, ვახტანგ ღლონტი, ზურაბ ლობჯანიძე და მე — აგვიყოლია და სოხუმისაკენ დაგვამგზავრა...

თვითმფრინავის სალონში ვართ.

ჩვენს გარდა იარაღი ყველას აქვს და, აქედან გამომდინარე, ყველა საბრძოლველად მიდის, და ჩვენ ცოტა უხერხულადაც კი ვგრძნობთ თავს... არის ხმაური, იარაღის ჩხაკუნი, გადაძახილები... აქა-იქ არაყიც ისმევა და არც ანთებულ სიგარეტს მალავს მუჭში ვინმე... არც არაფერია გასაკვირი: ბიჭები — ქართველები! — ომში, მამულის დასაცავად მიდიან!..

მანამდე, 7 ოქტომბერს, საქართველოს მწერალთა კავშირში სახელდახელო მიტინგი გაიმართა, სადაც აფხაზეთში წამსვლელ მოხალისე ახალგაზრდა მწერალთა საკმაოდ მოზრდილი სია შედგა. სხვათა შორის, მსგავსი ოცეული უკვე არსებობს „ლიტერატურული საქართველოს“ რედაქციასთან, რომელიც მზად არის აიღოს იარაღი და საკუთარი სამშობლო, მისი მთლიანობა სისხლის უკანასკნელ წვეთამდე დაიცვას.

თუმცა, ჯერ ჩვენ ყველას რეზერვისტები გვქვია.

და აი, მწერალთა ეს ერთი მცირე ჯგუფი ჰაერში ვართ...

ჩვენი ნაუცბათევი წახვლა იმანაც განაპირობა, რომ აფხაზეთიდან ახალ ცნობებს თითქმის მოკლებულნი ვართ. ტელევიზია ერთსა და იმავე ინფორმაციას ხშირად ორი დღე იმეორებს. განსხვავება მხოლოდ ისაა, ვთქვათ, დილით ჩხიკვაძე რომ მოგვაწვდის, ნაშუადღევს — შენგელია, საღამოს — ბაჯელიძე, ან პირიქით.

ტრაგიკულია მწერლის ხელში იარაღი. ომში გამარჯვებული მწერალიც, ალბათ, კვდება, როგორც შემოქმედი, სამარდება; მაგრამ უფრო ტრაგიკულია,

როცა მშობლიურ მიწა-წყალს გეცილებიან, ერის ერთიანობას ხელყოფენ, გკლავენ, შეილებს ვიხოცავენ, გენოციდს გიწყობენ დაქირავებული გადამთავრებულები და, რამეთუ არაერთი ჩვენნაირი რიგითი უკვე იბრძვის მშობლიურ მიწა-წყალს წინაშე ვალს იხდის აფხაზეთში, ჩვენც მზადა ვართ, იარაღი (თუკი ვიმოვეთ, ცხადია!) მომზდურთა წინააღმდეგ ავისხათ.

სოხუმში ვართ, სტალინის ყოფილ აგარაკზე, სადაც აფხაზეთის დღევანდელი ხელისუფლებაა განლაგებული. აქ არიან ბატონები გოვა ხაინდრავა, თამაზ ნადარეიშვილი, გივი ლომინაძე, ნაპოლეონ მესხია... ბატონ გოვას ჩვენს საბრძოლო მზადყოფნაზე ელიმება: არც ისე გვიჭირს, თქვენ რომ ჩაგრიოთ ბრძოლებშიო, გვამშვიდებს და, ისევ ჩვენ ვპოულობთ გამოსავალს — სამხედრო კორესპონდენტებად ვაცხადებთ თავს, რაზეც თანხმობასა და დახმარებას გვპირდება გოვა.

შუალამისას, სამი საათიდან ექვსამდე, ჰაუბიციების ბათქსა და ზარბაზნების გრიალში ჩვენი მასპინძლის, ბატონ გენო კალანდიას ბინის კარ-ფანჯრები ზანზარებენ და, რა თქმა უნდა, ძილი და მოსვენება, დაღლილობისდა მიუხედავად, გვიფრთხება...

ღილით სამხედრო შტაბში ვართ.

შტაბში სოხუმის მე-3 ბატალიონის უფროსს, ბატონ დათო ღვინჯილიას ავალებენ ომის წინა ხაზზე ჩვენს გაყვანას და მეგზურობას და ეშერიასაკენ, სადაც წუხელ ფიცხელი ბრძოლები მიმდინარეობდა თურმე, მივემართებით.

ჯანოს შოფრული გამოცდილება რომ ვიცი, მის მანქანაში სიკვდილს კეფაში როყიო ტყვია მიჩვენიაო, ხუმრობს ვენო და ის, ვახტანგ დლონტი და მე ბატალიონის მეთაურის მანქანაში ვთავსდებით, ირაკლი და ზურაბი — ჯანოსთან.

მანქანის უკანა სავარძელში ნადმსატყორცი დევს, რომელიც ვახტანგმა მუხლებზე ფრთხილად დაისვენა და, ეს რაღააო, დაინტერესდა.

ქართველმა ხალხმა უკვე ირწმუნა, რომ 14 აგვისტოს, აფხაზეთის ტერიტორიაზე ჩვენი საჯარისო ნაწილების შესვლა მარტო ქვეყნის ერთი კუთხიდან მეორე კუთხეში გადაადგილება არ იყო... მაგრამ ქართველი ხალხის გარკვეულ ნაწილს, სამწუხაროდ, დღესაც არ სჯერა, რომ 21 აგვისტოს აფხაზ სეპარატისტებსა და მთიელთა კონფედერაციის ბანდებს ქართული მოსახლეობისთვის გენოციდის მოწყობა ჰქონდათ აფხაზეთში განზრახული... დროც „შესაშური“ იყო შერჩეული: ორად გახლენილი, დამაბუნებული საქართველო, „უკანონო“ ხელისუფლება და, რაც არანაკლებ აძლედა ხელს არძინას, ექსპრეზიდენტისაგან აშკარა მხარდაჭერა და ასევე მისგან დივერსიული აქტების კასკადი მთელი საქართველოს მასშტაბით...

ღიახ, არძინა და მისი თანამზრახველები მზად იყვნენ... ასობით „ბოევიკი“ ჩეჩენი, ყაბარდოელი, თურქი, რუსი თუ ჩერქეზი უკვე „შინ“, საბრძოლო მზადყოფნაში ჰყავდათ, ორი სამი თვის მანძილზე ინახავდნენ მათ და, როგორც დამტკიცდა, არამარტო აფხაზეთის მოქალაქეობას, არამედ თითოეული

მოკლული ქართველის მკვლელს მოკლული ქართველის ჭერს და საცხოვრის/სანაცვლოდ ჰპირდებოდნენ თურმე.

ვაი ჩვენს თავს, ისევ ჩვენი მიაბიჭური ბუნება და მიმნდობლობა ქართველი ძილქუში და დაუღვერობა რომ არა, ეს საშიშროება ჯერ კიდევ უნდა გვეგრძნო და აგვეცდინა!

რაც თავი მახსოვს, სულ ასე, კრაზანების ბუდესავით ბზუის, იგესლება და ავად ფუთფუთებს გულაუთა... აგერ, ახლახან არ იყო 1989 წლის 15-16 ივნისი და... თითქოს არაფერი, თითქოს ვოვა ვეკუას ვერაგული მკვლელობა, თერამეტი ქართველი ვაჟკაცის წმინდა სისხლი მათ ცოდვილ კისერზე არ იყოს!

ვაი ჩვენს თავს, ჩვენს ბედოვლათობას, თორემ სწორედ მაშინ უნდა გვეყვირა, როცა სოხუმი, უძველესი ქართული ქალაქი, მთიელთა კონფედერაციის დედაქალაქად გამოგვიცხადეს!...

დღეს რა?... დღეს უკვე გაგრძაში, განთიადსა და ლესელიძეში კანიბალიზმმა იზეიმა, მშვიდობიანი მოსახლეობა თითქმის მასობრივად გაიჟლიტა, იქაურობა, გაჩანაგდა, დაინგრა, გადაიწვა...

ქართველი კაცი ვერასოდეს აპატიებს აფხაზ სეპარატისტებსა და მათ დაქირაებულ მკვლელებს ამ მუნახათობას! ღმერთმანი, არც ეპატიებათ, მაგრამ ეს ერთიც ხმამაღლა უნდა ითქვას, უნდა გაიგოს ბრძამ და თვალხილულმაც, რომ მსგავსი ვანდალიზმი მთელი აფხაზეთის ტერიტორიაზე იყო დაგეგმილი, სიეზიცი კი ჰქონდათ უკვე: პირველები ვინ უნდა ამოეზოცათ, ხოლო გალის რაიონს, ეტყობა, მისი თითქმის ასპროცენტიანი ქართული მოსახლეობის გამო, „თმობდნენ“ და... ენგურჰესის კაშხლის აფეთქება და სამურზაყანოს ალგვა პირისაგან მიწისა ჰქონიათ განზრახული...

ასე რომ, ჩვენი გვარდიის არშესვლა აფხაზეთში არამარტო საკუთარი ტერიტორიის დაკარგვას მოასწავებდა, არამედ ორასორმოცდაათი ათასი ქართველის შესაძლო გაწვევტასაც!

არადა, საქართველომ მართლაც არ იცის, ვინ არიან და რა სისაძაგლეები ჩაიდინეს ამ კაციჭამიებმა!

თურმე... ერთმა ჩეჩენმა ფეხმძიმე ქართველ ქალს მუცელი გადაუფატრა და მეორე ჩეჩენმაც გადმოსძახა — ბიჭია თუ ვოგოო?!

თურმე... ჩეჩენისთვის სულ ერთია, ყოფილი პრეზიდენტის მომხრე ხარ თუ მოწინააღმდეგე; ყანყრატოს ამოგართმევს, მერე ენას გამობრდღენილი ყელიდან დაგქაჩავს, მკერდზე დაგკიდებს და... ამ გაუგონარ საშინელებას „ოპერაცია-ჰალსტუხს“ ეძახიან!..

ამას ჰყვებიან რაღაც სასწაულად გადარჩენილი თვითმხილველი გაგრელები, ლესელიძელები, განთიადელები...

დიახ, ჩვენ უნდა შევსულიყავათ, მაგრამ, სამწუხაროდ, ისიც უნდა ვთქვათ, არა ასე და ამდაგვარად!..

ჩვენ უნდა გვცოდნოდა, რომ ღრო, ჩვენი რუსი „ძმების“ წყალობით, მათ სასარგებლოდ იმუშავებდა!

აფხაზებისათვის ერთი საათი ერთ თვეს ნიშნავსო, ხშირად გაიგონებ სო-
ხუმელთაგან და, ჩვენდა სამწუხაროდ, არსებობს იმისი შიშიც, კვლავ შევც-
დეთ, კვლავაც იგივე განმეორდეს!..

ჩვენ უნდა შევსულიყავით, მაგრამ, ესეც ცხადია, დამარცხებისთვის არ მი-
ღიან.

არადა, აშკარად დამარცხდით.

ბატონ თამაზ ნადარეიშვილის ვარაუდით, გავრაში 2500-ზე მეტი მშვი-
ლობიანი მოსახლეა დახურეტილი. ვინ იცის, კიდევ რამდენი გვარდიელი, მხედ-
რიონელი თუ მოხალისე ჭაბუკი შეეწირა ამ უთანასწორო ბრძოლას და, თუ
ფიზიკურად გაუნადგურდით, პოლიტიკურად მოგებული ომი ვერაფერი შედა-
ვათია!

დღეს ძნელია თქმა: რა მოხდა? ვინ არის დამნაშავე?!
საზოგადოებისათვის ისიც ცნობილია, რომ სამხედრო ხელმძღვანელობა
პოლიტიკოსებს დებს ბრალს, პოლიტიკოსები კი მას აღანაშაულებენ. არის
ქესამე ვერსიაც – ვაი ქართველთა დალატი, მაგრამ აქედან რომელიც უნდა
დამტკიცდეს, ათობით ნაგვემ-ნაწამებ სხეულს სულს ვერ შევუმსუბუ-
ქებთ.. ვერც სასწაულად გადარჩენილთათვის არის ეს რაიმე ნუგეში და ვერც
საკუთარ თავს დაეიმშვიდებთ, თუნდაც იმიტომ (რაც არანაკლებ ტრაგიკულია!),
რომ, სამარცხვინოდ, არაქართულად წავაგეთ ომი: 48 წუთში დავთმეთ გავრა!

არადა, შიშის ფაქტორი დღესაც მოქმედებს სოხუმის მკვიდრ მოსახლეო-
ბაში, დალატის შიშის... სხვათა შორის, სახელმწიფოს სამხედრო შენაერთებ-
შიც იგრძნობა ეს შიში.. არის ამისი საბაბიც.

სამჯერ ვიღებთ ერთ მაღლობს... წავიწვევთ წინ, ხელისუფლება უკან გვე-
ქანებაო, უკმაყოფილებას არ მაღავენ მებრძოლები. უკმაყოფილოა ადგილობ-
რივი მოსახლეობაც. ყოველდღე ათობით ახალგაზრდა ბიჭი მიდის სამხედრო
შტაბში, ქალაქის კომენდანტურის წინ: მოგვეციო იარაღი და საკუთარ ქალაქს
თავად დავიცავთო, მაგრამ იარაღის უქონლობის (?) გამო გულდაწყვეტილები
უკან ბრუნდებიან.

თუმცა, როგორც ღირსეული და თავგანწირული მებრძოლი, ისე ნამირა-
ლაც ბევრია ადგილობრივშიც და ჩამოსულშიც; ამას მტკიცება არ სჭირდება.
თუნდაც ეს ფაქტი: თავიდან, როცა ყოველი მხრიდან ათასი რჯულის მოხალი-
სეთა მოზღვავება იყო, 1700 ავტომატური იარაღი დარიგდა. სად გაქრა, ეშმა-
კმა იცის!..

ყველაზე დიდი უბედურება კი, ჩემი აზრით, ალბათ, ეს არის: რატომღა
ასეთი ქაოსი სამხედრო შენაერთებში..

არადა, თითქოს ყველა ბატალიონს თუ შენაერთს საკუთარი უფროსი ჰყავს,
თან ისეთი უფროსები, ერთმანეთს ტოლს რომ არ უდებენ ერისა და ქვეყნის
სიყვარულში!.. მართლაც, მათ ბუზს ვერავენ აუფრენს, თავიანთი თავის უფ-
როსები და ხელისუფალნიც თავად არიან. მეტიც, ჯარისკაცი ჯარისკაცი როა
(სულერთია, რომელ შენაერთს ეკუთვნის). თუ უნდა, იომებს, თუ უნდა –

არა... თუ უნდა, გადამთიელს აჰყრის იარაღს და გასკვანჩავს, თუ უნდა — თავის მოძმეს, ქართველს დააჩოქებს და გამარცხავს!

ეს, რა თქმა უნდა, ცალკეული შემთხვევებია, თუმცა არაა შემთხვევითი და ამიტომ ტომაც გვაწუხებს.

მხოლოდ ლალატისა მეშინიაო, ამბობს ბალმარანელი ჭაბუკი, ასმეთაური ლიპარტია.

თითქოს არც უნდა გვიკვირდეს, ლალატიც ხომ ჩვენშია, ჩვენს სისხლ-ხორცში გამჯდარი, უმცროსო მეგობარო.

ჯერ კიდევ როდის გადაგვარდა ბევრი...

ერთი: აფხაზი კაკალია აფხაზური გვარდიის უფროსია.

მეორე: აფხაზი ადამია (ლომია) — შანიბოვის „მთავრობის“ თანათამაჯ-ლომარე.

მესამე: აფხაზი წერეთელი სპორტული თვითმფრინავის სოხუმის აერო-პორტს ბომბავს რუს თანამოძმესთან ერთად.

მეოთხე: 1989 წლის 15–16 ივლისის გამირს, უვაჟკაცს ბიჭსა და მამული-შვილს, სოხუმელ აბესალომ მიქელაძეს აფხაზეთის გასანთავისუფლებლად ჩამოსული „მოხალისეები“ იჭერენ და მანქანასა და ავტომატს ართმევენ..

მეხუთე?..

წიუხეღავალ არაერთი გულსატკეპნი ამბისა, ჩვენი ერთკვირიანი ოდისეის მერე, მაინც იმედიანად ვართ, ბევრი ისეთი რამ ვნახეთ და მოვისმინეთ, რაც თითოეულ ქართველს აამაღლებს... პირადად ჩვენ ეს გრძნობა არაერთხელ დაგვეუფლა და თითქოს გამარჯვებულები ვბრუნდებით უკან, თბილისში.

გვწამს ჭეშმარიტად, რომ საქართველო გაიმარჯვებს!

ჩვენი ბრძოლა ხომ სამართლიანია!

არც იმას უნდა, ალბათ, დიდი დრო, ერთიანი, მძლავრი, პროფესიული ჯარი გვყავდეს და უფრო ფხიზლად და მობილიზებულად ვიყოთ ომისა თუ მშვიდობის დროს.

რაც მთავარია, საქართველო ერთი გოჯი მიწის დათმობას არ აპირებს!

ისეთი განწყობილების ადგილობრივ მოსახლეობაში.

ასეთივე განწყობილებაა მეზობლებშიც!

იქნებ, აფხაზიც მოვიდეს გონს და რუსიც...

მაშინ როგორც აფხაზეთი, ისე აფხაზი კაციც გადარჩება!

ქვეყანა ერთიანი და მთლიანი გახდება.

9 ოქტომბერს, სოხუმზე სერიოზული თავდასხმა რომ იყო მოსალოდნელი, ბუხარი ამოვამენე მარანში და არ გაინტერესებთ? — გვეუბნება სამოცდა-თორმეტი წლის კაცი, აფხაზეთის ავტონომიური რესპუბლიკის მთავარი ფსიქიატრი, ბატონი ბიძინა მგალობლიშვილი და შინ, ჭიქა ლეინოსა და თევზის კონსერვზე გვეპატიჟება.

ქართველი კაცი დღესაც ქართულ ბუხარზე ფიქრობს აქ და არძინბას მუქარა კი არა, სიკვდილიც ვერ დაატოვებინებს ამ მიწას, ანუ სიკვდილს უფრო შეურიგდება, ვიდრე უცხოტომელთა პარაზს...

მე მაინც ერთი ახალგაზრდა პოეტის – სერგო წურწუმიას ნათქვამი არ მას-
ვენებს:

– წალენჯიხელი ვარ, დღეს აქ ვცხოვრობ, მაგრამ ყველა ჩემიანე
და, როცა მომკლავენ, მაინტერესებს, გვამის წასაღებად თუ ჩამოვლენო?^{მეც მინდა}
ვის გვერდით ვლგებით და სად?!

საერთოდ, რაც უნდა გულნატკენი იყოს ვინმე, ღირს კი დღეს მტყუნ-
მართლის გარჩევა, როცა ასეთ ჯოჯოხეთურ ცეცხლშია საქართველო, თითო-
ეული ჩვენგანი გახვეული?!

არადა, ეს არამართო ამ ახალგაზრდა კაცის – სერგო წურწუმიას ფიქრია.
ასე ფიქრობს, წუხს, განიცდის, სისხლს ღვრის ბევრი იარაღსხმული დღევან-
დელი სოხუმელი, რომელთაგან ერთი გუშინდელი ზუგდიდელია, მეორე – წა-
ლენჯიხელი, მესამე – გაღელი და ა. შ.

1989 წლის 15–16 ივლისის ტრაგიკულ დღეებს შენატრის აფხაზეთის
მკვიდრი ქართული მოსახლეობა, როცა, როგორც ერთი, მთელი სამეგრელო ლა-
ღალიძგასთან იყო საომრად მომდგარი..

სამეგრელოს ტკივილიც და განწყობაც ცნობილია, მაგრამ ისიც ცნობილია,
რომ ისინი ტერორიზებული არიან!..

და მერე ვისგან და რა ხალხისგან?!

ღმერთო, შენ გვიშველე!

მიეც ვინი გზააბნეულთ!

იხსენ საქართველო!!!

გაზ. „ლიტერატურული საქართველო“,

23 ოქტომბერი, 1992 წელი.



გონა ყარყარაშვილი

ომი თითქმის დამთავრდა.. მაგრამ ჯერ კიდევ არ შეწყვეტილა მისი ექო. ჩვენს თაობას, რომელსაც არ განგვიცდია ომის საშინელება, კიდევ დიდხანს გაგვეყვება გუშინდელის გამოძახილი... რამდენი პირტიტველა ბიჭი შეეწირა საქართველოს ტერიტორიული მთლიანობისთვის ბრძოლას, სამანაბლოთი დაწყებული, აფხაზეთით დამთავრებული. რამდენი შვილი მოსწყდა დედის გულს, რამდენი მოხვდა ტყვეობაში, რამდენი დაიკარგა, მაგრამ როცა საქართველოს ბედ-იღბალი, მისი ყოფნა-არყოფნის საკითხი წყდებოდა, ნათლად გამოჩნდა ვინ შეიქნა მამულის ერთგული შვილი.

გონა ყარყარაშვილიც დააკლდა იმ თბილისელ ბიჭებს, რომლებიც გავრის დაცემის დღეებში იბრძოდნენ მტრის წინააღმდეგ.

სიმაჰაცით გამორჩეული „თეთრი არწივის“ მეომარი, ჯერ ბოლნისთან, მერე სამანაბლოში იბრძოდა და თავიც ბევრჯერ ისახელა ძმის — ვია ყარყარაშვილის გვერდით, არცერთი შეიარაღებული კონფლიქტი, თუ შეტაკება ზრ ყოფილა მისი მონაწილეობის გარეშე.

გავრაში ექსტრემისტი აფხაზების მიერ დაქირავებულთა შემოტევისას ქართველი მებრძოლების ერთადერთი თავშესაფარი ტყე აღმოჩნდა. ამ დროს ვია ყარყარაშვილი სხვა უბანზე იყო. როცა მამაც სარდალს თანამებრძოლებისა და მათ შორის ძმის დაღუპვა შეატყობინეს, იგი ოცდაათკაციანი რაზმით გაეშურა იმ ადგილისაკენ. ვიამ ძალზე დიდი წრე გააკეთა, რომ დარჩენილი მებრძოლები და ძმა გამოეყვანა, მაგრამ მასაც ყველა გზა გადაუჭრეს. მანამდე კი... ჩვენმა მეომრებმა უკან დაიხიეს, ტყეში, თუმცა იყო იმის საშიშროება, რომ მტერი მათ ალყაში მოაქცევდა. ვარაუდი გამართლდა. ყველა მხრიდან შემოუტეეს და ჩვენები ხეობაში შეიმწყვდიეს. მდგომარეობა კრიტიკული იყო, ერთი გამოსავალი ჰქონდათ მხოლოდ — მტერთან ხანმოკლე შეტაკებებით ქვევით,

ხეობაში თუ ჩააღწევდნენ, შეიძლება გადარჩენილიყვნენ. ამოცანა მძელი მე-
სასრულელები ჩანდა, მაგრამ სხვა გზა არ იყო. სწორედ ამ დროს მოხვდა ტყვე
გონა ყარყარაშვილს დაჭრილი ატარეს ციკაბო ფერდობზე, ძალიან გაუჭირდა
სიარული. ერთ-ერთ მეომარს ქვა დაუგორდა და გონას უნდა დასცემოდა. მძელი მე-
სახელად ხვინა ერქვა, — გადაეღობა და.. ფეხი მოიტეხა. ამოდ იფრთხილეს ბი-
ჭვებმა, თურმე გონა ამ დროს უკვე აღარ იყო ცოცხალი. ერთი მიცვალებული
და ფეხმოტეხილი ხვინა უნდა დაეტოვებინათ ადგილზე. ხეობიდან მათი გამოყ-
ვანა შეუძლებელი იყო. მოწინააღმდეგემ უფრო ძლიერ შეუტია, გაიფანტნენ
მებრძოლები, გონასთან და ხვინასთან მხოლოდ ოთარ ოძელაშვილი დარჩა.
ხშირფოთლებიანი ტოტები დააფარა ბიჭვებს, უცხო თვალს მოარიდა, ხვინას
ხელყუმბარები გადასცა და იმით დაიმედებული წაივია, რომ უეჭველად გაიყ-
ვანდა მათ. ოთარ ოძელაშვილი სამწუხაროდ, მერე აღარავის უნახავს.

ეს იყო 1992 წლის 5 ოქტომბერს...

მერმე კი... ხვინა ორი დღე-ღამის განმავლობაში დარჩა დაღუპულ გონა
ყარყარაშვილთან, აი, სწორედ ამ დროს ეძებდა ვინა ყარყარაშვილი ტყეში გაფან-
ტულ მებრძოლებს, თავის დაღუპულ ძმას, და არ იცოდა, თუ გონასთან ფეხ-
მოტეხილი მეომარიც იქნებოდა.

..ხვინა უიმედოა. ფეხის ხმა რომ გაიგონა, იფიქრა, მტერიყო. მძელია,
როცა მეომარმა არ იცის, მტერი მოდის, თუ მოყვარე. ხელში ჩაკეთარი თავის
ასაფეთქებელი ყუმბარა უჭირავს... უახლოვდებოდა ბიჭვების სილუეტები,
ეს რომ დალანდა, შესძახა: ბიჭებო, აქ ვარ და მომეხმარეთო. ვინა ყარყარა-
შვილის ხმამ იგი მეორედ დაბადა.

როცა შევუღმფრენი გამოჩნდა, ასეთი სიტუაცია შეიქმნა, ერთ-ერთი მებ-
რძოლი უნდა დარჩენილიყო, დაყონება საბედისწერო იქნებოდა შევუღმფრე-
ნისათვის, დრო გამოთვლილი იყო.

— მაშინ მივხვდი, რომ განწირული ვიყავი, ვრჩებოდი ამ მიუვალ ხეო-
ბაში. მეგონა, ვინა დაღუპულ ძმას წაიყვანდა მე დატოვებდნენ. მებრძოლებმა
გონა ყარყარაშვილს მოკიდეს ხელი... ვინა კი მებრძოლებს შესძახა: დაღუპულს
შეეშვით და ჯერ ცოცხალი გაიყვანეთ აქედანო. ეს ამალელებელი წუთები
იყო. ჩვენმა მამაცმა სარდალმა — ვინა დაღუპული ძმა დატოვა, მე კი... წა-
მიყვანეს. — იტყვის შემდეგ ხვინა.

...დღეა კი შვილის ცხედრს ელოდება შინ, იცის ვინა ხასიათი ყველა-
ფერს იღონებს დედის ვარამის ცოტათი მაინც შესამსუბუქებლად. შინაბრუ-
ნებული კი დედას ასე ამშვიდებს: იმ ბიჭის თვალებს რომ შევხედე, ვერ
შეეძელი. მამატიე, დედა!

ძნელი იყო შვილის დაღუპვასთან შეგუება, მაგრამ მის უსაფლაობასთან
შეგუება უფრო ძნელია...

— შენ სხვანაირად ვერც მოიქცეოდი, ვინა, რა გაქვს საბოდიშო, — დააწყ-
ნარებს დედა შვილს, ათი დღის მერეღა შესძლო ვინა ძმის ცხედრის შინ ჩა-
მოსვენება, დედას რომ შვილის გვამის ჩამოსვენება გაეხარებდა!..

მშობლები იგონებენ: მამა — ნოდარ ყარყარაშვილი, სწრაფი რეაგირების
პირველი ბრიგადის მეთაურის მოადგილე:



— ბავშვობიდანვე ოცნებობდნენ სამხედრონი გამხდარიყვნენ.

ოჯახში ხშირად იყო საუბარი ქართულ არმიასზე, ბიჭებმა კარგად იცოდნენ, რომ საბჭოთა არმიამი ქართველ ოფიცერთა შემადგენლობა თითქმის წარმოადგენდა იყო. ბევრი ბჭობის შემდეგ თვითონვე მივიდნენ იმ დასკვნამდე, რომ ორივეს სამხედრო განათლება მიეღოთ. გონა ახლომხედველი იყო, სათვალეს ატარებდა. ამიტომაც უარი უთხრეს სამხედრო სასწავლებელში შესვლაზე თბილისში, ხარკოვშიც. როცა დაიღუპა, თბილისის სახელმწიფო უნივერსიტეტის ისტორიის ფაკულტეტის მეექვსე კურსის სტუდენტი იყო.

— ძნელია შვილზე ილაპარაკო, — საუბარში ღელა ერთვება, ქალბატონი მზია კვაჭამე, — მაგრამ ახლა, როცა ყველაფერი უკან დარჩა, ორიოდ სიტყვას მაინც გეტყვით, მას უზომოდ ვუყვარდით მე და გია, — თან ტირის... — გონა ოცნებობდა ერთი ვინმე ქერა, ცისფერთვალეა გოგონას შერთვაზე, მაგრამ თუკი ვინმეს გაიცნობდა, მაშინვე ძმად გაუხდებოდა, ყველას შინაური თვალთ უყურებდა და ვერ მოიცალა სიყვარულისთვის.

ბატონი ნოდარი კი გონას მეომრულ ხასიათზე გვესაუბრება, — მებრძოლად იყო დაბადებული, ავტომატის ორმოცამდე ვაზნას მჭიდებში აწყობდა და იმდენს ისროდა, ერთი დღე ძლივს ჰყოფნიდა.

— ომში ჩემი გონას ერთადერთი საზრუნავი ის იყო, რომ ტყვიები ეშოვნა. რუსის ჯარშიც იმსახურა, იყო ჩინებული სპორტსმენი, კალათბურთელი, ფრენბურთელი, ფეხბურთელი და ბუნების უზომოდ მოყვარული.

როცა გია სასახლერო ჯარში, ირანთან საზღვარზე, ჯულფაში მსახურობდა, გონა ხშირად ჩადიოდა ძმასთან და კვირები რჩებოდა, უჭირდა უმისოდ ყოფნა.

გონამ დაღუპვამდე ორი კვირით ადრე მიიღო პოლკოვნიკის წოდება.

— ერთხელ, — იგონებს ღელა, — როცა ბაჭებმა უკანასკნელ გზაზე გააცილეს თანამებრძოლი, უკან მობრუნებულებს შეიარაღებული ჯგუფი დახვდათ. მათ მოქალაქეები დაეტყვევებინათ, გონასა და გიას სახელით, მარცვავდნენ; გონა გადასულა მანქანიდან და უკითხავს:

— იცნობ გიას და გონასო?

— დიახ, სწორედ მათ დავალებას ვასრულებთო.

— რატომ ტყუიხართ!

თურმე ბეწვზე გადაურჩნენ გონას რისხვას, გონას შეეშინდა გიაც არ გადმოსულიყო მანქანიდან და მღვთმარება არ დაძაბულიყო.

იყო ასეთი შემთხვევა, მე თვითონ შევესწარი ამ ამბავს: ბენზინის გამყიდველი, ხალხს ეუბნებოდა, გონასა და გიას რაზმის წევრები ვართო, რა უნდა მეთქვა. მხოლოდ ესლა მოვახერხე — მე ღელა ვარ მათი, რა თქვენი სახსენებლები არიან ისინი. მკვდარს მაინც თავი დაანებეთ-მეთქი. უმეტესობა მათი რაზმიდან „თეთრი არწივის“ წევრები ნამდვილი ვაჟაკები იყვნენ. ჩემს ხელში გაზრდილები, მე ხომ თითოეულ მათგანს კარგად ვიცნობდი, მათგან მეტწილი დაიღუპა

— დღეს საქართველოში ყველა თავისას ტირის. მე სხვების ტყვივლი, შვილის დაკარგვის მერე გავიგე. ადრე ასე არ იყო. — ამბობს ბატონი ნოდარი:

— ჩემი აზრით, შეთანხმება აფხაზეთში ცეცხლის შეწყვეტის შესახებ აცილებელია. აუცილებელია ქვეყანამ, ხალხმა სული მოითქვას. ზოგიერთი ამ შეთანხმებას კაპიტულაციას უწოდებს. ბოლომდე უნდა ვიბრძოლოთ — მხოლოდ შვილები საზღვარგარეთ, კოლეჯებში ჰყავთ გაზიზნული, და სხვინი შვილები ბედი არ აინტერესებთ. აქ ზომ ერის საუკეთესო ნაწილი იბრძვის, როგორც ჩემს გონას, ბევრ მათგანსაც საკუთარი ოჯახიც არ შეუქმნია, ისე მიებარნენ მიწას, ბევრს საფლავიც არ ჰხვედრია რიგიანი. ასე როგორ შეიძლება, შოუკონცერტებს ვაწყობთ, აუქციონებზე ფაბრიკა-ქარხნებს ვყიდით, მებრძოლები რომ ჩამოვლენ, ყველაფერი გაყიდული დავახვედროთ? კი, ბატონო, მივცეთ გლეხს მიწა, მაგრამ ქარხანა გავყიდოთ, სადაც ჩვენი შვილები — ჩვენი მებრძოლებიც მუშაობდნენ? ეს ზომ მკრეხელობაა. მხოლოდ ფულის შოვნაზე ზომ არ უნდა ვიფიქროთ. იმ ჯარისკაცს, თერთმეტი თვე რომ აფხაზეთიდან ფეხი არ მოუცვლია, ახლა რომ ჩამოვა, რა პირით მივყიდოთ ათას კუპონად ერთი კოლოფი „კოლხეთი“? ჩვენ მებრძოლთა სულში პატრიოტიზმს ვკლავთ და არც ვუფიქრობთ — რას ჩავდივართ.

გაგრაში უგზოუკვლოდ დაკარგულები დღემდე არავის გახსენებია. არ ვიცით, რამდენი და ვინ არიან ისინი — ოჩამჩირეშიც ბევრი გვყავს უგზო-უკვლოდ დაკარგული...

გია და გონა ყარყარაშვილების სიმამაცე ქართველი კაცის ამალღებული და ძლიერი სულის გამოძახილია. გაივლის დრო და სხვა ბევრი უცნობი გმირის სახელიც გამოიხსენდება.

გონა ყარყარაშვილი სიკვდილის შემდეგ დაჯილდოვდა ვახტანგ გორგასლის I ხარისხის ორდენით.

იზა ჯაჭვაძე

გონა ყარყარაშვილი

ხუთი ოქტომბრის დღე უკანასკნელი აღმოჩნდა შენთვის, გონა.

მეორე დღესვე გავარდა თბილისში ხმა გონა ყარყარაშვილი მოუკლავით.

შენ ყველა გიცნობდა, გონა. ეროვნულ მოძრაობაში აქტიურად მონაწილეობდი. ეროვნული გვარდიის წევრი იყავი, პოლკოვნიკის წოდებაც მოგენიჭა, სპეციალური დანიშნულების ბატალიონი „თეთრი არწივი“ ჩამოაყალიბე მეგობრებთან ერთად. 1989 წლიდან ყველა ბრძოლაში მიიღე მონაწილეობა — ცხინვალში, აფხაზეთში, ყველგან ვაჟაკობითა და გმირობით გამოირჩეოდი.

ხუთ ოქტომბერს ტყეში გაანადგურეს „თეთრი არწივის“ ბიჭები. შენ მეთაურის მოვალეობას ასრულებდი. არცერთი ნაბიჯით არ დაგიხვევია, გმირი იყავი და გმირობის მაგალითი დაგვიტოვე.

შენს სისხლს არავის შევარჩენთ, გონა.

მულამ გვეხსოვები.

თანამებრძოლები



გიორგი ყაულაშვილი

გიორგი გრიგოლის ძე ყაულაშვილი დაიბადა ცხინვალის რაიონის სოფელ ქემერტში 1964 წლის 29 აგვისტოს.

დედა – კლავდია ჩუბატარიოვა.

მამა – გრიგოლ ყაულაშვილი.

მეუღლე – ირინა მეტრეველი, შვილი – ზურაბი, 5 წლის.

1981 წელს დაამთავრა ქ. ცხინვალის № 5 საშუალო სკოლა და სწავლა განაგრძო ცხინვალის ავტოსკოლაში. 1983 წელს გაიწვიეს სამხედრო სამსახურში. იმსახურა პოლონეთში. 1985 წელს დაბრუნდა სამხედროდან და ცხოვრობდა ქ. ცხინვალში. დაოჯახდა 1986 წელს. მუშაობდა ტურისტულ ბაზაში მძღოლად სიკვდილამდე.

დაიღუპა 1991 წლის 8 თებერვალს ოს ექსტრემისტებთან შეტაკების დროს.

სამშობლო არ დაივიწყებს მისი შვილის – გიორგი ყაულაშვილის სახელს.

ხსოვნა გულისა

(ავთანდილ ყარალაშვილის ხსოვნას)

რა დროს შენი, ამ ქვეყნიდან წასვლა იყო,
თუნდაც, წმინდა სულის ცაში მიბარება,
ხომ იცოდი, ეს ცხოვრება ისედაც რომ
შეუმსნეველად, მაინც სწრაფად იპარება.

ხომ იცოდი, გულს დაწყვეტილ ყველა ნაცნობს,
უშენობით ბუნებაც კი იავდრებდა,
გულს დაწყვეტილი, ახლობლებს და ნათესავეებს,
ცოლ-შვილი და დედაშენი იღარდებდა.

მაგრამ ღმერთსაც კარგი მიჰყავს, გამიგია,
აქ, რამდენი უქმად დადის გარეწარი,
გული, ყველას მიტომ გეტკივა ჩვენო ავთო,
ღაბალების დღესაც ვეღარ დაესწარი.

ვაზაფხულდა, შენც გიყვარდა გაზაფხული,
შენს საფლავეზე ყვავილს გული გაუშლია,
რაც წახვედი, გაწამებულ მშობელ ღელას,
სურათები ხელიდან არ გაუშვია.

გული გქონდა მგრძნობიარე, ვით მისანი,
უცნაური ოცნებებით ცაში ქროდი,
ძმობის წესი, ბოლომდე ვერ დაიცავი,
ერთადერთ ძმას უდროოდ რომ ჩამოშორდი.

ნუ იღარდებ, კვლავ გრძელდება შენი გვარი,
ეს ყოფილა, ალბათ, შენი ბედისწერა.
ქართლის მიწამ ნებით გახსნა გულის კარი,
ზავიკრა და ღელასავით მოგეფერა.

1. V. 94 წ.

ზურაბ მაგულაშვილი



**ავთანდილ
ყარალაშვილი**

ავთანდილ ყარალაშვილი იყო უადრესად წესიერი, კულტურული და დიდი ეთიკის მქონე, ყველგან აატივისცემას და სიყვარულს იმსახურებდა. მისი დეკარგვით საქართველომ დაკარგა შესანიშნავი ახალგაზრდა, მშობლების სახელოვანი მეგობარი, მეუღლე, დიდი მამულიშვილი.

1986 წელს დაამთავრა თბილისის 37-ე საშუალო სკოლა. გამოირჩეოდა სამშობლოს სიყვარულითა და ეროვნული სულისკვეთებით. უყვარდა ხელოვნება. მღეროდა რესპუბლიკის სახალხო არტისტის ანზორ ვერქომაძევილის ანსამბლ-„მართვეში“.

საშუალო სკოლის წარჩინებით დამთავრების შემდეგ ავთანდილ ყარალაშვილი სწავლას აგრძელებს თბილისის კავშირგაბმულობის ტექნიკუმში, რომელსაც ასევე წარჩინებით ამთავრებს.

1987 წელს გაიწვიეს სამხედრო სავალდებულო სამსახურში (გერმანიაში), აქ მან უფროსების ფურადღება და სიყვარული დაიმსახურა, როგორც სამხედრო საქმით უსაზღვროდ ვატაცებულმა ახალგაზრდამ.

1993 წლის მარტის თვეში ავთანდილი ჩაირიცხა „თეთრი არწივის“ ვიკარყარაშვილის ბატალიონში, იბრძოდა აფხაზეთში. ლეიტენანტი ავთანდილ ყარალაშვილი 1993 წლის 22 ივლისს საქართველოს მთლიანობისათვის ბრძოლაში გმირულად დაიღუპა.

მამის სიკვდილის შემდეგ დაიბადა მისი გოგონა ნათია. მას ღირსეულად ზრდიან დაღუპულის მეუღლე – იამზე და დედა – ნათელა ყარალაშვილი. ავთანდილის მეგობრები, სამხედრო ნაწილის ხელმძღვანელები დარდს უმსუბუქებენ გულდათუთქულ დედას.



ზაურ ყვავაძე

ამ რამდენიმე ხნის წინ საქართველოს უწარმოებლად ფედერაციაში ერთმა ანოვანმა, ჭლარაშერეულმა კაცმა შემოაღო კარი.

— გავიგე, აფხაზეთში დაღუპულ მებრძოლებზე გამოდის წიგნი, იქ ჩემი ბიჭიც...

ხმა აუკანკალდა მამაკაცს.

— ტელევიზიით ნახეთ, ალბათ, ბეტვერი რომ ააფეთქეს იმ წყევულებმა, იქ ჩემი ბიჭი იყო, ჩემი ზურა...

დაეაწყნარეთ, დავამშვიდეთ. ყელში მოხვენილი სევდა ერთხანს უკუყარა.

— ვიცი, წიგნის გამოცემა ძვირი ჯდება, ჩემი ზურას სახელით ათასი წანეთი შემომამკვს.

მეორე ბიჭიც იქ იბრძვის, ბეტვერს ეცა, მაგრამ ვერ გადაარჩინა... — კვლავ აქვითინდა ვაჟკაცი. ავქვითინდით ჩვენც.

— ღმერთო, წყველა და კრულვა არ მოუშალო მათ, ვინც ეს ომი თავს მოგვახვია, იღუპებიან საუკეთესოზე საუკეთესო ახალგაზრდები, გულანთებული ბიჭები.

ზაურ ყვავაძე ერთი იმათგანია, ვინც სამშობლოს პირველსავე დამახილზე აფხაზეთში წავიდა. მესამე ავტოსატრანსპორტო საწარმოს მძღოლი, შესანიშნავად მართავდა ბეტვერს. შიშის ზარს სცემდა მომხდურს, უშიშრად შედიოდა მტრის გარემოცვაში, გამოჰყავდა დაჭრილები. ასე გამოიყვანა ოცდაერთი. ოცდამეორესთან კი მტრის ტყვიამ მოუსწრო...

მშობლიურმა საწარმომ, მეგობრებმა, თანამებრძოლებმა თბილისში ჩამოასვენეს ზაური და პატივით დაკრძალეს.

არ არის მკვლარი, ვინც მოკვდეს და ხალხს შესწიროს დღენია...

მ. ირემაძე



ცხუმი

თუ დაეცემა ცხუმი,
ცხუმარს, ჩხუმსა და ცხინვალს
ველარ უშველის ჩუმი
ჩვენი ცრემლების ბრწყინვა.

ვერ დაგიბრუნებთ სხუმის
(ქვისკენ მიქნია პირი),
თუ დაეცემა ცხუმი —
ჩვენი ქალაქი გმირა.

რა უნდა მოხდეს მეტი
უფრო მწარე და ყუმი,
თუ დაეცემა თეთრი
ჩვენი ქალაქი ცხუმი.

თუ დაეცემა ცხუმი,
ვერ დაგიმალავ, — კეტყვი:
შეგვაჭმევენებს უმად
ძაღლის სალაფავს ბედი!

1993.5.11

გაზ. „ლიტერატურული საქართველო“.
19 თებერვალი, 1993

...გაჩაძლიერე ღვთივ დაცული ერი ჩვენი და შეუფება მისი ბრძოლასა შინა, რომელნი გვიღვწიან ჩვენ, და გეწყალობენ, შიშადლე მათ შენდობა შეცოდებათა. რომელნიცა ლოცვასა შემოვედრებულ არიან ჩვენ უღირხთასა, შეიწყალენ დიდთა შენითა წყალობითა, მოიხსენე, უფალო, პირველ გარდაცვალებულნი მამანი და ამანი ჩვენნი, და განუსვენე მათ, სადა იგი მიხედავს ნათელი პირისა შენისა. კიოხსენე, უფალო, ძმანი ჩვენნი, რომელნი ტყვეობასა შინა არიან, და იხსენე აკინი ყოვლისაგან განსაცდელისა.

„ლოცვაები“.



**შვაში
შალვაშვილი**

შვაგი რეზოს ძე შალვაშვილი დაიბადა 1973 წლის 27 ოქტომბერს ქუთაისში. სწავლობდა ავტოქარხნის 24-ე საშუალო სკოლაში. 8 კლასის დამთავრების შემდეგ სწავლა გააგრძელა ქუთაისის 167-ე პროფსასწავლებელში კერამიკის სპეციალობაზე.

1992 წელს მუშაობა დაიწყო არასაუწყებო დაცვაში, სადაც 6 თვის განმავლობაში იმუშავა. 1992 წ. 1 სექტემბერს წავიდა სავალდებულო სამხედრო სამსახურში, რაც საბედისწერო გამოდგა მისთვის. 19 წლის გამოუცდელი, ალალი ბიჭი პირველივე ტყვიის მსხვერპლი გახდა აფხაზეთში საომარი მოქმედების დროს. ინჰინირეში სოფ. მერკურში დაღია სული ყველას მონატრებულმა ბიჭმა.

იყო ერთი თაფლისფერ – ლამაზთვალეზა, კეთილი, უთქმელი ბიჭი. ათ კითხვას ერთ პასუხს თუ ვასცემდა, ისიც ძუნწად, უხმო ღიმილით. წყენის დროსაც კი თვალები მაინც კეთილად უციმციმებდა.

თურმე, რამხელა გული ჰქონია, რამდენ საიღუმლოს ინახავდა, ერთხელაც არ დასცდენია, თუ სამშობლოს დასაცავად სიცოცხლეს ვასწირავდა...

ჩვენი „ბეტეერაო“, ასე ვიტირეს შენმა თანამებრძოლებმა. ზედმეტი სახელიც შეგარქვეს ბიჭებმა. დაგვტოვე დაუმშვიდობებლად, ჩუშად და დაგვიტოვე ულევო ცრემლი და მოუწელებელი სეჯდა. რა ინატრე, ნეტავ, სიკედილის წინ, რა დასცდა შენს გაცივებულ ბავებს ბოლო სიტყვა, რა იყო შენი ამონასუნთქი... ვაი, რა მწარე მოსაგონარი ხარ, რა ტანჯვა ხარ, შევილო!..

შვაგი შალვაშვილი სიკედილის შემდეგ დაჯილდოვდა მედლით „მხედრული მამაცობისათვის“.

შენი მამა რეზო შალვაშვილი



**ბადრი
შალიკაშვილი**

უმცროსი ლეიტენანტი ბადრი შალიკაშვილი, ცოლშვილიანი, 1993 წლიდან მსახურობდა საპატრულო პოლკში. გმირულად დაიღუპა 2 ივნისს ზემო კინდლში.



**იოსებ
შალვაია**

იოსებ ვალერის ძე შალვაძე დაიბადა თბილისში 1972 წელს. 1978 წელს შევიდა თბილისის მე-15-ე საშუალო სკოლაში, რომლის სრული კურსი დაამთავრა 1990 წელს.

ნადრევად დაობლდა, ოთხი წლისას გარდაეცვალა მამა, დარჩა დედა — აწე-
ლი არსენის ასული ელიაური.

1992 წლის 10 ნოემბერს შევიდა სწრაფი რეაგირების კორპუსის მსახურში
გადაში რიგით მეზრძოლად.

1992—1993 წელს ჩაირიცხა თბილისის სახელმწიფო უნივერსიტეტში
იურიდიულ ფაკულტეტზე, მაგრამ არ დასცალდა მისი დამთავრება.

1993 წლის 26 იელისს აფხაზეთში სოფელ შრომაში მტერთან შეტაკების
დროს დაიღუპა.



**სანდრო
შალუტაშვილი**

დაიბადა 1971 წ. 9 იანვარს გორის რაიონის სოფელ ქვემო ნიქოზში.

მამა — ზაურ შალუტაშვილი — პენსიონერი.

დედა — მერი ჭამპურიძე — აწ გარდაცვლილი.

იზრდებოდა, როგორც ბევრი ქართველი, ბავშვის სიყვარულითა და მზრუნ-
ველობით გარშემორტყმული, პატიოსანი, მშრომელი კაცის ოჯახში. ჰყავს
ორი უფროსი და — მაია და გიული.

ბავშვობიდანვე იყო ფიზიკურად ამტანი და ძლიერი, კარგად ცურავდა,
8 წლის ასაკიდან ქ. ცხინვალში დაიწყო ვარჯიში ჭიდაობაში. იყო სპორტის
ოსტატობის კანდიდატი, მონაწილეობდა მრავალ სპორტულ შეჯიბრებაში, მი-
ღებული აქვს სიგელები და ჯილდოები.

სწავლობდა ქვემო ნიქოზის რვაწლიან სკოლაში, შემდეგ სწავლა გააგრ-
ძელა ქ. ცხინვალის მე-4 საშუალო სკოლაში, რომელიც დაამთავრა 1988 წ.

სკოლის დამთავრების შემდეგ სწავლა გააგრძელა ქ. თბილისის მანქანათ-
მშენებლობის ტექნიკუმში. 1989 წელს 10 მაისს გაიწვიეს სავალდებულო სამ-
ხედრო სამსახურში. მსახურობდა ქ. ულან-უდეში. ჯარიდან დაბრუნდა 1991 წ.

მაისში. იმ დღიდან მოყოლებული, სიკვდილის დღემდე აქტიურად მონაწილეობდა საქართველოს ტერიტორიული მთლიანობისათვის ოსი ექსტრემისტების წინააღმდეგ ბრძოლაში.

1991 წ. 23 ნოემბერს გიორგობაძეს ოსებმა განახორციელეს თავდასხმა ქვემო ნიქოზზე. სანდროც მოწინავეთა რიგებში ჩადგა. დაიღუპა ოსებისა და დაქირავებული რუსების მიერ გამოსროლილი რაკეტით. 55-ზე მეტი ჭრილობა მიაყენეს რაკეტის ნამსხვრევებმა, დაიღუპა ადგილზევე 20 წლის ასაკში. სანდროს დედა შვილის დარდს გადაჰყვა ცოტა ხანში.



**ვანტანგ
შანავა**

უფროსი კაპიტანი ვანტანგ ტერენტის ძე შანავა დაიბადა 1961 წლის 25 აგვისტოს ზუგდიდის რაიონის სოფელ ჭითაწყარში.

შინაგან ჯარებში მსახურობდა 1991 წლიდან. 1992 წლის მაისში დააწინაურეს სადენსანტო-საიერიშო ბატალიონის მეთაურის თანამდებობაზე.

დაიღუპა 1992 წლის 24 ნოემბერს ქ. ოჩამჩირეში.



**გიორგი
შარაშენიძე**

გიორგი აბესალომის ძე შარაშენიძე დაიბადა 1962 წლის 11 ივნისს თბილისში.

1977 წელს დაამთავრა 31-ე საშუალო სკოლა, შემდეგ სწავლა გააგრძელა მე-5 პროფტექნიკურ სასწავლებელში. მერე მუშაობდა კამის ქარხანაში მუშად.

1981 წელს გაიწვიეს სამხედრო სავალდებულო სამსახურში, რონლის შემდეგ მუშაობა დაიწყო ერთერთ ტექნიკურ საწარმოში.

1985 წელს იქორწინა მზია მეხრიშვილზე.

1992 წლის 3 სექტემბერს გაიწვიეს სამხედრო სამსახურში 114-ე ბატალიონ „ავაზაში“. ამ დროს მოხდა სტიქიური უბედურება, — მეზობლის სახლს გაუნდა ხანძარი და მათი სახლიც ცეცხლმა შთანთქა. ოჯახი დარჩა დიაცის ქვეშ. ამჟამად ისინი ცხოვრობენ ვარკეთილის მეურნეობის სასტუმროში.

1993 წლის 25 თებერვალს ერთ-ერთი ბრძოლის დროს სოფელ ქვემო ლაბრასთან განგმირა მტრის ტყვიამ.

დაკრძალულია საბურთალოს ძმთა სასაფლაოზე.



გოჩა შილაჩავა

შილაკაძეების ოჯახმა აღრე იწვინია სიკვდილის სიმწარე. ოჯახის თავ-
კაცი ნიკოლოზი და მისი ორი ვაჟი მეორე მსოფლიო ომში დაიღუპნენ, სა-
მამულე რქამ მაინც იხარა — მესამე ვაჟმა, რობერტმა მაინც მოახერხა უმაღ-
ლესი განათლების მიღება, ოჯახიც შექმნა და ორი ვაჟი გაუზარდა სამშობლოს.
ამ რქანაყარა ოჯახის მეორე შვილი იყო გოჩა — ზნეკეთილი და სახი-
ერი.

მშობლიური სოფლის — წითელმიწის დაწყებით სკოლაშივე გამოირჩეოდა
ცინცხალი გონებით და სიბუჯითით. შემოქმედის საშუალო სკოლა დაამთავრა.—
ჩვენს სკოლას გონასთანა მოსწავლე რამდენიმე ათეულ წელიწადს არ ჰყო-
ლიაო, — დღესაც ამბობენ მისი აღმზრდელი მასწავლებლები. წიგნის სიყვარ-
ულთან ერთად უყვარდა ფეხბურთი და მუსიკა. ეს სიყვარული ბოლომდე
გაჰყვა.

გოჩას ნიჭი შეუმჩნეველი არ დარჩენიათ არც საქართველოს პოლიტექ-
ნიკურ ინსტიტუტში, სადაც სკოლის დამთავრებისთანავე წარმატებით ჩააბარა
გამოცდები 1981 წელს. ინჟინერი გახდა და საავტომობილო გზების სამინისტ-
როში უფროს მეცნიერ ტექნიკოსად დაიწყო მუშაობა. იქაც შეიყვარეს და
დააფასეს თავისი სიაღვრითა და მაღალი პროფესიონალიზმით, რასაც გოჩა
ყოველდღიური შრომით სრულყოფდა. ბევრს მუშაობდა. თავისუფლად ფლობდა
რუსულ და გერმანულ ენებს, იღრმავებდა ინგლისური ენის ცოდნას, ასპირან-
ტურისათვის ემზადებოდა...

წინ ცხოვრების დიდი და ლამაზი გზა ესაზებოდა.

ცოდნის, ცხოვრების სიყვარულით უნდა ყოფილიყო ეს გზა განათებული.
მაგრამ ჰქონდა გოჩას ერთი ყველაზე დიდი სიყვარული, რომელშიც ერთიან-

დებოდა წაყნის, მუსიკის, ლექსის და ყველა სხვა სიყვარული და მას სახე
ლად მამული ერქვა.

ეკლესიაში მოწიწებით შესული ერთ სანთელს ანთებდა — „სამშობლოსათვის“! დანარჩენი ყველაფერი ამაში შედისო, იტყვოდა.

და როცა საქართველოს გაუჭირდა, კაბინეტში ჯდომის დრო არ არისო, თქვა ჭაბუკმა, ყველა საქმე გვერდზე გადალო და ავტომატით ხელში მოხალისედ წავიდა აფხაზეთში.

იცოდა, სიკვდილის გზით მიდიოდა, მაგრამ ასე ახლოს თუ იყო სიკვდილი ჩასაფრებული, ვინ მოიფიქრებდა!

აფხაზეთში ჩასვლისთანავე, 23 აგვისტოს, დაახლოებით 17 საათზე დავა-
ლებაზე გასული ბატალიონის მისამუშევრებად მიმავალნი აფხაზმა სეპარატის-
ტებმა სოფელ ლაბრაში ალყაში მოიქციეს. ვაჟკაცურად იბრძოდნენ, მაგრამ
ნიჭი და მაღალი ადამიანური თვისებები უძლური აღმოჩნდა კბილებამდე შე-
იარაღებულ არაკაცებთან.

სნაიპერის ტყვიამ გაუჩერა გული...

მერე ავტომატის ჯერით დაუფლითეს სხეული.

გონას და მისი ოთხი თანამებრძოლის ცხედრები ვერტმფრენით ჩამოას-
ვენეს ოზურგეთში.

მოწმენდილ ცაზე მების გავარდნას გავდა სოფელში მოსული ეს ავი
ამბავი. დედა-მამა საქორწილო თადარიგს იჭერდა, გონა ოჯახის შექმნას ფიქ-
რობსო...

გლოვამ და ძაძებმა შეცვალა ყოველივე. შვილის მაგივრად მის სურათს
და სისხლიან პასპორტს ეფერება დედა. მონატრებას გულში იბრუნებს მამა.
„მოვა გონა ბიძიაო“, — თითქოს მათ სანუგეშოდ იმეორებს სამი წლის ნიკა.

ვაი რომ, ელარ მოვა, მაგრამ ვვჯერა, რომ მის სახელს სამუდამოდ შეი-
ნახავს საქართველო.

ომიერთმა ნათელში ამყოფოს მისი სული.

* * *

მრავალჯამიერ

გუგუნებდეს ხმა

„მუშლი მუხასა“

და „ლილეოსი“.

ეს გმირთა ჩვენთა

არის სიმღერა, —

ეს სიმღერაა

საქართველოსი!

გალაკტიონი



ლეილა
შონია

სამუშაოდან გასვლის წინ მონახულა ყველა მისი ავადმყოფი. განსაკუთრებული ყურადღება შეაჩერა სამ მძიმედ დაჭრილ მეომარზე, რომელთაც რამდენიმე დღის წინ საკუთარი სისხლი გადაუსხა. ამთვან ორი თბილისელი ქართველი, ერთი კი სოხუმელი აფხაზი იყო. ისინი თავს უკეთესად გრძნობდნენ და ახლა გაწეული სიკეთისათვის მადლობას უხდიდნენ ლეილას. გოგონამ მებრძოლები გაამხნევა, ჯანმრთელობა უსურვა და დაემშვიდობა. ვინ იცოდა, რომ ეს მათი უკანასკნელი საუბარი იქნებოდა.

ლეილამ თეთრი ხალათი გაიხადა და შინ ტრანსპორტით გაემგზავრა. ავმა ბედისწერამ მას გზაში მოუსწრო. მდინარე გუმისთის მხრიდან აფხაზი ექსტრემისტების მიერ გასროლილი ნაღმი ტროლეიბუსის თავზე გასკდა და ელექტროხაზი დააზიანა. თავის გადასარჩენად ხალხი კარებს მიაწყდა, მაგრამ მგზავრების საშინელი ალიაქოთი ჩაახშო მეორედ გასროლილმა ნაღმმა, რომელმაც ოთხი ადამიანის სიცოცხლე იმსხვერპლა. მათ შორის ლეილა შონიაც იყო.

გოგონას ტრაგიკული სიკვდილის ამბავი სოხუმის პირველ კლინიკურ საავადმყოფოში ყველაზე ადრე გაიგეს. მედპერსონალის ჭირს არაფრით ჩამოუვარდებოდა სამი დაჭრილი მეომრის მოთქმა: „ჩვენი გულები ლეილას სისხლით მოძრაობენ, მისი გული კი სამუდამოდ გაჩერებულა! ვაი ასეთ სამართალს!..“

ლეილა გიორგის ასული შონია დაიბადა აფხაზეთის რესპუბლიკის ვალის რაიონის სოფელ წარჩეში, პედაგოგების ოჯახში, 1974 წლის 9 სექტემბერს. წარჩეს მეორე საშუალო სკოლის დამთავრებისთანავე სწავლა განაგრძო ჯაფარიძის სახელობის სოხუმის მეღვინეობის ინსტიტუტში, რომელიც წარჩინებით დამთავრა 1984 წელს. 1985 წლიდან სიკვდილამდე მუშაობდა ოსტროუმოვის სახელობის სოხუმის № 1 კლინიკურ საავადმყოფოში მედმუშაკად.

აუხაზი ექსტრემისტების ბოროტ ზრახვებს შეეწირა ყველასათვის საგვარელო, თავმდაბალი, უბრეტუნზიო, საქმის მოყვარული ადამიანი, სინდისიერი, ცქრიალა ახალგაზრდა გოგონა. მისმა ტრაგიკულმა ერთბაშად დაამწუხრა მშობლები, მეგობრები, ნათესავები.

ვერაგულად მოკლული ლეილა გიორგის ასულ შონიას ცხედარი დიდი პატივით დაკრძალეს მშობლიურ სოფელში „წმინდა გორად“ წოდებულ სასაფლაოზე.



**იოსებ
შოშიტაშვილი**

იოსებ შოშიტაშვილი დაიბადა 1954 წელს თბილისში. დაამთავრა თბილისის 85-ე საშუალო სკოლა. 1972 წელს გაიწვიეს სავალდებულო სამხედრო სამსახურში, საიდანაც დაბრუნდა 1974 წელს. ამავე წელს გახდა პოლიტექნიკური ინსტიტუტის სამშენებლო ფაკულტეტის სტუდენტი, რომელიც დაამთავრა 1980 წელს. ამავე წლიდან მუშაობდა შორეულ ადმოსავლეთში. 1982 წლიდან მუშაობდა „თბილმრეწვემშენის“ № 3 ტრესტში.

1992 წლის 1 დეკემბრიდან გაიწვიეს საქართველოს შეიარაღებული ძალების შემადგენლობაში, სადაც მსახურობდა ბატალიონის კავშირგაბმულობის უფროსად უფროსი ლეიტენანტის წოდებით.

დაიღუპა 1993 წლის 9 ივლისს ტაშიშთან.

**„ბაბრას მთელა საქართველოა
ვერ უპატრონა“**

ამ დღეებში რესპუბლიკის მინისტრთა კაბინეტმა საქართველოს რესპუბლიკის ლტოლვილთა და განსახლების კომიტეტის თავმჯდომარის პირველ მოადგილედ დანიშნა ბატონი **ჯონი ლატარია**, რომელიც გაგრის აღებამდე აფხაზეთის უზენაესი საბჭოს რწმუნებული იყო ამ რეგიონში და, ბუნებრივია, ყველა იმ მოვლენის აქტიური მონაწილეა, რომლებიც გაგრაში მოხდა მიმდინარე წლის 14 აგვისტოდან 2 ოქტომბრამდე.

ინტერვიუ, რომელიც მას ჩვენმა კორესპონდენტმა ჩამოართვა, უმთავრესად სწორედ გაგრის ამბებს ეხება.

— ბატონო ჯონი, მას შემდეგ, რაც მტერმა გაგრა თითქმის უბრძოლველად აიღო და საქართველოში ერთბაშად ათიათასობით ლტოლვილი გაჩნდა, ხშირად გვესმის სიტყვები: „გაგრა გაიყიდა“, „გაგრა ჩააპარეს“. გაგრის ამბებს დღეს რესპუბლიკის პროკურატურა და საპარლამენტო კომისია იძიებენ, მაგრამ მკითხველისათვის, ვგონებ, უინტერესო არ იქნება თქვენი პოზიცია გაგრის ტრაგედიის გამოწვევები მიზეზების მიმართ, მით უფრო, როცა გაგრიდან ლტოლვილები „გამყიდველთა“ ხიაში, არ დაგიძალავთ და, თქვენს გვარსაც ხშირად ასახელებენ.

— მე მესმის დღეს ჩემი გაუბედურებული და ფუძემოშლილი გაგრელებისა. ძალიან კარგად მესმის და ამიტომ მზად ვარ მათგან ყველაფერი აუციტანო. ჩვენ მათ მართლაც ვუღალატეთ, ჩვენ, ყველამ, ვისაც გაგრის მოვლა-პატრონობა და დაცვა ვევალებოდა. ღიახ, ჩვენ ვერ ვუპატრონეთ გაგრას, ვერ დავიცავით. მეტსაც ვეტყვით — გაგრას მთელმა საქართველომ ვერ უპატრონა, იგი ჩვენ ყველამ ერთად გავწირეთ, ჩვენმა ორად გახლენამ, უღისციპლინო! და არაორგანიზებულმა საქართველომ შეიწირა ამდენი უდანაშაულო ადამიანი. ჩვენ რომ შიგნით ერთიანობა ვეკონოდა და იმ ყველაზე ძნელ და გადამწყვეტ ღღეებში მაინც მოგვეთოკა ჩვენი გადაჭარბებული პატივმოყვარეობა და კერპთაყვანისმცემლობა, ეს ამბავი, ალბათ, საერთოდ არ მოხდებოდა.

ამიტომ, როდესაც დღეს გაგრის გაყიდვასა თუ ჩაბარებაზე ვლაპარაკობთ. ყოველივე ამას კარგად უნდა ჩაუფიქრდეთ და სწორი განაჩენი გამოუვტანოთ უწინარესად საკუთარ თავს. რაც შეეხება „გამყიდველთა“ ხიას, მას, ალბათ, ყველაზე უკეთ გამოძიება დააკონკრეტებს, და ყველა, იმედია, მალე გაიგებს, თუ ვის ან რას მიუძღვის მთავარი ბრალი მიწმდარ უბედურებაში. მე არ მინდა ამ სიტყვებით პასუხისმგებლობა მოვიხსნა და თავის მართლებას შევეუდგე, მაგრამ სათქმელი, რაკი ამის შესაძლებლობა მომეცა, მაინც უნდა ვთქვა:

გაგრის მოახლოებულ უბედურებას მე რამდენიმე ხნით აღრე ვგრძობდი, და როცა ეს საჯაროდ განვაცხადე, ბევრმა „პანიკორი“ შემარქვა, ვერფელს სახელმწიფო საბჭოს სხდომაზეც გამწკვავლეს — ფერებს ამუქებდა, ცხვილს ტყვიულბრალოდ აშინებო. დღე ისე არ გავიდიოდა, ჩემთვის „პიკის საათიდან“ არ დაერეკათ. იმედი მაქვს, ამ პროგრამას შემორჩა ჩემგან მიღებული „გამუქებული“ თუ „გამაჟვებული“ მასალები, რომლებშიც ვცდილობდი არაფერი დამეძალა, სამხედრო საიდუმლოების გარდა, რა თქმა უნდა. ჩემი ზედმეტი გულახდილობით გაღიზიანებულმა ერთმა სამხედრო პირმა ისიც კი მითხრა, შენ როგორმე ჯარისკაცების კვების საკითხი მოაგვარე, ქალაქს მიხედვე, ხოლო სამხედრო საქმეებს თავადაც მოუველითო. სწორიც იყო: აბა, რომელი გენერალი მე ვიყავი, მათთვის ჭკუა მესწავლებინა.

— თქვენ, როგორც აფხაზეთის უზენაესი საბჭოს და აფხაზეთში მდგომარეობის სტაბილიზაციის დროებითი კომიტეტის რწმუნებულს, ფაქტობრივად, მთელი ქალაქი გებარათ...

— მას შემდეგ, რაც გაგრის ადმინისტრაციის მეთაური რუსლან იაზინბა ქალაქიდან გაიქცა და გუდაუთაში „არძინბას რაზმს“ შეუერთდა, ოფიციალურად დამევალა ქალაქის ხელმძღვანელობა. ჩემს ფუნქციებში შედიოდა პარალიზებული სამეურნეო სტრუქტურების ამოქმედება იმდენად, რამდენადაც ეს საომარ პირობებში იყო შესაძლებელი, კერძოდ, ქალაქის სურსათით მომარაგება, მძევალთა გაცვლა, დაჭრილთა მოვლა-პატრონობა, ქალაქში სანიტარიული წესრიგის დამყარება და ა. შ. თავის ქებად თუ არ ჩამომერთმევეა, ვიტყვი, რომ ყველაფერი ეს გაგრაში არცთუ ცუდად კეთდებოდა, თუმცა რესპუბლიკის ხელმძღვანელთა და დედაქალაქის აქტიური მხარდაჭერა რომ არა, მარტო ჩვენ რას გავჩნდებოდით იზოლირებულ ქალაქში. აქ არ შემიძლია არ ვისარგებლო შემთხვევით და არ აღვნიშნო რესპუბლიკის წამყვანი ქირურგებისა და პირადად ჯანდაცვის მინისტრის მოადგილის ავთანდილ ჯორბენაძის უდიდესი წვლილი ჩვენა დაჭრილი მეომრების ბრძოლის ველიდან გამოყვანისა და მათი სიცოცხლის გადარჩენის საქმეში. გაგრის ადმინისტრაციის მეთაურის მოადგილესთან, 2 ოქტომბერს მუხანათურად მოკლულ მიხეილ ჭინჭარაძესთან ერთად დამეებს ვათენებდით, რათა ქალაქს სამყოფად ჰქონოდა პური. შეღავათიან ფასებში იყიდებოდა ბრინჯი, კარტოფილი, ხახვი, მუშაობდა ბაზარი. არაფერს ვამბობ ჯარისკაცთა სამჯერად კვებაზე, მოხუცებსა და ინვალიდებს მათთვის განკუთვნილი მაღაზიიდან უფასოდ დაურიგდათ პროდუქტები, გაგრაში პენსიონერებს ოთხი-ხუთი თვის განმავლობაში პენსიები არ ჰქონდათ მიღებული, ჩვენ, მართალია, დიდის ვაი-ვაგლახით, მაგრამ მაინც გამოვინახეთ სახსრები და პენსიების გაცემაც დაიწყო. საკმარისად გვექონდა საწვავიც, ყოველდღე სამხედრო ფორმირებებს ტონანახევარ საწვავს ვაძლევდით — ამდენი გვეჭირდებოდა, ამბობდნენ და სხვა რა გზა მქონდა. ის კი მიკვირდა, თუ რაში ხარჯავდნენ ამდენ საწვავს, თუმცა, საკვირველი რა იყო, როცა გაგრის ერთადერთ ცენტრალურ

ქუჩაზე, რომლის დაგვა თუ მოკირწყველა ბოლო დღემდე არ შეგვწყვეტო.
„ბტრ“-ებით დათარეშობდა ზოგიერთი ვაიმებრძოლი. სად იყო ამ ფრესკამ
ხედრო ხელმძღვანელობა?

მადლობა ღმერთს, დღეს ფერების გამუქებას ვერაფერს დამწამებს და ამიტომ შემიძლია თამამად განვაცხადო, თუც ჩემამდე ეს უკვე ათასგზის ითქვა—გაგრას სამხედრო ხელმძღვანელი, როგორც ასეთი, არ ჰყავდა, ცალკეულ სამხედრო ფორმირებებს კი თავ-თავიანთი მეთაურები ჰყავდათ და თითოეული მათგანი თავისი ჭკუით მოქმედებდა ბრძოლის ველზე. ერთი თვის განმავლობაში გაგრაში დისლოცირებული შეიარაღებული ნაწილების ხელმძღვანელი სამჯერ გამოიცვალა. თავიდან ბარბაქაძე დაინიშნა, შემდეგ დათუაშვილი, ბოლოს კი მარინაშვილი, მაგრამ საქმეს მაინც ვერ ეშველა, სამხედრო ნაწილებში სრული განუკითხაობა და ქაოსი იყო. ხალხი ატყობდა ყოველივე ამას, ამკარად ხედავდა, რა დღეშიც იყო ქალაქი, მაგრამ ყველას რალაცის იმელი მაინც ჰქონდა, დასაიმედებელ სიტყვებს კი, იცოცხლეთ, არ იშურებდა სამხედრო ხელმძღვანელობა: — ნუ გეშინიათ, გაგრაში ჩიტიც ვერ შემოფრინდებაო. როცა აფხაზთა ერთ-ერთი მორიგი მუხანათობის გამო გამართულ საპროტესტო მიტინგზე შეკრებილ ქართველებს ამ სიტყვებით მიმართა ერთ-ერთმა სამხედრო ხელმძღვანელმა, წარბიც არ შეტოკებია.

სწორედ ამ იმედით ამუშავდა გაგრაში რამდენიმე წარმოება-დაწესებულება, ამ იმედით წავიდნენ ჩვენი ბავშვები სკოლაში 1 ოქტომბერს, გაგრის აღებადღე ზუსტად ერთი დღით ადრე. 2 ოქტომბერს კი, ყველამ იცის, რაც მოხდა 2 ოქტომბერს.

ამგვარი დაიმედების უფრო თვალსაჩინო მაგალითსაც ვეძიებთ: მაშინ, როდესაც აფხაზებს გაგრა აღებული ჰქონდათ და ჩვენი სამხედრო შტაბი განთიადში იყო, პრინციპულად მოვითხოვე განთიადისა და ლესელიძის მოსახლეობის ქალაქიდან გაყვანა. ამაზე ერთ-ერთმა მაღალი რანგის სამხედრო პირმა (ვინაიდან საქმე ძიებაშია, გვარს შეგნებულად არ ვასახელებ) მიპასუხა: — რას ლაპარაკობ, ჩვენ ორ-სამ დღეში დავიბრუნებთ გაგრას, ხომ არ დაგავიწყდა, რომ სამშაბათს ეკლესიის გახსნა გაქვს დაგეგმილიო. გაგრელებმა იციან: ეს უბედურება რომ არა, გაგრაში ორ-სამ დღეში მართლა საზეიმოდ უნდა გახსნილიყო ქართული მართლმადიდებლური ეკლესია. უწმინდესმა და უნეტარესმა ილია მეორემ თბილისიდან საგანგებოდ გამოგზავნა ჯვრები, ძვირფასი ხატები, სასულიერო ლიტერატურა. ორი-სამი დღის შემდეგ კი ისევე, როგორც გაგრაში, განთიადსა და ლესელიძეში არცერთი ნაღმი არ აფეთქდა (!) და მტრის ტანკები, შეიძლება ითქვას, „ჩიტებივით შემოფრინდნენ“.

არავის ეგონოს, როცა ყოველივე ამას ვამბობ, ჩემი თავი უცოდველად მიმანდეს. მე რომ იმავე „მაღალი რანგის სამხედრო პირისთვის“ არ დამეჯვრებინა და ჩემი აზრით მემოქმედა, გაგრის ბანკში 28 მილიონ მანეთს არ ჩავუტოვებდით აფხაზებს. არაფერს ვამბობ დიდძალ სურსათზე და, რაც მთავარია, იარაღზე... მე არ ვიცი, ყოველივე ეს რას დავაბრალო — დაბალ სამ-

ხედრო პროფესიონალიზმსა თუ უღისცაობისობას. ასეა თუ ისე, უსაფუძვლო თავდაჯერება და ხალხის ფუჭი დაიმედება ომის დროს, მე ვფიქრობ, დღესაც ღრმად ტოლფასია და ამიტომ მინდა დავიჯერო, რომ მოლაღატენი, დღესაც უსაფუძვლოების სამსჯავროზე წარსდგებიან.

— დღეს საქართველოში არ მალავენ, რომ აფხაზეთში და, კერძოდ გაგრში, მართლა მზადდებოდა ქართველთა გენოციდი და 14 აგვისტოს მოულოდნელი შეტაკება რომ არა, გაგრის ქართველებს 24 საათის განმავლობაში უპირატესად ამოხოცვას და ქალაქიდან გაყრას. თქვენ, როგორც ილია ჭავჭავაძის საზოგადოების გაგრის რეგიონალური ორგანიზაციის თავმჯდომარეს, თუ გქონდათ ამის შესახებ რაიმე ცნობები?

— ყველამ ვიცოდით, რომ ბაჭყვინთაში, ინკიტის ტბის მიდამოებში, იქ, სადაც ადრე რუსეთის სარაკეტო ბაზა მდებარეობდა, წვრთნას გადიოდა ე. წ. აფხაზური გვარდიის გაგრის შენაერთი. გაგრის „მხედრონი“ რომ ძალზე აქტიურად ჩაერია ამ საქმეში და აგვისტოს ტრაგედიამდე ორი თვით ადრე, სრული მზადყოფნის მიზნით სანატორიუმ „თბილისში“ დაბანაკდა, აფხაზებს მოთმინების ფიალა ავესოთ და ნაცადი პროვოკაციები წამოიწყეს. გაგრელებს ახსოვთ შეტაკება, რომელიც მაშინ სანატორიუმ „თბილისში“ მოხდა. კონფლიქტი, მართალია, მალე ჩაცხრა, მაგრამ აშკარა იყო, რომ აფხაზები უფრო ფართომასშტაბიანი პროვოკაციისთვის ემზადდებოდნენ. გაგრაში გადაძალადული იყო დიდძალი იარაღი, მზადდებოდა რაღაც უფრო დიდი და საშინელი. ამას მოწმობდა თუნდაც ის, რომ მათ ქალაქიდან გაჰყავდათ თავიანთი ოჯახები — ბავშვები და ქალები. ერთი სიტყვით, აფხაზები რაღაცას გეიწყობდნენ, მაგრამ ამ დროს არც „მხედრონი“ და გაგრის მილიციის რჩეულ ბიჭებს ეძინათ... დღეს ბევრს უკვირს, თუ როგორ შეძლეს მათ სულ რაღაც 40-კაციანი თითქმის უიარაღო რაზმით კბილებამდე შეეარაღებულ აფხაზების ჯერ განდევნა გაგრიდან და შემდეგ კი 4 დღის განმავლობაში, გარედან ძალის დაუხმარებლად, მათი შეჩერება სოფელ კოლხიდასთან. ეს ცალკე თემაა და ამას, ალბათ, ჩემზე უკეთ ის ბიჭები იტყვიან. მე კი არ შემიძლია გულისტკივილით არ აღვნიშნო, რომ გაგრის მილიციის ნაწილი, მათთან ერთად ზოგიერთი სომეხიც, ნაცვლად იმისა, რომ ქალაქი დაეცვათ და მოსახლეობის უსაფრთხოებაზე ეზრუნათ, აფხაზების დასახმარებლად გაიქცა.

— თქვენ ამჯერად ფრიად საპასუხისმგებლო და რთული უბანი მოგენდოთ. როგორ ფიქრობთ, შეძლებს ლტოლვილთა და განსახლების კომიტეტი ამდენი გაჭირვებული და უსახლკაროდ დარჩენილი ხალხისთვის საგრძნობი დახმარების გაწევას?

— საქართველოს რესპუბლიკის ლტოლვილთა და განსახლების კომიტეტს, რომელიც ეს-ესაა ჩამოყალიბდა და ბატონი ვალერი ეშაქიძე ჩაუდგა სათავეში, მართლაც უამრავი საქმე აქვს. მიუხედავად იმისა, რომ საქართველოში ლტოლ-

ვიღების პრობლემა დიდი ხანია დგას, დღემდე არ იყო მოწესრიგებული მათი ორგანიზებული, რაღაც კანონებსა და ნორმებს დაქვემდებარებული დახმარების საკითხი. დღეს კი, როდესაც რესპუბლიკაში ლტოლვილთა საერთო რიცხვი უკვე ათასამდე ადის და ქვეყანაში ომია განაღებული, მათი უზრუნველყოფა საკმაოდ რთულია. რაოდენობის სურსათით, ტანსაცმლით, ფულით, დროებითი საცხოვრებელი ბინებით, დამეთანხმებით, არცთუ ისე იოლი საქმეა. მხარში უნდა ამოვიდგინოთ დედაქალაქის ყველა რაიონის გამგეობები, საქველმოქმედო ორგანიზაციები. მე არ მინდა დღეს ვინმე დავამშვიდო და ლამაზი სიტყვებით გული მოუვლებო, მაგრამ, მიუხედავად ასეთი გაჭირვებისა, ჩვენს ქვეყანას მაინც აქვს იმის პოტენციური შესაძლებლობა, ამდენ უსახლკარო და გაუბედურებულ ხალხს უპატრონოს. რას ვიზამთ, თუ დღეს ასე გვიჭირს? ომი ომია და, როგორც ყველა სხვა ომს, ამასაც ექნება თავისი დასასრული, და წუთითაც კი არ შეპარება ეჭვი, რომ გაგრეული ქართველი ისევ გაერაში გააღვივებს თავის ფუტკერას, ცხინვალელი — ცხინვალში. საქართველოს კიდევ ექნება ბედნიერი დღეები. სხვა გზა არა გვაქვს — ამ რწმენით უნდა ვიცხოვროთ.

მემრა რურუა

გაზ. „საქართველოს რესპუბლიკა“,

26 იანვარი, 1993 წ.



**ზვიად
შუკაკიძე**

ზვიადი ვოდერძის ძე შუკაკიძე დაიბადა 1973 წლის 27 თებერვალს სანხერის რაიონის სოფ. პერევიში. დაამთავრა პერევის საშუალო სკოლის 8 კლასი, შემდეგ სწავლა გააგრძელა თბილისის სარკინიგზო სამშენებლო სასწავლებელ-

ში. სასწავლებლის დამთავრების შემდეგ გაიწვიეს სამხედრო საავადმყოფო სამსახურში ცხინვალის რეგიონში, სადაც იბრძოდა 2 თვის მანძილზე. შემდეგ გაერთიანდა ბატალიონ „ავაზაში“. ვაჟაკურად იბრძოდა აფხაზეთში. მანძილზე იყო დაჭრილი, 25 თებერვალს სოფ. კვიტოულთან ერთ-ერთი საბრძოლო მოქმედების დროს დაიჭრა ხელას და ფეხის არეში, მკურნალობდნენ რესპუბლიკურ საავადმყოფოში. საავადმყოფოდან გამოწერის შემდეგ, 1993 წლის 28 მარტს, თავისი დაჟინებული მოთხოვნით ისევ ფრონტის ხაზს მიაშურა, რადგან ზვიადს არ შეეძლო საქართველო და მეგობრები გაჭირვებაში მიეტოვებინა. ოჯახის წევრების გადმოცემით, ის სახლში ვერ ისვენებდა, გული ფრონტის ხაზისკენ მიუწევდა, რადგან გასაჭირში ჩაჯარდნილი თანამებრძოლები ეცოდებოდა და ჩემი მხრიდან ღალატი იქნება, რომ არ წავიდეო, ამბობდა. მეგობრობაში უტყუარი, ჭეშმარიტი ვაჟაკი და უშაშარი მებრძოლი იყო, — ასე ახსიათებენ თანამებრძოლები მას. ცნობილი 2 ივლისის დესანტის გადმოსხმის დროს ზვიადი გპიროლოდ დაიღუპა ფრონტის ხაზზე.



**პაატა
შუხოშვილი**

პაატა ალექსის ძე შუხოშვილი, დაბადებული 1971 წლის 21 სექტემბერს თელავში, განათლება — ტექნიკური, უცოლო.

1977 წელს შევიდა თბილისის № 85-ე საშუალო სკოლაში, რვა კლასის დამთავრების შემდეგ სწავლა გააგრძელა თბილისის პოლიტექნიკურ ტექნიკუმში, კერამიკის ტექნოლოგიის განხრით. იყო 31-ე ქარხანასთან არსებულ კლუბ „შევარდენის“ წევრიც, გაიწაფა კლასიკურ ჭიდაობაში. აქტიური მონაწილეობა მიიღო მიწისძვრით დაზარალებული რაჭის ადღეენით სამუშაოებში.

1992 წლის 5 ნოემბერს ისნის რაიონის კომისარიატმა გაიწვია სამხედრო სამსახურში. საბრძოლო წრთვნას გადიოდა შინაგანი ჯარის ნაწილებში. 1992 წლის 7 დეკემბერს მოხალისედ შევიდა მე-11 მექანიზებული ბრიგადაში ბატალიონ „აეაზაში“. იყო ოცმეთაური, ზემდეგის წოდებით, 1993 წლის 25 იანვრიდან დაინიშნა ასმეთაურად.

1993 წლის 13 თებერვალს სოფელ ლაბრასთან შეტაკების დროს ვაჟაკ-ცურად დაეცა ბრძოლის ველზე.
დაკრძალულია ყვარლის რაიონის სოფელ აღმატში.



**ზაზა
ჩაღუნელი**

ზემდეგი ზაზა მელიტონის ძე ჩაღუნელი დაიბადა 1962 წლის 13 ივლისს, ბორჯომში.

1992 წლის 9 სექტემბრიდან მსახურობდა საქართველოს რესპუბლიკის შსს. შ. ჯ. სპეცდანიშნულების ბატალიონის სწრაფი რეაგირების სპეციალიზირებული ბატალიონის მსროლელად.

1992 წლის დეკემბერს აფხაზეთში სოფელ ქეთევანას მიდამოებში მოწინააღმდეგეთა ერთ-ერთი შეტაკების დროს გმირულად დაიღუპა.



**ირაკლი
 ჩანტლაძე**

ოჩამჩირესთან ქართული მიწას ერთიანობას შესწირა თეი ირაკლი ჯემალის ძე ჩანტლაძემ, რომლის სიკვდილი დიდი ტრაგედია გახდა მეგობრებისთვის. იგი ჩვეულებრივი სოხუმელი ბიჭი იყო, მასაც სხვათაგანით უყვარდა სიცოცხლე, ძალიან დიდი ვეგემები ჰქონდა.

დაიბადა 1968 წლის 23 აპრილს. დაამთავრა ქ. სოხუმის იაკობ გოგებაშვილის სახელობის მე-11 საშუალო სკოლა. 1985 წლიდან 1988 წლამდე იმსახურა გერმანიაში, ხოლო დაბრუნების შემდეგ ჩააბარა სუბტროპიკულ ინსტიტუტში, რომელიც წელს უნდა დაემთავრებინა, მაგრამ დაიწყო ომი. ირაკლის არცერთი წუთი არ უყრყმანია აელო თუ არა ზელში იარაღი. ის შენაერთ „თეთრი არწივის“ წევრი იყო და, ამასთანავე, ბოლო მოქმენტამდე მუშაობდა აფხაზეთის მინისტრთა საბჭოსთან არსებული უშიშროების კომიტეტის კონტრდაზვერვის თანამშრომლად.

ოჩამჩირესთან, 25 დეკემბერს პოზიციებზე გასვლის დროს დაიღუპა.

მხოლოდ 24 წელი იცოცხლა. ოჯახის შექმნას აპირებდა, ოცნებობდა ღამაზე, ქართულ ოჯახზე, მაგრამ ეს ჩვეულებრივი სოხუმელი ბიჭი წავიდა ჩვენგან, წავიდა როგორც გმირი. ყველა, ვინც კი ირაკლის იცნობდა, ყოველთვის თვალცრემლიანი, მაგრამ დიმილით მოიგონებს მას, ხოლო პატარა გიორგის – ირაკლის დისშვილს, რომელიც თავდავიწყებით უყვარდა, ალბათ, ყოველთვის მოუყვებიან ბიძამისის გმირობის ამბავს.

ირაკლი ჩანტლაძე სიკვდილის შემდეგ ღაჯილდოვდა მედლით „**მხედრული მამაცობისათვის!**“



ტარიელ ჩაჩუა

ტარიელ ამირანის ძე ჩაჩუა, დაბადებული 1966 წლის 11 მარტს, სამტრედიის რაიონის სოფელ გომში, განათლება საშუალო-ტექნიკური, უცოლო.

1983 წელს სამტრედიის რაიონის სოფელ გომის საშუალო სკოლის დამთავრების შემდეგ გაიწვიეს სამხედრო სავალდებულო სამსახურში. შემდეგ სწავლა გააგრძელა ქუთაისის კოოპერაციულ ტექნიკუმში.

მუშაობდა სამტრედიის რაიონის სოფელ საჯავახოში კომერციულ მაღაზია „იმედში“.

ოჯახში ტარიელი ნანატრი შვილი იყო, ხუთ დას მხოლოდ ეს ერთი ძმა უმშვენებდა მხარს, მაგრამ, როგორც კი მტერმა საქართველოს ტერიტორიული მთლიანობის ხელყოფა განიზრახა, ტარიელი სასწრაფოდ ჩაეწერა მოხალისედ 114-ე ბატალიონ „ავაზში“ და საყვარელ დედას ლოცვასავით დაუბარა: „ნუ გეშინია, დედი, მე ჯანმრთელი დაგიბრუნდებით, მაგრამ თუ ბედმა მიმუხთლა და მოვკვდი, მაინც ნუ იღარდებთ, რადგან ყველა დედა ვალდებულია ერთი შვილის სიცოცხლე მაინც შესწიროს სამშობლოს კეთილდღეობასო“. აკი შესწირა კიდევ სამშობლოს ბატონი ამირანის ოჯახმა ყველაზე ძვირფასი განძი – ერთადერთი შემკვიდრის სიცოცხლე – იგი 1993 წლის 13 თებერვალს ვაჟკაცურად დაეცა ბრძოლის ველზე.

დასაფლავებულია სამტრედიის რაიონის სოფელ გომის სასაფლაოზე.

საქართველოს მინისტრთა კაბინეტის ბრძანებულებით სამტრედიის რაიონის სოფ. დაბლა გომის სკოლას, სადაც ტარიელი სწავლობდა, მიენიჭა ტარიელ ჩაჩუას სახელი.

ტარიელი ამირანის ძე ჩაჩუა სიკვდილის შემდეგ დაჯილდოვდა მედლით „მხედრული მამაცობისათვის“.

ის შევევარებული იყო თამუნაზე.

ცოცხალი რომ იყავ, იები ანუქე
სიძულვილს ნიშნავსო, უკან დაგიბრუნა,
სევდანარევი დაჰყურებ იებს,
ვერაფერს ამბობ, კითხულობ მიზეზს.

დღეს შენ არა ხარ იები მოგართვა,
სურათთან ტირიან ღურჯთვალა იები,
შენც გაუბრაზდი, ძამიკო, თამუნას,
აღარ მიიღო მისგან იები.

ღურჯთვალა იები
ღარნაკში ტირიან,
რალა ქნას არ იცის საით წაუიღეს,
დაბრუნდი, იებო,
ლოცულობს სული და
ჩემი სურათი ამშვენე
ჯერ კიდევ.
გვედრებ შენ, უფალო,
რას არ მომასწარი,
სიცოცხლე წამართვი,
საკვდილი მარგუნე.

შენი ღაიკო ჩენიკო



პაატა ჩახნაშვილი

პაატა ანზორის ძე ჩახნაშვილი, დაბადებული 1963 წლის 7 აპრილს სიღნაღის რაიონის სოფელ მაშნარში, განათლება საშუალო, ცოლშვილიანი.

1992 წელს მოხალისედ შევიდა 114-ე ბატალიონ „ავაზში“, წავიდა საბრძოლველად აფხაზეთში საქართველოს მიწა-წყლის დასაცავად. 1992 წლის 16 დეკემბერს სოფელ ტამიშთან, მტერთან შეტაკებას დროს პაატამ და მისმა ორმა თანამებრძოლმა, ტყვედ რომ არ ჩავარდნილიყვნენ, ხელყუმბართ თავე აიფეთქეს. გმირულად მოიხადა თავისი მხედრული ვალი სამშობლოს წინაშე. დაობლდნენ 4 წლის ანზორი და 7 წლის თამარი, დარჩა მისი ატრემლებული ოჯახი, მეუღლე – ქალბატონი დოდო მინდიაშვილი, ეს ისედაც გამწარებული ქალი, რომლის ძმაც მერაბ მინდიაშვილი ცოცხლად დასწვეს ოსმა ექსტრემისტებმა. დოდოს სულ რაღაც ორ წელიწადში ორი საყვარელი ადამიანის – მეუღლისა და ძმის დატირება და გლოვა მოუხდა.


გაიზრდებიან პატარები და იამაყებენ თავიანთი მამითა და ბიძით, რომლებიც სამშობლოსა და მათი ბედნიერი ცხოვრების მომავალს შეეწირნენ.

პაატა ჩახნაშვილი დაკრძალულია სიღნაღის რაიონის სოფელ მაშნარში.

გურამ ჩახუნაშვილი

დაიბადა 1953 წლის 12 აგვისტოს. 1986 წელს დაამთავრა სამედიცინო ინსტიტუტის სამკურნალო ფაკულტეტი. მუშაობდა მეცხრე პოლიკლინიკაში, მერვე საავადმყოფოში ექიმ-ნერვოლოგად... 1990 წლიდან ნერვოლოგიის კათედრაზე ორდინატორად. 1991 წლის 21 მარტს წავიდა სოფელ ქორთაში, საომრად, მეორედ – 1992 წლის 14 ივნისს. 16 ივნისს ნიქოზაში დაიჭრა. გარდაცვალა გორის საავადმყოფოს მიმდებში.

მისი ნათელი ხსოვნა ყოველთვის დარჩება იმათ გულში, ვისთანაც ურთიერთობა ჰქონია.



**ომარ
 ჩიტუაშვილი**

23 წლის ომარი გორის რაიონის სოფელ ხიდისთავიდან იყო. საშუალო სკოლის დამთავრების შემდეგ სავალდებულო სამხედრო სამსახური მოიხადა. შემდეგ გორის პურკომბინატში მუშაობდა მუშად.

თვალცრემლიანი დედა ივონებს; 8 წლაქვე წამლის წვენით ვზრდიდი, სუსტი ჯანმრთელობა ჰქონდა, ღვიძლი აწუხებდა, სირბილი არ შეეძლო. სამხედრო სამსახურში რომ გაიწვიეს, შემპირდნენ იქ არ დავტვირთავთ ფიზიკურადო. ნეტავ, როგორც იქიდან დამიბრუნდა საღ-სალამათი, აქედან, თუნდაც ორივე ფეხი მოეჭრათ, ოღონდ ცოცხალი დამბრუნებოდაო. ნემსის გაკეთების ეშინოდაო და ფრონტზე ტყვიის წვიმებს არ უშინდებოდაო. დინჯი, აუღელვებელი, თავისებური ვაჟკაცური სულისა იყო, ასე ახასიათებენ თანამებრძოლები „პონჩიკას“.

პირველ მარტს ლაპრაში ერთ-ერთი საბრძოლო ოპერაციის დროს 2 ხელყუმბარა აუფეთქა მოწინააღმდეგეს, მესამეს ჩემთვის ვინახავდი, ოღონდ ტყვედ არ ჩავეარდნილიყავიო. დაჭრილმა მოახერხა თავისიანებამდე მიღწევა. ერთ თვეზე მეტხანს არ განერდა საავადმყოფოში, ისევ ფრონტის ხაზზე გაიპარა. 2 იულისს ტამიშში დესანტის გადმოსხმის დროს ვაჟკაცურად დაიღუპა. დარჩა ბევრი აუზღენელი ოცნება, აცრემლებული დედა და სიყვარული...

დაკრძალულია მშობლიური სოფლის სასაფლაოზე.

ომარ ჩიტუაშვილია სიკვდილის შემდეგ დაჯილდოვდა ვახტანგ გორგასლის III ხარისხის ორდენით.



იაკობ ჩიხლაძე

იაკობ (აკო) ჩიხლაძე დაიბადა თბილისში, 1962 წლის 8 თებერვალს. მამამისი — პიმენ ჩიხლაძე, უმაღლესი განათლებით, 1976 წელს გარდაიცვალა. დედა — ლეილა ფერაძე უმაღლესი განათლებითაა.

ჰყავს ორი ძმა. იყო უცოლშვილო.

1968 წელს სწავლა დაიწყო თბილისის 14-ე საშუალო სკოლაში, რომელიც ლაამთავრა 1978 წელს.

1980 წლიდან სწავლა გააგრძელა ქ. თბილისის სასოფლო-სამეურნეო ინსტიტუტში მექანიზაცია-ელექტროფიკაციის ფაკულტეტზე. ინსტიტუტის განაწილებით 1985 წლიდან მუშაობა დაიწყო გორის რაიონის სოფ. ტყვიავეში კოლმეურნეობის მთავარ ინჟინერ-მექანიზატორად.

1986—1987 წლებში მოიხატა სავალდებულო სამხედრო სამსახური.

სამაჩაბლოში შექმნილი არასტაბილური მდგომარეობის გამო მიმდებარე სოფლების მოსახლეობა აქტიურად იყო ჩაბმული სისხლისმღერელ ომში. თითქმის ყველა სოფელში ჩამოყალიბდა თავდაცვის შტაბი, შეიძინეს იარაღი და ეხმარებოდნენ გაჭირვებაში ჩავარდნილ ქართველებს, ცხინვალის მოსაზღვრე სოფლებში. სოფ. ტყვიავეში თავდაცვის შტაბს აკო ჩიხლაძე ხელმძღვანელობდა.

1992 წლის 11 მაისს სოფელ ერგნეთთან დაიწყო საომარი მოქმედება. როგორც ყოველთვის, ტყვიავეის შტაბის წევრებიც — აკო ჩიხლაძე, კობა ქარელი, ნიკო ოდიაშვილი, მორის კალატოზიშვილი და მიშიკო ქარელი — წავიდნენ საბრძოლველად.

12 მაისს ტყვიაველ მეომრებს ერედველებმა დახმარება სთხოვეს ოსურ სოფ. ფრისზე შეტევის განსახორციელებლად. რა თქმა უნდა, არ შემინდნენ და უარი არ უთხრეს.

ბრძოლაში ვაჟკაცურად ჩაებნენ და რამოდენიმე საათი შეუსვენებლად ბრძოლეს, სისხლის უკანასკნელ წვეთამდე არ გაჩერებულა მათი იარაღი. მტერს ზურგი არ უჩვენეს, არცერთს ტყვია ზურგში არ ჰქონდა მოხვედრული. მტერი ქართველს ქართველის დალატი უფრო ამარცხებს, თორემ მტერი რას დააკლებს!

ბრძოლის წინა ხაზზე მდგომი ბიჭები მარტო დატოვეს და უკან დაიხიეს. რვა ქართველი ვაჟკაცის სიცოცხლე ოსის ტყვიამ შეიწირა, ურჯულოებმა სიკვდილიც არ აკმარეს ვაჟკაცებს, აწამეს და დაწვეს. ტყვიაველებთან ერთად ბრძოლაში ორი ერედველი და ერთი ქორდელი მეზობლიც დაიღუპა.

ტყვიაველი ვაჟკაცები სოფლის ცენტრში არიან დაკრძალული. მათი ხსოვნის უკვდავსაყოფად აგებულია მემორიალი.

ვაჟკაცებად არ იბადებიან, ვაჟკაცებად კვდებიან. მათ სახელებს სამშობლო სანთლებად აინთებს. მარად გვახსოვდეს აკო ჩიხლაძე, კობა ქარელი, ნიკო ოლიაშვილი, მორის კალატოზიშვილი. მიშცო ქარელი.



**გია
ჩიხლაძე**

დაიბადა 1968 წლის 5 იანვარს თბილისში, მოსამსახურის ოჯახში. 5 წლის იყო, როცა მამა გარდაეცვალა. ქალბატონმა რუსიკომ — გიას დედამ ერთადერთი შვილი გაზარდა პატიოსანი შრომით, სიყვარულით, ერთგულების და კაცთმოყვარეობის პრინციპით.

1985 წელს გიამ დაამთავრა 89-ე საშუალო სკოლა. 1987–1989 წლებში იყო სამხედრო სავალდებულო სამსახურში. 1989 წელს ჩაირიცხა ტექნიკურ უნივერსიტეტში, რომლის დამთავრება ვერ მოასწრო...

1992 წლის 1 აგვისტოს მუშაობა დაიწყო მე-3 ლეგიონში კომენდანტად, საიდანაც სამჯერ წავიდა აფხაზეთში. შემდეგ მუშაობდა თავდაცვის სამინისტროს სპეცდანიშნულების ნაწილში. 1993 წლის 17 მარტს წავიდა აფხაზეთში

და, თურმე, ორი კვირის სიცოცხლე ჰქონდათ დარჩენილი ვიას და მასთან ერთად წასულ თანამებრძოლს, ახალდამეგობრებულ, მასავით ობლესტში წაგზავნიდნენ შურა ჯაჭვად... 3 აპრილს სამსახურეობრივი მოვალეობის შესრულების დროს სოფელ ახალშენში პოსტის შესაცვლელად მიმავალნი ვია ჩიხრაძე, შურა ჯაჭვადე, საჩხერელი მამუკა ქამუშაძე, ხარაგაულელი ხეჩია ჭყუიძე, თბილისელი თემურ თევდორაძე, სოხუმელი საშა ცხვარაძე ღალატით დახოცეს. ერთად გაიზიარეს ბიჭებმა ტკივილები, სიკვდილთან შეყვრის მძიმე წუთები. ფიზიკურად განადგურდნენ ეს ლამაზი და სიცოცხლით, სიყვარულით ანთებული ბიჭები, სულიერად კი ეზიარნენ უკვდავებას... დარჩა ქალბატონი რუსიკო მარტო თავის ფიქრებთან და მოგონებებთან და საბურთალოს სამშო სასაფლაოზე, სადაც გვერდიგვერდ არიან დაკრძალულია ვია და შურა. შორიდანვე მოჩანს მათ საფლავებზე ჩამომჯდარი ორი შალსანი გაუბედურებული დედა, ყოველდღე ცოცხალი ყვავილებით რომ რთავენ მიწის პატარა ნაჭრებს...

საქართველომ კიდევ ერთი კარგი ბიჭი დაკარგა — ვია ჩიხრაძე — კარგი მსმენელი, კარგი მკითხველი და ვაჟა-ფშაველას პოეზიაზე უზომოდ შეყვარებული — ვია.

ვია ჩიხრაძე სიკვდილის შემდეგ დაჯილდოვდა ვახტანგ გორგასლის I ხარისხის ორდენით.



**იმედა
ჩოთიარიძე**

უფროსი სერჟანტი იმედა ალექსანდრეს ძე ჩოთიარიძე დაიბადა 1967 წელს. 25 სექტემბერს. გარდაბნის რაიონის სოფელ ახალსოფელში. საშუალო განათლება მიიღო მშობლიურ სოფელში. მოიხადა სამხედრო ვალდებულება. შემდეგ თბილისის ცეკავშირის კოორდინირებული ტექნიკური დაამთავრა. სამშობლო გასაჭირში რომ ნახა, უყოყმანოდ ჩადგა მარტყოფის ეროვნული გვარდიის რი-

გეგში. წუთით არ ივიწყებდა, რომ სამშობლო უძთავრესია. მის თავისუფლებასა და ბედნიერებაზე ოცნებობდა. იბრძოდა სამაჩაბლოში. ვერ მოესწრო აფხაზეთში წასვლას. 7 აგვისტოს კანონებისა და მოქალაქეთა ინტერესების დაცვით დაკავშირებული, ამხანაგებთან ერთად, არ შეუშინდა ყაჩაღებთან შებრძოლვას; რის შემდეგაც კვარდიელთა სახელით ავტომატრალზე მარცვავდნენ მშვიდობიან მოსახლეობას. ბანდიტთა ჯგუფიდან ერთი მოკლეს, მეორე — დაჭრილი დააკავეს. თავად კი დაიღუპა.



ზაზა ჩხაიძე

ზაზა ჩხაიძეს შესახებ 1993 წლის 6–16 ოქტომბრის გაზეთ „ნებში“ სათაურით „პატარა ბიოგრაფია — დიდი სახელი“ ჟურნალისტი ირინე ზურაბაშვილი წერდა: „მამა არ ტიროდა — არა, ზაზას მამა საოცრად ნაღვლიანი თვალებით მიყურებდა და მით უფრო ღრმად მისერავდა დამძიმებულ გულს. მინდა ვანუგეშო, დავაწყნარო, მაგრამ რას ეტყვი, რით ანუგეშებ სამუდამოდ გამწარებულ მშობლებს...“

— იქნებ, რაიმე მომიყვებოთ თქვენი შვილის ბიოგრაფიიდან...

— ამ ფურცელზე მთელი მისი ბიოგრაფიაა. მეტი ბიოგრაფია არ ჰქონდა.

21 წლისა იყო...

ზაზა ელგუჯას ძე ჩხაიძე 1972 წელს 3 მარტს დაიბადა ლანჩხუთის რაიონის სოფ. ქვემო აკეთში. საშუალო სკოლის დამთავრების შემდეგ სწავლა განაგრძო ოზურგეთის ჩაის ტექნიკუმში. 1991 წელს, ეროვნული გვარდიის რიგებში გაიწვიეს. საჯალღებულო სამსახურს იხდიდა ქალაქ თელავში. 1992 წლის მაისში თელავის ბატალიონის შემადგენლობაში იბრძოდა სამაჩაბლოში. სამხედრო

ვალის მოხდის შემდეგ იბრძოდა გავრაში მოხალსედ. გავრის დაცემის შემდეგ იბრძოდა „თეთრი არწივის“ შემადგენლობაში გუმიისთაზე. ამის შემდეგ გადაიყვანეს 114-ე ბატალიონ „ავაზაში“. დაიღუპა ტამიშთან 2 ივნისს 1992 წელს სანტის გადმოსხმის დროს. უცოლშვილო იყო. ოჯახში დედა, მამა და უფროსი ძმა ღარნა.

— ვერაფრით დავაკავე სახლში, ოთხჯერ გამეპარა. ბოლოს 12 აპრილს წავიდა სახლიდან, — ამბობს ზაზას მამა.

ვერაფერს ვეკითხები, მეშინია, რაიმე გაუფრთხილებელი შეკითხვით ტკივილი არ მივაყენო. ბატონი ელგუჯა სიტყვაძუნწია, მის თვალებში თუ ამოკითხავ უსაზღვრო ტკივილს და უსაზღვრო სიყვარულს.

— პატარა იყო, ბაჭიას ვეძახდი...

ზაზა ჩხაიძე გმირულად დაიღუპა ტამიშთან დესანტის გადმოსხმის დროს. თავად ფეხში დაჭრილი, ბრძოლის ველიდან დაჭრილების გამოყვანისას მათ წინ ეფარებოდა. როცა ბოლო დაჭრილი გამოიყვანეს, თვითონაც სცადა გამოსვლა და ზუსტად ამ დროს სნაიპერის ტყვიამ განგმირა 21 წლის ჭაბუკი...

— ზაზა სხვანაირი იყო. საოცრად თბილი და კეთილი. საიდან იყო ამდენი სიმამაცე და უშიშროება ამ ერთ ციციქნა ბიჭში? — ამბობს მისი თანამებრძოლი ნანა ჩოხელი, — ბრძოლაში ყოველთვის წინ მიიღტვოდა, უკან დახევა არ იცოდა. ერთი სიტყვით, ზაზა ნამდვილი გმირი იყო. ყველა რომ ასეთი იყოს, საქართველო არასოდეს დამარცხდება.

ბაჭიამ პატარა ბიოგრაფია და დიდი სახელი დატოვა, სამშობლოსათვის თავდადებული მამულიშვილის სახელი. მისი სახელი შარავანდედით შეიმოსა.

ზაზა ჩხაიძე დასაფლავებულია ლანჩხუთის რ-ნის სოფ. აკეთში.

რეკავ ლორია

აფერუმ, მართლა, შენს პაქანობას

აფხაზეთის ომში მძევლად აყვანილ ქართველ მებრძოლებს შუქრი მგელაძეს მაჭა გადაუხსნეს, მისი სისხლიც უკია აავსეს და... დალიეს

გაზეთი „კოლხური დინამო“

№ 1, 1992 წელი

ვერ დავიძინებ ნაღდად ამაღამ,
ვერ დავიძინებ ვერასდიდებით,
გამიგონია კაცის დადალვა,
თვალების დათხრა,



წაჭრა თითების...

ვაგლახ, ვაჟაკო, ერის ნარჩევო,
 ეს რა მხეცობის ხელი დაგრიეს...
 მაჯა გადაგხსნეს, სისხლი აჩქეფეს,
 და შენი სისხლი ჭიქით დალიეს...
 ნეტავ, რას გრძნობდი მაშინ ქართველა,
 რა გაიფიქრე ფეხზე მომდნარმა?
 ნადირალების სული ნათრევი
 თუ შეიტოვა მაინც ოდნავად?!
 არა მგონია, ლეშმა გახრწნილმა
 იგრძნოს სირცხვილი მცირეოდენი,
 ის ჭიქა სისხლი, მტრისთვის გაწვდილი,
 შენი კაცობის იყო ორდენი.
 მწყურვალს, — ვინ არის? — ვინ ეკითხება,
 ვინ შეყოვნდება ჭიქა წყლისათვის,
 შენ სისხლი გქონდა, სულის კირთება,
 და გაიმეტე ისიც მტრისათვის...
 აფერუმ, მართლა, შენს ქართველობას!
 ხალხში დაქუხდა ცრემლი იმ დილის...
 ეს იყო შენი მზის გათენება,
 შენი მტრების კი იყო სიკვდილი!

რეაქციული რუსეთის მიზანი — კონკრეტული ავსტრალიის უპარტიკულურობა და უავსტრალიურობა

შეიდთვიანმა ომმა, რომელიც დაგეგმილი და პროვოცირებული იყო თავი-
 დანვე ბლოკ „სოიუზის“, მისი წარმომადგენლების მიერ აფხაზეთში, უკვე ათა-
 სობით ადამიანის სიცოცხლე შეიწირა, დაინგრა ათობათ ქალაქი და სოფელი.

მიზანი რუსეთის რეაქციული ნაწილის სამხედროებისა, რომლებიც მიეტ-
 მასნენ გუდაუთს დაქირავებული ინსტრუქტორების, პილოტების, მედესანტე-
 ების, რიგითი მეომრების სახით, არის გაანადგურონ მშვიდობიანი ობიექტები
 და სრულიად უდანაშაულო მოსახლეობა. რა უნდა გვიკვირდეს რიგითი მეომ-
 რებისა, როცა თვით რუსეთის „დიდი მხედართმთავარი“, ბატონი გრაჩოვი უსირ-
 ცხვილოდ იმასაც აცხადებს, რომ ქართული ავიაცია თავად ბომბავს თავისი-
 ვე ქალაქ სოხუმს. ამის თქმა იმას ჰგავს, რომ ამტკიცებდე, — მაიმუნი ადამიან-
 ნისგან არის წარმოშობილი და არა პირიქით. თუმცა, რა გასაკვირია — ძა-
 ლის პოზიციიდან ამის დამტკიცებაც შეიძლება! მაგრამ რას იტყვის ბატონი
 გრაჩოვი რუსეთის საჰაერო ძალების თვთმფრინავის სუ-27 ფაქტთან დაკავში-
 რებით? ეს შეიძლება შეფასდეს როგორც „სალდაფონური“ უცერემონიულობა,
 რომელსაც რუსეთის სამხედრო დოქტრინის იმპერიული სუნი უდის.

ამის მიუხედავად, არ მსურს დაეჯერო, რომ პუშკინის, ლერმონტოვის,
 ტოლსტოის, ჩეხოვის, დოსტოევსკის, ჩაიკოვსკის, შალიაპინის, ლომონოსოვის.

პეტრე დიდისა და სხვა გამოჩენილ წინაპართა ღემკვიდრენი ისე აღმოჩნდნენ, რომ დაქირავებულ კაცის ძველებად იქცნენ. სხვანიარად ვერ ვუწოდებთ იმ მფრინავებს, რომლებიც მეთოდურად და სინდისის ქნჯნის გარეშე მომზადდნენ მშვიდობიან ქალაქ სოხუმს. მათს სინდისზეა ასობით სიცოცხლე და აღდგენივე საცხოვრებელი და საზოგადოებრივი შენობა.

აგრესორის მიზანი ახლა უკვე მთელი მსოფლიოსთვისაა ნათელი — აფხაზეთი მათ უნდათ აფხაზეთისა და ქართველების გარეშე. სწორედ ეს არის მცირერიცხოვანი ხალხების გენოციდის კლასიკური მაგალითი რუსეთის დესტრუქციული ნაწილისა, რომელიც მიეჩნია თავის საყვარელ მეთოდს, „გათიშე და იბატონეს“, ახლა კი მოქმედებს პრინციპით — „მოკალი და დაიპყარი“.

ნუთუ ჩემმა თანამოძმეებმა გულაუთის რაიონიდან (მხედველობაში მყავს მოსახლეობა და ხელმძღვანელობის პროგრესული ნაწილი) დღემდე ვერა და ვერ შეიგნეს, თუ რა ავანტიურაში ჩაითრიეს ჩვენი ხალხები პოლიტიკანებმა, სებარატისტებმა და ყველა ჯურის ექსტრემისტებმა?! ჩვენ ყველას დიდი უბედურება დაგვატყდა თავს. აფხაზი ერი კრატეკულ ზღვართან აღმოჩნდა. ღრმად ვარ დარწმუნებული, რომ გულაუთის ხელმძღვანელობის გარემოცვიდან ბევრი ასეთივე აზრისაა. მაგრამ ცრუ პატრიოტიზმის წყვეული სინდრომი — იარლიყი „აფხაზი ხალხის მტერი“ და ზოგიერთი ნამოქმედარი აწვევა ფსიქიკას და მათ უჭირთ გამოვიდნენ ამ წნეხიდან. გამოსვლა კი საჭიროა. საჭიროა გონს მოევონ და დაუყოვნებლივ გამოცხადდეს მორატორიუმი ურთიერთმოსპობაზე. საჭიროა დაუყოვნებლივ მისხდომა მოლაპარაკების მაგიდასთან წინასწარი პირობების გარეშე. ჯერ კიდევ არის შანსი, საბოლოოდ არ დაიღუპოს ერი.

თითოეული ხალხის ლტოლვა (განსაკუთრებით — მცირერიცხოვანისა) — შეინარჩუნოს თავისი თავი და უზრუნველყოს მისი გამრავლება — სავსებით ბუნებრივი და კანონზომიერი მოვლენაა. მაგრამ არ უნდა იქნეს დავიწყებული საშუალებანი, რომლებიც გამოიყენება ამ კეთილშობილი მიზნების მისაღწევად. აქ უნდა გამოირიცხოს ურთიერთდაპირისპირება და ძალადობა, რა მხრიდანაც არ უნდა მოდიოდეს იგი. არ უნდა იყო შენი სამშობლოს არც შემარჯვენე და არც შემარცხენე, ჩვენთვის ძვირფასია ყოველი ადამიანი და სწორედ მისი გადარჩენის მიზნით უნდა იყოს მიმართული ორივე მხარის ძალისხმევა.

ცნობილია ჭეშმარიტება იმის თაობაზე, რომ ყველაფერი, რაც არარეალურია, — არის ავანტიურული, ხოლო ამ უკანასკნელს მიყვარათ მხოლოდ სისხლისღვრამდე.

სამწუხაროდ, ამჯერად ეს ასეც მოხდა. ხელმძღვანელები, თუკი ისინი ნამდვილი პატრიოტები არიან, უნდა გამოხატავდნენ მთელი ხალხის ინტერესებს და არა ჯგუფურ, კლანურ ან პირად ინტერესებს. ცხოვრებაში თითოეულ ჩვენგანს თავისი ღრო გვაქვს გაზომილი და კი არ უნდა ჩავიქროთ, არამედ უნდა დაუპტოვოთ კეთილი კვალი მომავალ თაობას.

დღეს უპრიანია მოვავლოთ ზოგიერთ „ცხელი“ თავის მქონეთ, რომელთაც გადაწყვიტეს მყისვე აშენონ აფხაზური სახელმწიფო, რომ ჯერ კიდევ საქართველოს კ (ბ) ცენტრალური კომიტეტის მეოთხე ყრილობაზე ნ. ლაკობა თა-



ვის გამოსვლაში ამბობდა: „აფხაზეთში დაყენებული საკითხი იმის შესახებ, რომ იგი ნამდვილად დამოუკიდებელია და სადღაც სურს წავიდეს საქართველო-საგან, მიგვიყვანს იქამდე, რომ აფხაზეთი, როგორც მუყაოს სახსრები, დაიშალოს და დაეკავშირება ბიჭუნამ აავი, დაიშლება“. დამეთანხმებით, რომ კომენტარები ზედმეტია. ღრმად ვწუხვართ, რომ ნ. ა. ლაკობას სიტყვები ფაქტობრივად გამართლდა.

ცხოვრებამ გვიჩვენა, რომ აუცილებელია პირველ რიგში აფხაზეთში მცხოვრებთ და, უწინარეს ყოვლისა – აფხაზებსა და ქართველებს, – მივცეთ სრულ შესაძლებლობა მესამე პირის (მით უმეტეს – მესამე ძალის) ჩარევის გარეშე გადაწყვიტონ საკუთარი პრობლემები ადგილზე. საქმე ისაა, რომ ვცხოვრობთ რა საუკუნეების მანძილზე ერთ მიწაზე, ჩვენ გვაკავშირებს საერთო წეს-ჩვეულებანი, ტრადიციები, რელიგია, ისტორიული და ეკონომიკური ერთიანობა. ჩვენ გვესმოდა ერთმანეთისა, ვგრძნობდით ძმის მარჯვენას, ჭირს და ლხინს ვიყოფდით როგორც მეგობრები, მეზობლები და სისხლით ნათესავეები.

გამომდინარე აქედან, თავს ნებას მივცემ ვთქვა, რომ სახელდობრ ეს ორი ხალხი, რომელთაც უნდა განაგრძონ საუკუნეობრივი მეგობრობის განმტკიცება. რაც ჩვენმა წინაპრებმა გვიანდერძეს, პირველ რიგში უნდა იდგეს აფხაზეთში მცხოვრები ყველა ერისა და ეროვნების ინტერესების განუხრელი დაცვის სადარაჯოზე. ეს უკანასკნელნი კი, თავის მხრივ, ვალდებული არიან ყველაზე აქტიური მონაწილეობა მიიღონ იმ რესპუბლიკის ეკონომიკის, კულტურისა და მეცნიერების განმტკიცების საქმეში, რომელშიც ისინი დაიბადნენ, ცხოვრობენ და შრომობენ. ესე იგი აფხაზეთი უნდა აღორძინდეს და განმტკიცდეს ეკონომიკურად, პოლიტიკურად. სოციალურად და სულიერად მთელი მოსახლეობის ძალიან მძიმე სრული ეროვნებათაშორისი ურთიერთგაგებით, ურთიერთპატივისცემით, ურთიერთმხარდაჭერით.

და ბოლოს. კიდევ ერთხელ, თუ როგორ გვესმის ხალხის მეგობრები და მტრები.

ხალხის მეგობრები მთელი თავისი შეგნებული სიცოცხლე რწმენითა და სიმართლით ემსახურებიან თავიანთ ხალხს, მის ინტერესებსა და ყველა ხალხის ერთიანობის საქმეს. მათი პრაქტიკული ნაბიჯები მუდამ მიმართულია აფხაზი და ქართველი ხალხების ნამდვილი ინტერესებისა და სულისკვეთების დაცვისაკენ.

ხოლო ნამდვილი მტრებია ისინი, ვისაც ხელები სისხლში აქვთ გასვრილი, ვინც მოახდინა ომის პროვოცირება, ჩაითრია თავისი ხალხი ავანტიურაში და უბედურებათა მორევში, მოუტანა მას მწუხარება და ფიზიკური მოსიძინების ზღვარზე დააყენა.

1993 წ. 22 მარტი

ლორიკ მარშანიძე

საქართველოს მეცნიერებათა აკადემიის, წევრ-კორესპონდენტი

გაზ. „აფხაზეთის ხმა“, 27 მარტი, 1993 წ.

მთავარი მაინც მაგული არის



ვერ დავიჯერებ, რომ ჩვენს მწვერვალებს
ჩვენს შორის ვინმემ გადაუფრინა,
ვერ დავიჯერებ, იყოს მძლევარი,
იყოს მძლევარი, გარდა უფლისა.

ახლა ვინ არის ასე მტომარე,
ასე მტოდველი და მჩემბელი,
მოდის თამარის სავსე მთოვარე,
მე უნდა მისი დავრჩე მხლებელი.

ვერ დავიჯერებ, რომ შენს მთაწმინდას
არ ჰქონდეს მაინც კაცის ნაკვლევი...
მამ, რაც წყვილიაღში უცებ გაბრწყინდა,
სწორედ ის არის შენი სამკელი.

სწორედ ის არის შენი ნალხენი
და თუ მძლევარი ფეხდაფეხ მოგდევს,
იქ უნდა ჰყოლო შენი სახელი,
ბოლოს და ბოლოს იქ უნდა მოკვდეს.

და თუ მიმტყუნებს თვალი ტიალი,
და თუ მიმტყუნებს მთვარე თამარის,
მთავარი მაინც მამული არის,
განსაცვიფრებლად არის მთავარი.

ჯანსუღ ჩარკვიანი

* * *

მათი ხმალი ცეცხლს აფრქვევდა,
მტერი თრთოდა ვერანი,
საქართველოს ცის ფერს ჰგავდა
ფერი მათი შერანის.
მამულისთვის დაიღუპნენ
ვაჟკაცობის, მნახველნი,
საქართველო იყო მათი
უწმინდესი სახელი,

ლადო ასათიანი



მალხაზ ჩხუტიაშვილი

მალხაზი ვაჟს ძე ჩხუტიაშვილი დაიბადა 1971 წლის 25 დეკემბერს. დუშეთის რაიონის სოფ. ყარსიშაანში. აღიზარდა და სკოლა დაამთავრა დაბა ჟინვალში, დედასთან, უძამოდ. გულით ეწადა მონაწილეობა მიეღო სამშობლოს ერთიანობისათვის ბრძოლაში და ამიტომაც ჩაეწერა მოხალისეთა რიგებში. იგი ყოველთვის პირნათლად ასრულებდა თავის მოვალეობას, იბრძოდა ოჩამჩირის ტერიტორიაზე. ახლობლებს მონატრებულმა 4 იანვარს დარეკა და დედას შეპირდა, რომ 14-15 იანვარს სახლში იქნებოდა, მაგრამ ამავე დღის ბოლოს არ დაინდო სნაიპერის ტყვიამ და სასიკვდილოდ შეუნგრია გულ-მკერდი. ჩაუქრო 21 წლის დედისერთა ვაჟკაცს სიცოცხლე.

* * *

...მე ვპირდებოდი, რომ დავბრუნდები,
რომ თქვენი თმები დამაბრუნებენ,
მაგრამ დღეები, როგორც ქურდები,
ჩემს შეპირებას ანადგურებენ.

და სადმე ტყვია თუ გააციებს
გულს საშინელი განადგურებით,
თქვენ მაპატიეთ, პო, მაპატიეთ,
დანაშაული არდაბრუნების.

მირზა გელოშანი



დიმიტრი ცაგური

მწუხარებასა და ტანჯვას ვერ უძლებს გული. უკვე სამი წელი შესრულდება 4 ოქტომბერს, რაც აფხაზების მიერ დაჭირებულმა სნაიპერის ტყვიამ შეწყვიტა შენი უკეთეს მომავალზე ფიქრებით სავსე სიცოცხლე. შენმა სიკვდილმა დედაშენს გაუჩინა მოურჩენელი სევდა. ჩემო ერთადერთო იმედო, როგორ მომენატრე, დედა, ხომ იცოდი შენს იქით დედას გზა არ ჰქონდა. დედა შენით ხარობდა, შენით სულდგმულობდა. შენც კიდევ დედაზე უზომოდ იყავი შევყარებული. დაიბადე 1968 წელს, საშუალო სკოლა დაამთავრე 1985 წელს. იმავე წელს ჩაირიცხე რიგის სამხედრო უმაღლეს სასწავლებელში, დაამთავრე 1987 წელს, იყავი თსუ იურიდიული ფაკულტეტის IV კურსის სტუდენტი. ჯერ კრასნოიარსკში სამხედრო ნაწილში მუშაობდი ბატალიონის უფროსის მოადგილედ. შემდეგ დედის თხოვნით გადმოვიყვანეს აფხაზეთში და მუშაობდი ვლას სამხედრო კომისარიატში მეთხვე განყოფილების უფროსად. როცა სოხუმში შინაგანი ჯარი ჩამოყალიბდა, როგორც სპეციალისტი, მიგიწვიეს ჯერ შტაბის უფროსის მოადგილედ, შემდეგ შტაბის უფროსად. სანამ აფხაზეთში ომი დაწყებოდა, იყავი ოსეთში წასული საომრად. აფხაზეთში ომის დაწყების დღიდან იბრძოდნ-სოხუმის მისადგომებთან. უკანასკნელად, შეიღო, განახე 1992 წლის 15 სექტემბერს. არაფერი მინდა, ოღონდ შენი ყურებით გამძლეო, ასე მითხარი. რა ვიცოდი თუ 4 ოქტომბერს ტყვიით განგმირულ შეიღს ჯერ კიდევ თბილს მომისვენებდნენ სახლში. ვერ აიტანა ყოველივე ეს გამზრდელმა მამამ ტარიელ ბანძელაძემ, გული გაუსკდა და დროებით მივაბარე ვაკის სასაფლაოზე, შენი 65 წელს მიტანებული დედა კი შეიკვდლა სამხედრო ნაწილმა, რომელსაც მე-ოაურობს პოლკოვნიკი შაქრო ხურიციძე. ახალგაზრდა ოფიცრები ზრუნვას არ



აკლებენ დედაშენს გაუხანგრძლივონ სიცოცხლე, რათა ორივე გადაგახად
 ლავით ზუგდიდში და მეც თქვენს გვერდით მივიჩინო ბინა. უკრძნუნული
 ნათელში მიმყოფოს შენი სული, დედის აღერსი და მოფერესი
 იმ ქვეყნად.

შენი დედა

ვოთორლა ცაგურია

**საქართველოს მთლიანობისათვის
 გმირულად დაღუპულ
 დიმა ცაგურიას ხსოვნას**

ჩემო დიმა, ჩემო სიყვარულო,
 მეჯლისია გაზაფხულის ფერთა,
 მარტის თვეში დაიბადე, შვილო,
 ღმერთის ტოლი, ბიჭი დედისერთა,
 სასიკვდილოდ გაგიმეტა ტყვიამ
 (უბედური ამის თქმასაც ვბედავ),
 გაგაქანა სულთა საუფლოში,
 ღმერთის ტოლი ბიჭი დედისერთა.
 ანგელოზთა გუნდი მიკეკლუცობს,
 შემიფერებს ძალა ღვთისნიერთა,
 ვარსკვლავებში იქორწინებ, შვილო,
 ღმერთის ტოლი, ბიჭი დედისერთა.
 გეყოლება მოდგმა უთვალაუი,
 გაგიქრება სინანული, სევდა,
 გადმოხედავ საქართველოს მთლიანს,
 ღმერთის ტოლო, ბიჭო დედისერთა.

ნუნუ კვიციანი

ქ. სოხუმი

15/III-93 წელი



გივი ცალუღელაშვილი


დაიბადა 1961 წელს დუშეთის რაიონის სოფელ ღოღოშაში. 1967 წლიდან ცხოვრობდა თბილისში თავის მშობლებთან ერთად. მას მამა ადრე გარდაეცვალა, ამის გამო ობლობასა და გაჭირვებაში იზრდებოდა თავის ძმასთან ერთად.

გაჭირვებული ცხოვრების გამო უარი თქვა ოჯახის შექმნაზე. ფიქრობდა ცხოვრების პირობების გაუმჯობესებაზე, საქართველოს დამოუკიდებლობაზე. ამის გულისთვის ის მონაწილეობას ღებულობდა ეროვნულ მოძრაობაში.

დაიწყო რა აფხაზეთის ამბები, ის მაშინვე გაემგზავრა მოხალისედ თავისი აქტაური მონაწილე იყო აპრილისა.

მიწა-წყლის დასაცავად. 1992 წლის სექტემბრის თვეში მონაწილეობას ღებულობდა ვაგრის ბრძოლებში. სიკვდილს გადარჩა, ცოტა ხნით სახლში ჩამოვიდა, 23 ოქტომბერს კვლავ შეიკრიბა: შისი-101-ე ბატალიონი. უნდა წავიდეთ, დედას უთხრა, ხომ არ დავიმალებიო. კვლავ ჩაება ბრძოლაში და, აი, მტრის ტყვიამ უწია სოფ. შრომასთან 1992 წ. 3 ნოემბერს. ასე დაამთავრა თავისი ხანმოკლე, სიცოცხლე 31 წლის ახალგაზრდამ.

მისი ხსოვნა მუდამ იქნება მისი ღედის, ძმის, ძმისშვილების გულში.



**დავით
ცანკაშვილი**

დაიბადა 1972 წლის 7 თებერვალს თბილისში.

მამა – რაუდენ გიორგის ძე ცანკაშვილი, დედა – ქეთევან (ციცი) დიმიტრის ასულ თავზარაშვილ-ცანკაშვილი.

1978 წ. შევიდა თბილისის 172-ე საშ. სკოლაში, რომელიც დაამთავრა. 1989 წელს. სკოლის დამთავრების შემდეგ გაიწვიეს ყოფილი საბჭოთა არმიის რიგებში, მაგრამ საქართველოში მიმდინარე დემოკრატიული მოძრაობის გამო უარი განაცხადა საბჭოთა არმიის რიგებში სამსახურზე. საქართველოში ახლად შექმნილი ეროვნული გვარდიის ჩამოყალიბებისთანავე ჩადგა მის რიგებში. 1991 წ. მაისში მსახურობდა ოზურგეთში.

1992 წლის ივნისში დაამთავრა სამხედრო ვალდებულება, მაგრამ არ მიუტოვებია სწორ-ამხანაგები, არ გაუტეხავს ის ფიცი, რომელიც მან დასდო მის გვარდიაში ბრძოლაში დაღუპული ბიჭებისათვის. მას მიანიჭეს ოფიცრის წოდება. დარჩა თავისსავე ნაწილში, ოზურგეთში.

საქართველოს კვლავ დაატყდა უბედურება, აფხაზეთში დაიწყო ომი, რომელიც საქართველოს დაქუცმაცებას უქადდა. კვლავ პირველი ჩაება იგი საქართველოს მთლიანობისათვის ბრძოლაში, მაგრამ 21 აგვისტოს ბედმა უმუხთლა. მანქანიდან წყლის დასალევად გადმოსულს სოფელ ტამიშთან მუხანათურად ჩა-საფრებულმა მტერმა სიცოცხლე მოუსწრაფა ჯან-ლონით სავსე, სამშობლოზე უზომოდ შეყვარებულ ახალგაზრდა კაცს. ჰყავს ორი და.

დაკრძალულია საქართველოს თავისუფლებისა და მთლიანობისათვის ბრძოლაში დაღუპულ სხვა ბიჭებთან ერთად საბურთალოს პანთეონში, ძმათა სასაფლაოზე.



გია ციბაძე

გია ციბაძე დღეს ჩვენთან აღარაა, უკვდავებაშია გადასული, შიშის ზარს რომ სცემდა საქართველოს ასაოხრებლად მოსულ, ჩვენს მიწაზე მყოფი უძლები შეიღებისაგან დაქირავებულ მკვლელებს.

იგი ჯერ კიდევ თბილისშია, სტუდენტობისას, პოლიტექნიკური ინსტიტუტის მეზუთეკურსელი, ოც მმადნაფიტან ერთად, სამაჩაბლოს დასაცავად გაეშურა.

გიას ეს ნაბიჯი არავის გაკვირვებია, რადგან მისი მშობლების, დედის — რესპუბლიკის დამსახურებული პედაგოგის, ისტორიკოს ეთერ ტორძელაძისა და მამის, ქალაქისათვის სათაყვანებელი პიროვნების გრიგოლ ციბაძის შვილს სხვანაირად მოქცევა არ შეეძლო.

გია ყარყარაშვილის „თეთრი არწივის“ მებრძოლებთან ერთად ყოფნის სამი წელი სამი საუკუნის ტოლფასია.

მტრისთვის რისხუადქცეული ვაჟკაცი გულით შეიყვარა სამაჩაბლოელმა ქართველობამ, ნათლიადაც მოიკიდეს. მან შვიდ ბავშვს აცხო ნათელ-მირონი.

მესამე ძალამ გამოცდისა და წამებისათვის მარტო სამაჩაბლო არ აკმარა საქართველოს და აფხაზეთი — ძირძველი ქართული მიწა გაგვიჩინა სატკივრად.

14 აგვისტოს „თეთრი არწივის“ ვაჟკაცებმა გენერალ გია ყარყარაშვილის მეთაურობით არწივის ფრთები შეისხეს და ფარად დაუდგნენ ქართულ მიწას გათავებდებული აფხაზებისა და ჩეჩენ-კაზაკებისაგან დასაცავად. ისინი ყველგან იბრძოდნენ — გუმისთაში, ეშერაში. ლესელიძეში, გაგრაში, მომხდურებისაგან იცავდნენ უმწეო ადამიანებს, ეცემოდნენ და მაინც გმირულად უერთდებოდნენ მშობლიურ ზეცას.

„თეთრი არწივი“ განსაცდელში აღმოჩნდა. არწივით მხრებგაშლილ ვაჟკაცებს მტრის ურიცხვი ურდო შემოესია.

...და კიდევ ერთი დარტყმა, გაგრა-ვანთიადის მთების, მისი ამწვანებული ტყეების სახსნელად შეფრენილ არწივებს მტრის სნაიპერები შეესივნენ, უღვთოდ გაანადგურეს.

მაიორ ვია ციბაძეს, თანამებრძოლებთან ერთად, უკვე დაღუპულ მკვლელებს გამოყვდა ტყიდან, მკვდარიც რომ არ გამხდარიყო მტრის საჯიჯგნად და საკუთარ ჭირისუფალს მიინც დაეტირებინა.

ვიამ ერთის გამოყვანა შეძლო, მეორის გამოყვანისას მუხთალი ტყვია წამოეწია.

„ქუთაისელ ვიად“ წოდებული ვაჟკაცი ურჯულოს ხელით დაიღუპა. იგი ვია ყარყარაშვილმა გამოიყვანა ტყიდან, საკუთარ მკვდარ ძმას რომ ეძებდა. სწორედ მაშინ იპოვა მტრისგან განგმირული. მანვე პირველმა დაიტირა უახლოესი მეგობარი.

ვიცეპოლკოვნიკის წოდებაზე წარდგენილი ვია ციბაძე მტრის ხელით დაიღუპა. ალბათ, ურჯულთმ იხიც არ იცოდა, სიკვდილისათვის გამეტებულს უკვდავებისაკენ რომ უკვალავდა გზას...

ვია ციბაძე ჩვენთან აღარაა... გვიჭირს ამ სიტყვების განცდის გარეშე წარმოთქმა, მაგრამ ისიც გვწამს, რომ სამშობლოსათვის დაღუპული რაინდის სულს დმერთი ნათელ სასუფეველს დაუმკვიდრებს. ერი მის სახელს დიდებით შემოსავს.

მეთხე სპეცდანიშნულების ბატალიონი „თმთრი არწივი“,
გაზეთი „ქუთაისი“, 1992 წ. 17



**გელა
ცირიაკიძე**

გელა ბონდოს ძე ცირეკიძე დაიბადა 1965 წელს ტყიბულში. 1982 წელს დაამთავრა ქ. ტყიბულის № 5 საშუალო სკოლა. 1983 წლის შემოდგომაზე გაიწ-

ვიეს სავალდებულო სამხედრო სამსახურში. მსახურობდა უნგრეთში, სატანკო
ნ. წილში.

1989 წელს დაამთავრა ტყვიულის ინდუსტრიული ტექნიკური და ინჟინერული
დაიწყო რუსთაის „აზოტის“ ქარხანაში.

აფხაზეთში ომის დაწყების შემდეგ ჩაირიცხა ბატალიონ „გორდაში“.

დაიღუპა 1993 წლის 1 ივნისს ოჩამჩირის რაიონის სოფელ კინდლთან გა-
მართული ბრძოლის დროს.



გელა ცინელაშვილი

გელა სოლომონის ძე ცინელაშვილი დაიბადა 1963 წლის 20 ივნისს ხა-
შურის რაიონის სოფ. სავანისუბანში (ქვიშხეთის სასოფლო საბჭო), მოსამსა-
ხურის ოჯახში. გელა ცოლშვილიანი იყო. მას დარჩა მეუღლე — ლიზიკო
ბრეგვაძე, შვილი — თორნიკე.

სწავლა დაიწყო სავანისუბნის დაწყებით სკოლაში 1970 წელს, განაგრძო
ტეხრის საშუალო სკოლაში. საშუალო დაამთავრა 1980 წელს, უმაღლესში სწავ-
ლა არ გაუგრძელებია.

1982 წელს გაიწვიეს სავალდებულო სამხედრო სამსახურში. მსახურობდა
ჩეხოსლოვაკიაში, სადაც ბოლომდე მოიხადა სავალდებულო სამსახური.

სამხედრო სამსახურის შემდეგ მუშაობდა პურის მიმღებ საწარმოში
საწყობის გამგედ. ბოლო წლებში მუშაობდა აგროსატრანსპორტო გაერთიანე-
ბაში მძღოლად.

1992 წლის ნოემბრის თვეში წავიდა მოხალისედ აფხაზეთში სამშობლოს
მთლიანობის დასაცავად.

თავი შესწირა საქართველოს მთლიანობას — 1992 წლის 13 ნოემბერს და-
იღუპა კინდლში.



**ტირიელ (ბადრი)
ცქვიტიშვილი**

მის თვალეში სათნობა და სიყვარული იკითხება. სახეზე ვაჟკაცური იერი და სიკეთის სხივი აფენია. ჯან-ღონით სავსე, ხალასი, დიდი შინაგანი ენერჯით დამუხტული – ასეთად იცნობდა ყველა ტირიელ (ბადრი) ცქვიტიშვილს კასპშიც, სადაც დაიბადა და გაიზარდა, თბილისის ფიზიკური კულტურის ტექნიკუმშიც, სადაც ფიზკულტურის მასწავლებლის სპეციალობა მიიღო, ახალგორის რაიონის სოფელ ბაზუანის საშუალო სკოლაშიც, სადაც მასწავლებლად მუშაობდა.

სამხედრო წრთობა გერმანიაში ჰქონდა გავლილი. მისი სისხარტე და მოქნილობა პირველი შეხედვისთანავე იზიდავდა ადამიანს. ან რა გასაკვირი იყო. კასპელი ჭაბუკი ბავშვობიდანვე მისდევდა სპორტს, იყო თავისუფალი სტილით მოჭიდავე. ბავშვობის სიყვარული სპორტის ოსტატის წოდებით დააგვირგვინა, საექიმო ფიზკულტურისა და მასაჟის სპეციალური კურსისადმი განსაკუთრებული ყურადღება იქნებ კიდევ მიგვანიშნებს ბადრი ცქვიტიშვილის სამომავლო ფიქრებსა და მისწრაფებებზე, მაგრამ ფიქრი ფიქრად დარჩა. სამშობლოს პირველ დამახილზევე იგი მოხალისეთა რიგებში ჩადგა და აფხაზეთს მიაშურა.

27 აგვისტოს 25 წელი შეუსრულდა. დაბადების დღე თანამებრძოლებთან ერთად აღნიშნა. ამ დღეს განსაკუთრებულად გამობრწყინდა მისი ხალისიანი, იმედიანი ხასიათი და იუმორით აღსავსე ბუნება.

ეს უკანასკნელი გაღაღება იყო. ოთხი დღის შემდეგ, 1992 წლის 1 სექტემბერს მის თვალეში უკანასკნელად ჩაიხატა უგონოდ გახელებულ არაკაცთა ტყვიების ცეცხლით დასერილი აფხაზეთის ზეცა.

ჩაქრა კიდევ ერთი სიცოცხლე.

კიდევ ერთი შტო ჩამოესხება მომავალ საქართველოს.

რით ვანუგეშოთ ღედ-მამა და და-ძმები?

მისი გმირული თავგანწირვა და სამშობლოს სიყვარული უთუოდ ნერგად იხარებს და სიცოცხლის აზრსა და მიზანს გაულამაზებს იმ ჭებს, ვინც კიდევ უფრო უნდა აამაღლოს ბადრი ცქვიტიშვილის საქართველოს სახელი.



**ზვიად
ცხადაია**


ზვიად ცხადაია დაიბადა ქალაქ სოხუმში, 1974 წლის 1 სექტემბერს. 1981 წელს შეიყვანეს სოხუმის მე-16 საშუალო სკოლაში.

გატაცებული იყო მუსიკით, მისდევდა სპორტს. კერძოდ, ვარჯიშობდა ძიუ-დოში. უყვარდა ამხანაგები და მეგობრები. იყო თავაზიანი, ღიანი, წინდახედული.

1991 წელს დაამთავრა მე-16 საშუალო სკოლა. უნდოდა ჩარიცხულიყო ფიზკულტურულ ფაკულტეტზე, მაგრამ ოცნება არ აუხდა.

ზვიად ცხადაია 18 წლისა იყო, როცა ვერ აიტანა ასეთი გაუთავებელი შემზარავი ომი და 1993 წლის 1 თებერვლიდან შევიდა სოხუმის № 2 ბატალიონის მესამე ასეულში. ის გამოდგა ნამდვილი გმირი მებრძოლი. 15-16 მარტს აფხაზთა შემოტევის დროს ის მედგრად იბრძოდა წინა ხაზზე. 17 მარტს მტრის ვერაგულმა ტყვიამ განგმირა. მას ბევრი ლამაზი ოცნება და მიზანი ჰქონდა. მაგრამ ეს ოცნებები და მიზნები თან წაიღო. დაკრძალულია ხობის რაიონში. სოფ. ნოჯიხევში.

სამარადისო იყოს ზვიად ცხადაიას ხსოვნა!



**თემურ
ჩიქიბავრი**

დაიბადა 1954 წლის 12 აპრილს. 1961 წელს შევიდა რუსთავის მე-16 სა-
შუალო სკოლაში, 1971-ში კი დაამთავრა რუსთავის მე-18 საშ. სკოლა, რის
შემდეგაც 1973 წლამდე მუშაობდა მეტალურგმშენში მუშად.

1973 წელს გახდა საქართველოს ფიზკულტურის ინსტიტუტის სტუდენტი.
დაამთავრა 1977 წელს. იყო სპორტის ოსტატობის კანდიდატი და საქართველოს
პირველობის არაერთგზის პრიზიორი ფარეკაობაში.

1977-79 წლებში მსახურობდა ჯარში.

1980-83 წწ. მუშაობდა მეტალურგიულ ქარხანაში მუშად.

1983-91 წწ. პედაგოგად მუშაობს რუსთავის 22-ე, 26-ე სკოლებში და
№ 162-ე სპტს-ში.

1991 წელს მისი ინიციატივით დაიწყო რუსთავში გვარდიის ქვედანაყოფის
ჩამოყალიბება. იყო ამ ბატალიონის შტაბის უფროსი, რუსთავ-გარდაბნის კო-
მენდანტი.

ბოლო ხანს მუშაობდა თბილისის საარტილერიო სასწავლებელში უფროს
მასწავლებლად, ჰქონდა მინიჭებული ეროვნული გვარდიის კაპიტნის წოდება.
დაიღუპა 1992 წლის 3 ნოემბერს აფხაზეთში, სოფელ შრომასთან.

ბრძოლაში მოულოდნელად ჩაბმულა, წასვლის წინ საბუთები დაუტოვე-
ბია მეგობრისთვის, რომელსაც ასაფეთქებელი მიუცია: „შეიძლება დაგჭირლე-
სო“. მართლაც, თვითმხილველი ამბობს, რომ ჯერ ფეხში დაჭრილა და მაინც
აბრძოდა, ბოლოს, როცა მტერი გარშემო შემორტყმია, თავი აუფეთქებია. მისი
დამახინჯებული გვამი მხოლოდ 6 დღის შემდეგ იპოვეს ბუნჩებში და დაკრძა-
ლეს 19 ნოემბერს ქ. რუსთავში.

თემურ ჩიქიბავრი სიკვდილის შემდეგ დაჯილდოვდა ღირსების ორდენით.



ლავრენტი ქიქიძური

ლავრენტი (ჯუგა) მანცოს ძე ძიძიგური დაიბადა 1974 წლის 15 დეკემბერს თბილისში. 46-ე საშუალო სკოლის 9 კლასის დამთავრების შემდეგ სწავლა განაგრძო თბილისის მუშა-ახალგაზრდობის მე-4 საშუალო სკოლაში. პარალელურად 1990 წლის ოქტომბრიდან 1992 წლის 1 იანვრამდე მუშაობდა თბილისის ზოოლოგიური პარკის ჩლიქოსანთა განყოფილებაში მუშად.

1992 წლის 26 აგვისტოს დაიჭრა ეშერის ხეობაში ბრძოლების დროს, თვითმფრინავით გადმოიყვანეს თბილისის ტრავმატოლოგიისა და ორთოპედიის ინსტიტუტში, სადაც გარდაიცვალა 30 აგვისტოს. დაკრძალულია საბურთალოს ძმთა სასაფლაოზე.

ჰყავს მშობლები და ორი ძმა.

არდავიწყება მის ნათელ სახელს!

* * *

ვარ შენს საფლავზე შემართული, ვით ობელისკი
და ცივად გავცქერ გაცრეცილ და საოცარ სივრცეს.
დანატრდა გული, ვიქმენ უტყვი, უგრძნობელიც კი
ვარ შენს საფლავზე შემართული, ვით ობელისკი,
აღარ ეღირსა შენს ცივ ნაცარს ზეითო ფენიქისი,
ნუთუ სიცოცხლე ვერ დაცარავს სიკვდილის ცივ ცელს?
ვარ შენს საფლავზე შემართული, ვით ობელისკი
და მკაცრად გავცქერ გადაცრეცილ და გულცივ სივრცეს.

გაბრიელ ჯაბუშანური



**შოთა
 წარია**

დაიბადა 1941 წლის 30 მარტს. შოთას მამა – რადიონი დაიღუპა ომში, 1941 წელს.

შოთა წარია ცხოვრობდა გაგრაში, კოლხიდა-სოხუმის ქუჩაზე.

შოთა ჯიხვებზე მონადირე იყო და მას ყველა მონადირედ იცნობდა. 1992 წლის 14 აგვისტოდან წინ მიუძღოდა ჩვენს მეომრებს და გზებსა და გადასასვლელებს ანათებდა მთებში. მისთვის ეს მწელი არ იყო, რადგანაც ის ისე იცნობდა ახლო თუ შორეული მთების ყველა ბილიკსა და გადასასვლელს, როგორც საკუთარ ეზოს. რამდენჯერ გადაურჩენია დაჭრილი და გამოუყვანია სამშვიდობოზე, თითონაც ბევრჯერ გადაურჩა სიკვდილს. შოთა პირნათლად ასრულებდა სამხედრო ხელმძღვანელობის დავალებებს, მაგრამ ბოლოს მაინც უმტყუნა ბედმა. 1992 წლის 16 სექტემბერს გაგზავნეს მაძინაშხის უღელტეხილზე, სადაც ის დაიჭირეს და 17 სექტემბერს წამების შემდეგ დახვრიტეს ბზიფში აფხაზებმა.

შოთა წარიას შეიღებს მთვარისას (6 წლისას) და ნათიას (3 წლისას) სანუკეშოდ ისღა დარჩენიათ, რომ მათი მამის სახელს მუდამ ამაყად წარმოთქვამს მადლიერი შთამომავლობა.

* * *

ოღეს მამაცი იბერი,
 ცისა და ქვეყნის ასაკის,
 ლალი და თვალუბცისფერი,
 მცხეთის მახლობლად დაესახლდი;
 წელს მერტყა ხმალი ხალიბის,
 ხელში გუთანი მეჭირა,
 ქვის ტახტზე ვიწექ ყარიბი,
 ვარსკვლავების ქვეშ მეძინა...

ბიორგპი შატაპერაშვილი



**ვაჟა
წიაბელაშვილი**

ვაჟა ალექსანდრეს ძე წიაბელაშვილი დაიბადა 1958 წ. 22 თებერვალს ქ. რუსთავში, მოსამსახურის ოჯახში.

ვაჟას ადრე გარდაეცვალა მამა, დედამისს გასაზრდელად დარჩა სამი მცირეწლოვანი შვილი – ორი გოგონა და ერთი ვაჟიშვილი. ვაჟა ამთავან ყველაზე პატარა იყო. დედა ყოველთვის ცდილობდა ჩაენერგა შვილებისთვის სამშობლოსა და ერის სიყვარული, რასაც უშედეგოდ არ ჩაუვლია. იგი იყო სულით უღრეკი, ერთგული, ზედმიწევნით გულკეთილი, სამშობლოსა და ერის მოყვარული.

1971 წელს დაამთავრა არასრული საშუალო სკოლა, რის შემდეგაც ჩააბარა ქ. თბილისის სამშენებლო ტექნიკუმში. 1976 წ. გაიწვიეს საბჭოთა არმიის რიგებში, სადაც კეთილსინდისიერად მოიხადა ვალი სამშობლოს წინაშე.

1978 წ. იცვლის პროფესიას და სწავლას განაგრძობს სავაჭრო ტექნიკუმში, რომლის დამთავრების შემდეგაც მუშაობას იწყებს სავაჭრო დარგში და ჰქმნის ოჯახს.


ვაჟა იყო სამი მცირეწლოვანი შვილის მამა. როდესაც სამშობლოს გაუჭირდა, 1992 წლის სექტემბერში, იგი მოხალადად წავიდა სამშობლოს დასაცავად. იბრძოდა „მხედრონის“ რიგებში.

საბრძოლო მომზადება გაიარა ქ. თბილისთან, საგურამოში, რის შემდეგაც იბრძოდა აფხაზეთში ოჩამჩირის რაიონის სოფ. ტაშიშთან.

1992 წლის 16 ნოემბერს მტერთან ბრძოლაში გმირულად დაეცა სახელოვანი ქართველი მწერლის ჭაბუა ამირეჯიბის შვილი ირაკლი ამირეჯიბი. ბრძოლის ველიდან ირაკლის გამოყვანა იმ დღეს ვერ მოხერხდა მტრის ინტენსიური შემოტევების გამო. ამიტომ ვაჟამ გადაწყვიტა დაღუპული თანამებრძოლის გვამი გადაეშალა, რადგან მტერი უღმობლად ასახინრებდა ჩვენი მეომრების გვამებსაც კი. ბრძოლის ველიდან ირაკლის გვამის გამოსატანად გვარდიელების

მტკვლობამ უშედეგად ჩაიარა. რის შემდეგაც ვაჟამ გადაწყვიტა „მხედრობის
ლებთან“ ერთად წასულიყო ჯავშანტრანსპორტიორით გვამის გამოსაძიებად. ის
ამ ჯავშანტრანსპორტიორის თავს ზემოთ მოექცა, რათა იქიდან დაეხილათ
ადგილი, სადაც ირაკლი ჰყავდა გადაძალულები. ამ დროს მტრის მიერ გამო-
როლილმა ტყვიამ სასიკვდილოდ დაჭრა ვაჟა. თანამებრძოლებს ვაჟა გადარჩე-
ნის მიზნით სასწრაფოდ გადაჰყავდათ ოჩამჩირის საავადმყოფოში, მაგრამ მან
გზაში დალია სული. ასე შესწირა მან სიცოცხლე 34 წლის ასაკში 1992 წლის
18 ნოემბერს ერისა და სამშობლოს სიყვარულს.

თანამებრძოლებმა ოჩამჩირის საავადმყოფოდან ვაჟა გადმოასვენეს ქ. თბი-
ლისში. იგი დაკრძალულია წმინდა ნინოს ძმათა სასაფლაოზე.




**ნიაზ
ნითელაშვილი**

ნიაზ გურამის ძე წითელაშვილი, დაიბადა 1969 წლის 17 მარტს, ლ-
დალის რაიონის სოფელ შეორე დიშში, განათლება საშუალო, უცოლო.

საშუალო სკოლის დამთავრების შემდეგ 1992 წელს ბატალიონ „ავაზაში“
შევიდა მოხალისედ, აქტიურ მონაწილეობას იღებდა სამაჩაბლოში ოს ექსტრე-
მისტებთან ბრძოლაში. თანამებრძოლები მას ახასიათებენ როგორც ჭეშმარიტ
მამულიშვილს, სამშობლოსთვის გულანთებულ ვაჟკაცს. გაგრის ცნობილი ტრა-
გედიის დროს ნიაზი ტყვედ ჩავარდა, შემდეგ ტყვეების გაცვლის შედეგად გან-
თავისუფლდა, მაგრამ ერთი ღამითაც არ შეუსვენია და არ გაუშვია ხელიდან
იარაღი. გმირულად იბრძოდა სისხლის უკანასკნელ წვეთამდე. 1992 წლის 9
დეკემბერს აფხაზეთში მტრის ტყვიამ განუგმირა ის ანთებული გული, რომლი-
თაც საქართველოს დიდ სიყვარულს დაატარებდა.

დაკრძალულია სოფელ შეორე დიშის სასაფლაოზე.



ტარიელ ნიკლაური


ტარიელ გაბრიელის ძე წიკლაური დაიბადა 1957 წლის 25 აპრილს თეთრიწყაროს რაიონის სოფელ ასურეთში. საშუალო სკოლა დაამთავრა ასურეთში და დაიწყო შრომითი საქმიანობა. 1975 წლის 10 მაისს გაწვეული იქნა სავალდებულო სამხედრო სამსახურში, რომლის მოხდის შემდეგ ისევ გააგრძელა შრომითი საქმიანობა. დაოჯახდა, ჰყავს მეუღლე და სამი შვილი. იყო სიკეთით აღსავსე, კეთილსინდისიერი.

1992 წლის 27 ოქტომბერს მოხალისედ შევიდა 114-ე ბატალიონ „ავაზაში“. დაღვა იქ, სადაც ყველა ჭეშმარიტი მამულიშვილი უნდა დამღვარიყო, იცავდა საქართველოს ტერიტორიას, მაგრამ 1992 წლის 17 დეკემბერს აფხაზეთში სნაიპერის ტყვიამ იმსხვერპლა.

* * *

...ეფიცავ, შავ სიკვდილს თვალში ჩავხედავ,
საზიზღარ მტერზე ხიშტშემართული,
მე ასე მზრდიდა სამშობლო – დედა,
მე ასე მზრდიდა მიწა ქართული.

...თუ მტერმა დამცეს ხმაღვაბასრულმა,
დარდს ნუ მოიხვევთ ღრუბლის გუნდებად,
რა ვუყოთ, ომში ბევრი წასულა,
მაგრამ ყველა ხომ ვერ დაბრუნდება...



**ზაზა
ნინიკაშვილი**

ზაზა ომარის ძე წიწიკაშვილი დაიბადა 1966 წლის 15 ოქტომბერს გორის რაიონის სოფელ უფლისციხეში, განათლება – ტექნიკური, უცოლო.

უფლისციხის რვაწლიანი სკოლის დამთავრების შემდეგ სწავლა გააგრძელა ხიდისთავის № 15 პროფტექნიკურ სასწავლებელში, შემდეგ მუშაობა დაიწყო ზეინკლად.

1992 წლის 1 ივნისს მოხალისედ შევიდა 114-ე ბატალიონ „ავაზაში“, მონაწილეობდა საქართველოს ტერიტორიული მთლიანობისთვის ბრძოლაში, იბრძოდა სამაჩაბლოში, გაგრაში, ოჩამჩირეში.

1993 წლის 1 მარტს ერთ-ერთი დიდი ოპერაციის დროს სოფელ ლაბრასთან გამირულად დაეცა.

დასაფლავებულია გორის რაიონის სოფელ უფლისციხის სასაფლაოზე.

* * *

...რა ვარ, ბრძოლაში თუ დავეარდები,
 მტერს შემოსეულს თუ არ დავხვდები;
 ვერ გამითელონ ბაღში ვარდები,
 ვერ დამიჩრდილოს მთების კალთები!
 ვინ მოინდომა აკლება მისი!
 ვინ მოგვისია ურდო მკვლევების!
 ჩვენივე სისხლით, ჩვენივე სისხლით
 ვიხსნათ ეს მთები და ეს ველები!

ვლადიმერ უბილაკა


საქართველოს ტერიტორიული მთლანობისა და დამოუკიდებლობის დაცვას ერთმა ქართულმა ოჯახმა ზვარაკად ოთხი ღირსეული ვაჟკაცის სიცოცხლე შესწირა. 1993 წლის 22 სექტემბერს, საბრძოლო დავალების შესრულებისას, ბაბუშერის აეროპორტთან, საავიაციო კატასტროფაში (მომხდურის მიერ თვითმფრინავის აფეთქებისას) ტრაგიკულად დაიღუპნენ ტყუპი ძმები — ნუკრი და ვასიკო წიკლაურები და მათი ღისშვილები — თემურ და ზურაბ ზალდასტანიშვილები. გმირი ძმები იქვე დრანდის სასაფლაოს მიაბარეს. პატრიოტიზმმა, დაუცხრომელმა საბრძოლო შემართებამ, გამბედაობამ სამშობლოს პირველსავე დამახილზე — აფხაზეთის ომში წააყენა ისინი საქართველოს ერთგულ ჯარისკაცთა რიგებში. წარმოუდგენელია შემოქმედკაცს, ფუნჯსა და ნახატს შეჭიდებულს, ჰყვარებოდა ომი და სისხლისღერა, მაგრამ მამულის სიყვარულმა ყველა სხვა გრძნობას სძლია, გააწირინა ყველა და ყველაფერი... და სასოფლო-სამეურნეო ინსტიტუტის სტუდენტი — ნუკრი წიკლაური და თბილისის სახელმწიფო სამხატვრო აკადემიის სტუდენტი — ვასიკო წიკლაური (დაბადებულები 1962 წელს თბილისში), თბილისის სახელმწიფო სამხატვრო აკადემიის ფერწერის ფაკულტეტის VI კურსის სტუდენტი — თემურ ზალდასტანიშვილი (დაბადებული 1968 წლის 2 მარტს, თბილისში) და საქართველოს აგრარული უნივერსიტეტის კურსდამთავრებული — ზურაბ ზალდასტანიშვილი (დაბადებული 1969 წლის 22 ოქტომბერს, თბილისში) წარბშეუხრელად შეეგებნენ სიკვდილს.



ნუკრი წიკლაური



ვასილ წიკლაური



თემურ ზაღდასტანიშვილი



ზურაბ ზაღდასტანიშვილი

ძმები 1993 წლის მარტში ნაირაგზ-
ნენ საქართველოს რესპუბლიკის სინ-
ფორმაციო-სადაზვერვო სამსახურში
(ამჟამად საქართველოს რესპუბლიკის
უშიშროების სამინისტრო), სადაც თა-
ვიანთი ზანმოკლე მუშაობის პერიოდში
თავი გამოიჩინეს როგორც კეთილსინ-
დისიერმა და დისციპლინირებულმა სა-
მხედრო მოსამსახურეებმა. 4-ჯერ მი-
აშურეს ძმებმა ბრძოლის ველს, როგ-
ორც მოხალისეებმა და როგორც უში-
შროების სამსახურის მუშაკებმა. მეო-
თხე ჯერი საბედისწერო გამოდგა. ძმე-
ბი წიკლაურები, ისევე როგორც ინს-
ტიტუტში, საცხოვრებელ უბანშიც გა-
მოირჩეოდნენ ზრდილობით, გულისხმი-
ერებით, მეგობრებისადმი უზადოდ თავ-
დადებათ.

ასეთივე იყვნენ მათი დისშვილები
თემური და ზურაბ ზაღდასტანიშვილე-
ბი.

ოთხივე დაჯილდოებულია ვახტანგ
გორგასლის III ხარისხის ორდენით.
ძმები წიკლაურების ხსოვნის უკვდავსა-
ყოფად ნაძალადევის რაიონის გამგეო-
ბა მეტრო „ნაძალადევის“ მიმდებარე
სკვერს მალე მათ სახელს მიაკუთვნებს.

ნუცუბიძის ქუჩის მაცხოვრებლები,
თბილისის სახელმწიფო სამხატვრო
აკადემიის რექტორატი, საქართველოს
რესპუბლიკის უშიშროების სამინისტ-
რო შუამდგომლობენ თბილისის ვაკის
რაიონის გამგებელთან, რათა ნუცუბი-
ძის ქუჩის მონაკვეთს, დასაწყისიდან
საბაგირო გზამდე, ეწოდოს ძმები ზაღ-
დასტანიშვილების სახელი.

გაივლის წლები და სასიქაღულო მა-
მულიშვილების თავდადება კვლავაც
სამშობლოს დაცვის ჟინით აღანთებს
ქართველთა თაობებს.



**გონა
წულაია**

გონა თენგიზის (ბორისის) ძე წულაია დაიბადა 1969 წლის 15 ნოემბერს წყალტუბოს რაიონის სოფელ გუმბრინში.

1976 წელს სწავლა დაიწყო გუმბრინის დაწყებით სკოლაში, შემდეგ სწავლობდა წყალტუბოს პირველ საშუალო სკოლაში, ხოლო მერვე კლასიდან ქუთაისის ფიზიკა-მათემატიკის სკოლა-ინტერნატში, რომელიც დაამთავრა 1985-მ წ. ს.წ. წელს და იმავე წელს ჩაირიცხა თბილისის ივანე ჯავახიშვილის სახელობის სახელმწიფო უნივერსიტეტში კიბერნეტიკის ფაკულტეტზე.

1988 წელს გაიწვიეს სამხედრო სამსახურში. მსახურობდა ქ. სტერლიტამაკში, ხოლო შემდეგ მანჩეგორსკში.

1992 წელს დაამთავრა უნივერსიტეტი და სწავლა განაგრძო ბიზნესის უმაღლეს სკოლაში, სადაც სწავლის დროსაც წავიდა მოხალისედ „თეთრი არწივის“ სწრაფი რეაგირების პირველი კორპუსის არტილერიის ბრიგადაში. რომელც ფიზიკოსებისაგან იყო დაკომპლექტებული. დაიღუპა კინდლში 1993 წლის 19 იანვარს.

გონა იყო ერთ-ერთი იმ ორ მებრძოლს შორის, რომლებმაც გადაიარეს ზეწურებში გამოხვეულებმა გუმისთის თოვლიანი ნაპირი, გადაკურეს გუმისთა 7-8 იანვარს და მეორე მხარეს ააფეთქეს მტრის პოზიციები, შემდეგ კი უკან უვნებლები დაბრუნდნენ. 19 იანვარს სნაიპერის ტყვიით დასრულდა მისი სიცოცხლე, ის ვერ მოესწრო მისი დიპლომის ხელის შეხებას, რომელიც დაკრძალვის დროს გამოგვიგზავნა უნივერსიტეტმა.

უყვარდა მოგზაურობა, ნადირობა, მთელი საქართველო ჰქონდა მოვლილი. იცოდა და სწავლობდა საქართველოს ისტორიას. ჯარიდან გვეწრდა: რომ ჩამოვალ, მიწას უნდა ვაკოცო, თურმე, რა ქვეყნის შვილი ვყოფილვარო. შესწირა კიდევაც თავი მის თავისუფლებას.

მადლობას მოგახსენებთ იმ ადამიანებს, რომლებიც შრომობთ ჩვენი შვილების უკვდავსაყოფად.



**დავით
ჭავჭავანიძე**

დავით ანზორის ძე ჭავჭავანიძე დაიბადა თბილისში 1969 წლის 25 იანვარს. 1975 წელს შევიდა თბილისის მე-16 საშუალო სკოლაში, რომელიც წარჩინებით დაამთავრა 1986 წელს. იმავე წელს შევიდა საქართველოს პოლიტიკური ინსტიტუტში მანქანათმშენებლობის ფაკულტეტზე.

1987 წელს გაიწვიეს სავალდებულო სამხედრო სამსახურში, საიდანაც დაბრუნდა 1989 წლის ივლისში. ამ პერიოდიდან აქტიურად ჩაება ეროვნულ მოძრაობაში. იყო ეროვნული დამოუკიდებლობის პარტიის წევრი.

1991 წლის ოქტომბერში გადავიდა დაუსწრებელ განყოფილებაზე და დაიწყო მუშაობა პოლიტიკური უნივერსიტეტში, შრომის დაცვის კათედრის ლაბორანტად.


1991 წლის 22 დეკემბერს შევიდა ეროვნული გვარდიის რიგებში მოხალისედ.

30 აგვისტოს აფხაზეთში – სოფელ კოლხიდასთან მომხდარი შეტაკების დროს, დაჭრილი თანამებრძოლის საშუქლად შესული, სნაიპერის ტყვიამ იმსხვერპლა.

ოჯახის წევრებია: დედა – ვალენტინა ჭავჭავანიძე, მამა – ანზორ ჭავჭავანიძე, და – ირინა ჭავჭავანიძე.



საქართველოს
მწერთა კავშირი



ბესიკ ჭანკვეტაძე

ბესიკ ზაბულონის ძე ჭანკვეტაძე დაიბადა 1970 წ. 30 მარტს. ჭიათურის რაიონის სოფელ ნაგარბეთში. არასრული საშუალო სკოლა დაამთავრა საჩხერის რაიონის სოფელ სხვიტორში 1985 წელს.

ამავე წლიდან სწავლა ვააგრძელა ქ. თბილისის კ. ლესელიძის სახელობის სპეციალურ სამხედრო სკოლა-ინტერნატში. შემდეგ სწავლობდა ვლადიკავკაზის სამხედრო უმაღლეს სასწავლებელში. მე-4-ე კურსიდან ბესიკ ჭანკვეტაძე გამოვიდა ამ სასწავლებლიდან და ჩაირიცხა საჩხერის გვარდიის ბატალიონში.

იბრძოდა სამაჩაბლოში, იყო საოცრად კეთილი და კარგი მეგობარი. დაიღუპა გორში რუს სამხედროებთან შეტაკების დროს 1992 წ. 13 ივნისს. ჰყავს დედა და ორი ძმა.

ღმერთმა აცხონოს ბესიკ ჭანკვეტაძის სული!

* * *

...აქ გამოთხარონ ცივი სამარე,
აქვე დაძმარხონ ამ მაღალ მთაზე,
ნაზის იისა კუბო შემიკრან,
გულს დამაყარონ ტურფა კესანე;
არ დაივიწყო, თუ გწამს უფალი,
არ დაივიწყო, შენი კვნესამე!

პაპა-ფაფაველა



**ანდრია
 ჭანტურიძე**

ანდრია ვლადიმერის ძე ჭანტურიძე დაიბადა 1971 წლის 11 აპრილს თერჯოლის რაიონის სოფელ ზედა საზანოში.

1988 წელს წარმატებით დაამთავრა ზედა საზანოს საშუალო სკოლა. მრავალჯერ მონაწილეობდა მოსწავლეთა რესპუბლიკურ სასწავლო-შემოქმედებით კონფერენციებში. ორჯერ აქვს მიღებული I და II ხარისხის დიპლომები ქართულ ლიტერატურასა და ქიმიკაში.


1988 წელს სწავლა გააგრძელა თერჯოლის № 87 პროფტექნიკურ სასწავლებელში მექანიზაციის ფაკულტეტზე, რომელიც ასევე წარმატებით დაამთავრა 1989 წელს.

1989 წლის 24 მაისიდან ყოფილი საბჭოთა არმიის რიგებში მსახურობდა გერმანიის რამდენიმე ქალაქში. დაამთავრა უმცროს მეთაურთა სკოლა ქ. პოტრდამში დაზვერვა-კავშირგაბმულობის ხაზით, ბოლოს კი მსახურობდა სატანკო პოლკში, იყო ტ-85 ტანკის მეთაური, უფროსი სერჟანტი. ბრწყინვალედ იცოდა ვეველა სახის ჯავშნიანი მანქანა.

1991 წლის 25 მაისს გერმანიიდან დაბრუნებული ანდრია ჭანტურიძე შინ დაბრუნდა. ამავე წლის სექტემბრიდან მუშაობას იწყებს თერჯოლის შს რაიონულ განყოფილებაში ქვემორივედ, აქ მხოლოდ ერთი წელი იმსახურა, რაც საკმარისი აღმოჩნდა იმისთვის, რომ თავი გამოეჩინა, როგორც შინაგან საქმეთა ორგანოს სანიმუშო მუშაკს. ამიტომ ის გაგზავნილ იქნა უშიშროების უმაღლეს სკოლაში. იქ გამოცდების ჩაბარების შემდეგ მხოლოდ ორი დღით დარჩა ოჯახში, შემდეგ კი წავიდა აფხაზ სეპარატისტებთან და ჩეჩენ გადამთიელებთან საბრძოლველად. 1992 წლის 26 აგვისტოს ის ჩავიდა გაგრის რეგიონის ვველაზე ცხელ წერტილში. 29-ში დღით საზოგადოებრივი წესრიგის დამცველებს, როგორცაა შორისაც იმყოფებოდა ანდრია ჭანტურიძეც, თავს დაესხა გადამთიელთა

დიდ იჯგუფი. ამ ორთაბრძოლაში თაოვის სხვა 10 ამნავთან ერთად დიდი ღირსება 21/ წლის ანდრია ჭანტურიძე.

მას დარჩა მამა - ვლადიმერ ჭანტურიძე (ამჟამად შალვა და ჭანტურიძე) რანაშვილების სახლ-მუზეუმის დირექტორი) და დედა - ქეთინო ფანსურიაძე (დიასახლისი).



**ზურაბ
ჭელიძე**

ოზურგეთის რ-ნის სოფ. მთისპირის მკვიდრი, 36 წლის ვაჟაკი ზურაბ ჭელიძე, რომელმაც ჩვილი ნატო და მეუღლე დატოვა სახლში, უწყომანოდ წავიდა აფხაზეთში სამშობლოს დასაცავად. ის მოხალისედ ჩაუწერა ბატალიონ „აეზაში“. სწორედ იმ აეადასახენებელი 1993 წლის 2 ივლისს დესანტის გადმოსხმის დღეს გმირულად დაეცა ბრძოლის ველზე.

ზურაბი დაკრძალულია ოზურგეთის რ-ნის სოფ. მთისპირის სასაფლაოზე.

ნარბიზა ლომთაძე

...და ვუბარებ ყოველ ქართველს:
მისი წმინდა ვალი არი -
მოკვდეს, მაგრამ მკერდით შეჰკრას
დერბენტი და დარიალი.

ირაკლი აბაშიძე



რამაზ ჭიკარტაძე

ერთი ჩვეულებრივი ლამაზი ბიჭი იყო რამაზ ჭიკარტაძე, მასაც უყვარდა სიცოცხლე, ცხოვრობდა ისე, როგორც ათასობით მისი თანატოლი. ახლობლებს ისევ ბავშვად ეგულებოდათ, იგი კი თურმე უკვე ვაჟკაცი იყო, თავისი გზა უკვე მოძებნილი ჰქონდა, მას მხოლოდ კაცურად უნდა ეცხოვრა.

როცა სურვილი გაუმზილა ახლობლებს და განუცხადა, რომ მოხალისედ უნდა წავიდე აფხაზეთშიო, შეეცადნენ გამოუცდელი ჭაბუკასათვის გადაეთქმე-ვინებიანთ გადაწყვეტილება, მაგრამ მან მტკიცედ განაცხადა: „იქ ბიჭები იღუპებიან, ისინი ჩემი ტოლები არიან, ჩემი ადგილი იქ არისო“ და წავიდა უთქმელად, ოჯახის წევრებთან დაუმშვიდობებლად.

არჩევანიც თვითონ გააკეთა, მოითხოვა პირდაპირ ფრონტზე გაეგზავნათ. რამაზი ტამიშთან იბრძოდა. საგარეჯოელმა ჭაბუკმა აქვე შესწირა სამშობლოს ყველაზე ძვირფასი რამ — სიცოცხლე.

* * *

...ორი რამ იყო, რისთვისაც ძე შუნი იღვწოდა, —
ბედმა უწყალომ სხვა საქმისთვის არ მოაცალა, —
მამულისა და ჯრულისათვის იგი იბრძოდა,
ორივე დაიცვა, მაგრამ ყველა მათ ანაცვალა.

ი ლ ი ა



**გონა
ჭინჭარაული**

გონა ჭინჭარაული ლესელიძის სახელობის სამხედრო სკოლის კურსდამთავრებულია. დაიბადა 1970 წლის 4 ოქტომბერს. დაამთავრა ბარისახოს სკოლა-ინტერნატი და მაშინვე მოეწყო თბილისის მესამე სამედიცინო საბაზო სასწავლებელში, რომელიც ფრიადებზე დაამთავრა. მერე გვარდიაში შევიდა. ვახიზენის დროს რკონში მსახურობდა. როცა შინაგანი ჯარი შეიქმნა, იქვე არსებულ სპორტულ ლევიონში იმსახურა. მონაწილეობდა ოსი ბოევიკების წინააღმდეგ გამართულ ბრძოლებში ცხინვალში, დორსა და ნიქოზში.

შემდეგ აფხაზეთის ბრძოლებში მონაწილეობდა და 1993 წლის 2 ივლისს კინდლში მძიმე შეტაკების დროს დაიღუპა – დაჭრილის საშველად წასულს ტყეა მოხვდა თავში. დაღუპვიდან ერთი თვის შემდეგ და მოხერხდა მისი ცხედრის გადმოსვენება.

იმ მძიმე დღეს ზუთი მძადნაფიცი შეეწირა ომს. იმათგან ერთ-ერთი გონა იყო.

ომში გონა ჭინჭარაული ექიმის მოვალეობასაც ასრულებდა, ამიტომაც ბიჭებმა ზედმეტ სახელად „ფერშალა“ შეარქვეს.

ხევსურეთში ჭინჭარაულების გვარს კაი ყმები ჰყავს. ვაჟკაცობით გამორჩეული ეს მერამდენე ჭინჭარაულია...

დედისერთა ბიჭი, დიდ მომავალზე მეოცნებე, სიკეთითა და იუმორით სავსე, ბუნებით ხელოვანი, უდროოდ გამოაკლდა სამშობლოს. მას შვილიც არ დარჩენია.

გონას დედამ ვერ აიტანა შვილის დაღუპვის ამბავი და იმავე დღეს მოიკლა თავი.

იზა ჯაჭვამი



**მიხო
 ჭინჭარაშვილი**

ვერონაში, საგარეჯოს რაიონის ფშაურ სოფელში იბადებოდნენ პატარა ბიჭის ოცნებები, მერე ერთი მათგანი გამოიკვეთა: მსახიობობაზე ოცნებობდა. ლამაზ, მოხდენილ, ნიჭიერ ყმაწვილს აკი არც უთხრეს უარი და მისაღები გამოცდების წარმატებით ჩაბარების შემდეგ სტუდენტად ჩაირიცხა შოთა რუსთაველის სახელობის თეატრალურ ინსტიტუტში, რომელიც აფხაზეთში ომის დაწყების წელს დაამთავრა.


თეატრი და სცენა სამომავლოდ გადაიღო. მიხო იცოდა, რომ ახლა სამშობლოს სჭირდებოდა და არც დაფიქრებულა, ახე ჩაიცვა მეომრის სამოსი და ხელში იარაღი აიღო.

მგზნებარე, ერთგულ, უღალატო მეგობრად თვლიდნენ მას მისი თანამებრძოლები, მისი მეგობრები, ყველა ვინც იცნობდა.

ვერონაში დაბადებული ბიჭი სოხუმის მახლობლად დაეცა, როგორც გმირი, სამშობლოსათვის თავდადებული ჭაბუკი.

გავა დრო და მისი სახელი, სხვა პატრიოტ ქართველ ჭაბუკებთან ერთად უფრო მეტად გაბრწყინდება და საამაფოდ დარჩება შთამომავლობას.

მიხო ჭინჭარაული სიკვდილის შემდეგ დაჯილდოვდა ვახტანგ გორგასლის II ხარისხის ორდენით.



თენგიზ ჭიკაშვილი

დაიბადა 1950 წლის 7 ნოემბერს ხარაგაულში. საშუალო სკოლის დამთავრების შემდეგ 1968 წელს გაწვეული იქნა სავალდებულო სამხედრო სამსახურში – იმსახურა კოსტრომაში.

1972 წლიდან მუშაობას იწყებს საქართველოს რესპუბლიკის მთავრობის დაცვის განყოფილებაში, ხოლო 1973 წელს შედის პილიციის სკოლაში, რომელსაც ამთავრებს წითელ დიპლომზე.

1976 წელს სასწავლებლად შედის პილიციის უმაღლეს სკოლაში იურიდიულ ფაკულტეტზე, რომელსაც წარჩინებით ამთავრებს 1980 წელს. ამ ხნიდან მოყოლებული, 1988 წლამდე, იგი საქართველოს რესპუბლიკის მინისტრთა საბჭოს დაცვის განყოფილების უფროსი ინსპექტორია, ხოლო 1988 წლიდან სამუშაოდ გადადის ქ. თბილისის მთაწმინდის რაიონის შსს განყოფილებაში გამომძიებლის თანამდებობაზე – კაპიტნის წოდებით.

1991 წლის 13 იანვრიდან თავის მორიგ საბრძოლო ვალდებულებას იხდის სამაჩაბლოში, სადაც გმირულად დაიღუპა 1991 წლის 17 იანვარს.

დარჩა მუდღე – თამრიკო და ორი ქალიშვილი – ეკა და ნინო.
დასაფლავებულია საბურთალოს ძმთა სასაფლაოზე.

დიდება იმ დღეს, დიდება იმ დღეს,
ბორკილი ეგდოს ძირს დამსხვრეული,
ლაზარესავით, ზვალ ისევ აღდგეს
დღეს დაფლეთილი მისი სხეული!

ზრიგოლ აბაშიძე



ჭაბუკა ჭილაძე

ჭაბუკა მიხეილის ძე ჭილაძე დაიბადა 1960 წ. 10 თებერვალს საჩხერის რაიონის სოფელ ქვემოხევში. 1975 წ. დაამთავრა საჩხერის ილ. ჭავჭავაძის სახელობის № 2 საშუალო სკოლის 8 კლასი, ხოლო 1977 წელს თბილისის საშუალო სასწავლებელი.

1978–1980 წ. მსახურობდა ყოფილი საბჭოთა კავშირის სავალდებულო სამხედრო სამსახურში.

იყო საჩხერის ბავშვთა და მოზარდთა კრივის სპეციალიზირებული სკოლის მწვრთნელი. ამასთანავე შეთავსებით მუშაობდა მოხვის საშუალო სკოლაში ფიზკულტურის მასწავლებლად.

დიდია მისი წვლილი საჩხერის გვარდიის ჩამოყალიბებასა და განმტკიცებაში.

იბრძოდა სამაჩაბლოში, რესპუბლიკის გვარდიის ხელმძღვანელობის დავალებით რამდენიმეჯერ გაიგზავნა ცხინვალში მოლაპარაკების მიზნით.

მუხანათურად დაიღუპა გორში რუს სამხედროებთან შეჯახების დროს 1992 წ. 13 ივნისს.

ჰყავს მეუღლე და ერთი ქალიშვილი.

ღმერთმა აცხონოს სული მისი!

ჭაბუკა ჭილაძე სიკვდილის შემდეგ დაჯილდოვდა მედლით „მხედრული მამაცობისათვის“.



**ლევან
ჭიკაბავა**

სულ 19 წელი იცოცხლა ლევან ბორისის ძე ჭიკაბავამ. ვერ მოასწრო ოჯახის შექმნა, არ ეღირსა თავისუფალ საქართველოში ცხოვრება, სამაგიეროდ წავიდა ჩვენგან ვალმოხდილი კაცის, გმირის სახელით.

ლევანი ღარიბი გლეხის ოჯახში გაიზარდა, ბავშვობიდანვე დიდობაზე ოცნებობდა, ყოველთვის თავისზე უფროს ადამიანებთან მეგობრობდა, რატომღაც თვალელები ყოველთვის სევდიანი ჰქონდა, იყო ინტერესიანი, თავმოყვარე. ფიზიკური ჯანმრთელობა ხელს არ უწყობდა, მაგრამ, როცა სამშობლოს დასჭირდა მისი სამსახური, უყოყმანოდ წავიდა ვალის მოსახდელად. ბრძოლის პერიოდში რამოდენიმე დღით იყო სახლში ჩამოსული ლევანი. კონტუზია ჰქონდაო, — თვალცრემლიანი გვესაუბრება ლევანის დედა. ამ დროს ბრძანება გამოიცა: იარაღიანი მეომარი ქუჩაში არ უნდა დადიოდესო და მე შემეშინდა, რაიმე არ შეემთხვეს ჩემს შვილს — მეტეი და წამოყვევი. შეხვეული ავტომატი მე მეჭირა ხელში და ისე მივეყვი 114-ე ბატალიონ „აეაზას“ ხელმძღვანელობასთან და ჩავაბარე ჩემი შვილი.

1993 წლის 22 აპრილს ლაბრასთან ერთ-ერთი შეტაკების დროს მტრის ტყვიამ იმსხვერპლა, მიცვალებული ტყვედ ჰყავდათ აფხაზ სეპარატისტებს. სასტიკად ნაწამები იყო, თვალელები დათხრილი ჰქონდა, მისმა თანამებრძოლებმა ლევანის ცხედარი ცოცხალ ტყვეზე გადაცვალეს.

ლევანი დასაფლავებულია სენაკის სასაფლაოზე.



**გეჟან
საგარელი**

დაიბადა 1959 წელს 6 მაისს ცხინვალის რაიონის სოფელ ზემო ანაბეთში. 1975 წელს დაამთავრა ანაბეთის საშუალო სკოლა. ადრეული ქორწინების გამო არ ყოფილა სავალდებულო სამხედრო სამსახურში. ჰყავს მეუღლე – ლეილა ბაბუციძე და შვილები – 17 წლის სანდრო, 16 წლის თეა და 6 წლის რომანი. მუშაობდა ხეითის მეფრინველეობის ფაბრიკაში მძლოლად.

არეულობის დაწყების დღიდანვე ჩაება ეროვნულ მოძრაობაში. იყო ყველგან და ყველაფერში წინა ხაზზე, აქტიურ მონაწილეობას იღებდა ხეობის პროდუქტებით მომარაგებაში, რის შედეგადაც დაიმსახურა ხალხის სიყვარული და დიდი ნდობა. 1990 წლის 18 მარტს მუხანათურად მოუკლეს და შემდეგ დაუწვევს 27 წლის ვაჟაკობით და აღნავობით გამორჩეული სავარული ძმა, რის შედეგადაც მართლა დაუძინებელი მტერი გახდა ოსი ექსტრემისტებისა. თავისი შეუპოვრობით და ოსი ექსტრემისტების წინააღმდეგ მამაცური ბრძოლით ისე გაითქვა სახელი, რომ ოსმა ექსტრემისტებმა მისი თავი მილიონ მანეთად შეაფასეს. 1991 წლის ავადსახსენებელ 22 იანვარს ხეითი-ერედვის გზაზე ოსმა ექსტრემისტებმა შეიპყრეს და წაიყვანეს ქ. ცხინვალში და მოითხოვეს გამოსახსნელი თანხა – ხუთასი ათასი მანეთი და 10 ავტომატი, რაც მთელი ხეობის მოსახლეობამ ნახევარ დღეში შეაგროვა, მაგრამ ოსმა ექსტრემისტებმა მას სადისტური წამების შემდეგ მოუსწრაფეს სიცოცხლე. სამი დღე სხეულის ყველა ნაწილი დაუსახიჩრეს, ცოცხალს მკერდში გაუყარეს შანთები, მოაჭრეს ყური, ცხვირი, ხოლო შემდეგ გამოაბეს მანქანას და ათრიეს, მკერდი ჰქონდა 13 ტყვიით დაცხრილული, მუხლები და მკლავები გადატეხილი, თვალები ამოცილილი. მიუხედავად ასეთი სადისტური წამებისა, სულიერად მაინც ვერ დასცეს, სულის ამოხდომამდე იგი ოსი ექსტრემისტების დაუძინებელი მტერი იყო.

1992 წლის 25 იანვარს დამთავრდა მისი გმირული და ვაჟკაცური სიცოცხლე. მის გვამში ოსი ექსტრემისტები იმავე თანხას ითხოვდნენ. თხუთმეტი დღის შემდეგ ცხედარი ოჯახმა დაიბრუნა, დაიბრუნა ხეობამ გმირის ცხედარი რომელიც დიდი პატივით დაკრძალა და რომლის სახელიც და ხსენებაც მისი იცოცხლებს მისი სახლეულებისა და თანამებრძოლების გულში.

გაზეთი „მრის“ რედაქციისაგან

გაზეთის ტრადიციული რუბრიკა „ჩვენი დღეების ქრონიკა“ საოცრად მძიმე და ტკივილიანია...

ომს შიშამდგარი თვალები აქვს. ქართველის აფორიაქებულ სულს იმედინი სიტყვა სჭირდება. აფხაზეთიდან კი ერთმანეთზე შემაშფოთებელი ცნობები მოდის...

მოდიან... მოდიან და არაფერს ერილებიან. სიკვდილი ცელავს ქართველს თავის მიწაზე... რუსის ჯარის და მათი ტექნიკით ზურგგამაგრებულთა მიზანი ერთია — აფხაზეთი — ქართველთა ძირძველი საუფლო ჩვენივე სასაფლაოდ აქციონ.

წუხს აფხაზეთი, გოდებს სრულიად საქართველო! ამ ომში კიდევ ერთხელ იჩინა თავი ჩვენივე ჯიშში ჩაბუდებულმა გაუტანლობამ, ძმის თვალში დირებს ძიებამ, შუღლმა, სიძულვილმა, უღმერთოდ აღზრდილი თაობების ვნებები ეხიქება ერთმანეთს... ის, რაც საქართველოს შიგნით ხდება, გარეშე მტრის წიქვილზე ასხამს წყალს (არადა, რამდენი გვეოლია!).

საქართველოს ერთობა სჭირდება, ომს გონიერი და ზელებსუფთა სარდალი, ჯარს კი — სიმკაცრე და შეიარაღება. ორგანიზებულ, ერთიან სარდლობას დამორჩილებულ საქართველოს მტერი ვერ მოერევა.

მტერი პირდაპირ დგას და იცი ვინც არის! შინაურ და უხილავ მტრებს რა ეშეულებათ, უდიერად რომ შლიან საქართველოს ერთიანობას? ჩვენ ის უფრო დიდ მტრად მიგვაჩნია, ახლა ბენზინს გამდიდრების მიზნით სომხეთის გზას რომ გაუყენებს. თურქეთიდან გამოგზავნილ პურის ფქვილს მეორე გზით ისევე სასპეკულაციოდ რომ გაგზავნის, ჩუმ-ჩუმად ფულს რომ შეაგროვებს და გროხნოს ხიზნებს მოახმარს, ხიდს რომ ააფეთქებს, სპილენძის მოპოვების მიზნით ტროლეიბუსის სადენებს რომ გაანადგურებს, იარაღს რომ სახლში დამალავს, სხვის სახლში ქურდად რომ შევა... მტრის ტყვიაზე მწარეა ეს ყველაფერი და კიდევ რამდენი რამ ტკივა ჰქვამარიტ ქართველს.

ღმერთო, მოგვეცი ძალა ამ გაუსაძლის დროს გაუძლოთ!

სამშობლოს არვის წავართმევთ,
ჩვენს ნურვინ შეგვეცილება,
თორემ ისეთ დღეს დავაყრით,
მკვდარსაც კი გაეცინება.

აზნოეთ ქართველ ვაჟაკებს ეს მშვენიერი სტრიქონები!
 ფონტის მიღმა დარჩენილ ყველა ქართველს უნდა ახსოვდეს კიდევ ერთი
 რამ: დღეს საქართველოს ხსნა არჩევნების ნორმალურად ჩატარებასთან ერთად
 ლეგიტიმური ხელისუფლება ყველა გზას გამოიხატავს და მისი
 ძველებად.

მაშ ერთი ჩვენი ცნობილი მწერლის თქმისა არ იყოს —
 ჭკუით, ქართველებო!

გაზ. ერი“, 6-13 ოქტომბერი, 1992 წ.



**გიჰინა
 ხაპარელი**

დაიბადა 1966 წლის 10 ოქტომბერს. ცხინვალის რაიონის სოფელ ზემო
 აჩაბეთში. სკოლის დამთავრების შემდეგ. მუშაობა დაიწყო სოფლის კოლმეურ-
 ნეობაში. 1985 წელს გაიწვიეს სამხედრო სავალდებულო სამსახურში. რომლის
 დამთავრების შემდეგ კვლავ დაუბრუნდა მშობლიურ სოფელს.

სამაჩაბლოში დაწყებული ეროვნულ-განმათავისუფლებელი მოძრაობის
 დაწყების დღიდან აქტიურად მონაწილეობდა ყველა ბრძოლაში.


მაგრამ ავბედითი გამოდგა მისთვის 1992 წლის 23 სექტემბერი: თავისივე
 სოფელში გამოასალმეს სიცოცხლეს ოსმა ექსტრემისტებმა, უღვთოდ დაცხრი-
 ლეს და კიდევ ერთი ლამაზი სიცოცხლე შეიწირეს, კიდევ ერთი შვილი მო-
 უკლეს საქართველოს.

სოფელმა გულწრფელად დაიტირა ლამაზი ვაჟაკი, მისი ხსონა მარად
 დარჩება თანასოფლელებისა და მეგობრების გულში.



ზურა საბარედი

დაიბადა 1964 წლის 4 ივნისს, ცხინვალის რაიონის სოფელ ზემო ანაბეთში. 1980 წელს აქვე დაამთავრა საშუალო სკოლა. იმავე წელს წავიდა სავალდებულო სამხედრო სამსახურში, რომლის დამთავრების შემდეგ დაიწყო მუშაობა სოფელ-ხეითის მეფრინველეობის ფაბრიკაში მძღოლად. ჰყავს მეუღლე — ირმა ოთინაშვილი, და ტყუბი ქალ-ვაჟი — ალიკა და ანუკა, დაბადებული 1987 წელს. ეროვნული მოძრაობის დროს აქტიურად ჩაება ბრძოლაში ოსი ექსტრემისტების წინააღმდეგ. იყო შეუპოვარი და უშიშარი მებრძოლი, რის გამოც ოსმა ექსტრემისტებმა დაუწყეს დევნა და დაწყვედილ 1990 წლის 18 მარტს ხეითი-ერედვის გზაზე მუხანათურად ჩასაფრებულმა ოსმა ექსტრემისტებმა ჯერ ტყვიით დაცხრილეს, შემდეგ ბენზინი დაასხეს და დაწვეს 27 წლის გმირი ვაჟკაცი. ასეთი არის ბიოგრაფია ზურა საბარედისა, რომლის სახელი უკვდავად დარჩება ჩვენს გულებში.



**გურამ
ხაღური**

ზემდეგი გურამ აბრამის ძე ხაღური დაიბადა 1963 წლის 6 მარტს ქ. ცხინვალში.

შინაგან ჯარებში მსახურობდა 1991 წლის 12 დეკემბრიდან. ცხინვალის ბატალიონში დაიღუპა 1992 წლის 26 ნოემბერს, კოჩარასთან.



**სიმონა
ხაღური**

ტირილითა და ვოდებით შეეგებებიან საცოდავი, შენი მშობლები, დედამიშვილები და ახლობლები 16 ივნისს, კვლავ გაგიშლიან საიუბილეო მაგიდას, ოღონდ სახლში კი არა... შენს საფლავზე, კვლავ მოიწვევენ შენს მეგობარ-

ამხანაგებს და ცრემლი იწვიმებს შენს სადღეგრძელოდ ავსებულ ჭიქებში, უამრავი ცხელი ცრემლი დაგვერება მაგ ნორჩ გულზე.

დრო არ გაჩერდება, მოვა 16 ივნისი, შენი დაბადების დღე. ჩვენს ცხოვრებაში ყველაზე ლამაზი ასაკი — 25 წელი, ოცნებებისა და სურვილებისა და ნატვრის ყველაზე სასიამოვნო თარიღი.

ტიკიელისა და სიამაყის დიდი გრძნობით ვილოცავთ დაბადებიდან 25 წელს, შევეყურებთ შენს საფლაგზე აყულებული შავი მარმარილოს სვეტს, საიდანაც შენი მებრძოლი სულისკვეთების გამომხატველი სურათი შემოგვცქერის. შევეყურებთ და ვგრძნობთ, რომ სამშობლოს სიყვარულით ანთებული და ჭაბუკური მგზნებარებით აბრიალებული შენი დიდი კული უსიტყვოდ მიგვიხვდება, რისი თქმაც გვინდა.

გვეროდეს, სიმონ, რომ ის დიდი ეროვნული საქმე, რომლის უშუალო და აქტიური მონაწილე შენც იყავი და რასაც შეეწირე, დღეს იქნება თუ ხვალ, ჭეშოთილად დაგვირგვინდება. მტერსაც გაუხუთეთქეთ გული და შევეყირეთ, რომ თუმცა სიმონი მოკალით, მერაბი მოკალით, დინორი მოკალით და, ვინ იცის, კიდევ რამდენი, მაგრამ იცოდეთ რომ არც სიმონით იწყება საქართველო და არც მერაბით მთავრდება, ან დინორით.

გაჩნდებიან და დაიზრდებიან ბევრი სიმონები, მერაბები, დინორები საქართველოში და გოჯ მიწას არავის დაანებებენ.

გაჩნდებიან და დაიზრდებიან ბევრი სიმონები, მერაბები, დინორები. სიამოვნების გრძნობა მაინც გვეუფლება, ვიცით, რომ შენ მამულისათვის შეწირული ზვარაკი ხარ, სამშობლოსათვის დანთებული სანთელი ხარ, რომელსაც ზეციურ საქართველოში უდევს ბინა და ამით ვმშვიდდებით.

შიდაქართლები

გაზ. „შიდა ქართლი“,

13 ივნისი, 1992 წ.

...ვერ მივცემ მტერსა მამულსა
საჯიჯგნად, დასაზიანად...
ნუ გვეონებათ, დავლარდი, —
ჯერ ისევა ვარ ფხიანად.

ვაჟა-ფშაველა



**მალხაზ (გიორგი)
ხაჭიძე**

დაიბადა თბილისში, 1971 წლის 31 ოქტომბერს. 1974 წლიდან იზრდებოდა დედის — ლია ხუბულურის მშობლებთან ვარდაბნის რაიონის სოფელ გამარჯვებაში. 8 კლასი იქვე დაამთავრა, საშუალო სკოლა და პროფესიული ტექნიკუმი — თბილისში. ის მუდამ დიდი სიყვარულითა და ავტორიტეტით სარგებლობდა მასწავლებლებსა და ამხანაგებს შორის.

1992 წლის 29 მაისს მოხალისედ წავიდა შეენაბადას მოხალისეებთან ერთად სამშობლოს დასაცავად.

მისი მოკლე, სიკეთით სავსე, ღირსეული ცხოვრება 1992 წლის 13 ივლისს სამაჩაბლოში, ცხინვალის ახლოს ერთ-ერთი შეტაკების დროს დასრულდა.

მალხაზ ხაჭიძე დაკრძალულია სოფელ გამარჯვების სასაფლაოზე. შეენაბადას გვარდიამ თავისი თანამებრძოლი სამხედრო პატივით დაკრძალა.

დარჩა ერთი ძმა და დედა.

სამარადისო იყოს მალხაზ ხაჭიძეას ხსოვნა!

მ ალხაზ ხაჭიძეა სიკვდილის შემდეგ დაჯილდოვდა მედლით მხედრული მამაცობისათვის“.



**ვანო
ხარაშვილი**

დაიბადა 1971 წლის 5 მაისს სიღნაღის რაიონის სოფელ ვაქირში. 1977 წელს შევიდა ვაქირის საშუალო სკოლაში. 1989 წელს დაამთავრა რვა კლასი და ამავე წელს ჩაირიცხა თბილისის მანქანათმშენებლობის ტექნიკუმში პროგრამული მართვის ჩარხების დამუშავების ტექნოლოგიის სპეციალობით. ტექნიკუმის დამთავრების შემდეგ 1991 წელს სწავლა განაგრძო წნორის საშუალო სკოლაში, ხოლო, აღნიშნული სასწავლებლის დამთავრების შემდეგ, 1992 წელს მუშაობა დაიწყო ვაქირის სტალინის სახელობის კოლმეურნეობაში მძღოლად. 1992 წლის 21 მაისს გაიწვიეს გვარდიაში. და მსახურობდა ქაქუცა ცოლოყაშვილის სახელობის ნაწილში, საიდანაც 3 ივნისს წაიყვანეს სამაჩაბლოში და დაიღუპა 1992 წლის 4 ივნისს სოფ. ეგრისში.
ღმერთმა აცხონოს!

გიორგი ხახუტაშვილი

დაბადებული 1961 წლის 6 მაისს, უპარტიო, ცოლშვილიანი, 1992 წლის 24 აპრილიდან 11 მაისამდე მსახურობდა საქართველოს რესპუბლიკის ეროვნული გვარდიის ვორის ს/ნ № 55063-ში დაზვერვის უფროსად.

სამსახურის პერიოდში ოფიცერმა გიორგი ხახუტაშვილმა თავი გამოიჩინა როგორც პატიოსანმა, თავისი საქმის ერთგულმა ოფიცერმა, ზედმიწევნით კარგად ასრულებდა მეთაურის განკარგულებებს და ბრძანებებს. ბატალიონის ოფიცრებსა და გვარდიელებს შორის სარგებლობდა ავტორიტეტით.

ოფიცერი გ. ხ. ხახუტაშვილი ვორის ს/ნ 55063-ში მოსვლის დღიდან აქტიურად მონაწილეობდა სამაჩაბლოს ტერიტორიაზე განლაგებული ქართული სოფლების ოსი ექსტრემისტებისაგან დაცვაში, სადაც დაიღუპა 1992 წლის 11 მაისს.



**თეიმურაზ
ხაჭურიანი**

დაიბადა 1957 წლის 9 მაისს ქალაქ ქუთაისში. 1974 წელს დაამთავრა ქუთაისის 33-ე საშუალო სკოლა. ერთი წლის შემდეგ გაიწვიეს სავალდებულო სამხედრო სამსახურში. 1977 წელს, ჯარიდან ჩამოსვლისთანავე მუშაობა დაიწყო ქუთაისის პოლიტექნიკურ ინსტიტუტში მძღოლად, სადაც ორი წელი დაჰყო. 1979 წლიდან მუშაობა განაგრძო ქუთაისის ელექტრომექანიკურ ქარხანაში, სადაც 1982 წლამდე იმუშავა.

1983 წლიდან მეუღლესა და ორ შვილთან ერთად საცხოვრებლად გადავიდა ქალაქ ალექსანდრიაში, სადაც ექსპედიტორად მუშაობდა ხორცკომბინატში. გაიგო თუ არა, რომ საქართველოს დიდი საფრთხე ემუქრებოდა, უყოყმანოდ ჩადგა მისი ტერიტორიული მთლიანობის დამცველთა რიგებში. იბრძოდა ვაგრაში, სადაც დაიჭრა, მაგრამ არ შემდრკალა. შემდეგ ბრძოლა განაგრძო ოჩამჩირეში, სადაც დაიღუპა 1992 წლის 12 ნოემბერს.

თეიმურაზ ხეცურიანი, ცხოვრებაში უკვე ბევრისმნახველი, მრავალჭირ-გადანახადი ვაჟკაცი, პირადი მაგალითით უჩვენებდა ყველას, ვინც კი მას იცნობდა, როგორ უნდა იშრომოს ღირსეულმა მამულიშვილმა და მოქალაქემ მშვიდობიანობისას და როგორ უნდა იბრძოლოს მან ცეცხლის ხაზზე, როცა მის სამშობლოს უჭირს.

მადლიერი სამშობლო ამას არასოდეს დაუვიწყებს თავის სასახელო შვილს.



**დავით
ხვედელიანი**

დავით ხვედელიანი დაიბადა 1965 წლის 16 იანვარს თბილისში. სწავლობდა მე-4 საშუალო სკოლაში. გატაცებული იყო სპორტით. 1978–79 წლებში იყო საქართველოს ნაკრების წევრი ხელბურთში.

სკოლის დამთავრებისთანავე მუშაობა დაიწყო ვაგონშემკეთებელ ქარხანაში ხარატად. 1990 წელს დაოჯახდა, შეეძინათ ვაჟი. 1993 წლის 13 ივლისს გაწვეული იყო „საჯარისო ბატალიონში“. დაიღუპა 19 ივლისს სოხუმში, სოფელ შრომასთან საბრძოლო მოქმედების დროს. დარჩა შეილი – 3 წლის ირაკლი.

* * *

დაეცო, შენი მზე დაგნათის...
ნამიც ხომ იარებს გისველებს,
სისხლიან მაჯაზე საათი
ჩურჩულებს, ჩურჩულებს ისევე.
განა ჩვენ გაქცევა გეჩვევია, –
გაგარღვევთ, გავშლით და გავიტანო,
კაპიტან, სიცოცხლე ჩვენია,
ჩვენია სამშობლო, კაპიტან!
...დღეს იგრძნო პაწია ლითონმაც
გენია სამშობლოს სიცოცხლის,
რომ ჟამი გმირობის დღისთანა
არ არის სხვა, ენით უთქმელი...

ალექსანდრე სავაია



**ბადრი
 სველიძე**

ბადრი ლევანის ძე ხვედელიძე დაიბადა 1954 წლის 25 მაისს ჭიათურის რაიონის სოფელ წირქვალში. სწავლობდა ქუთაისის საქონელმცოდნეობის ვაჭრობის ტექნიკუმში. პარალელურად მისდევდა სპორტს, კერძოდ ძიუდოს. მიღებული ჰქონდა პრიზები, 1972 წელს ისევ დაბრუნდა ჭიათურაში და მუშაობდა რაიკავშირის მომარაგების საწყობში, სპორტთან კავშირი არ გაუწყვეტია, ჰქონდა თანრიგი და ავარჯიშებდა ბავშვებს.

1980 წლიდან ცოლ-შვილთან ერთად საცხოვრებლად გადავიდა სოხუმში. მუშაობა გააგრძელა ამიერკავკასიის სამშენებლო ტრესტში.

1992 წლიდან იბრძოდა სოხუმის დასაცავად, სოხუმის ბაგრატიონის სახელობის ბატალიონში. 1993 წლის 17 იანვარს კი ოჩამჩირის რაიონის სოფელ კვიტორთან იყო, სადაც ტყვედ ჩავარდა თანამებრძოლებთან ერთად.

1993 წლის 5 თებერვალს გამოიფხანეს შვიდ მებრძოლთან ერთად. დაღუპულები არაადამიანურად იყვნენ ნაწამები და ნატანჯნი.

დარჩა ცოლი და სამი შვილი.

ბადრი ხვედელიძე სიკვდილის შემდეგ დაჯილდოვდა მედლით „მხედრული მამაცობისათვის“.



**კახაბერ
ხვედელიძე**

დაიბადა თბილისში, მოსამსახურის ოჯახში. 1984 წელს დაამთავრა თბილისის 29-ე საშუალო სკოლა და მოეწყო საქართველოს პოლიტექნიკურ ინსტიტუტში მანქანათმშენებლობის ტექნოლოგიის ფაკულტეტზე, რომელიც 1992 წელს დაამთავრა და მიენიჭა ინჟინერ-მექანიკოსის კვალიფიკაცია.

1985-1987 წლებში იმყოფებოდა სამხედრო სამსახურში, სამშენებლო ბატალიონში, მსახურობდა დასავლეთ უკრაინაში.

1987-1989 წლებში მუშაობდა თბილისის კიროვის სახელობის ჩარხმშენებელ ქარხანასა და გაერთიანება „ელექტროაპარატში“ ზეინკლად.

1993 წელს გაიწვიეს შეენაბადას ბატალიონში სამხედრო შეკრებაზე. შეენაბადას ბატალიონის დაზვერვის უფროსი ოფიცერი, ლეიტენანტ კახაბერ ბეჟანის ძე ხვედელიძე 1993 წლის 2 ივლისს დაიღუპა ტამიშთან ბრძოლაში.

კახაბერ ხვედელიძე სიკვდილის შემდეგ დაჯილდოვდა მედლით „მხედრო-ლი მამაცობისათვის“.

* * *

მამულის დახსნის დღე არის,
ქვეყანა გნუკავს შევლასა,
თავისუფლების შოვნაი
სჯობს საშოვნელსა ყველასა.

რომ მუშაობდა, პრაქტიკას ვლებულობო, ამბოდა: ათი ინსტიტუტი რომ დაეკ-
თავრო, ბოლოს მაინც სამედიცინო ინსტიტუტი უნდა დავამთავრო, ქირურგი-
ბაზე ოცნებობდა. სავაჭრო ეკონომიკურზე მშობლების ხათრით შევიდა, ^{საქართველოში}
მაინც კარგად სწავლობდა. პატარაობიდანვე შეფვარებული იყო წიგნებზე. სულ
იცნობდა მსოფლიოს კლასიკოსთა ნაწარმოებებს, ქართულ ლიტერატურას და
საქართველოს ისტორიას. ყველა დარგში ერკვეოდა, ყველაფერი აინტერესებდა,
ვერაფერში ჩაჭრიდი. საიდან იცი ამდენი რამეო, ეტყოდნენ ხოლმე.

კობა იყო ჩვენი ოჯახის ბურჯიც, ჩვენი კერპი, ყველა ჩვენგანის დამრიგე-
ბელი, უადრესად მოსიყვარულე, დამხმარე, ამედი და ნუგეში, ოჯახში ყველა
საქმის ინიციატორი და უშუალო მონაწილე. მეტყოდა-ხოლმე; ოღონდ საშუა-
ლო დაამთავრებინე ჩემს ძმებს, მერე მე მივხედავ, მე დავაყენებ ცხოვრების
გზაზეო.

თავისი ჭკუა-გონებით, პუმანურობით, თავმდაბლობითა და კაცთმოყვარე-
ობით, უცბად პოულობდა ყველასთან საერთო: ენას, ამიტომ ყველას გამორჩე-
ვით უყვარდა სკოლაში, ტექნიკუმში, ჯარში, გვარდიაში, ინსტიტუტში და ნა-
თესავებში. ყველგან გამოირჩეოდა თავისი ნაღდი და უზინჯო ურთიერთობით.
ყველას სასურველი სტუმარი იყო, რადგან ყველასთან სიყვარულსა და სიკე-
თეს თესდა.

ყველგან რჩეული და საამაყო ჩემი შვილი სიკვდილმაც გამოარჩია. ტყვიის
ცეცხლში გამოვლილი. 1992 წლის 11 მაისს საგანგებო დავალებით მიმავალი
ჯავშან-ტრანსპორტიორი გზაზე გადაიჩნხა. ცხრა გვარდიელიდან ორი დაიღუ-
პა — აწყურელი კობა ზვედელიძე და თბილისელი გელა ლინელი.

თითქოს წამიერად გაიელვა კობას 21 წლის სიცოცხლემ. მე მაინც ვამა-
ყობ იმით, რომ ჩემი მკვდარი შვილი ბევრ ცოცხალს სჯობია, რომ სამშობ-
ლოს შეწირული მისი ღამაზი სიცოცხლე ღამპრად ენთებათ მის ძმებს ცხოვ-
რების გზაზე, და რომ მის სახელსა და გვარს დავიწყება არ უწერია, რადგან
მას ატარებს მისი მშობლიური აწყურის საშუალო სკოლა.

მარიკა გელაშვილი
კობა ზვედელიძის დედა

* * *

ხმაღმა თქვა ვახტანგისამა:
ბევრი მინახამს ომია,
ათასი შუბი და ხმალი
ბევრჯერ პირისპირ მდგომია,
მაგრამ არც ერთხელ ჩემს პატრონს
უკან არ დაუხვევია:
დაუკრამს — რკინის პერანგი
გამიკვეთ-ღამიხვეია.

(ხალსური)



მირიან ხიდაშელი

მირიან ზაურის ძე ხიდაშელი დაიბადა 1969 წლის 18 მარტს ქ. ჭიათურაში, მოსამსახურის ოჯახში. დედა: მზია გრიგოლის ასული ბერიძე – პედაგოგი. მამა: ზაურ გრიგოლის ძე ხიდაშელი – მოსამსახურე.

1986 წელს დაამთავრა ქ. ჭიათურის მე-8 საშუალო სკოლა.

1987–1989 წლებში მოიხადა სამხედრო ვალდებულება.

1990 წლიდან სწავლა გააგრძელა ქ. ქუთაისის ტექნიკურ უნივერსიტეტში. მანქანათმშენებლობის ფაკულტეტზე. იყო მე-3 კურსის სტუდენტი.

1992 წლიდან იყო ბესიკ ქუთათელაძის სახელობის საჩხერის გვარდიის მებრძოლი. იბრძოდა ქ. ცხინვალში, შემდეგ კი ქ. სოხუმში.

1992 წლის 15 სექტემბერს ერთ-ერთი შეტაკების დროს გმირულად დაეცა სოფელ ცაგერაში, სოხუმის მახლობლად.

ოჯახში დარჩა დამწუხრებული მშობლები და უფროსი ძმა.

მარადი იყოს ღირსეული მამულიშვილის – მირიან ხიდაშელის ხსონა!

მირიან ხიდაშელი

მირიან ხიდაშელის მამიდან ჩვენთან საუბრისას სული ვერ მოითქვა. ტირილისგან გულშეწუხებულმა ძმისშვილზე მხოლოდ იმის თქმა მოახერხა, ქალაქისა და რაიონის სათვალო და გამორჩეული შვილი იყოო...

ქალბატონი ნანი პართალი გახლდათ.

1969 წლის 18 მარტს ჭიათურაში, მოსამსახურის ოჯახში დაიბადა მირიან ხიდაშელი. არ გაცუდებით შეილებზე – მირიანსა და კახაზე ზრუნვა და ამაგი მშობლებს ქალბატონ მზიასა და ბატონ ზაურის. ოჯახი, რომელიც ყოველთვის ცდილობდა სიყვარული და სითბო დაეთესა ახლობლებში და სწორი აღზრდით ქვეყნის სამსახურში ჩაყენებინათ შვილები.



სულ პატარა მიწიანი ჯერ კიდევ ქალაქ ჭიათურის მე-8 საშუალო სკოლაში სწავლისას გამოირჩეოდა მასზე მინდობილ საქმესთან კეთილსინდისიერი დამოკიდებულებით, პასუხისმგებლობით, გონებაშეხილვითა და გონების ნიჭით, ბავშვურ გატაცებად რომ უთვლიდნენ უფროსები.

უცებ გაირბინა სწავლით დატვირთულმა სკოლის წლებმა. ყმაწვილმა ნიკოკამსკში საბჭოთა არმიის სავალდებულო-სამხედრო სამსახურის შემდეგ 1990 წელს ქუთაისის ტექნიკურ უნივერსიტეტში ზოგადტექნიკურ ფაკულტეტზე (მანქანათმშენებლობის ტექნოლოგია) ბრწყინვალედ დაიჭირა მისაღები გამოცდები.

მეოთხე კურსის ნიჭიერმა სტუდენტმა საქართველოს ცარგვალზე დატრიალებული ბედუკუდმართობის გამო ირჩია პირნათლად მოეხადა სამშობლოს წინაშე ვალი და დაუსწრებელ განყოფილებაზე გადავიდა. მოკლე, მაგრამ საბრძოლო დიდებით მოსილი იყო მისი განვლილი გზა: ცხინვალი, ოჩამჩირე, ცაგერა, სოფელი ტამიში. აქ, ტამიშის ხიდის აფეთქებისას შეწყდა სიცოცხლე ახალგაზრდა მეომრისა, მძიმეწონიანი ხელის ტყვიამფრქვევით რომ ებრძოდა მტერს. მისი გმირობის მომსწრე თანამებრძოლები და სოფლის მკვიდრნი მაღლიერებით იხსენიებენ უბოროტო, სათნო, კეთილშობილ ახალგაზრდას.

ველარ შეასხამს ფრთებს მის ოცნებას — ახალი ტიპის იარაღის გამოგონებას მისი განუყრელი მეგობარი, თანამოაზრე და პროექტის თანაავტორი ზურაბ აბაშიძე, რადგან ისიც მამაცურად დაეცა ბრძოლის ველზე მტერთან ბრძოლაში.

მირიან კალანდარიშვილი



...მამულის დამხსნელს, — ვაჟკაცის
 ხმალი და გული სდომია,
 ვაჟკაცის გამომჩენელიც
 მტერთან გულდაგულ ომია.
 ...მამ, მამულს თავი შეეხსნით
 საშველად, გამოსახსნელად,
 თუ მისთვის დავიხოცებით,
 ჩვენ ის გვეყოფა სახელად.

ი ლ ი ა



**ჯონდო
 ხიფთანი**

სვანური ზარით არ გაუცილებიათ ჯონდო ხიფთანი მარადიულ საუფლოში, იგი ტყვიების ზუზუნში დაეცა ვაგრაში, სოფელ კოლხიდასთან.

ჩვეულებრივი ცხოვრებით იცხოვრა. დაამთავრა ქ. სოხუმში ინდუსტრიული ტექნიკუმი, ჰყავდა მეუღლე და ორი ვაჟი, მაგრამ ადამიანის სული შინ გამოვლინდება მთელი სისრულით, როცა ის სამშობლოს ჭირდება.

ომის პირველი დღეებიდანვე აიღო ჯონდო ხიფთანმა იარაღი და მოხალისეთა რაზმში ჩაეწერა. იმ საბედისწერო დღეს, 29 აგვისტოს, სადაზვერვო ოპერაციის ჩატარებაში მონაწილეობის მიღება ისურვა. სვანეთში გაზრდილ ვაჟკაცზე უფრო ვის ემარჯვებოდა უცნობი ბილიკებისა და სათვალთვალოების მიკვლევა. დავალება წარმატებით შეასრულა, მაგრამ თანამებრძოლებთან დაბრუნება აღარ ეწერა. სოფელ კოლხიდასთან შეჩერდა მისი გულისცემა.



**მერაბ
ხორბალაძე**

მერაბ ხორბალაძე საქართველოს ძირძველ მიწაზე – აფხაზეთში, სოხუმის მისადგომებთან დაეცა ვაჟკაცურად. მშობელი მცწის ლოცვლენი არასდროს არ დაგვლევია, არადა, ღვთის მადლით, არც მერაბისნაირი ვაჟკაცები გვეოლია ცოტა.

დაიბადა გორში 1965 წლის 28 მარტს. დაამთავრა ქალაქის მე-2 საშუალო სკოლა. სწავლობდა ქარელის 155-ე ტექნიკურ სასწავლებელში საბჭოთა არმიის რიგებში მსახურობდა ბალტიისპირეთის რეგიონში. მუშაობდა გორის ხელსაწყოების ქარხანაში, შემდეგ კი საბინაო სამმართველოში. იმ მძიმე დღეებში, როცა საქართველოს უჭირდა სხვადასხვა სეპარატისტულ ძალებთან ბრძოლა, როცა არ ჰყავდა რეგულარული არმია და იქმნებოდა სხვადასხვა სამხედრო ფორმირებები, მერაბი ქართველ შევარდნთა ლეგიონში ჩაირიცხა და თავისი საბრძოლო ვალიც, როგორც დაზვერვის უფროსმა, პირნათლად მოიხადა. იმ პერიოდში, როცა ყალიბდებოდა ერთიანი საჯარისო ფორმირება, მერაბი თავის მეგობრებთან ერთად შევიდა გვარდიის გორის მე-11 ბატალიონში. და იბრძოდა სამაჩაბლოში, ცხინვალის რეგიონში. მონაწილეობას იღებდა განათში, ფრისში, ერგნეთში, მამისაანთუბანში გამართულ ბრძოლებში. ამ ტერიტორიაზე სამშვიდობო ჯარების შეყვანის შემდეგ გორის დისლოკაციის ადგილს დაუბრუნდნენ ბიჭები ჭრილობების მოსაშუშებლად, მაგრამ ახლა აფხაზმა სეპარატისტებმა და მათმა დაქირავებულმა მკვლელებმა წამოყვეს თავი და აგორდა ახალი ტალღა თავდადებისა და ვაჟკაცობისა... 1992 წლის 8 სექტემბერს შეწყდა მისი ლამაზი სიცოცხლე და ეს პატარა ბიოგრაფია ერთ დიდ გულისმომკვლელ წუხილში ჩაეტია, იმ წუხილში, რომელიც ასე მოუშრავლდათ შაოსან დედებს. მერაბისნაირი ამაყი, კეთილი, გულმართალი, პატიოსანი ბიჭები მართლ ახლობლებს და მეგობრებს კი არა, სრულიად საქართველოს უკვდებიან.



მირონ
ხორგუანი

მირონ გვიის ძე ხორგუანი დაიბადა მესტიის რაიონის სოფელ ბენოში 1963 წელს 3 ნოემბერს. სკოლაში შევიდა 1970 წელს და დაამთავრა 1980 წელს. 1981-82 წლებში მიიღო საშუალო ტექნიკური განათლება. 1982 წელს წავიდა სამხედრო სამსახურის მოსახდელად და დაბრუნდა 1984 წელს. ამავე წელს შექმნა ოჯახი.

1987 წელს მესტიის რაიონში დატრიალებული სტიქიური უბედურების შედეგად იძულებული იყო ჩასახლებულიყო მარნეულის რაიონის სოფელ სიონში. 1992 წელს შევიდა გვარდიის რიგებში და თავისი წვლილი შეიტანა ოსეთში მიმდინარე ეთნოკონფლიქტების ორგანიზატორთა წინააღმდეგ ბრძოლაში. აფხაზეთში იმყოფებოდა ომის დაწყების დღიდან სიცოცხლის ბოლო წუთამდე. მოკლეს ქ. გაგრაში, სოფელ კოლხიდასთან აფხაზმა სეპარატისტებმა.

დარჩა მეუღლე და ორა შვილი.

არწივი ვნახე დაჭრილი,
 ყვაე-ყორძნებს ეომებოდა,
 ეწადა ბეჩავს ადგომა,
 მაგრამ ვეღარა დგებოდა,
 ცალს მხარს მიწაზე მიითრევს,
 გულისპირს სისხლი სცხებოდა.
 ვაპ, დედას თქვენსა, ყოვებო,
 ცუდ დროს ჩაგიგდავთ ხელადა,
 თორო ვნახავდი თქვენს ბუმბულს,
 გაშლილს, გაფანტულს ველადა.

ვაჟა-ფშაველა




ალექსი სუსნიშვილი

ალექსი ლევანის ძე ხუციშვილი, დაბადებული 1940 წლის 5 თებერვალს ლენინგორის რაიონის სოფელ ზოდესში, განათლება – სამხედრო სპეციალური ცოლ-შვილიანი.

სკოლის დამთავრების შემდეგ მუშაობდა სხვადასხვა სამუშაოებზე, 1960-63 წლებში მოიხადა საგალდებულო სამხედრო სამსახური, იმავე პერიოდში დაამთავრა ორწლიანი პარტიული-სამხედრო სასწავლებელი, სამხედრო სამსახურის დამთავრების შემდეგ ჰქონდა თადარიგის ლეიტენანტის წოდება.

1968 წელს ალექსი გაიწვიეს სამსახურში როგორც კადრის ოფიცერი, 1971 წელს დაამთავრა ნოვოჩერკასკის სამხედრო სასწავლებელი. 1980 წლამდე მუშაობდა ამიერკავკასიის სამხედრო ოლქში, კერძოდ, ახალციხეში, ახალქალაქში. 1980-84 წწ. მუშაობდა გერმანიის დემოკრატიულ რესპუბლიკაში, შემდეგ გაიგზავნა ვლადიკავკაზში 1986 წლამდე. 1986 წელს პენსიაზე გავიდა ჯანმრთელობის მდგომარეობის შესუსტების გამო, სადაც ცხოვრობდა მეუღლესთან და ორ ვაჟიშვილთან ერთად. როცა ქართულ-ოსური კონფლიქტი დაიწყო, ბატონ ალექსის გულმა აღარ მოუთმინა, საცხოვრებლად ოჯახთან ერთად გადმოვიდა თბილისში და მიაკითხა საქართველოს თავდაცვის სამინისტროს, როგორც სამხედრო სპეციალისტმა. მიუხედავად თავისჯანმრთელობის მდგომარეობისა, ბატონი ალექსი მე-11 მექანიზებული ბრიგადის ბატალიონ „ავაზას“ შტაბის უფროსის თანამდებობაზე დაინიშნა. არავითხელ მიიღო მონაწილეობა აფხაზეთში, საქართველოს მიწის დასაცავად ბრძოლაში. 1993 წლის 1 მარტს სოფელ ლაბრასთან ვაჟაკურად დაეცა ჩვენი „პაპა“, როგორც მას ავაზელები ეძახდნენ.

ბატონი ალექსი დასაფლავებულია საბურთალოს საზოგადო მოღვაწეთა პანთეონის „ძმობა სასაფლაოზე“.



იგავი
სხუციშვილი

რიგითი იმედ ლონგინოზის ძე ხუციშვილი დაბადებულია 1971 წლის
18 ივნისს ქ. თბილისში.

მსახურობდა საპატრულო პოლკში.

დაიღუპა 1992 წლის 2 ოქტომბერს ქ. ცხინვალში.

ნ ი ს ი

ბატონი ედუარდ შევარდნაძე პრესკონფერენციაზე აცხადებს: ჩიხში მოვე-
ქეციო. ცეცხლის აღშაა გახვეული აფხაზეთი, ბოლოქრობს მთელი საქართვე-
ლო, რომელიც თითქმის ორასი წელი ებრძოდა იმპერიათა შორის ყველაზე და-
უნდობელ იმპერიას და თითქოს დადგა ნანატრი თავისუფლების ჟამი. ამ დროს
სახელმწიფოს მეთაური ასეთ შემადარწუნებელ ფრაზას ამბობს!

რა არის ეს? ნუთუ საქართველო მართლაც ისეთ დღეშია, რომ მსოფლიოს
ერთ-ერთი უდიდესი პოლიტიკოსი გამოხავალს ვერ ხედავს? ჩვენ ვიცით, რომ
არასდროს მოხუდრილა იგი ჩიხში, მაშინაც კი, როცა მსოფლიო მასშტაბის
გლობალურ საკითხებს წვევებდა. როგორც ეტყობა, დღევანდელი პრობლემა,
რომელიც თითქოს რამდენიმე ათეული ათასი აფხაზისა და რამდენიმე მილიონი
ქართველის ურთიერთობას ეხება, მართლაც ერთი რგოლია, ერთი კვებისა, რო-
მელმაც შეიძლება უზარმაზარი, მსოფლიო მასშტაბის აფეთქება გამოიწვიოს.

სიძულვილი ბრძაა. სიძულვილმა შეიძლება ისეთი ნაბიჯი გადაგადგმევი-
ნოს, საკუთარი თავიც წაავო. ასეთ დღეშია რუსეთი. იგი ვერ შეგუდება მიუ-
წვევლ როლს: სულ ცოტა ხნის წინათ მსოფლიოს საკუთარ ნებას ეუბნებოდა,
დღეს კი კარგავს უმნიშვნელოვანეს პლაცდარმს ამიერკავკასიაში. უკვე ჩანს,
ვის, რომ ეს შეინარჩუნოს, ისეთ ნაბიჯებს დგამს, რომლებმაც შეიძლება ჩრდი-
ლოეთ კავკასიაც დააკარგვინოს.

სინამდვილეს თვალი უნდა გაუხსნოროთ. რუსეთმა აშკარა საინფორმაციო
ომი გააჩაღა საქართველოს წინააღმდეგ, რომელიც არაფრით განსხვავდება კო-
მუნისტური იდეოლოგიური ომისაგან „ამერიკელი იმპერიალისტების“ წინააღ-
მდეგ. „ცივი ომის“ მთავარი სამიზნე დღეს საქართველოა. მაგრამ ეს „ცივი
ომი“ ისევე მარადდება ცხელი იარაღით, რუსული იარაღით, როგორც თავის
დროზე კუბა, ვიეტნამი თუ ერაყი. უფრო მეტიც: მარადდება არა მხოლოდ სამ-
ხედრო სპეციალისტებით და უახლოესი ტექნიკით, არამედ ცოცხალი ძალი-
თაც — რუსეთის მოქალაქეებით. აფხაზ სეპარატისტთა თუ მთიელთა კონფედერა-
ციის დაქირავებული რაზმების უშუალო თანამშემწენი არიან აფხაზეთში განლა-
გებული სამხედრო ნაწილები, საზღვაო და საჰაერო ფლოტი. „სამშვიდობო
მისიით“ ჩამობრძანებული ჩინოვნიკები მხოლოდ შირმის როლს ასრულებენ და
3 სექტემბრის ზელშეკრულების დარღვევაზე მხრებს იჩენავენ — ამის შესახებ
არაფერი ვიცით, მაგრამ გავარკვევთ.

დაუბრუნდეთ ბატონ ელუარდ შევარდნაძის მიერ წარმოთქმულ შემადრწუ-
ნებელ ფრაზას ჩიხში მოხვედრის შესახებ. დღეს ყველამ ვიცით, თუ ვინ იყო
ახალი მსოფლიოს ერთ-ერთი მთავარი კონსტრუქტორი. ვინ შეძლო მიხეილ
გორბაჩოვის გამოყენება ავღანეთის ომის შეწყვეტის, ბერლინის კედლის დარ-
ღვევის, ცივი ომის შეწყვეტის, აღმოსავლეთ ევროპის განთავისუფლების და
საბჭოთა იმპერიის დაშლის საქმეში. ეს, რა თქმა უნდა, განაპირობა უწინა-
რესად ამერიკის შეერთებული შტატების ეკონომიკურმა ძლიერებამ და რეიგა-
ნისა და შემდეგ ბუშის ადმინისტრაციის პოლიტიკურმა ძალისხმევამ, მაგრამ
არაფერი გამოვიდოდა, გორბაჩოვი იმპერიული, კომუნისტური ძალების ტყვე-
ობაში ბოლომდე რომ აღმოჩენილიყო, რაც მის მდგომარეობაში საკვებით ბუ-
ნებრივი იქნებოდა. მიხეილ გორბაჩოვი მოქმედებდა თავისი ბუნების წინააღ-
მდეგ, აკეთებდა მას, რაც მისი წყობის ადამიანს არ უნდა გაეკეთებინა. აკეთებდა
იძულებით, და ამით იყო გამოწვეული მისი მერყეობა მარჯვნიდან მარცხნივ,
და არა რაღაც განსაკუთრებული, კომპრომისული დიპლომატიური ნიჭით. გორ-
ბაჩოვი რომ ახლაც მტკიცე ლენინელია, ლიგაჩოვისაგან ბევრად რომ არ განსხ-
ვავდება, დღეს, როცა დიდი პოლიტიკიდან წავიდა საკვებით აშკარაა: იგი ახ-
ლაც იმპერიას და „დიდი ოქტომბრის“ მონაპოვარს მისტირის.

მაშ, რა იყოს ის მამოძრავებელი ძალა, რომელიც გორბაჩოვის ავტორიტეტს
ეფარებოდა, მისი საშუალებით აკავებდა საბჭოთა იმპერიულ ძალებს და აკეთებ-
და იმას, რაც სურდა დასავლეთს? ეს ძალა იყო ელუარდ შევარდნაძე! შემთხვე-
ვითი არ არის, რომ მსოფლიოს პოლიტიკოსები ამას კარგად ხედავენ, შემთხ-
ვევითი მხოლოდ ის არის, რომ ამას ვერ ხედავენ ქართველები!

ბატონ ელუარდ შევარდნაძის დიდ პოლიტიკაში მოხვლით დაიწყო მსოფლიო დიპლომატიის ახალი ერა, თუ შეიძლება ასე ითქვას, დიპლომატიის რემანიზაციის ერა, მაღალი ზნეობრივი პრინციპების დამკვიდრება. რა თქმა უნდა, ასეთი პრინციპების დამკვიდრება მხოლოდ მას არ მიეწერება, ერთდროულად მოქმედებდა პოლიტიკოსების შესანიშნავი პლეადა: ბუში, ბეიკერი, ტეტჩერი, კოლი, გენშერი, მიტერანი, დიუმა და სხვები. ისინი, რა თქმა უნდა, ერთმანეთზე ზემოქმედებდნენ და ამ ზემოქმედებაში დიდი იყო საბჭოთა იმპერიის ისტორიაში პირველად ღიმილასა და თბილი ადამიანური ურთიერთობის უნარის მქონე საგარეო საქმეთა მინისტრის როლი.

დიპლომატიის ისტორიაში მოვიდა ხანა, როცა სიტყვას ფასი დაედო, მოვიდა ხანა არა მოტყუების, არამედ დარწმუნებისა. ახალი დიპლომატიის ერთი უბრწყინვალესი დიდიოსტატი გახლავთ ბატონი ელუარდ შევარდნაძე.

და მაინც ჩიხი?

ელუარდ შევარდნაძის საერთაშორისო ავტორიტეტი დიდად წაადგა საქართველოს. იმ ფაქტს, რომ მსოფლიოს ყველა მნიშვნელოვანმა სახელმწიფომ ცნო საქართველო და ბევრმა უკვე დაამყარა მასთან დიპლომატიური ურთიერთობა, რომ საქართველო გახდა მრავალი საერთაშორისო ორგანიზაციის სრულუფლებიანი წევრი, მათ შორის ყველაზე მნიშვნელოვანის — გაეროსი, ჩვენ სწორედ მის დიდ ავტორიტეტს უნდა ვუმაღლოდეთ. საქართველოს სახელმწიფოს მეთაურმა ამის გარდა მრავალი შთამბეჭდავი გამარჯვება მოიპოვა საერთაშორისო ურთიერთობის სფეროში, მათ შორის მეტად მნიშვნელოვანია რუსეთის ხელისუფლების მიერ ორგზის ოფიციალურად აღიარება საქართველოს ტერიტორიული მთლიანობისა, რომლის უარყოფა რუსეთს ამიერიდან მხოლოდ მსოფლიოსთან დაპირისპირების ფასად შეუძლია.

და მაინც ჩიხი?

ჩემი ღრმა რწმენით, აფხაზეთში გაჩაღებულ ომში, ჩიხში იმიტომ კი არ მოვექცეთ, რომ რაიმე პოლიტიკური შეცდომა დაუშვით.

ყოველი პოლიტიკური ნაბიჯი, რომელიც გადადგა ბატონმა ელუარდ შევარდნაძემ, სწორი იყო, ითვალისწინებდა თანამედროვე მსოფლიო დიპლომატიის დონეს. მაგრამ არ იყო გათვალისწინებული ის გარემოება, რომ არც დღევანდელი რუსეთი, არც მისი ნაწილი — მთიელ ხალხთა კონფედერაცია, არც აფხაზი ექსტრემისტები, არც მათი კოლეგები — ქართველი „ზვიადისტები“, თვით ზიზანი ექსტრემიზმის და მისი მასპინძლის ჩათვლათ, ამ დონეზე არ დგანან. გამსახურდიას, არძინბას, დუდაევის, შანიბოვის, რუსეთის პარლამენტის დიპლომატიის დონე არ ვასცილებია მონღოლი ნოინების, ზაზარების თუ ყივჩაღების აზროვნების დონეს, ვინც ღონიერია, ის არის მართალი! ამ ნახევრად ველური პოლიტიკოსების იარაღად დღემდე რჩება სიცრუე, სიტყვის გატეხა, მუხანათობა და თვალთმაქცობა.

ამიტომ შეიქმნა ჩიხი! ელუარდ შევარდნაძე მოქმედებდა მეოცე საუკუნის მიწურულის პოლიტიკოსის ხერხებით, რუსეთის პოლიტიკა კი ვერ ვასცილდა ჩიჩერინის, ლიტვინოვის, მოლოტოვის თუ გრომიკოს დონეს, რადგანაც მას ჯერ

კიდევ ზურგს უმაგრებენ გუშინდელი აკლანეთის, ანუ „ინტერნაციონალური ვალის“ შემსრულებელი გენერალი გრომოვი, გენერალი რუცკოვ და მძაწი მათნი.

ეროვნული
საქმის

მაგრამ მე ვფიქრობ, რომ ბატონი ელუარდ შევარდნაძე თქმის მიხედვით სულა ამ ჩიხში. იგი უთუოდ კარგად ხედავდა, რომ შეუძლებელი იყო მშვიდობიანი მოლაპარაკება რუსეთის იმპერიულ ძალებთან და მათს მარიონეტებთან — მოწკავეწკავე არძინბას ფინიების ხროვასთან. ჯერ კიდევ დიდი დრო დაჭირდებოდათ რუსეთის დიპლომატიას და მხედრიონს, ვიდრე საოცარი გვარის მქონე გენერალ ტოტლებენის დონეს გასცდებოდა. ტოტლებენი გერმანულად „სიკვდილ-სიცოცხლეს“ ნიშნავს! სიტყვის გატეხა ძველი რუსული დიპლომატიის ქვაკუთხედი — სიცოცხლეს დაუპირდება და სიკვდილს გიმზადებს. ასე რომ, ჩიხში ჩვენ კი არ მოვექცით, არამედ რუსეთის იმპერიული პოლიტიკა. ჩვენ ყველა მშვიდობიანი გზა მოვსინჯეთ, კონსტრუქციული კომპრომისი ვცადეთ. მხოლოდ ერთი გზა დარჩა: სამხედრო ძალით ექსტრემისტთა და დაქირავებულ გადაძირ-ელთა ლიკვიდაცია! ახლა რუსეთი იძულებულია ან განზე გადგეს და საშინაო საქმის მოგვარება გვატალოს, ან ინფორმაციულ ომს, ცივ ომს არ უნდა დასჯერდეს და ნამდვილი ომი გამოგვიცხადოს (ასეთი მუქარა დაიგრგვინა კიდეც გრო-მოვმა!). ეს კი ნიშნავს რუსეთის დაპირისპირებას მსოფლიო თანამეგობრობასთან, სადამპყსენიობას. შეძლებს რუსეთი ცივილიზებული ქვეყნის ნიღბის ახლას?

ვინ ყოფილა ჩიხში, ბატონი უნტერ პრიშიბევევო?

რომან მიმიგროვილი

„საქართველოს რესპუბლიკა“

7 სექტემბერი, 1992.

* * *

...იხილოს მიწამ მშობელმა,
გული გვაქვს პაპათეული,
სისხლი გვიფუის მარღვებში,
სისხლი ლაშქრობას ჩვეული,
მკლავიც გვაქვს შამქორს ნაცადი,
არა ვართ გამორჩეული!

პაპა-ფაშაველა



**ნუგზარ
ხუცურაული**

ნუგზარ ხუცურაული დაიბადა 1957 წელს თბილისში. 1974 წელს დაამთავრა თბილისის 133-ე საშუალო სკოლა. 1976 წელს კი – 26-ე პროფტექნიკური სასწავლებელი.

1980 წელს შევიდა ვაჭრობის თბილისის ტექნიკუმში, 1983 წელს დაამთავრა და მიენიჭა ტექნოლოგის კვალიფიკაცია. 1984 წლიდან 1991 წლამდე მუშაობდა სპეციალობით.

1992 წლის 1 დეკემბერს ჩაირიცხა ბატალიონ „თბილისში“.


1992 წლის 7 დეკემბერს გმირულად დაიღუპა აფხაზეთში სოფელ კონარასთან საბრძოლო ოპერაციის დროს.

ნუგზარ ხუცურაული საკვილის შემდეგ დაჯილდოვდა ვახტანგ გორგასლის III ხარისხის ორდენით.

* * *

თუ ამამყრიდით მტრის ჯავრსა,
შვილთ არც კი მოვიგონებდი,
რალა მიჭირდა, თუ მტრისას
გაჟლეტას გავიგონებდი.

ვაჟა-ფშაველა



**ვალერი
ჯამბაზიშვილი**

ვალერი ჯამბაზიშვილი დაიბადა 1966 წელს, სწავლობდა ქალაქ თბილისის 136-ე სკოლაში. 1984 წელს დაამთავრა I მუსიკალური სასწავლებელი. 1986-87 წლებში მსახურობდა ჩეხოსლოვაკიაში, არშიაში. 21 წლის ასაკში დაიწყო მუშაობა ჯერ თემქის ქარხანაში შემღებლად, შემდეგ – სამშენებლო სამ-მართველოში.

1989 წლის აგვისტოში ჩააბარა მისაღები გამოცდები ხარკოვის იურიდიულ აკადემიაში დასწრებულ განყოფილებაზე, სადაც ჩაირიცხა და ღლემდე იყო აკადემიის V კურსის წარჩინებული სტუდენტი.

არდადეგებზე ოთხი დღის ჩამოსულიც არ იყო, რომ მოხალისედ ჩაეწერა აფხაზეთში წასასვლელად. მოხვდა ბაბუშერის საარტილერიო ნაწილში, იძალა, რომ გადასულიყო დესანტთა რიგებში, მათთან ერთად პირველი შევიდა სოფელ შრომის მისადგომებთან. 400 გრამი სისხლი მის მეგობარს გადაუსხა და იმის მაგივრად, რომ დაესვენა, იმ წუთშივე წავიდა შეტევაზე, სანამ ავტომატის ტყვიები ჰქონდა, თავდადებული იბრძოდა, როცა კი გაუთავდა, იარაღი გვერდით მოისროლა და დაიწყო დაჭრილების გამოყვანა. რამდენიმე დაჭრილს უშველა და გამოიყვანა, თვითონ კი ნამსხვრევი მოხვდა გულში და სულიც იქვე განუტევა.

* * *

...დაჰკარით, ძმებო, დაჰკარით,
ჩვენს ხმლებს მტრის სისხლი ნუ მოშივდება:
სულ იკაშკაშებს ჩვენი ვარსკვლავი,
ჩვენს საარაკო გმირებს დიდება!

ალექსანდრე სავაია



**დავით
ჯავახური**

დავით (დათო) გიორგის ძე ჯავახური, დაბადებული 1969 წლის 24 ივლისს კასპში, განათლება საშუალო-სპეციალური, უცოლო.

კასპის მეორე საშუალო სკოლის დამთავრების შემდეგ სწავლა გააგრძელა კასპის ინდუსტრიულ ტექნიკუმში. იტაცებდა ხატვა, მუსიკა, ტექნიკუმის დამთავრების შემდეგ 1987 წელს გაიწვიეს სავალდებულო სამხედრო სამსახურში. დათო მსახურობდა ჩეხოსლოვაკიაში.

შემდეგ მუშაობა დაიწყო საწარმოო გაერთიანება „კასპცემენტში“ მუშად.

1992 წლის 21 დეკემბერს დათო გაიწვიეს ქ. გორში ეროვნული გვარდიის ნაწილებში. შემდეგ შევიდა ბატალიონ „ავაზში“. 1993 წლის 1 მარტს სოფელ ლაბრასთან მტერთან მძიმე შეტაკების დროს დათო გმირულად დაიღუპა ბრძოლის ველზე.

დაკრძალულია კასპში.

* * *

...არ არსებობს სხვა სიტყვები,
მას მივყენდე, მას მივყვები,
სადაც კი ვარ, მზეში, ქარში,
ხმაღს არ ვაგებ მე ქარქაშში,
ორი სიტყვა წინ მიძღვება:
„სამშობლო“ და „გამარჯვება!“

იოსებ ბრიშაშვილი



ხვთისო ჯაბნიაშვილი

დაიბადა 1971 წელს. ცხოვრობდა თბილისის ძველ უბანში – ფონიჭალაში. აქ დაამთავრა 127-ე სკოლა. შემდეგ მუშაობდა ელექტროშემდუღებელ ქარხანაში. დაოჯახდა და ოჯახს თავისი ალალი შრომით არჩენდა. დარჩა დედა – ლალი, დაიკო – ეკა, ძმა – ვაჟა, მეუღლე – შორენა და ბოლოს, ოჯახის დიდი სიხარული – პატარა ეკა, მამის საფიცარი.

საქართველოს მთლიანობას საფრთხე დაემუქრა და ვაჟკაცს გული რას გაუძლებდა, საქართველოს ტერიტორიული მთლიანობისათვის დამცველთა რიგებში ჩადგა. იბრძოდა შრომაში, ცავერში, შემდეგ ოჩამჩირეში, სოფელ ლაბრასთან კი, ფერმებთან დახვედრისას სნაიპერის ტყვიამ უწია. ეს იყო 1993 წლის თებერვალში.

სამშობლოს დაცვას შეეწირა გულანთებული ჭაბუკი ხვთისო ჯაბნიაშვილი.



**თამაზ
ჯვალადი**

თამაზ ჯვალადის ძე ჯვალადი დაიბადა 1969 წელს ქ. თბილისში. 148-ე საშუალო სკოლის 8 კლასის დამთავრების შემდეგ სწავლა გააგრძელა 110-ე პროფსასწავლებელში – ელექტრომემდულებლობას დაეუფლა.

1987 წელს გაიწვიეს სავალდებულო სამხედრო სამსახურში, რომლის მოხდის შემდეგ მუშაობა დაიწყო „კავკაზელექტროქსელში“ № 90 მექანიკურ კოლონაში მძღოლად.

1992 წელს 7 დეკემბერს თამაზი მოხალისედ შევიდა ბატალიონ „აეზაში“ და წავიდა საქართველოს ტერიტორიალური მთლიანობის დასაცავად აფხაზეთში. იგი ვაჟკაცურად იბრძოდა ფრონტის წინა ხაზზე, ცნობილი 2 ივლისის დესანტის გადმოსხმის დროს სოფ. ტამიშთან გმირულად დაეცა ბრძოლის ველზე.

* * *

სამშობლო, დედის ძუძუი,
 არ გაიცვლების სხვაზედა,
 ორივე ტკბილია, ძმობილო,
 მირჩევნის ორთავ თვალებდა,
 როგორც უფალი, სამშობლოც
 ერთია ქვეყანაზედა.

რავიელ პრისტავი



პაატა ჯანიაშვილი

დაიბადა სოფელ დიღომში 1966 წლის 21 თებერვალს, დაამთავრა დიღომის საშუალო სკოლა. მსახურობდა ქ. პერმში შინაგანი ჯარის რიგებში. იქიდან ჩამოიტანა ბრწყინვალე დახასიათება და მიმართვა — ლიმიტი, რომ შესულიყო მილიციის რიგებში. ამბობდა, სამშობლოს ამ სფეროში სათანადოდ ვემსახურებიო. 1992 წლის 20 თებერვალს შევიდა ეროვნული გვარდიის რიგებში. პირველი დღიდანვე გამოიჩინა თავი მტკიცე ხასიათით, სიმამაცით. შემდეგ სამაჩაბლოს ბრძოლებში მიიღო მონაწილეობა. იქვე ორჯერ დაიჭრა. შემდეგ კაპიტნის წოდება მიანიჭეს და თიანეთის ბატალიონის შტაბის უფროსად დანიშნეს.

14 აგვისტოს აფხაზეთში შევიდა. უკვე დიდგორის ბატალიონის წევრი გახდა. თანამებრძოლები და მეგობრები გაოცებით აღევენებდნენ თვალს მის მოქმედებებს. ჩქარი, შემსრულებელი, უშიშარი და გამბედავი იყო, ასე ყვებოდნენ მასზე. ყველანაირ ტექნიკაში ერკვეოდა. ჯერ ტანკისტად იყო, მერე გული რომ ვერ უთმენდა, გადმოხტებოდა და ტყვიამფრქვევთან დადგებოდა. იქაც დაიჭრა მარცხენა ბეჭის არეში. ჰოსპიტალიდან მეორე დღესვე გამოვიდა და ისევ ამბობდა. გადაღებული აქვს უამრავი ვიდეომასალა, არაერთხელ გამოსულა ტელევიზიით. მალე გმირობისათვის მაიორის წოდება მისცეს. რამდენი მეგობარი გამოუყვანია ბრძოლის ველიდან! ბოლოს 19 წლის ბიჭი დაჭრილი გამოიყვანა და ექიმებს ჩააბარა, თვითონ კი ისევ შებრუნდა, ეს იყო 1 ნოემბერს ზოფელ შრომასთან საღამოს 8 საათზე. შეუწერებელი სროლების დროს პაატა თითქოს რაღაცას გრძნობდა, ამბობენ, ვერ ისვენებდაო, ხან ტანკიდან, ხან ავტომატიდან და ბოლოს ყუმბარმტყორცნიდან 3-ჯერ გაისროლა, მაგრამ ურჯულს სწაიპერს უკვე აყვანილი ჰყავდა მიზანში და პაატამ მიმაღლა ვეღარ მოასწროო. პაატა გმირულად დაეცა ბრძოლის ველზე. ვინ იცის, რას ფიქრობდა მაშინ...

იქნებ, თავისი 4 წლის პატარა ნათია ელანდებოდა. წავიდა პაატა და დატოვა
 ოღლად 4 წლის ნათია ჯანიაშვილი და ქვრივად მეუღლე — მედეა ჯანიაშვილი.
 დაიმარხა თავის სოფელში, 8 ნოემბერს და დაუტოვა თავისი მამის სახელი!



**კონსტანტინე (კოტე)
 ჯანაჯღავა**

მეხის გავარდნას ჰგავდა თბილისის ცაზე აფხაზეთიდან მოსული ღიმილი-
 ანი ბიჭის სიკვდილის ამბავი. აღარ გაივლისო რუსთაველზე კოტე ჯანაჯღავა-
 კაცი, რომელიც ერთნაირად უყვარდა დიდსა და პატარას, ნაცნობსა და მეგო-
 ბარს.

ბუნებით დაუდგრომელს ყველაფერი აინტერესებდა და ახალ-ახალი თავ-
 გადასაველებისაკენ უწევდა გული. ფათერაკიანი იყო: ჯარში წასვლისთანავე ლე-
 ნინაკანში შეესწრო მიწისძვრას, ბათუმში—მეწყვრს, აფხაზეთში—უნივერსიტე-
 ტის დარბევას, 9 აპრილის ძეგლის დასაცავად სვანეთის მთებიდან გადავიდა
 მეგობრებთან ერთად სოხუმში, ცხინვალთან მოექცა ალყაში.

სიცოცხლე უყვარდა მეგობრების ჭირის გამზიარებულს. მაგრამ, თუ საჭირო
 იყო, თავის სიცოცხლესაც არად დაგიდევდათ. აფხაზეთში უნივერსიტეტის დარ-
 ბევისას დაჭრილ-დახოცილები რომ გამოჰყავდა, ერთ-ერთ ექთანს უთქვამს:
 წადი, შვილო, თბილისში, აქაურობას გაერიდეო, უპასუხნია: ისეთი დედის გაზ-
 რდილი ვარ, თბილისში რომ ვიყო, აქ უნდა წამოვიდეო. როცა უცხოელმა კო-
 რესპონდენტმა რუსეთის ჯარიდან გამოქცევის მიზეზი ჰკითხა, უპასუხა: „მე
 ის ადამიანი ვარ, მონობას რომ ვერ ვგუება. თავისუფალი ვარ და ვიქნები მუდამ.
 და ვინც ამაში ხელს შემაშლის და ჩემს დამონებას დააპირებს, სამართლიან
 სასჯელს ვერ გაექცევა. თუ მტერი ფიზიკურად მომერევა, სულს ვერანაირი ძა-
 ლით ვერ დაჯაბნის. და ეს იმიტომ, რომ მე საქართველოსათვის ლაღი და თა-
 ვისუფალი ვარ“.



...და მან საქმით დაადასტურა თავისი სიტყვა.
 საქართველოს კონტრდაზვერვის საიდუმლო განყოფილების ვეფხველი გარდა
 გაზრდა გამგე გაგრასთან პირველი გადავიდა შეტევაზე. სწორედ მტერს დავერდებო
 მის გვერდით პირველი ჭურვი და ხელი მოწვევითა. მანამ ესროდა მტერს შეუ-
 ჩერებლივ, სანამ საბედისწერო ტყვიამ არ უწია.

22 წლისა წავიდა კოტე ჯანჯღავა, კაცი, რომელიც დააკლდა თბილისს.

მირიან კალანდარიშვილი



**ნოდარ
 ჯანაშვილი**

დაიბადა 1956 წლის 15 აპრილს ცხინვალის რაიონის სოფელ საცხენეთში.
 1963 წელს შევიდა სოფელ საცხენეთის დაწყებითი სკოლაში, შემდეგ სწავლა
 გააგრძელა სოფელ ვანათის საშუალო სკოლაში, დაამთავრა 1973 წელს და
 იმავე წელს ჩაირიცხა საქართველოს რესპუბლიკის უმაღლესი და
 საშუალო სპეციალური განათლების სამინისტროს ფოთის პედრომელიორაცი-
 ულ ტექნიკუმში. 1974 წელს გაიწვიეს სავალდებულო სამხედრო სამსახურში.
 პირნათლად იმსახურა და დაბრუნდა 1976 წელს. სწავლა კვლავ გააგრძელა
 თავის ტექნიკუმში და დაამთავრა 1978 წელს. იმავე წელს მამის დაღუპვის
 გამო დაუბრუნდა მშობლიურ სოფელს და მუშაობა დაიწყო ქ. ცხინვალის
 მტკვარწყალმშენში უფროს ოსტატად. 1980 წელს დაოჯახდა, შეეძინა სამი ქა-
 ლიშვილი, იყო ჩინებული მეუღლე. სამუშაოდ გადავიდა ცხინ-
 ვალის რკინაბეტონის ქარხანაში 1987 წელს საამქროს უფროსად, მაგრამ 1988
 წლის 23 ნოემბერს, როდესაც საქართველოს ყველა კუთხიდან ხალხის ბრბო
 შემოვიდა ცხინვალში, მოლაპარაკების მოზნით დაიწყო ოსებსა და ქართველებს შო-
 რის ურთიერთობის გამწვავება, ცხინვალი ჩაიკეტა და ყველა ქართველი იძულებუ-

ლი გახადეს ძალით თუ ნებით დაეტოვებინათ ქალაქი, ნოდარმაც მიატოვა ცხინვალი და დაბრუნდა სოფელში. იცოდა, რომ ამ ამბავს კარგი არაფერი მოჰყვებოდა და გადაწყვიტა ქ. რუსთავეში ბინა შეეძინა, რათა მის ცოლ-შვილს უმძირად ეცხოვრა იქ. ნოდარმა ოჯახი გადაიყვანა საცხოვრებლად რუსთავეში, მაგრამ თვითონ კვლავ დაუბრუნდა მშობლიურ სოფელს, აიღო ხელში იარაღი და ჩაერთო ეროვნულ მოძრაობაში. 1990 წლიდან სოფლებში მდგომარეობა გამწვავდა, ოსი ექსტრემისტები იმდენად გათავზედნენ, რომ პირდაპირი იერიშით უტყედნენ სოფლის მოსახლეობას. მათ ხომ დახვედრა სჭირდებოდა. 1991 წლის შემოდგომით მრავალჯერ დაესხნენ თავს სოფლებს ვანათს, საცხენეთს, ბელოთს, სადაც ნოდარი შეუპოვრად იბრძოდა და უვნებელი ბრუნდებოდა ბრძოლის ველიდან. 1992 წლის გაზაფხულზე შეტაკება სოფელ საცხენეთის მისადგომებთან 5 საათი გაგრძელდა. ჩვენმა ბიჭებმა მტერი უკუაგდეს. დანაკლისი კი განიცადეს, მაგრამ მაინც გაიმარჯვეს. იმ დროს სოფლებში ჩამოყალიბებული იყო შტაბები და ერთი შტაბის უფროსად ნოდარიც აირჩიეს. ის უძღვებოდა წინ ბიჭებს, ტყვია-წაშალს აწვდიდა, მათ, თვითონაც წარმართავდა ჰაუბიცის ცეცხლს. მისი ქმედება ოსებს არ გამოპარვიათ და 1992 წლის 3 ივლისს, როდესაც იგი ოსების მიერ მძევლად აყვანილი ხალხის გამოსახსნელად მიდიოდა, ჩვენს საკუთარ მიწაზე, გზაზე ოსმა ექსტრემისტებმა მუხანათურად მოკლეს მანქანაში ისე, რომ იარაღის გასროლაც კი ვერ მოასწრო. შეეწირა იგი სამშობლოს, თავის კუთხესა და ხალხს, 36 წლის ასაკში დატოვა ცოლი და სამი პატარა ქალა-შვილი. წავიდა ამ ქვეყნიდან მისი ლამაზი სიცოცხლე, დარჩა მხოლოდ მოგონება, რამდენი სიკეთის მოტანა შეეძლო მას ქვეყნისათვის, ხალხისათვის! იგი დარბადეს 1992 წლის 7 ივლისს მშობლიურ სოფელში.

* * *

არ უფრთხოდა მტერს ქართველი,
არ იცოდა გმირმა შიში,
ქართველს მტრისთვის ჰქონდა ხმალი,
შეტევა და იერიში.
დღეს სამშობლოს მეტი უნდა
გმირობა და ერთგულება,
ქართველ ვაჟკაცს ძილი არ სწამს,
თუ კარს მტერი ეგულება.

ირაკლი აბაშიძე



**ლევან
ჯაში**

იღბა 6 ივლისი, წელი 1993...


იყო ერთი თბილისელი ტანადი, მოხდენილი, პატიოსანი, კეთილშობილი, მასზე უფროსების პატივისმცემელი, განსაკუთრებით ბავშვების მოყვარული, თვითონაც ბავშვივით გულბრყვილო, ყველა გაჭირვებულის დამხმარე და შემბრალბელი ლევან ჯაში.

ლევან როსაბის ძე ჯაში დაიბადა 1963 წლის 18 აგვისტოს, 1980 წელს, თბილისის № 147 სკოლის დამთავრებისთანავე თბილისის პოლიტექნიკურ ინსტიტუტში ჩაირიცხა. ინსტიტუტის დამთავრების შემდეგ მუშაობა დაიწყო თბილისის ელექტროაპარატურების ქარხანაში. ლევანი სასწავლებელში იყო თუ სამსახურში, ყველგან ყველას უყვარდა, თავისი ალალი, ხალასი ადამიანობის გამო. შემდეგ ლევან ჯაშს საქართველოს რესპუბლიკის თავდაცვის სამინისტროს შეიარაღებული ძალების № 11 ბრიგადაში, ნაწილი 05750, სატანკო ბატალიონში ვხვდავთ.

უფროსმა ლეიტენანტმა ლევან ჯაშმა პირნათლად მოიხადა თავისი მამულიშვილური ვალი სამაჩაბლოში, ლევანი აღფრთოვანებული დაბრუნდა სამაჩაბლოდან, — ნახა ჩინებულად მოქართულე, მსუყე სოფლები და მშრომელი ხალხი. როგორ შეიძლება „სამაჩაბლო მტერს რომ ჩაეკდოთ ხელშიო, — გულით უთქვამს ლევანს.

და, აი, დატრიალდა ჯოჯოხეთი აფხაზეთში; და ისიც უყოყმანოდ გაეშურა საქართველოს ამ ძირძველი მიწის დასაცავად.

აფხაზეთში თანამებრძოლები ლევანს ასე ახასიათებდნენ: იყო მეგობრების მიმართ ყურადღებაანი, მიზანში კარგად ისროდა, იყო ლომივით მეომარი, ამიტომ ბიჭებმა ზედმეტსახელად მას „ლომი“ შეარქვეს.



ერთ დღეს ლევანს ამხანაგებმა უთხრეს: ლევან, შენ მიზანში კარგად იმ-
ვრი და იმ შენობას ესროლე, მოახვედრებო მაგრამ ლევანი არ დაეთანხმა...
რადგან მისთვის ცნობილი იყო, რომ ამ სკოლის შენობაში, გარდა მწერის
ტრემისტებისა, იყვნენ ბავშვებიც და ქალებიც.

იღვა ზაფხული, 6 ივლისი, 1993 წელი... ეს დღე ლევანისათვის საბედის-
წერო გამოდგა. 2 ივლისს მტერმა სრულიად მოულოდნელად მრავალრიცხო-
ვანი დესანტი გადმოსხა ტაშიშის მიდამოებში. მტრის მრავალრიცხოვნების მი-
უხედავად, მეომრები ჩაებნენ ბრძოლებში...

2-6 ივლისს მძაფრი ბრძოლები მიმდინარეობდა, სოფელ ტაშიშში და ტა-
შიშის მაიმუნისსაშენ შენობაში გამაგრებული დესანტის საწინააღმდეგოდ. ერთ-
ერთი მორიგი საბრძოლო ოპერაციის ჩატარების დროს, ლევანმა მტერს ტან-
კადან სროლა დაუწყო, განსაცდელში ჩავარდნილი თავის მეგობრების გადასარ-
ჩენად და მტერზე გამარჯვების იმედით... როცა მან მეგობრის ავტომატი აიღო,
(მტერს რომ არ ჩავარდნოდა ხელში) და ტანკში ჯდებოდა, მტრის ტყვია კე-
ფაში მოხვდა და ტანკიც მაშინვე აფეთქდა, ლევანთან ერთად აქ, ამ ტანკში
დაიღუპა მისი მეგობარი თამაზ გელაშვილიც... „კვდებოდა და მაინც სამშობ-
ლოს ხედავდა“, ასეთ ვაჟკაცებზევა ნათქვამი. ლევანმა და თამაზმა თავიანთი
თავგანწირული მოქმედებით, მათ წინაშე დასახული საბრძოლო ამოცანა სამ-
შობლოს წინაშე, პირნათლად შეასრულეს...

მაგრამ ლევანი ვერ დაუბრუნდა საყვარელ მშობლებს, ძმას, ბებიებს, საცო-
ლეს, მეგობრებს, ახლობლებს, აქ, აფხაზეთში დაიმსხვრა მისი სამომავლო
ოცნებები... ლევანის სახელს ნუგეშად, ოჯახში, ლევანის ძმისშვილი ჰატარა
ლევან ჯაში გააგრძელებს ჭეშმარიტად თავისუფალ საქართველოში.

ძნელია ნუგეში სცე ლევანის დედას, რომლის 30 წლის ვაჟკაცს გამოკ-
ვეთილი მიზნები და ოცნებები აუსრულებელი დარჩა, მაგრამ ადვილია სიკვდი-
ლი, როცა აღასრულა მოვალეობა მამულიშვილური, დასდო თავი სამშობლო-
სათვის.

და, ამიტომ საამაყოც ბევრი აქვთ მშობლებს, რომელთა ვაჟკაცი საქართვე-
ლოს გმირად იქცა, მის ნათელ ხსოვნას დავიწყება არ უწერი!ა!

მზია ბალანჩივაძე



— დედაო ღვთისაჲ! შენი ხვედრია
ეს საქართველო დიდჭირნახული,
შეუნდევ ცოდა!.. ნუ აალებ ხელს
ლმობიერებით იბრუნე გული!..
მოეც კურთხევა ზეცით, მაღალო,
და გარდმოსახე ძლიერად ჯვარი,
რომ აღადგინო ქართველთა ერი,
დღეს დაცემული და ცოცხალ-მკვდარი!



**რევაზ
ჯაში**

მაიორი რევაზ შამიას ძე ჯაში, დაბადებული 1937 წლის 1 იანვარს თბილისში.

შინაგან ჯარებში მსახურობდა 1991 წლიდან მთავარ სამმართველოში ოფიცრის თანამდებობაზე.

დაიღუპა 1992 წლის 14 აგვისტოს გულრიფშის რაიონში.



**ზურაბ
ჯაშიაშვილი**

ზურაბ მიხეილის ძე ჯაშიაშვილი დაიბადა 1968 წლის 23 ოქტომბერს, ქ. თბილისში. განათლება — ტექნიკური, უცოლო. მცხოვრები ქ. თბილისში, რუსთავის გზატკეცილი, № 39-ში.

1975-85 წლებში სწავლობდა თბილისის № 127-ე საშუალო სკოლაში, რომლის დამთავრებისთანავე ჩაირიცხა თბილისის მანქანათმშენებლობის ტექნიკუმში.

1986 წ. გაიწვიეს სავალდებულო სამხედრო სამსახურში, ქ. მოსკოვში, სადაც 1988 წლამდე იხდიდა ოცეულის მეთაურის მოადგილის თანამდებობაზე მხედრულ ვალს.

სამსახურის დამთავრებისთანავე სწავლა ისევ გააგრძელა მანქანათმშენებლობის ტექნიკუმში, რომელიც დაამთავრა 1990 წელს.

1991 წლის გაზაფხულზე შევიდა საქართველოს რესპუბლიკის თავდაცვის სამინისტროს სწრაფი რეაგირების კორპუსის (გვარდიის) შაენაბადას ბატალიონში ოფიცრად.

1992 წლის გაზაფხულიდან იმყოფებოდა ფოთში, სადაც დისლოცირებული იყო შაენაბადას ბატალიონის ნაწილი, იბრძოდა სამაჩაბლოში და საქართველოს სხვა ცხელ წერტილებში. მტრის მუხანათურმა ტყვიამ მოუსწრაფა სიცოცხლე 1992 წლის 15 აგვისტოს დაბა ლესელიძეში.

დასაფლავებულია ფონიჭალის სასაფლაოზე.

ზურაბ ჯაშიაშვილი სიკედილის შემდეგ დაჯილდოვდა ვახტანგ გორგასლის III ხარისხის ორდენით.

ნარგიზა ლომთაძე



ზურაბ
ჯაჭვამია

დაიბადა 1958 წლის 3 დეკემბერს. ქალაქ თბილისში. 6 თვისა იყო, როცა მამა გარდაეცვალა. ზურას დედამ — ქალბატონმა ნანამ ადრე დაობლებული შვილები ისე გაზარდა, რომ მათ დედის პატიოსანი შრომით ნაშოვნ ილუკის ფასი და ფადრი იცოდნენ. შემდეგ რამდენჯერ უთქვამს ზურას: დედა რომ კარაქს მოგვიტანდა და ჩვენ გვინახავდა, თვითონ არ ჭამდა, სოფიკოც არ ჭამდა, ზურამ

ჭამოსო. მე კიდევ ჩემ დაიკოს — სოფიკოს ვუნახავდი და ბოლოს გვიფუჭდე-
ლებოდაო...

დაამთავრა თბილისის 62-ე საშუალო სკოლა. სავალდებულო სამხედრო სწავლა
მსახური მოიხადა ყაზახეთში, სემიპალატინსკში. სწავლობდა სოხუმის სუბტ-
როპიკულ ინსტიტუტში საინჟინრო-ტექნოლოგიურ ფაკულტეტზე. ამიტომაც
ამბობდა, მიყვარს ეს ქალაქიო. მუშაობდა თბილისის ჩაის საწონ ფაბრიკაში
ინჟინერ-ტექნოლოგად.

აფხაზეთში ომი რომ დაიწყო, ზურა ამბობდა:

აფხაზი რძლის პატივისცემით და სოხუმის სიყვარულით, დასანგრევად იქ
არ წავალო.. იქ სწავლის პერიოდში რამდენჯერმე მოუწია აფხაზურ ოჯახში
ყოფნამ სოფელ ღვადაში და ამბობდა:

„გულით იციან რძლის ნათესავებმა მიღება და პატივისცემაო“...

უყვარდა დედულეთი — თავისი ბავშვობის სოფელი საყდრიონი თიანეთის
რაიონში.. პაპა და ბებო, „მთელ მსოფლიოში ბებიაჩემისნაირი ხინკალი არავინ
იციოს!“ უყვარდა იქ წასვლა სათევზაოდ ხან ამხანაგებთან ერთად და ხანაც
მარტო.

და გაზაფხულზე, როცა აყვავდა ნუში და იასამანი, როცა მიწიდან თავი-
ამოყვეს ლურჯმა იებმა, როცა თითქმის მთელი აფხაზეთი გადაიწვა და დაინგრა,
სოხუმი ჩამოიშალა... აიღო ავტომატი და წავიდა.

გამომშვიდობებისას მეუღლეს უთხრა:

— ჩემი ერთადერთი სიყვარული ხარ და იცოდე, თუ არ დაებრუნდი, თამუნას
უძამობა არ აგრძნობინო... პატარა თამუნამ კი თილისმა — პატარა ფუმფულა
გნომი ჩაუღო გულის ჯიბეში და უთხრა:

— მამიკო, იცოდე, არ ამოიღო ჯიბიდან, სანამ ომი არ დამთავრდება და არ
ჩამოხვალო.

ომში წასული დაუმეგობრდა გია ჩიხრაძეს — მასავით ობლობაში ვაზ-
რდილს. ახლადდამეგობრებულმა ბიჭებმა სიკვდილის უშიშმესი წუთებიც ერთად
გაიზიარეს სოფელ ახალშენის მიწაზე.

ალარ დაბრუნდნენ, ისევე როგორც ბევრი თბილისელი ბიჭი, თითქოს ვე-
ლა ერთნაირი და ჩვეულებრივი, და ყველა მაინც რალაცით გამორჩეული.

გვერდიგვერდ არიან ზურა და გია საბურთალოს საძმო სასაფლაოზე ფი-
ზიკურად, სულიერად კი მათი სული განიბნა და ჩასახლდა იმ ადამიანებში, ვინც
მათ უყვარდათ. ვერ უშველა პატარა თამუნას თილისმამ ზურას. მორგიდან ჭო-
იტანეს ეს პაწაწინა გნომი და გულზე დაადეს ბიჭებმა.

შემდეგ კი სკოლაში, როცა ბავშვებმა დაწერეს — თემა „რაზე ვოცნებობ“,
9 წლის თამუნამ მზის ჩასვლა ზღვაზე დახატა და დაწერა: „პირველ რიგში
ვოცნებობ, რომ მამა გამიცოცხლდეს. მამა, ღედა და მე ვიყოთ ერთად“.

ზურა ჯაჭვადე დააღუპა სოხუმკესთან. იყო უშიშროების სამმართველოს
ცალკეული სადესანტო მოიერიშე ბატალიონის მეთაურის მოადგილე, კაპიტანი.

ზურაბ ჯაჭვადე სიკვდილის შემდეგ დაჯილდოვდა ვახტანგ გორგასლის
I ხარისხის ორდენით.



**ვასიკო
ჯიგირანაშვილი**

არსებობს გრძნობები, რომელთა შესახებ საუბარი ძნელია. ეს გრძნობები უსიტყვოდ უნდა გესმოდეს. ისინი ვასიკოს უსიტყვოდ ესმოდა. ერთი შეხედვით, ჩვეულებრივადაც ცხოვრობდა.

დაიბადა 1969 წლის 11 მაისს, სწავლობდა I ექსპერიმენტულ სკოლაში. მომავალს იმედით შეჰყურებდა, მაგრამ... პირველი უბედურება მამამისის ბატონი სიკოს დაღუპვა იყო. ოჯახის სიმძიმე ვასიკოს მხრებს უნდა ეზიდა, უნდა ეპატრონა უმცროსი დაიკო მაიკოსათვის, ყველასათვის დედასავით საყვარელი ქალბატონი ელიკოსათვის. მწუხარების შემდეგ თითქოს ისევ სიხარულმა დაისადგურა ოჯახში – ვასიკო დაქორწინდა. გაჩნდა პატარა ხატია, მაგრამ დაიწყო ომი... როგორც ყველა ნამდვილი მამულიშვილი, ვასიკო სამშობლოს იცავდა, „თეთრი არწივის“ წევრი იყო, საოცრად ერთგული, ძმობაში უღალატო და ძალიან სათუთი ბუნების ადამიანი. მეგობრები ხუმრობით „კომპარას“ ეძახდნენ. 25 დეკემბერს, 1992 წელს ოჩამჩირის მისადგომებთან, სოფ. აძიუბუასთან იმსხვერპლა მტრის ტყვიამ. რამდენი ტკივილი, რამდენი აუხდენელი ოცნება დარჩა ვასიკოს! არ დაავიწყებენ პატარა ხატიას მამიკოს და, თუ წარსულ გმირებზე უამბობდნენ გოგონას, ახლა ხატიას მამის ვასიკო ჯიგირანაშვილის სახელიც დარჩება სამარადისოდ.



**ვასილ
ჯვართავა**

ვასილ (ვასო) მურადის ძე ჯვართავა, დაბადებული 1969 წლის 20 ივნისს ლანჩხუთის რაიონის სოფელ ჯურუყვეთში. განათლება—საშუალო-ტექნიკური.

1977-86 წ. სწავლობდა ბაღდათის რაიონის სოფელ ქვედა დიშის I საშუალო სკოლაში.


1987-92 წლებში სწავლობდა ახალციხის სასოფლო-სამეურნეო ტექნიკუმის აგრონომიულ ფაკულტეტზე.

1987-89 წლებში პირნათლად მოიხადა სავალდებულო სამხედრო სამსახური.

1992 წლის სექტემბერში მოხალისედ ჩაირიცხა ეროვნული გვარდიის „ავაზას“ ბატალიონში. იყო ზემდეგი, ტანკისტი, 1993 წლის 15 იანვარს გმირულად დაიღუპა აფხაზეთში.

ვასოს დარჩა წლის და 6 თვის ბექა, ატრემლეული დედა, და ორი და.

დასაფლავებულია ბაღდათის რაიონის სოფელ საიმედოს სასაფლაოზე.



**ტრისტან
ჯიროვილი**

ტრისტან ნიკოლოზის ძე ჯიროვილი დაიბადა 1952 წლის 15 ივნისს ცხინვალის რაიონის სოფელ ქურთაში, კლუხის ოჯახში. რეალური სკოლის დამთავრების შემდეგ 1964 წელს სწავლა განაგრძო ილია წინამძღვრიშვილის სახელობის სოფლის მეურნეობის ტექნიკუმში მეფუტკრეობის სპეციალობით. 1970 წელს დაამთავრა ტექნიკუმი. მუშაობა განაგრძო ერედვის მეფუტკრეობის მეურნეობაში უფროს ინსტრუქტორად. 1971 წლიდან 1979 წლამდე მსახურობდა ფსკოვის დესანტის დივიზიაში, 1974 წლიდან 1977 წლამდე – შინაგან საქმეთა ორგანოში. 1977 წლის აგვისტოდან 1988 წლამდე იყო საბჭოთა კავშირის სამხედრო ოფიცერი. 1989 წლის იანვრიდან ჰქონდა სოფლის მეურნეობის კორპორატივი „თაფლი“, ხოლო 1992 წლის 1 მარტიდან მსახურობდა საქართველოს რესპუბლიკის თავდაცვის სამინისტროს სწრაფი რეაგირების კორპუსის (გვარდია) „შავი ავაზას“ ბატალიონში, ბატალიონის უფროსის მოადგილის თანამდებობაზე, იბრძოდა სამაჩაბლოში ოსი ექსტრემისტების წინააღმდეგ, იცავდა ქართულ მიწას.

1992 წლის 14 აგვისტოს ბატალიონი „შავი ავაზა“ გამოძახების შემდეგ გაემგზავრა აფხაზეთში. დაიღუპა 1992 წლის 26 აგვისტოს სამსახურეობრივი მოვალეობის შესრულების დროს. დარჩა მეუღლე და ოთხი შვილი.



**ოდისეი
ჯირაკიძე**

რიგითი ოდისეი გიორგის ძე ჯიროვი, დაბადებული 1973 წლის 4 აგვისტოს ნოვოსიბირსკის ოლქში. ეროვნებით ბერძენი. მსახურობდა ოპერატიულ პოლკში 1992 წლის მაისიდან. დაიღუპა 1992 წლის 30 აგვისტოს ქ. ოჩამჩირეში.



**კობა
ჯირაკიძე**

დაიბადა ბაღდადის რაიონის სოფ. ფერსათში, 1963 წ. 14 სექტემბერს, მოსამსახურის ოჯახში. 1980 წელს დაამთავრა ფერსათის მეორე საშუალო სკოლა. 1983 წელს მოეწყო სასოფლოსამეურნეო ინსტიტუტში ეკონომიკა-ორგანი-

ზაციის ფაკულტეტზე, რომელიც დაამთავრა 1988 წ. დაქორწინდა 1984 წელს/ ჰყავს ორი მცირეწლოვანი ბავშვი.

ინსტიტუტის დამთავრების შემდეგ დაბრუნდა სამუშაოდ თავის რაიონში, სადაც მუშაობდა ვაჭრობის სისტემაში სხვადასხვა პასუხსავებ თანამდებობაზე. 1991 წ. გადმოვიდა თბილისში სამუშაოდ ვაჭრობის სისტემაში. სამშობლო-სადმი უსაზღვრო სიყვარულმა ვერ მოასვენა მისი ვაჟკაცური სული და 1992 წლის სექტემბრის თვიდან მსახურობდა საქართველოს გვარდიის ბატალიონ „ავაზაში“. ამ მოკლე ხნის მანძილზე ტკბილი მოსაგონარი დაუტოვა მის ახლოობებს კობამ.

დეკემბრის თვეში, სანამ ავაზელები სოხუმს გაემგზავრებოდნენ, კობა მის საყვარელ ცოლ-შვილს, დედ-მამას, დას და ახლობლებს დაემშვიდობა. როდესაც ცრემლი გადმოგვცვივდა, ასე დაგვამშვიდა: თუ სამშობლოს არ დავეხმარეთ, აბა, რა არის ჩვენი ცხოვრებაო და წავიდა. მაგრამ საცოდავს არ დასცალდა დიდხანს ბრძოლა, შეტაკების დროს დაუნდობელმა ტყვიამ განვმარა მისი სათუთი გული.

რა შემზარავი დღე გაუთენდა 6 დეკემბერს კობას ობლებს, მეუღლეს, მშობლებს, დას და ახლობლებს.

წავიდა ჩვენგან იშვიათი ბუნების ადამიანი. რა შეავსებს იმ სიცარიელეს, რომელიც მისი მეუღლის, ქალ-ვაჟის, მშობლების, დისა და ახლობლების გულებში კობას წასვლით დაისადგურებს?

მშვიდობით, ჩვენო საყვარელო კობა, მსუბუქი იყოს შენთვის ღვთისმშობლის წილხვედრი ქართული მიწა, რომლისთვისაც იბრძოდი.

შალვა ჯღარაკაძე

* * *

... შენი სისხლი გიჟური,
სამშობლოსთვის ნაჟური,
კვლავ ჩვენში ჩქეფს ქართულად.
შენი მკლავი მედგარი.
ომში, დაუღეგარი,
მტერზე კვლავ შემართულა! —
რომ არავინ წაგვლეკოს...
შავლეგ, ბიჭო შავლეგო,
შე შავლეგო,

შავლეგო...

გიორგი ლეონიძე



**მამუკა
გვიშნიანი**

მამუკა გვიშნიანი დაიბადა 1973 წელს თბილისში. 1990 წელს დაამთავრა თბილისის 103-ე საშუალო სკოლა.

1992 წლის 17 ნოემბრიდან ირიცხებოდა სწრაფი რეაგირების კორპუსის № 1 ბრიგადის 1 ბატალიონში რიგით მებრძოლად.

1993 წლის 1 ივნისს გმირულად დაიღუპა მოწინააღმდეგესთან შეტაკების დროს აფხაზეთში, სოფელ ლაბრაში.

• • •

... დღეს კუბოში მწოლარე ვარ მკვდარია,
მე რა მესმას, პატრონისთვის მწარია,
მოვალთ, მოვალთ, სოფელი ამგვარია,
ვინც პატივს მცემს, სიცოცხლის ჰამქარია.
ბევრს ნუ მიგლოვით, კმარა,
დაისვენეუთ,
თქვენ მშვიდობით, მიწას
ჩამასვენეუთ...

ივთიმ გურჯი




გუბაშვილი
ჯონათანი

გუბაშვილი ნარიმანის ძე ჯონათანი დაიბადა 1949 წლის 27 დეკემბერს გუდა-
 უთის რაიონის სოფელ ოთხარაში. სპეციალობით – მექანიკოსი. ცხოვრობდა
 ქ. სოხუმში. ჰყავდა მეუღლე და ორი შვილი. სექტემბრის თვიდან იბრძოდა პირ-
 ველ ბატალიონში, იყო მოწინავე ხაზზე გუმისთის მიდამოებში. მერე გადაიყვან-
 ნეს ოჩამჩირეში. საბრძოლო ამოცანის შესრულების დროს დაიღუპა 1993 წლის
 3 იანვარს სოფ. კვიტილთან.

... მოჰმადლე ქართველს ქართველს
 ნდობა და სიყვარული
 და აღუდგინე მშვენიერი ესე
 მამული!..
 კო, სახიერო! ცისარტყელა
 განავლე ცასა,
 რათა წარღვნისა მოლოდინი
 წარხოცო ხალხსა...

ი ლ ი ა



მერაბ ჯორჯიშვილი


დაიბადა ყოფილი ცხინვალის რაიონის სოფელ ვანათში (ჯოჯიაანთ უბანში) 1966 წლის 13 აპრილს. მერაბს მამა 1983 წელს გარდაეცვალა. ჰყავს დედა — ანო ჯოჯიშვილი, ძმა, რძალი და შვილი — პატარა მერაბი, რომელიც მის დალუპვის დღეს დაიბადა. აგრეთვე ჰყავს ორი და.

მერაბმა 1983 წელს დაამთავრა ვანათის საშუალო სკოლა. გამოირჩეოდა მაღალი დისციპლინით. 1984 წელს გაიწვიეს სამხედრო სამსახურში, სადაც საქმის დიდი ერთგულება და უფროსების ნდობა დაიმსახურა. ამას მოწმობს მის სახელზე მოსული მადლობის ბარათები.

1986 წელს მერაბი სამხედრო სამსახურიდან დაბრუნების შემდეგ სწავლას აგრძელებს თბილისის № 62 პროფსასწავლებელში, შემდეგ მუშაობას აგრძელებს ისევ თბილისში.

1989 წელს დაიწყო ბრძოლა ქართველებსა და ოსებს შორის. მერაბი უბრუნდება მშობლიურ კუთხეს, რათა თავი არ დაზოგოს საქართველოს ერთიანობისათვის. და ასეც ხდება. ყოველ სკოლაში ის ყოველთვის წინა ხაზზეა, ამას ადასტურებენ მისი მეგობრები. მერაბი სოფლის დიდი იმედი იყო. როდესაც სოფელს დაესხნენ, მტერს მერაბიც ავტომატმომარჯვებულა დაუხვდა, თავს არ ზოგავდა. ის ოსმა ბოევიკებმა მოიმწყვდიეს ალყაში და ავტომატის ჯერით გულ-მკერდი შეუნგრეს, მაგრამ მაინც არ ეცემოდა, სანამ თვითონაც არ დასცალა ავტომატი. ამას ამბობენ მასთან მყოფი გადარჩენილი ბიჭები. მასთან ერთად დაიღუპა მისი ტოლი და კლასელი სიმონ ხაღური, ისინი ჭირშიც და ლხინშიც სულ ერთად იყვნენ.

ასე დასრულდა ზანმოკლე სიცოცხლე მერაბ ჯოჯიშვილისა 1992 წლის 8 აპრილს.



**ლევან
ჯულაყიძე**

ზემდეგი ლევან შალვას ძე ჯულაყიძე დაიბადა 1964 წლის 12 ოქტომბერს ვანის რაიონის სოფელ ყუმურში.

1993 წლის 20 მარტიდან მსახურობდა საქართველოს რესპუბლიკის შინაგან საქმეთა სამინისტროს შინაგანი ჯარების სწრაფი რეაგირების სპეციალიზირებული ბატალიონის მსროლელად.

1993 წლის 3 ივლისს აფხაზეთში სოფელ ზემო კინდლში მოწინააღმდეგეთა ერთ-ერთი შეტაკების დროს გმირულად დაიღუპა.

* * *

... არ მივცემთ მტერსა სამშობლოს,
გულში დავიცემთ დანასა,
არ მივცემთ უცხო ტომისას
თავის მამულის დაღასა.
ესეც ასწავლონ დედებმა,
შვილთ როს ეტყვიან ნანასა!
გაპზრდისლა კიდევ მშობელი
ვაჟკაცებს ჩვენისთანასა?

პაჟა-შმაჰველა



**ილია
კოვზირიძე**


დაიბადა 1972 წლის 5 სექტემბერს თბილისში. 1989 წელს დაამთავრა თბილისის 24-ე საშუალო სკოლა, ხოლო 1992 წელს – ლანჩხუთის ინდუსტრიული კოლეჯი.

ილია კოვზირიძე ერთ-ერთი იმ პირველ გვარდიელთაგანია, რომლებიც ქაქუცა ჩოლოყაშვილის სახელობის პოლკში მსახურობდნენ. ილია არტილერიისტი იყო, ნაღმსარტყოცნის მეშიზნე. იბრძოდა ჯერ სამაჩაბლოში, შემდეგ, 1992 წლის 13 აგვისტოდან – აფხაზეთში. მონაწილეობას იღებდა ეშერასთან, ტამიშთან, კელასურთან ბრძოლებში.

1993 წლის 2 ივლისს სწორედ მისმა ნაწილმა მიიღო ტამიშთან გადმოსხმული დესანტის პირველი, მოულოდნელი დარტყმა. იგი თავისი ნაღმსატყორცით მუსრს ავლებდა მტერს, მტერსაც შუემნნეველი არ დარჩა, ჩვენი ნაღმსატყორცნი და გაანადგურა კიდეც. ლაბრასთან უთანასწორო ბრძოლაში გმირულად დაეცნენ ილია და მისი თანაპოლკელები.

სიკვდილის შემდეგ ილია კოვზირიძე დაჯილდოვდა ვახტანგ კორჯაღლის II ხარისხის ორდენით.

ნათელში ამყოფოს ღმერთმა მისი სული!



**ლერი
ქარდავა**

დაიბადა 1960 წლის 26 მაისს სოხუმის რაიონის სოფელ შრომაში. წითელ დიპლომზე დაამთავრა სოხუმის ინდუსტრიული ტექნიკუმი. შემდეგ სწავლა განაგრძო როსტოვის საინჟინრო საქმენებლო ინსტიტუტში, დაამთავრა 1992 წელს.

პირველი დღიდანვე ჩაება საქართველოს ერთიანობისათვის ბრძოლაში. იყო ასპეტაური, ლეიტენანტის წოდებით. იბრძოდა ტამიშის, კინდლის, გუმისთის მისადგომებთან. იყო დისციპლინიანია და საქმისადმი ერთგული, მაგალითის მიმცემი მისი ბატალიონის წევრებისათვის. 1992 წლის დეკემბერში მკლავში დაიჭრა. ჭრილობა ფეხზე დგომით მოიშუშა და ერთი დღითაც არ მიუტოვებია თავისი ბიჭები და შტაბი. მარტის დასაწყისში ისევ დაიჭრა. საავადმყოფოდან გამოიპარა და შტაბში იწვა. 1993 წლის 16 მარტს გამთენიისას დაიწყო შემოტევა სოხუმთან. მიმდინარეობდა სამკვდრო-სასიცოცხლო ბრძოლა. მიუხედავად იმისა რომ უფროსები არ უშვებდნენ ფეხში დაჭრილს, არ ისვენებდა: „ჩემი ბიჭები უნდა ვნახო“, ასე ჩაება ბრძოლაში, მას შეეძლო ცოცხალი დარჩენილიყო, მაგრამ მან ეს არ გააკეთა. ლერი ქარდავა უშიშარი მეგრძოლი იყო, არასოდეს დამალულა სხვის ზურგს უკან და იარაღით ხელში სამშობლოს დამცველთა წინა რიგებში იღვა მუღამ.

მტერს გადმოლაზული ჰქონდა მდინარე გუმისთა. ლერი ასაფეთქებლად წინ გაჭირა და ბიჭებს მოაძხა: „აქ არ დამტოვოთო. იმისათვის რომ ეხსნა თანამებრძოლები, ყუმბარმტყორცნელი ესროლაა მტრის მეტყვიამფრქვევეს და ჩააჩუშა. მეორემ კი ცეცხლი ლერიზე გადაიტანა. დაეცა მოწინააღმდეგისაგან სულ ორმოციოდე მეტრის სიშორეზე. მებრძოლებმა ლერი ბრძოლის ველიდან გამოაყვანეს. მას აუტომატი მარჯვენა ხელით გულზე მიხუტებული ჰქონდა. ის იარაღით ხელში მოკვდა.



იმ დღეს სოხუმი გადარჩა.

დაიღუპა 33 წლის ლერი ქარდავა, რომელსაც დარჩა ოთხი წლის გოგონა — ხატია. დარჩა, რომელსაც ვერ ელეოდა, მაგრამ შეილთან ყოფნის გამოცხადების შემდეგ ლოს გადარჩენა ამჯობინა. ის დააკლდა მთელს რესპუბლიკას, რამდენიმე წელიწადი და ენერგიული ახალგაზრდა. პატარა ხატია ხშირად ივონებს მამას, როცა დასაძინებლად ემზადება იბარებს: „მამიკო რომ მოვა, გამაღვიძეთო“. ხატიას მამიკო შტაბში ეგულება.

ლერი ქარდავა სიკვდილის შემდეგ დაჯილდოებულია ღირსების ორდენით.

ხათუნა ჭათავაძე



**ლერა
ქარდავა**

დადიოდი თბილისის ქუჩებში ამაყი და ლამაზი. გიყვარდა გაზაფხული, გიყვარდა სიცოცხლე, დედა, ძმა, მეუღლე, შეილები. ყველაფერი გზიბლავდა ლამაზი და ამადლებული. თავადაც ლამაზს და ამადლებულ სულის პატრონს.

მაგრამ, მაინც სამშობლო იყო შენთვის უპირველესი, ზეშთაებრივი. ამიტომაც იყო, რომ შენ უმალვე იქ გაჩნდი, სადაც ყველაზე მეტად უჭირდა დედა-სამშობლოს... აყივლდა შენში გმირი წინაპრების სისხლი და შენი სიცოცხლე უდრტვინველად მიიტანე სამშობლოსათვის სამხსვერპლოზე ზვარაკად.

2 სექტემბერს, იმ ავბედით დღეს, როდესაც სოხუმი ცეცხლის აღში ინთქმებოდა, მტარვალის მიერ გასროლილმა ტყვიამ შენი სიცოცხლე შეიწირა, სული კი მარადიულობაში გადასახლდა.

ქარი დაჰქრის შენს სევდიან სამარეზე. არა ეს მართლა ქარი არ გეგონოს, ეს შენი მეუღლე — ხათუნა ფორიაქია.

წვიმა გეპყურება გულზე — არა არც ესაა წვიმა. ეს შენი საბრალე დედის მღულარე ცრემლებია. შენი მკლავის სიმკვრე შენი ძმის სიცოცხლეა. გაბრწყინ-

ნებული მზე კი შენი ოთიკოს და პატარა ნათიას ხალასი სიცილია. რადგან სი-
ცოცხლე ისევ გრძელდება როგორც პოეტი იტყოდა:

„ჩვენ შეიძლება ბრძოლაში მოკვდეთ
მაგრამ არც მაშინ ვტოვებთ სიცოცხლეს...“



შენი სიცოცხლე შენს ოთიკოს და ნათიაშია განსახლებული. ჩვენი უსაყ-
ვარლესო ლევან, შენ ისევ ჩვენთან ხარ, რადგან სიკვდილი ვერასდროს ვერ
წაშლის იმას, რასაც ჩვენში შენი სიცოცხლე ჰქვია!!!



36935944
2082010033



50 n 167/353



სარედაქციო კოლეგია მადლოვას უხდის
საქართველოს პრეზიდენტს ელჟარდ შავერდნაძეს,
გამომცემლობა „საბჭოელს“, „საქინფორმის“
ფორმირების ფონდის გამომცემადმი გაწეული
თანაღვრებისათვის

ტექნიკური რედაქტორი
მანანა ღონაძე

გადაეცა წარმოებას 4. 05. 94, ხელმოწერილია დასაბეჭდად 29. 04. 96.
ფორმატი 70×90^{1/16}, პირობითი ნაბეჭდი თაბაჩი 41,54, ლიტერატურული
გარნიტურა, მაღალი ბეჭდვა, შეკვეთა 465, ტირაჟი 2 000.

სახელშეკრულებო ფასი

K 289.909

3

ერეკლე
ნიკოლოზი

